

CONCITO GRANATENSIS




DE SANCTIS




















Page 100

1875



CONCIONES  
DE PRÆCIPVIS  
SANCTORVM  
FESTIS

à Festo beatissimæ MARIÆ MAGDA-  
LENÆ vsque ad finem anni:

Auctore R.P.F. LYDOVICO GRANATENSI,  
Doctore Theologo Ordinis S. DOMINICI.

Mirabilis DEVS in SANCTIS suis. *Psal. 47.*

Cum viro sancto assiduus esto, quemcunque obseruaueris  
timentem Dominum. *Ecclesiastici 37.*



ANTVERPIÆ,  
EX OFFICINA PLANTINIANA,  
Apud Viduam & Filios Io. Moreti.

M. DC. XIV.



# IN FESTO BEATÆ MARIE MAGDALENÆ,

## CONCIO PRIMA:

In qua lectio Euangelica explanatur.

**T H E M A.** *Lacrymis cœpit rigare pedes eius, & capillis capitis sui tergebat; & osculabatur pedes eius, & unguento ungebat. Lucæ 7.*



**R I S T O T E L I S** sententia est, non omnes auditores ad quodvis doctrinæ genus idoneos esse, sed pro dignitate doctrinæ debere auditorum ingenia accommodari. Vnde colligit, adolecentes, qui pro ætatis ratione turbulentis animi motibus exagitantur, ad eam Philosophiæ partem, quæ de virtutum natura tractat (quam Ethicen appellat) percipiendam (quippe quæ sedatum animum requirit) minimè idoneos esse. Cum igitur de mirabili peccatrici mulieris conversione & pœnitentia nobis hodie dicendum sit; auditores certè requirimus veræ pœnitentiæ studiosos, & qui flere magis quàm audire parati sint. Hoc enim animo D. Gregorius ad hoc ipsum argumentum tractandum accessit, cum orationem suam sic exorsus est: Cogitanti mihi de Mariæ pœnitentia, flere magis libet quàm aliquid dicere. Cuius enim vel saxeum pectus istæ huius peccatricis lacrymæ ad exemplum pœnitentiæ non emolliant? Quod si nõ eodem nos animo ad audiendum, quò beatus hic Pater ad dicendum cõuenerimus; frustra insignis hæc mulieris pœnitentia, singularisque erga illam Domini misericordia nobis ante oculos ponetur. Vix enim tanto illo ad pœnitendum exemplo commouebimur, & tanta illa Domini misericordia ad sperandam veniam excitabimur. Quia verò hoc præstare non quidem opis nostræ, sed diuinæ gratiæ munus & beneficium est; ideo hanc à Patre misericordiarum, beatissimæ Virginis interuentu, suppliciter imploremus.

### A V E M A R I A .

**I o a n . 6 .** Inter omnes humanæ vitæ miseras non postremum locum obtrinet illa, quòd homo per se quidem labi potest in peccatum, lapsus verò surgere per se non potest, nisi singulari Dei ope atq. auxilio iuuetur. Sic enim Saluator ait: Nemo potest venire ad me,



me, nisi Pater, qui misit me, traxerit eum. Hieremias quoque, Scio, inquit, Dñe, quòd non est hominis via eius, neque viri est vt ambulet, & dirigat gressus suos. Seras quarundam portarum videmus ea arte fabre factas, vt sine clauibus quidem obserari valeant, sine illis autem aperiri nequeant: ad hunc ergo modum homo per se, sine alicuius patrocinio, rueri in crimen potest, per se tamen, sine Christi ope, & Ecclesiæ clauibus, ab eo emergere nullo modo potest. Sunt aucula quædam oblongis alis, perniciosissimique volatus, quæ si casu in terram deciderint, assurgere, ac volatum resumere non possunt, quòd alarum longitudo terram contingens, conatum ad volandum impediat: id quod iustis etiam in peccatum lapsis contingit: qui quamuis in celum sese diuini Spiritus alis attollant; in peccatum tamen lapsi, nisi Deo opem ferente, & ad gratiam excitante, nullo modo eò redire possunt, vnde corruerunt. Id autem planum fiet, si duo loca in iusti hominis lapsu consideremus: alterum, vnde cecidit; alterum, quò cadendo peruenit. Constat enim iustum cilm labitur, è cælo in abyssum decidere: qui enim decretus erat ciuis Sanctorum, & domesticus Dei, & in libro vitæ concriptus; ex hoc tunc libro deleatur, & inferorum regno, quamdiu ita permanet, ascribitur. Quis ergo illum ab inferiseductum cælo restituere valeat, nisi qui inferorum & cælorum clauis habet? Præterea, si peccatum, cùm consummatum fuerit, generat mortem (quando per illud veram animæ nostræ vitam Deum amittimus) quis mortuū ad vitam reuocare poterit, nisi ille, qui est vita & resurrectio mortuorum? Si vir item iustus esse dicitur lucerna ardēs & lucens; quòd fide luceat, & charitate ardeat: quis ardentem hanc lucernā flagitijs extinctā, nisi Spiritus sanctus (per quem charitas Dei diffunditur in cordibus nostris) accendere poterit? Rursum, si omnis pulchritudo quæ ab intus in simbris aureis in mentibus fulget, eiusdem diuini Spiritus opus & beneficium est, qui miris illā donorum suorum coloribus decorauit: quis amissam renouare valeat, nisi qui solus gratiam donat? Atq. vt hoc ipsum apertius videamus, constat planè, neminem ex iniusto fieri iustum, nisi is peccatū super omnia detestetur, illudq. super omnia vitare constituat: hæc verò duo habere nemo potest, nisi Deū diligat super omnia. Hæc enim tria, dilectio Dei super omnia, odium peccati, & propositū eius omni opera & studio vitædi, ita se mutuo cōsequuntur, vt alterum sine altero cōsistere nullo modo queat. At huiusmodi dilectionē, post naturæ lapsum, nemo, nisi præsentē Dei ope adiutus, habere potest, vt D. Thom. aptissime docet. Occurrit. n. inter omnia primo loco homo ipsi sibi, quē supra Deum, & supra cetera omnia diligit. Cū enim naturæ lapsum audis, hominē intellige, qui re-

Hier. 11.

Simile.

Simile.

Iacob. 3.

Rom. 3.

D. Tho.



Simile.

ctus à Deo conditus fuerat (hoc est ita cōstitutus, vt primo loco conditorē, deinde seipsum diligeret) sic per peccatum inuersum & immutatū, vt is primo quidē loco se, deinde cetera quā ad se, hoc est, ad vitę cultū & voluptatē pertinent, amore sūmmo prosequatur. Quemadmodū enim aqua, quā fistula alicuius artificio sursum agitur, ea dissoluta, vi sua atque pōdere ad ima relabitur: ita planē amor hominis, qui ante communē illam generis humani ruinam originalis iustitię beneficio rectā tendebat in Deum; amissa per peccatū iustitia ad seipsum, hoc est, ad hominē deflexus atque curuatus fuit: vt homo iam, nisi supernaturali Dei ope iuuetur, non possit non se super omnia, supraq. Deum diligere. Quāta sit autem amoris huius vis, vel hoc indicio licebit vtcumq. cognoscere, quōd non rarō in historijs legimus, matres, quarum erga paruulos filios tenerimus ac vehementissimus amor est, cū fame premerētur, ipsos interemisse, vt eorū carnibus deficientē vitā sustinerent: tantus vnicuiq. nostrū sui ipsius amor ingeneratus est. Hęc igitur tanta erga se amoris vis in causa est, vt nemo Deum supra se, sine singulari eius ope, diligere queat: sine hac verō Dei dilectione neq. vera cōtritio neq. firmum sceleris vitandi propositū, ac proinde neq. iustificatio constare potest. Qua in re apparet, vt antē diximus, verē deploranda hominis miseria, qui adeo pōtens ad iniquitatem, adeoq. impotens ad pietatē & iustitiam existit. Per se enim à Deo recedere, non autē per se ad illum redire; per se in peccati barathrum ruere, nō autē per se ab illo emergere valet, quemadmodum ipse per se sibi mortem inferre, non tamen illatam auferre potest. Vnde cū talibus quotidie concionatores Dei iudicium, mortem, incertum vitę exitum, diuinę iustitię seueritatem, supplicia improbis constituta, prēmia bonis proposita, ipsumq. Dei Filium in cruce pendentem, & morte sua peccati malitiā predicantē ob oculos ponāt; nihilo tamē magis his tantis fulminibus commouentur, ac si nulla ratione ad ipsos pertinerent. Immō verō si corā oculiseorū innumera siue miracula, siue supplicia, siue Dei beneficia spectāda proposueris, nisi speciale Dei auxilium adsit, nihil omnia hęc ad mortuam in peccato animā excitandā profuerint. Quot enim miracula Saluator in conspectu Iudæorum edidit? quid verō ex hoc nisi crucis supplicium reportauit? Quot plagis idem Pharaonē attriuit? at post filiorū quoq. interitū adhuc obstinato animo populū Deo propugnatore tutum insectatus est. Quot beneficijs eundem populū Dominus in deserto affecit? Quid deinde? In omnibus, inquit, his peccauerunt adhuc, nec sperauerunt in salutari eius. Post hęc namq. omnia, vidualum fabricati sunt, eiūq. diuinos honores tribuerunt. Videtis ergo sine interna Dei ope, externa omnia

Psal. 77.

CONCIO PRIMA.

omnia salutem minimè conferre? Quæ cum dicimus, fratres, nulli salutis suæ desperationem inijcere, sed illud ostendere volumus, à quo hæc gratia petenda sit cum abest, cuique accepta referenda cum adest. Simul etiam hac ratione peccati metum immittere vobis cupimus, à quo (si in illud fortè ruatis) nisi Deus manum porrigat, exsurgere non potestis. Et quamvis certum sit, illum mihi propter infinitam bonitatem & misericordiam suam nunquam defuturum; incertus tamen ego sum an illi vocanti sim responsurus, cum liberum mihi sit repugnare, cuique hætenus tamdiu repugnaui, quamdiu in scelere perstiti, & ad vocantis clamorem obsurui.

I.

Queret autem aliquis fortasse, quònam modo Deus hoc tantum opus efficiat, ut homo, qui hætenus peccati servus, gehennæ hæres, Dei hostis, diaboli mancipium ac domicilium erat, repente in Dei amicum & filium, regni quæ cælestis hæredem, & Spiritus sancti sacrarium euadat: & qui vas erat contumeliæ, in vas honoris & gloriæ transferatur? Est hæc res inuestigatione quidem dignissima, neque tamè ita facilis ad intelligendum. Unigenitus tamen Dei Filius, arcanorum diuinorum interpres, aditum nobis patefecit, quo veluti per simulacrum quandam hoc arcanum intueremur. Vbi enim dixisset: Nemo potest venire ad me, nisi Pater, qui misit me, traxerit eum; protinus quemadmodum à Patre homines traheretur, subindicauit his verbis: Est scriptum in Prophetis: Erunt omnes docibiles Dei. Omnis ergo qui audit à Patre, & didicit, venit ad me. Ad cuius rei intelligentiam illud in primis statuendum est, homines qui à Deo recedentes in peccatum lapsi sunt, in obscurissimis interni hominis tenebris & caligine versari, ut qui diuinæ gratiæ lumen, quo spiritalia atq. diuina cernuntur, amiserint. Ut enim Samson cum primùm in Philisthæorū manus incidit, luminibus orbatus est: ita ubi primùm homo in potestatem hostis antiqui venit, diuinæ gratiæ lumē amittit; atq. ita cæcus ad diuina contruēda relinquitur. Quā quidē rem notissimo Dauidis exēplo cōprobare licet: vnus enim ferè anni spatio cæcus iacuit in peccato, cum ad illuminandas eius tenebras Nathan Propheta missus à Deo fuit. Natus enim iam erat infans ex adulterio susceptus, cuius mortem in nefarii criminis vltionem Propheta fuit vaticinatus: ut hac ratione liqueat, quāta sit peccātis cæcitas, quæ sanctissimum alioqui virum tamdiu mortifero somno sepultū tenuit, omnisq. spiritualis sensus expertem effecit; à quo nisi immensa Dei misericordia excitatus fuisset, euigilare nullo modo potuisset. Quæ res profectò mihi maximè mirabilis apparet. Quid enim mirabilius, quā virum sanctissimū, & inter Prophetas clarissimū, cui

Ioan. 6.

Simile.  
Iudic. 16.

2. Reg. 12



Mat. 4.

Dominus incerta & occulta sapientiæ suæ manifestarat, qui quæ toties admirandis Dei beneficijs à morte liberatus, & ad regiam dignitatem euectus fuerat, potuisse integro anno mysteriorum & beneficiorum suorum ipsius oblitum permanere? Hoc igitur iudicio, in quàm profundis tenebris, & obscura nocte versentur, qui peccati iugo premuntur, apertissime colligitur. Hinc Saluator ait: His qui foris sunt, omnia in parabolis fiunt. Hoc est, his qui nondum ad diuinæ gratiæ lumen admissi sunt, quæcunque de diuinis rebus audiunt, quamlibet apertissima sint, parabola; hoc est, res obscure & incognitæ sunt. Siue enim illis æterna præmia, æternaque supplicia, siue Dei iudicium, siue mortis metum, siue Christi crucem, siue reddendæ rationis horam ante oculos ponas; non magis hisce tantis rebus commouentur, quàm si obscura quædam enigmata illis propoueres. Cum igitur hæc cecitas mentis aditum omnem ad salutem præcludat, ubi Dominus propter Christi merita, & misericordiæ suæ viscera aliquem à peccato ad iustitiam reuocare vult, has in primis tenebras ab anima pellit, lucemque doctrinæ suæ præfert, quæ homo à Deo illuminatus apertè videat, quæ antea videre minimè poterat. Huius autem celestis doctrinæ luce ita mentem illuminat, ut omnis alia humanæ doctrinæ lux huic comparata, obscuritas esse videatur. Quantum enim Dei magisterium humano magisterio præstat, tanto hæc diuina lux omnem aliam lucem antecellit. Hac ergo luce collustratus homo, agnoscit primò Deum, hoc est, diuinæ maiestatis, bonitatis, misericordiæ & iustitiæ amplitudinem; agnoscit etiam quid tot his atque tantis nominibus illi creaturæ suæ debeant, quid ab illo perceperint, quo seruitutis iure illi attriti sint; quale sit summam illam maiestatem toties offendisse, toties aduersus illam rebellasse, toties sanctissimas eius leges pro rebus nihili violasse, toties res inanes & ludicras illius maiestati prætulisse; agnoscit deinde, peccata, quæ leuissima antea putabat, infiniti ponderis esse; primùm, quia contra Deum, cuius est maiestas infinita; deinde, quoniam beata eius visione, quod est infinitum bonum, hominem priuant; postremo, quod ad inferorum supplicia adigunt, quæ infinito spatio duratura sunt. Hac igitur ratione homo periculi sui magnitudinem, vitæ turpitudinem, animæ deformitatem, peccatorum multitudinem, & pœnarum atrocitatem peccatis debitam agnoscit & horret; neque satis cecitatem suam mirari potest, qui tot malis circumuentus, totque monstris obsessus, tam altum dormiebat. Atque ut hoc ipsum proposito exemplo clariùs perspiciatis, fingite nunc animis viatorem aliquem nocte intempesta extra hospitium deprehensum; qui, quo noctis intemperiem euadat, in specum aliquem ea nocte dormiturus ingreditur, qui tamen viperis & serpentibus plenus sit, quos

Simile.

quos ipse tenebris impredientibus minimè videat. Hic igitur laboris itinere fatigatus, somnum securus (vt sibi quidem videtur) carperat: si quis fortè media nocte illuc ingrediens faciem præserrat, qua totum illud antrum illustretur, illeq; à fomno excitatus, tot serpentibus ac viperis se vndique circumfessum videat; quo tremore concutietur, quo metu trepidabit, quo clamore perflutabit, qua celeritate se in fugam præcipitè dabit, si quà fortè illi fugiendi locus pateat, relictis etiam sarcinis quas gerebat? Indignū enim reputabit, hac de causa vel ad momentū ibidē cōmorari. Talis igitur animus eorum est, qui diuino lumine illustrati, peccati verā & germanā faciem intuentur. An non Ecclesiasticus hoc insinuauit, cū ait: Quasi à facie colubri fuge peccatum? Qui igitur hoc cælesti lumine illustratus à tot se viperis & serpentibus obfessum intuetur quot scelera cōmisit; quo horrore cōcutietur? quo dolore atq; pudore afficietur? quo metu diuinæ ultionis iudicium formidabit? Si enim sanctus ille Iob, qui nullus grauioris criminis sibi cōscius erat, propter leuia tamen & quotidiana peccata (sine quibus hæc vita non trāsigitur) adeo acriter diuini iudicij seueritatem formidabat, vt diceret: Quis mihi tribuat vt in inferno protegas me, & abscondas me, donec pertranseat furor tuus, &c. quid is faciet, qui peccauit super numerū arenæ maris? At verò quantus inde cōsequatur propter admissa peccata dolor, illud argumento esse potest, quod legimus quosdā sic admissi sceleris conscientia perturbatos, vt præ doloris magnitudine vitam amiserint. Vnde quidā verus poenitens, qui malè actæ vitæ crimina acerbissimo luctu deffleuerat, ita deinceps in peccati odium exarsit, & præteriti doloris memoria excruciatu fuit, vt cū à Satanæ ministris ad peccādum sollicitatus fuisset, hæc verba iureiurando interposito proferret; Periculo meo didici quā graues & acerbos doloris aculeos sceleris conscientia pariat; ideoq; si vlla ratione fieri posset, (quod tamen fareor impossibile esse) vt mihi Dñs cæli terræque opes omnes polliceretur, ea lege vt lethale aliquod crimē admitterē, cuius veniam polliceretur, nullo modo tamen cōditionem acciperem, ne in eam doloris magnitudinem inciderem quæ ex admissi criminis recordatione secutura esset. Hoc ergo modo poenitentiam egerunt, quos Deus insigni gratia & auxilio ad se vocare dignatus est. Cuius rei locupletissimum exemplum Dauid exhibet, qui admissi sceleris conscientia percussus, tanto animi dolore concutiebatur, vt diceret: Lauabo per singulas noctes lectulū meum, &c. pro quo Hieronymus ex Hebræo vertit: Nattare faciā per singulas noctes lectum meum. Pro eo verò quod nos legimus, Turbatus est à furore oculus meus; idem clariū vertit, Caligauit præ amaritudine oculus meus. Quo significare

Eccli. 23.

Iob 14.

Psal. 6.  
Hieron.



IN FESTO B. MARIAE MAGDAL.

psal. 37. voluit, se plorando lumen oculorum penè amisisse. Quod ipse alibi declarat, cum ait: Lumen oculorum meorum & ipsum non est mecum. Sed his alijsq. similibus exemplis prætermisissis, locupletissimum hodie exemplum in hac beata peccatrice proponit nobis sanctus Lucas Euangelista his verbis:

I I.

Rogabat Iesum quidam Phariseus ut maderet cum illo. Et ingressus domum Pharisei, discubuit. Et ecce mulier quæ erat in ciuitate peccatrix. Hoc verò commune peccatricis nomen tantam mulieris huius fuisse turpitudinè declarat, vt indigna esset quæ proprio nomine exprimeretur. Quid enim turpius, quàm prostitutione corporis quæstum facere? Verum hoc etiam nomine vsus est, vt non huius flagitij tantum, sed omnium quoque aliorum quæ hoc vitium comitari solent, ream ostenderet. Duabus enim de causis à peccatis homines abstinere solent, hoc est, vel Dei metu, vel hominum. Virumque autem Maria perdiderat, quæ metreticæ turpitudini vacabat: cuius est pudorem omnem & verecundiam prorsus exuisse. Cum ergo nec Deum timeret, nec homines reuereretur; quo freno sese ab illo scelere contineret? Adde, quod cum hoc mulierum genus quotidie cum amatoribus suis vino dapibusque sese ingurgitet; consequens est, vt libidini & intemperantiæ, cæterisque vitijs faces subijciat, dum ardenti corpori fomenta ignium quotidie ministrat. Adde confortia peccatorum hominum, cum quibus omnis earum vita transigitur, quorum prauis colloquijs & exemplis indies magis ac magis deprauantur & corrumpuntur. Quæcirca non immerito mulier hæc ab Euangelista peccatrix appellatur; non solum quod impudicam vitam, sed etiam quia multis alijs flagitijs contaminaram degeret. Quam sententiam D. Gregorius confirmat, qui hanc esse Mariam illam credit, à qua septem dæmonia à Domino eiecta fuisse Marcus Euangelista memorat. Septem autem dæmoniorum nomine idem Sanctus vniuersitatem vitiorum, quibus mens illa erat obfessa, comprehendit vult, Exaggerant autem sancti Euangelistæ morbi magnitudinem, vt medici peritiam atque potentiam ostendant.

Cum igitur in hoc miserando statu Maria, vitæ suæ nescia, Dei suiue oblita, lethiferoq. peccati somno confopita iaceret, summus ille rerum omnium Dominus (cuius immensa misericordia ad omnia pertingit, cuiusq. bonitas nulla superari malitia potest) vt ostenderet in seculis superuenientibus abundantes diuitias gratiæ suæ, peccatoribusq. cunctis, quamlibet desperatis, & cōclamaris, spem salutis (si ad se reuerti vellēt) mōstraret; decreuit hanc animam purgare, & in hoc sordido stabulò palatium sibi erigere, & in olido cœno paradisum voluptatis, in quo ipse

Gregor.

Marc. 16.



CONCIO PRIMA.

ipse delicijs suis frueretur, plantare; & ex hoc dæmonum cubili, templum, in quo requiesceret, ædificare, illudque implere quod per Isaiam longè antè prædictum fuerat: In cubilibus, in quibus prius dracones habitabant, oriatur viror calami & iunci, & erit ibi semita & via, & via sancta vocabitur. O altitudo diuitiarum sapientiæ & scientiæ Dei, quàm incomprehensibilia sunt iudicia eius, & imperuestigabiles viæ eius? Quot illo tempore feminæ Hierosolymiserant, quæ multo minora quàm Magdalena peccauerant? & nullam tamen ex his (quod sciamus) Dñs elegit, in quam gratiæ suæ opes effunderet, nisi eam quam perditissimam & turpissimam esse sciebat. Cui planè iudicio simile illud est, quod multi leprosi erant in Israël sub Eliseo Propheta, quorū nemo mundatus ab eo est, nisi Naaman Syrus. Multæ quoque viduæ erant sub Elia, quando clausum est cælum annis tribus & mensibus sex. & ad nullam illarum missus est Elias, nisi in Sareptam Sidoniorum. Hæc sunt igitur Dei iudicia; iusta quidem, sed stupenda & occulta: quæ nobis non solum timoris, sed lætitiæ quoque materiam præbere debent, sicut scriptum est: Et exultauerunt filiæ Iudæ propter iudicia tua Domine. Quare exultauerunt? Quia cū pietas & misericordia tua, Domine, tam latè pateat, vt ad alienigenas etiam, & perditissimos ac profligatissimos homines porrigatur, satis hoc iudicio declaras, qualis erga pios & amicos futurus sis, qui talis erga improbos existis; & quibus donis tibi obsequentes & te quærentes ornabis, qui talibus rebelles & non quærentes ornas. Opes itaq. in peccatores effusa, iustorum diuitias & felicitatem ostendunt.

Vt verò Dominus peccatricem ad se traheret, & à lethifero illo somno excitaret, faciem illam de qua fumus antè locuti, intra mentem eius prætulit; qua illuminata, vidit protinus horrenda scelerum monstra, quibus vndique obfessa erat, vidit funestam ac tetram peccati faciem, quam induerat. Quo spectaculo commota, & inter spem mezūmque dubia (idem enim spiritus, qui illam ad se trahebat, & vehementissimo propter scelerum conscientiam metu concutiebat, & inter timoris fluctus atque caliginem, quandam spei lucem præferebat, ne abundantiori tristitia absorberetur) vt cognouit quod Iesus accubisset in domo Pharisei, atulit alabastrum unguenti, certè, non hos quæsitum munus in vsus. Hæc igitur fiducia confirmata, ad animarum medicum, Dominum Iesum, in Pharisei domo discumbentem pergit. Quis tibi, o mulier, indicauit Dominum Iesum potestatem habere dimittendi peccata, cū hoc diuinæ solum potestatis sit, contra quam peccata cōmittuntur? Hoc enim arcanum Ioanni Baptistæ diuinitus reuelatū est; qui primus omnium, mirantibus discipulis, dixit: Ecce agnus Dei, ecce qui tollit peccata mundi,



Ioan. 6.

mundi. Ad hæc illa respondebit: Ille nimirū me hoc mysterium docuit de quo scriptum est: Erunt homines docibiles Dei. Ille ergo me erudiuit, ille me trahit, & ego ab illo didici: quia verè hic est Agnus Dei, qui tollit peccata mundi. Quam quidem rem postrema lectionis Euāgelicę verba testātur. Cū enim Dñs mulierū dixisset, *Remittuntur tibi peccata tua*; & quidam ex conuiuiis dicerent, *Quis est hic, qui etiam peccata dimittit?* Dñs ad illam dixit, *Fides tua te saluam fecit.* Ex quibus verbis liquet, peccatricem hanc ex revelatione summi Patris hoc mysterium agnouisse.

Hac igitur fide instructa venit ad Dñm Iesum. Rectè sanè: sed tempus tamen, o mulier, opportunum expectare decet, vt medicum conuenias omnibus arbitris procul amoris, ne conuersionē tuam mundi fabulam facias. Nullum autem tempus minùs ad lacrymas, & peccatorum confessionem opportunum, quàm vbi conuiuium in frequentia hominum celebratur. Sicut enim musica in luctu, ita luctus in conuiuium importuna narratio est. Expecta igitur paululum, donec conuiuium soluatur, & conuiuiæ discedant; tunc lacrymis & pœnitentiæ tuæ opportunum tempus erit. Non possum (inquit illa) ne hoc quidem breui spatio horrendam peccati faciem sustinere: antea enim tenebris obæcata nihil metuebam, quia nihil videbam; modò verò, vbi desuper in fusa luce, horrendam peccati faciem video, non magis quiescere possum, quàm si contra me draconum & serpentum insurgentia agmina viderem, aut in medio flammarum ardentium posita essem. Itaque prudens mulier neque hofpirum frequentiam, nec hominum iudicia, neque Phariseorum contemptum veretur. Quia enim, vt D. Gregorius ait, semetipsam grauius erubescere intus, nihil esse credidit quod recundaretur foris. Peccati enim pudor omnem alium ab animo suo pudorē excutiebat. Multi cū de conuersione sua, & melioris vitæ proposito admonentur, alij ad Quadragesimæ tempus: alij ad quorundā (quibus se impediri dicunt) negotiorum absolutionem, alij ad extremā senectutē, quasi certi sint se ad illam peruenturos, pœnitentię propositum relegere solent: quia videlicet qualis si peccati facies, non perinde à celesti Patre didicerunt. At qui ab hoc magistro docti & instituti, virus & pondus peccati agnouerunt, ne ad momētum quidem intolerabile eius pondus sustinere possunt. Hinc sancta quedam anima, inter alia quæ de peccati grauitate ac deformitate (quam Angelicis etiam mentibus incomprehensibilem esse aiebat) hoc etiam dixit: Si quis oculos haberet, quibus peccati deformitatem videre posset, essetq. ex altera quidem parte peccatum, ex altera verò Oceanus in ignem versus, præcipitē sese in hanc ignis abyssum daret, nec inde vnquam emergeret, si peccato iterum subijcien-

dus

Simile.  
Eccli 12.

Gregor.

duſ eſſet: uſque adeo intolerabile eius ingum reputabar.

Hoc igitur peccati horrore ſtupefacta Maria, conuiuij domum ingreditur, & ſtat retrò ſecus pedes Dñi. O pudor verè poenitentis! Sciris, fratres, nullum meretricibus verecundiæ vel minimum ineſſe veſtigium, adeò vt Dñs Iudæorum impudentiam hac ſimilitudine amplificauerit: Frons meretricis facta eſt tibi, neſcis erubeſcere. Hæc igitur, quæ omnem proruſ exuerat pudorem, tanto nunc pudore circumfuſa eſt, vt nullo modo ante manſuetiſſimi Agni conſpectum apparere potuerit, ſed retrò illū adorſa eſt. O mutatio dextere Excellſi! Quæ priuſ nec Deum timebat, nec homines reuerabatur, ſed omni pudoris amiſſo freno, procaci vultu hominibus blandiebatur, modò nē oculos quidem ad Chriſtum atrollere, nec vllum proferre verbum auſa eſt. O ſi hoſ nobis oculos Dominus contuliſſet, quibus animæ deformitatem peccatis inquinatam cerneremus, tanto pudore afficeremur, vt cum damnatis hominibus montibus deceremus, Cadite ſuper noſ; & collibus, Operite noſ. Cuius rei mirabile nobis exemplum præbet ſanctus ille ſcriba Dei Eſdras, qui non propter ſua, ſed propter populi ſibi commiſſi crimina ſic afflictuſ & pudefactuſ fuit, vt ſciderit pallium & tunicam, & capitiſ ſui capilloſ & barbam euulſerit, federitque tota die uſque ad ſacrificium veſperinum mcerens. In ſacrificio verò veſperino ſurgens de afflictione ſua, ſciſſo pallio ac tunica, curauit genua ſua, & expandit manus ſuaſ ad Dominum Deum dicens: Deus meus, confundor & erubeſco leuare faciem meam ad te: quoniam iniquitates noſtræ ſupergreſſæ ſunt caput noſtrum. Quibus ergo oculis, qua luce peccati ſui faciem videbat, qui talem animum propter aliena etiam peccata gerebat? Simili ergo affectu Maria pudefacta acceſſit retrò; quoniam oculos ad Chriſtum leuare non audebat.

Hier. 3.

1. Eſdr. 9.

Hoc ergo pudoris velamine operta acceſſit retrò ad Dñm, acceſſit ſacrificium pro peccatis oblatura. Lex illo tēpore quædam ſacrificiorum genera ad ſuppetrandā peccatorum veniam indicebat; vt aliuſ hircum pro peccato, aliuſ aliud pro varia peccatorum conditione offerret. Dic ergo mihi mulier, quod ſacrificium pro tot peccatis paratum aſſers? Sacrificium, inquit, Deoſpirituiſ cōtribulatuſ, cor contrituſ & humiliatuſ Deus nō deſpiciet. Itaq; non hircos aut vituloſ, ſed me ipſum, hoc eſt, animā meam illi offeram, illamq; lamentiſ, acerbiffimoq; doloriſ gladio in ſacrificium maſtabo. Aperit igitur oculorū ſuorū fonteſ, è quibus tanta inundauit copia lacrymarum, vt Chriſti Dñi pedibus abluendi ſufficeret. Vnde tibi hoc ingens lacrymarū flumen Maria? Vnde nubes iſta adeò humore grauida, quæ tam largo lacrymarum imbre fuſo nondum exhausta eſt? Fleuit quidem Petruſ amarè,

Pſal. 50.



amarè, vbi Dñm negauit, copiosoque lacrymarum imbre peccati sui maculas deterfit: sed hic tamen Domini, quem negauerat, gloriam in monte viderat, illiusq. diuinitatem in carne latentem reuelatione summi Patris agnouerat, ideo nihil mirum si tam multis lacrymis tantum piaculū redimere contendebat. Sed quòd mulier, quæ erat in ciuitate peccatrix, quæ saxeum cor erga diuina gerebat, sic tota in lacrymas diffluat, hoc certè ingenti admiratione non vacat. Demiratus Propheta Dei potentia, qui è silice in deserto aquā sitienti populo eduxit, exclamat; **Psal. 113.** Qui cōuertit petrā in stagna aquarū, & rupē in fontes aquarū: at ego nō minus planè demiror, lapideum peccatricis huius cor ita Dei virtute emollitum, vt tantam piarum lacrymarum vim profunderet, quæ lauandis Domini pedibus satis essent.

Nec contenta lacrymis pedes Domini rigasse, vbi eos abluisset, solutis capillis terfit. Nouum enim genus aquæ lauādis pedibus deseruiens, nouum lintei genus ad eos tergendos exigebat. Quis vnquam audiuit tale obsequium alicui Regi aut Imperatori exhibitum, vt pedes eius aureis feminarum capillis tergerentur? Dic mihi Maria, quis te nouum hoc seruitij genus nunquam hactenus auditum docuit? in qua Principum aula hoc addiscere potuisti? Certè non hoc te caro & sanguis docuit, sed idem ille Spiritus qui te huc direxit.

Adiecit & capillorum ministerio oscula & vnguēta. Sed quis verbis consequi possit, quo charitatis ardore pia oscula sacris illis **Gregor.** vestigijs unprimebat? Liquet, fratres, ait Gregorius, quòd illicitis actibus prius mulier intenta, vnguentum sibi pro odore suæ carnis adhibuit. Quod ergo turpiter sibi exhibuerat, hoc iam Deo laudabiliter offerebat; vt totum Deo seruiret in pœnitētia, quò Deum cōtempserat in culpa. Præcepit olim Dñs Gedeoni, vt euerteret aram Baal, & nemus, quod eius cultui dicatum erat, succideret, offerretque sacrificium Dño super struem lignorum, quæ de nemore succidisset. Quorsum hæc? Mystero certè & significatione non vacant. Voluit enim Dñs, vt nemus, quod antea inani superstitioni seruierat, iam nunc veræ religioni inciperet consecrari. Quo argumento verè pœnitentibus innuere voluit, vt vires, opes, & facultates quibus diabolo antea militauerant, & vanitati seruierāt, eas modò in obsequium Dñi conuertāt, & pijs vñs addicāt. Hoc ipsum secutus est Apostolus, cum ait: Sicut antea exhibuistis membra vestra seruire iniquitati ad iniquitatē; ita nūc exhibere ea seruire iustitiæ in sanctificationem. Hoc igitur hodie Maria fecit, quæ omnia vanitatis & turpitudinis instrumēta à diaboli seruitio vindicata in obsequiū Dñi cōuertit, & super ea, quasi super ligna quæ de nemore Baal succiderat, cordis humiliati atque contriti sacrificium obtulit.

Sed vt hanc Mariæ vnctionem mysticè etiam excutiamus; Quæ se-  
meminisse oportet, triplex vnguentum illam in obsequium  
Domini parauisse. Est enim (vt Petrus Damianus ait) vngu-  
entum bonum, quo hæc sancta femina Saluatoris pedes inunxit.  
Est & melius, quod eadem, si tamen eadem, supra caput eius-  
dem in mensa recumbentis effudit. Est & optimum, quod & ip-  
sa præparauit toti corpori Christi.

Primum vnguentum contritionis est, de recordatione pec-  
torum, de spiritu contrito & contribulato descendens, quo Ma-  
ria pedes vnxit Dñi Iesu. Isti autem pedes sunt misericordia &  
iudicium; quorum alterum sine altero vngere & osculari, vel  
temeraria securitas est, vel desperatio fugienda. Quis enim Dei  
misericordiam indefinenter attendens, non statim negligenti-  
oris vitæ quietem exoptet? Cùm enim recogitat vniuersitatis  
Dominum formam serui pro seruis suscipere, triginta & tri-  
bus annis operari salutem nostrā in medio terre, capi, ligari, lan-  
cea vulnerari, crucifigi, & hoc totum pati pro filijs hominum:  
statim deceptoriam spe sibi blanditur, & gaudet obuerti in mi-  
sericordia & miserationibus; iudicium nescit, ignorat iustitiam;  
& puniendæ æstimat non puniri. Fallitur qui sic osculatur mise-  
ricordiæ pedem, vt pedem iustitiæ non attendat. Rursus, cùm  
abducit eos, & iudicij pedem crebrioribus osculis tangit, siccatur  
carnis animæq. substantia, & vtrumque hominis statum vehe-  
mentior aura percellit. Horrendum est incidere in manus Dei  
viuentis, offendere creatorem, nescire Dominum, recalcitrare  
dominantis imperio, qui habet potestatem corpus & animam  
perdere in gehennam. Terribilis certè, sicut ait Apostolus, expe-  
ctatio iudicij, quando ignis in conspectu eius exardescet, & vir-  
tutes calorū mouebuntur, & vacillantibus conscientijs lati-  
tudinem mundi validissimus ignis aduret. Quis hoc diutius co-  
gitans non statim cōtremisecat, & in desperationis roretur aby-  
ssum? Non ergo est huic pedi morosius incumbendū, ne pietatis  
intuitum ferocia iudicantis intercludat. Vtrumque igitur in-  
ungat pedem animæ pœnitentis affectus, & nunc misericordiā  
amplectens, nunc iudicium osculans, contribulari spiritus offe-  
rat holocaustum. Vide Mariam iudicij pedem fortiter attenden-  
tem, dum nobilis & lasciua mulier conuiuantium faciem non  
attendit, sed extenso corpore prouoluitur pedibus maiestatis,  
doloris plena, timoris impatiens, compunctionis iaculo vulne-  
rata. Sed & misericordiæ pedem labijs impressis osculatur, in  
cuius spe firmiter inhareret vestigijs Redemptoris, donec audiat;  
Remittuntur tibi peccata tua. Hactenus de primo vnguento.

Secundum vnguentum est deuotionis, de recordatione bene-  
ficiorum

Hebr. 10.

Idem.



ficiorum Dei. Prorsus dignissima huius vnguenti cōpositio, & in istius comparatione, prioris conspersio minoris aestimanda. Eius enim species de caelesti paradiso allatae sunt, & in terra filiorum hominum nequeunt inueniri. Virtutes enim diuinitus collatae, & in mortariolo cogitationis, pistillo diligentissime meditationis intritae, & exultationis oleo superfusae, vnguentum faciunt & odore & virtute mirabile, quod solum super caput Dñi recubentis possit effundi, & exhiberi reuerentię maiestatis. Notanda tamen vtriusq. differētia, & secundi sublimitas attendenda: quia illud est Deo sacrificium spiritus contribulatus, & istud sacrificium laudis, quod honorat Deum. Pedes igitur vngimus Redemptoris, cum de peccatis compungimur: vngimus caput, cum de collatis virtutibus, virtutum largitori gratias cumulamus. Vnxit ergo Maria sanctum Dei verticem, profectō iam dilecta, iam familiaris effecta, longēque peccatricis illius euoluta contagijs, quam infelix ille septenarius confundebat.

Mat. 16.

Est praefer hac tertium pietatis vnguentum, quod est super omnia aromata morbis omnibus & periculis salutare, quodque nulli vnquā pesti inueniatur inefficax. De ipso namque sic legitur: Maria Magdalene, & Maria Iacobi, & Salome emerunt aromata, vt venientes vngerent Iesum. Vides ne in prima capituli fronte propositum, quod non vna vel duę, sed tres vix sufficiunt ad emendum tantae cōpositionis vnguentū? Intelligis quia nō pedes aut caput, sed totum Crucifixi corpus sibi vindicat ista cōfectio? Cōfectio sine dubio pretiosa, quae toti sufficiat corpori Creatoris. Et attende, quia vnguentum pedibus infusum adeo dignissima lenitate suscepit, vt Phariseū murmurantē parabolica sententia conuinceret, & retorto sugillaret exemplo. Sed & de refuso super caput eius vnguento discipulos indignantes coarguit, bonum mulieris opus esse protestās, timidā eorum animositatē verbis cōpescuit moderatis. Hoc verō tā salubre tamque mirificū in mortuo corpore suo voluit expendi, quod viuo vtiq. reservabat. Duo enim corpora habet Christus: vnum quod suscepit ex virgine: alterum Ecclesiae, quod charius habet benignitas redimentis. Deniq. illud pro isto morti exposuit & tormētis, addictus cruci, vinctus cū sceleratis, morte turpissima condēnatus. Poterimus ne tā salubrē cōfectionē cōficere? Vniuersę miserorū miserię, tam animarū quā corporum, oculo pietatis inspectę, species eius sunt. Istę igitur in mortariolo largitatis, dulcedinis pistillo cōfractę, & delinitę charitatis oleo, succēso cōpassionis igne, vnguentū faciūt ipsis etiā Angelis admirandū. Sunt viri diuitiarum in domo Dñi virtutum; vestigamus an apud eos huiusmodi habeantur vnguenta. Primus occurrit mihi Paulus, sicut vbique solet, totus præsenti delibutus vnguento.

Quis

Quis infirmatur, inquit, & ego non infirmor? Felix anima, facta sibi tanquam vas perditum, vt omnium miseras in sua conscientia colligaret? Totum se toti corpori Christi donauerat, omnibus omnia factus, vt omnes lucrificeret. Sed & ille vir simplex & rectus, & timēs Deum, vide quomodo nō secundū hominē, imō verō secundū hominē, & (quod verius est, supra hominē ambulat. Sic enim ait: Flebā quondā super eo qui afflictus erat, & cōpatiebatur anima mea pauperi. Et iterum: Pater, inquit, erā pauperum: oculus fui cēco, & pes claudō. Hoc eodē vnguento persultus Moyses pro sceleribus populi tui Dñm exorabat. Peccauit enim Israel, & ipse peccantē reconciliare nititur Creatori: sed dissimulat Dñs exaudire rogantem. Promittit plurima Moyse creator omnium, & consensum petit à Moyse, qui Moysem fecit: Dimitte me, inquit, vt irascatur furor meus contra eos, & faciam te in gentem magnam. Respondit Moyses: Si dimittis, Dñe, dimitte: alioquin dele me de libro vitæ in quo scripsisti. Obstupenda profectō dulcedo! & principatum gentis respuit alienæ, & de libro viuientium deleri desiderat, nisi peccantibus dimittatur offensa. Hæc sunt vnguenta propitiationis & misericordiæ, quæ à sponsæ vberibus eliguntur, infirmitates omnes fugantia, profugantia passionēs. Felix Maria vnxit pedes Iesu; felicior eadem caput vnxit auctoris, felicissima quæ rorem vnguentarium toti Christi corpori præparauit.

2. Cor. 12.

1. Cor. 9.

Iob. 30.

Iob. 29.

Exod. 32.

Habemus ergo hīc, fratres, tria pretiosa vnguenta, quæ in Seruatoris nostri obsequium expendamus. Habemus etiam locupletissimum veræ poenitentiae exemplum, & euidētissimum diuinæ miserationis argumentum. Illud nos ad laborem poenitentiae, hoc ad spem veniæ potenter inducit: vt hac ratione male actæ vitæ poenitentiā agentes, & contriti spiritus sacrificium Dño offerentes, latissimam illam vocem audire mereamur; Remittuntur tibi peccata tua, vt per remissionem peccatorum ad beatissimā huius poenitentis, cæterorumque Sanctorum peruenire mereamur consortium: præstante Dño Iesu Christo; cui est gloria & imperium in secula seculorum, Amen.

#### Ad Lectorem.

**L**ibet hoc in loco, amice Lector, quandam B. Mariæ Magdalena historiam, quam Silvester Prierius in Euangelio Feriæ V. post Pascha Domini refert, at exere, quod eam tibi nō ingrati fore spero. Eius hæc verba sunt.

**C**um anno Domini millesimo quadringentesimo nonagesimo septimo devotionis gratia antrum in quo poenituit B. Maria Magdalena, & sacras eius reliquias apud S. Maximinum

Historia

B. Mariæ

Magdal.



minū visitassem, ostensum est mihi pluries sacrū & venerabile caput eius grande valde, & totum vndiq. ad os vsq. denudatum, excepta ea parte frontis, quam Saluatorem omnium diximus tetigisse. Ibi enim pellis ad instar, quasi æthiopissā, seu cadaueris antiqui clarè apparet, & in pelle duæ fossæ duorum extremitatum digitorū: quarum altera multo est reliqua euidentior atque profundior, & sub pelle caro ad albedinē declinans. Ostēsi sunt & in vitrea ampulla eius capilli, non omnes, sed qui pedes Christi tersere: nec non & ampulla vitrea plena terra habente colorē mediū inter rubeum & nigrum, quam in Parasceue B. Magdalena sub cruce collegit: quæ, vt omnes mihi sine hæsitacione affirmabant, singulis annis in die Parasceues, perfecta passione, euidenter & clarè ebullit, ac si ibi videatur sanguis ebullire. Et post pauca refert idem Siluester: quod cum in archiuis eius loci, diligenter ea quæ ad historiā huius beatæ peccatricis pertinent, inquisisset: se in illis deprehendisse, quendam eximij sanctitatis monachū Dominicanum, Eliam nomine, qui in specu B. Magdalene orationi vacare solebat, cum ad eum locū iam moriturus peruenisset, hæc nouissima verba dixisse: Fratres, dies venit & hora mihi diu expectatæ mortis. Igitur quæ ad B. Magdalene gloriā, & vestræ salutis argumentum enarro, percipite. Cum B. Magdalene seruiturus, desertū istud & rupem horridā petiuissem: exacto hinc mense, solitudinē fastidiens, pœnitui, & discessum tacitus cogitavi. Quadā igitur nocte cogitationibus agonizās, adstitit mihi B. Magdalena, & inter alia hæc mihi dixit: Tu hinc à meo seruitio discedere cogitasti, sed audi quæ dicam, & demū age quæ libet. Vt nosti, inquit, à Hierusalē Massiliam multi, Deo volēte, & nauē subuehente, deuenimus. At vbi Massilia, & pars nō parua regionis, Iesu Christi fidē suscepit, tantū circa nos humanus fauor & inquietudo creuerūt, vt hominū consortia fugere cogitarē. Rapta verò diuinitus, sub huius antri fui ore deposita. Cūq. hinc inde per locū mihi à Deo paratū lumina direxissē, draconē quē mea soror Martha occidit, repēte inter lucē & tenebras aspexi, cuius horrorē sufficienter exprimeret nemo: erat bubalo maior. Vidi & omnis generis viperas. Cūq. iam degluriendā draco in sua ora traxisset, quia lingua nō poteram, sic sum profundo & securo corde locuta: Dulcis amor Iesu, triste me ac solam in deserto post innumera tua dona me draconis escā effecisti? Tūc subito Angelus de ore draconis eductā me allocutus est, dicēs: Beata, quæ fidē tenes: ac draconē calce percutiens, Egredere, inquit, hinc draco, & omnes vipera tecū. Deinde verò ad me cōuersus: Deus, inquit, quē tantū, ô Magdalena, cōcupiscis & semper habes, te vult hūc locum lacrymis irrigare profusus, vt futuris seculis exemplum pœnitentiæ perpetuo

petuō fias. Remansi eo disparente perterrita, & loco lustrato, hominibus inuium ascensum descensumque, rupe vetate cognoui. Tunc amoris dulcedine in lacrymas resoluta, me ad terram prostrauit adorans ac dicens, Gratias tibi Christe ago, quod me omni mea affectione replesti; sed oro fontem in rupe hac exhibeas deprecāti. Crepuit statim sub meis oculis immane hos saxum, & quas cernis, Elia, aqua ē duro silice featuriere. Cumq. ante ipsum limpidissimū fontē genu flexo, Christo gratias agerem, ecce plus quā mille spiritus vidi in speluncā dextera stetitisse, verba suauissimi amoris Hebraica lingua decāantes. Cum igitur postremō subintulissent, nō expedire animā tā assiduam orationū frequentia; demones esse intelligēs, cum Iesum territa acclamassem, repēte cum suis militis Angelus Michaēl adfuit, dicens, Adsum Magdalena, ne timeas. Denique malignis spiritibus cōgressus, eos omnes in fugā cōpulit, ita clamantes: Nō eris tamen ideō beata tu, quā orationibus vacas in antro. Crucē igitur in ore speluncā Angelus erexit, dicens: Caue ne extimescas in posterū; custos tui est Altissimus. Igitur ante crucē eo disparente cum iacuissem, timore nintio exsiccatis visceribus, orationi instare attenta non preualēs, collectas duas radices in ipso ore speluncā, & lotas comedēs aquā de fonte bibi, post quā humanū aliquid non gustauī. Crucē deinde complexa, ea die ac nocte sequenti orans, orto sole, oculos ad crucem ipsā leuauī, coloris, vt videbatur, crystallini, & radiis fulgentibus coruscā. Cumq. in me vehementissimā amoris flammam persensissem, ecce tam laeta & iubilans Angelorū turba adfuit, vt eternam vitam in hoc antro credidisses. Repentē igitur ab his ad infernalialoca delata, poenarum genera, & punitorum turmas inspexi: Cumq. ad loca Purgatorij ventū esset, tanta dulcedine me Spiritus deuoti circumsteterūt, vt mihi videret esse in patria; & cū magna teneritudine dixerūt: Ora pro nobis Magdalena nostra. Quibus ego, vtinam, inquit, vestra voluntas per me impleatur!

Deinde verō ad crucem iterum reposita mihi Angelus ait: Quanto tempore tuus ac noster amor Iesus in terris te propter vixit, tanto tu quoque in hac spelunca moraberis. Steti igitur, eo disparente, ad crucē orans, & Christū salutem meam contēplabar. Omni autem euoluto die, Angeliorū adfuere mihi tūc, & me tam sublimē in aēra sustulerunt, vt caelestes audierim resonare melodias. Quod ab inde citra septies semper intra diē & noctē fecerunt. Frigus ac gelu igne succēsa, iam nō curabam. Cumq. meae vestes paulatim vetustate deciderent; paulatim quoque diutina pietate mei creuere capilli; in ipsa verō cruce Christi mysteria cūcta videbātur. Ibi Annæ & Ioachim historias; ibi Mariam Iesum meū mihi parientē; ibi Crucifixi terrū liuorem; ibi



piū crūorem; ibi dura vulnera; ibi crucem ac mortē eius dabatur intueri, & eūdem regredientē ab inferis, & cæli sidera penetrātem. Cumq̃. his cibata ferculis nocte dieq̃. fierem, cū lauandī vultus gratia fontem petiuissem, obuium mihi humana forma Iesum me his verbis alloquentem vidi: Te propter Maria loca ista cōstitui. Circūstabant cælestes militia Regem suum, florū ferta gestātes, & oliuārū palmarūq̃. ramos tenentes in manibus. Et ecce resplenduit subito assumpta humanitas, & se ipsum ad instar sui, cū esset in monte Thabor, Saluator transfigurauit, adeo vt me oculos inflectere tanta maiestas cōpulerit. Me quidem ad vultū dilectū oculos attollere dulcis amor inflāmabat, sed minimē valui. Cumq̃. mecum multa conulisset, illapsus est calos; & quoad vixi, centies ac decies me in spelūca pro sua pietate visitauit. Itaq̃ tibi consulo teq̃. rogo, vt in hac rupe Christi laudes exoluas, quo te ad vitę portū tandem adducam. Sterilem locū sola ac nuda ego adiui; tu verō fratrum habes solatia, & victui vestituiq̃. abundanter opportuna. Igitur de perseverantia cogita. His dictis, ab oculis meis, inquit Elías, Magdalena euauit, & ego in hanc vsq̃. horā omnes homines prædicta celauī. His dictis, post horulā beatus ille Pater expirauit, statimq̃. ipsæ cāpanulæ in ea rupe suspensę, nullo hominū mouēte, iubilārūt. Omnia hæc ex dicto libello, fideliter assumpsi. Mirabitur autē fortasse vir animalis, diuinā pietatē, peccatricem animā tā præclaris donis extulisse: sed si viderit, qui eiusmodi est, prædicantē Christū & Mariā subito diuini sermonis iaculo percussam, sui pectoris arcana lacrymis & singultibus referare; si viderit repētē agitatā doloribus, & amore liquefactā, torques, armillas, dextralia, margaritasque deponere, & effusis comis lugubres assumere vestes; si, inquā, viderit hāc Iesū Christi tenuisse vestigiā, & hac lacrymarū flumine lota exsiccare capillis, & cordialibus osculis, ac miserādis vocibus misericordiā suis sceleribus implorare; si à maculis absolutā, in pace Christi pietate remissam: si prædicantē vbiq̃. Christū, & Mariā comitantē, haurientē quidē Christi doctrinā, sed substantiam effundentem: si hanc viderit pauperē ac itinere fatigatū Saluatorē mūdi excipere domo, fouere vnguentis, dapibus recreare, & discipulorū eius turbā suis facultatibus sustentare; si propinquis, imō & discipulis fugientibus inter carnifices, intrepidā cruci astitisse, cruentā sanguine lacrymis infusam, aērē eiulatibus adimplētem; si contēplari sepulchrū & vngueta parare; si mulierem fragilē sexu, noctis tenebras, & arma custodū non extimuisse (ō vim amoris immensam!) quin dilectū extinctū quæreret in sepulchro: si postremo hanc viderit vacuo sepulchro colligatā, & nulla iam præter lacrymas habere solatia, videbit panter diuinā pietatem, hanc ab

extremo in extremum non nisi per oportuna media deduxisse. Quæ enim crimina possent tot gemitibus, tot lacrymis, tâto ardore non esse abolita: si animas scelestissimas baptismalis vnda, sanguinis Christi operante virtute, pulcherrimas & in oculis Dei optimi maximi splendentes restituit; quid in Maria sanguis Christi è cruce stillas effecit? Mirari igitur magis oportet ignauiam hominû atque socordiam, qui in Maria Christi pietate perspecta, subito, quâuis atroces, quamuis scelesti & flagitiosi, non atteruntur, vt vbi superabundauit delictû, superabundet & gratia.

**FRANCISCVS PETRARCHA,**  
visa Mariæ spelunca, & lapideo cubili, huius beatæ peccatricis considerans pœnitudinem, compunctus ait:

*Dulcis amica Dei, lacrymis inflectere nostris,  
Atque humiles attende preces, nostraq; saluti  
Consule: namque potes. Nec enim tibi tangere frustra  
Permissum, gemituq; pedes perfundere sacros,  
Et nitidis siccare comis, ferre oscula plantis,  
Inq; caput Domini pretiosos spargere odores.  
Nec tibi congressus primos à morte resurgens,  
Et voces audire suas, & membra videre,  
Immortale decus, lumenq; habitura per auum,  
Nequicquam dedit ætherij Rex Christus Olympi  
Viderat ille cruci hærentem, nec dira pauentem  
Iudaica tormenta manus, turbaq; furentis  
Iurgia & insultus, æquantes verbera linguas:  
Sed mœstam, intrepidamq; simul, digitisq; cruentos.  
Tractantem clauos, replentem vulnera fletu,  
Pectora tundentem violentis candida pugnīs,  
Vellentem fluos manibus sine more capillos:  
Viderat hæc, inquam, dum pectora fida suorum  
Diffugerent, pellente metu. Memor ergo, reuisit  
Te primam ante alios; tibi se prius obtulit vni.  
Te quoque, digressus terris, & ad astra reuersus,  
Bistria lustra, cibi nunquam mortalis egentem*



Rupe sub hac aluit, tam longo in tempore solis  
 Diuinis contentam epulis, & rore salubri.  
 Hac domus, antra tibi stillantibus humida saxis,  
 Horrifico tenebrosa situ, tecta aurea regum,  
 Deliciasq; omnes, ac ditia vicerat arua.  
 Hic inclusa libens, longis vestita capillis,  
 Veste carens alia, ter denos passa Decembres  
 Diceris; hic non fracta gelu, nec victa pauore.  
 Namque famem, frigus, durum quoque saxa cubile,  
 Dulcia fecit amor, spesq; alto pectore fixa.  
 Hic hominum non visa oculis, stipata cateruis  
 Angelicis, septemq; die subuecta per horas,  
 Caelestes audire choros, alterna canentes  
 Carmina, corporeo de carcere digna fuisti.

IN EODEM FESTO B. MARIAE  
 MAGDALENÆ, CONCIO SECVNDA, IN QVA  
 lectio Euangelica explanatur.

THEMA. Lachrymis cœpit rigare pedes eius, & capillis ca-  
 pitis sui tergebat, & osculabatur pedes eius, & vnguento  
 vngebat. Lucæ 7.

D. Tho.



INTER omnia diuinæ pietatis & potestatis ope-  
 ra, tantum D. Augustinus peccatoris iustificationi  
 tribuit, vt maius esse dicat peccantem hominem  
 ex iniusto iustū facere, quā vniversum mundū  
 ex nihilo condere. Cuius rei duplicē D. Thomas  
 causam affert; alteram, quod in rerum creatione nihil obstitit  
 Deo, quo minus, quod voluisset, efficeret; cum tamen in homi-  
 nis iustificatione liberum eius arbitrium diuinæ operationi res-  
 sistere queat; alteram verò, quod rerum conditarum dignitas  
 finibus suis itā circumscripta est, vt rei creatæ dignitatē & pre-  
 tium non excedat: at cum hominis iustificatio sit quædam di-  
 uinæ naturæ participatio, quam in hac vita assequimur per gra-  
 tiam, in futura verò per felicitatis diuinæ consortium; infini-  
 tum quoddam bonum est, quod nullo pretio æstimari, nullis  
 terminis circumscribi potest. Est autem iustificatio, spiritualis  
 quidam

quidam motus, quo ab iniustitia ad iustitiam proficiscimur; ipsa quæ iustificatio (vt in Tridentina Synodo definitur) non est sola peccatorum remissio, sed etiam interni hominis renouatio atq. instauratio per virtutes, & Spiritus sancti dona, per quem charitas Dei cum cæteris virtutibus diffunditur in cordibus nostris, quibus ad omnia virtutis officia, & aduersus omnes diaboli insidias instructi simus. Quo fit, vt his cælestibus donis ornatus homo atq. adiutus (quemadmodum olim Sauli in regem vncto dictum est) mutetur in virum alium. Quæ quidē, vt ita dicā, metamorphosis, siue transformatio (si quis eam rectis oculis adspiciat) inter omnia diuinæ virtutis opera verè mirabilis esse deprehenditur. Mirum enim est, hominē qui paulo antè cū luxurioso filio, sceleribus suis atq. flagitiis pascēbat porcos, hoc est, turpitudinis amatores dæmones; & porcorū cibis, videlicet libidinibus atq. flagitiis ipse pascebatur, nec alia in re voluptatem capiebat; modò ad eam dignitatis celsitudinē perductū esse, vt ex siliquis porcorum ad mensam transierit Angelorum. Mirum item est, quòd is qui hactenus spreto rationis iudicio, & diuinæ legis imperio, pecudum more cupiditatibus & affectibus seruebat, & eorū cæco impulsu vitā instituebat; modò proculcata cupiditate, & compressis carnis affectibus, rationis cōsiliū, & diuinæ legis imperium in omni actione sectetur: atq. ita velut ex pecude in hominem transformatus, imperiam in seipsum (quod est totius mundi imperio gloriosius) diuino munere natus sit. Hoc est enim quod merito sancta illa femina in Cantico suo miratur, cū ait: Suscitans à terra inopē, & de stercore erigens pauperē; vt sedeat cum principibus, & solum gloriæ teneat. Quod enim solum gloriosius, quàm affectibus & libidinibus imperare, carnē spiritui subiicere, & principatum suū tenere, cupiditatis tyrannidem atq. ferociam cōprimere, & secūdum diuinæ legis præscriptionē vitæ clauum moderari? Melior est enim (vt ait Salomon) patiens viro forti, & qui dominatur animo suo, expugnatore urbium. Mirum præterea est, cum qui corrupto ac deprauato iudicio (vt Prophete verbis vtat) dicebat malū bonū, & bonum malū; appellabatq. lucem tenebras, & tenebras lucē; iudicabat dulce amarū, & amarū dulce; nūc iudicio per Dei gratiam illuminato, certissimā de rebus sententiam ferre, & suam vnicuique faciem & nomen reddere. Vnde etiam cōsequens est, vt cū iudicio palatū quoq. animę ita permuetur, vt sic tandem affectus cū iudicio cohæreant, atq. consentiant, atq. ita demū paupertas sit ei dulcis, crux amabilis, dedecus propter Deū gloriosum, pia lacrymæ dulces, atque (vt verbis vtat Hieronymi) oppidū ei carcer, solitudo paradisus sit; cōtra verò opulētia illi sit onerosa, voluptates amare; honores molesti, atq.

Concil.  
Trident.

1. Reg. 10.

2. Reg. 4.

Prou. 16.

Esa. 5.

Hieron.



Seneca.

graues, ac demum cetera omnia quæ apud alios in pretio sunt, contemnat atq. pro nihilo ducat. Hoc quis non videat mirabile diuinæ potestatis opus esse? Vidit hoc certè, quauis ethnicus, Seneca, qui ait: Si hominè videris interritū periculis, intactū cupiditatibus, inter aduersa felicè, in medijs tēpestatibus placidū, ex superiori loco homines videntē, ex æquo deos, non subit te veneratio eius? Non dices; ista res maior est altiorque quàm vt credi similis huic in quo est corpusculo possit? Vis istuc diuina descendit; animū excellentē, moderatū, omnia tamquā minora transeuntē, quicquid timeamus optamusq. videntem, celestis potētia agitāt. Nō potest res tanta sine adminiculo numinis stare. Hæc ille. Denique mirū est, terrā desertā, inuiam & inaquosā (quæ nihil aliud nisi tribulos & spinas proferebat) in paradisum repētē mutatā, diuersis variarū virtutū plātis confitam esse. Hoc est enim mirabile illud opus quod per Esaiā Dñs

Esaia 41.

se editurū pollicetur, cū ait; Ponā desertū in stagna aquarū, & terram inuiam in riuos aquarū. Dabo in solitudine cedrum, & spinam, & myrtū, & lignū oliuæ, vt videant & sciant, & recogitent, & intelligāt, quia manus Dñi fecit hæc. Quid igitur aliud his metaphoris significare Dñs voluit, quàm hanc animorum mutationem celestis gratiæ beneficio fieri? Quod vt clariùs inspiciamus, peccatricis huius animā in duplici statu, hoc est, ante pœnitentiā, & post pœnitentiā contēplemur. Quid enim aliud anima illa ante conuersionem suam, nisi terra deserta, inuia & inaquosa erat, in qua nullū siue cōpunctionis, siue gratiæ, siue pœnitentiæ, siue piarū lacrymarū vestigiū inueniebatur? Quid, inquā, erat, nisi desertū sterile, quod nihil aliud nisi viperas, & feras, & vitiōrū sentes ac tribulos proferebat? At vbi diuina lux affulsit, vbi celestis virtus mentē eius excitauit, quàm subito ex squalenti deserto in paradisum voluptatis cōmutata est! quàm copiosi salutaris aquæ fontes ex adulteris illis oculis eruperunt! qui deinde flores & fruges pro spinis & tribulis oriri coeperunt! hoc est, quæ puritas, quæ pietas, quæ innocentia, quæ cordis humilitas, quæ corporis & animæ castitas ibidem exorta sunt, vbi sola antè libido & impudicitia, & omnes vitiōrū spinæ mētem illā occupabāt! O si cui ea mētis acies Dei beneficio contigisset, qua in intimos animæ illius recessus penetrās, cordis eius faciē, antequā ad gratiam perueniret, & vbi ad eam peruenit, intueri potuisset! Hic enim apertè vaticiniū huius veritatē, hoc est, desertū in paradisum, & vitiōrū tribulos in odoras virtutū plantas cōmutatas facillè cerneret; quemadmodū idē Propheta alibi dicit: Pro saluicula ascendet abies, & pro vrtice crescet myrtus. Vt autē apertè videremus, hoc nō humanæ facultatis, sed diuinæ potestatis & misericordiæ opus esse, tot illa Dñi verba incul-

Esaia 55.

cauit;

cauit. Vt videāt, & sciant, & recogitent, & intelligant, quia manus Dñi fecit hæc. Hac enim verborū repetitione & gloriæ suæ Dñs, & humilitati nostræ consuluit, vt nihil nobis in hac tantæ vitæ mutatione arrogāter attribueremus, sed ad illius laudem & gloriam omnia conferremus, illiusque immensam & infinitam potentiā, bonitatē & misericordiā in hoc opere agnosceremus. Quod vt apertē intelligeremus, sæpē Dñs homines vel aliud agētes, vel nihil minus cogitantes, aut etiā (quod est lōgē mirabilius) repugnātes, ad donorū suorū cōmunionem vocat. Moyses quidem Dñs elegit ex omni carne: at quid is agebat, cū ab eo ad tantæ dignitatis gloriam est vocatus? Certē cū de piniori ouīū pabulo sollicitus, minaretur gregem ad interiora deserti, vt gregis populi sui pastor esset, non modō ab eo vocatus, sed etiā renuens atq. reluctans, multisq. se rationibus excusans, non tā vocatus, quā quodāmodo cōpulsus est. Cur igitur sic vocatus? Nō dubiū quin hac ratione Dñs gratiæ suæ magnificentiam hoc exemplo manifestare voluerit; vt hoc argumento intelligeremus, omnia quidē illi debere, quando hunc sanctum virū vocauit, nō modō ad hoc nihil per id tēporis agentem, sed etiam repugnantem. Hanc autē diuinæ gratiæ liberalitatē atq. virtutē non omnes agnoscunt; agnoscunt tamen illi qui a Deo illuminantur, quiq. iusti diuinorū operū æstimatores sunt. Talis profectō inter alios D. Bernardus extitit, qui cū in Gallia Belgica principē quendā virum, Arnulphū nomine, assumpto ordinis sui habitu, seculo renunciare fecisset, hanc de eo in conuentu fratrum sententiam protulit: In conuersione fratris Arnulphi nec minūs admirandum, nec minūs glorificandum, quā in quadriduani Lazari resurrectione, Christū Dñm fuisse; quippe qui totus in delicijs carnis, quasi alter Lazarus in tumulo sepultus claususque, viuens mortuus iacebat, qui tamen omnipotētis virtute ab hoc deliciarū & vitiorū tumulo ad integerrimam vitam omnium deliciarum expertem, excitatus fuit.

Exod. 3.

Bernard.

Sed cōmodissimū exemplū in peccatricis huius conuersione hodie nobis proponitur, quæ ex lebe in aureā phialam, & ex vase cōtumeliæ in vas gloriæ trāslata est. Vt enim Ecclesiasticus ait: Omnis mulier fornicaria quasi sterces in via ab omnibus prætereuntibus conculcatur. Quid ergo mirabilius, quā hoc vilissimū sterces, lutumq. platearum in vas ornātū omni lapide pretioso trāsformari? Quā multa enim in hac vitæ mutatione cōmutata sunt! Pro impudicitia enim castitas, pro impudentia pudor, pro delicijs lacrymæ, pro amore seculi cōtēptus seculi, pro voluptatibus carnis delicia spiritus, pro omni denique impuritate & flagitio, summa puritas & sanctitas repēte cōsecuta est. Demirat<sup>r</sup> propheta rubri maris aquas ad imperiū Dñi fugatas, &

Eccl. 9.



**Psal. 113.** Iordanis vndas retrò conuersas, exclamat; Quid est tibi mare quòd fugisti? & tu Iordanis, quia conuersus es retrorsum? Ego verò hanc tantam vitæ mutationem attendens, similiter exclamabo: Quò tam subitò discessisti lasciuia? quò abiisti impudentia? quò turpitudine discessisti? quò deniq. tot vitia imis huius feminæ visceribus infixæ, & diuturna peccandi consuetudine confirmata, diffugistis; quorù nullæ reliquæ, nulla pristina vestigia in ea mente relictæ sunt? Nimirum illic à facie Domini retrocesserunt aquæ, hic verò vitia cuncta subitò fugata sunt.

**Eccl. 10. 17.** Verissimè enim dictum est, faciliè esse in oculis Domini subitò honestare pauperem, & ex duris lapidibus suscitare filios Abraham. Annon igitur manifestè in hoc opere diuinæ gratiæ potentia lucet, quæ meretricem, hoc est, stercus & lutum platearum, astris puriorè, & sole splendidiorem effecit?

Quòd si queras, quibus tandem rebus ad hunc summum puritatis & dignitatis gradum hæc mulier à Domino perducta fuerit; non dubium, quin humilitate, charitate, fide & pœnitentia instructa, hanc tantam gratiam fuerit consecuta. Fides enim fuit, quòd ad Dominum Iesum salutarem animarum medicum curanda venit: humilitas fuit, quòd non ausa est ante conspectum eius apparere, sed stans retrò sacris eius pedibus prouoluta est: pœnitentia fuit, quòd tantam vim lacrymarum effudit, quibus animæ suæ sordes lauit: charitas verò fuit, quòd pedibus Domini oscula fixit, quòd capillis tersit, quòd vnguento vnxit. Inter has autem virtutes humilitas potissimùm illuxit.

## I.

Publicanus ille ex Euangelio, malè actæ vitæ conscientia ter-  
ritus, totusq. ex diuinæ maiestatis præsentia omnes animæ latebras penetrantis pudore suffusus, nō audebat nec oculos quidem ad cælum leuare, nec propitiùs ad altare Dñi accedere; sed à longè stans, percutiebat pectus suum, dicens: Deus propitiùs esto mihi peccatori. Sic igitur Maria nostra, ab eodem spiritu edocta, horrendæ turpitudinis suæ maculas agnoscens, & se diuina præsentia indignam reputans, non ausa est illius se oculis præsentare; sed metu anxia, & pudore verecunda, accedens retrò, ante sacra Dñi vestigia sese proiecit. Ab eodè quippe Spiritu instructa, intellexit, quantum humilitatis virtus, veraq. animi seipsum introspectantis submissio ad diuinam iram auertèdam haberet momenti; scriptum est enim: Oratio humiliantis se, nubes penetrabit; & donec propinquet, nō consolabitur; & non discedet, donec Altissimus aspiciat. Quod quidem regius Vates apertissimè intellexit, qui hac se virtute à Dño mundari poposcit, cum dixit: Asperges me Dñe hyssopo, & mundabor: lauabis me, & super niuem dealbabor. Hyssopi namque nomine (vt  
D. August,

D. August. 2. De doctrina Christ. lib. docet) humilitatis virtutem designat. Nec enim hyssopus, aut vllum aliud herbarum genus conceptas animo sordes eluere potest, à quibus mundari sanctus ille Rex postulabat. Hyssopi ergo nomine humilitatem intellexit, quæ verè pœnitentis habitus est, qui sui ipsius demissione Deum, quem peccando contempsit, honorat, & sui ipsius deiectione placat, quem elatione atque tumore ad irâ concitauerat. Est enim hyssopus herbula quædam exigua, quæ tamè ad pulmonis tumorem purgandum maximè salutaris est, cuius radices durissimos etiam lapides penetrant, quæ omnia maximè humilitati conueniunt. Primū enim verè humilis paruulus est in oculis suis, qui etiam (vt D. Bernardus ait) non vult apparere humilis, sed vilis. Deinde sicut hyssopus pulmonis tumori & inflationi medetur; sic humilitas inter cætera laudum suarum insignia hoc habet præcipuum, quòd ingentes superbiæ spiritus, ventosamq. iactantiam cum tota vitiorum quæ ab ea oriuntur propagine, ab anima pellit; atque ita à seruitute diaboli hominem liberat. Vera est enim illa D. August. sententia: Quemcumque superbum videris, filium diaboli esse non dubites. Postremo, sicut hyssopus radicibus suis durissimos lapides penetrat & frangit; sic humilitas, omnipotentis Dei iram in lenitatem vertit, & ad misericordiam flectit. Hac igitur virtute primum Maria instructa venit, cum retrò stans se ad pedes Domini suppliciter abiecit; qua iram eius ita leniit, vt illum ex iracundo leone in mansuetissimum agnum verterit.

Post humilitatem autè veræ pœnitentiæ lacrymas profudit, quibus Dominicos pedes rigauit. O cui mentis oculos in peccatricis huius pectus immittere liceret, quibus hanc tantam doloris vim, quam dilectionis magnitudo, & perfecta scelerum deformitas acuebat, cernere posset! Sanctus quidā pœnitens adeò acri dolore propter scelerū conscientiam torquebatur, vt nullū cruciatum hoc ipso acerbiores esse credens, ad Dñm cōuersus dixerit: Dñe, nullum supplicij genus est, quod ego ope tua adiutus ferre non possim; sola tamen peccati memoria adeò acriter mentem omnem dilacerat, vt vix illam sustinere queam. Quicumque igitur hac tanta diuini splendoris luce, & charitatis ardore à Deo donati sunt, nihil mirum si in hoc tam ingens odiū ac detestationem peccati deueniant. Ex huiusmodi autem detestatione dolor nascitur; ex doloris autem magnitudinē flumina illa lacrymarū erumpūt, quibus pedes Dñi Maria ablueret potuit. Sed non mirum est, si Spiritus sanctus, qui charitatis ignē in corde eius accēderat, intima eius omnia in fontes aquarū eliquauerit, quibus & animæ eius sordes ablueret, & arētem atq. incultā terrā, quæ nihil nisi spinas & tribulos proferebat, in



Iob. 38. voluptatis hortum commutaret. Quæ de re sic in libro Iob scriptum legimus: *Quis dedit vehementissimo imbri cursum, ut impleret desertam & inuiam, & produceret herbas virentes? Per terram autem desertam & inuiam perditorum hominum corda, & ab omni iustitiæ cultu aliena intelligenda esse diximus. Super quæ tamen Dominus vehementissimum desuper lacrymarum & donorum suorum imbrem. hoc est, superabundantem diuini Spiritus gratiam effundit; quo fit, ut terra illa arida & inculta, quæ antea spinas proferebat, virentes modò pietatis & iustitiæ germinet fructus: quod in hac femina apertissimè videre licet; quæ hoc cælesti imbri irrigata, ex rudi incultoque dumeto paradysus voluptatis effecta, dignos pœnitentiæ fructus protulit.*

Vbi verò hunc lacrymarum imbrem supra beata illa vestigia effudit, addit nouum tergendis pedibus instrumentum; nempe aureos capillos, quibus illa inescare stultorum animas & illaqueare solebat, ut eorum ministerio contracta per illos crimina dissolueret. Capillis tot animas illaqueauit, & capillis suam soluit; capillis innumera peccata contraxerat, & capillis rursum eadè ipsa dissoluit; capillis diabolo & mundo militauerat, capillis modò Christo deseruit; capillis vitam suam corruerat, capillis modò vitam instaurat; capillis se ipsam perdiderat, capillis se modò perditam seruat. Quis hoc unquam vidit, ut res eadè iustitiæ & iniustitiæ, vitæ & mortis instrumentum fieret? Hinc aperte liquet, non tam res, quam rerum usum probari, vel improbari. Sic enim opes bene collocatæ salutem; malè autem collocatæ, pestem suis possessoribus afferunt. Ad hunc ergo modum huius femine capilli aliud effecerunt, cum iniquitati, aliud cum pietati seruirent: hic enim consecratur ad vitam, illic destinabantur ad mortem. Hoc autem in loco videmus impletum quod Esaias Propheta futurum in aduentu Christi prænuñciauit: Et contaminabis, inquit, lamas argentum tuum, & sculptilia tuorum; egredere dices eis. Quæ sunt autem sculptilia, siue idola, nisi ea quæ homines super omnia diligunt, & in quibus gloriatur? At impudicæ femine quo amore capillos suos prosequuntur! quantum de eorum pulchritudine gloriatur! Hæc ergo sculptilia hodie Maria cõtaminauit, dum capillos ad puluerem & sordes pedum tergendas demisit. Tunc etiam abominaciones Aegyptiorum Domino immolauit, quando capillos suos, quos illa sibi deos fecerat, Domino sacrificauit.

Simile.

Mos est regie familie, vbi rex fato functus est, vexilla regia per terram in mœoris significatione raptare. Hoc ipsum Maria fecit, in cuius hodie pectore daemon, cui illa tanquam regi suo militabat, mortuus fuit, ideoque teterrimi regis vexillum, nempe capillos suos, quibus ipsa ceu vexillo quodam satellites diaboli ad se vocabat, ad pedes Christi demisit atque raptrauit.

Nec

Nec hoc officio contenta, osculabatur pedes eius, & vnguento ungebat. Vnguentum capiti præcipuè, non pedibus, qui luto & puluere fœdantur, adhiberi solet. At mulier indignam se esse reputans, quæ sacrum illud caput impuris manibus cõtingeret, simul & illorum pedum dignitatem considerans, pedes, nõ caput ad vngendum elegit; quibus etiam deuotissima oscula fixit. Sed quæ tanto diuini amoris igne æstuabat, quo affectu & suauitate sacra illa vestigia osculabatur? Nondũ illa legerat, quod Esaias de noui Testamēti concionatoribus ait: Quam speciosi Esaiæ 52. pedes euangelizantium pacem euangelizantium bona! sed iam tum animo præsentiebat, quàm speciosi essent illi pedes qui toties quærendis ubiq. peccatoribus lassati fuerant, Ego ne (ait illa) non figam oscula pedibus his qui me errandã ouẽ, & iam iam à feris deuorandã ad caulas iustitiæ adduxerunt? Ego non osculabor pedes eius qui me tamdiu patiētissimè sustinuit, clementissimè expectauit, benignissimè vocauit, amantissimè excepit, & ex funesti draconis faucibus eripuit? Parum est pedes eius lacrymis abluere, & capillis tergere, sanguine (si liceret) abluere, & visceribus ipsis tergere voluissem. His ergo lacrymis, nõ verbis, causam suam apud iustũ iudicem egit. Oratio enim (vt quidam sanctus ait) Deum lenit, lacryma cogit, hæc vngit, illa pungit. Sunt enim apud diuinas aures maximè vocales poenitentium lacrymæ; aliàs enim nequaquam Propheta dixisset: Auribus percipe lacrymas meas. Quid enim Ezechia lacrymæ Psal. 38. non impetrauerunt, cum is ad lectuli parietem cõuersus fleuit fleu magno? His ergo lacrymis quibus Maria Dominicos pedes lauit, animæ suæ puritatem & ablutionem impetrauit.

Nemo tamen, fratres, existimet hoc summum Christi Dñi beneficium ad vnã solam Mariam fuisse reseruatum. Latè patet diuinæ misericordiæ cāpus omnibus qui simili officio Dñm promerentur. Sed ais: Qui fieri potest, vt in cælo iam regnanti Domino, & ab humanis osculis sublato, simili pietatis officio obsequi possim? Audi modum. Quamquam is ascenderit in cælum, pedes tamen suos, quos hoc officio prosequeremur, reliquit in terra. Qui sunt autem pedes Dñi, nisi ij qui infimi omnium videntur? nepe pauperes, quos & ipse Dñs minimos appellauit, cum dixit: Quod vni ex his minimis meis fecistis, mihi fecistis. Mat. 25. Cum ergo videris hos pauperes, & pietatis affectu erga illos commoueris, lacrymis sanè lauisti pedes Iesu. Expurga etiam sordes quæ à pedore & squalore paupertatis illitæ eis sunt, quod tũ maxime facies, cū opibus, quæ tibi supersunt, illorũ inopiã subleuas: tunc enim capillis Christi pedes absterxisti. Nā per capillos, sine quib. viuere possumus, significatur ea quæ ultra necessitatē nobis suppetūt. Oscularis aut pedes Iesu, cū materno charitatis



affectu suscipis pauperum curam, ac veluti proprios filios foues ac nutris. Nam parentum proprium est, filios deosculari, præsertim tenellos adhuc & infantes. Eiusmodi autè pauperes sunt, qui veluti infantes nequeunt sibi opitulari, sed aliorum indigent ope. Hac igitur ratione pium beatæ huius peccatricis obsequium etiam nunc poterimus imitari.

## I I.

*Videns autem Phariseus, qui vocauerat eum, ait intra se, dicens: Hic si esset Propheta, &c.* Hic apertè videmus impletum quod Samueli  
 2. Reg. 27 Dñs dixit; Homo videt ea quæ foris patèt; Dñs autem intuetur cor. Phariseus enim vulgi iudiciu sequēs, & antea ctā peccatricis vitā, eam damnabat: Christus autè Dñs, de quo lōgè antè præ-  
 Esaiæ 28. nuntiātū fuerat; Non secundū visionē oculorū iudicabit, neq. secundū auditū aurīū arguet, sed iudicabit in iustitiā pauperes; cor illius charitate, humilitate, acerbissimoq. dolore contritū intuebatur; ideoq. quā mundus accusabat, ille, qui renū & cordis scrutator est, cōmendabat. Nec hoc solum nomine accusandus est Phariseus, sed hoc etiā, quod ad verā sanctitatē & iustitiā pertinere credebatur, peccatorū, ac præcipuè pœnitentiū contactū refugere; quasi huiusmodi cōtactu pura mēs inquinari posset. Sed tamen vana & ficta Phariseorū religio in huiusmodi genias inciderat; quæ vt ad plausum & oculos hominū seruiebat, ita interna pietate neglecta, ea solum quæ humanis oculis conspicua erāt, curabat. Videretur autè mihi Phariseus hic quadam ex parte similis illi fuisse, qui se ipsum Publicani cōparatione iactabat; ita enim hic eiusdē superbiæ & præsumptionis sectator, huius se peccatricis cōparatione efferebat. Cuius cogitationibus Dñs tā mirabili cōsilio & arte respōdit, vt peccatricē illā longè ipso iustiorē esse declararet; & is tamē hac respōsione nihil offenderetur. Ait igitur: *Simon, habeo tibi aliquid dicere. At ille ait, Magister, dic. Duo debitores erāt cuidā fœneratori, &c.* Delicata; aures, nisi his ambagibus & parabolis, veritatē quæ illos perstringit, audire recusant. Sic enim Nathā Propheta scelus adulteri; Davidi Regi proposuit, vt non à Propheta reprehensus, sed à se ipso dānatus fuisse videretur. Duo, inquit Dñs, debitores erāt cuidā fœneratori, unus debebat denarios quingentos, alius quinquaginta. Nō habentibus illis unde redderēt, donauit utrisq;. Quis ergo eum plus diligit? Respōdēs Simon, ait. *Æstimo quia is cui plus donatum est.* Ait illi Iesus, Rectè indicasti. Et cōuersus ad mulierē, &c. Animaduertite, quæso, fratres, Dñi misericordiā & gratiā; mulier faciē Dñi verita, accessit retrō: at is qui humiles corde nō auersatur, terga petētī faciē reddidit. Moy si faciē Dñi videre cupiēti, posteriora vidēda traduntur, ac huic peccatrici retrō accedēti, facies Dñi vidēda exhibetur.

tur. *Conuersus enim ad illam, dicit Simoni, Vides hanc mulierē? Intraui in domū tuā, aquā pedibus meis non dedisti; hæc autē lachrymis rigauit pedes meos, & capillis suis terxit. Osculū mihi nō dedisti; hæc autē ex quo intraui, nō cessauit osculari pedes meos. Oleo caput meū nō unxisti; hæc autē unguento unxit pedes meos.* Mirā in hac officiorū supputatio-  
ne consolationem animus meus percipit. Hoc enim argumēto  
facile conicio, quibus immensa illa bonitas oculis piorū homi-  
nū rectē facta contēplatur; quando omnes boni operis circum-  
stātiās, atq. (vt ita dixerim) particulas adeo vigilanter excutit,  
vt simplex officiū minutatim in tot partes diuidat, quot circum-  
stantiās habet, quo vnicuiq. suum præmiū tribuat. Simili modo  
misericordiæ opera, quibus pauperū necessitatibus consulumus  
(quæ vnico nomine cōprehendi poterant) singillatim in extre-  
mo iudicio diuidet, cum illis sua præmia decernet. Esuriui, ait, Math. 29  
& dedistis mihi manducare; sitiui, & dedistis mihi bibere, &c.  
Itaq. fratres sicut Apostolus ad bene operandi studium spe futu-  
ræ resurrectionis Corinthios adhortatur; ita vos ego ad idē stu-  
dium horro; quod iustissimum vestrarum operum æstimato-  
rē in cælo habituri sitis, cui non sit necesse oratorē adhibere, qui  
vestra rectē facta amplifcet, & rem ipsam cū partibus ante eius  
oculos ponat; ipse enim & bonorū operū retributor, & idoneus  
amplificator est; quiq. non solum boni operis, sed omnium etiā  
vel minimarum circumstantiarum rationem habeat.

Quid igitur sibi Saluator hac officiorū enumeratione voluit?  
Primum hinc apertē colligit, quam ille peccatricem damna-  
bat, esse illo sanctiorē; quod videlicet maiori esset charitate præ-  
dita: quam rem maiora charitatis officia indicabant, cū ille præ-  
ter hospitij conuiuium nihil addidisset, hæc verò mulier omnia  
illa ardentissimæ charitatis officia præstitisset. Itaq. ex operum  
præstantia, charitatis excellentiam; ex hac verò, sanctitatis præ-  
stantiam nō obscurē intulit; quod ille fortasse minus intellexit.

Sed nō leuis tamen dubitatio circa hanc Dñi conclusionem  
oritur, qua is proposita duorum debitorū parabola, quorū alter  
minus, alter plus deberet, intulit; *Propter quod dico tibi, dimissi sunt*  
*ei peccata multa, quoniam dilexit multum. Cui autem minus dimittitur,*  
*minus diligit.* Videtur enim inuēta cōclusio. Si enim ex duobus  
debitoribus plus diligit, cui plus dimissum est; ex hoc colligi vi-  
debat, vt hæc mulier cui multa debita dimissa sunt, multū di-  
ligeret. Itaque maioris debiti remissio maioris dilectionis causa  
est. At hic contrā Dñs maiorem dilectionem remissionis cau-  
sam esse intulit, cum ait, *Dimissa sunt ei peccata multa, quoniam di-*  
*lexit multum.* Huic dubitationi facile quidē (quāuis ad populum  
obscurē) Theologi respōdēt; quod quemadmodū diuina gratia,  
ita & charitas, quæ ex gratia manat, iustificationē hominis ante-  
gredi-



greditur, & cōsequitur; quod in diuerso causarū genere contingere posse non est ambigū. Sed quoniā hęc Philosophia sublior est quā vt à populo percipi possit, tentabo illā alia ratione rudibus etiam conspicuam facere. Ad hoc autem necesse est, vt ea quæ iustificationem hominis antecedunt, explicemus; cuius rei cognitio iis qui vel ad Deum conuersi sunt, vel cōueri student, maximē utilis & necessaria est. In homine igitur iustificando motus fidei primo loco ante omnia concurret, qui Deum homini tamquā iustum iudicem proponit, qui vnicuiq. secundū opera sua, siue prāmia, siue supplicia redditurus sit; eundemq. repræsētat, vt infensum improbis, ita contrā propter Christi merita clementem & propitium verē pœnitentibus. Ex hac autē fide, Spiritu sancto excitante, & affiatu suo ad gratiam preparāte, consequitur primū timor ex diuini iudicij & admissi criminis recordatione. Quem quidem metum spes excipit & lenit, quæ ex diuinæ miserationis, & meritorum Christi cōsideratione procedit; per quam sperat, peccata sua sibi cōdonanda, & amissam Dei gratiam & amicitiam illius meritis & pretioso sanguine recuperandā. Ex qua re non modo spes veniē propter Christū, sed amor etiam in ipsum excitatur, vt qui immeritos nos tantopere dilexerit, tantisq. doloribus suis primam nobis gratiam ptemeruerit. Ex quo amore dolor cōtintō nascitur, cum cōsideramus quā multis sceleribus illū offendimus; à quo sic conditi, sic redempti, sic à diaboli tyrannide fuimus liberati. Cum dolore verò ac detestatione peccati propositum simul nascitur vitandæ eius rei quam super omnia detestamur, quæque tantum nobis dolorem incussit. Cum verò ad hoc propositū ventum est, quo pristina mala detestantes, Deo deinde militare atque seruire toto pectore, totaq. mente decernimus; ibi protinus celestis gratia mētibus nostris illabitur, quæ nos ex iniustis iustos, & ex inimicis amicos Dei facit. Hac igitur series earū rerū est, quæ animū ad iustificationē preparare solent. Redeo igitur ad spem, de qua paulò antè dixi. Hęc, quatenus ex natura sua est, amorē eius parit, per quem nobis sperata salutis, & peccatorum venia cōtingit; qui non alius quā Christus salutis nostræ auctor est, Agnus videlicet ille qui tollit peccata mundi. Quæ quidem spes quo vehementius à diuino spiritu roboratur, eo maiorem in Christum amorem excitat. Ea verò in hac peccatrice tāta fuit, vt ardentissimum in eius pectore amoris ignē accenderet, per quem tantum sibi beneficium firmiter conferendum esse sperauit. Quo verò spes firmior & certior, eo charitas exstitit ardentior. Quæ quidē charitas vt peccatorū remissionē cōsecuta est (dilexit enim multū, quia multa ei debita condonata sunt) ita etiā præcessit, quoniā certissimē sibi ea re-

mit-

mittenda esse sperauit. Firma enim alicuius boni potiundi spes non minus interim afficere animū quam ipsa possessio solet; & non minus ferē gaudeat qui certissimē bonum aliquod sperat, quam qui in manibus habet. Itaque Maria dilexit multum, vbi illud à Dño latrię & exultationis verbum audiuit; *Remittuntur tibi peccata tua*; & ante hoc etiam verbum dilexit multum: quia firmissima spe credidit esse sibi peccata multa remittenda. Hoc enim non obscurē Dominus indicauit, cū ait; *Fides tua te saluam fecit, vade in pace*. Hac enim fide & futurā per Christum remissionem credidit; & quia credidit, sperauit; & quia sperauit, auctorem tantę salutis dilexit. Hoc est autem quod celestis magister in hac parabola intulit, quod erat videlicet obscurius; quod enim per se satis manifestū erat, iudicio reliquit auditorū. Hac autem ipsa, quę diximus, vno Davidis versiculo apertissima faciamus enim sic ait; *Dilexi, quoniam exaudiet Dominus vocē orationis meę*. Dilexi, ait. Quare diligis? quod à Deo beneficiū percepisti vt eum diligas? Quoniam, inquit, exaudiet Deus vocem orationis meę: hoc est, quoniam hęc spem firmiter animo concepi, in quacunq. die ad Dñm clamauero, exauditurum esse vocem meam: hęc futuri boni firma spes iam dudum in animo meo amorē erga illū accendit; nō minus quam si hoc iam mihi beneficiū pręstisset. Huius verō spei firmitatē alibi ostēdit, cū ait: Scitote quoniam mirificauit Dñs sanctum suum. Quare in te mirificauit? quibus opibus & beneficiis te conspicuum & mirabilē reddidit? Subdit protinus; Dominus exaudiet me cū clamauero ad eum. Quid enim maius quam summū illū rerum omnium Dñm habere adeo fauentem ac propitium, vt non semel aut iterum, sed quoties ad eum clamauero, eius mihi opem non desaturam certō sciam? An non igitur hunc Dñm toto pectore diligam, colam, & perpetuis laudibus celebrabo? Hoc ipse adhuc alibi apertius proficitur his verbis; Ab insurgentibus in me exaltabis me; à viro iniquo eripies me. Propterea cōfitebor tibi in nationibus Domine, & nomini tuo psalmū dicam. Videris ergo futurorum beneficiorum spem, laudādi atque diligendi Dñm studium excitare? Ad hunc ergo modum hęc sancta semina non modō Christū ardentissimē dilexit, cū peccata sibi dimissa cognouit, sed etiam quia dimittenda sperauit. Neque enim aut nouū, aut mirū est, spē boni futuri, amorē & gaudium in pręsenti excitare. Ex qua quidē philosophia illud colligimus, fratres, duplici nomine pios omnes ad Christi dilectionē teneri; altero, quod peccata illis dimissa sunt; quod tamen nemo certū & exploratū habere potest: altero, quod si deinceps in peccata labātur (modō illos malorū suorū peniteat) dimittēda sint. Qui enim homini remittere iussit septuagies septies, multo magis ipse

Psal. 114.

Psal. 14.

Psal. 17.

Matth. 18



ipse præstabit quod aliis faciendū esse præscripsit. Ex hoc itē loco aliam rursus diligendi Dñm causam colligimus, nempe quod is electos suos hoc pulcherrimo & maximo beneficio affecerit, vt omnia illis vertantur in bonum, etiam ipsa peccata, vt D. Augustinus ait. Vbi enim ad Dñm conuersi præterita crimina deseruerunt, eorundem cōsideratio humilitatem, gratitudinē, salutare dolorē, & sollicitā sui custodiam parit; ita fit, vt quod letiferum & perniciosum erat, virtutis & pietatis occasio fiat. Quod huic peccatrici euenisse videmus; cui peccatorum multitudo multā etiam diligēdi occasionem præbuit. Quam etiam omnes illi habent, qui post diuturna flagitia misericorditer à Dño vocati, & in gratia constituti, ad finem vsq. inconcussam pieratis fidem seruauerunt. Nemo tamen huius spei obtentu diutius in sceleribus perseuerandi occasionem sumat, quandoquidem de huiusmodi vocatione, & superabundanti diuinę gratiæ auxilio incertus sit; imò verò quo diutius in peccato manet, eo magis sibi salutis aditum præcludit.

August.

Sequitur deinde altera quæstio, quam D. August. longa oratione hoc in loco vehementer vrget. Cū enim Dñs dicat, Mariam dilexisse multum, quia multa ei peccata dimissa sunt; & minus diligit, cui minus dimittitur: aliquis hinc fortasse ansam arripiet plura peccandi, vt plus diligit, cui plus dimittendum sit. Itaq. metuendum est, ne his qui cupiditatibus suis indolgent, subrepat illa sententia quam Apostolus his verbis insinuat; Et sicut quidā dicunt nos dicere, faciamus mala, vt veniant bona. Dicet enim aliquis: Si cui modicum dimittitur, modicum diligit, cui autem plus dimittitur, plus diligit; expedit autem plus diligi, quā min<sup>o</sup> diligi; oportebit ergo multū peccare, vt multū debeamus, vt ita demū propter maiora debita dimissa, Deum magis diligamus. Huic quæstioni ita respondet August. vt contendat non minus illum diligere debere, quem Deus ita gratiæ suæ virtute præuenit, vt in multa scelera minimē laberetur; quā is cui multa scelera condonata sunt. Ait igitur: Accedit ad eū supplex aliquis peccator coopertus spinis tanquā ericius, & nimis timidus tāquam lepus; sed petra tamen, hoc est, Chri-

Psal. 103.

stus Dñs (vt Psalmus ait) huiusmodi ericiis & leporibus refugium est. Alius gubernante Deo nō multa cōmisit. Cui deputat ille quod dimisit, huic & iste deputat quod nō cōmisit. Adulter non fuisti in illa vita tua plena ignorantia. Hoc dicit tibi Dñs Deus tuus; Regebā te mihi, seruabā te mihi, vt adulterium non committeres, suator defuit; & vt suator deesset, ego feci. Affuit suator, non defuit locus, non defuit tempus; vt non consentiret ego terrui. Agnosce ergo gratiam eius cui debes, & quod non cōmisisti, Mihi debet ite quod factū est, & dimissum est; mihi debes

debes tu quod non fecisti. Nullum enim est peccatum quod faciat homo, quod non possit facere alter homo. Extat locupletissimum huius rei exemplum Abimelech Regis Palaestinarum, quamuis ethnicus, quem tamen Dominus cohibuit ne Abraham uxorem violaret. Cum enim is veller eam sibi matrimonio copulare, Domino autem ipsum propter hoc castigante, & corripiente, ille se simplici corde hoc fecisse testatus est; quod eam non uxorem, sed sororem Abraham esse crederet. Cui Dominus: Et ego, inquit, scio quod simplici corde feceris; ideoque custodiuite ne peccares in me. Videtis ergo Regem hunc, quamuis ethnicum, beneficio tamen Domini a peccando cohibitus? Non ergo minus hic diuinæ misericordiæ debet, quod ab hoc crimine immunis fuerit, quam si admissum crimen illi condonatum esset. Quamuis enim eximiam laudem promereatur vera penitentia; maiorē tamen obtinet innocentia. Praestat enim non peccasse, quam post peccatum penituisse. Ergo, fratres, debitores sumus Deo, siue quibus peccata dimissa sunt, siue a quibus commissa non sunt: illi, quoniam veniam à Domino perceperunt; isti, quoniam eo gubernante in peccata minimè inciderunt. Quare (vt idem Augustinus ad Virgines quidā scribit) existimare debemus, nobis dimissum, quicquid non est illo donante commissum: vt vtrique summo Deum amore diligentes, ad charitatis plenitudinem, quæ in æterna patria viger, peruenire mereamur: praestante Domino Iesu Christo, cui est honor & imperium in sæcula sæculorum, Amen.

Genes. 30

August.

IN FESTO BEATI IACOBI  
APOSTOLI, CONCIO PRIMA, IN QUA  
lectio Euangelica, ac deinde verba in themate  
proposita explanantur.

THEMA. *Calicem quidem meum bibetis.* Matth. 20.



**M**ODI, fratres, beatissimi Apostoli Iacobi festū diem maiori (vt arbitror) alacritatē quā aliorum Apostolorum festa celebramus: vtpote quī de hoc tāto Hispaniæ nostræ patrono meritō gloriamur. Is enim præcipuē ex sacro illo Apostolorum choro, qui Dominum Saluatorem, dum in hoc mundo versaretur, comitari meruerunt, in Hispaniam venire, ibique fidei semen iacere diuina dispensatione voluit. Nec in vita so-

Tom. 6.

CC

lūm,



- lum, sed in morte etiam sedem apud nos eligere dignatus est, ut quos caelesti doctrina ad fidem erudierat, sacri corporis sui praesentia ab hoste defenderet. Fuit certe diuinus hic Apostolus valde nobis amicus, qui nec viuens, nec vita functus deserere nos voluit; qui cum patriam agnosceret Iudaeam, tumulto tamen atque doctrina honorare atque defendere voluit Hispaniam. Nec dubium quin plurimum possit in caelo regnans, qui apud vnicum Dei filium tantam meruit gratiam inuenire. Hunc enim cum Ioanne fratre, & Apostolorum principe Petro, gloriosae transfigurationis suae testem esse voluit. Eosdem etiam secum solos ad Archifsynagoga filiam suscitandam ingredi voluit. Nec in prosperis solum, sed in aduersis etiam eisdem sibi commites adsciuic, cum ante passionis suae certamen cepit cōtristari & mœstus esse. Nec insigni gloria caret, quod is primus inter Apostolos fuerit martyrij corona laureatus, primus seipsum holocaustum viuū Domino obtulerit; primus glorioso propter illum cruore perfusus fuerit; primus morti, quā Saluator dignatus est pro omnibus pati, morte sua vicem repēderit, & pro vita vitam, pro sanguine sanguinem reddiderit. Hic igitur tantus Apostolus nunc quidem patronus est noster: providendū autem summo studio nobis est, ne qui modō est patronus, in extremo iudicio noster fiat aduersarius, quemadmodum de legislatore Moysē Dominus dixit; Est Moyses qui accusat vos, in quo vos speratis. Qui enim obsequentibus patroni sunt, rebellibus atque immorigeris aduersarij sunt.

Luc. 9.

Marci 5.

Mat. 26.

Act. 12.

Ioan. 5.

Cæterum hodierna sancti Euangelij lectio, quæ Iacobi & Ioannis fratris petitionem continet, non omnino ad corū laudem & gloriam pertinet. Habet enim aliquid quod meritō laudari, & quod etiam accusari debeat: illud autem ad Dei gloriam, hoc verò ad humanę naturę spectat ignominiam. Vtraque igitur de re hodie dicturi, caelestem opem, sacratissima Virginis intercessione, suppliciter imploremus.

## A V E M A R I A.

- Matth. 4. Scitis iam, fratres, Petrum & Andream fratrem eius, ante cæteros Apostolos à Domino fuisse vocatos. Cū enim in mari Galilæa retia laxarent, à Dño ad aliam multo digniorem atq. vberiores piscationem vocati sunt. Vbi autem hos vocasset, procedens inde vidit alios duos fratres, Iacobum nostrum, & Ioannem cum Zebedæo patre, rescindentes retia sua, & vocauit eos. At illi relictis retibus & patre, secuti sunt eū. Quid hac diuina vocatione mirabilis? Quid piscatorum statu, atque eorum præcipuē qui rescindendis laceris retibus vacabant, abiectius? quid verò Apostolici muneris dignitate in Ecclesia sublimius? Et tamen mirabili hac Saluatoris dignatione, abiectissimi piscatores ad tantam

tantam celsitudinis gloriam vocati sunt, vt appareat verum esse quod Sapiens ait; Facile est in oculis Domini subito honestare pauperem. Et; Suscitans à terra inopem, & de stercore erigens pauperem: vt collocet eum cum principibus, cum principibus populi sui. Si huius vocationis causam quæris, causa est diuina liberalitas atque voluntas, quemadmodum ipse Dominus ait; Non vos me elegistis, sed ego elegi vos, &c. Ne quis habeat vn-  
de meritò ex se gloriari possit. Eccl. 11.  
Psal. 112.  
Ioan. 15.

Horum ergo duorum discipulorum mater, Zebedæi vxor, & beatissimæ Virginis soror, quæ Maria Salome, scilicet filia, appellabatur (illa inquam, Salome, quæ cum Maria Magdalena, & Maria Iacobi matre, summo mane cum aromatibus ad Dominicum corpus vngēdum venerat) cū videret filios suos inter primos Apostolorū à Domino vocatos, & sanguinis coniunctione propinquos; petit, vt eos regni sui (quod terrenum ac temporale, Iudæorū more, futurum somniabat) summos principes faceret, eisq; ad dexteram suam atq; sinistram confessum præberet. Mater ergo à filiis subornata, & materno amore decepta, hunc tantum honorem filiis in Christi regno petebat, qui paulo antè cum Zebedæo patre lacera retia resciebāt. Vt autem huius petitionis causam & originem intelligamus, pauca mihi de honoris appetitione & cupiditate (à qua hæc petitio manauit, & qua vehementer omnes laboramus) prius dicenda sunt.

I.

Satis constat, fratres, inter omnes humani cordis affectus, honoris & gloriæ cupiditatem latissimè parere. Nemo enim est neque tanta humanitate præditus, neque tam agrestis & inhumanus, neque tātis honoribus insignis, neq. tam obscurus & ignotus, neque tot virtutis ornamentis excultus, neque tam multis flagitiis coopertus, qui non flagret infinita quadam gloriæ cupiditate. Hoc autem vel ex eo patet, quòd cū nihil hominibus vita ipsa charius sit, multi, ne honorem amitterēt, aut vllum in se dedecus admitterent, vitam profundere maluerunt. Cumq; Theologorū sententia sit, nullibi magis lapsæ naturæ morbum, quàm in carnalis commercij cupiditate defauisse: multæ tamē feminae magnam huius concupiscentiæ vim maiori honoris & famæ cupiditate superant; adeo huic honoris cupiditati ceteræ vel potentissimæ cedunt. Quæ res non tam in agrestibus ingenuis, quæ ferè voluptatē & vilitatem honori anteferrunt, quam in ingenuis & cultioribus animis maximè locum habet. Hi enim decus & gloriam vilitati & voluptati præferunt. Quod Alexandro Magno, Scipioni, aliisque nonnullis, scriptores historiarum contigisse referunt; qui oblatas ingentes voluptates repudiarent, ne nominis sui gloriam aliqua infamiæ labe

Matth

Q. Cur-  
tus.  
T. Lilius.

Plutarch. aspergerent. Pompeius verò ille Magnus, cum intra priuatos parietes (vt Plutarchus in eius vita memorat) libertini sui vxore vteretur, ad bellum tamen Mithridaticum profectus, feminas insigni forma atque decore oblatas contingere noluit, sed eas vel parentibus, vel viris suis intactas honorifice tradidit.

Cum igitur constet affectum hunc adeò esse vehementem, adeoque latè patere; inquisitione dignum est, cur naturæ conditor Deus hunc animis nostris affectum ingenerauerit. Cui quaestioni respondemus; id quidem singulari opificis consilio factum esse. Honoris enim appetitio, & (quod est consequens) ignominiae odium, vehementer nos ad virtutis studium alliciunt, & à vitiorum turpitudine reuocant. Vidit enim sapientissimus ille rerum fabricator, neque à virtute laborem & difficultatem (quam hominum natura refugit) neque à vitiis abesse voluptatem, quam eadem natura vehementer appetit. Vt eos igitur neque difficultas illa à virtute retraheret, neq. rursum ea voluptas ad inhonesta & inconcessa raperet, in virtute quidem honorem & gloriam collocauit (cuius flagrantissimum desiderium animis nostris inseuit) in vitiis autem dedecus & ignominiam posuit; à quibus nos pudoris & verecundiae freno arcere voluit. Vt enim ait Seneca; Plures homines pudore magis quam bona voluntate prohibitis abstinent. Iustissimum quidem erat vt nos solus diuini numinis timor & ad virtutis cultum induceret, & à flagitijs auocaret; at summus ille virtutis amator, & vitiorum hostis, non solum muro, sed etiam antemurali virtutem sepire voluit, vt quos diuini numinis respectus ad virtutem minus incitabat, honoris saltè appetitus & ignominiae metus in officio contineret. Simili consilio, quamuis in re longè diuersa, princeps huius mundi daemone usus est: qui, quoniam homines ad idolorum cultum trahere volebat (in quo nulla erat illecebra voluptatis, quæ illos ad hoc alliceret) sceleratissimas voluptates, & magnam vitiorum licentiã (qua homines maximè capiuntur) nefario illi cultui admiscuit, vt hac voluptatis suauitate miseri homines inescati, à vera religione ad impiam illam, voluptuosam & superstitiosam raperentur. Quod ergo generis humani hostis fecit, vt homines ad impietatem traheret, hoc ipsum diuersa ratione amator hominum Deus fecit, vt homines à vitiorum turpitudine ad honestatē traderet, dum in illis dedecus & ignominiam, in hac decus & gloriam collocauit. Simile quiddam Medici quoque in officio suo facere solent: qui cum viderint agrotos salubres cibos fastidire, & noxios appetere, salutaribus noxios adiungunt, vt dum auidè sumunt quod noxium est, sumant etiam quod illis salutare futurum est. Catetum virtuti honorem & gloriã deberi, non modò omnis philosophorum schola, sed

Seneca.

Simile.



sed ipse etiam communis naturæ sensus probat. Constat enim, honorem, & laudem, & gloriam, & reuerentiam rebus excellentissimis deberi. Nil autem in vita virtute clarius, nihil excellentius. Contrà verò vitia esse dedecore, ignominia & contemptione digna, idem naturæ sensus apertè docet. Vt enim rebus excellentissimis gloria; ita fœdissimis (cuiusmodi sunt omnia vitia) dedecus debetur & ignominia. Qua ex re liquet, quàm sapienti consilio virtutis amator Dominus hos duos affectus, honoris & verecundiæ mentibus nostris imprefferit.

Sed quid nos tandem facimus? quo nam modo his diuinis beneficiis vrimur? Nimirum eo modo, quo aliis eiusdem conditoris muneribus, quæ vitio nostro sic inuertimus, vt virtutis & religionis instrumenta in vitiorum irritamenta vertamus. Nihil enim animis nostris impressum & iniustum est, in quo non diuinum beneficium agnoscere valeamus; nos tamē illis naturæ principiis, quæ nobis ad salutem tributa sunt, perversè vtentes, nostra dementia in perniciem incurrimus. Nam ira, cupiditas, spes, metus, dolor, voluptas, & reliqua generis eiusdem, quibus animos vel incendi, vel restingui: vel incitari, vel remitti; vel efferri, vel contrahi; vel alio quouis pacto commoueri & agitari sentimus, nobis donata sunt, vt noxia repellentes, & salutaria adseiscientes, naturæ statû conseruemus; nos verò ea plerumque omnia ad flagitiû atque vitæ pestem cõferimus. Quo autē sunt illa maiora & ampliora quæ accepimus, eo ex illorum abusu grauioribus malis implicamur. Largitus est enim Deus nobis rationem, qua maximè à belluis distemus, & ad diuinam naturam propius accedamus: nos autem eandem sapenumberò rationem huc & illuc versantes, ea scelera cõcipimus, vt belluas etiam immanitate superemus. Habemus etiā à natura animos imbuos religione, qua incitati, præcellentē illam naturam, diuinamque vim hominum generi consulentem, ex operibus agnoscences, eam castissimo pietatisq. plenissimo cultu veneremur. At hominum amentia factum est, vt ab illo naturæ sensu duceretur omni scelere contaminata superstitio; quæ fusa per omnes nationes, multis seculis omnium ferè animos opprimeret, mortalesq. miseriis infinitis implicatos & constrictos teneret. Nihil denique, ne plura persequar, est nobis à natura insitum, quod non sit vel ad corporis tutelâ, vel ad animi cultum aptissimum; sed nos plerumque diuinis muneribus ad nostrum exitium & deformitatē abutimur. His igitur exemplis apertè liquet, quid de honoris appetitu iudicandum sit. Vt enim scelerati & perditii homines illam animi propensionem, qua ad religionis & veri Dei cultum naturæ beneficio incitabâtur, ad falsa numina impiè transtulerunt; & quod erat pietatis incitamentum, totius

Ex H. O.  
for. lib. 1.  
de gloria.

impuritatis seminarium fecerunt; sic modò multi honoris desiderium, quod in virtute colenda impendi debebat, non in virtute, sed in opibus, in diuitiis, in potentia, in ampla familia, in ingenti patrimonio, in varia ac diuite suppellectili posuerunt: eos qui hisce rebus abundant, claros cum primis & illustres existimantes, quamuis sint scelestissimi; eos verò qui paupertate & inopia premuntur, miseros arbitantes, quamuis sint virtutum omnium ornamentis exculti. Honorem igitur in diuitiis; pudorem autem & verecundiam in paupertate collocarunt. Videtis igitur, fratres, humanæ mentis peruersionem, & diuinorum munerum abusum?

Simile.

Vnde liquet, id hac in parte euenire, quod in multis quoque aliis rebus contingit; quarum aliæ quidem veræ, aliæ adulterinæ sunt. Est enim verum aurum, est & adulterinum, quod auri speciem, non veritatem refert. Sic etiam sunt gemmæ & margaritæ verè pretiosæ; sunt aliæ rursus quæ fallaci specie gemmarum & margaritarum pulchritudinem mentiuntur. Ad hunc ergo modum sunt veri honores, sunt & falsi atque adulterini. Veri sunt, qui hominibus ob virtutem & res præclarè gestas tribuuntur; falsi autem sunt, qui ob res fuitiles & interituras exhibentur.

Salust.

Hinc insignis illæ historiæ scriptor, Diuitiarum, inquit, & formæ gloria fluxa & fragilis est; virtus clara æternæque habetur. Diuitiæ namque scelestissimis sæpè hominibus contingunt; qui non ideò honore digni sunt, quamuis Cræsum diuitiarum opulentia superent, cum sint sceleribus infinitis infames; contrà verò pietatis & iustitiæ cultores, quamuis Lazaro mendico pauperiores sint, veris honoribus dignissimi sunt. Hac enim de causâ Reges terræ, atque adeò vniuersus Christianus orbis Iacobum Apostolum prædicat & honorat, & sacra eius limina magna religione frequentat; non quòd is terrenis opibus abundauerit (qui pauperis Christi discipulus & imitator exstitit) sed quòd eximia sanctitate, omniumque virtutum opibus locupletissimus fuerit. Hæ sunt enim veræ opes, quibus verus honor summo iure debetur.

## I I.

Vt igitur ad institutum redeamus, discipuli adhuc in Christi schola rudes, qui veros honores à falsis discernere nesciebant, vulgiquè tunc errorè sequebantur, hunc falsum honorem à Domino petebant, nempe confessum ad dexteram & sinistram in regno eius. quod terrenum atque temporale esse arbitrabantur. Quibus Dominus, *Nescitis*, ait, *quid petatis*. Verè enim quid peterent, nesciebant, qui veræ solidæque dignitatis & gloriæ ignari, hanc vulgarem dignitatem & gloriam ambiebant. Quod autem illis à Domino responsum est, nobis quoque responsum

pure-

putemus, qui simili morbo, similiq; errore laboramus. Omnes enim ferè veri honoris materia (quam in virtute sitam esse diximus) neglecta, falsi honoris cupiditate flagramus; dum inania hæc fortunæ lenocinia omni studio & auditate captamus. Quodq; dolendum magis est, vsque adeò in hoc errore persistimus, vt si Deus nobis optionem daret, vtra bona mallems, an ea quæ fallaci honorizan quæ honori vero materiam præbêt; illa magis quàm hæc eligeremus, hoc est, terrenas & interituras opes magis quàm pietatem & virtutem, quæ sunt immortales & sempiternæ opes. Quid igitur indignius, quid magis præposterum quàm vt homines mentis compotes, gloriæ cupiditate incensi, falsam & mendacem gloriam veræ gloriæ dignitati anteferant? Si nobis quisquam referret, habitare sub æquinoctiali linea barbaros & immanes quosdam populos; qui pluris adulterinum aurum facerent quàm verum; pluris adulterinas gemmas & margaritas quàm veras: quis illorum barbariem & amentiam non rideret? At nos ipsos minimè ridemus, qui tantum nobis religionis & prudētiae nomīne tribuimus: qui in similitudinem barbariem, atq; adeò periculosiorē incidimus, quando falsam atq; fallacem gloriam verę atq; solidę antepōnimus, maioriq; studio & contentione mendaciū quærimus, quàm veritatem; quandoquidem nullum terræ marisq; laborem, nullum vitæ periculum propter hæc falsa & fallentia bona recusamus, qui tamen propter virtutis & honestatis amorē vix loco mouerivolumus. Miser homo, quid agis? quid quæris? quid tam anxie desideras? Ego, inquis, honoris & gloriæ desiderio flagro. Intellige ergo, miser, verum honorem esse, qui virtuti & sanctitati & religioni tribuitur; hoc enim te in hoc seculo & in futuro, & corā Deo & hominibus clarū in primis & illustrem reddet. At ingens patrimoniū, ampla domus, magnus seruatorum & equorū apparatus, culta vestis, & splendida mensa, cæteraq; huiusmodi fortunę ludibria, quæ per singula penè temporum momenta eunt & redeunt, nullo modo te vera laude atque honore dignum efficient. Fieri enim potest, vt omnibus his fortunæ externis muneribus ornatus, mentem habeas omnibus flagitiis & sceleribus inquinatam: fieri potest, vt sis impurus, adulter, auarus, mendax, impudicus, periurus, blasphemus in Deum, impius in parentes, & in cæteros homines iniurius & contumeliosus: quam ergo tibi gloriam opes illæ omnes conciliabunt, cum hæc cetera vitia omnibus veræ gloriæ ornamentis spoliatum, summa te ignominia atque dedecore afficiant? Hac enim de causa regiūs Propheta in hos mendacis gloriæ amatores inuehitur, cum ait: Filij hominum, vsquequo graui corde? vt quid diligitis vanitatem, & quæritis mendaciū? Vtrumque enim in

psal. 6.



huiusmodi gloriam cadit; quæ & inanis est, cum nihil veræ & solidæ felicitatis contineat: & mendax irem; quæ, quam laudem & felicitatem externa specie pollicetur, adeo non præstat, ut ingentem etiam curarum & laborum materiam, secum afferat. Quam rem non obscure primus ille Israëlitiæ populi ductor Moyses declaravit: qui quamvis ad munus suum feliciter administrandum diuino fultus esset præsidio, diuinoque in rebus agendis consilio vteretur; curæ tamen pastoralis pondere adeo premebatur, ut mortem etiam à Domino postularet, ne tantis afficeretur malis. Itaque ait; Cur affixisti seruum tuum? quare non inuenio gratiâ coram te; & cur imposuisti pondus yniuersi populi huius super me? Numquid ego concepi omnem hanc multitudinem, vel genui eam, ut dicas mihi; Porta eos in sinu tuo, sicut portare solet nutrix infantulum; & defer in terrâ pro qua iurasti patribus eorum? Vnde mihi carnes, ut dem tantæ multitudini? stent contra me, dicentes; Da nobis carnes ut comedamus. Non possum solus sustinere omnem hunc populum, quia grauis est mihi. Sin aliter tibi videtur, obsecro ut interficias me, & inueniam gratiam in oculis tuis, ne tantus afficiar malis. Quæ cum ira sunt, meritò Dominus discipulos, qui felicitatem & quietem in principatu inueniri existimabant, corripit his verbis, *Nescitis quid petatis*: quando humanæ felicitatis auidi, curarum atque laborum materiam postulatis. *Nescitis etiam quid petatis*: quoniam eodem errore decepti, veræ gloriæ dignitatem ignorantes, de falsa & inani estis solliciti. Nec hoc solum nomine erratis, sed ob id etiam, quod regnum meum temporarium atque terrenum, communi Iudeorum errore, fore putatis: ideoque primò huius terreni regni locum concupiscitis. Regnum autem meum tot Prophetarum vaticiniis & oraculis prænuntiarum, non ad hæc falsa & fallentia bona, sed ad veræ & solidæ, cuiusmodi cælestia & sempiterna sunt, referendum est. Tale enim regnum Messie gloria & maiestate dignum est. *Nescitis ergo quid petatis*, cum ab auctore & largitore verorum bonorum falsa & inania bona exquiritis.

Quia verò sæcunda solet esse ignorantia, & vnus insignis error multorum sæpè errorum causa est; ideo in hoc etiam discipuli errabāt, quod temporum rationem & ordinem inuertebant: quando futurorum solliciti, præsentia non cogitabant, à quibus futurorum spes & ratio pendet. Quam rem Leo Papa expressit his verbis: *Intelligamus inter tentationes huius vitæ prius contentantiam postulandam esse quam gloriam. Ad hunc autem ordinem conseruandum discipulos Dominus reuocare voluit, cum dixit, Potestis bibere calicem quem ego bibiturus sum?* quod perinde est ac si diceret; De merito debetis esse solliciti, non de

præ-

premio; de labore, non de requie; de seruitio, non de primatu; de humilitate obediendi, non de principatu dominandi; ac postremo de calice passionis, qui in hac vita bibitur, non de calice dulcedinis, qui ad alteram reservatur. Verè ergo nescitis quid petatis, qui officiorum atque temporum rationem & ordinem hac vestra oratione permutatis. Erratis etiam toto cælo, cum existimatis me humanis rationibus ita moueri, vt quod virtuti & religioni meritisque debetur, istis rationibus tribuam. Nihil me ista mouent, quæ nullus apud Patrem meriti sunt; sola me mouet inuicta fides atque constantia, quæ malorum turbini non cedit, quæ neque doloribus aut periculis frangitur, quæ acerbissimæ passionis calicem bibere parata est, priusquam diuinæ maiestatis oculos offendant. De hoc ergo calice bibendo solliciti esse deberis (hoc enim ad vos spectat) sedium autem & dignitatum curam sempiterno iudice relinquit, qui unicuique reddet iuxta opera sua. *Nescitis ergo quid petatis.*

Psal. 61.

In eo etiam grauius erratis, quod petitio vestra intempestiua est. Vt enim musica in luctu est importuna narratio; ita post tantam passionum mearum humilitatem & acerbiteriam, quas modò vobis exposui, cum dixi me tradendum gentibus ad illudendum, & flagellandum, & crucifigendum, vt vos exemplo meo ad humilitatis & patientiæ virtutes excitaret: vos contra vsque adeo magisterij mei doctrinam inuertitis, vt hoc ipso tempore honoris & dignitatis cathedras postuletis. Non igitur vno tantum ac simplici errore, sed multis modis à veritatis tramite deuialis. *Nescitis enim neque quid petatis, neque à quo petatis, neque quo nomine & ratione petatis, neque tandem quo temporis articulo petatis.*

Eccle. 22.

Mat. 20.

## I I I.

Ab hac igitur inanum bonorum cupiditate ad vera bona traducere discipulos suos Dominus volens, ait illis; *Potestis bibere calicem quem ego bibiturus sum?* Animaduertite, quæso fratres, quam latum inter carnis & spiritus philosophiam discrimen sit. Olim discipuli iter cum Domino faciētes, ac inter se de primatu in Christi regno contententes, à Dño quæsierunt; quis nam maior esset in regno cælorum. At sapientissimus magister, latens in eorum pectore ambitionis virus agnoscens, ab hac dignitatis & sublimitatis appetitione ad longè diuersam viam eos reuocat, dicens; Amen dico vobis, nisi conuersi fueritis, & efficiamini sicut paruuli, non intrabitis in regnum cælorum: quod perinde est ac si diceret: Video vos principem locum, in regno cælorum appetere; tantum verò abest vt hac vna cupiditate atque conatu magni in hoc regno efficiamini, vt nullum omnino in eo regno dignitatis locum habituri sitis, nisi contraria prorsus via

Marc. 6.

Mat. 23.

Ibidem.

ingrediamini, vosq. ipsos ad huius paruuli humilitatem deiiciatis, & cum Propheta dicatis: Elegi abiectus esse in domo Dei mei magis quam habitare in tabernaculis peccatorum. Ad huc ergo modum cū in praesenti Euāgelio Dominus hos duos discipulos animaduerneret à dextris & sinistris confectum, hoc est, requiem & placidam vitam (quæ sedis nomine designatur) appetere; eos à quiete ad laboris, & certaminis, & cōtentionis studium renocat, dicēs: *Potestis bibere calicem quem ego bibiturus sum?* quasi diceret: Erratis discipuli mei, dum alienam curam suscipitis, & vestram amittitis. Ad Patrem quidem meum spectat quas concupiscitis sedes distribuere; ad vos autem, variorum laborum tolerantia eas promereri. Hoc igitur curate, hoc agite, in hanc vnam curam incumbite, vt calicem meum bibatis, vt crucem meam feratis, vt aduersus carnis vestre cupiditates continenter bellum geratis. Sic enim per pugnam venit ad coronam, per labores ad requiem, per crucem ad regnum, & per calicem passionis ad calicem illum de quo Propheta cecinit; Saluator ait: *Potestis bibere calicem quem ego bibiturus sum?*

Psal. 23.

*Dicunt ei, Possumus.* Videtis hoc in loco praesumptionem ambitioni esse coniunctam. Quisquis enim honorem aut dignitatem vehementer ambit, hoc affectu ipse sibi imponit, dum ad eam dignitatem consequendam se idoneum putat. Mentitur

Psal. 26.

enim saepe iniquitas sibi. Sed quantum inter boni operis propositum & bonum opus interfit, hoc exemplo discimus. Cum enim ad calicem Dominice passionis ventum esset, qui se illum bibituros sponponderant, relicto magistro fugerunt. Ideoque, fratres, nemo firmitati propositi sui nimium fidat, nemo in hac vita (quæ tota tentatio esse dicitur) securum se esse arbitretur:

Mat. 26.

cum hoc exemplo videatis ipsos Christi Apostolos; & Apostolorum quoque Principem, qui ea miracula viderat, quæ ferrea etiam corda ad fidei confessionem inducere potuissent, in primo periculi limine defecisse, & turpi fuga salutis suæ consultuisse. Quocirca vigilandum semper & orandum nobis est, & cum Propheta dicendum; Oculi mei semper ad Dominum; quoniam ipse eueller de laqueo pedes meos. Ad hoc enim Saluator ipse hortatur, cum ait: Vigilate, & orate, ne intretis in tentationem.

Psal. 24.

Mat. 26.

Cum ergo discipuli se calicem Domini bibituros dixissent, ait ad illos Dñs: *Calicem quidem meum bibetis, sedere autem ad dexteram meam vel sinistram, non est meum dare vobis, sed quibus paratum est à Patre meo.* Verba sunt Domini (vt diuus Augustinus ait) in forma serui loquentis. Nam ex persona filij idem ipse ait: Omnia mihi tradita sunt à Patre meo. Et, Omnia quæcumque

August.

Mat. 11.

Ioan. 16.



cumque habet Pater, mea sunt. Et, Quaecumque Pater facit, *Joan. 4.* hæc & Filius similiter facit. Ad hanc autem diuinitatis Filij gloriam & prædestinatio & celestium sedium distributio non minus quam ad Patrem pertinet. Hactenus de Euangelica lectione; nunc verba thematis breuiter excutiamus.

## TRACTATIO THEMATIS.

## IIII.

Hæc discipulorum petitio, & Dominica responsio non minus ad nos, fratres, quam ad Discipulos Domini pertinet. Illi namque præcipuas in Christi regno sedes, (quod tamen terrenum esse arbitrabantur) ambiebant; nos verò ad sempiternam felicitatem & beatitudinem adspiramus. Ad hanc enim gloriam facti & informati à Deo sumus; ad hoc nobis spiritus & vita datur; ad hoc nobis cælum, terræ, maria & creature omnes deferuiunt; & (quod omnia superat) ad hoc vnigenitus Dei filius, & rerum omnium conditor in carne venit, & calicem passionis hausit, vt nos sempiternæ felicitatis calice potaret.

Quando igitur vos omnes bibendi suauissimi huius calicis desiderio incensi estis, scitote passionis calicem prius bibendum esse, vt per calicem ad calicem perueniatis. Quod ergo discipulis Dominus dixit, omnibus quoque nobis dictum putemus, qui hanc felicitatem desideramus; ad quam nisi per calicem, hoc est, per varios labores atque certamina peruenire nō possumus. Hoc autem (ne quis laborem subterfugiat) & sanctarū scripturarum testimonia, & Christi Domini, atque Sanctorum omnium exempla apertissimè confirmant. Hinc celestis magister, *Lucæ 12.* Contendite, inquit, intrare per angustam portam; quia lata porta, & spatiosa via est quæ ducit ad perditionem, & multi sunt qui intrant per eam. Quam angusta porta, & arcta via est, quæ *Math. 7.* ducit ad vitam, & pauci sunt, qui inueniunt eam! Eos etiam qui celestis verbi semine suscepto, bonis operibus vacant, fructum ait afferre in patientia. Multa enim ferenda, multi labores tolerandi sunt, vt in pietatis & virtutis curriculo ad finem usque perseueremus. Quid, verò illud? Si quis vult venire post me, *Math. 18* abneget semetipsum, & tollat crucem suam, & sequatur me. Quid autè difficilius, quam crucem tollere, & seipsum abnegare? hoc est, seipsum non agnoscere, seipsum non tanquam familiarē amicū & notū, sed tanquam exterū & alienū, & interdum etiam tanquam inimicum tractare. Ne quis verò hæc abnegationis & crucis, & patientiæ documenta ad perfectioris vitæ studiosos tantummodo pertinere putet, præmisit his Dñi verbis sanctus Euangelista Marcus: Et conuocata turba cum discipulis ait; Si *Marc. 8.* quis vult me sequi, &c. Huiusmodi loca passim in Euangelicis litteris reperire licet, quæ crucem, & patientiam, & laborem, & pau-

perita-

Cant. 2.

pertatem & sui abnegationem commendant; & luxum, voluptates atque delicias vehementer accusant: ut non immerito in Canticis sponsa Sponsum suum fasciculum myrrhæ appellauerit: quoniam si eius doctrinam omnem spectare velis, nihil frequentius quàm laboris, doloris, lacrymarum, patientiæ, inopiae, & amaritudinis myrrham deprehendes.

Leo Papa.

Idem.

Neque verò solam eius doctrinam, sed vitam quoque ipsam amaritudinis myrrha plenissimam fuisse, calicis nomine declaratur in hoc Evangelio, cum ait: *Potestis libere calicem quem ego bibiturus sum?* Vtròque igitur modo, verbis scilicet & exemplis, nos ad laborum tolerantiam inuitat. Si ergo rerum omnium Dominus, nullis nostris meritis prouocatus, sed sola misericordia & imensa bonitate & charitate inductus (ut enim Leo Papa ait, Miserendi nostri causam Deus nisi in sua bonitate non habuit) si, inquam, talis ac tantus Dominus non pro se, sed pro me calicem hausit passionis; cur ego tali exemplo excitatus, & tam gratuita misericordia prauentus, pro salute mea non faciam, quod is pro aliena facere non dubitauit? Rectè enim idem Leo Papa Dominicam passionem sacrificiū esse dicit, & exemplum: & sacrificio quidē insensum nobis Patrē placasse, exemplo autē homines ad sui imitationem allexisse. Cum autem vtrumque in Christi Domini passione considerandum sit, hæretici solam sacrificij virtutem attendunt, ut salutem sibi otiantes alieno labore parent; virtutis autem exemplum minimè considerant, ne illum imitari cōpellantur. Nos igitur qui Catholicè Ecclesiæ filij sumus, vtrumque in Christi calice considerare debemus, ut sacrificij eius merito spem cōcipiamus, & passionis exemplo ad charitatem & patientiam excitemur. Quid autem nos magis ad harum virtutum amorem, quàm immortalis Dei mors inflammare debeat? Quis enim inter homines non miretur, cum Deum mortuum propter homines audiat? Ne verò quisquam minus se Redēptori suo debere putet, quòd is non ex diuina, sed ex humana natura calicem hauserit passionis; sciat Catholicè & propriè dici, Deum mortuum, & passum atq. sepultum. Tam arcto quippe vinculo humanam naturam diuinę copulauit, tantaque inter vtramque naturam (personalis vinculi ratione, quo vtraque subsistit) vnitas est, ut quæ sunt humanitatis, Deo; quæ verò diuinitatis propria sunt, homini connenire dicantur. Quo fit, ut quamuis assumptæ naturæ ratione Deus mortuus esse dicatur, verè tamen & propriè Deum mortuum, passum, atq. sepultum, in fidei Symbolo confitemur. Quod ideo dixi, ut hac ratione intelligatis, fratres, quantū illi rerum omnium Domino debeatis, qui nulla sua necessitate, sed sola vestri charitate sic altissimam illam & incōprehensibilem maiestatem ad ignominiosissimum

&amp;

& acerbissimum crucis supplicium demisit, vt non solum hoc sacrificio debita nostra expiaret, sed etiam vt nos hoc mirabili exemplo ad bibendum calicem passionum animaret.

Hoc autem exemplo nulum cõstat esse maius. Si præter hoc alia desideratis, habetis omnes Christi Domini discipulos, qui simili passionis sacrificio Dominum glorificauerunt. Habetis in præsentem Euangelio duos fratres, Iacobum & Ioannem, qui hunc calicem biberunt, dicente Domino; *Calicem meum bibetis*. Et quidem Iacobus hunc calicem bibit, quando primus Apostolorum iugulum licitori, propter fidei confessionem, præbuit. Quis autem verbis consequi possit, quæ animi promptitudine & alacritate vir diuinus ad supplicij locum procedebat? Si Agatha virgo, quasi ad epulas inuitata, lætissimè & glorianter ibat ad carcerem; quid de hoc sanctissimo Apostolo pietas Christiana credere debet, qui tanto maiori fide, spe, & charitate plenus erat; utpote qui plenitudinem Spiritus acceperat; qui tot magistri sui miracula viderat, tot ipse etiam eius inuocato nomine ediderat; qui quæ certissimè sciebat transacta illa momentanea pœna, ipsius animam inter Angelorum choros esse collocandam, & sempiterna felicitate donandam?

Vnus tamen dolor piissima eius viscera sauciabat; nempe cæcitas & incredulitas eorum qui ipsum ad necem postularunt, ac præcipuè Iosia, qui injecto ad collum fune victum ad Herodem traxerat, & tunc, lata iam mortis sententia, eodem fune ligatum ad mortem ducebat. Huius enim vicem (qui omnes persecutores suos immanitate superabat, sanctus Apostolus vehementer dolebat. At fidelis & pius Dominus, qui tum vel maxime suis adest, cum eos videt propter nominis sui gloriam vehementius premi, hunc Apostolo suo mœrorem adimere ita voluit, vt carnificem & licitorem martyrij socium atque participem momento temporis faceret; vt tanto libentius Apostolus iugulum præberet, quâto magis de carnificis sui salute atq. gloria lætaretur. O beate Iosia, cui, nullis antecedentibus meritis, momento temporis datum est quod multis viris sanctissimis qui hanc martyrij gloriam desiderauerant, non est concessum! Certè beatissimus pater Dominicus audissimè hanc coronam scribebat; qui tamen, post tot virtutum insignia, vir beatus atque humilis corde, se illa indignum iudicabat. Quanta ergo Apostoli gratia, cuius meritis tanta gloria Iosia concessa est, vt ex persecutore fidei fidelis, ex carnifice martyr efficeretur; & qui cõvenerat, vt Apostoli caput amputaret, ipse caput suum & iugulum pro Christo licitori præberet! Quomodo autè res gesta sit, exponā. Cum Apostolus ad necis locum pergeret, oblatu in via paralyticum, Christo nomine inuocato, sanauit, vt Clemens Ale-

Clemens  
Alex.

xandri-



xandrinus (teste Eusebio in historia Ecclesiastica) refert. Quo miraculo stupefactus Iosias, & singulari quadam clementissimi Dei misericordia & benignitate tactus, tunc, quem Apostoli cervicibus iniecerant, extracto, se ad illius pedes demisit; magnis precibus petens ut & sibi ignosceret, & se sacro lauacro expiaret. Iacobus, qui hac illum diuino allatu ductum dicere intelligeret, rogare cum cepit, Iesum ne Christum, quē Iudæi in crucem egissent, verū Dei filium esse crederet? quod cum ille se credere profiteretur, Abiatharus Pontifex eum statim comprehendit, eodemque mortis genere, quo Apostolum, multatum iri dixit, nisi quā primū & Iacobo se disungeret, & nomini Christi malediceret. Sed cum maledictum illius nomen, Christi autem benedictū voce magna diceret, Abiathar os eius pugnīs cædi, eumque cum Iacobo securi feriri iussit. Cum autem ventum esset ad locum supplicij, lictorē Iacobus rogasse dicitur, ut antequam feriret, aquam iuberet afferri. Allata aqua, quæ fuit à Iosia Apostolus, num in Christum Dei filium crederet? qui cum se credere diceret, expiatus est ab Apostolo aqua salutari, osculoque dato, cruce frons illius consignata est. Quibus ritē perfectis, uterque eadem hora, eodemque loco morte multatus migravit ad Christum. Quisigitur cum hoc audit, immensas diuinæ bonitatis & misericordiæ opes non agnoscit, quæ tantum beneficium in eum subito contulit, cui sempiternum gehennæ incendium debebatur? Principem quinquagenarium, & quinquaginta milites qui cum ipso ad capiendum Eliam venerant, ignis à cælo lapsus combussit; rursusque alium simili comitatu ad idem facinus venientem idem ignis absumpsit. Quid, queso, minus Iosias merebatur, qui Christi Apostolū iniussus ad Herodem traxit, & modo iussus ad necem ducebat? At verò tantum abest ut hoc modo in illum diuina celsura sæuierit, ut etiam Apostoli in passione socium, & martyrij consortem effecerit. Quis autem negare audeat, hoc tantum munus Apostoli meritis & precibus tributum fuisse? Qua enim Apostolus alacritate ad mortem propter Christi fidem pergeret, qui tali miraculo eius gloriam illustrasset, & talem in passione socium nactus esset? Qua fiducia, & inuicti animi fortitudine, iugulū propter Christi fidem Apostolus offerret, quam videbat infidelem hominem eodem sanguinis & passionis testimonio profiteri? Hac enim ratione, multisque aliis, quas enumerare longum esset, pius Dominus labores solet eorum qui variis calamitatibus propter eius gloriam premuntur. Verissimè enim dictum est; Iuxta est Dominus his qui tribulato sunt corde, & humiles spiritu saluabit. Et, Salus autem iustorum à Domino, & protector eorum in tempore tribulationis, &c.

4. Reg. 1.

Psal. 33.

Psal. 36.

Hoc

Hoc ergo modo Iacobus Apostolus calicem passionis securi percussus bibit; vt verax inueniatur; qui tanto ante ipsius atque Ioannis fratris certamen prædixerat; *Calicem quidē meum bibetis.*

At Ioannes quomodo calicem Domini bibit, de quo constat, quia nequaquam per mortem passionis de corpore exiuit? nisi quia duobus modis idem calix bibitur; vno videlicet, cum à persecutore illata mors patienter suscipitur; alio modo, cum mens ad passionem prompta habetur, & vita martyrio digna geritur. Nam & Ioannes ipse quàm fuerit paratus ad potandū pro Domino mortis calicem, docuit, quādo cum cæteris Apostolis (sic-  
ut in Actibus eorum legimus) carcerē & verbera gaudenti ani-  
mo tolerabat, quando propter verbū Dei, & testimonium Iesu  
in Pathmos insulam exilio relegatus est; quando (sicut histo-  
ria narrat Ecclesiastica) à Domitiano Principe missus est in  
feruentis olei dolū, de quo tamen propitio Domino tam sospes  
& mundus exiit, quàm fuerat ab omni carnis contagio alienus;  
& in exilium ab eodem missus, quo magis humano solatio de-  
stitutus esse videbatur, eo ampliori supernorum ciuium meruit  
frequētia consolari. Vnde ipse quoque veraciter calicē Domini  
cū fratre Iacobo, qui occisus est gladio, bibisse intelligitur: quia  
qui tanta pro veritate sustinuit; quàm promptus etiam ipsam  
mortem, si offerretur, exciperet, ostendit. Sed & nos, fratres  
charissimi, etiam si nil tale perpetiamur; si non vincula, nō ver-  
bera, non carceres, non supplicia corporis, non vllam hominum  
persecutionem propter iustitiam toleramus; calicem tamē Sal-  
uatoris accipere poterimus, si castigare corpus nostrū, & serui-  
turi subicere curamus; si in spiritu humilitatis, & animo con-  
trito, Domino supplicare assuescimus; si illatas à proximo con-  
tumelias placida mente suscipere satagimus; si & eos qui nos  
odio habent, qui iniurias nobis inferunt, diligere, his benè fa-  
cere, pro horum vita & sospitate gaudemus exorare; si cum vir-  
tute patientiæ bonorum quoque operū fructibus adornari con-  
tendimus. Sic enim conuersantibus nobis, & corpora nostra  
iuxta Apostoli vocem, hostiam viuētē, sanctam, Deo placen-  
tem exhibentibus, Domino largiēte dabitur, vt communi cum  
eis, qui membra sua in mortem pro Christo dederunt, gloria re-  
muneremur; quia sicut mors illorum, sic & vita nostra pretiosa  
fit in conspectu Domini; disruptisq. vinculis carnis, & ipsi atria  
supernæ ciuitatis intrare, atq. inter choros beatorū Martyrum,  
vota gratiarum Redemptori nostro reddere merebimur; qui  
vixit & regnat per infinita seculorum secula, Amen.

A&amp; 4.

Rom. 12.

IN

## IN EODEM FESTO BEATI IACOBI

APOSTOLI, CONCIO SECUNDA, IN QVA

lectio Evangelica explanatur.

**T H E M A.** *Dic vt sedeant hi duo filij mei, vnus ad dexteram tuam, & vnus ad sinistram in regno tuo. Matth. 20.*



**I**N hodierna sancti Euangelij lectione imago quedam humanæ infirmitatis in duobus Christi Dominis Apostolis Iacobo & Ioanne nobis ob oculos ponitur. Hi namque in Christi schola (quæ veræ humilitatis magisterium erat) enutriti, & diuinis eius præceptis imbuti, post hanc tantam veræ sapientiæ & humilitatis disciplinam, modò, subornata matre, dexteras & sinistras sedes, hoc est, summum in Christi regno (quod terrenum principatum petūt, qui paulo antè reficendis retibus operam dabant. Hic planè non parua nobis timoris materia exhibetur. Si enim in his duobus fratribus, qui toties ab inexhausto illo veritatis & sapientiæ fonte potati fuerant, honoris & principatus sitis extincta non est; quid de nobis sperandum erit, quibus ea felicitas minimè contigit, quorumque vota ac desideria ad hanc terrenæ felicitatis gloriam continenter aspirant? Hanc enim nobis, hanc amicis & consanguineis optamus: hanc auida mater filiis, quos in sinu gestat, precatur: pro hac vota facit, & eos solos felices putat, qui huius felicitatis compotes sunt. Quàm altè hæc honoris & principatus cupiditas visceribus nostris infixæ sit (vt alia prætereamus exempla) declarat fratrum Ioseph inuidia, qui fratris somnium de principatu suo adeò indignè tulerūt, vt de indignissima eius nece pessima consilia inierint. Vtque adeò enim ambitionis virus multorum pectora inficere solet, vt ne somniando quidem sibi præferri aliquem æquo animo patiatur. Quid verò duos gemellos fratres, Iacob & Esau, referam, qui in ipsis materni vteri visceribus constituti, mutuò collidebantur, & de dignitatis primatu contendeabant.

Hæc igitur humani cordis appetitio, quæ tantopere honoris & gloriæ dignitatem ambit, dictu mirum est & quàm latè pateat, & quâtas in vita variorum laborum & curarum tragedias excitet; quæ tunc magis vexat, cum homines simul & cum indigètia & cum honoris cupiditate cōflictantur: ad quod mundi huius



huius princeps dæmon suos frequenter adigit. Quid enim acerbius, quàm cum inopia & paupertate premaris, terrenū honorem & dignitatem tueri; quæ nisi in magna rerum opulentia conservari non potest? Hoc est enim gravissimum illud supplicium, quo crudelis Pharaō filios Israël premebat, cum paleas illis negari, & similem tamen laterum mensuram quam antea, cum paleæ ad opus præberentur ab eis exigi præcipit. Quam quidem exactionem adeò indignè miseri tulerunt, ut ad Pharaonem dicerent; Paleæ non dantur nobis, & eadem laterum mensura imperatur. En servitui flagellis cædimur, & iniuste agitur contra servos tuos. Hic est igitur, fratres, crudelissimū principis huius mundi, hoc est, diaboli dominatus, quo multis hominibus rerum suarum angustia laborantibus tantum ambitionis virus infundit, ut in illa sua mendicitate atque indigētia diuitum hominum apparatus & cultum simulare cogantur; & cum vix in diem vivere valeant, splendorem tamen & opulentiam nobilium fallaciter ostentare nituntur. Vtinam qui tales sunt, principis sui vim atque tyrannidem agnoscentes, aduersus illum indignantes dicerent: Quæ nam hæc tyrannidis atque violentia est, ut cum paleas non præbeas, similem à nobis laterum mensuram exigas; hoc est, tantum à nobis cultum & viræ splendorem reposcas, quantum ab his qui opibus atque diuitiis abundant? Hæc est enim fornax illa ferrea, qua Israëlita quidem in Aegypto, & ambitiosi in hoc mundo premuntur.

Exod. 6.

Deut. 4.

Sed vt ad institutum redeamus, cum hic terrenæ dignitatis & gloriæ affectus adeò altè visceribus nostris infixus sit, quætere aliquis meritò poterit; Cum homo carne simul & spiritu cõstet; cur si corpus, quæ corporis sunt, & sapit, & quærit, deterior animus conditione sit, qui sua quoque, hoc est, spiritualia bona (quæ naturæ suæ cognata sunt) nõ requirat? Ad hoc igitur cum Philosophis respõdemus, eam esse rerum omniū conditionem, ut vnumquodq. eius rei naturam induat, in qua receptum est. Si enim aut clarissimā aquā in atramentū, aut purissimum vinum in aceti doliū fuderis, claritatē aquę in obscurum atrūq. colorem, & vini puritatē in aceti cõuerteris. Ad hunc ergo modum cum spiritus noster carni immersus sit, in carnis quodammodo naturā degenerat; adeoq. carnis naturam refert, ut interdum etiā ipsius carnis mæcipium fiat: nisi diuini spiritus beneficio ab hac seruitute liberetur. Sicut enim qui adhæret Deo, vnus cū eo spiritus sit; ita qui huic meretrici, hoc est, carni suæ adhæret, in eius quodammodo naturam transit. Hinc multos passim videre licet, quorum omnis cogitatio, omnis actio, omnis cupiditas in sola earum rerū inquisitione, quæ ad carnis voluptatem & vsum spectat, posita est, ac si nulla alia bona nisi sola

simile.

1. Cor. 6.

hæc corporea esse putarent. Et quidē Stoici Philosophi tria genera bonorū statuunt; quorū alia ad animū pertinet; cuiusmodi sunt sapientia & virtutes; alia ad corpus; qualia sunt vires, robur, & bona valetudo; alia verò (quæ ipsi externa appellant) quæ ad corporis obsequiū referuntur; cuiusmodi sunt opes & facultates, cæteraque his similia; qui tamen sola ea quæ animum excolūt atque ornant, in numero bonorū ponūt; cætera verò nullo modo inter bona collocanda esse definiūt. At improbi homines eò stuporis adducti sunt, vt prima illa bona quæ verè bona sunt, prorsus negligentes, in posterioribus illis, hoc est, in falsis bonis confectandis omne vitæ studiū consumāt. Quis autē hos finis, quæ  
 Jerem. 17 fors in futurū maneat, Ieremias aperte expressit, cū ait: Domine, omnes qui te derelinquunt, confundentur; recedentes à te in terra scribētur; quia dereliquerunt venam aquarum viuētium Dominum: hoc est, quoniam terrā solū, terrenāq. bona, Deo neglecto, quasi erunt, hæc eis solū obuenient, neque vllam in cælestis hereditatis possessione partem obtinebūt. Hoc est enim quod ait: In terra eos esse scribēdos; quoniam de libro sempiternæ vitæ deleti sunt. Hoc autem animo fuere olim Sadducæi, qui adeo crasso hebetique ingenio erant, vt nihil in rebus conditis, nisi ea solū quæ corpore & materia constant, esse putarent; adeo vt neq. Angelum, neq. spiritum esse crederent: vnde consequens erat, vt sola terrena & corporea bona captanda esse ducerent. Hac eadem & mente fuerut olim, & sunt hodie Iudæi, qui  
 Act. 33. Messiam quendam terrenis opibus, supra cūctos etiam Romanorum Imperatores affluentem, suosq. his opibus cumulantem expectant. Hac item mēte pro illius temporis ratione & Christi Domini discipuli, & Iacobus & Ioannes fratres fuerunt, cū principem in regno Christi locum subornata matre, petierunt.

I.

Accessit ergo mater ad Dñm Iesum, adorās, & petēs aliquid ab eo. Quis huius orationis exordiū audeat improbare? Adorare enim & orare, vtrumq. ad religionis officiū pertinet, quæ est omnium mortalium virtutum præstantissima; ad quam post Theologicas virtutes, diuini numinis cultus præcipue spectat. Et tamē si quis orationis huius mentem propositumq. consideret, inueniet eam vanitatis & ambitionis labe prorsus infectam. Ideo enim hæc mulier Christum adorât, idco se illi supplicem exhibet, vt terrenam dignitatē filiis impetret. Quo exemplo monemur, fratres, vt sollicitē in iis operibus quæ cum pietate suscipimus, maximā intentionis & finis quem intuemur, rationem habeamus. Cū enim homo carne & spiritu constet, adeo sese caro piis etiam actionibus immiscet, vt ferè semper tributum aliquod sibi impendi postulet, semper (nisi sollicitē perspiciamus) vtilitatis, aut volupta-

voluptatis sue rationē habeat. Constat autē omnes actiones nostras ex fine, quē mente cōcipimus, esse diiudicandas. Nō enim ex eo quod extrā nitet, sed ex eo quod intus latet, est mādē sunt. Auguſt.  
 Hinc D. Aug. Hoc, inquit, affectu & desiderio colēdus est Deus, ut sui cult⁹ ipse sit merces. Nā qui Deū ideo colit, ut aliud magis quā ipſum promereatur; nō Deū colit, sed illud quod aſſequi cōcupiſcit. Haſtenus ille. Nō ergo quid faciamus, sed qua mēte atq. propoſito faciamus, intereſt. Quod vt apertius intelligatis, ſciendum eſt, quod quemadmodū homo ipſe corpore & anima conſtat, anima tamen corpori vitam tribuit, quā à ſe non habet; ita eiſdem hominis opera ſuum quoque corpus, ſuamque animam habet. Et corpus quidem, opus externum; animam verò, intentionem operis & finem quem ſibi quiſq. in hoc genere proponit, appellamus. Vt igitur corpus ab anima vitā ducit (ſi- Simile.  
 nequa putridum cadauer eſſet) ita externum opus quod molimur, ab animi deſtinatione ac fine nomen & dignitatem capit.

Hanc autē doctrinā non modò Chriſtiana, ſed ſecularis etiam Philoſophia apertè profitetur. Negat Ariſt. verā & ſolidā fortitudinis rationē in Diomedē cecidiſſe, cū Græcis omnibus in ſu- Ex Oſor.  
1. h. ac  
Nobil.  
 gā cōuerſis, ipſe ſolus maneret, malletq. ſummo cu periculo Hectoris imperū ſuſtinere, quā ignominioſe fugē ſe mādare. Cur ita tandē? nūquid nō fuit pulchrū facinus, omnibus metu & formidine perterritis, Diomedē ſolū, aut cū paucis exiſſe, qui turpi vitæ mortē præclarā anteponeret, maioremq. rationē gloriæ duceret quā ſalutis? Pulchrū ſanē, inquit; ſed quia facinus illud egregiū non ad debitū finē, ſed ad popularis laudis ambitionem referebat (dicebat enim, vereri ſeſe, ne Hector in ſuarū laudem cōmemoratione Diomedē à ſe fugatū prædicaret) verā virtutis fructu non tulit. In eodē etiam numero Hectora reponit, quod apertè ſateretur formidare ſe rumores Troianorum & Troianarū, eaſq. de cauſa pugnā ſibi alacrius capeſſendā putabat. Hos igitur vir acutiſſimus, propterea quod nō intuebātur ſolā ipſius honeſtatis pulchritudinē (quā potiſſimū vitæ finē cōſtituit) virtutis ordine mouet; & in ſecundā claſſem cōmicit, in qua collocauit eā virtutis imaginē, quæ gloriæ ſtudio tuetur officiū, & legib⁹, atq. diſciplina ciuili cōtinetur. A fine igitur pēdet (vt Ariſtote- li etiā videtur) omnis honeſtatis ratio. Eadē ſiquidē actio & honeſtiſſimē, & ſine vlla dignitate ſuſcipi poteſt, interdū etiā cū dedecore & turpitudine, pro rei propoſitæ varietate. Ita ſit, vt viri fortes ij demū appellādi ſint, qui in verū virtutis finē reſpiciētes, præclare mortē appetūt: qui rumuſculos intueſtur, & ob id pericula ſubeūt, inanes & leues; qui verò neſaria libidine, & flagitioſa animi perturbatione ad rē ſtrenuē gerendā impellūtur, improbiſſimi. Vnde id efficitur, illos minimē fortes fuiſſe, Hectora in quā &



Diomedem; Achillem verò atque Paridem, non solum parum fortes, sed etiam turpissimos. Hic enim ut nuptias perfidia & scelere parvas tueretur, in aciem irruerat: ille verò ut immoderatam animi iracundiam expleret, immensas illas strages hostium faciebat. Cum igitur rota operis nostri dignitas ex fine pèdeat, sollicitè admodum, quid nos in pietatis operibus moueat, quò intentionis ne stræ oculus tendat; quid præcipuè capret, indagare debemus; ne fortè bonū opus quod molimur, aliqua inanis gloria labe polluat. Ad hoc ipsum autē nos D. Gregorius fatuarum virginum exemplo diligenter adhortatur, cum ait: Sæpe vos, fratres charissimi, admoneo praua opera fugere, mundi huius inquinamenta deuigare: sed hodierna sancti Euangelij lectione compellor dicere, vt & bona quæ agitis, cum magna cautela teneatis; ne per hoc quod à vobis rectum geritur, fauor aut humana gratia requiratur: ne appetitus laudis subrepat, & quod rectum foris ostenditur, intus à mercede euacuetur. Ecce enim redemptoris voce decē virgines; & omnes dicuntur virgines; & tamen intra beatitudinis ianuā non omnes receptæ sunt: quia earum quædam dum de virginitate sua gloriā foris expectant, in vasis suis oleum habere noluerūt. Hactenus Gregorius.

Quisquis igitur hac lege opera sua sollicitè explorauerit, fortasse multa in eis deprehendet, propter quæ magis timere quàm præsumere, magisque se habere cur flere, & veniam à Deo petere, quàm virtutis mercedē exigere debeat. Amoris enim proprii vis & natura non solum potētissima, sed etiam subtilissima est; quæ in piis etiam operibus viam sibi aperit, qua aliquid sibi commoditatis, nobis sæpe ignorantibus, venetur. Cuius rei memorabile maximèque adnotandum exemplū in Actis Apostolorum legimus. Cum enim Paulus ante Præsidentem Felicem de extremi iudicii acerbitate amplissima quadā oratione disputaret; tantum Præsidi timorem incussit, vt totus præ horroris magnitudine tremefactus fuisse dicatur. Quid verò post hunc adeo vehementem affectum cōsecutum putatis? Mira profectò res. Simul (ait Lucas) sperabat se pecuniā accepturum à Paulo: propter quod frequenter eum accersebat. Quis crederet, cum tam terrificā illa animi commutatione, iudicii quæ diuini formidine, talem affectum, hoc est, turpis lucri cupiditatem, locum habere potuisse? Videtis ergo quàm sit subtilis amoris proprii vis, & quomodo inter nobiles etiā affectus, & præclara opera aliquid sibi vtiilitatis cōparare studeat? Quam rem quotidianis ferè exemplis cernere licet. Sic nobiles multi & principes viri rem quotidie diuinā magis dignitatis & auctoritatis cuiusdam gratia, quàm veræ religionis amore inducti audiunt: multi præterea curiositatis magis quàm ædificationis obtentu ad concio-

Gregor.

Act. 24.

nes.

res audiendas veniunt: multi ad sacram Eucharistiam frequen-  
tius percipiendam vel sola cōsuetudine, sine vllō deuotionis af-  
fectu permoti, vel necessitate cogēte, vel ne alijs inferiores mi-  
nusque religiosi videantur accedunt. Quidam eleemosynas in-  
digentibus, vel ob inanem mundi gloriam, vel mendicantium  
importunitate victi, vel verecundia & pudore perētium ducti,  
largiuntur. Sunt & alij qui ab omni maleficio abstinēt, & bona  
aliquot opera exequuntur, partim vt principum gratiā venen-  
tur, partim vt ad digniora officia, siue in Ecclesia, siue in repu-  
blica promoueantur; partim etiam vt casti & integri in populo  
habeantur, & ne ab illa existimatione, quam homines de illis  
conceperunt, cadant. Quām multi, siue viri siue feminae, corpo-  
ris castitatē, nullo diuini timoris respectu, sed solo humani pu-  
doris atque dedecoris metu conseruant! Quām multi quotan-  
nis ad Confessionis sacramentum accedūt, qui si excommuni-  
cationis fulmen & infamiae notam non timerent, numquam ad  
illud accederent! Nam quos eiusdem sacramenti virtus atque  
necessitas toto anni tempore, tot sacris festis intercedentibus,  
numquam ad se traxit, nec illo quidem tēpore traxisset, nisi ad  
hoc eos infamiae atque dedecoris metus adegisset. Videtis ergo,  
fratres, quām multis in rebus vis amoris proprii sese operibus  
nostris adiungat, earumque puritatem labe aliqua aspergat, vt  
apud æquissimum Iudicem Deum (qui renes scrutatur & cor- 1sa 7.  
da) vel nihil valeant, vel minūs valeant, vel interdum etiam eius  
offensionem incurrant?

Quocirca, quisquis salutis suae curam habet, sollicitam in  
operibus suis intentionis suae rationem habeat, adeoque de illis  
non efferatur, vt semper etiam timeat, ne fortē ignorantī sibi,  
aut minūs aduertenti, terrenus aut humanus aliquis respectus  
obrepserit. Hanc autem sibi quisque ante oculos regulam sta-  
tuat, vt quoties ex aliquo bono opere aut humana laus & com-  
mendatio, aut aliqua sibi vtilitas siue voluptas consequatur,  
semper timeat, & an horum aliquid mentem eius ad illud opus  
edendum induxerit, vereatur. Non enim vsque adeo amoris  
proprii affectus dormitat, vt his commoditatibus ante oculos  
propositis, non illarum desiderio commoueat. Vt enim acci- Simile.  
pter visa praeda, ira huius amoris vis, quauis commoditate ante  
oculos posita, vehemēter excitatur. Qua de causa viri sanctissi-  
mi in ijs etiam actionibus quas cum pietate suscipiebant, trepi-  
di semper atque pauidi subsistebant: hoc enim innocentissimus  
Iob (cui nemo similis erat in terra) de se ipso fatetur: Verebar, Iob 7.  
inquit, omnia opera mea, sciens quod non parceres delinquēti. Iob 9.  
Idemq. rursus: Et si habuero, ait, quippiam iustum, non respon- Ibidem.  
debo, sed mecum iudicem deprecabor. Secebat enim vir sanctus  
DD aliter

Iob. 10.  
Iob. 4.

aliter Deum, aliter homines (ut idem ait) videre, & aliter etiam iudicare. Sciebat Spiritu docente, quod Apostolus ait, nempe Deum esse discretorem cogitationum, & intentionum cordis, nullamque creaturam esse invisibilem in conspectu eius; saepeque apud illum sordere quod apud homines in pretio est. Huius ergo rei gratia timebat, nosque omnes exemplo suo ad huiusmodi salutare timorem adhortatur; ne videlicet externa virtutis specie decipiamur. Quod huic feminae contigisse videmus, quae Dominum Salvatorem suppliciter adorans, vanitatis & ignorantiae plenissimam petitionem illi, suo & filiorum nomine proposuit, cum ait: *Dic ut sedeant hi duo filij mei, unus ad dexteram, & unus ad sinistram in regno tuo.*

Simile.  
Iudic. 1.

Sed quaeritis: An non hi duo discipuli divinae gratiae participes effecti erant? Erant plane: quod negari non potest. Quomodo ergo animus divinae gratiae splendore illuminatus, hanc sibi principatus vanitatem proposuit? Certè, quia cum exigua gratia (qualis tunc Apostolorum ante Spiritus sancti adventum erat) haec occulta ambitionis fibra in eorum mentibus residere simul poterat. Ut enim subacta ab Hebraeis Chanaanorum terra, nonnulla indigenarum reliquiae (Deo ita permittente) apud eos relictæ sunt; sic superatis maioribus vitiis, minutula quaedam, vel ad humilitatis documentum, vel ad virtutis exercitium, vel ad sollicitam nostri curam gerendam (Deo ita permittente) relinquuntur; quæ tamen, nisi diligenter nobis ab illis caueamus, non parva ex socordia nostra incrementa capient, atque ita nos de omni statu metis deicient. Sanguisuga enim transibit in colubrum, coluber in serpentem, serpens autem saepe in draconem euadet, qui nos statu suo interimat: non quod venialia peccata in mortifera transeant, sed quod illis interdum aditum ex dormitantia nostra praebeant. An non fabulam illam legistis, quæ agricolam refert parnulum in agro serpentem inuentum, domum attulisse, atque blandè nutrivisse; qui tamen ubi adolevit, duos eius filios necavit? Hæc igitur siue fabula, siue similitudo nos admonet, ut cuiusvis ambitionis aut superbiae vel minimam etiam labeculam studiosè fugiamus, ne videlicet ea, ex parvo serpente in draconem postea, hoc est, in ingentem superbiam (quæ peccatorum omnium initium est) erumpat.

Simile.

Gen. 19.

Quæ quidem cautio quamvis ad omnes in communi pertineat, tamen ad eos qui iam mudo renuntiaverunt, & bonis operibus vacant, maxime necessaria est. Cuius rei imaginem sanctus ille Lot appositissimè exhibet; cui ab execrandis Gomorrhæorum finibus fugere, & ad montem conscendere præcipitur, ut ab imminente incendio eriperetur. Quo tandem perueniens, à duobus filiabus inebriatus; incestuoso cum eisdem congressu pollutus



tus fuit. Hac igitur imagine Origenes eos admonet, qui mundi & vitiōū incendia singulari Dei ope euaserunt, & montē conscendere iubentur (montem videlicet vitæ perfectioris, mōtem Sion; ex quo cælestium mysteriorum abdita contemplantur) vt sibi à duabus sororibus diligenter caueant; quarū maior superbia, minor verō inanis gloria nuncupatur. Quas ideo filias hominis appellari ait, quoniā sepe ex ipsis bonis operibus quæ molimur occasionem nos impetendi sumū. Sic enim dū pius homo vel ieiuniis, vel cilicio, vel verberibus spontē susceptis carnē macerat, vel larga manu indigentibus succurrit, vel pias in oratione lachrymas fundit, vel spiritali interdum luce & suauitate perfunditur, tacitas intra se gloriandi, vel sibi ipsi blādiendi cogitationes excitari sentit. Vt enim sapienter Eucherius ait, hoc Eucher. in epist. precipuē superbia à cæteris vitiis distat, quōd vitia quidem alia vitiis aluntur & sustentantur; superbia autem eiusque filia ambitio, & inanis gloria, virtutibus interdum ipsis insolescunt atq. nutriuntur; cum solis virtutibus laudem & gloriam tribui debere intelligāt. In ipso igitur portu quodammodo naufragium facimus, dum ex ipsis virtutū operibus superbiæ atq. inanis gloriæ occasionem arripimus. Vnde rectē quidā inanis gloriæ vitium, animi tineam esse dicunt. Tinea namque ex veste nascitur, quæ tamen vestem ipsam, à qua nata est, exedit atque demolitur. simile.

## I I.

Hactenus ambitiosam huius feminæ petitionē exposuimus, nunc huius tāti erroris causam excutiamus. Errasse enim illam patet, cum Dominus, & illi & filiis dixerit: *Nescitis quid petatis*. Et quidem in promptu erroris huius causa est; vehemens quippe matris erga filios affectus eam in hunc tam apertum errorem compulit. Est enim affectus omnis velut nebula quædam, rationis lumini obiecta, quæ ingentes illi tenebras & caliginē offundit. Vt enim nebula, cum nimium densa est, Solis, Lunæ, Stellarum, atque aliarum rerum aspectum adimit, adeo vt interdum quæ homini proxima sunt minimè cernere sinat; sic omnis impotens affectus, cum in anima dominatur, totum penè rationis lumē extinguit, modò id assequatur, quod ardentè concupiscit. Itaque vt hi qui viride aut rubeum vitrum ante oculos ponunt, simile. res omnes quas intuentur, eiusmodi esse iudicant; ita qui aliquo vehementi affectu & cupiditate flagrant, res quas cupiunt, non pro earum dignitate atque natura, sed pro affectus sui ratione æstimare solent. Quocirca orādus nobis Deus semper est, vt nos ab impotenti affectuum dominatione eripiat; hoc enim domināte, homo rationis lumine & officio per id tēporis quodāmodo spoliatur, & in pecudum naturam degenerat, quæ non ratione (quæ caret) sed impetu & cupiditate feruntur. Atque vt in litibus simile.

decernendis suspectus per leges est iudex, qui amore aut odio litigantis laborat; ita nos nobis suspecti esse debemus, qui nimium nosmetipsos diligimus, ubi vehementi aliquo affectu concitamur. Sed quæretis forsitan: Cum hæc duæ animæ nostræ vires, intellectus scilicet & voluntas, adeo inter se differant; qui fieri potest, ut altera alteri has tenebras offundat? In causa est, quod utraq; istæ animæ vires, germanæ filæ sint, ab eadem matre, hoc est, ab eadem anima nostra prodeutes, quæ se nimio

Simile.

Genes. 3.

August.  
Simile.

Eccle. 37.

Simile.

Psal. 72.

Simile.

amore complectuntur: nisi forte velimus eas viro & uxori viro dilectissimæ comparare; cui vir, cum illam anxie aliquid concupiscere videt, facile consensum præbet, ut illam ab ea concupiscentiæ molestia liberet. Sic olim primus generis nostri parens, interdictæ arboris fructum à dilectissima uxore oblatum comedit: non quod diuinitatis scientiam eo cibo se adepturum speraret, sed (quemadmodum D. Augustinus ait) ne delicias suas, reiecto cibo, contristaret. Sic etiã mater feblicitanti filio nocituram aquam anxie petenti inuita præbet, ne illum hoc desiderio cruciari videat. Ad huc ergo modum cum intellectus voluntatē alicuius rei vehementer appetitū desiderio flagrare animaduertit, non raro & consensum illi præbet, & (quod est indignius) rationes etiam excogitat, quibus id probet quod malè concupitum est. Quisquis igitur ab hoc periculo tutus esse cupit, nullo modo affectibus, sed consilio atq. rationi gubernacula vitæ committat. Sic sapiens ille: Ante omnem, inquit, actum, consilium stabile. Quid enim indignius quàm neglecto rationis lumine vitæ nostræ gubernacula affectibus committere? Omnia enim funditus interibunt, cū huic cæco iudici vitæ nostræ ducatū commiserimus. Ut enim idē naturæ cōditor oculos homini cōtulit, ut pedes, cæteraquæ membra dirigeret; sic mentem homini dedit, ut affectus (qui pedes animæ esse dicuntur) gubernaret. Vt igitur monstri esset, oculos à pedibus dirigi; ita monstri genus est, mentem & rationem affectibus parere, & eorum ductum atque motum sequi. Huiusmodi autē monstris hodie plenus est mundus. Rari enim homines sunt, qui affectibus dominantur, quique, ubi ij aliò vocant, non illos, sed rationis iudicium sequantur, & consilio, nō affectibus vitam moderentur. Hos autē Propheta dicit transisse in affectum cordis: quod perinde est ac si diceret, eos in pecudum naturam degenerasse: utpote qui non rationis iudicio, sed cupiditatis impetu, pecudum ritu, in rebus gerendis vtantur. Ut enim frequenter vinum transit in acetum; ita isti vitio suo à rationis præstantia deiectione, in bestiarum naturam transierunt.

Qua quidē ex reliquet, hoc potissimum inter probos & improbos, sapientes & stultos discrimen esse, quod sapientissimus Salomon

Salomon paucis descripsit. cum dixit: Et cognoui quod tantum præcederet sapientia stultitiam, quantum differt lux à tenebris. Sapientis oculi in capite ipsius: stultus in tenebris ambulat. Quid hoc sibi vult? an non omnes homines, siue sapientes, siue stulti, oculos in capite gestant? Gestant planè oculos carnis, non tamen oculos mentis; nisi soli sapientes. Voluit igitur Salomon hac loquendi forma significare, quòd quemadmodum naturæ conditor oculos in capite, hoc est, in sublimi corporis parte collocavit, ut ibidem tanquam in edito loco constituti, ceteris membris lucem præferrent, ut agenda cognoscerent: sic sapiens mètis oculos velut in capite, hoc est, in specula quadam gestat, ut inde vitam omnem, hoc est, expetenda & fugienda discernat; ut inde affectus, inde linguam, inde cogitationes & opera sua ita dirigat & regat, ut nihil extra præscriptum ordinemq. rationis agat. Quod contrà stultus facit, qui in rebus gerendis (ut paulo antè diximus) non lege aut iudicio, sed cæco impetu & impulsu agitur, atque ita demum velut qui in tenebris ambulat, passim offendit & ruit: & hic quidem castitatem, ibi charitatem; hic patientiam, illic obedientiam, cæterasque virtutes amittit. Ideoque rectè pium quemque idem Sapiens admonet, cum ait: Oculi tui recta videant, & palpebræ tuæ præcedant gressus tuos. Præcedat ergo rationis iudicium, & affectus deinde consequatur. Quem ordinem in summa illa ac beatissima Trinitate animaduertere suo modo licet: in qua, ordine originis, prior est cognitio quàm amor: & ita pater prius hoc ordine filium cognoscit, & cognitum in finito amore cõplectitur. Sic ergo nos prius quidem iudicemus, deinde diligamus: iudicium amorem, non amor iudicium præcedat. Hac autem de causa pia hæc Zebedæi vxor errauit, qui amoris impatentia superata, quid peteret, non aduertit.

Prou. 4.

Simile.

## III.

Sed iam quid Dominus huic ambitiosæ petitioni responderet, videamus: *Nescitis*, ait, *quid petatis*. Acrius sanè Dominus respondere poterat: verum solita vsus benignitate, ignorantie tribuit quod ambitionis & insignis vanitatis erat, quâ tamen non minor ignorantia præcedebat. Verè enim qui honores, qui seculi dignitates, qui excelsas sedes postulabant, nesciebant quid peterent: quando pacem, tranquillitatem & felicitatem in ijs rebus esse credebant, quæ non modò curis & laboribus, sed etiam animarum periculis & præcipitiis plenè sunt. Est enim ambitio (ut D. Bernardus ait) subtile malû, secretû virus, pestis occulta, Bernard, doli artifex, mater hypocrisis, liuoris parens, vitiôrû origo, tinea sanctitatis, ex cæcatrix cordium, ex remediis morbos creans, ex medicina languorem generans. Hactenus Bernardus. Est au-



tem ambitio superbæ filia, auaritiæ mater, humilitatis nouerca, virtutum mors, ruinarum atque multorum malorum initium. Ambitio æquales cõtemnit, minores fastidit, superioribus inuidet, nulli subiicitur, nullius consilio regitur, sibi tantum fidit, & Math. 10 maiora sæpe suis viribus audet. Sic enim duo isti discipuli, qui hoc morbo laborabāt, vt ambitiosi in dignitatibus petendis, ita & præsumptuosi seipsos ad bibendum Domini calicem exhibuerunt; qui tamen Dominum (vbi ad passionem ventum est) turpi fuga deseruerunt. Hæc & his similia mala, ambitionis pe-  
stis secum affert.

Simile. Nec minus periculi in honoribus & sedibus, quàm in ipsa ambitione est. Ampli siquidem honores instar vini meri sunt, qui sæpe homines de mente deducunt, & sui ipsorum cogniti- nem adimunt, perficiuntque vt tales se esse credant, quales di- gnitas ea quam assecuti sunt, requirit, qualesque adulator po- pulus quotidianis vöcibus prædicat. Vt autem sui ipsius cogni- tio veræ sapientiæ initium, ita contrà sua ignoratio stultitiæ atq- periculorum, & ruinarum omnium origo est. Hinc serenissimam illam Catharinam Angliæ reginam dicere solitam memorant, se quidem æqualem in vita (si liceret) fortunam optare; quòd si hoc minimè contingeret, aduersam se malle quàm secundam; aduersitate enim iactatis aiebat nunquam defuisse solatium; ni- mium autem secunda fortuna vsis, mētem ferè ac iudicium de- fuisse. Ex qua quidem prudentissima sentētia illud sane colligi- mus, quòd quamuis vtriusq- fortunæ inæqualitas periculosa sit, periculosior tamen secunda sit quàm aduersa. Quam rem in- signis quidam Philosophus apertissima ratione cõfirmat; cuius sententiam (quoniam obseruatione dignissima est) hoc in loco attexere libuit. Sic igitur ait: Difficilius prosperæ fortunæ regi- men puto quàm aduersæ; aliquantoque formidolosior & (quod constat) infidiosior est fortuna blāda quàm minax. Quod vt sic opiner, non me scribentium fama, nō verborum laquei, nodiq- sophismatum, sed rerū experimenta vitæq- huius adigūt exem- pla, & magnū difficultatis argumentū, raritas. Nam qui damna, qui pauperiem, qui exilium, qui carcerē, qui suppliciū, qui mor- tē, & peiores morte graues morbos, a quo animo tulerunt, mul- tos vidi; qui diuitias, qui honores, qui potentiam, nullum. Ita sæ- penumero me spectante contra omnem fortunę violentiam in- quictos, ludo facili superior strauit, humanique robur animi, quod minax non fregerāt, inflexere blāditiz. Nescio enim quo- modo mox vt mitior esse cœperit fortuna, incipit mēs emollita tumidior fieri, & suæ fortis obliuionem adiuncta prosperitate concipere. Neq- de nihilo dictum est, iamq- apud nostros homi- nes in prouerbiū venit; Magni laboris esse, ferre prosperitatem.

Neque

Petrarcha  
de pro-  
spera &  
aduersa  
fortuna.

Neque temerè Flaccus ait: Bene ferre magnam disce fortunam. Flaccus.  
Difficilem nempe censebat artem, quæ nisi studio adhibito ne-  
sciretur. Hactenus ille.

Iam verò clarissimus apud mortales Philosophos Seneca, quæ- Seneca.  
tū ad virtutē aduersa fortuna cōferat, quātūq. laboris & peri-  
culi in secūda sit, variis in locis luculēter ostēdit. Alibi enim ait:  
Marcet sine aduersario virtus. Tūc apparet quāta sit, cūm quid  
possit patientia ostendit. Et mox: Non fert, inquit, vllum ictum  
illisa felicitas. At vbi assidua fuit cū incōmodis suis rixa, callum  
per iniurias duxit. Alibi verò; Magis, inquit, vrgent sua inex-  
pertos. Graue est non assuetis ferre certicibus ingū. Quamlibet  
viam iumēta patiūtur, quorū dura in aspero vngula est; in molli  
palustriq. loco saginata citō subterūtur. Deniq. ait: Cūm omnia  
quæ excesserūt modū, noceāt; periculosissima est felicitatis intē-  
perantia. Vina Annibalē Falerna soluerūt, & indomitū illū niui-  
bus atq. Alpibus virū eneruauerūt fomenta Campaniæ. Armis  
vicit; vitiis victus est. Hæc omnia ex Seneca; qui quidē hāc sen-  
tentiā suā Annibalis exēplo cōfirmat. Nos verò inter alios Ale-  
xandrū illū Magnū, orbis domitorem, proferre possumus; qui in  
medijs laboribus & periculis præclarissima virtutū exēpla edidit;  
qui tamen periculis omnibus defunctus, & secūda fortuna vsus,  
tot vitiis inquinatus fuit, vt omnibus antea actæ vitæ virtutibus  
obscuritātē attulerit. Quod si minis nos ethnicorū exēpla mo-  
uent Dauidē regem sanctissimū in mediū proferemus; qui cūm  
profugus vagā atq. inopē vitam in desertis ageret, sic pietatē cole-  
bat, vt verē dicere potuerit: In terra deserta, inuia, & inaquosa, Psal. 61.  
sicut in sacto apparui tibi. Hoc est: ita me tibi, Domine, suppli-  
cem atq. deuotū in hac vasta & inculta solitudine exhibeo, ac si  
in sanctuario tuo coram arca fœderis essem: quæ virtus & gloria  
tua nūcupatur. Idē tamē cōstituto regno, cūm pace & otio frue-  
retur, in grauissima crimina lapsus est. Proferā item Salomonē  
Ius filium, quem D. Hieron. idē putat corruisse, quoniam se- Hieron.  
in Epist.  
cūda semper fortuna vsus in deliciis vitam egerit. Minutissi-  
mum autem exemplum est, si inter ista referatur, quod in vita  
beatissimi præsulis Antonini memoratur; quod tamen silentio  
prætereundū non est. Ambrosiana fortē via solenni die de more  
iter faciens, in pauperis tecti culmine adesse Angelos contem-  
platur. Rei admiratione perculsus, cūm domū introisset, viduā,  
ac tres vnā filias reperit, nudis omnes pedibus & laceras; quæ vt  
pauperatis iniuriam propulsarent, lanificio, seu textrix in-  
cumbebāt. Antoninus, qui totus misericordia redūdabat, ne ce-  
lebris die operā lanificio cogerētur dare, simul ex proximē com-  
morantibus edoctus, esse probis moribus & ingenuis, statim iu-  
bet quantum sat esset non modō ad inopiam fugandam, sed ad  
com-

commodos quoque vsus erogari. Labente tempore cum illae  
 rursus iter faceret, iam non Angelos, sed dæmonem videt fasti-  
 gio domus insidere; ac tum subesse mali aliquid suspicatus,  
 quærit quid id esset, num prolapsæ in scelus aliquod, florem vir-  
 ginæum delibassent, aut dedecorosum quippiam admisissent?  
 Cognito, quod refertæ eleemosynis iam cum inopia non pu-  
 gnarent; quod lanificio non intenderent; quod multum à reli-  
 gioso illo viuendi more concidissent; quod delicias demum in  
 vestibus, tum reliquos ornatus corporis adamarent; ingrati-  
 tudinis maximæ coarguit, quod in muliebres luxus, quæ ad fu-  
 gandam inopiam dederat, conuertissent: tum quod Angelos  
 primum, mox dæmonem vidisset, explicuit; malam esse rerum  
 conuersionem factam; nempe quod simplici cultu, amico An-  
 gelis, antea vixissent, nunc insolentiores factæ, ad luxus & ille-  
 cebras demoni aures præberent. Redirent itaque ad se, antiqua  
 viuendi instituta resumerent, & nullum otio, nullum dæmoni  
 locum darent. Ex illo peritus artifex, tamen si nūquam non ino-  
 piam subleuauit, non commisit tamen vt aleretur pinguius, &  
 vestirentur cultius quàm par esset. Vidistis hoc etiam exemplo,  
 fratres, quid secunda fortuna mali, quid aduersa boni secum at-  
 tulerit?

Greg. li. 3.  
 Dial. 8.

Seuerus  
 Sulpicius.

Quid? quod non terrena opulencia modò, sed cælestia quoq.  
 & spiritalia dona animos interdum piorum hominum effe-  
 runt? D. Gregor. in tertio libro Dialogorum sanctissimū quen-  
 dam virum memorat, qui variis à Domino miraculorum signis  
 fuerat honestatus: is cum ad preces Sanctimonialium quarun-  
 dam dæmonem ab obsessi pueri corpore expulisset; hoc miracu-  
 lo tantisper elatus, facultatem dæmoni iterum inuadendi pueri  
 præbuit: nec ipse solus, sed sanctorum quorundam monacho-  
 rum precibus adiutus, dæmonem iterum profligauit. Seuerus  
 quoq. Sulpicius in dialogo anachoritæ refert mira signa edes-  
 tem, dæmonesque ab obsessis corporibus expellentem: cuius rei  
 gratia à multis opem ab eo petentibus frequentabatur. Interea  
 sancto viro vt ex virtute honor, ita ex honore vanitas cepit ob-  
 repere; quod malum vbi ille primum potuit in se agnoscere, diu  
 discutere conatus est, sed repelli penitus non potuit: vbique  
 nomen eius dæmones facebantur: excludere à se confluentem  
 populum non valebat. Virus interim latens serpebat in pectore:  
 & cuius nutu ex aliorum corporibus dæmones fugabat, se ipsum  
 occultis cogitationibus vanitatis purgare nō poterat. Totis igitur  
 precibus conuersus ad Dominum orauit, vt permissa in se  
 diaboli potestate, similis illis fieret, quos ipse curauerat. Quid  
 multis? ille præpotens, ille signis atque virtutibus toto Oriente  
 vulgatus, ille, ad cuius limina populi antè cōfluxerāt, correptus  
 à dæmo-



à dæmone est, ac retentus in vinculis, omnia illa quæ energumeno solent fieri, perpeffus. Quinto demum mense purgatus est, non tantum dæmone, sed quod illi erat vtilius atq. optatius, vanitate. Hactenus Sulpicius. Si ergo tot secum pericula sublimitatis dignitas; atque ipsa etiam spiritalis prosperitas affert; an non iure meritoque ad illam nimis auidè aspiratibus dicere Dominus potuit, *Nescitis quid petatis*? Verè enim nesciebant quid peterent, cum sub obtentu felicitatis & securitatis, periculorum atque curarum sibi materiam postularent.

## III.

Adiecitque deinde Dominus: *Potestis bibere calicem quem ego bibiturus sum*? Quorsum hæc? Viam illis certè regiam ostendit, qua non ad temporariâ & inanem, sed ad veram dignitatem & gloriam pervenitur: quæ non alia quàm variorum laborum patientia est. Hoc enim passim diuina volumina prædicant atque decantant. Si quis, ait Dominus, vult venire post me, abneget semetipsum, & tollat crucem suam, & sequatur me. Idemque alibi; *Qui non accipit*, inquit, crucem suam & sequitur me, non est me dignus. Et Apostolus Paulus: *Qui Christi*, inquit, sunt, carnem suam crucifixerunt cum vitiis & concupiscentiis. Itaque non satis est & vitiis & vitiorum cupiditatibus obsistere, easque cruci affigere; sed ipsam quoque carnem, quæ & vitiorum & cupiditatum seminarium est, eiusdem Apostoli exemplo castigare monemur, dicentis: Castigo corpus meum, & in servitutum redigo; ne cum alijs prædicauero, ipse reprobus efficiar. Lucæ 9.  
Matth. 10  
Galat. 5.  
1. Cor. 9.

Nec Paulus modò, sed ceteri quoque Apostoli hac eadem via ingressi sunt. Atque etiam duo fratres, quibus nunc Dominus calicem suum proponit, alacriter illum biberunt. Alter enim in ferventis olei dolium missus, & exilio multatus; alter verò ante omnes alios Apostolos martyrio fuit laureatus. Ita qui principem inter alios locum petebat, meliori conditione principatum adeptus est: dum enim primus omnium calicem bibit, clarissimum fidei & constantiæ suæ exemplum reliquit. Act. 12.

Quid igitur ex his consequitur, fratres? Illud certè quod Apostolus enumeratis veterum Patrum laboribus adiecit: *Habentes igitur tantam nubem testium, per patientiam curramus ad propositum nobis certamen; aspicientes in auctorem fidei, & consummatorem Iesum; qui proposito sibi gaudio (videlicet de salute nostra per mortem suam constituenda) sustinuit crucem, confusione contempta. Additque deinde: Recogitatem* Hebr. 12.  
Ibidem. *sum qui talem sustinuit à peccatoribus adversus semetipsum contradictionem, ut non fatigemini animus vestris deficientes. Nondum enim usque ad sanguinem restitistis, adversus peccatum repugnantes.*

Nunc

Nunc ad nos ipsos veniamus, fratres. Si tot sanctorum litterarum testimonia, tot oracula diuina, tot sanctorum Prophetarum, Apostolorum, Martyrum, & Confessorum exempla, & (quod caput est) ipsius ducis ac principis nostri crux, clauis, ludibria, verbera, & ignominiosissimum mortis supplicium nos ad laborum tolerantiam, ad calicem passionis hauriendum, ad crucem sensibus & cupiditatibus nostris affigendam, inuitant: qua, quaso, fronte qui vitam omnem in otio ludoq. & carnis indulgentia consumunt, eternae vitae mercedem se consecuturos sperant? Nemo nostrum est qui non intelligat, summum & infinitum bonum esse quod piis in caelo propositum est; extremumque malorum omnium (post lethale peccatum) apud inferos constitutum; nemo qui non cupiat beatissima illa felicitate frui, & ab illa sempiterna miseria liberari. At vidistis haecenus omnia diuina oracula, omniaq. Sanctorum exempla, per varios labores atque certamina aeternam illam palmam fuisse consecutos; illorumq. omnium vocem esse, Transiuimus per ignem & aquam, & deduxisti nos in refrigerium. Cum haec igitur ita sint, nequeo satis mirari, quoniam modo sibi cohareant, sibi que ipsis consentiant, qui huius felicitatis desiderio flagrant, nullis tamen pietatis operibus vacat, nullam cupiditatibus suis cohibendis curam adhibent, non linguae frenum, non oculis custodiam, non cogitationibus suis terminum vllum praefigant, non vllum propter virtutis amoris subire laborem cupiant; sed omnis eorum vita in honoribus coeuctandis, in patrimoniis cumulandis, in sola carne curanda, nutrienda, oblectanda, & modis omnibus reficienda consumitur. Qualis autem horum fors futura sit, non mea, sed veridica iudicis ipsius sententia per

Isaia 27. Isaia tremedis his verbis declaratur: Et vocabit Dominus Deus exercituum in die illa ad fletum, & ad planctum, ad caluitium, & ad cingulum sacci; & ecce gaudium, & laetitia occidere vitulos, & iugulare arietes, comedere carnes, & bibere vinum. Comedamus & bibamus; cras enim moriemur. Et reuelata est in auribus meis vox Domini exercituum: Si dimitteretur iniquitas haec vobis, donec moriamini, dicit Dominus exercituum. Quid his, quaso, verbis formidabilius? quid terribilius? Si ergo credimus hanc esse Dei vocem atq. sententiam; quomodo non metu concutiuntur qui vitam omnem carnis obsequio manciparunt? qui vino, qui epulis, qui iocis & lusu, & scurrilibus verbis, ne dicam turpibus, & aliorum existimationi nocentibus, perpetuo vacantes, & sine villo virtutis aut benignitatis fructu vitam omnem Epicureorum more in voluptatibus transigentes, sempiternam sibi felicitatem promiserunt; quam sancti omnes per crucem, & calicem, & sanguinem adepti sunt? Num ergo alia tibi in caelum via sternenda, aliae leges praefigendae, aliud Euangelium denuo condendum, quod

quod aditum tibi in cælū sine vllō labore patefaciat? At clamat contra te illa Domini sententia: Cælum & terra transibunt; ver-  
ba autem mea non præteribunt. Et, Iota vnum, aut vnus apex  
non præteribit à lege, donec omnia fiât. Expergiscimini, quæso,  
fratres, quicunq. salutem vestram charam habetis; & à lethargi-  
co isto somno, qui vos oppressos tenet, excitamini: alia via in-  
cedite, alios mores induite; ad bibendum calicem Domini præpa-  
ramini, ad portandam crucem accingimini, eam cupiditatibus  
vestris, eam cogitationibus, eâ oculis, eam auribus, eam postre-  
mò linguæ intemperantiæ affigentes; vt sic tandem per crucem  
ad regnum, per labores ad requiem, per pugnam ad sempiter-  
nam palmam peruenire mereamini & coronam.

Marth. 14

Marth. 5.

IN FESTO BEATISSIMI PATRIS  
NOSTRI DOMINICI, CONCIO PRIMA,  
in qua lectio Euangelica explanatur.

THEMA. *Qui autem fecerit & docuerit, hic magnus vo-  
cabitur in regno calorū. Matth. 5.*



Vnde ordinem videmus à diuina prouidentia in  
rebus quæ natura constant, institutum, vt quædam  
præcipiendi & mouendi; quædã verò obtemperan-  
di, & eorum motibus obsequendi munus exequan-  
tur. Superiora enim, hoc est cælestia corpora, sol,  
luna, cætera quæ astra, atque illa in primis quæ errantia appella-  
mus, agendi atque mouendi principatum obtinent; inferiora  
verò, quibus corporeus hic mundus refertus est, illorum actio-  
nibus & motibus mira obedientia obsequuntur. Quam rem in  
sole præcipuè ac luna quotidie cernere licet, quæ magnam vim  
habent ad hæc inferiora corpora variè pro ratione lucis, qua  
illa contingunt, immutanda. Quia ergo idem est gratia & na-  
tura conditor; qua ratione naturam omnem administrat, ead-  
em Ecclesiam suam regit, & moderatur. Gratiarum enim &  
verbi sui ministros velut clarissima quædam sidera in Ecclesie  
sue firmamento collocauit, quæ splendore vitæ atque doctri-  
næ aliis prælucere, eorumque mentes cælestium rerum amo-  
re incenderent. Ne verò cuiquam inepta hæc cõparatio videat-  
ur, hoc ipsum Dominus Danielis voce insinuassee videtur, cum  
verbi sui ministros stellis & cælo comparauit; sic enim ait: Qui  
docti fuerint, fulgebunt quasi splendor firmamenti; & qui ad  
iustitiam erudiunt multos, quasi stelle in perpetuas æternitates.

Dan. 12.

Qui-



Quibus verbis & prædicatorum officium, & dignitatem, & semperne felicitatis præmium, quod illos post hanc vitam manet, non obscure significauit. Quoniã autem variis modis hoc pietatis officium exequuntur, variis quoq. nominibus in hodierna sancti Euangelij lectione à Domino designatur. Eos quippe sal terræ, lucem mundi, ciuitatem in monte sitam, & lucernam supra candelabrum positam appellat; quarum appellationum rationem in eadem lectione declarat: quam in hodierna cõcione elucidare, aspirante diuina gratia, debemus. Quod vt salubriter & religiosè præstare possimus, cælestem opem, sacratissimę Virginis intercessione, suppliciter imploremus.

## A V E M A R I A :

Cum cælestis Magister discipulos suos ad prædicationis officium instituere, eosque idoneos Euangelij sui ministros creare vellet; his verbis officij huius fructum, dignitatem, & periculum etiam aperire exorsus est; Vos, inquit, *estis sal terræ*. Hoc autem salis nomen ad Apostolos, & Apostolorum successores, hoc est, Episcopos & verbi Dei ministros præcipuè dirigitur. Ad eos enim spectat, mores hominũ cõdire, & à peccati corruptione diuinæ sapientiæ ministerio præseruare. Sal enim in scripturis sanctis pro sapientia atq. doctrina accipitur; qua præcipuè humana vita conditur. *Qua* quidem appellatione verbi Dei acrimoniã adnotare licebit: non enim aut mel, aut vnguentum, siue quid aliud molle, sed sal nuncupatur, quod nonnihil acrimoniæ & mordacitatis habet. *Qua* de causa & ignis & gladius, & malleus conterens petras, in litteris sanctis appellatur. *Quo-* circa, fratres, neque mirari, neque succensere nobis debetis, si quando cõcionatores acriter in corruptos hominum mores inuehuntur, & medicandis animæ vlcibus dolorem incurrunt. Quid enim aliud à sale, igne, gladio, & malleo expectari potest? Sal enim mordet; ignisurit; gladius vulnerat; malleus petras, hoc est dura & lapidea pectora conterit. Hoc igitur facit, quisquis sincerè ac legitime verbum Dei prædicat; qui iuxta Apostolum, exhibet se operarium inconfusibilem, rectè tractantem verbum veritatis. Contrà, de iis qui popularem auram, & imperitæ multitudinis plausum caprare student, scriptum est: Vã qui consunt puluillos & cernicalia sub omni cubito manus (vt videlicet blandius homines in flagitiis suis dormiant) & liniunt parietem luto absque paleis, ne videlicet peccati turpitudine atq. deformitas appareat. Hi sunt qui se corruptis hominũ desiderijs accomodant, & diuinæ legis acrimoniã blandis interpretationibus molliunt & enervant: de quibus per Isaiam Dominus; Vinum, inquit, tuum mistum est aqua. *Quod faciunt,* qui

Heb. 4.  
Ierem. 23

2. Tim. 2.

Ezech. 23

Isaiæ 1.

qui diuinarum legum austeritatem, terrenæ prudentiæ aqua indulcare, & carnalium hominum moribus aptare nituntur; de quibus Dominus per eundem Prophetam: Popule, inquit, meus Esaïæ 3. qui te beatum dicunt, ipsi te decipiunt, & semitas pedum tuorum dissipant. Quo in loco diuus Hieronymus: Ille, inquit, est Doctor Hieron. ecclesiasticus, qui lachrymas, non risum mouet, qui corripit peccatores, qui nullum beatum, nullum dicit esse felicem. Hoc enim proprium eorum munus est qui salis officio funguntur. Subditque Dominus:

*Quod si sal euauerit: hoc est. si vniuersum sal acrimoniam suam & salendi vim amiserit, in quo salietur? hoc est, qua re alia pristina vim atque saporem suum recipiet? Quod perinde est ac si diceret: si vnus tantum in vrbe sit medicus, qui agrotis omnibus medeatur, is autem infatuatus fuerit, quis illum curare poterit? Quis enim medebitur incantatori à serpente percusso? Ad hunc igitur modum si priuatus homo infatuatus fuerit, sale cōdiri poterit; at sale ipso infatuato, qua re alia pristina illa vis restitui & reparari queat? Hinc diuus Hieronymus: Si monachus, Hieron. inquit, ceciderit, rogabit pro eo sacerdos; pro sacerdotis lapsu quis rogaturus est? Ad nihilum valet ultra, nisi ut mittatur foras, & conculcetur ab hominibus. Cum autem sal præter eam salendi vim quam habet, ad alia nihil conferat (neq. enim in sterquilinum, quo arua fecundantur atque pinguescunt, vtilis est; quin potius immodica siccitate sua agros steriles efficit) consequens est, vt tanquam res prorsus inutilis abiiciatur, & conculcetur ab hominibus. Cum enim omnia alia munerā, siue militaria, siue ciuilia, per ecclesiasticas leges sacerdotibus interdicta sint, quo diuinorum rerum studio, condiendisq. hominū moribus vacare liberè possint; si hoc vnum munus, quod illis iniunctum est, negligant, in quem vsum Christianæ reip. ciuibuscque suis esse poterunt? Rectè ergo de his Dominus: Ad nihilum, inquit, valet ultra, nisi ut mittatur foras, & conculcetur ab hominibus. Quia enim Ecclesiæ ministri, dum malè viuunt, Deum honore debito fraudant, iusto Dei iudicio ipsi quoq. suo honore fraudantur. Quod autem infelici nostro seculo impletum cernimus, ante multa annorum centenaria per Malachiam Dominus prænuñtavit, cum dixit: Vos autem recessistis de via, & scandalizastis plurimos in Malach. 2. lege. Irritum fecistis pactū Leui, dicit Dominus. Propter quod ego dedi vos contemptibiles & humiles omnibus populis; sicut non seruastis vias meas, & accepistis faciem in lege. Quid igitur his verbis insinuat, nisi quod hoc in loco Saluator ait: Si sal euauerit, in quo salietur? Ad nihilum valet ultra, nisi ut mittatur foras, & conculcetur ab hominibus. Sed ad alia ministrorum Euangelij nomina veniamus.*

- Non contentus enim Dominus sal terræ eos appellasse, vocat etiam lucem mundi. Magna profectò prædicatorum dignitas, qui voce Veritatis eodem nomine designantur, quo se ipsam
- Ioan. 3.** Veritas nuncupauit, quæ ait; Ego sum lux mûdi. Hæc igitur primaria lux, hæc secunda luce, quæ ab illa deriuatur, velut instrumento quodâ vitur ad hominum mentes illuminandas, & diuini amoris igne inflammandas. Vt enim solis & stellarum lux, quæ ad nos vique pertingit, instrumentum est quo hæc cælestia corpora in hæc inferiora vim suam influunt, & omnia quæ terra marique nascuntur, producant & nutriunt; sic diuina providentia Prophetis primum, deinde Apostolis, tum verbi sui ministris ceu viuis quibusdam instrumentis ad animarum salutem vitur.
- Simile.** Itaque cùm concionatoris vox pium aliquem motum in animo tuo excitat, Deus eius rei primus auctor est, qui prædicatoris organo ad salutem tuam vitur. Quare illi vocanti, atq. interius te hoc instrumento mouenti, gratias cum primis agere debes.
- Simile.** Nemo enim api, quæ sauum conficit, sed ei qui apem mellificare in vsum hominum docuit, gratias agit.

Addit & aliud nomen Dominus non minus illustre, nempe, civitatem supra montem positam; ad quam omnes non solum belli tempore confugiunt, vt eius præsidio salutem suam tueantur; sed etiam ex finitimis locis ad eam confluunt, vt ibidem, quæ ad vitæ vsum necessaria sunt, quarant. Tales igitur esse Ecclesiæ pastores decet, qui videlicet more Pauli, omnibus omnia fiant; vt in eis ager curationem, mœstus lætitiâ, desperatus fiduciam, imperitus doctrinam, dubius consilium, pœnitens veniam atque solatium, & quidquid tandem ad salutem necessarium sit, omnes inueniant.

Postremo, nomen aliud supra positum adiungit, nempe lucernam super candelabrum positam. Lucerna autem ardet & lucet. Quia enim supra dixerat; Ecclesiæ Doctores lucem esse mûdi; ne quis huic muneri se satis fecisse putaret, si doctrinæ suæ splendore aliis præluceret, eaque doceret, quæ non opere, sed meditatione didicisset; addidit lucernæ nomen, quæ non modo lucet, sed etiam ardet; qualis beatus Christi præcursor existit; quem Dominus lucernam ardentem & lucentem appellauit; qui videlicet doctrinæ luce homines erudiebat, & charitatis suæ exemplo alios ad Dei amorem incendeat. Sequitur deinde:

I.

**Ioan. 3.** Nolite putare quoniam veni soluere legem aut Prophetas. His verbis Dominus tacitæ cuidam discipulorum quæstioni respondere videtur. Dicere siquidem poterant, Prædicatores nos, Domine, Euangelij instituis; scimus autem ex Hieremiæ vaticinio, in aduentu Messiae aliud testamentum nouum, veteri longe dissimile,

**Hier. 31.**



simile, esse condendum; num ergo aliquid contra legem, aut Prophetas docere debemus? Huic Dominus quæstioni respondet: *Nolite putare quoniam veni solvere legem, aut Prophetas: non veni solvere, sed adimplere.* Quæ enim ad inculpatæ vitæ mores in lege & Prophetis continentur, ad eod non dissolvam, vt multis etiam accessionibus perfectiora reddam. Quod statim facere incipit, cum pro eo quod lex præcipit non occidendum, ipse addit etiam non irascendum; pro eo quod amicos diligere iubet, ipse etiam inimicos diligendos, & beneficiis prosequendos consulit; atque item de cæteris. Ea etiam quæ vetus lex & Prophetæ siue promittunt obsequentibus, siue inobedientibus minantur, sic implenda sunt, vt ne vnum quidem iota, aut apex à lege præterire debeat, donec omnia fiant. Iota, inter omnes alphabeti litteras minima est; apex autem adhuc minor quàm iota. Significat ergo hac asseveratione, nihil ex his quæ diuinis oraculis continentur, quamlibet exiguum & minimum sit, non ad vnguem implendum; quamuis hoc ipsum modò ab hominum conspectu longè positum esse videatur. Itaq. si piis diuinæ felicitatis communio (quæ in aperta immensæ illius pulchritudinis visione consistit) promissa est; non dubium, quin ij, promissionis huius aliquândo participes effecti, dicant; Sicut audiuius, sic vidimus in ciuitate Domini virtutum. His autem verbis quidam valde religiosus Pater, postquam è vitis excessit, D. Thomas Aquinatem magna affectit lætitiâ; cuius rei historiam (quoniam non ingratis vobis futuram spero) paucis exponam. Oranti quodam tempore S. Thomæ Neapoli in templo Dominicanorum apparuit frater Romanus S. Theologiæ Doctor, quem ille sibi Parisiis in prælectionibus reliquerat successorem; qui non ita pridem obierat, D. Thoma ignorante. Vt ergo illum vidit iuxta se stantem, Gratulor, inquit, te huc aduenisse; sed quando, oro, venisti? Respondit ille; Ego iam excessi è corpore; permissum autem mihi est pro tuo merito tibi apparere. Territus eo responso non nihil sanctus vir, cum collegisset, ait; Adiuro te per Dominum, vt indices mihi, num placeant Deo opera mea. Respondit Romanus; Perseuera in hoc statu, nec dubites grata esse Deo quæ facis. Et Thomas, Tecum verò, inquit, vt agitur? Respondit; Ego vita fruor sempiterna; attamen ob negligentis curatum testamentum à Parisiensi Episcopo mihi traditum, penasui in locis purgatorijs ad dies quindecim. Et Thomas, Scis, inquit, crebrò nos in disputationem illam adduxisse quæstionem, an permaneant in animo sciëntiæ in hac vita acquisitæ; quæso vt eam mihi expedias. Respondit Romanus; Ego Deum intueor; noli hac de re ex me sciscitari. Et Thomas, Vides ne, inquit, Deum sine medio, aut aliqua re interposita? Tum ille;

Exod. 9.  
Matth. 5.  
Leuit. 29.  
Marc. 5.

Psal. 47.

Sicut audiuimus, ait. sic videmus in ciuitate Domini virtutum: moxque disparuit, & S. Thomam magna reliquit consolatione perfulsum.

Nec minus vera sunt quæ de damnatorum suppliciis in eisdem sacris litteris prodita sunt. Si enim ignis æternus, si immortalis vermis, si tenebræ exteriores, si fletus & stridor dentium in gehenna esse dicuntur. erit certè quando hæc supplicia perditis hominibus subeunda sint. In eisdem etiam futurum in fine mundi iudicium legimus, in quo de otioso etiam verbo redditori rationem sumus; in quo oves ab hædis separatae amabilem illam Domini vocem audient, Venite benedicti patris mei, percipite regnum quod vobis paratum est ab origine mundi: hædi verò horribilem illam atque tremèdam: Ite maledicti in ignem æternum, qui paratus est diabolo & angelis eius. Quo diuinæ vocis fulmine icti, incipient dicere montibus: Cadite super nos; & collibus, Operite nos. Hæc omnia sine dubio improbis hominibus experienda seruantur, ita vt ne iota vnum, aut vnus apex ex iis omnibus prætermittendus sit. Cum igitur hæc omnia (vt Petrus Apostolus ait) dissoluenda sint; quales oportet nos esse in sanctis conuersationibus & pietatibus, expectantes & properantes in aduentum diei Domini, per quem cæli ardentes soluentur, & elementa ignis ardore tabescent. Inter has autem pœnas, maximam esse constat, illius summæ & infinitæ pulchritudinis conspectu perpetuò abdicari. Hæc enim pœna bis infinita est, quòd ea videlicet & infinito bono priuat, & per infinita tempora, hoc est, per numquam finienda spatia durat. Sed hanc tantam pœnam scelerati homines minus formidant; quia quale illud bonum sit, ne cogitatione quidem attingere possunt. At cum ignis pœnam quotidie experiatur, qui fieri potest, vt æternum ignis incendium non exhorreant? Non horrent autem illum, qui sese vitiorum omnium turpitudini addixerunt, quos videlicet superbia inflat, avaritia vrit, luxuria inquinat, ira dilaniat, inuidia consumit, voluptates dissoluunt, ceteraque vitiorum monstra obsessos tenent, qui postremò ita viuunt, quasi nulla prorsus eos pœna maneret. Qualis verò hæc pœna sit, hoc indicio coniecturam aliquam facere potestis. Adrianus Imperator, ira atque furore ebruius, hoc crudelissimo martyrij generis beatum Eustachium (vt Nicephorus in Ecclesiastica historia refert) cruciari præcepit. Iussit enim & illum, & coniugem, & duos simul filios in tauro aëneo includi, & igne supposito ibidem concremari. Nunc expendite, quæso, fratres, cum sancti viri in exiguo illo candentis ferri sinu, in horrendis illis renebris, in angustissimo illo spatio, vbi nullum esset corporibus voluendi atque gyrandi locus, torquerentur, quando pius pater

con-

coniugem & liberos, & hi rursus parentem tam crudeli mortis genere torqueri cerneret; quo dolore afficerentur, quas voces, quos gemitus, quos clamores in horrendo illo tauri utero emitterent? Horret animus hæc meminisse, & cor ipsum, dum hæc recolat, pauet & contremiscit. Quid autem hic adeo formidabilis cruciatus, si cum sempiterno illo gehennæ cruciату comparatur, nisi fumus, & umbra est? Nam in illo sanctorum supplicio duo maxima illos solatia sustentabant, alterum, quod brevissimo temporis spatio erat pœna illa duratura; alterum, quod post breuem illam morulam, momentanea pœna esset æterna felicitate commutanda. Neutrum autem harum eos qui in gehenna cruciantur, consolatur; neque enim spes ulla aut præmij percipiendi, aut doloris finiendi eorum tormenta leuare aliqua ratione potest; cum & pœna sit æterna, & frustra sine villo emolumento subeunda. Hæc qui cum animo suo cogitat, etiam si innocentiam colat (quia tamē dum in vita est, à via defletere potest) quomodo non totus corde & corpore contremiscat; quomodo dies noctesque in perpetuo luctu & squalore non agat? quomodo præ timoris magnitudine non totus obrigeat? Quod si innocentes hoc metu carere non debent (qui sanctissimos sapē viros sollicitabat) quantum, quæso, ij formidare debent, qui in eo statu manent, in quo secundum diuinæ iustitiæ leges, si mors illos subito intercipiat (quod euenire non raro solet) fulmine oculis ad inferos exturbabūtur? Miror, fratres, miror cum hæc ipsa dico, quo modo non etiam cum his verbis animam simul cum sanguine fundo. Euigilate, quæso, fratres, euigilate, & ab hoc lethali somno, qui vos tenet oppressos, expeigiscimini; atque hoc tempore, dum vita manet, dum pœnitentiæ locus est, dum iudex ipse nos & patienter expectat, & clementer vocat, hos tantos cruciatus redimere studeamus; quandoquidem hæc vitæ spatia non ad ludum & fastum, non ad luxum & crapulam, sed ad pœnitentiam nobis data sunt. Sed ad sequentia veniamus; subdit enim Dominus:

## II.

*Qui ergo soluerit vnum de mandatis istis minimis, & docuerit, &c.*  
 Minima hoc in loco diuus Augustinus mandata illa appellat; Non occides; Non mœchaberis; Non furtum facies; Non falsum testimonium dices, & quæ sunt his similia: quod hæc mandata plerique etiam vel non Christiani seruare studeant. Cuius rei non grauior vnicui saltem exemplum ex multis commemorare. Cum Themistocles populo Atheniensi dixisset, se daturum consilium quod maximam esset reip. utilitatem allaturum, esse tamen eiusmodi, ut nullo modo esset vulgandum; præcepit populus ut illud vni Aristidi denuntiaret. Quod cum ille

August.  
Exod. 21.



fecisset, Aristides ait: Themistoclis quidem consilio nihil utilius, sed nihil tamen iniustius. Quo audito, populus ab eo consilio Themistoclem supersedere iussit. Itaque quamuis gens illa esset veræ religionis & pietatis expers, omnem tamen utilitatem, quæ esset cum iniustitia coniuncta, repudiandam censuit. Hæc igitur iure mandata minima nuncupantur, quæ civiles etiam leges præcipiunt, earumque violatores legitimis poenis coercerent. Sunt verò alia maiora, quæ ad Evangelicæ vitæ perfectionem spectant, per quæ ad summum illud diuinæ dilectionis mandatum pervenitur, quod Saluator mandatorum omnium maximum & primum esse ait. Itaque fingere animis debetis, iter in cælum esse instar confragosi & ardui montis ascendens, ad cuius radices sunt mandata hæc quæ minima esse diximus. Non occides, Non moechaberis, Non furtum facies, Non oderis proximum tuum: nec vxorem eius, aut quidquam aliud, quod ad illum pertinet, concupisces. Post hæc verò in aduersum scandentibus maiora illa occurrunt, non modò non habere odio inimicos, sed eos etiam beneficiis afficere; non solum alienam vxorem non concupiscere, sed omnes etiam impudici amoris occasiones deuigare; non solum aliena non appetere, sed propria etiam largiri. Huc enim diuinæ legis mens atque sententia tendit, vt ita se quisque à eade contineat, vt odiû quoque & iracundiam frenet; ita libidini obsistat, vt oculorum etiam petulantiam coercereat; ita manus ab alienis rebus abstineat, vt sua potius in aliorum utilitatem conferat. Itaque qua lege prohibetur crudelitas, eadem humanitas & clementia præscribitur; qua verò iubetur obuiam ire libidini, castitas & puritas sancitur; qua deterremur à furto & latrocinio, eadem ad liberalitatem & beneficentiam incitatur. Cum verò lex vetat, ne labem aliorum nomini falso testimonio inferamus; id etiam præcipit, vt quantum possimus, hominum famæ & dignitati consulamus.

His autem gradibus paulatim ad summum huius montis verticem pervenitur, in quo perfecta charitas est, quæ indissolubili nos amoris vinculo Deo copulat; in quo summa hominis felicitas & perfectio vitæ huius posita est. Caterum immensa illa bonitas, quæ vult omnes homines saluos fieri, quamuis perfectionis viam profectionibus ostendat, non eos tamen abicit, neque à cælestis patrimonij hereditate arceat, qui vel minora illa mandata seruauerint. Qua in re mira Dei nostri benignitas elucet, quæ (infirmiuitatis humanæ habita ratione) tam exiguo pretio tantam tribuit mercedem. Hinc Apostolus, Humanum, ait, dico propter infirmiuitatem carnis vestræ: sicut enim exhibuistis membra vestra seruire iniquitati ad iniquitatem, ita nunc

Matth. 22

Exod. 20.

Matth. 5.

Ibidem.

1. Tim. 2.

Rom. 6.

nunc exhibete ea seruire iustitiæ in sanctificationem. Constat planè longè maiori studio iustitiæ & sanctitati, quàm iniquitati seruiendum esse; Apostolus tamen carnis nostræ infirmitatem considerans, hoc saltem à nobis exigit, vt quo studio iniquitati olim seruiebamur, eodem iustitiam colamus, eiusque obsequio sensus & membra nostra addicamus. Sic etiam Salomon, Si sapientiam, ait, quasieris quasi pecuniam, & quasi thesauros effoderis illam, tunc intelliges timorem Domini, & scientiam Dei inuenies. Quis ambigit, tanto maiori studio sapientiam, quàm pecuniam esse quarendam, quanto est sapientia quàm pecunia ipsa præstantior? At vel hoc solum à nobis requirit Dominus, vt pulcherrima sapientiæ suæ munera hominibus largiatur. Idem quoque in cælestis mercedis retributione facit, quam minimorum etiam mandatorum obseruationi tribuit, vt Propheticum illud implere videatur; Pro nihilo saluos facies illos. Nunc ad vos fratres. Si tam exiguo labore & pretio largitur Deus, quod ipse non sibi, sed vobis sanguinis sui pretio mercatus est; quid in supremo illo examine responderè poteritis, quid prætexere, quam defensionem parare, cum ne gratis quidem oblatam regni cælestis hæreditatem accipere volueritis? Iam verò qui se ob neglectam hanc adeo leuem sarcinam à cælesti hæreditate expulsos, æternisque suppliciis addictos videant, quo angore cruciabuntur? quo furore aduersum seipsos insanient, cum ista duo animis perpetuò voluant atque reuoluant; quid videlicet amiserint, & cuius rei gratia amiserint? Audistis frequenter, inter gehennæ supplicia immortalem vermem numerari, qui viscera damnatorum æterno mortu dilaceret atque exedat. Nolite putare hunc vermem corporeum similemque nostris esse. Vermis hic est harum rerum perpetua consideratio, quas velut in bilance quadam perpetuò appendunt; in quarum altera summum illud & infinitum bonum quod amiserunt, in altera verò cuius rei gratia illud amiserunt; appendentes, numquam satis stuporem & amentiam suam furibundi & attoniti demirari queunt, præsertim cum tot Ecclesiæ vocibus hac de re admoniti fuerint, ipsi tamen obstinatis animis hanc tantam salutem gratis pendè oblatam neglexerunt; cuius recuperandæ spem omnem prorsus amiserunt. Hic igitur est vermis ille, qui eos in furorem agitat, qui illorum rabiem aduersum seipsos, atque adeò aduersus ipsum iudicem Deum accendit, & ad horrendas blasphemias impellit. Vos igitur fratres, qui hæc modò auditis, qui hæc indubitata fide creditis, qui tempus nunc & spatium pœnitendi habetis, quod illi mille gehennæ (si eis liceret) redimeret; cur hanc tantam tuendæ salutis vestræ opportunitatem negligitis?

Quid hic agit fides vestra? quomodo vos non stimulis suis pungit & vrget? quomodo vos lucis suæ radius non in vitam revocat atque deducit? Nempe quia istam veræ fidei lucernam non super candelabrum, sed sub modio posuistis; ideo nihil mirum si vos luce sua minimè illustrat. Ipsa quidem vera lux est, sed his tamen integumentis impedita nihil apud vos agit. Modius autem est immodicus terrenarum rerum atq. vestri amor, qui ita mentem occupat & replet, vt sub hoc pondere inclusa & quodammodo sepulta iaceat fides, nullamque sui significationem det. Denique subdit Dominus:

*Qui autem fecerit & docuerit, hic magnus vocabitur in regno celorum.*  
 Quæ quidem verba beatissimo Patri Dominico maximè conveniunt, qui non solum continuo doctrinæ ministerio, sed multo magis eximie sanctitatis exemplo, & consequentibus signis Dei Ecclesiam illuminavit. Qui autem hoc faciunt, Dominicæ vocis testimonio in regno celorum, hoc est, in vtraq. Ecclesia, in ea videlicet quæ modò militat, & in ea quæ post militiæ agonem in calis coronata triumphat, magni & habentur & appellatur. De huius ergo beatissimi Patris spiritali magnitudine pauca nobis modò dicenda sunt. Quia verò magnitudo hæc non armis, aut terrena potentia (qualis Alexandri Magni, aut Pompeij Magni existit) sed maximarum virtutum meritis constat (qualis Ioannis Baptistæ fuit, qui magnus coram Domino dictus est) harum virtutum magnitudinem, in quibus beatus Pater maximè excelluit, breuiter expendamus.

## III.

Principio igitur illud constat, Christianæ vitæ perfectionem in diuini amoris perfectione sitam esse. Huic autem amoris immodicus amor sui (quo quis carnem suam, & ea omnia quæ ad carnis indulgentiam pertinent, avidissimè conquirat) ita repugnat, vt in eodem pectore vterque simul amor habitare non possit. Quocirca prima eorum cura, qui ad diuini amoris perfectionem aspirant, in eo posita est, vt hunc immoderatum sui amorē à se expellant; immo eò peruenire contendat, vt pro hoc sui amore sanctum sui odium in animum inducant. Meminerunt enim à Domino Salvatore dictum esse: *Qui amat animam suam, hoc est, corporis sui vitam; perdet eam: & qui odit animam suam in hoc mundo, in vitam æternam custodit eam.* Hoc igitur primum studium, primaque, vt dixi, cura eorum esse debet, qui ad charitatis fastigium nituntur. Hanc autem curam beatissimus Pater Dominicus, diuina gratia præuentus, in infanti etiam ætate non tam arripuisse quàm præfagisse visus est. In hac enim ætatis teneritudine deprehensus scpe fuit lectulum relinquere, mollitiemque strati declinare, & in nuda humo



humo infantilia membra reponere; quod postea, in maturiori ætate constitutus, infatigabiliter obseruauit. Quia verò opus hoc non nature erat, sed gratiæ; facile Dominus hoc argumento declarare voluit, nō min⁹ gratuita dona esse quæ sancti viri in matura ætate gesserunt, quàm quæ in infantia præcesserunt. Omni enim ratione in hoc Dominus præcipuè contendit, vt bona omnia nostra vni illi accepta referamus; nihilque nobis, præter nihilum, ex quo facti sumus, & peccatū, quod ipsi fecimus, adscribamus; quo ab omni superbix tumore liberati, fida humilitatis virtute stabiliamur. Hæc igitur prima virtutis rudimenta futurorum laborum præsagia erant. Carnē quippe suam vir sanctus, vbi pueriles annos excessit, ieiuniis, vigiliis, vilitate ciborum ac vestium, & rebus omnibus quæ ad corporis vsum spectant, infatigabili studio macorauit. Nec his contentus, catena ferrea lumbos cingebat, quam (quod maximè mirum est) ne in ipsa quidem extrema ægitudine, qua cælo animam reddidit, à se abstulit. Itaq; cū fratres sacrum eius corpus ad sepeliendum inuoluerent, catenam hanc lumbis coherentem inuenerunt, quam F. Rudolphus reuerenter adseruans, postea Magistro Ordinis pro magno munere dedit. Quid verò illud? quàm nouum & mirabile! quòd hac ipsa catena vir sanctus ter singulis noctibus innocentissimum corpus ad sanguinis vsque effusionem acriter verberabat, eumque sanguinem primum quidem pro debitis suis (quæ tam exigua erant) deinde pro animabus quæ purgatorio igne expiantur, tum pro his qui flagitiose viuerent, suppliciter Domino offerebat. Quid nos ad hæc dicemus, fratres, qui tot irretiti sceleribus, tot peccatorum debitis adstricti, vsque adeò ab hoc macerandæ carnis studio abhorremus, vt omnia quæ ad illius indulgentiam & voluptatem pertinent, auidissimè conquiramus; cū vir ille sanctissimus innocentissimam carnem suam sic affligeret, qui tamen nullius sibi lethalis criminis conscius erat? O quàm dissimiles sunt sanctorum viæ à viis nostris, & studia eorum à studiis nostris! Hæc igitur sanctissimi Patris magnitudo prima fuit, qua magno & ingenti animo perpetuum carni suæ, hoc est, domestico & familiari hosti bellum indixit. Meminerat enim scriptum esse: *Qui* Prou. 29.  
delicatè à pueritia nutrit seruum suum, postea inueniet eum contumacem.

Huic autem virtuti comes indiuiduus esse debet oratio: *Quis* enim carnem suam, arctissimo sibi naturæ fœdere copulatam, odio habere poterit, nisi cælesti virtute roboratus, se supra naturam quodammodo attollat, seque ipso maior atque superior fiat? Nisi enim hac virtute fulciatur; qui fieri poterit, vt carnis suæ amorem, hoc est, affectionum cunctarum potentissi-

mam expugnare valeat? Ad orationis autem officium spectat, hanc celestem vim non solum promereri, sed etiam impetrare; eademque, dum spirituali suauitate orantis animam oblectat, omnes carnis molestias libenter perferre facit. Huius autem virtutis beatissimus Pater adeo fuit studiosus, ut tota eius vita, perpetua quædam oratio existisse videatur; adeo ut nec itineris lassitudine & fatigatione pressus, orandi officium intermitteret. Itaque ad socios, iter faciens, aiebat; Præcedite, cogitemus de Salvatore nostro. Dabat igitur vir sanctus operam, ut neque domi quiescens, neque foris iter faciens hoc studium intermitteret. Quin & morti proximus, inter tria documenta, quæ velut testamento legata fratribus reliquit, hoc primum extitit, ut omni tempore vel cum Deo vel de Deo loquerentur. Ex hac enim familiari cum Deo consuetudine vir sanctus illud consequi intelligebat, ut homines paulatim humanitatis infirmitate deposita, cum Deo semper agentes, diuini quodammodo fierent, in xtra illud; Qui adhaeret Domino, vnus spiritus est. Hac est autem maxima illa dignitas & felicitas, quam diuus Augustinus, cum Deo loquens, expressit his verbis: Beati quorum spes tu solus es, & omne opus eorum oratio. In hoc autem officio beatus Pater totas penè noctes ducebat insomnes, propheticum illud implens: In noctibus extolite manus vestras in sancta, & benedicite Dominum. Ne verò tam longo temporis spatio fatigaretur, atque ut varietate aliqua deuotionis affectum excitaret, varias quoque (quod ad corporis figuram attinet) orandi formas habebat. Aliquando enim toto corpore humi pronus ante diuinę maiestatis conspectum prosternebatur; aliquando stans erectis in cælum oculis orabat, aliquando manibus in crucis modum expansis, quandoque vero sursum erectis, interdum verò vulgari modo genibus flexis preces ad Dominum fundebat. His enim mutationibus & corporis laborem leuabat, & varios item deuotionis motus hac vicissitudine excitabat. Sæpe etiam vsque adeo mente in Deum rapiebatur, ut graue corpus & ponderosum cum spiritu simul sursum ageretur, atque in sublime pendulum maneret. Quæ res in hoc sanctissimo Patre eo extitit mirabilior, quod is non in solitudine (ut anachorita olim) sed in media hominum frequentia vitam ageret: utpote qui se totum lucris animarum, & benignitatis atque misericordiæ operibus addixerat. Quæ tamen duo officia adeo inter se distantia vir sanctus ita diuina aspirante gratia coniunxerat, ut neutrum alteri impedimento esset; hoc est, nec actio contemplationis quietem interturbaret, neque rursum contemplationis quies actionis exercitia impediret. Itaq. sicut sancta illa Ezechielis animantia ibant

& reuertebantur in similitudinem fulguris coruscantis; ita vir sanctus summa alacritate foras ad proximos ibat, & intrò ad contemplationis intimæ secretum celerrimè reuertebatur. Quo nomine meritò in illum quadrat quod de huiusmodi Apostolicis viris Ecclesia canit, quos & oliuæ speciose in campis, & cypressi in altitudine sese attolenti comparat. Constat enim has duas arbores plurimùm inter se differre, cum altera humilis sit atque secunda, altera sterilis atque procera. Vtrumque autem in eos merito quadrat, qui sic mentis altitudine ad cælestia rapiuntur, vt tamen ad proximorum miseras subleuandas se misericorditer inclinent; & contemplationis quidem sublimitate inter angelos versentur, misericordiæ tamen & benignitatis officiis inter homines agant. Hos autem D. Gregorius per illum Israëlitiçi populi ducem Aod figurari ait, qui vtraque manu pro dextera utebatur; quos idem sanctus Pater hac de causa Ambidextros appellat, vt poret qui non minori dexteritate sese in contemplationis officio quàm in misericordiæ operibus exerceant. Quod quidem raræ cuiusdam virtutis esse, idem sanctus affirmat quam in beatissimo Patre nostro perfectissimam fuisse, tota eius vita loquitur.

Eccl. 3.

D. Greg.  
Iudic. 3.

## IIII.

Ceterùm cum inter virtutes omnes, tres illæ quæ Theologicè dicuntur, principem locum teneant; quales hæc in beatissimo Patre nostro fuerint, expendamus. Harum autem prima est Fides. Qualis autem illa viri sanctissimi fides exstitit, quæ tot miracula patrabat? quæ dæmonibus imperabat? quæ morbos omnis generis sanabat? quæ toties alimenta esurientibus ministrabat? quæ peregrinis linguis eloquia Domini personabat? quæ defunctorum etiam corpora ad vitam reuocabat? Ex multis autem, ob temporis angustiam, pauca referam, & ea solùm referam, quæ singulare aliquid in miraculorum operatione habent. Præerat vir sanctus monasterio sororū S. Sixti; de salute autem filiarum sollicitus, accessit ad locū, & è sorore Constantia Rotularia (sic enim vocant eam, quæ reddit responsa aduentantibus) sciscitatus est num rectè valerent sorores Theodora & Theodora. Respondente Constantia, febribus illas vexari, & Theodoram iam ex paroxysmo decumbere, vir misericors ait ad eam, Abi, & dic eis, me iussisse ne deinceps febricitent. Fecit illa vt iussa erat, & mox omni morbo expeditæ sorores, incolumes exstiterunt, aliis sororibus videntibus, & ad tantum miraculum stupentibus. Reuersa ad virū Dei Constantia (expectabat enim eā) indicauit rem totam. Ille gratias agēs Deo, abscessit. Hoc exēplo animaduerrere licet, quanta sit obedientiæ vis atque potentia. Vt enim cætera sileamus, hoc ab illo iustissimo virtutū remun-

ratore



ratore singulare præmium accipit, ut quoniam verus obediens Deo plenissimè obtemperat, ipsæ quoque Dei creaturæ, quamvis sensus & rationis expertes, eius imperio obediētes sint. Qualis enim virtus atque potentia est, ut mortalis homo morbis imperet, & obediant ei? Quid verò pluuias & imbres commemorem, quæ simili modo eius mandato parebant? Ipso namque cum socio iter faciente, magnæque cælo pluuiæ cadente, socij laborè miseratus, crucis signo aëri impresso, pluuiæ virum Dei ac eius socium reuerita, quocumque pergerent, locum ingredientibus dabat, neque eorum vestes attingere potuit. Hic ego non tam miraculi magnitudinem & nouitatem nusquam antea visam miror, sed multo magis singularem illam quam vir sanctus de Domini benignitate conceperat fiduciam, quæ hanc tantam rem sibi de immensa eius bonitate pollicebatur, quam concipere nullo modo poterat, nisi eius erga se charitatem & familiarem amicitiam mille argumentis cognitam & exploratam haberet. Quam quidem hoc exemplo Dominus non obscure declarauit; qui illud itineris propter se suscepti incommodum miseratus, hunc affectum in viri sancti mentem immisit, ut signo crucis edito, à se, socioque cadentem pluuiam arceret. Quis enim hunc affectum, quis hanc fiduciam, nisi Deo inspirante, habere potuisset?

Ceterum si sancti Patris nostri miracula omnia (quæ clarissimum fidei eius testimonium ferunt) commemorare vellem, dies me antè quàm sermo deficeret. Vnum tamen silentio præterire non possum, cui vix simile aliud inter sanctorum hominum miracula reperitur. Cum enim inter miracula omnia præstantissimum esse videatur, mortuos vitæ reddere; hic vir diuinus non vnum aliquem, sed quadraginta mortuos vna ad Deum oratione fusa ad vitam reuocauit. Quomodo autem hoc factum sit, exponam. Viro Christianissimo Comite Montisfortis cum cruce signatis obsidente Tolosam, venerunt peregrini ex Anglia D. Iacobi limina visitaturi. Ij propter excommunicationem aduersus Tolosanōs hereticos latam, vitantes Tolosam, in nauiculam se contulerunt, ut fluuium transirent. Præ multitudine verò hominum, qui erant ferè quadraginta, depressa est nauis, & omnes submersi sunt, ita ut nec capita ab aquis exstarent. Orabat tunc in vicina Ecclesia S. Dominicus, clamoreque pereuntium, & circumstantis exercitus permotus, festinus eoque accurrit; cernensque præsentissimum periculum, cōmiserationis affectu fauciatus, toto corpore prosternitur, expansis in crucis formam manibus, flensque acerbissimè clamat ad Dominum, vt suos peregrinos seruet à morte. Paulo post surgens ab oratione, conuersus ad fluuium, cum multa in Deum fiducia ita ait:

Præ-

Præcipio vobis, vt omnes ad litus euadatis. Mira res, sed ab illo facta, qui facit mirabilia magna solus. Cōfestim ad eam vocem Psal. 139. omnes, qui tamdiu sub aquis pressi latuerant, cunctis cernentibus qui ad illud triste spectaculum confluerant, super vndas emerferunt. Mox vndique accurrentes, porrigentesque eis lanceas & hastas, vniuersos è fluctibus incolumes eduxerunt, clementiam Saluatoris, & almi eius confessoris Dominici meritā laude & prædicatione efferentes. Quis igitur hoc argumento viri sanctissimi fidem, & miserationis viscera, à quibus hoc tantum opus manauit, non agnoscat? Quid verò maius ab homine mortali potuit expectari? Hoc enim opus illius tantum esse videtur, qui vocat ea quæ non sunt, tanquam ea quæ sunt. Hic autem beatus Pater obedientiæ præcepto imposito, eos qui vitam amiserant, ad vitam reuocauit. Quia enim amicorum omnia sunt communia, fidissimus ille Sanctorum amicus Dominus, quod sibi vni debebatur, in amicos etiam contulit. Rom. 4.

Hæc de viri sanctissimi fide dicta sunt. Fidem autem sequitur spes; quæ tanto est firmior, quanto fides viuidior, & charitas ardentior est. Huius autem virtutis vir beatus non in vita solum, sed in morte quoque (vbi innocentissimi viri trepidare solent) clarissimum specimen dedit. Beatus Pater Arsenius in hoc agone constitutus tanto timore correptus fuit, vt discipuli (qui innocentiae & sanctitatis eius testes erant) admirati, ad illū dicerent, Et tu quoque nunc Pater trepidas? Quibus ille, Non est, inquit, ô filij, nouus hic meus timor, semper enim quamdiu vixi, hūc diem timui. Beatus autem Agathon, inter illos antiquos monachos insignis, cum simili modo morti iam proximus trepidaret, à discipulis rogatus cur qui innocentissimè vixerat, tantoperè in morte timeret? Quoniam, inquit, ô filij, alia sunt Dei, alia hominum iudicia. At beatus hic Pater in ipso mortis aditu positus, adeò de salute sua securus erat, vt aliis quoque salutem ope sua polliceretur. Filiis enim transitum eius & solitudinem atque orbitatem suam lamentantibus, Nolite, ait, timere filiosi; in eo enim loco ad quem pergo, vtilior vobis ero. Quid igitur hac spe firmius? quid mirabilius? Quàm felix illa mors, quæ hoc tantum spei solatium habebat? Quo nos eius filij tanto salutis pignore percepto, his quotidie vocibus datam ab eo fidem postulamus; O spem miram quam dedisti mortis hora te flentibus, &c.

Supereft virtutum omnium regina, charitas. Quis autem hanc in viro sanctissimo pro meritis non dico amplificare, sed vel explicare valeat? Eius tamen mirabilem vim declarant ardentissima martyrij sitis, continuus prædicationis labor, distractio librorum, & rerum omnium quas habebat, vt esurientibus subue-

subueniret. Quibus omnibus diuenditis, cum nihil superesset quod erogare indigentibus posset, seipsum venalem exhibuit. Cum enim inops quadam vidua auxilium ab eo peteret, vt captiuum ab hostibus filium redimeret, nec pauper Christi aurum aut argentum haberet; tanto erga illam charitatis affectu eius viscera commota sunt, vt se ipsum venditioni exponere voluerit, quò eius pretio captiuum filium redimeret. Quod & fecisset, nisi illum Dominus ad maiora seruasset. Quid igitur hoc charitatis & miserationis affectu ardentius? Iam verò illa ignominiarum sitis, vnde nisi ex eodem charitatis fonte prodibat? Cum enim Tolosana vrbe relicta, frequentius atque libentius apud Carcasonam agere vellet, cur id faceret rogatus, Quoniam, inquit, apud Tolosam magnus mihi honor ab omnibus exhibetur, apud Carcasonam autem magnis contumeliis & iniuriis afficior. Hic enim affectus non solum vere humilitatis, sed ardentissimæ etiam charitatis erat; quæ vt variorum laborum auida est, ita etiam ignominiarum propter Dei gloriam magno desiderio flagrat. Cõstat autem perfectam charitatem cum perfecta obedientia coniunctam esse. Idem enim velle, idemq. nolle, ea demum firma amicitia esse dicitur. Hinc

Ioan. 14. Saluator alibi quidem ait; Si quis diligit me, sermonem meum seruabit; alibi verò; Qui habet mandata mea, & seruat ea, ille est qui diligit me. Quantum autem vtraque hæc virtus in beatissimo Patre enituerit, insigni quadam reuelatione Dominus beatissimæ virginis Catharinæ Senensi (quæ sub eius signis militabat, quæque singulari erga illum deuotione affecta erat) demonstrare dignatus est, quam sancta virgo confessorio suo fidei narratione declarauit. Asserebat igitur sancta virgo, se aliquando imaginaria visione aspicere, quemadmodum æternus Pater ex ore suo coæternum sibi vnigenitum Filium producebatur, qui se illi in assumpta natura tanquam verus homo representabat. Deinde verò videbat beatissimum Patrem Dominicum splendidissima luce circumfusum non ex ore, sed ex Patris pectore manantem; simulque Patris vocem audiebat hæc verba dicentem: Ego, dilectissima filia, quemadmodum vidisti, duos hos filios protuli; quorum alter natura, alter adoptionis gratia filius meus. Cumque sancta virgo huius comparisonis sublimitatem miraretur, eiusdem Patris vocem; hanc comparisonem explicantem, audiuit his verbis; Quemadmodum dilectissimus filius meus in assumpta natura ad mortem vsque mihi obtemperauit; ita alter adoptionis filius ab infantia sua ad extremum vsque vitæ diem voluntati meæ perfectissima obedientia paruit; idemque eam corporis & animæ puritatem, quam per baptisimi gratiam perceperat, illibata innocentia

reti-



retinuit & conseruauit. Et quemadmodum qui mihi natura filius est, palam locutus est mundo, clarissimumque veritati testimonium perhibuit, quam ego illi prædicandam commisi; sic alter adoptionis filius contra Catholicæ fidei hostes aperitissima oratione prædicauit. Et quemadmodum prior ille filius discipulos suos ad prædicationis officium misit; ita posterior hic fratres suos, qui tum cum ipso erant, quique deinceps sub eius disciplina victuri essent, ad hoc idem munus destinauit. Et quemadmodum naturalis filius meus vitam suam, & opera sua omnia, & quidquid in hoc mundo siue factis expressit, seu verbis docuit, ad animarum salutem instruit; sic alter adoptionis filius omne studium suum, omnesque curas & cogitationes suas in hoc præcipue locauit, ut animas à diaboli laqueis eretas suo restitueret creatori. Hic autem ardor, hoc fraternæ salutis desiderium eius mentem impulit, ut nouum ordinem in Ecclesia conderet, selectisque & fructuosis illum plantis confereret, quæ fructum suum darent in tempore suo. Hæc igitur Psal. 1. omnia sancta virgo Catharina ad beatissimi Patris sui gloriam, & filiorum qui sub eius disciplina militant, solatium, fideliter narrauit.

Ex his ergo, quæ de beatissimi Patris nostri virtutibus, & prædicationis studio dicta sunt, aperte liquet, illum verè magnum esse in regno calorum; utpote qui salutari doctrina Christi Ecclesiâ illustrauit, & ea quæ fideliter docuit, clarissimis virtutum exemplis confirmauit. Quocirca non dubium, quin ipsius Domini testimonio, Magni titulum mereatur, dicentis, *Qui fecerit & docuerit, hic magnus vocabitur in regno calorum.* Fuit enim magnus in corporis castigatione, magnus in orationis assiduitate, magnus in fide, magnus in spe, magnus autem & verè mirabilis in charitate; atque ideo in cunctis virtutum operibus magnus; quandoquidem omnes ex charitatis radice deriuantur, Apostolo testante, qui ait, Charitas patiens est, benigna est, non amulatur, non 2. Cor. 13 cogitat malum, non gaudet super iniquitate, congaudet autem veritati, omnia credit, omnia sustinet, omnia sperat. Quicumque igitur in charitate magnus est, in his quoque virtutibus quæ ab eâ pullulant, magnus sine dubio est. O verè optata & votis omnibus expetenda magnitudo! Si enim tanta mortales auiditate in hoc mundo esse magni cupiunt (cuius magnitudo vitro fragilior, ventis instabilior, stipula vilior est, quæque exiguo temporis spatio definita, in vermes tandem & puluerem desinit) quanto ardentioribus votis magnitudo illa expetenda erit, quæ vera, solida, stabilis, nullis incommodis agitata, nullis casibus obnoxia, nulloque sine circumscriptione est! Quisquis igitur ad hanc veram & solidam magnitudinem aspirat, habet utique in bea-

1. Cor. 9.

in beatissimo Patre nostro exemplum quod intueri, quodque imitari possit. Castiget corpus suum, & in seruitutem spiritus redigat; aures diuinas assiduis precibus pulsare non cesset; inconcussam retineat fidem; salutarique spe fultus, in omni calamitate ad opem Domini fidenter confugiat; charitate verò incensus, omnes homines materno pietatis sinu complectatur; nemini noceat, nemini detrahatur, neminem oderit, nemini male precetur, omnesque, quantum facultas permiserit, benignitatis officiis, si poterit; si non poterit, orationis saltem & miserationis affectu prosequatur. His enim virtutum meritis verè magnus erit in regno caelorum; ad quod nos perducere dignetur Christus Dominus, qui cum Patre & Spiritu sancto regnat in secula seculorum. Amen.

IN EODEM FESTO BEATISSIMI  
PATRIS NOSTRI DOMINICI, CONCIO  
secunda, in qua verba thematis explanantur.

THEMA. *Sic luceat lux vestra coram hominibus, vt videant opera vestra bona, &c. Matth. 5.*

Gen. 30.



EGIMVS in libro Geneseos, sanctum Iacob, qui Laban soceri sui greges pascebat, hac conuentione se ad hoc officium addixisse, vt quaecumque oves varios & maculosos fetus parerent, in sortem suam cederent; quæ verò vnius essent coloris, siue albi, siue nigri, ad socerum pertinerent. Iacob igitur, vt oves varia & maculosa parerent, subiciebat in canalibus virgas populeas ex parte decorticatas, vt oves in earum cōtemplatione concipientes, varios quoque fetus parerent. Hæc, & multa his similia, Spiritus sanctus, scripturarum sanctarum auctor, nequaquam sacris litteris mandari voluisset, nisi vel mysterium aliquod insigne, vel salutarem aliquam doctrinam fidelibus profuturam continerent. Hancigitur historiam ab ovis ad animas traducentes, inueniemus gregem hunc esse Ecclesiam; oves, fideles; pastorem, prædicatorem Dei; fetus verò ouium, fructum esse bonorum operum. Debet ergo prudens prædicator variorum virgas colorum, hoc est, varias virtutes & exempla Sanctorum ante rationalium ouium cōtemplatione defixis, & earum amore & admiratione perculsis, similia intra se opera concipere, eademque tanquam pietatis & iustitiæ fetus

fetus parere valeant. Hac enim de causa Dominus voluit Sanctorum dies festos in Ecclesia celebrari, & clarissima eorum gesta fidelibus proponi, vt haberent quos intueri, quos suspicere, quorum opera imitari, quorum contemplatione socordiam atque negligentiam suam accusare, & ad eorum imitationem incendi possent. Et quamuis Christus Dominus absolutissimum virtutum omnium exemplar sit; propter imbecillitatem tamen nostram voluit nobis humiliora Sanctorum exempla proponi; vt ea, tanquam fragilitati nostrae propiora, minori negotio amplecti & imitari possemus. Cum enim Christus Dominus non modo verus homo, sed etiam verus Deus sit; potuisset vtique infirmitas nostra ab eius imitatione retardari, & excusationem propria fragilitatis obtendere: at in Sanctis nihil est quod praetextare merito possit, cum eadem sit vbique natura; eadem, in qua omnes concepti fuimus, culpa; eademque (quae nulli defutura est) diuina gratia. Quare nihil est quod nos ab eorum imitatione deterreat, & multa sunt quae prouocent & alliciant. Facile enim homines, quae sunt sibi cognata atque vicina, arripere & ad se traducere possunt. Hinc D. Bernardus in Canticis de se ipso queritur, quod audiens aliquando praecleara Sanctorum gesta atque virtutes, miro modo afficeretur & oblectaretur, & in lachrymas etiam prorumperet; quod illi Saluatoris Domini gesta contemplanti non semper accideret. Hac ergo de causa, post perfectissimum illud totius sanctitatis exemplar, haec nobis humiliora Sanctorum exempla necessaria fuerunt. Et quamuis vnus sancti viri vita ad imitationem nobis sufficeret, nihilominus tamen varias eorum virtutes & exempla nobis ob oculos Ecclesia ponit: quoniam licet omnes in omnium virtutum officiis enituerint, singuli tamen in quibusdam alios excelluerunt. Hoc ipsum enim de beatis illis mentibus confitemur, quod quamuis omnes omnia gratiarum & virtutum dona perceperint, alia tamen aliis largius tributa sunt. Hinc supremi illi & Deo coniunctissimi spiritus, quos Seraphinos appellamus, ceteros omnes charitate; Cherubini vero sapientiae lumine antecellunt; & sic item alij alios. Ad hunc ergo modum quamuis sancti viri virtutibus cunctis fuerint ornati, singuli tamen in singulis virtutibus maximè claruerunt. Sic enim commendamus obedientiam Abrahæ, patientiam Iob, castitatem Ioseph, mansuetudinem Moysis, deuotionem Davidis, zelum Eliæ, fidem Petri, charitatem Pauli, virginitatem Ioannis, paupertatem Francisci, atque ita de aliis. Hanc igitur virtutum & exemplorum varietatem spiritualis Ecclesiae pastor, spiritualibus quotidie ouibus ante oculos ponere debet; vt similes virtutum formas animo concipientes, similes bonorum operum fetus pariant. Hoc autem magnū illum Antonium monachum

Bernard  
in Cant.



**Athanas.** fecisse scribit in eius vita Athanasius, quod videlicet singulorum monachorum, ad quos discendi studio pergebat, virtutes hauriret; huius continentiam, illius alacritatem sectabatur; istius lenitatem, illius vigilias, alterius legendi amulabatur industriam, istum ieiunantem, illum humi quiescentem mirabatur. Quibus exemplis animatus, & ad sedem suam reuersus, omnia ibi secum animo voluens omnium in se bona nitebatur exprimere. At si in qua potissimum virtute beatus Pater noster Dominicus excelluerit, a me requiratis; audebo planè dicere, nō in vna aliqua virtute, sed in omnibus ita excelluisse, vt discernere nequeas, quæ cui anteferenda sit, adeo in illo summa reperiuntur omnia. Quam rem facillè animaduertet, quisquis singulas eius virtutes fuerit contemplatus; nempe charitatem, humilitatem, voluntariam paupertatem, fidei ardorem, laborum tolerantiam, abstinentiam, sacras vigilias, elemosynas, orandi & prædicandi studium, carnis macerationem, fraternitatis amorem, martyrij sitim, cæterasque virtutes, quæ omnes in illo summæ fuerunt. Sed vt insignius aliquid ex tot virtutum floribus delibemus; charitatis ardor, & ex ea profluens animarum zelus, hoc est, fraternæ salutis vehementissimus ardor in eo potissimum illuxit. Ideoque non immerito hodierna sancti Euangelij lectio in eius festo legitur; quæ tota de virtutis huius officis & muneribus differit. Esse enim sal terræ, lucem mundi, lucernam super candelabrum, & ciuitatem supra montem positam, ac demum facere & docere, eorū sanè est, qui zelo & ardore flagrant salutis animarū. Hæc igitur omnia præsens sancti Euangelij lectio continet. Sed quia singula hæc vnica concione persequi nimis operosum esset; ideo quemadmodum in superiori cōcione de salis, ita in præsentī de luminis natura & officio differemus; de quo in propositis verbis thematis mentio fit, cum dicitur: *Sic luceat lux vestra coram hominibus, vt videant opera vestra bona, &c.* Sicut enim salis, ita lucis officium perfectissimè huic beatissimo Patri conuenit. Primum igitur, quàm multiplex hoc lumen sit, indicabimus; deinde, quā ratione hoc lumen potissimum eluceat, aperiemus, ac postremo, quomodo beatus Pater noster verum Ecclesiæ lumen fuerit, explicabimus.

**Diuisio.**

I.

**Ioan. I.** Principio igitur sciendum est, Christum Dominum, quem Ioannes lucem veram esse ait, quæ illuminat omnem hominem venientem in hunc mundum; triplici potissimū ratione homines ad salutem animæ consequendā illuminasse. Primum enim mirabili huius mundi fabrica, & rerum ordine, pulchritudine, varietate, vtilitate, ad conditoris omnipotentiam, sapientiam & providentiam cognoscendam, mortaliū mentes mirabiliter illuminauit,

minabit, dum omnia in numero, pondere & mensura, hoc est, exactissimè & perfectissimè fabricatus est. Hinc Salomon brevissimè paucis quidem, sed gravissimis verbis hoc ipsum docet, cum ait; Non est addere vel minuere quicquam operibus quæ fecit Deus vt timeatur. Est hæc res profectò admiratione dignissima, quòd in tam multiplici rerù omnium varietate, quæ in terra marique visuntur, siue in stirpibus, siue in animantibus, siue in reptilibus, siue in piscibus, siue in auibus nihil prorsus deprehendi possit, quod ad vitam conservandam vel desit, vel redundet. Quæ res immensam diuinæ mentis solertiam, potentiam atq. providentiam apertissimè declarat, humanaeque mentes sic ad diuini numinis cultum & venerationem excitat, vt Apostolus inexcusabiles gentium nationes dicat, quæ cum hac tam aperta creaturarum voce summum illum rerum omnium conditorem ignorare non potuerint; non tamen illum vt Deum glorificauerunt, aut gratias egerunt, sed diuinitatis gloriam ad lapides & ligna transtulerunt. Atque hac de causa Theologi asserunt, in lege quoque naturæ implicità de Christo fidem ad salutem fuisse necessariam; quoniam cum rerum còditarum conspectu facilè homines Dei providentiam, qua singulis quibusque rebus quæ ad vitam & incolumitatem spectant, plenissimè providet, agnoscerent; non difficile ad intelligendum erat, non defuturum hominibus ad salutem, qui cæteris rebus omnibus non defuisset, quæ propter vnius hominis obsequium conditæ essent. In qua quidem cognitione (infusa tamen) fides implicita de mediatore & seruatore nostro claudebatur, qui salutis humanæ parens & vindex est.

Eccle. 3.

Rom. 1.

3. Sent. 8.

Set maius tamen certiusque humanæ salutis lumen, diuinæ legis puritas, sanctitas & maiestas est; de qua idem Propheta exposita in eodem Psalmo prioris luminis ratione, quæ ex creaturarum contemplatione proficiscitur, protinus subdit: Lex Domini immaculata conuertens animas, &c. Quæ enim orationis vis mirabilem, diuinæ legis dignitatem, æquitatem & elegantiam poterit explicare? quàm videlicet magnificè ea de diuina maiestate sentiat? quàm sanctis legibus hominum vitam informet? quàm magna præmia virtuti proponat? quàm horrendis suppliciis homines à sceleribus deterreat? quanta æquitate, ea quæ variis personarum conditionibus debentur, persolvere iubeat? quantopere cū rationis lumine à Deo mentibus nostris impresso consentiat? quàm spiritualibus rebus amica, quàm carnī carnisque cupiditatibus aduersa, cum qua cōtinenter irreconciliabile bellū gerit; dum pro spirituali vita tuenda, omnes carnis delicias respuat, eamque vigiliis, ieiuniis, piisq. laboribus spiritui non impetare vt dominam, sed seruire vt ancillā cogat? Hoc autē quid

Psal. 18.

aliud est, quàm hominem, exuta humanitatis corruptione, in Deum quodammodo transire? Quis autem non videat, hanc tantam diuinæ legis puritatem & sanctitatem non ab hominibus impuris, sed à solo puritatis auctore manasse?

Simile.

Est tamen adhuc tertium longè clarius, pulchrius, & iucundius veritatis diuinæ lumen; nempe eadem ipsa lex, non tabulis incisa, sed mentibus insculpta, purissimisque atque candidissimis moribus expressa. Quemadmodum enim pretiosæ vestes venustatem & elegantiam suam, dum in artificis domo visuntur, ostendunt; elegantiores tamen apparent, cum decentissimo corpori applicantur (tunc enim finem suum quodammodo consequuntur) ideoque duplici nomine delectant, suo videlicet, corporisque decore; quorum alterum altero augetur: ita planè lex diuina pulchra quidem apparet in libris cum legitur, pulchrior tamen in hominibus piis: hoc est, pulchra quidem cum legitur, pulchrior autem cum opere exercetur. Cuius pulchritudinis visitanda fuit, ut initio nascentis Ecclesiæ, cum religio & innocentia puritas in Christianis maximè vigeret, multique Gentilium sacrilego furore perciti, omni suppliciorum genere fideles persequerentur; tamen lucis huius splendore illustrati, non poterant hanc tantam vitæ puritatem & candorem non vehementer admirari; ac penè fateri, eam religionem esse diuinam, in qua homines diuinam quodammodo vitam ducerent. Hoc autè Apostolus Petrus insinuauit, cum de infidelibus loquens ait; In quo admirantur, non concurrentibus vobis in eandem luxuriæ confusionem. Diuus verò Athanasius eosdem ipsos idolorum cultores, & nominis Christiani hostes; puritatem virginum Deo dicatarum ita demiratos fuisse ait, ut vel inuiti fateri cogerentur, eas vitium Dei templum esse, solumque apud nostros verum Dei cultum ac religionem inueniri. Quo factum est, ut multi hoc diuino splendore illuminati, relicta idolorum sacrilega superstitione, se nostræ religioni adiunxerint. His enim clarissimis virtutum exemplis Ecclesia creuit, & granum illud sinapis, inter olera omnia minimum, in ingentem arborem euasit. Certè Iustinus inclytus Christi martyr, & Philosophus insignis, ut ipse in Apologiam ad Imperatorem Adrianum scribit, hoc argumento conuictus, religionem nostram & probauit & coluit. Cum enim, ut ipse ait, probatissimorum Christianorum vitam, ac præcipuè martyrum constantiam miraretur, qui alacri & inuicto animo pro tuenda fide omnia tormentorum genera subibant; intellexit vir sapientissimus constantiam illam & alacritatem non ab hominis natura, quæ ut deliciarum & voluptatum auida, ita mortis & cruciatus inimica est, sed aliunde, hoc est, à Deo, totius virtutis & constantiæ auctore, prodire; quare hanc

ynam



nam esse veram religionem credidit, & ita credidit, vt gloriosissimam pro ea mortē oppeterit. Aliud quoque huius rei memorabile exemplum Ruffinus ac Theodoretus referunt, nempe apud Iberos, qui magno studio idolorum superstitioni seruebant, fuisse captiuam quandam feminam in paruo tuguriolo habitantem, quę tamen innocētissimam & sanctissimam vitam duceret. Hoc autem in causa fuit, vt qui eius vitam propius contemplantur, vehementer hanc tantam puritatem admirati, inquirere cōperint, quam hęc mulier religionem profiteretur, aut quem Deum coleret, qui tales faceret cultores suos. Atq. hęc res primū in ea regione abolendę impię superstitionis, & verę religionis colendę initium fuit. Iam verō constat, D. Augustinum, audita beati Antonij vita, vitam suam commutasse, & exclamando verba illa protulisse: Surgunt indocti, & rapiūt nobis paradysum, &c. Videtis ergo, fratres, meritō quidem Dominum pios homines lucem mundi appellasse; vtpote quorū pietas & innocentia homines ad Dei Patris gloriam prædicandam excitarent? Videtis, quanto sit splēdidius atque potentius innocentis vitę, quā splēdidę doctrinę lumen? Doctrina quidem velut lex mortua, vita verō inculcata ceu lex viua est, quę sine verborum strepitu mentes hominum potenter excitat atque afficit.

Ruffinus  
Theod.

August.

Hoc est autem quod Apostolus ad Corinth. ait; Epistola nostra vos estis, quę scitur & legitur ab omnibus, manifestati quōd epistola estis Christi, ministrata à nobis & scripta non atramento, sed spiritu Dei viui; non in tabulis lapideis, sed in tabulis cordis. Videris hic duplicem legem Christi, alteram atramento in codicibus scriptam, alteram spiritu Dei viui in tabulis cordis exaratam; quarum disparitas facillē ex ipsa collatione perspicitur. Hanc verō epistolam ait esse inculpatam fidelium vitam, quę splendore & pulchritudine sua oculos in se omnium conuertit & trahit; hoc est enim quod ait: Quę scitur & legitur ab omnibus. Scripta quippe lex in arca latet, possessori suo nota; at vitę splendor omnibus conspicuus, omnium perstringit oculos. Hoc ipsum etiam Apostolus sub alia similitudine insinuat cū dixit, Christi bonus odor sumus Deo, aliis quidem odor vitę in vitam, aliis odor mortis in mortem. Quo boni odoris verbo, Christianę vitę suauitatem, lenitatem, & morum venustatem omnibus gratam & iucundam designauit, quę suauissimi odoris sui fragrantia humana ad se corda allicit, atq. ita illis vitę causa existit. Idem autem absque vllis verborum inuolutis ad Timotheum discipulum scribit his verbis: Exemplum esto fidelium in verbo, in conuersatione, in charitate, in fide, in castitate. Titum quoq. simili modo hortatur, vt se ipsum exem-

2. Cor. 3

2. Cor. 2

1. Tim. 4

Tit. 2

plum præbeat bonorum operum, ut is, inquit, qui ex aduerso est, vereatur, nihil habens malum dicere de nobis. Hoc igitur ubique captat Paulus, ut fideles omnes, ac potissimum Ecclesie ministri, magis exemplo vitæ quam ministerio doctrinæ, fidei veritatem astruant. Quod Pauli cōsiliū quia fideles eo tempore secuti sunt, Christiana religio maxima cepit incrementa; modò autem cū in diuersum commutata res sit, & Ecclesie ministri magis splendore doctrinæ quàm probitate vitæ hoc negotium virgeant, adeò nihil partis adiecimus, ut etiam quæ paria sunt, seruare non potuerimus; cū nostro infelicissimo seculo tam magna orthodoxæ fidei ruina facta sit. Cæteri verò fideles ita viuunt, ut non modò bonorum operum exemplo Dei gloriam non illustrent, sed eius etiam nomen per eos blasphemetur in Gētibus. Quid verò cogitari indignius potest, quàm ut qui tanquam sidera in firmamento posita, & lumen mundi, aliis præluccere deberemus, in carbones redacti, tenebras magis mortalium oculis offundamus? Notissimo autem exemplo, quod dixi, confirmabo. In indigenas Indiæ, qui in hoc Nouo orbe nostra ferè ætate inuenti sunt, ita à militibus sæuitum est, quàm ut qui tantam crudelitatem bacchatum, ut illis (suprà quàm credi potest) Christianum nomen propter hanc facinorum atrocitatem inuisum sit. Vnde cū ad eos Euangelij prædicandi gratia monachi veniunt; ne ipsi ob Christianum nomen eos exhorreat & fugiāt, admonet eos familiaris quidam amicus, illos non esse Christianos, sed Patres, qui ad eos fouendos, & in fide instituendos veniant. Qua re quid cogitari luctuosius aut indignius potest? Sicut igitur sanctus Patriarcha Iacob grauiter querebatur, quòd filij, crudelitate sua, inuisum se Chananæis reddidissent; ita modò Christus Dominus queri meritò poterit, quòd nostra immanitate ac feritate odibilem eum hominibus fecerimus. Siccine igitur gloriam Seruatoris nostri illustramus? sic eius doctrinam bonis moribus exornamus? sic hoc eius mandatum implemus, *Sic luceat lux vestra coram hominibus, ut videant opera vestra bona, & glorificent Patrem vestrum qui in celis est?*

## I I.

*Iudic. 7.* Sed hac tamen iustissima querela prætermissa, secundo loco quærendum est, qua ratione lumen hoc, de quo nobis est sermo, hominibus potissimum eluceat. Hoc appositissime adumbrat illustris illa victoria, qua Gedeonis exercitus castra Madianitarum fugauit. Fractis enim lagenis, inclusum intra eas lumen effulsit; quo territi hostes præcipientes se in fugam dederunt. Sic igitur dum sancti viri corpora sua variis propter Christum cruciatibus & laboribus obrulerunt, fidei & virtutis eorum ita lumen effulsit, ut mundus, qui immanis antea Chri-  
sti

si hostis erat deposita hostili inimicitia. eius se iugo subdiderit.

Quod si hac præcipuè ratione. cum corpus atteritur, virtutis splendor elucet; quantum in Ecclesia beatus Pater Dominicus effulsit, qui tam multis modis sacri corporis sui lagenâ attriuit? Quis enim eius labores, quis ieiunia, quis vigilias, quia orationû instantiam, quis lacrymarû flumina, quis tot hæreticorum persecutiones & insidias, quis eorundem probra & cõtumelias verbis consequi possit? Quis non miretur virum innocentissimum (qui cû beato Iob dicere poterat Nec reprehedit me cor meum Iob 27. in omni vita mea; quia nullius sibi lethalis criminis cõscius erat) ter singulis noctibus catena quadam ferrea innocentissimum nihilq. commeritum corpus adeò acriter verberare, vt riuus sanguinis ad terram vsque destluerent? Quid itinera nudis pedibus confecta memorem? qui tamen dum oppida ingrederetur, calceos induebat; vt facile appareat. illû non quidem apparere, sed esse sanctum voluisse? Quid lectum eius, quid parcissimû somnum referam; qui in orationibus pernoctans, vbi repugnantem somnus imminens oppressisset, fatigatum corpus sæpissimè super humum, vel nudam tabulâ reclinabat? Itineris verò labore confectus, & ægrotare incipiens ea ægritudine qua diem clausit extremum, nullis precibus adduci potuit, vt vel carnibus vesceretur, vel ea nocte matutinis laudibus deesset, tanta erat eius in virtutis studio, & corporis castigatione constantia.

Si quis autem quærat, cur hic sanctissimus Pater, atq. omnes item Sancti adeò acres in corporum suorum castigatione fuerint; ad hoc respondemus, flagrantissimam in Deum charitatem huius tantæ severitatis causam extitisse. Hæ namque tres virtutes, amor Dei, peccati odium, & carnis maceratio, pari propè mensura se inuicem consequuntur. Ex Dei quippe amore exitiale aduersus peccatum odium nascitur. Quia verò caro nostra originis peccato infecta, omnium ferè peccatorum ministra atque seminarium est; ideò qui tanto contra peccatum odio inflammantur, pari propè odio carnem suam, quo peccatum, prosequuntur. Sicut igitur ex amore Dei, peccati odiû, ita ex eodem fonte maceratio carnis oritur. Tunc ergo pius homo maximè Deum diligere comprobatur, cum dilectissimam sibi atque germanam carnem proterit atque cõculcat, & hostili quodam odio infectatur. Summum enim amoris argumentum est, quas res charissimas habemus, propter maiorem in Deum charitatem contemnere, & pro nihilo ducere. Quod fecit omnium credentium pater Abraham, quando propter imperium Domini, dilectissimû filium manibus suis immolare paratus fuit. Cum ergo sua cuiq. caro dilectissima sit; quisquis eam propter Dei gloriam mactat, is vtiq. velut suû Isaac in sacrificium Domino immolat,

Gen. 22.



Est & alia macerationis huius causa maximè notanda, quæ ab eodem charitatis fonte dimanat. Cû enim varij in charitatis virtute gradus & merita sint; summus ille putatur qui acerbissimos propter Dei gloriam dolores libenter sustinet: quem gradum in sanctis Martyribus cernere licet. Quisquis igitur magno erga Deum amore flagrat, si illi subeundi martyrij facultas desit, ad hoc spirituale martyrij genus conuertatur, quo desiderij sui sitim expleat. Est enim hoc martyrij genus (vt D. Bernardus ait) passionis quidè acerbitate leuius, sed tēporis diuturnitate grauius. Hac ergo de causa beatissimus Pater noster, qui ardentissimo martyrij desiderio flagrabat, quicq. aliquando barbaram crescere sinebat, vt ad terras infidelium pergens, sitim hanc sanguine suo expleret; hac occasione sublata, ad hoc se carnis suæ spirituale martyrium conuertit, quam incredibili austeritate attriuit, spirituiq. seruire coëgit. Quæ res in eo quidem mirabilior quàm in sanctis illis Anachoritis exstitit; quod illi quidè in solitudine vni Deo vacabant; hic autem in media hominū turba constitutus, prædicationis & exhortationis officio sine intermissione incumberebat, multaq. in itinera nudis pedibus conficiebat; cuius rei gratia torpori suo parcere, atque illud paulo indulgentius fouere potuisset. Quem tamè naturalem affectum ingenti erga Deum charitatis seruire superauit.

Quid nos ad hæc dicemus, fratres, quorū omne ferè studium in oblectatione atque indulgentia carnis nostræ possum est? In hoc semper incumbimus, in hoc opes omnes exaurimus, & ad hoc, quas non habemus, ardentè exquirimus, vt habeamus quo carnem diuite mensa, molli lecto, & splendida veste ornare atque fouere possimus. Nec nos illud mouet, quod cū hoc facimus, hostem nostrum aduersum nos crudeliter armamus. Nec peccatorum nostrorum debita nos terrent, quæ quoniam carnis instigatione patrata sunt, eiusdem carnis maceratione expianda erant. Si enim beatissimus Pater Dominicus, qui nullius sibi lethalis criminis conscius erat, tam multis modis innocentissimam carnem suam macerabat; quomodo nos, qui peccauimus super numerum arenæ maris, non modò nullam ei molestiam inferimus, sed omni studio eam oblectare atque recreare contendimus? Quod si nos sanctorum exempla minus mouent; moueat

*Lucæ 16.*

saltem miserandum illud diuitis epulonis exemplum, qui quoniam deliciis corporis tota vita seruiebat, aquæ guttā inter tormentorum suorum incendia constitutus petiit, nec impetrauit. sic enim eam petenti sanctus Patriarcha respondit: Fili, recordare quia recepisti bona in vita tua, & Lazarus similiter mala; nunc autem hic consolatur, tu verò cruciaris. Quis igitur hoc tanto fulmine non terreatur? Sed nos miseri sic viuimus, vt hæc

*Euan-*

Euangelij fulmina fabulas esse credamus. Erit tamen cum periculo suo improbi discent verissimum esse quod à caelesti magistro in sacra huius diei lectione dicitur: *Amen dico vobis, donec transeat calum & terra, tota vnum, aut vnus apex non præteribit à lege, donec omnia fiant.* Qua oratione non inanes fabulas, sed certissima Dei oracula, ipsaque veritate veriora diuina eloquia esse pronunciauit; quæ & præstabunt quod promittunt, & quod minantur implebunt.

Sed vt ad institutum redeamus; cum beatissimus Pater noster adeo fortiter corporis sui lagenam contriuerit, quo splendore vitæ mundum illuminasse credendus est? Nouerat enim vir sanctus humanas mētes non tam verborum pondere, quam splendore vitæ commoueri. Hinc de eo legimus, quod cum celebris disputatio cum hæreticis constituta esset, ad quam Episcopus loci cum multa pompa esset iturus, humilis Christi præco Dominicus Episcopo dixit, Non sic, mi Domine Pater, non sic aduersus filios superbiæ est progrediendum; sed humilitatis, patientiæ, religionis, aliarumque virtutum exemplis reuincendi sunt hostes veritatis, non fastu elationis, & ostentatione gloriæ secularis. Armemur ergo deuotis precibus, & humilitatis insignia præ nobis ferentes, detractis calceis contra illos procedamus. Assensit Episcopus consilio pietatis, & omnes à se calceos amouerunt. Cumque de itinere essent incerti, obuium quandam hæreticum habuerunt, quem Catholicum putabant. Is promisit quidem se illos rectè perducturum ad locum destinatum, sed perfidus in siluam quandam eos abduxit, vbi inter vepres & spinas pedes eorum fauciabantur, & tibiæ sanguine conspergebantur. Tum verò beatus Dominicus cum omni patientia id ferens, & in iucundas Dei laudes erumpens, ad collaudandum Deum, & comiter ferendas molestias, illos omnes adhortabatur, ita dicēs: Cōfidite in Domino, charissimi, quia de cælo manet nos triumphus & victoria; iam enim peccata nostra sanguine expiantur. Cernens autem veterator ille miram illorum & iucundam patientiam, optimis beati viri sermonibus compunctus, errorem suum professus, hæresim abiurauit.

Addam hic aliud; quod sancti viri in animarum salute procuranda singularem prudentiam declarat. Didicerat enim ab Apostolo, modis omnibus irreprehensibilem esse debere, qui aliorum vitia reprehendere, & vitam instituere debet. Quod consilium idem Apostolus qui Timotheum instruxerat, adeo castè integreque seruauit, vt de se ad Corinthios scriberet: Et ego, fratres, in timore & tremore multo fui apud vos, videlicet (quemadmodum Theophylactus interpretatur) sollicitus ne vilius Christi Euangelio offendiculum præberem. Hoc igitur exemplo

FF 5. sanctis-

1. Tim. 3

1. Co. 2.

Theoph.

sanctissimus Pater ne vel minima labecula officij sui dignitatem aspergeret, cum fatigatus de via, & siti confectus veniret. si fontem in itinereprehendisset, sitim prius quàm ad mensam accumberet, in fonte sedabat, ne plus solito bibens, hanc adeò parum offensionis materiam fratribus præberet. Quis igitur sanctissimam illam animam non amplecti & exolculari cupiat, quæ tanta cura ac prudètia studebat, ne vel hac tantilla re eorum oculos offenderet, quibus se in patrem & virtutis exempli propositum esse sciebat? Quanta quæso cura maiora caueret, qui tanto studio etiam minora curabat?

Nec hoc tamen officio contentus, altera manu tubam tenens, clarissima prædicationis suæ voce castra Madianitarum, hoc est, hereticorum, cæterorumque diaboli satellitum conciliabula deiecit, & Christianum populum, sub diaboli tyrannide seruientem, ab impietatis iugo liberauit. Nec sola vocis suæ tuba contentus, socios quoque secum adseuit, qui simili studio & ardore tubis Evangelicis personantes, Dei nomen & gloriam longè lateque diffunderent. Quod ut non solum ætate sua, sed perpetuò in Ecclesia fieret, nouum Predicatorum Ordinem, nunquam antea institutum, creare, ardentissimis precibus ac desideriis & à Christo Domino, & ab eius in terris Vicario impetrauit. Itaque desiderium animæ eius tribuit ei, qui & ipsum contulit desiderium; Ordoque nouus Apostolica auctoritate fundatus est. In quo impletum videre licet in seruo, quod longè antè de vnigeno Dei Filio prænuntiatum fuerat: Spiritus meus qui est in te, & verba mea quæ posui in ore tuo, non recedent de ore tuo, & de ore seminis tui amodò & vsque in sempiternum. Qui quidem spiritus vsque adeò huic Ordini coniunctus est, ut non ad filios modò, sed ad filias quoque, peruaserit. Vna certè Catharina Senensis ita sanctissimi huius Patris spiritum hausit, ut (quod ex Ecclesiasticis historis constat) nulla sanctarum feminarum adeò se totam fraternæ salutis studio, quemadmodum illa, addiderit. Nò enim verbis & epistolis modò, sed libris etiam ad posteritatis memoriam editis, ac diuina non humana doctrina refertis, hunc mentis suæ ardorem testata est.

Quin etiam Apostoli Pauli (cuius illa eximio amore flagrabat) charitatem & exemplum imitata, ardentissimis à Domino precibus postulauit, ut ipsa quoque fieret anathema pro fratribus, & gehennæ supplicii torqueretur, ut ipsi ab illis immunes conseruarentur. Quis igitur hunc virginis animum non miretur? quis ardentissimam charitatis huius flammam non obstupescat? quis non vel hoc vno argumento salutis suæ negotiū negotiorum omnium summum esse non videat? quod hodie (pro humanarum mentium stupor!) in postremis habetur. Quis hic

terhar-



Iethargiam & phrenesim mundi non agnoscat; quandoquidem ibi mundus otiaitur & rider, vbi qui diuino sensu præditi sunt, propter eius morbum acerbissimo luctu conficiuntur? Ab hoc igitur pestifero somno, fratres, excitemur, & Sanctorum charitas, salutem nostram ardentissimè sitientium, mortemque nostram acerbissimè lugentium, euigilare nos faciat; vt curam nostrigerentes, & malè actæ vitæ crimina descentes, ad æternæ felicitatis gaudia per luctum & lacrymas peruenire mereamur; præstante Domino Iesu Christo, cui est honor & imperium in secula seculorum, Amen.

**IN EODEM FESTO BEATISSIMI PATRIS NOSTRI DOMINICI, CONCIO** tertia; in qua, post Euangelicæ lectionis explanationem, de eximia charitate, qua tum hic beatissimus Pater, tum cæteri quoque sanctissimi & Apostolici viri flagrauerunt, agitur.

**THEMA.** *Vos estis sal terra.* Matth. 5.



**D****IE,** fratres charissimi, beatissimi Patris nostri festum diem celebramus; cui nos hoc ipsum debemus, quod eius filij sumus (eius videlicet lacte nutriti, & institutis educati) vos verò, quod nostro ministerio ad salutem vestram perpetuò vtimini. Vtrique igitur debitores sumus. Vtrique hodie pari deuotione ac pietate festum eius diem celebrare debemus. Ceterum cum hodie de virtutibus & laudibus sanctissimi huius Patris dicendum sit, neque vnus sermo innumeris eius virtutibus prædicandis sufficiat; solam eius charitatem quæ virtutum regina est, & flagrantissimum fraternæ salutis desiderium, quod in eo potissimum emicuit, explicare constitui. Vt autem hoc ad Dei nostri gloriam, & vestram salutem pro dignitate tractare possimus; cælestem opem, sacratissimæ Virginis interuentu, suppliciter imploremus.

**A V E M A R I A.**

*Vos estis sal terre.* Paulo ante verba hæc Dominus totius Euangelicæ vitæ summam breuiter complexus tuerat, in qua paupertatem, luctum, persecutiones, opprobria & maledicta propter iustitiam commendauerat. Sed quoniam vehementer mundus ab huiusmodi doctrina abhorreere videbatur, declarat protinus, qui

qui & quales esse deberent, qui hæc dura Euangelicæ philosophiæ dogmata hominibus persuaderent, dicens, *Vos estis sal terræ*: Apostolis enim loquebatur, quos sal terræ futuros esse dicebat. Est autem ut scitis, salis proprium, primum quidem cibos condire; deinde etiam carnes à putredine & corruptione servare.

**Psal. 72.** Hoc autem sale maximè homines indigebant; qui carnis nomine in litteris sanctis passim appellantur. Vnde est illud: Recordatus est quia caro sunt, spiritus vadens, & non rediens. Caro autem ne corrumpatur, salis condimento eget. Quid igitur? an non habet caro hæc spiritum & rationalē animam, à qua vitam trahit? Habet planè; sed ipse tamen rationalis anima, carni coniuncta, in ipsius quodammodo carnis naturam degeneravit. Sicut enim si pretiosum vinum aceto misceatur, in acetum vertitur; & suavissimum etiam vnguentum, si supra cœnum effundatur, eius quoque tetrum odorem refert; ita rationalis anima, carni immersa atque coniuncta, sic in eius naturam transit, ut (nisi hoc sale condiatur) nihil aliud sapere, nihil cogitare, nihil cupere, aut agitare nisi quæ carnis sunt, tanquam ipsius effrenata carnis mancipium, sciat. Ad huius igitur carnis condimentum hic à Domino sal in Ecclesia positus est. Quisquis autem salis huius efficaciam nosse cupit, mundi faciem sibi ante huius Apostolici salis remedium contempletur. Et ne diu multumque in hoc labore, caput primum Epistolæ ad Romanos perlegat, ubi hanc terram & funestam mundi faciem suis (ut ita dicam) coloribus depingit Apostolus, ea ibi horrenda Gentilium vitia recensens, quæ pie aures vel audire nefas esse putant. In hoc autem malorum barathrum præcipitari eos necesse fuit, qui Dei gloriam ad ligna, & lapides, & serpêtes, variaque reptilia transfulerunt. D. quoque Hieronymus illa Esaiæ verba explanans, Et pueris alienis adhæserunt; quo nefanda Iudæorum scelera Propheta à Gentilibus mutuata commemorat; sic ait: In tantum autem Græci & Romani hoc quondam vitio laborauerunt, ut & clarissimi Philosophorum Græciæ haberet publicè concubinos; & Adrianus, Philosophiæ artibus eruditus, Antinoû consecrarit in Deum, templumque ei, ac victimas, & sacerdotes instituerit, & ex eo Aegypti ciuitas ac religio nomen acceperit. Inter scorta quoque in fornicibus spectaculorum pueri steterunt publicæ libidini expositi, donec sub Constantino Imperatore, Christi Euangelio coruscante, & infidelitas vniuersarum gentium, & turpitudine deleta est. Hactenus ille. Quoque magis miremini addam aliquid horribilius. In vetustis historiis legimus, apud Gallos, ante salis huius remedium, hunc execrandum morem fuisse, ut masculi (perinde atque feminae solent) publicè in matrimonium ducerentur, & eorum nuptiæ celebrarentur.

Hieron.  
Esaiæ 1.

rentur. Ex hoc autem cetera hominum vitia diuinare facile erit. Qualis ergo erat mundi facies, quæ tam tetris atque horrendis vitiorum maculis deformata erat? At ubi Euangelico sale conditi cæpit orbis terræ, & Dei agnitio Apostolorum prædicatione inuenta est; ex brutis, & tanquam ratione carentibus animantibus, non homines, sed Angeli euasere. Neque enim solum ea carnis vitia quæ naturæ limites transgrediuntur, abominari cœperunt; sed coniugij vsum, qui naturæ legibus vt res honesta conceditur, multa hominum millia virorum ac feminarum contemnebat, propterea quod fruendæ cælesti philosophiæ impedimento esse videbatur. Deserta quoque loca & solitudines quæ vix feris erant peruiæ, hominibus repletæ fuerunt, qui ob hoc à cæterorum hominum cœtu disiungebantur, vt Evangelicis institutis commodius vacarent, & consuetudinem cum cælo tantum haberent. In omnibus item quamuis barbaris regionibus, vbicumque Evangelica lux proferebatur, continuo crudelitas omnis atque efferi mores, & vitia, quibus vsque ad ea tempora fuerant assueti, reiciebantur. Qui iniuria alios afficere antea consueuerant, ipsi postea iniuriam inferentibus minimè succensebant. Qui aliena rapere consueuerant, sua libenter largiebantur, neque solum malum pro malo non reddebant, sed pro maleficio beneficium rependebant. Hæc igitur omnia salis huius, hoc est, Evangelicæ doctrinæ virtute facta constat.

Quæ cum ita sint; inquisitione dignissimum est, quid fieri possit, vt cū nos quoque vos quotidie hoc eodē sale condiamus; hoc est, cū eandem Evangelicam doctrinam (quæ semper integra & illibata seculis omnibus conseruata est) prædicemus, vix quicquam horum efficiamus? Vnde tanta in hominibus morum corruptio, cū tantum super eos salis quotidie effundatur? Si quis enim per totum Ecclesiæ corpus, perque omnes personarum ordines oculos circumducatur, inueniet planè apud multos verum esse quod Propheta dicit: Omnes declinauerunt, simul inutiles psal. 139. facti sunt. Vnde ergo tanto sale fuso, tanta vitæ corruptio? Nolo, fratres, adeo grauis exactor esse, vt huius tanti mali in solos vos causam coniciam, sed inter vos tamen atque nos, hoc est, huius officij ministros, partiri culpam volo.

Nos igitur primum in causa sumus qui non præstamus factis quod verbis adstruimus; qui non rectè factis, quæ dicimus, confirmamus. Homines namque (vt Lactantius ait) malunt exem- Lactant.pla quam verba; quia loqui facile, præstare difficile. Vnde Dominus in præsentii lectione magnos in regno cælorum futuros ait, qui & fecerint, & docuerint. Quorum cū sit vtrumque necessarium, plus tamen rectè facta quam dicta mouent, quæ &

vcre-



verecundè facienda docent, & possibilia esse quæ præcipiuntur, ostendunt, & ad imitandum stimulos atque animum addunt. Nos igitur hac ratione in causa sumus, cur hoc sal Euangelicum frustra saepe spargatur.

- Vos quoque fratres, non minus forsitan quàm nos huius tanti mali causa estis; qui nulla ferè animi præparatione, nullo deuotionis affectu, nullo proficiendi studio, sed languida mente, solaque audiendi consuetudine ducti, ad conciones audiendas confluitis; quo factum est, vt hac diuturna audiendi consuetudine callos auribus ita obduxeritis, vt diuinorum verborum vim
- a. Tim. 4.** & acrimoniam minimè sentiatis. Tales autem Apostolus, quasi iam desperatos, ac penè cõclamatos, deplorat; quos cauteriatam conscientiam habere ait; quo verbo obduratos improborum animos designauit. Quemadmodum enim ea pars corporis cui cauterium impressum fuit, sentiendi vim amisit; ita qui cauteriatam conscientiam habent, eò perducti sunt, vt omnem penè spirituales sensum amiserint; quibus illud Salomonis conuenit.
- Simile.** Peccator, cum venerit in profundum malorum, contemnit. Quocirca nihil mirum, si tales verbi Dei sale minimè condiantur, quando etiam nec diuinis plagis, quotidianisq. cladibus corripiantur. Ne verò me, dum hæc dico, somnia confectari existimetis, rationem assignabo, qua summum hoc vitæ nostræ periculum euidenter ostendam. Constat Israëliticum populum ab Aegypto egressum, & per deserta vagantem, durissimæ ceruicis fuisse; quod non semel Moyses in Deuteronomio significauit; utpote qui aduersus Dominum semper contenderit; idemq.
- Psal. 94.** Dominus ipse declarauit, cum dixit: Quadraginta annis proximis fui generationi huic, & dixi, semper hi errant corde, &
- Esaiæ 48.** iterum: Scio enim quòd durus es tu, & neruus ferretus ceruicæ tuæ, & transgressorem ex utero vocaui te. Quo in loco duabus rebus durissimis, videlicet neruo & ferro, maximam illius populi duritiam & rebellionem designauit. De hoc tamen populo, quamlibet duro ac rebelli, scriptum legimus; Cum occideret eos, quærebant eum, & reuertebantur, & diluculo veniebant ad eum. Hic enim ferè huius populi mos fuit (quemadmodum liber Iudicũ passim ostendit) vt cum vehementer à finitimis Regibus premeretur, cladibus suis eruditus ad Dominum rediret; at nos miseri eò stuporis perducti sumus, vt nos tot ætatis nostræ plagæ, tot bella, tot hominum cades, quas ætate nostra vidimus, tot hæreses (quibus maxima Christiani orbis pars hæreticorum veneno infecta est) nihil nos moueant, nihil sollicitent. Itaque meritò hoc tempore Propheticum illud inelamare Dominus poterit; Magno labore sudatũ est, & non exiuit de ea nimia rubigo eius neq. periguem. Idem modo ambitionis & superbix

perbiæ tumor, eadem pecuniæ sitis, idem luxuriæ ardor, eadem odij & furoris rabies, idem inuidiæ liuor, eadem maledicendi, & obloquendi, & malè precandi virulentia, eadem iurandi & peierandi praua consuetudo, idem diuinarum legum contemptus, pauperumq. neglectus, qui antea fuerat, dominatur. Vbi que meretrices, vbi que lenones reperire licet. Cum igitur hæc tanta hominum strages, tantaque diuini furoris significatio vix quicquam apud nos effecerit, an non satis constat, nos in profundum penè malorum decidisse, quando hæc ipsa contemnimus, & pro nihilo ducimus? Quid amplius, Domine, in posterum facturus sis, prorsus ignoro. Nihil enim intentatum reliquisti, nec tamen profuisti. Mordet fortasse vos hæc mea castigatio, fratres; sed quid mirum si Euangelicus sal suo fungatur officio? Salis enim est mentis vlcera non quidem vngere ac declinare, sed mordere ac pun gere, nisi fuerit infatuatus.

## I.

Hæc de sale dicta sunt; sequuntur deinde alia nomina, quibus Ecclesiasticorum Doctorum dignitas & officium in hoc Euangelio designatur. Vos, inquit, *estis lux mundi*. Nihil in mundo luce pulchrius ad videndum, nihil ad agendum efficacius; Sol enim, & Luna, cæteraque inerrantia sidera lucis ministerio inferiora corpora alunt atque gubernant. Idem ergo in mundo efficit Euangelicæ doctrinæ splendor, quæ errorum tenebras dissipat, & veritatis atque doctrinæ lucem humanis mentibus prætulit, qua viam quæ ad immortalitatem ducit, apertè cognoscere. Verum si lucis nomine Euangelicam doctrinam accipimus; cur Dominus paulo inferius eisdem doctrinæ ministros lucernam vocat supra candelabrum positam, vt luceat omnibus qui in domo sunt? Videtur enim lucis & lucernæ nomine idem veritatis splendor significari. Sit ita sanè. Veruntamen illic Dominus doctrinæ lucem, hic verò vitæ fulgorem significare magis voluit. Quod quidem non obscure insinuat, cum subdit; *Sic luceat lux vestra coram hominibus, vt videant opera vestra bona, & glorificent Patrem vestrum qui in celis est*. Illic ergo de verbis, hic de rectè factis, & virtutū exemplis mentionē facit. Quamuis enim verba necessaria sint, superiori tamen loco bona opera habenda sunt, longeq. magis cælestem Patrem glorificant. Nostro verò seculo minor operum, maior verborū cura est. Vtrunque autem præstandum erat, vt videlicet doctrinæ vocem operis testimonium confirmaret; vt ita demum verbis nostris fidem apud auditores faceremus. Hinc Paulus, De cætero, inquit, fratres, quæcunque sunt vera, quæcunq. pudica, quæcunq. iusta, quæcunq. sancta, hæc cogitate; quæ & didicistis, & accepistis, & audistis, & vidistis in me. Videmus ergo quomodo Aposto-

Philip. 4.

lus

Seneca.

Exod. 24.

Cant. 7.

Hieron.

August.  
de doct.  
Christia-  
na.

lus utrumque iunxit, cum ait, Audistis, & vidistis in me? Talem autem Doctorem agnouit & commendauit Seneca, cum dixit; Ille promissum suum impleuit, quem cum audieris & videris, idem est; in quo videlicet neque à doctrina vita, neque à vita doctrina discordat. Eleganter autem hoc Dominus olim in pontificali veste adumbravit, ex cuius extrema ora pendere tintinnabula malogranatis admixta iussit, ita ut tintinnabulis intertexta malogranata essent. Quid autem per tintinnabula, nisi prædicatoris vocem? quid per malogranata (ad quæ videnda sponsus in Canticis inuitatur) nisi unitatem charitatis, & vitæ ordinem intelligimus? Vtrumque ergo Ecclesiæ minister habere debet, ut videlicet doctrinæ sonitu, & innocens vitæ exemplo populum erudiat; aliter enim (ut diuus Hieronymus ait) delicatus magister erit, qui pleno ventre disputet de ieiuniis. His etiam adde, quod verbi Dei minister hoc tantum negotium non solum vitæ integritate, sed assiduus etiam precibus vigere debet. Hinc diuus Augustinus, Prædicator, inquit, laboret, ut intelligenter, ut libenter, ut obedienter audiatur; & hoc se posse magis pietate orationum, quam oratoris facultate, non dubitet; ut orando pro se, ac pro iis quos est allocuturus, sit prius orator antequam doctor; & ipsa hora accedens, priusquam exerat proferentem linguam, ad Deum leuet animam sitientem, ut ructet quod biberit, vel quod impleuerit effundat. Haëtenus ille. Quo minus mirandum est, si beatus Pater Dominicus perditos homines ad veteris vitæ pœnitentiam, & pietatis cultum salutaris doctrinæ monitis traduceret; qui non solum summa vitæ innocetia, sed lacrymis etiam & precationibus assiduus hoc tantum opus agebat. Quomodo autem diuina illa pietas, quæ fraterna charitate tantopere delectatur, huic tantæ charitati negare poterat, quod per eam petebatur? At nos, qui tam longè ab hoc officio distamus, qui totum hoc opus magis volubilitate linguæ, quam integritate vitæ, & orationis suffragio fieri arbitramur; quem ex hoc studio fructum referre possumus?

## II.

Haëtenus de Euangelica lectione: nunc ad beatissimum Patrem Dominicum veniamus, qui etiam ipse verè salutaris fuit. Cum enim mater eius grauida esset, vidit in somnis se catulum in utero gestare, accensam in ore faculam baiulantem. Diuersa quidem metaphora, falis & canis; sed idem tamen officium, vtriusque enim est mordere. Quod munus beatus hic Pater perfectissime exercuit, qui zelo diuini honoris incensus, seuerissimus vitiorum obiurgator fuit. Sed quoniam charitas, zelus ac sitis fraterna salutis in eo inter ceteras eius laudes potissimum enituit; de hac ipsa charitate, qua tum sanctissimus hic Pater,

tum



tum etiam cæteri sanctissimi & Apostolici viri flagrauerunt, dicendum nobis erit.

Constat autem ( vt hinc dicendi initium faciamus ) omnia quæ sunt, dilectionis vi non modò inter se deuinciri, sed etiam gubernari. Et quidem Deus ipse beatissimus, suæ bonitatis atq. electorum amore captus, hunc mundum condidit, cuius fructibus homines pascerentur, & ex mirabili eius fabrica ad conditoris sui cognitionem & amorem excitarentur. Intelligentiæ quoque cælestium orbium motrices (vt Aristoteles ait) primi & summi motoris amore inductæ, vt illi in officio suo obsequantur, atque illi similes, hoc est, Deiformes efficiantur, eorundè orbium motui inferiorem hunc mundum moderantur. Animantia verò cuncta, ac homines præcipuè, sui ipsorum amore ducti, ea quæ ad vitæ vsum & conseruationem pertinet, summo studio inquirunt. Vnde Stoici Philosophi vnumquemque hominum amoris sui, velut cuidam pedagogo atque tutori, à natura commissum esse testantur. Quid verò de filiorum procreatione dicam? An non constat, totam hanc sobolis educandæ & procreandæ curam ex ardentissimo parentum erga filios amore proficisci? Omnia igitur vt ex amoris scødere colligantur, ita amore sustinentur. Quo minus mirandum est, si animarum quoque salus & procuratio ab eodem hoc dilectionis fonte profiscatur.

Aristot.

Ex hoc enim summum quoddam diuinæ gloriæ studium, & fraternæ salutis amor in piorum cordibus excitatur. Quisquis enim ardentissimo amore Deum diligit, tantum ei obsequi & placere desiderat, quantum diligit. Cum autem inter omnia obsequia nostra, fraternæ salutis cura gratissimum illi sacrificium sit, huic potissimum operi, quanta potest diligentia, incumbit, quisquis ardens Deum diligit. Meminit enim ipsum Dominum per Oseam dixisse: Misericordiā volui & non sacrificium. Nulla autem misericordia maior, quàm hominem ab æterna miseria liberare. Deinde, quisquis Dei amore flagrat, eos etiam vehemèter diligit, qui à dilecto suo diliguntur. Cum verò Christus Dominus tanto homines amore dilexerit, vt pro eorum salute mori non dubitauerit; cōsequens etiam est, vt qui Christum eximie diligit, eximio etiam salutis hominum amore teneatur.

Osee 6.

Atque vt ad beatissimum Patrem nostrum veniamus, quanta fuerit eius charitas (à qua salutis humanæ desiderium profiscitur) vt alia prætermittamus argumenta, admiranda martyrij sistris maximè declarat. Cum enim multi sint in charitate gradus (qui à sanctis Patribus describuntur) ille præcipuus esse videtur, qui eò pertingit, vt vitam (qua nihil homini charius est) propter Dei gloriam profundere alacriter & sitienter appetat. Hoc enim Domini testimonio comprobatur, qui ait; Maiorem hac dile-

Ioan. 25.

ctionem nemo habet, quàm ut animam suam ponat quis pro amicis suis. At verò tantus in hoc beatissimo Patre martyrij ardor & desiderium fuit, ut de eo dictum sit: Sitiebat servus Christi martyrium, sicut sitit ceruus ad aquæ fluvium. Cumque heretici mortem illi minitarentur, is multa cum fiducia respondit: Non sum ego dignus martyrio, nondum merui mortem istam. Itaque transiens per loca ea ubi structæ illi ferebantur insidiæ, cantans & alacer ingrediebatur. Ea re in admirationem adducti satellites Antichristi dicebant ei: An non mortis horrore tu afficeris? quid acturus eras si te comprehendissemus? Obsecrarem, inquit, vos, ne me celeri morte absumeretis, sed sensim omnes corporis mei artus membratim dissecaretis, deinde oculis meis videndos subiiceretis, ut hoc gratissimo spectaculo animum meum oblectarem; post hæc verò eritis aut confessis oculis corpus truncum & mutilum in suo sanguine volutari sueritis. O vocem omni laude & prædicatione dignissimam! ô admirabilem charitatis ardorem, à qua talis flamma prodibat! Non contentus enim vna morte, tot moribus vitam volebat abrumperè, quot membra habebat in corpore; nec contentus simplici corporis martyrio, omnes corporis artus martyres effici cupiebat; & quando illi non dabatur nisi vna tantum morte occumbere, eam volebat longissimo spatio dilatari, ut hac ratione vna mors instar multarum esset. Quantum ergo in sacro illo pectore charitatis ignis aestuabat, ex quo hæc tam ingens desiderij flamma prodibat! Quia verò hanc tantam sanguinis fundendi sitim inter fideles agens explere non poterat, ad infidelium nationes transire destinabat, & ad hoc aliquo tempore barbam nutriuit, ut hac ratione vel Christi fidem inter infideles propagaret, vel certè desiderata martyrij corona frueretur. Dominus tamen, futurorum præsciis, huic eius voto obstitit, quia eum ad Ecclesiæ suæ salutem destinaverat.

I.

Ex hoc autem charitatis fonte, bone Deus, quàm multa charitatis officia manarunt. Hæc enim charitatis flamma in sacro illo pectore aestuans faciebat, ut cum tot in mundo flagitia, tot animas præcipientes in gehennam ruere videret, arderet utique quasi sacula zelo pereuntium. Hæc autem piissima affectio sanctissimum eius pectus sibi totum vindicarat, ut animas proximorum lucraretur, & suo coniungeret creatori. Hoc lacrymis & precibus à Domino contendebat, & ferventissimis concionibus ac miraculis per eum editis Dominus complevit. Optabat cum

1. Cor. 12

Apostolo impendi, & superimpendi pro animarum salute, idque exemplo Salvatoris, qui se ipsum tradidit pro animabus nostris.

II.

Ex hoc eodè charitatis fonte maxima illa compassio prodibat, qua erga afflictos, & variis calamitatibus oppressos afficiebatur.

Hanc

Hanc enim excellētissimam charitatis gratiam habebat à Deo; flendi scilicet pro peccatoribus, & miseris atq; afflictis omnibus condolendi. Qua in re sanctissimi Iob miserationem imitabatur, qui inter cætera virtutum suarum insignia hoc etiam de se ipso ait: Flebam quondam super eo qui afflictus erat, & compa- Iob 39. tiebatur anima mea pauperi. Quod quidem misericordiæ opus non solum diuitibus, sed pauperibus etiam in promptu est: quibus quamuis desit census, non deerit tamen (si modò viscera charitatis adsint) miserationis affectus.

## III.

Ex hoc eodem charitatis fonte prudentissima illa temporis I I I. partitio proficiscitur, qua sic animarum salutis operam dabat, ne salutis propriæ curam negligeret. Memor quippe illius consilij erat, quo Apostolus Timotheum instruit, cum ait: Attende I. Tim. 4. tibi & doctrinæ, hoc enim modo & tempus saluum facies, & eos qui te audiunt: & illud item Ecclesiastici; Recupera proximum secundum virtutem tuam, & attende tibi ne incidas. Horum consiliorum vir Dei memor, sic temporum spatia disponebat, ut nocte quidem sacris vigiliis, & piis precibus destinata, totum diem salutis impenderet animarum. Ex hoc item fonte tot itinera prodibant, quæ nudis pedibus conficiebat, quibus ab Hispania in Galliam, ex Gallia in Italiam; ex Italia rursus in Hispaniam contendebat. In quibus non seculi dignitates, non claritatem nominis, nō terrenos thesauros, sed solam Dei gloriam, cum animarum salute coniunctam, studiosissimè quærebat. I I I I.

Ex hoc etiam charitatis igne, ignea illa verba emicabant, quæ v. in admirationem, & amorem in Deum mentes hominū rapiabant. A quibus aliquando rogatus; Vbi nam mira illa, quæ populis prædicabat, didicisset? In libello, inquit, charitatis. Hæc enim virtus mirabiliter prædicatoris linguam & erudit, & incendit. Ad alia quidem docenda, verborum & rerum sciētia plurimum valet; ad diuina tamen eloquia pro dignitate tractanda, & languentia hominum corda inflammanda, charitatis ignis mirè facit. Adde quod hæc eadem charitas non modò dicentem incendit, sed mirabilem quoque persuadenti vim tribuit, dum aptissimas rationes excogitat, quibus eos sanet quos ardentissimè seruare cupit.

Nec verbis solum, sed multo magis precibus, & exemplis hoc VI. negotium beatus Pater agebat. Vnde singulis noctibus catena ferrea corpusculū, vigiliis & inedia confectum, propter sceleratorum hominum crimina verberabat. Hinc etiam factum est, VI I. ut cum mulieres, apud quas hospitabatur, ab hæreticis deceptas offendisset, tanto salutis earū desiderio flagrauerit, ut integram Quadragesimam solo pane & aqua victitaret, humiq; super nudam



VIII.

Marc. 16.  
IX.

A. 7.

nudam tabulam cubitarit; idque cum toros dies in docendi atque prædicandi labore consumeret, ad quod laterum firmitate & vocis robore opus erat; quæ duo nisi saluari cibo & somno parari nequeunt. Quo tam insigni sanctitatis exemplo effecit, quod nullis fortasse persuasionibus obtinere potuisset; nempe, ut mulieres illæ, hæretica prauitate repudiata, ad sanctæ matris Ecclesiæ gremium humili erroris sui confessione redierint. Quid verò illud? quibus laudibus & prædicatione commemorandum? Cum enim quidam nobilis, paupertate pressus, ad hæreticos (qui perfida pietate inopiam eius leuabant) defecisset; tanto ex hac re doloris affectu pectus illud piissimum sauciatus fuit, ut cum opibus pauper Christi destitueretur; seipsum incredibili pietatis ardore vendendum obtulerit, ut ille venditionis pretio inopiam suam leuaret, ne eius occasione à fidei sinceritate deficeret. Quis igitur sacrum hoc pectus non exosculetur? quis non aperte videat, illum in eo sedem sibi delegisse, qui seipsum propter mundi salutem proditori discipulo venalem exhibuit? Atque ut vno tantum argumento rem omnem absoluam; ex hoc eodem fonte in Ecclesia Dei celebris Prædicatorum Ordo manauit. Cum enim vir sanctus totum se ad animarum studium contulisset, & sitis hæc in eius pectore incredibili ardore flagraret; priuato labore atque opera sua minimè contentus, facios, vnde cunctis potuit, adseuiuit, qui eodem spiritu acti, se in hoc pietatis opere exercerent. Cumque res illi feliciter cederet, diuinæ opis fiducia fretus, ad maiora animum extulit; nempe ut in Ecclesia Prædicatorum Ordinem, nusquam antea institutum, excogitaret; cuius hoc esset munus, hoc præcipuum studium, exemplo vitæ, & assiduæ doctrinæ officio animarum salutem curare; ut quemadmodum olim ante conuersionem suam Saulus, dum protomartyr Stephanus lapidaretur, lapidantium vestes seruabat, ut eum manibus omnium lapidaret; ita contra beatus Pater amore salutis humanæ incensus, hunc Prædicatorum ordinem instituit, ut animarum salutem, & Christi gloriam non solus ipse, sed cum multis aliis; nec seculo suo tantum, sed omnibus etiam seculis per tot filiorum ora, quot hæcenus fuere, quotque in posterum futuri sunt; quæreretur.

## III.

Psal. 68.

Psal. 118.

Ibidem.

Hæc igitur officia, fratres, hi labores atque certamina (ut antè diximus) ex flagrantissima in Deum charitate profecta sunt. Quæ quidem charitas simili ardore, similiq. fraternæ salutis & diuinæ gloriæ studio in sanctissimis quibusque viris flagrauit. Hinc illæ Prophetæ voces: Zelus domus tuæ comedit me. Et, Vidi prauaricantes & tabescebam; quia eloquia tua non custodierunt. Et, Tabescere me fecit zelus meus, quia obliti sunt verba tua inimici

mici mei. His autē comedendi & tabescendi verbis Vates sanctus satis indicat, adeo vehementer omnia interiora sua cruciari & exedi, vt ex vi & impetu interni cruciatus macies & pallor & tabes in corpore sequerentur. Simili etiam affectu atq. adeo aciori Apostolus angebatur, cum diceret: *Quis infirmatur & ego non infirmor? quis scandalizatur, & ego non vror?* *Elia vero Propheta pro Dei gloria flagrantissimum zelum quis non miretur?* Sic enim aduersus hominum scelera incanduit, vt oratione sua trium annorum & sex mensium sauiissimam famem à Domino impetrauerit: Vnde ad Achab perfidum Regem precipuumque perfidie popularis auctorem diuino Spiritu concitatus ait: *Viuir Dominus Deus Israël, in cuius conspectu* 2. Cor. 11  
*sto, si erit annis his ros & pluuia, nisi iuxta oris mei verbum.* 3. Reg. 17  
 Ex his autem verbis colligere licet, virum sanctum hoc modo orasse: Domine Deus meus, tu, qui nulla re indigens omnia propter temetipsum, hoc est, propter nominis tui gloriam condidisti (tu enim es *α & ω*, hoc est, principium & finis rerum: sicut enim nullum aliud esse rerum principium potuit nisi tu; ita nullus alius finis, cui omnia deferuissent, præter te) sic tamen omnia in sapientia tua disposuisti, vt cæli quidem, terræ, ac maria, & omnia quæ cæli complexu continentur, humanæ vitæ vñbus deferuissent; homo autem, harum rerum dominus, te vnum suspiceret, te coleret, tibi omnia accepta referret, tibi pro tantis beneficiis gratias ageret, tibi que inseparabili amoris vinculo copularetur. Hoc nisi fiat, quis huius mundi, quis rerum omnium in hoc inferiori mundo conditarum vsus dignus erit? At miserandi homines eo cæcitatæ atque vefaniæ, Satana dementante, perueniunt, vt nihil minus cogitent, nihil minus curent, nihil minus faciant, quam id ad quod facti & conditi sunt; immo verò gloriam tibi vni tot nominibus debitam, ad lapides & ligna impiè atque nefariè transtulerant. Quæ cum ita sint; non video in quem vñm tales homines in mundo agere, vel cur superstites esse, vel cur cæteræ illis creaturæ obsequi & seruire debeant, cum ipsi communi omnium Domino minimè obsequantur. Fac ergo, Domine ne cæli desuper pluuiam in terram demittant. Vim cælorum, imbrium, nubium, ventorum, maris & fontium contine; vt neque cæli rorem, nec terra germen illis præbeat, quo acerbissima fame præuicinatores conficiantur & intereant, atque meritas scelerum suorum pœnas pendant. Ad has ergo preces, non vnius anni, sed trium annorum & sex mensium sterilitas secuta est. Quo quidem tempore, cum vir diuinus tantam illam cladem cerneret, cum hic pueros clamantes, & lamentabili voce panem postulantes, alibi cadentes, & animam præ famis magnitudine efflaantes, Apoc. 21.  
 GG 3 alios

- alios rapientes, & vim aliis ( si quid fortè panis alicubi repositum esse intelligerent ) inferentes, alios verò lurida facie, & pallore oris famè & maciem ostentantes, & omnia denique luctu, lacrymis & morte plena cerneret; nunquam tamen vir sanctissimus hoc tam diuturno & miserabili spectaculo ad misericordiam flexus est, vt vel guttam aquæ impetraret his quos vita indignissimos iudicabat. Nec hoc tandem in animum induxit, donec de sceleris auctoribus, nempe sacerdotibus Baal, supplicium sumpsit. Vbi enim insigni edito miraculo populum ad Dei cultum traduxisset, & quadringentos prophetas Baal vno die super vno lapide iugulasset, corporaque eorum inhumata in torrentem præcipitari iussisset, tunc demum impiorum cruore atque vindicta exsatiatus, pluuiam à Domino petiit, & impetrauit. Quid verò Moyses? quo diuini ardoris zelo incanduit, vir alioqui super omnes qui morabantur in terra mitissimus? Is enim qui regi apum exemit aculeum, huic, populi sui principi, omnem iræ impetum ademit. Quanto verò is diuinæ gloriæ zelo exarsit, cum à monte descendens populum ante vitulum, quem sacrilega perfidia pro Deo fabricauerat, ludentem inuenit! Tanto enim furore ac dolore exagitatus fuit, vt sacratissimas illas tabulas ipsius digito Dei mirabiliter inscriptas, & quadraginta dierum ieiunio impetratas, ad saxa montis illiserit; ac deinde in castra veniens, conuenientibus ad se Leuitis præcepit vt per medium castrorum districtis gladiis irruerent, amicos, fratres, filios, ac ipsos denique parentes ferro trucidarent, nullique vel sexui, vel ætati, vel sanguinis communioni parcerent. Quod vbi animosè factum est, Consecrastis, ait, hodie manus vestras Domino, vnusquisque in filio & in fratre suo. Et animaduertite, quæso, mirabilem viri sanctissimi pietatem. Is, qui ita aduersus infidelem populum defæuierat, Exod. 32. tanto erga illum compassionis affectu commotus est, vt rursum quadraginta dierum ieiunio indignantis Domini iram tanto studio lenire curauerit, vt dicere non dubitauerit: Aut dimitte eis hanc noxam, aut dele me de libro in quo scripsisti me. Animaduertite quæso, fratres, quanta hic lenitas, quanta illic seueritas; quanta illic indignatio, quanta hic compassio; quantus denique illic furor, quantus verò hic amor! His enim verbis hoc dicere videbatur: Tanto Domine, huic populo, quem mihi seruandum tradidisti, amore conglutinator sum, vt nullo modo me ab illo secernere valeam; sed quæ illius sors futura sit, eadem mihi cum illo communis sit; neque enim illo pereunte, salus mea esse mihi grata poterit. Quare aut vtrosque seruare, aut vtrosque damnare debes, ideoque precor, vt vel dimittas eis hanc noxam, vel de libro in quo me scripsisti, deleas. Quis igitur hanc



hanc tantam veræ charitatis flammam non miretur? non obstupeſcat? non meritis in cælum laudibus tollat? Quid verò illud? quàm ſtupendum quòd Paulus Anathema fieri pro hominum ſalute optauit! Vnde quaſo te Paule, tantus hic fraternæ ſalutis amor; vnde hæc ingens charitatis flamma? vnde tantus dolor propter eos quos à cæleſti hæreditate excidere videbas? Reſpondere utique is poterat; Nimirum, quia quæ bona iſti amittant, & in quas ſeſe miſerias conueſcant, non ſolum fide teneo, ſed oculis etiam contemplatus ſum. Cùm enim in paradifum delatus fui, ac illius immenſæ pulchritudinis ſpeciem contemplatus ſum; vidi quæ pios felicitas, quæ improbos maneat inſelicitas, qui hoc tanto bono priuandi ſunt. Quæ res animum fraternæ charitate flagrantem acerbò dolore cruciat, ut bene mecum agi putarem, ſi illis hac tanta felicitate fruentibus, ab ea ego exciderem.

Rom. 9.

2. Cor. 12

Nunc ad vos, fratres: diligenter quaſo hoc negotium expendamus. Si tantum illud bonum eſt, quod piis in cælo repositum eſt, & quo reprobi omnes priuandi ſunt, ut tanto ſe Paulus diſcrimini obſiceret, quo nullum excogitari maius poteſt, ne homines tantam felicitatem amitterent, (cùm eorum tamen ſalus ad ſe nihil pertineret) quis hanc tantam cæcitatem & amentiam hominum ferre poterit, qui propter ſuam ipſorum ſalutem ne leuiſſimæ quidem diuinæ legis ſarcinæ humeros ſupponere velint, cùm Apoſtolus tanto ſe oneri non propter ſuam, ſed propter aliorum ſalutem verè & ex animo ſubiecerit? Quis non obſtupeſcat? cuius viſcera non diſrumpantur? quis non etiam clamores in cælum tollat? Quis hoc argumento dæmonum potentiam, & hominum dementiam, & ſtuporem non videat? Quid hic ratio, quid conſilium, quid cæleſtis doctrina in pectore Chriſtiano facit? quomodo aduerſus eos qui eam iniuſtitia detinent, non inelamæ?

Quid ergo nunc ſupereſt, fratres, niſi deprecari vos atque obteſtari, ut tot propoſitis argumentis & exemplis intelligatis tandem, qua ſolicitudine & ſtudio ſalutis vestræ negotium curare debeatis; quandoquidem tam multa propter illud ſanctiſſimi quique viri & fecerunt & pertulerunt. Ferreus enim ſi oportet, quiſquis tam magnis propoſitis argumentis & exemplis, ad pietatem non emollitur. Quod à nobis auertat Chriſtus Ieſus, qui cum Patre & ſancto Spiritu viuut & regnat in ſecula ſeculorum, Amen.

IN EODEM FESTO BEATISSIMI  
PATRIS NOSTRI DOMINICI, CONCIO  
quarta; quæ, post breuem Euangelicæ lectionis  
explanationem, clarissima eiusdem Patris mira-  
cula, ab eius incomparabili fide & charitate ma-  
nantia, preceset.

**T H E M A.** *Qui fecerit & docuerit, hic magnus vocabitur  
in regno celorum. Matth. 5.*

**Eccli. 42.**



**Pompo-  
nius.**

**M N I A** (inquit Ecclesiasticus) duplicia, vnum  
contra vnum, & non fecit quidquam deesse. His  
verbis, fratres charissimi, diuinæ prouidentiae sol-  
ertia declaratur, quæ videlicet nunquam defi-  
cit in necessarijs, quæque rebus noxijs salutare  
atque contrarias adiunxit, quæ illarum vim & nocumenta  
repellerent. Sunt quidem lupi gregibus insidiantes, sed sunt  
contra canes, gregem aduersus eorum rabiem tuentes. Sunt  
vipera hominibus infesta, est & theriaca præsentissimum con-  
tra vipers remedium. Sunt herbae noxiæ, morbos inferen-  
tes; sunt rursus salutares, morbos auercentes. Apud Orienta-  
les Indos, ac in ea præcipuè insula quæ Ceilam appellatur, ca-  
pillares colubri sunt, qui venenato morfu celeri morte interi-  
munt; at diuina prouidentia, vt huic præsentī periculo suc-  
curreret, eam regionem feracissimam esse quarundam arbo-  
rum voluit; quarum vel odore vel gustu ab hoc periculo homi-  
nes liberantur. Pomponius Cosmographus in quadam ex  
Fortunatis insulis duos fontes verè mirandæ & occultæ natu-  
ræ esse ait; ex quorum altero, si quis biberit, risu soluitur;  
cuius mali remedium est, ex altero bibere. Sed dicet aliquis  
forsitan: An non satius fuisset, si diuina prouidentia à noci-  
turs creandis abstinuisset, quàm si cum nocituris etiam pro-  
futura creasset? Minimè quidem; hac enim ratione non ita  
admirabilis diuinæ prouidentiae cura eluceret, quæ modò ma-  
nifesta est, dum tam varia & exquisita remedia aduersus tam  
multa incommoda excogitauit. Hac enim ratione, qualem  
nostri curam gerat, multis ac maximis argumentis declarauit.  
Quorsum hæc? Nempe vt in operibus etiam gratiæ, diuinæ  
prouidentiae solertiam agnoscamus. Cùm enim humana na-  
tura, propter commune originis peccatum, multis modis læsa  
& sau-

& fœciata fuerit, multis quoque medicamentis & remediis indiget. Inter omnia autē vitata naturæ mala, quatuor præcipue numerantur, nempe, cæcitas in intellectu, languor in voluntate, in libero arbitrio infirmitas, & in sentiendi appetitu variarum prurigo cupiditatum. Aduersus autem quatuor hæc mala, post sacramentorum medicamenta, diuini verbi ministerium cælestis medicus opposuit, quod præsentissimum malorum omnium remedium & medicamentum est. Sic enim de eo in libro Sapientiæ legimus: Non herba aut malagma sanauit eos, sap. 16. sed sermo tuus Domine, qui sanat omnia. Hoc igitur medicamento quatuor illa animæ nostræ vulnera sanantur; ideoque quatuor nominibus verbi huius ministri in hodierna sancti Euangelij lectione designantur. Primum enim, vt ab hoc incipiamus, sal terræ appellantur; quoniam appetitus, & cordis nostri pruriginem diuini verbi mordacitate & acrimonia à peccati corruptela præseruant. Deinde mundi lumen, & velut spiritualem solem eos vocat, qui eiusdem diuini verbi luce prauarum opinionum atque errorum tenebras à mentibus nostris discutiunt. Exinde verò illos ciuitatem supra montem positam esse ait; quoniam ipsi, cælestis doctrinæ virtute, nutantia infirmorum hominum corda, cum eos humani generis hostes adoriuntur, confirmant, quod planè faciebat ille de quo scriptum est; Nutantes confirmauerunt sermones tui, & genua Psal. 103. debilia roborasti. Postremò, lucernā ardentem eosdem nominat; quoniam algentia hominum pectora diuini amoris igne inflammant. Videtis ergo, fratres, verum esse quod Ecclesiasticus ait: Omnia duplicia, vnum contra vnum à diuina prouidentia conuenientissimè instituta fuisse. Eccli. 42.

Ceterum, quanta sit eorum dignitas qui hoc diuini verbi ministerio in Ecclesia funguntur, in sacra huius lectionis fine Dominus ostendit, cum ait: *Qui fecerit & docuerit, hic magnus vocabitur in regno celorum.* Quæ quidem verba summam Dei nostri bonitatem, summamque erga genus hominum charitatem maxime declarant; quandoquidem adeò magnum præmium alienæ salutis auctoribus proponit, vt inter principes & magnos viros in eo regno numerentur, in quo magnum esse summa dignitas & gloria est. Hac enim tanta gloria prædicatoribus constituta, non obscure declarauit, quanto salutis nostræ amore Matth. 5. teneatur. Sicut enim Rex, qui multa aureorum milia pollicetur ei qui homicidam aliquem prodiderit, hoc ipso quàm sit iustitiæ cultor & amator ostendit; sic, cum Dominus tam magnifica præmia iis qui aliorum salutem student, proposuerit, satis declarat, quantopere hominum salutem sitiat. Idem etiam non minus aperte ostendit, cum ad inferenda Sodome supplicia pergens, Simile.



Gen. 18. ait ad Abraham : Nunquid celare potero Abraham quæ facturus sum, cum futurus sit in gentem magnam? Amicorum maxime proprium est, arcanorum communio, quemadmodum Saluator ait: Iam non dicam vos seruos, quia seruus nescit quid faciat dominus eius. Vos autem dixi amicos; quia omnia quæcunque audiui à Patre meo, nota feci vobis. Ad hanc ergo tantam dignitatem sanctus ille Patriarcha euectus fuit, ut amicus Dei nominaretur, & esset; ideoque contra leges, & sanctissima amicitia iura se facturum Dominus insinuat, si consilia & arcana sua ab eo absconderet: unde ait: Non celare potero, &c. Unde verò hæc tanta dignitas? unde tanta gloria? Subdit causam: Scio enim quod præcepturus sit filiis suis, ut timeant Dominum. Hanc veluti præcipuam huius amicitia causam affert, quæ non modo in Episcopos, & Ecclesiæ Doctores, sed etiam in bonos patres familias (qualis ille erat) cadere potest, ut hinc intelligatis, qui seruorum aut filiorum greges habetis, quam lata vobis ad amicitiam Dei promerendam via pateat. Nec verò merces illa, quam Iacobus Apostolus præscribit, paruifacienda est; sic enim ait:

Ioa. 15. Qui conuerterit peccatorem ab errore viæ suæ, saluabit animam eius à morte, & operit multitudinem peccatorum. Cur hoc præmium, quod veræ penitentia proprium est, officio docendi tribuit? Nimirum, quia sicut is qui prauis consiliis alium inducit ad flagitia, flagitiorum eius particeps efficitur; ita qui alium reuocat ab illis, hanc à superno iudice mercedem percipit, ut ipse à suis quoque sceleribus liberetur. His igitur tantis præmiis propositis, fratres, hoc agamus, hoc diligentissime curemus, ut partium verbo, partim exemplo, partim piis admonitionibus, partim etiam precationibus alios ad sanio rem mentem perducere studeamus. Cum enim alienæ salutis negotium gerimus, nostram planè causam agimus; sicut scriptum est: Anima quæ benedicit, impinguabitur; & quæ inebriat, ipsa quoque inebriabitur. Hac autem ratione beatissimi Patris Dominici ingentes gratiarum opes & virtutes colligere licebit. Si enim qui fecerit & docuerit, magnus est habendus in regno cælorum ( hoc est in Ecclesia, quæ nunc contra hostes militat, & in ea quæ gloriosa de triumphato hoste trophæa reportat ) quam magnus utrobique erit, qui tot animarum millia, vitæ atque doctrinæ suæ ministerio tum per se, tum per Ordinis à se instituti ministros, Christo lucrificet?

## I.

Hanc autem singularem beatissimi Patris nostri magnitudinem declarat non solum eius vita sanctissime acta, sed etiā miraculorum magnitudo, quæ eiusdem sanctitatis, locupletissimus testis est. De his ergo, fratres, in præsentî cõcionè dicere institui; sed ita tamen orationem meam temperabo, ut non solum tan-

tarum

rarum rerum admirationem, sed multo magis imitationis cupiditatem animis vestris iniiciam. Quid enim nostra refert, præclara sanctorum gesta, virtutesque mirari, si vita nostra à sanctissimis eorum moribus institutisque abhorreat?

Principio igitur satis constat, tam multas esse causas, propter quas salutis & vitæ nostræ auctorem Deum diligere & colere debeamus, vt si omnes Angelicæ mentes in linguas verterentur, non modò pro dignitate explicare, sed nec percensere quidem eas & enumerare possent. Quia tamen varia sunt hominum ingenia, variæque mores & affectus, aliæ causæ alios mouere magis solent. Quosdam enim cælestis præmij spes & amor vehementer allicit; quo affectu sanctus ille rex aiebat: Inclinaui

Psal. 118.

cor meum ad faciendas iustificationes tuas in æternum, propter retributionem, pro quo Hieronymus ex Hebræo vertit, propter æternam retributionem. Sunt rursus alij, quos gehennæ metus vehementer concurrit, & ad officium inducit. Quod quidem de se D. Hieronymus in Epistola ad Eustochium de virginitate seruanda fatetur; in qua, vbi solitudinis & inediae suæ labores, quos in deserto pertulerat enumerasset (in quo cibus illi crudæ herbae, potus aqua, socij ferae & scorpiones erant) tandè ait; Ego ipse, qui gehennæ metu tali me carcere damnaueram, scorpionum tantum socius & ferarum, &c. Sunt autem alij, quos extremi iudicij metus, & horrendus ille tubæ sonus, quo sepulta omnium corpora excitabuntur, & ad præteritæ vitæ iudicium vocabuntur, illudque diuinæ sententiæ fulmen, Ite maledicti in

Hieron.

Hieron.  
ad Eustoch.

ignem æternum; magnopere perterrefaciunt, & à peccando cohibent, in hoc adeò tremendo fulmine feriantur. Alios verò quotidianæ mortis conspectus, & incerta mortis hora, & sepultura, atque defuncti cadaueris horror, & ratio in morte reddenda, & incertæ sortis metus plurimum mouet, & ad mundi contemptum inducit. Sunt alij, quos non tam harum rerum spes aut metus, quàm diuinorum beneficiorum, ac præcipuè Dominicæ passionis & redemptionis consideratio allicit, cum animaduertunt se totos debere illi, à quo, cum non essent, conditi; & cum perditj essent, non corruptibili auro & argento, sed pretioso eius sanguine redèpti sunt. Huius enim beneficii merito Apostolus fideles ad pietatis labores & certamina prouocat his verbis, Re-

Mat. 25.

cogitate eum qui talè sustinuit à peccatoribus contradictionem, vt non fatigemini animis vestris deficientes. Nondum enim vsque ad sanguinem restitistis, aduersus peccatu repugnantes.

1. Petr. 1.  
Heb. 12.

Hæc igitur quæ diximus omnia, haud dubium quin ingentes homini aculeos ad pietatē admoveant, cum satis ad hoc vel lingua esse deberent. Sed inter has tamen causas potentissima est Dei erga pros omnes amicitia & charitas, quæ ab inexhausto boni-

bonitatis eius fonte dimanat. Amorem enim beneficiorum omnium & primum, & maximum, & aliorum omnium causa existit. Quisquis enim verè amat, seipsum primò, deinde (quod est consequens) quæ sua sunt, ea elargitur. Quod quidè intelligens Ioannes Euangelista, cum se Apostolum, Prophetam, Euangelistam, & virginem, Virginisque matris adoptionis filium appellare potuisset, his magnificentissimis titulis silentio premissis, ubique se discipulum quem diligebat Iesus, appellat; ut qui probè nosset, omnia alia dignitatis insignia hac vna dignitate contineri.

Ioan. 21.

2 Reg. 18

Qua autem dilectione pios Dominus prosequatur, neque vlla ratione prædicari, neque vlliùs amoris comparatione comprehendì potest. Quamvis enim sponsi erga amantissimam sponsam, & parentum erga filios amor maximus sit (quod Dauidis erga parricidam filium amor ostendit) & quicumque alij sint his etiam vehementiores; argenti tamen, si cum Dei erga amicos suos dilectione conferantur.

Ceterum ex immensa diuinæ bonitatis magnitudine huius summæ dilectionis coniecturam facere possumus. Cum enim eximæ bonitatis proprium sit, bonos diligere, quoque bonitas maior est, hoc sit vehementior hæc dilectio; qua, quæso dilectione bonos diligit, cuius ineffabilis, incomprehensa, & infinita bonitas est? Veruntamen ex donis, atque magnificentissimis beneficiis, quibus Dominus amicos suos honorat, huius dilectionis coniecturam facere licet; cum dona hæc velut scintillæ quædam sint, quæ ex huius dilectionis fornace emicant. Cuius rei cum tot nobis exempla suppetant, quot sancti ab origine mundi ad hanc usque ætatem exstiterunt, in quos Dominus magnificentissima dona & beneficia contulit; vnum tamen beatissimi Patris Dominici in medium proferam; cuius clarissima signa & miracula incomparabilem Dei nostri ergo suos amicitiam apertissimè declarant. Quid enim illi diuina charitas & benignitas contulit? immo verò quid non contulit? Is namque & dæmonibus potenter imperabat, & omnis generis morbos sanabat, pluuiis & imbris imperabat, peregrinis linguis eloquia Domini prædicabat; futura multa prophetico spiritu prædixit, obdurata hominum corda potenti virtute ac precibus flexit & emolliuit. Sed quoniam hæc generatim dicta minus fortasse moueant animos, ad singularia miraculorum eius opera descendamus; quibus apertè intelligemus, quo honore amicos suos Dominus prosequatur, quamque verè ab eodem Domino dictum sit: Quicumque honorificauerit me, glorificabo eum. O si quicumque seculi honores ardentè exquiritis, huius honoris ambitione flagraretis.

1. Reg. 2.



## II.

Mitto igitur communia hæc miracula, quibus sanitates egris reddita fuerunt : ad mortuos quos vir sanctus ad vitam reuocauit orationem conuertamus ; à minoribus ad maiora transitum facientes. Quodam in loco fratribus in structura laborantibus, architectum quendam conductitium in crypta moles superne dissoluta contriuit, & sub tanto pondere diu iacentem penitus exstinxit. Concurrent fratres ad miserabile spectaculum, summo dolore affecti. At pius Pater Dominicus, & inopinatæ mortis casum vehementer miserans, & filiorum morientium afflictionem non ferens, extinctum cadauer è cauerna ad se iussit deportari, fuisque precibus mox illum & viuum & incolumem restituit, & tristes filios gaudio & cōsolatione affecit. Qualis ergo fides illa atque fiducia de diuina benignitate fuit, quæ mortuum hominem, atque ruina ipsa attritum, tam facile potuerit vitæ integrum reddere ? Addam aliud simile, nec minus tamen mirandum. Erat Romæ matrona quædam vidua, quæ mira erga beatum Dominicum deuotione ferebatur. Habebat autem filium vnum paruulum, mala affectum valetudine. Cumque vir Dei in Ecclesia concionem habiturus esset, matrona hæc desiderio audiendi verbum Dei ex ore eius, relicto filio, venit ad concionem. Ea finita, domum reuertens, filium exanimem inuenit ; sed immodicum dolorē ex eius morte conceptum silentio premens, & tum de Dei virtute, tum de beati Dominici meritis fiduciam concipiens, assumptis ancillis suis, tulit filium ad Ecclesiam sancti Sixti, vbi tum vir sanctus cum fratribus morabatur. Inuenit autem virum Dei stantem ad fores domus, quam Capitularem vocant, tanquam ibi aliquem expectaret. Vt verò illum vidit, misit filium defunctum ad pedes eius ; & prostrata corā illo cum lacrymis orabat, vt sibi filium restitueret. Dolens ergo ex animo vicem eius vir misericors, secessit paululum ab ea, humique se abiiciens, breues Deo preces obtulit. Mox surgens accessit ad mortuum, crucis in eum signum expressit ; manuque eius apprehensa, sanum & incolumem erexit, reddiditque matri eius, præcipiens ne hoc ad vllius notitiam perferret. Illa verò cum ingenti gaudio discedens, benescium Dei, quod in suscitato filio acceperat, iucunda & gloriari in Domino aliis indicauit, sic vt etiam ad Pontificis aures perueniret. Qui sanè exultans, & donis Dei gratulans, quæ ipsius tempore extitissent, decreuit vt omni populo id pro concione exponeretur. Sed verus humilitatis cultor Dominicus obstitit, protestans, si id fieret, se mare transmissurum, nec vquam deinceps in hisce regionibus moraturum. Remisit igitur summus Pontifex decretum suum. At quanto vir Dei profundius

dius se abicere nitebatur, tanto prapotens Deus eum sublimius erigere pergebat.

Quo exemplo, fratres, non solum miram fidei virtutem, quæ in beatissimo Patre fuit, sed etiam humanæ gloriæ periculum intelligere licet; cum eam vir sanctissimus, & supra firmâ Evangelij petram stabilitus, usque adeo exhorruerit, ut mare transire, & in ultimas terrarum oras fugere decreuerit, ne opus illud, (quod tantâ ei gloriâ allaturum fuisset) euulgaretur. O quàm dissimilia sunt carnalium & spiritualium hominum studia! Nos inanem gloriam per tela, per ignes, terra marique conquirimus; hic autem vir diuinus solidam gloriam, ceu pestem quandam, terra marique fugere destinabat.

Sed quanto magis ille gloriam propter humilitatis custodiam fugiebat; tanto maiore illum Dominus honore prosequabatur. Oblata est igitur illi occasio, qua magnificentissimum aliud miraculum occultari non potuit. Contigit enim virum Dei apud sanctum Sixtum cum tribus illustrissimis Cardinalibus, eiusdemque domus Abbatissa, & cunctis monialibus de eandem institutione tractare. Ecce autem his omnibus cum sancto viro astantibus (ut ea res diuinitus gesta evidenti miraculo declaretur) vir quidam eiulans, & comam vellens, voce horribili exclamavit: Eheu, eheu. Cunctis exterritis, & sciscitantibus quid haberet; respondit: Nepos Stephani Cardinalis ab equo cadens mortuus est. Dicebatur is Neapoleon. Ea re prorsus inopinata & miserabili Stephanus Cardinalis patruus eius attonitus atque percussus, in beatum Dominicum caput reclinavit, alij verò excipientes sustulerunt eum. At sanctus Pater surgens, aquâ benedictâ in Christi nomine ei aspersit. Porro frater Tancredus dixit ad virum Dei: Vbi est pietas tua Pater? vbi nunc fides in Dominum? Cur pro salute adolescentis non oras Deum? Dum vir Dei egressus, ibat ad cadaver, miseranda concussione, & immodica dissipatione horribiliter deturparum. Iussit autê illud in quasdam ædes in ferri; porro F. Tancredo, & aliis qui cum ipso erant, dixit ut pro sacrificio offerendo altare sibi præpararent. Ibant ergo Cardinales cum suis, & Abbatissa cum Sanctimonialibus ad locum ubi vir beatus erat hostiam salutarem immolaturus. Cum autem iam astaret ad aram cum summa, ut solebat, reuerentia, immenso perfusus est lacrymarum imbre, Spiritu sancto flante: cumque corpus Christi purissimis manibus in altum eleuaret, cunctis qui aderant spectantibus & stupentibus, ipse pariter cubiti vnus altitudine à terra eleuatus est, corpus terrenum & graue animi deuotione & spiritu gratiæ sursum attollente. Oblationis inde ministerio piissimè peracto, vir beatissimus ad corpus defuncti, Domini misericordiâ imploraturus, accessit. Sequeban-

tureum Cardinales cum famulis suis, item Abbatissa cum sororibus suis, cum merore & fiducia; quid in sui nominis gloriam Dominus facturus esset ignorantes. Stans autem vir piissimus ad corpus extinctum, caput, & cætera membra conquassata, ipsosq; pedes manu sua contrestauit. suis locis accuratè & commodè omnia componendo. Deinde ad preces iuxta feretrum se contulit. Cumq; hunc in modum secundo & tertio fecisset, surgens ab oratione, signo crucis eum consignauit; stansq; ad caput defuncti, sublati in cælum manibus, diuina virtute ipse plus quàm cubito vno, suspensus in aëre, magna voce clamauit: Adolescens Neapolcon, in nomine Domini nostri Iesu Christi tibi dico, surge. Confestim videntibus cunctis, qui ad tam grande spectaculum confluxerant, sanus & incolumis surrexit, dixitq; ad virum Dei: Pater, da mihi quod edam. Moxq; vir pius dedit ei cibum & potum; sanumq; & hilarem, nec vllum contriti corporis vestigium habentem reddidit venerabili viro Stephano Cardinali. Iacuerat exanimis à manè vsque ad horam nonam. Quàm multa sunt, fratres, quæ in hoc diuino opere mirari possumus! Et quidem, ne cui de hoc tanto ac tam insolito miraculo vlla dubitatio subrepat; meminerit illud non in angulo, aut intra priuatos parietes, sed in frequentia ac luce populi Romani gestum fuisse. Nam & de casu ac morte adeo nobilis adolescentis rumor per totâ urbem perlatus est. Excitationi autem eius tres Cardinales, totidemque eorundè familiæ, & magnus ille virginum cum Abbatissa sua chorus interfuerunt. Quis igitur adeo impudens esset, qui ea tempestare hoc miraculum fingere potuisset, cuius testimonio tot testes, tam multi, tamq; idonei refragari potuissent? De hoc igitur opere, quamuis adeo stupendo atq; mirabili, nulli sane mentis homini dubitare licet. In quo quidem cum multa sint admiratione dignissima; illud ego cum primis admirandū iudico, potuisse virum sanctum in tanta spectatōrū frequentia sic à sensibus abstrahi, & in Deum eleuari, vt corpus etiam simul cum spiritu à terra sublatum in aëre penderet. Si hoc enim illi aut in solitudine aut in abditissimo loco degenti contigisset, vbi nihil esset quod orantis mētem interturbaret, non adeo mirum esset; sed quod in media populi turba posito hoc illi contigerit, id verò maximè mirabile est. Si enim magnus ille Antonius orientem solem accusabat; quod eius luce oculi corporearum rerum obiectu intentionem animi eius aliquatenus impedirent, cum is tamen in deserto vitam ageret; si beatus item Siluanus, dum hortulum foderet, oculos ita contegebat, vt terram solum adspiceret, ne per alia diffluentes oculi animi eius intentionem à Deo auocarent: cuius admirationis est, beatum Dominicum tanta spectatōrum mul-



multitudine astante, & rei exitum expectare, potuisse sic mentem suam colligere, & omnes animæ suæ vires sic ad interiora reuocare, vt ipsum etiam graue ac ponderosum corpus à terra eleuaretur, hoc mihi planè non minùs mirum, quàm defuncti corporis suscitatio videtur. Et quidem apparet virum sanctum diuina reuelatione prauidisse, mortuum illum esse in omnium conspectu ad vitam reuocandū; quo miraculo omnipotēs Deus vellet & multorum fidē confirmare, & Ordinis à se instituti gloriam illustrare, & seruum suum magnificētissimo illo opere honorare. Qua quidē diuina bonitatis dignatione vir sanctus vsque adeo in conditoris sui amorem exarsit, vt graue corpus spiritum ad supera in amplexus cælestis Sponsi tendentem sequeretur. Cur enim ardentissimo amore non flagraret, qui se Dei filio, Lazarum à mortuis excitanti, similem quodammodo fieri cerneret? Si enim idem filius Lazarum ad vitam reuocaturus, ob insigne illud miraculum, quo erat eius gloria illustranda, eleuata voce gratias egit cælesti Patri, dicens, Pater gratias ago tibi, quia semper me exaudis; quo mentis ardore beatus Dominicus eidem Patri gratias egit, cū se in hoc opere Dei filio, & vniuersorum hæredi similem quodammodo fieri vidit. Hoc etiam exemplo diuinæ providentiæ curam atque sollicitudinem animaduertere licet, cuius est attingere à fine vsque ad finem fortiter, & disponente omnia suauiter. Volebat enim humanæ salutis amator Dominus in Ecclesia sua nouum Ordinē institui, cuius professores studium suum ad animarum salutem conferrent; ideoq. eius Ordinis auctore & parentem hac tanta signorū claritate voluit apud homines illustrare, vt parentis gloria in Ordinis à se instituti gloriam & firmamentum cederet. Olim quidem Dominus Duci Iosue, quem ipse populo suo præfecerat, Iordanis aquas ad eius imperium sursum reflecti voluit, quò populus per arentem alueum transiret; vt hoc nouo miraculo eius populi fidem atq. obedientiam erga illum stabiliret; itaque ad illum ait: Hodie incipiam exaltare te coram omni Israël, vt sciant quòd sicut cum Moyse fui, ita & tecum sim. Cū igitur beatissimus Pater intelligeret, voluisse Dominum hoc nouo & insigni miraculo & seruū suum, & Ordinis à se instituti gloriam illustrare; tanto erga illum amore exarsit, vt eius mens hac adeo mirabilem in omnium conspectu exstasim pateretur. Hac enim ratione præclara Sanctorum cœpta felices exitus fortuntur. Deinde illud etiam considerandum est, quia se religione vir sanctus ad hoc opus antè parauerit. Eliseus Propheta psalterium ad se adduci præcepit, vt suauis illa modulatione mens eius in Deum sublata, diuina acciperet responsa. At beatus Pater Dominicus ad fontem gratiæ, hoc est, ad Eucharistiæ sacramentum accessit;

Ioan. 11.

Sapient. 8.

Iosue 3.

4. Reg. 3.

accessit, in cuius celebratione, lacrymarum flumina ex charitatis ardore emanantia ab eius oculis frequentissimè erumpebant; & ad illud omnes qui variis calamitatibus premerentur, confugere docuit. In quo opere illud etiam mirabile est, quòd vir sanctus flagrantissimo miserationis affectu humanæ gloriæ metum superavit. Qui enim paulo antea, cum puerum infantem à morte excitasset, & Pontifex Maximus ingens illud miraculum ad fidei confirmationem promulgari voluisset, & vir sanctus adeò ægrè hoc tulisset, vt se maria transmissurum minatus fuerit, si miraculum illud in publicum proderetur; modò ingenti miserationis affectu superatus, periculum illud, diuina ope fretus contempsit: nec spe sua fraudatus est, qui tam mirabili ac stupendo opere in media vrbe Roma spectantibus Cardinalibus edito, nullo humanæ gloriæ affectu eius mens aspersa fuit. Quis igitur non hic apertè videat, virum sanctum in mundo agentem, mundo penitus mortuum soli Deo viuere? Felices vos fratres, qui talem parentem habetis; sub cuius institutis & disciplina militatis; felices, qui talem apud Deum aduocatum atque patronum nacti estis; felices, qui hoc tantum fidei atque virtutum omnium exemplar ante oculos positum habetis; si tamen vitam vestram huic exemplari conformare studeatis; ne illos imitemini, qui cum de Abrahamo patre gloriarentur, Abrahæ opera sectari detrectabant. Hæc autem sancti viri humilitas eo mirabilior existit, quòd ex eo tempore râtæ venerationi hominibus fuit, vt quocunque pergeret, certatim ad eum omnes current, vestiumque oras ita discinderent, vt vix illius genua vestis regeret. Cumque socij eos qui hoc facere tentabant, à viro sancto repellerent, ille ad socios conuersus, Sinite, inquit, illos fidei suæ satis facere.

Ioan. 8.

Quamuis autem opus hoc admirationem omnem superare videatur; dubius tamen animi sum, an, quod modò subiiciâ, sit mirabilis. Cuidam enim religioso Patri, illiusq. familiari amico, secretò reuelauit, se nihil vnquam à Dei benignitate petiuisset, quod assecutus non fuerit. Hoc autem quid aliud est, quàm hominem quodammodo omnipotentem fieri? Quis igitur hoc exemplo nò apertè videat, verum esse quod Propheta dicit: Oculi Domini super iustos, & aures eius in preces eorum; & quod idem Dominus per Isaiam pollicetur, cum ait: Tunc inuocabis, & Dominus exaudiet; clamabis, & dicet, Ecce adsum? Quàm promptam vir sanctus obediētiam Domino exhibebat, quàm promptam erga se Domini misericordiam experiebat! Hoc enim idè miraculis ceteris mirabilis esse dixi, quòd hoc non semel atque iterum, sicut cetera miracula, sed frequenter ipsi contigerit.

psal 33.

Isaia 56

Tom. 6.

HH

III. Sunt

Sunt autem alia minora, quæ tamen diuinæ erga illum charitatis, & paternæ prouidentia clarissima indicia sunt. Quo enim minora erant, quorum summa illa maiestas curam gerebat, hoc maiorem erga illum dilectionis vim ostendebat. Cum vir sanctus prædicando discurreret, crebrò fluuiolum Aregiam pedibus transibat. Accidit autem, vt libri, quos in sinu ferebat, dum se succingeret, in medias aquas laberentur. Tum ille benedicens Deum, cuidam religiosæ matronæ id indicauit. Tertio die piscator, capiendis illic piscibus intentus, cum se speraret grâdem piscem hamo extracturum, libros extraxit vsque adeò inuolatos, ac si in bibliotheca asseruati fuissent. Quod miraculum ea res mirificè amplificat, quòd nec pannum, nec quicquam munimenti habebant codices, præter beati viri merita. Eos matrona cum ingenti gaudio Tolosam misit seruo Dei. Addam aliud huic non dissimile miraculum. Traiecit quandoque cum multis aliis vir sanctus quendam fluuium. Is autè qui eos transeuerat, importunè denarium ab illo pro nauulo exigebat. Respondit ei vir sanctus, Seruus Dei sum, & discipulus Iesu Christi. Argentum & aurum nõ est mihi; mercedem regni cælorum tibi promitto. Quod miser ille vilipendens, institit acrius, & sanctum vi per cucullam trahens, Aut cucullam, inquit, hic relinques, aut denarium persolues. Tum ille sublatis ad cælum oculis parumper intra se orauit; moxque in terram aspiciens; denarium diuino nutu illic iacentem vidit, aitq. homini, Ecce, frater, tolle quod petis, & me liberum in pace dimitte. His exemplis, fratres, animaduertere licet, qualem superna illa maiestas filiorum suorum curam & prouidentiam gerat; quippe quæ non ad maiora solum, sed ad minima etiam eorū negotia curanda sese demittere non dedignetur. Quæ mihi non tã prouidentia, quàm materna quædam suauitas & indulgentia esse videtur. Seneca, acerrimus alioqui inter Stoicos prouidentia defensor, nequaquam tamen eam ad minutissima quæque prouidenda descendere arbitratur; itaq. ait: Nunquid à Deo sperandum est, vt bonorum virorum sarcinas seruet? At diuersum planè his exemplis animaduertimus, cum Dominus serui sui res minimas, hoc est, amissos libellos, quos sinu gestabat, duplici miraculo, & à piscatore inuentos, & ab aquarum humore intactos illi restituendos curauerit; & nauulum etiam, vt exactiori flagitanti satisfacere, cælitus prouiderit. Ceterum quo vir sanctus charitatis ardore æstuauerit, quo spiritus gaudio exultauerit, cum his argumentis talem erga se omnipotentis Dei curam & prouidentiam contemplantus est, non est facultatis nostræ hoc verbis consequi. Nec minus tamen sancti Patris spes, quàm charitas his miraculis

ad. 3.

Seneca.

lis



lis aucta est. Quid enim à Deo non speraret, qui tantam hanc eius erga se benignitatem & indulgentiam experiebatur? Quo enim studio curaret maiora, qui in his etiam minimis sic fideli seruo suo prospiciebat?

Quid igitur ex his quæ hæcenus dicta sunt, colligere licet, fratres? Multa sanè, si in his Domini operibus philosophari rectè sciamus. Constat planè salutis nostræ fundamentum & initium in diuinæ bonitatis cognitione positum esse. Eius enim consideratio ad ipsius amorem (in quo Christianæ vitæ summa constituta est) nos vehementer accendit. Hanc autem bonitatem, dum in hac vita sumus, & per fidem, non per speciem ambulamus, per maxima illa beneficia quæ in bonos confert, præcipue cognoscimus. Quanta enim illa bonitas est, quæ bonos viros tanto amore prosequitur, quæ tam sollicitam eorum non in magnis solum, sed in minimis etiam curam gerit, quæ sic demones, sic omnis generis morbos, sic insuperabilem mortem, sic postremo elementa omnia, & naturæ leges, quæ solius Dei imperio patent, eorum imperio & voluntati subiecit! Si enim amoris magnitudo magnificis operibus & beneficiis agnoscitur; quo pios Dominus amore complectitur, quando quæ sibi vni reservauit, in illos confert: ut hac ratione aperte doceat, amicis suis bona quoque sua esse communia! Ad Regum filios pertinet, ut in paterna domo famuli omnes filiorum imperio perinde atque parentis obtemperent. Hunc autem honoris principatum Dominus amicis suis confert, ut in amplissima huius mundi domo, quam Deus inhabitat, cuius famuli omnes creaturæ sunt, sic eæ omnes amicorum Dei præceptis, atque ipsius conditoris imperio pareant. Quid igitur hoc esse dicam, nisi homines ipsos, hoc est, exiguos vermiculos ad supremæ diuinitatis consortiū euehere? Quia enim illi se totos conditoris sui obsequio tradiderunt, ipse vicissim se illis totum tradidit: quia illi se fideles erga illum seruos præstiterunt, ipse fidelem se illis Dominum exhibet: quia illi filiorum affectu Deum ut parentem dilexerunt, ipse illos ut charissimos filios paterno prosequitur affectu: quia ipsi sanctissimam eius voluntatem plenissimè impleuerunt, ipse contra erga eos implet, quod per Prophetam pollicitus est, cum ait: Voluntatem timentium se faciet, & deprecationem eorum exaudiet, & saluos faciet eos. Denique quia ipsi nihileius amori præculerunt, non opes, non honores, non voluptates, non patrem, aut matrem, aut filios, non postremo vitam ipsam: ita is nullam inferioris huius mundi creaturam ab eorum obsequio exemptam esse voluit. Quis igitur tam ferreus esset, tamque sui ipsius inimicus, ut hanc tantam Dei erga se amicitiam non tota animi contentione atque ardore expectat? Quis hanc tantam summi

1. Cor. 9.

Simile.

Psal. 144.

Dei bonitatem & fidem erga suos non tota mente, totisque viribus diligat? Quis in tantæ huius pulchritudinis amorem, si quidem id fieri posset, non se totum convertere studeat? O mortalium avaritia, quæ tantum peritoris & caducis rebus inhias! O ambitio, quæ tanto ardore fuitiles honores, & variantis fortunæ ludibria conquiris; cum tamen has tantas divinæ bonitatis & magnificentiæ opes fastidias! Quid hoc aliud est, quam iumentorum more inanes paleas & fœnum auro & margaritis anteferre? Sed dicetis forsitan: Hæc tam magnifica privilegia, quæ hæcenus percensuisti, non omnium, sed paucorum, hoc est, sanctissimorum virorum sunt. Sit ita sanè: sed ea tamen, quanta sit illa bonitas, quanta erga pios charitas, quæ totum nostrum amorem suo sibi iure vèdicat, apertissimè declarât. Non excitabis mortuos, sed tamen ille te in peccatis mortuum, sempiternæ morti addictum, si ad illum conversus fueris, suscitabit: non sanabis ægrotantiû corpora, sed is tamen lethalia animæ tuæ vulnera sanabit: non fugabis à corporibus obsessis dæmones, sed (quod est multo salutarius) ab anima tua eos pellet. Quamvis igitur ad aliorum salutem miracula patrare tibi minime concedatur: hæc tamen paterna Dei cura & providentiâ, quæ ad tuam ipsius salutem maximè pertinet, tibi parata & promissa est. Nec ad hoc in longinquas oras proficisci, aut maria transmittere, aut ingentes opes insumere necesse est. Hoc enim tantum opus in tua modò volûnate situm est; si vitis repulsam dare velis, si divinis legibus obedire constituas, si non peccata modò, sed omnes etiam peccandi causas fugias, si assiduis precibus misericordiam Domini depreceris, si ad sacramentorû, hoc est, cælestium medicamentorum opem & medelam confugas, si panem tuum esurienti tribuas, si pravas dæmonis suggestiones in ipso primo aditu atque congressu celeriter abs te abigas. His enim rebus in gratiam & amicitiam Domini recipieris, & in ea stabilieris; ac sic tandem ad sempiternæ hæreditatis gloriam, quæ fidelibus Dei servis in cælo parata est, feliciter pervenies.

IN FESTO B. LAVRENTII, CON-  
CIO PRIMA; IN QVA POST EVAN-  
gelicæ lectionis explanationem, laborum tole-  
rantiam atque patientiam, ad virtutem & sempi-  
ternæ gloriæ coronam obtinendam esse necessa-  
riam, multis rationibus, & præcipuè beatissimi  
Laurentij Martyris exemplo comprobatur.

THEMA. *Qui amat animam suam, perdet eam; & qui  
odit animam suam in hoc mundo, in vitam æternam cu-  
stodit eam. Ioan. 12.*



**O**DIerna sancti Euangelij lectio, fratres  
charissimi, Dominicæ passionis fructum, simul  
& exemplum quod imitari debeamus, breuiter  
exponit. Huic autem doctrinæ tradendæ Gentiles  
quidam, qui ascenderunt ut Dominum in Ierusa-  
lem adorarent, occasionem Domino præbuerunt. Hi namque  
audita mirabilium operum eius fama, eiusque videndi deside-  
rio incensi, Philippum adiungere, hoc illi desiderium suum decla-  
rantes, Philippus autem hoc ipsum Andreæ significauit, &  
vterque Domino. At Dominus, qui altissima semper mysteria  
animo versabat, hac occasione, hoc est, pio Gentilium desiderio  
commotus, de Gentium conuersione, quæ sacratissimæ passio-  
nis suæ merito & sacrificio iam iam perficienda erat, disserere  
cepit his verbis:

*Amen dico vobis, nisi granum frumenti cadens in terram mortuum fue-  
rit, ipsum solum manet: si autem mortuum fuerit, multum fructum adfert.*  
Appositissima comparatione seipsum frumenti grano in terram  
iacto similem facit. Ut enim huiusmodi granum, nisi moria-  
tur, ipsum quidem integrum manet, nullum tamen alium fru-  
ctum profert; at si gremio & humore terræ conforum intereat,  
& radices altius iaciat, calamis & culmo erigitur, & vberem ex  
se messem profert: ita si granum illud, quod ex cælesti horreo in  
terram decidit, integrum, hoc est, à morte & crucis supplicio li-  
berum permansisset, ipsum solum inter homines æterna salute  
potiretur; at si per passionis & mortis suæ sacrificiū scelera no-  
stra expiauerit (quæ aditum nobis in cælestes illas sedes inter-  
cludebant) innumerabiles secum homines felicitatis & gloriæ



suæ consortes, passionis suæ merito effecerit. Non enim pecudum strage ( quæ ex natura sua nullius apud Deum meriti est ) sed pretiosi corporis & sanguinis sui oblatione litauit ; in qua ( præter infinitam offerentis personæ dignitatem ) perfectissima obedientia, altissima humilitas, flagrantissima erga Deum & homines charitas, insuperabilis & inuicta patientia, & plenissima erga miseros misericordia mirabiliter eluxerunt. Quæ quidem virtutes gratissimæ cælesti Patri fuerunt; qui solo virtutum & sanctitatis suauissimo odore mirificè pascitur & oblectatur. Huius igitur tanti sacrificij merito, hominibus ( quibus primi parentis vitio insensus fuerat ) placatus, propitius iam & amicus effectus, amici in illos officia exercere cœpit, dum omnes in eos gratiarum & donorum suorum opes atque thesauros copiosissimè effudit. Vnde factum est, vt barbaræ immaneshue nationes feris moribus, & diis commenticiis repudiatis, se Christi seruatoris sui imperio adiungerent, & pietatis ac veræ religionis cultu, meritisque virtutum sempiternam sibi salutem compararent: & illius gloriæ participes efficerentur, cuius meritis & sanguine à diaboli seruitute, & peccati iugo redemptæ fuerant. Hic est igitur copiosus ille electorum omnium fructus, qui ex caelestis huius grani morte consecutus est; qui omnes hoc tantum salutis suæ beneficium vni illi acceptum referētes, in Apocalypsi

Apoc. 5.

Ioannis magna voce clamant: Redemisti nos Domine in sanguine tuo ex omni lingua, & populo, & natione ; & fecisti nos Deo nostro regnum & sacerdotes, & regnabimus super terram. Subdit autem illico Dominus: *Qui amat animam suam, perdet eam; & qui odit animam suam in hoc mundo, in vitam æternam custodit eam. Quorsum hæc?* Opportunè admodum, ad multorum videlicet errorem eliminandum; qui existimant, ita salutem suam à Christi Domini passionis merito constitutam fuisse, vt sine vilo suo labore & pietatis cultu se illam adepturos arbitrentur. Hos ergo admonet, illis quoque exemplo suo laborandum, & quatenus cuique licuerit, carnem suam cum vitis & concupiscentiis esse crucifigendam, & salutari odio prosequendam. Hoc enim mentibus vestris altissimè infixum esse vellem, fratres, tria potissimum in Christi Domini passione esse diligēter cōsideranda, & quid vnumquodque eorum à nobis exigit, ponderandum; nempe sacrificium, beneficium, & exemplum. Et quidem sacrificio, Dei Filius patrem placauit; beneficio autem homines ad sui amorem pellexit; exemplo autem suo ad virtutum suarum imitationem cōpulsit. Sacrificio igitur spes nostra roboratur; beneficium charitas accenditur; exemplo autem patientia eius ad imitationem inuitamur. Ad hoc verò postremū nos hortatur, cum subdit, *Qui mihi ministrat, me sequatur.* Sequimur autem Domi-

Galat. 5.

num

num non gressibus corporis, sed passibus mentis, hoc est, imitatione laborum atque virtutum; vt videlicet quemadmodū ipse amplexatus est crucem, vt obedientiam Patris impleret, ita nos <sup>2. Cor. 4.</sup> crucis mortificationem in corpore nostro circūferamus, vt diuinę legis precepta fideliter exequamur. Huius igitur doctrinę summa est, vt quoniā Christianę vitę finis in charitate positus est, nihil autem, post lethale peccatū, charitati magis quā immodicus sui amor obstitit: aduersus hunc amorem sic arma capiamus, vt pro hoc amore sanctū nostri odium mentibus nostris infigamus. Hoc enim dominante, perfectus Dei amor locum in nobis habere non potest. Quod quidem euidenter fiet, si vtriusq. amoris collatione facta, quantum inter vtrumque intersit, inspiciamus. Primum enim Dei amor omnes vitę actiones in Deum, tanquam in vltimum vitę finem, refert: amor autem sui quę agit omnia, ad seipsum dirigit, seque vltimum vitę suę finem statuit. Ille solam Dei gloriam, cum sua etiam ignominia, capiat; hic nullam diuini honoris, sed sui tantū curam gerit. Ille prius vitam, & omnia vitę comoda quā charitatem amittere paratus est; hic cuiusuis vtilitatis gratia diuinās leges violare non veretur. Ille castigat corpus suum, & in seruitutem spiritus redigit; hic totus in oblectāda carne molliterq. tractanda semper intentus est. Ille soli Deo, iste totū carni & seculo placere & obsequi cupit. Ille diuinis eloquiis, sacrisq. lectionibus, & precibus pascitur; huius omnia diuina eloquia, omnisq. spiritualium rerum commentatio tædio & fastidio est. Ille suauiter & iucundē cum Deo, tāquam cum amico dilectissimo, loquitur & conuersatur; hic ab omni hac suauitate & consuetudine alienus est. Ille grauib; & seriis rebus; hic iocis & lusiis semper intentus est. Ille cælestia atq. diuina; hic terrena solum cogitat. Ille silentio; iste loquacitate gaudet. Ille publicum fugit, & solitudinē amat, vt solus soli Deo vocare possit; iste frequentā diligit, vt inter homines humana solum atq. terrena tractet. Hinc in sanctissimis quibusque viris tantus ardor ab hominibus secedendi, & deserta loca penetrandi existit, vt diu noctuq. diuinę pulchritudinis contemplatione sine vllō impedimēto vacarent. Cuius rei memorabile, inter alia, exstat beati Arsenij exēplum: à quo cū Theophilus Alexādrinę vrbs Episcopus, eiusq. socij sermonem aliquem spiritualis doctrinę postulassent, ille facturum se respondit, si sibi, quod ab eis peteret, cōcederetur. Illis annuētibus ait, Hoc à vobis flagito, vt vbiq. Arsenium esse audieritis, eō nunquam accedatis. Cumq. iterū idem Theophilus facultatem illius adeundi per nuntium petiisset, ille respondit, Quod postulas concedam, sed hoc tamen loco cedam. Cur autē <sup>1. Cor. 5.</sup> vitæ sanctus se ab hominibus adiri adeo agrē pateretur, breui

responsio declarauit. A quodam enim Abbate interrogatus cur id faceret; se cum Deo & hominibus simul omnino esse non posse respondit; vsque adeo vel modica alicuius interpellatione se à diuinæ contemplationis dulcedine auocari indignè ferebat. liquet igitur ex hac tam longa collatione, quantum inter Dei suiq. ipsius amorem intersit. Atque vt paucis rem omnem absoluam, Dei amor virtutes omnes, sui autem immodicus amor omnia vitia parit. Verissimè enim à D. Augustino dictum est: Radix bonorum omnium charitas: radix verò malorum

August.  
1. Tim. 6.

omnium, cupiditas. Vnde consequens est, vt nulla ratione vterque amor in eadem simul mente cohabitare possit: ideoque alter pellendus est, vt alteri locus sit. Expelli autem amor nostri non potest, nisi spiritualem crucem & mortem mètibz nostris affigamus; tunc enim animus noster verè Deo viuitt; cuius vita in charitate est, cum sibi fuerit mortuus. Quisquis enim Deum diligit, viuitt; qui non diligit, mortuus est. Quocirca rectissimè

Ioan. 12.

cælestis magister ait: *Qui amat animam suam, perdet eam*: hoc est, qui immoderato amore corporis vitam diligit, seque totum illius obsequio & voluptati tradidit, is planè non vitā animæ solum, sed corporis simul cum anima vitam sempiternā morti addicit. *Qui verò odit animam suam*; hoc est, qui salutari sanctoque odio carnem suam prosequitur, qui eius semper cupiditatibus obsistit: qui turbidos illius motus & impetus frangit, qui eam ieiuniis & inedia subigit & macerat, ne aduersus spiritum insolescat, & sessorem excutiat; hic planè carnem simul cum spiritu ad sempiternā vitā seruat. Hinc D. Bernardus quibusdam seculi hominibus, qui monachorum eius abstinentiam & asperissimum vitæ cultum accusabant, quòd videlicet seipsos odio habere videretur (quippe qui hostili odio corpora sua prosequi viderentur) prudentissimè respondit, Vos, inquit, estis qui corpora vestra odio habetis; quandoquidem propter temporariam & exiguam voluptatis illecebram, ad acerbissimam eam mortem nullo vnquam tempore finiedam damnatis. Sic igitur

Bernard.

perditi homines cum seipsos nimium diligunt, oderunt; contrā verò pij, cum seipsos salutari odio prosequuntur, verissimè diligunt. An verò seipsum D. Hieronymus odio habebat, cum se, vt ipse ait, gehennæ metu, asperissimo vitæ cultu quasi ad carcerem damnauerat? Immo verò tunc se maximè diligebat, cum temporaria pœna æternam euadere curabat. Hoc item modo se ipsos (vt Ioānes in Apocalypsi ait) sancti Martyres odio habuerunt; qui non dilexerunt animas suas vsque ad mortem, hoc est, qui corporis vitam propter fidei confessionem perdiderunt; ideoque sempiternam vitam pro temporaria percipere meruerunt. Quod plenissimè beatissimus Laurentius præstitit, qui

Hieron.

Apoc. 12.

non



non vno mortis genere, sed multis hanc vitam mercatus est.

Quia verò sic se odisse, propter vehementem amoris proprii vim, difficile admodum est, maximū illico Dominus huius odij primum proponit; vt quos operis difficultas terret, mercedis magnitudo ad laborem inuitet. Vbi enim dixisset, *Qui mihi ministrat, me sequatur*; subdit protinus; *Et ubi sum ego, illic & minister meus erit*. Magna sanè felicitas, & qua nulla maior esse potest vt (quemadmodū D. August. ait) ibi sit adoptatus, vbi est vnicus. Additq; deinde, *Si quis mihi ministrauerit, honorificabit eū Pater meus*. Cur hoc honorandi hominis officium præcipue exhibuit Patri, cum ipse quoq; hoc etiam præstare queat? Certè quia nihil aliud vnigenitus Patris Filius in vita, quam Patris honorè & gloriam quaesuit; sicut ipse ait, Pater manifestauit nomen tuum, hoc est, nominis tui gloriam hominibus. Et iterū: Ego te clarificauit super terram. In huius ergo fidelissimi obsequij præmium, hoc suscipit Pater, vt qui filio suo fuerint obsequentes, illiq; (vt ipse ait) fideliter ministrauerint, sempiternis atq; diuinis honoribus ab ipso afficiantur. A quo honore perfecta laus, plenissima felicitas & summa gloria est. Haftenus de Euāgelica lectione. nūc sententiā verbis thematis comprehendam tractare incipiamus.

August.

Ioan. 17.  
Ibidem.

## TRACTATIO THEMATIS.

## I.

Inter varios multorum hominum errores, quibus miserè implicati sunt: non postremus est, quem in hodierna sancti Euāgelij lectione cælestis magister eliminare præcipue voluit. Sunt enim multi, qui passionis eius merito fidentes, sine vilo suo labore aut contentione, cælestis regni præmium sibi pollicentur. Tales igitur ab hoc errore vindicate Dominus volens, *Qui amat, inquit, animam suam, perdet eam: & qui odit animam suam in hoc mundo, in vitam æternam custodit eam*. Et iterum: *Qui mihi ministrat, me sequatur & ubi sum ego, illic & minister meus erit*. Cum ergo fideles omnes auidissimè cum Christo regnare cupiant, cum Christo tamen pati, & calicis eius participes fieri recusant. Regnum quidem cælorum desiderant; iter tamen, quo ad hoc regnum peruenitur, omni ratione fugiunt. Volunt sine certamine vincere, & sine victoria coronari. Sanctorum gloriam appetunt, sed sanctorum vitam imitari detrectant. Portum quidem felicitatis auidissimè concupiscunt, navigationis tamē laborem, quæ ad illum perducit, vehementer exhorrent. Nolunt in lacrymis seminare, & volunt tamē cum exultatione merere. Diuinam quidem gloriam & felicitatem desiderant, sed diuinos mores inducere nolunt. In vtroque igitur seculo felices, in vtroq;

Psal. 125.

HH 5. beati

beati esse cupiunt; quod tamen fieri nulla ratione potest. Impossibile quippe est, ut homo ex deliciis transeat ad delicias; ut hic ventrem expleat, illic mentem; & in utroque seculo primus, in utroque felix habeatur.

Aduersus hunc autem communem multorum errorem & præsens sancti Euangelij lectio, & omnia sanctarum scripturarum volumina aperte militant. Quia verò homo rationis est particeps, & rationibus magis quam testimoniorum auctoritate gaudet, rationes hodie afferam, quibus hunc errorem aperte similiter refellam.

Principiò igitur constat, cælestem gloriam, quæ in aperta diuinæ pulchritudinis visione consistit, supernaturale Dei donum esse. Nulli enim creaturæ, non dico humanæ, sed ne Angelicæ quidem, hoc naturæ lege, ne per diuinam quidem potentiam, conuenire potest. Cum igitur finis ad quem tendimus, talis sit, ea quoque quæ nos ad illum ducunt, eiusdem ordinis & dignitatis esse debent. Vnde consequens est, ut vita, quæ nos ad hunc finem ducit, talis esse debeat, ut non humana, sed diuina; non communi aliorum hominū more, sed singulari quadam & supernaturali virtute instituta esse videatur. Quam rem non obscure illa Ioannis verba indicant, qui de huiusmodi hominibus loquens, ait: Qui non ex sanguinibus, neq. ex voluntate carnis, neque ex voluntate viri, sed ex Deo nati sunt; hoc est, qui repudiato prioris natiuitatis ingenio, & affectibus carnis conculcatis atque compressis, non ut ceteri filij hominum, sed ut filij Dei vitam longè diuersam agunt. His etiam adde, quòd quemadmodum finis ad quem tendimus, supra hominis naturam positus est; ita gratia quæ nos ad illum dirigit, supernaturalis quædam forma mentibus nostris indita & impressa est. Cumque iuxta Philosophorum traditionem, actiones omnes formæ naturæ & conditione sequantur; efficitur, ut quoniā forma gratiæ, quæ nos diuinos esse, diuinæque naturæ (ut Petrus Apostulus ait) participes efficit, diuina quoque in nobis & spiritualia opera moliat. Nemo autem hæc opera moliri, & hanc spirituales atque diuinam vitam degere sine labore, studio, & contentione poterit. Cum enim tantum inter carnalem & spirituales vitam discrimen sit; fieri nullo modo potest, ut homo spirituales vitam nisi carnali extincta & eliminata, degat. Ut enim nemo in stabulo regium palatium extruere potest, nisi stabulo prius diruto; ita qui pectus suum immanium ferarum, hoc est, variarum cupiditatum stabulum fecerat, nequaquam illud in Dei templum erigere poterit, nisi stabulo prius deiecto, ferisque omnibus ab eo exturbatis; quod sine labore & cōtentione fieri nullo modo poterit. Expugnandus enim est immodicus amor sui, qui imis vi-

scribitur

Ioan. I.

2. Pet. I.

Simile.

scribis est infixus. Expugnandi quoque ceteri affectus, qui ab hoc eodem amoris fonte procedunt. Affligendum & extenuandum corpus, ne aduersus spiritum ferociat, atq. à sede sua deiciat. Sensusum oblectamenta repudianda; linguæ frenum iniiciendum; oculorum lasciuia comprimenda; cordi custodia adhibenda; peccatorum occasiones vitandæ; prauorum hominum consortia fugienda; oratio quoque frequentanda est, qua diuinę gratiæ opẽ aduersus naturæ lapsæ incentiua assidue postulemus. Iam verò si antea actæ vitæ vitia diuturna consuetudine armata sunt, acrior nobis contentio & pugna capeffenda est, & contra duplicem hostem dimicandum. Videtis ergo, fratres, neminem hanc cælestem & supernaturalem vitam sine labore & certamine tueri posse; cùm tota vis naturæ lapsæ, atq. inueteratæ consuetudinis superanda, & peccati regnum excindendum sit? Vt enim supra naturam assurgamus, natura prius subiicienda & calcanda est; cuius vires potentissimæ sunt. Hæc igitur prima laboris & certaminis nostri causa est, si supernaturalem & cælestem beatitudinem volumus adipisci. Hoc enim modo illam Apostoli secuti sunt, quibus à Domino dictum est: In patientia Lucæ 22. vestra possidebitis animas vestras; hoc est, sempiternam animarum Heb. 6: vestrarum salutẽ, passionum & laborum meritis obtinere debetis. Ad hoc ipsum autẽ nos Apostolus inuitat, cùm ait; Ne Heb. 6: fegnes efficiamur, sed imitatores eorum qui fide & patientia hereditabunt promissiones. Vtrumq. Apostolus necessariũ esse dixit, fidem videlicet, & patientiam. Fides enim initiũ, patientia verò virtutum omnium adiumentum & complementum est.

## II.

Altera verò laboris & patientiæ causa, variæ hostium nostrorum insidiæ atque certamina sunt. Vt enim cùm Dei templum, & sanctæ ciuitatis mœnia post Babylonix captiuitatem ædificabatur, pars hominũ operi instabat, pars verò armata hostium impetus, opus ipsum impedire volentium, sustinebat; ita, quoniam nos quoque cùm spirituale Dei templum (quod non lapidum serie, sed virtutum structura fundatur) ædificare volumus, ab hostibus circumsidemur, duplici cura & labore indigemus: nempe vt virtutes, quibus illud extruitur, assequamur, & hostium vim, qui nos ab hoc opere reuocare volũt, repulsemus. Est enim truculentissimus hostis daemon, qui tanquam leo rugiens 1. Pet. 5. circuit quærens quem deuoret; aduersus quem nos arma capere ac decertare monet Ecclesia, cùm ait; Estote fortes in bello, & pugnate cum antiquo serpente, & accipietis regnum æternum. Est & caro nostra familiaris & domesticus hostis, quem & nutrire, & nobiscum circumferre necesse est; qui tamen commoderatibus suis intentus, perniciem germano spiritui perpetuo machi-



**Judic. 10** machinatur; à quo tamen eximio amore diligitur, ideoque infensor & periculosior hostis habetur. Hæc est enim velut altera Dalila, quæ virum suum deliciis emollitū in potestatem tradidit hostium suorum; ea verò sub vnico carnis nomine non vnum, sed plures secum hostes affert: hinc Propheta, Miserere, inquit, mei Domine, quoniam conculcauit me homo, tota die impugnans tribulauit me. Conculcauerunt me inimici mei tota die, quoniam multi bellantes aduersum me. Quinam isti? Omnes animi nostri affectus, omnes carnis nostræ sensus; qui, quoniam carnales sunt, spiritualia fastidiunt, & ad carnalia (quemadmodum caro ipsa, à qua proficiuntur) semper aspirât. Caro enim, legi Dei subiecta non est; nec enim potest: hoc est, ex natura sua (nisi aliunde regatur) non habet, vnde alia, quàm quæ sibi sunt cognata & similia, videlicet carnalia, concupiscat. Quæ quidem concupiscentia vehementer germanum spiritum ad intemperantiæ suæ consensum trahit.

**Rom 8.** Est tertius quoque hostis, mundus, hoc est, perditorum hominum societas; inter quos, nisi in deserta loca secesseris, vitam agere necesse est. Inter tot autem malos bonum esse, inter tot scorpiones vitam agere, nec ledi; super prunas ardentes ingredi, nec comburi; inter tot laqueos incedere, nec irretiri; inter tot postremo prauorum hominum exempla & iniurias vitam agere, nec innocentiam amittere; diuinæ virtutis & gratiæ opus & beneficium est. Non enim frustra saluator ait: Quia abundabit iniquitas, refrigescet multorum charitas. Nec sine causa regius Propheta ad Dominum clamabat, Saluum me fac Deus, quoniam defecit sanctus; quoniam diminutæ sunt veritates à filiis hominum; nisi quòd intelligeret, quantum iustitiæ atque innocentiae periculum perditorum hominum contubernio & quotidiano conuictu immineret.

**Mat. 24.** Cum igitur tot hostibus vndiq. circumfedeamur, totq. modis impetamur; an non necesse est aduersus illos spiritualia arma capere, & pro vallo murisque excubare, & in acie semper armis illis instructum esse, quæ nobis strenuus ille huius militiæ dux capere suadet? hoc est, firmam in Deo spem, insuperabilem fidem, loricam iustitiæ, orationis præsidium; quibus à dextris & sinistris, hoc est, in secūdis & aduersis rebus muniti incedamus; ne aut illis efferamur, aut istis animo concedamus? Quis autem aduersus tot hostes dimicare sine labore & contentione poterit? Nec enim stertendo aut dormiendo, vitamque omnem in ludo & otio infumēdo, sed vigilem sensibus & cogitationibus nostris custodiam adhibendo, turbidosque luxuriantis animi nostri motus comprimendo hæc victoria paratur. His enim virtutibus Sancti omnes instructi, his muniti præsiidiis, pericula à se omnia

omnia propulsarunt, de atrocissimis his hostibus triumpharunt, his armis innocentiam tutati sunt. In cuius rei argumentum Ioannes in Apocal. se illos ante Dei thronum vidisse ait, candidis vestibus amictos, palmasq. in manibus gestantes. Candore autem vestium, eorum innocentiam; palmarum autē gestatione (quod partæ iam victoriæ insigne est) gloriosos eorū triumphos & victorias designauit. Igitur nunc quidem certandi atq. laborandi: tunc regnandi, triumphandi, & partæ iam victoriæ spolia colligendi tempus erit. Tunc enim oraculum illud, quod vox è cælo demissa ad eundem Ioannem detulit, fideliter implebitur: Audiui, inquit, vocem de cælo dicentem mihi, Scribe: hoc est, oraculum quod tibi nunc denuntio, dignissimum est quod non voce tenus, sed congruentibus etiam litteris ad posteritatis memoriam, & piorum hominum in curriculo pietatis laborantium solatium consignetur. Arripe igitur calamum Ioannes, & scribe. Quid igitur scribam? Beati, inquit, mortui qui in Domino moriuntur. Amodò enim iam dicit Spiritus, vt requiescāt à laboribus suis; opera enim illorum sequuntur illos. Hæc igitur vox, fratres, ad laborantes è cælo demissa est; hos Dominus appellat, his requiem post laborem promittit. Qui igitur vitam omnem sine vllō pietatis aut laboris fructu consumunt, qui supra Christi dorsum salutis suæ spem fabricantes, vitam omnem in luxu, in somno, in socordia, in voluptatibus carnis, & in omni vitiorum intemperantia consumūt, ad hanc requiem minimè vocantur. Hæc igitur secūda piorum laborum causa est, fratres, quæ ex hostium nostrorum impugnatione colligitur.

Apoc. 7.

Apoc. 14.

Ibidem.

Est & tertia, quæ ex Dominicæ passionis exemplo sumitur, quam in sacra huius diei lectione celestis magister assignauit; qui vbi mortis suæ, & salutaris fructus qui ex ea secuturus erat, mentionem fecisset, protinus ad eiusdem mortis imitationem spe celestis mercedis inuitat, cum subdit: *Qui amat animam suam, perdet eam; & qui odit animam suam in hoc mundo (quod ego in passionem meam vitam morti exponendo feci) in vitam eternam custodiet eam.* Ergo Dominicæ passionis sacrificiū non desides & inertes manet, sed eos qui & grata voluntate beneficium accipiunt, & quatenus licet, redemptoris sui passionibus configurari, hoc est, similes fieri nituntur. Vnde mysticus ille agnus, cuius immolatione Israëliticus populus ab Aegyptiaca seruitute erat liberandus (qui veri Agni Christi in cruce pro nobis immolati imaginem præferebat) cum lactucis agrestibus māducari præcipiebatur: vt intelligeremus, passionis Dominicæ fructum non ad homines voluptuosos & Epicureos, sed ad eos qui eiusdem passionis amaritudinem, compassionis affectu, & aspe-

Num. 5.

rioris

## III.

Hic.

Quisquis igitur virtutis amore captus est, fortitudinis & constantiæ virtutē sibi tanquam sponsam indissolubili vinculo copulare debet, sequē totum illius studio atque amorī addicere. Aiunt Veneriarum Ducem quotannis cum mari sponsalia solenniter celebrare, atque in eius fœderis signum anulum illi porrigere. Quo symbolo innuere vult, præcipuum studiū suum in classibus instruendis versari debere; quod maximum eius ditionis munimentum in hoc præsidij genere constitutum sit. Ad hunc ergo modum virtutis cultor laborum patientiam in sponsam sibi dilectissimam assumere debet, seq. totum illius studio adiungere. Hac enim vna re facile virtutum omnium compos effici poterit. Nihil enim homines ab hoc studio deterret, nisi difficultas & labor, qui virtutibus implicitus est. Qui autem sic Dei amore fuerit incensus, vt quod illum plenius demereatur, non modò laborem non recuset, sed etiam auidē concupiscat; nihil habebit quod ipsum à virtutis studio remoretur; cum virtus natura sua vt nobilissima, ita iucundissima atque gratissima sit. Contrā verò qui sic corporis deliciis atque voluptatibus deditus est, vt laborem omnem fugiat atque detrectet; hunc necesse est virtutum omnium expertem, atque adeo hostem esse; & ne vllum laborem excipiat, omnem à se virtutem excutiet. Quid igitur hoc homine infelicius, qui adeo se impotentem ad omnem honestatis elegantiam fecit? Quid verò illo felicius, qui solius patientiæ beneficio viam sibi facilem ad omnia virtutum officia muniuit? Quibus igitur laudibus hæc patientiæ virtus prædicanda est; quæ tantam hominī dignitatem & gloriam præbet?

At inquires; Difficile admodum est, vt homo, qui in sui ipsius amorem adeo propensus est, adeoque suauitatis amicus, laborem, quem natura ipsa refugit, auidē concupiscat. Non abnuo difficile hoc esse, sed amplissimus tamen vtilitatis fructus nos ad hanc molestiam deuorandam impellere debet. Vtrumque autem Salomon sub strenuæ mulieris imagine nos docuit, cum ait: Mulierem fortem quis inueniet? procul & de vltimis finibus pretium eius. En virtutis huius difficultas simul & raritas. Ceterum eius deinceps mirabiles fructus toto, hoc capite percerfer. Sequitur enim: Confidit in ea cor viri sui, & spoliis non indigebit. Reddet ei bonum & non malum omnibus diebus vitæ suæ. Ceteræ deinde virtutum & officiorum laudes, quas idē Salomon enumerat, ab hoc vno fortitudinis fonte manare docet. Quo vno argumento, quàm latē fortitudinis huius fructus & laudes pateant, intelligere licet. Si igitur fortitudo hæc

omnia



omnia bona parit, & à malis omnibus immunem hominem conseruat; quanto illam studio atque amore completi par est?

Quid verò sempiterna illa merces, quæ virtutum laboribus in cælo reposita est? An non hæc etiam animos nostros ad omnem virtutis laborem per se sola excitare poterit? Si nemo athleta sine labore coronatur; quomodo illam sempiternæ gloriæ coronâ sine vlllo labore adepturos speramus? Considerate quæso diligenter, fratres, sic ab auctore Deo res omnes institutas, vt nihil magnum sine labore mortalibus cōtingere voluerit; quod multarum rerum exemplis intelligere licet. Nemo ferè patrimonium suum augere & cumulare sine magnis laboribus terra mariq. exantlati potest. Nemo ad virtutis & perfectionis culmen sine diligenti studio & labore peruenit. Nemo sapientiam, variarumq. rerum scientiam, nisi magno studio, magnisque vigiliis vnquam adeptus est. Quam rem disertissimus Demosthenes declarauit; qui interrogatus, qua ratione singularem illâ dicendi facultatem adeptus esset, Plus, inquit, olei quàm vini consumendo. Quid verò duces & imperatores? quis horum victoriam sine sudore & sanguine obtinuit? Quid hi qui nominis gloriam immortalitati consecrarunt? An non hi per tela, per ignes id quod quærebant assecuti sunt? Quid dulces nati, quàm acerbis parentis doloribus in lucem eduntur! quàm multis laboribus educantur! Postremò quid ipsa pretiosa metalla, argentum & aurum, referam? An non ea naturæ cōditor in imis terre visceribus latere voluit, vt nisi summo labore & periculo erui inde non possent? Si ergo nihil pretiosum aut magnum sine maximis laboribus homini contingere mundi opifex & moderator voluit; quis adeò demens erit, qui summum illud & infinitum bonum (cui cetera omnia seruiunt) sine vlllo virtutis studio atq. labore parari posse credat? Quale enim illud bonum est, in quo bonis omnibus quæ humana mens cogitatione comprehendere potest, beati omnes perfruentur! Quale illud bonum est, à quo omnis amaritudo, omnis languor, omnis timor, omnis cura & sollicitudo, ac omne denique malum longissimè abest? Quale erit inter sanctorū Angelorum & Archangelorum choros sedem habere, ad opulentissimam illam Dei mensam cum Apostolis accumbere, immentæ illius pulchritudinis contemplatione pasci, incircumscriptū lumen videre; nullo mortis metu affici, incorruptionis perpetuæ munere lætari? Quale postremò erit, diuinæ felicitatis & gloriæ participem fieri, & in ipsum Dominum sui gaudium, fidelibus seruis promissum, nunquā inde amplius exiturū, intrare? An non igitur dignū erit pro hoc tanto bono adipiscendo vel omnium etiā Martyrum tormēta tolerare, ne dum exiguū virtutis laborem perferre? Si enim tā multa seculi homines

simile.

Demosthenes.

homines propter exigua illa & infima bona, quæ paulo antè commemorauimus, patiuntur: quis quæso stupor, quæ cæcitas, quæ insania est, pro cælesti illa corona (cui omnia quæ cæli ambitu continentur comparata, exigui pulueris instar sunt) minimum virtutis & iustitiæ laborem perferre nolle? vnde, quæso, hæc tam dæsa humanarum mentium caligo? vnde hæc tam detestabilis & execranda vecordia? Certè hoc vno exemplo aduertere licet, quàm sit apud multos extincta & emortua charitas, quàm infirma fides, quàm languida & emortua spes: vt pote quæ nullum in mentibus nostris summi illius boni desiderium, nullam amoris scintillâ excitat. Sic enim credimus, quasi prorsus non crederemus; sic speramus, vt nulla promissi & sperati boni cura & cupiditate tangamur; quando nullum prorsus pro eo adipiscendo, ne leuissimum quidem laborem perferre dignamur. O deplorandam hominum cæcitatem! ô incredibilem humanarum mentium stuporem!

## IIII.

Simile.

Quanto aliter Christi Martyres se gesserunt, qui nullos cruciatu, nulla tormentorū genera pro hoc tanto bono adipiscendo recusarunt? Vt prudentissimi illi mercatores terrena contempserunt, vt inuenirent celestia; temporaria reliquerunt, vt possiderent æterna; vitam corporis ad horam neglexerunt, vt animæ simul & corporis vitā, & sempiternam gloriam mercarentur. Mitto nunc alios; vnus nobis Laurentius satis erit, qui tam multis atque horrendis cruciatibus hoc tantū bonum mercatus est. Primum enim cum beatum Papam Sixtum ad carcerem trahi videret, vnde ad martyrij palmam processurus erat; tanto fuit simul patiendi desiderio incensus, vt sanctum Pontificem his vocibus compellaret: Quò progredieris sine filio Pater? quò Sacerdos sancte sine ministro properas? nunquid degenerem me probasti? Experire certè vtrum idoneum ministrum elegeris, cui commisisti Dominici sanguinis dispensationem. At sanctus Pontifex bono illum animo esse iubet, forte pollicens vt nequaquam desiderata martyrij corona fraudandus esset. Interim tamen Ecclesiæ thesauros eius fidei commissos pauperibus distribui iussit, ne in sacrilegæ tyrannorum manus deuenirent. Quod ille officium mira deuotione & alacritate obiiit. Nocturnum enim fidelium indigentium latebras exquirens, primum quidem eorū pedes summa animi & corporis demissione & charitate abluebat, fuisque multis super eos lachrymis deuotissimè osculabatur, ac postremò larga illis manu subueniebat. Quod vbi factum est, iterum patiendi desiderio inflammatus, lætus ad Patrē rediit, Noli, inquit, me derelinquere Pater sancte; quia iam thesauros tuos expendi quos tradidisti mihi. At ille, Non, inquit,

inquit, ego te deferò fili; neque derelinquo: sed maiora tibi debentur pro fide. Christi certamina. Nos quasi senes leuioris pugne cursu suscepimus; te autè quasi iuuenem manet gloriosior de tyranno triumphus. Post triduum me sequeris Sacerdotem Leuita. Hac voce còmoti carnifices, Laurentium apud Imperatorem deferunt, Christianum illum, & thesaurorum Ecclesiæ custodem esse proclamantes. At Tyrannus fidei nostræ odio incensus, & auaritiæ facibus inflammatus, Diis sacrificare, & thesauros prodere Laurentium iubet, ni mallet omnia tormentorum genera experiri. Quid hic sanctus adolescens? Num ad imperatoriæ maiestatis præsentiam expauit? Num tormentorum immanitate ante oculos posita, aut metu concidit, aut aliquantulum titubauit, aut demissa voce verbum aliquod fide sua indignum protulit? Minimè verò; sed incredibili còstantia, Deo plenus, quasi ante sordidum quendam hominè astitisset, vocem illam emisit, quam mundus expauit, dæmones exhorruerunt, & Angeli in cælo demirati sunt: infelix, inquit, Imperator qui me istis machinis terrendum putas; ista mihi non arma, sed ludus; non tormenta, sed virtutis excitamenta; non gladij, sed ludicra puerorù terramèta sunt; ista me tu miser formidare putas? Has epulas ego semper optaui, tantum abest vt illas formidare debeam. Cumque Tyrannus respondisset: Dic ergo vbi tui similes sunt, vt simul epulemini; ille contrà, admiranda diuini Spiritus vi còfirmatus, non minùs generosè quàm antea, Non es, inquit, dignus eorum aspectibus præsentari. O inuicta fides! ô flagrantissima charitas! ô certa futurorum spes, quanta est potentia tua! Quo enim maiori conuicio potuit ille orbis Monarcha dehonestari, quàm cùm audiuit indignum se eorù aspectu esse quos omnium mortalium vilissimos iudicabat? Iam mihi videtur Laurentius non in terra, sed in cælo quodammodo esse, vnde iam Deo plenus, & in sublimi loco positus, ac de felicitate sua securus, talia in illum orbis Monarcham conuicia iactare non timebat. Mundo enim excelsior factus, quid mundus aduersus eum moliri posset, non agnoscebat.

Quid Tyrannus? Hac tanta (vt ille putabat) contumelia irritatus, torusque furiis dæmonum inuectus, & in furorem rabiemque conuersus, scorpionibus immanissimè Martyrem cædi iussit; vt hoc tormentorum genere, quàm aduersus illum conceperat, rabiem expleret. Nec sic tamè exsatiatus, quasi parum esset totum Martyris corpus scorpionibus lacerum & cruentatum, sanguinisque riuos ex eo vndique fluentes cernere; aliud flagellorum genus, nempe virgarum adhiberi iussit; quò verberibus, & vulnera vulneribus addita, Martyris constantiam frangerent. Qui tamen quo vehementius cadebatur, eo fortior



atque constanter reddebatur. Sed nec sic tamen Tyranni rabies & furor conquieuit. Tertium enim flagellorū genus, multo diutius, hoc est, plūbata proferri iussit; quō videlicet sauciātum & lacerum scorpionibus & virgis corpus plumbata contunderent, & ossa confringerēt. Sic factum est, vt in toto Martyris corpore nulla pars vulnere & sanguine vacaret. At crudelis Tyrannus ne hoc quidem cruore exsatiatus. Sacrifica, inquit, Diis; sin minus, nox ista in tuis expendetur suppliciis. Cumq̃. sanctus Martyr hoc sacrilegum facinus, & facinoris auctorem libera & constāti voce detestaretur, ignis, & craticula, & furcæ ferreæ parantur. sanctissimumq̃. corpus ferreis nexibus constrictum, in craticula, supposito igne, ponitur. & furcis ferreis comprimitur. Ibidemq̃. iam tostus atque combustus ad impiissimum Tyrannum lærissimo vultu dixit; Assatum est, iam versa, & manducas; quia iam video quod diu desideravi, & clarissima voce inuictum spiritum per manus Angelorum in cælestes mansiones deportandum tradidit. Quis, quæso fratres, ad hanc Martyris vocem attonitus non mirerur & obstupescat? Alij cum vruntur, præ acerbissimi doloris magnitudine continere nequeunt, quin voces & clamores in cælum tollant; at hic nouus homo inter craticulam ignis & mortem positus adeo non clamat, vt dictis etiam & facietis ludat, & astantem Imperatorem irrideat. Vnde hæc tam nota & inaudita virtus? vnde hæc adeo miranda fortitudo atque constantia? Non vtiq̃. à fragili natura carnis & sanguinis (quæ doloris magnitudine victa succumbit) sed à vulneribus & meritis Saluatoris. Gratias tibi Christe Redemptor tu agimus creaturæ, qui infirmitate tua imbecillitatem nostram roborasti, & supplicis atque doloribus tuis infractos Martyres ad omnia suppliciorū genera fecisti. Miratur antiquitas vnum illū Scæuolam Romanum potuisse subiectæ faci immotum brachium sustinere, nos Laurentium, nos Vincentium, nos innumerabiles Martyres, nos etiam teneras virgines & puellas dabimus quæ toto corpore ignes, cruces, craticulas & equuleos infracto animo, Christi virtute confirmatæ, sustinuerunt.

Sed ad Laurentium rediens, paucis cū illo agere volo. Quid, quæso, nunc beate Martyr agis? quæ cogitationes versantur in animo tuo? Mille iam, anni à passione tua fluxerunt, in quibus vnus tantūm diei & noctis laboribus cum inextimabili gloria fruieris: nunc autem infinita annorum spatia supersunt, in quibus eadem gloria fruiturus es. Quas ergo gratias tantæ felicitatis auctori ages qui & in tormentis saluari gratiæ suæ ope, & Angelico ministerio, & miraculorum gloria confirmauit, ac diuinis armis sepsit, & modò te claritatis & gloriæ suæ in omni seculorum æternitate consortem facit? O quā felices nunc illos

los tuos agones & certamina iudicabis! felices craticulas, felicia vulnera & verbera, quæ momento temporis exacta, sempiternam tibi gloriam, sempiternam requiem & laudem pepererunt! Quam velles (si id quidem fieri posset) mille iterum craticulis propter tantæ felicitatis auctore aduri, qui te non in cælis modo, sed in terra quoque adeo gloriosum fecit? Quem enim ex sanctis Martyribus tanta solennitate per totum orbem terrarum Ecclesia celebrat? Passionis tuæ diem solennem & festum esse voluit, hunc verò diem indicto omnibus ieiunio præueniri voluit; septem exinde diebus laudes tuas prædicat; varia ubiq. terrarum altaria tibi & templa dicauit; craticulæ tuæ Sole ipso splendidiùs fulgent. Templum magnificentissimum, actorum terrarum orbe celeberrimum craticulis tuis per omnes angelos insignitum, inuictissimus Hispaniarum Rex Philippus nomini tuo consecrauit; quo die clarissimam illi victoriâ tribuisti. Vbiq. gloriosus, ubique & in cælis & in terra fulges, vniusque diei tormentis omnium sæculorum felicitatem promeruisti. Hoc igitur exemplo discimus, fratres, exiguum & breuem virtutis laborem non horrere, quod sempiternam nobis ex eo felicitatem partum iri certò confidamus. Flagret saltem in nobis Christi charitas, & facile erit omne difficile. Nihil enim charitate potentius, nihil ad ferendos labores fortius. Quid, quæso, non tolerat charitas parentum ob educationem filiorum? Hanc igitur assiduè precibus à Domino postulemus; sic enim fiet, vt oratio charitatem impetret, charitas laborem toleret, labor perfectam in nobis virtutem pariat, virtus sempiternam nobis gloriam & felicitatem largiatur.

## IN FESTO BEATISSIMI LAUREN-

TII MARTYRIS, CONCIO SECVNDA:

in qua, post Euangelicæ lectionis enarrationem, ad dolorum atque miseriarum, quibus hæc vita referta est, tolerantiam adhortamur, ad quod nos beatissimi Laurentij inuicta fortitudo & patientia inducit.

**THEMA.** *Qui odit animam suam in hoc mundo, in vitam æternam custodit eam. Ioan. 21.*



**R** I A ad hanc vitam rectè degendam maximè esse necessaria, Sapiens quidam docet, nempe prudentiam, amicitiam, atq. patientiam; quæ quidem ille breuiter his memorabilibus verbis expressit: Oculi vitæ, prudentia; sal vitæ, amicitia; baculus vitæ, patientia. Ex his porro tribus vitæ nostræ fulcimentis tertium hoc, quod patientiæ virtutē cōmendat, in præsentī concione tractare constitui; quod hoc nec ab Euangelica lectione, neq. à beatissimi Laurentij die festo abhorrere videatur. Cum enim inter Martyrum laudes (quos nobis ad imitandum Ecclesia proponit) patientia præcipuè commendetur, alienum vtrique non est de laborum atque dolorum tolerantia in eorum festis discere. Quàm sit autem hic patientiæ baculus ad innumeras huius vitæ molestias leniter sustinendas necessarius, res ipsa, & quotidiana, quibus infestamur, mala satis indicant. De hac igitur adeo necessaria virtute dicturi, & solatia nonnulla his qui cum assiduis miseris conflictamur, præbituri, caelestem opem, sacratissimæ Virginis interuentu, suppliciter imploremus.

**AVE MARIA.**

**Simile.**

Quemadmodum nobilissima inter creaturas sol splendorem suum liberalissimè ita vbique diffundit, vt nihil neque in celo, neque in terra sit, quod lucis & splendoris illius expertus sit; sic ea bonitatis natura est, vt se vbique diffundat, & opes atque diuitias suas liberalissimè in omnes elargiatur. Hinc fit, vt summa illa & immensa Dei bonitas, omnibus bene facere, omnes ad se allicere, de omnibus bene mereri, in omnes opes suas effundere, mortalesque omnes ad felicitatis & gloriæ suæ communionem

(cuius



(cuius eos capaces condidit) inducere nunquam cesset. Nihil enim odit eorum que fecit, quin & omnes homines (vt Apostolus ait) vult saluos fieri, & ad agnitionem veritatis venire.

Sap. 10.  
1. Tim. 1

Huius autem rei gratia non vnâ aliquam parandâ salutis rationem, sed multas esse voluit, vt qui minus vnâ poterant incedere, aliâ ingrederentur viâ. Omnes tamen ad duas præcipuè referuntur; quarum altera mandatorum, altera consiliorû, hoc est, altera imperfectorum, altera perfectorum est. Vtramque enim cælestis magister pio cuidam adolefcenti proposuit; quem primûm quidem mandata seruare; deinde rebus omnibus renuntiare, easque pauperibus erogare monuit. In sacra autem huius Euangelij lectione omnes quidem, sed eos potissimûm instituit, qui mortis & crucis suæ exemplo, mortificationis crucem in omni vita portare decreuerunt, per quam, viam sibi ad cæleste regnûm munierunt. Sicigitur ait:

Mat. 17

*Amen dico vobis, nisi granum frumenti cadens in terram mortuum fuerit, ipsum solum manet: si autem mortuum fuerit, multum fructum affert.* Hac eleganti comparatione Dominus (qua se frumenti grano in terram iacto similem facit) & passionis suæ ignominiam, & eiusdem passionis incomparabilem fructum breuiter ostendit. Neque enim diuinæ sapientiæ est, rem omnium maximè mirabilem, exiguæ alicuius vtilitatis gratia moliri. Quid autem maius aut mirabilius, quàm summi rerum omnium Domini mors atque supplicium? Finis enim, & ea quæ ad finem instituta sunt, eiusdem ordinis & dignitatis esse debent. Magnus igitur fructus ex hoc tam magno & stupendo opere sequendus erat.

Si quis autem quærat, quisnam cælestis huius grani fructus existerit; Ioannem in Apoc. audiat: qui postquam centum quadraginta quatuor millia electorum ex tribus Israëlitis enumerasset, vidisse se ait turbam magnam, quam dinumerare nemo poterat, ex omnibus gentibus, & populis, & linguis qui stabant ante diuinæ maiestatis thronum, amicti stolis albis, victricesque in manibus palmas gestantes. Totus igitur hic electorum numerus ex hoc fecundissimo grano productus est. Ex hoc enim innumerabilis Martyrum exercitus prodiit; ex hoc myriades sanctorum Pontificum & Confessorum; ex hoc purissimus sanctorum Virginum chorus; ex hoc item clarissima Monachorum & Anachoritarum examina: ex hoc denique quidquid electorum in libro vitæ scriptû est. Omnes enim isti in ducem suum in edito crucis loco positum, oculos conijcentes, & mirabiles charitatem, patientiam, constantiam, obedientiam, fortitudinem & humilitatem, reliquasque eius virtutes considerantes, ab eo spiritum & virtutem traxerunt, quibus & mundi, mun-

Apoc. 7.

dique delicias & pompas contemnerent, & per varios labores, atque certamina suum ducem sequerentur. Quid verò mirum, si Saluator proposito sibi huius tam multiplicis fructus gaudio, libenter mori voluerit, vt tam copiosus fructus ex huius grani morte prodiret?

Quia verò Saluator noster non ob hoc solum passus est, vt nos mortis suæ merito & sacrificio redimeret, sed etiã vt exemplo suo nos ad sui imitationem, hoc est, ad laborum patientiam atque tolerantiam induceret, subdit protinus: *Qui amat animam suam, perdet eam: & qui odit animam suam in hoc mundo, in vitam eternam custodit eam.* Hoc est: Quisquis carnis suæ affectus, variasque cupiditates, & procliuatatem ad malum ex originalis peccati morbo contractam considerat, & quãtum eius nos ingenium atq. natura à celestium & spiritualium rerum commentatione abducat, & ad terrena atque carnalia bona (quæ sibi cognata atque germana sunt) pertrahere nitatur, animaduertit; atque hac de causa totum studium suum in ea frenanda & conterenda, eiusque vitiis & cupiditatibus crucifigendis atque mortificandis ponit; is planè ac spiritali morte, & salutari odio non quidem eam extinguit, sed in vitam eternam custodit. Itaq. dum carnem suam odit, amat; dum amat, odit; dum illam molliter nutrit, perdit; dū verò illi necem infert, in vitam eternam seruat. Quantum autem nos hoc salutare carnis nostræ odium ad amorem erga Deum consequendam adiuuet, paucis indicabo.

## I.

Est igitur sciendum, perfectæ amicitie proprium esse, vt qui verè amat, & amicorum eius, quem amat, amicus, & inimicorum inimicus existat. Talis enim amicitie affectus non solum ad eum qui diligitur, sed in alios etiam trãsit. Quocirca necesse est, vt qui hoc amore Deum diligit, & amicos eius eximio amore, & inimicos capitali odio prosequatur. Vtrumque autem se præstitisse regius Propheta confiteretur; illud quidem cum ait: *Psalm. 15. Sanctis qui sunt in terra eius, mirificauit omnes volũtates meas in eis* (pro quo alij verterunt: *Erga Sanctos qui sunt in terra eius, & præclaros, omnis voluntas mea in eis*) hoc autem posterius, cum alibi ait: *Psalm. 138. Nõne qui oderunt te, Domine, oderam, & super inimicos tuos tabescebam? Perfectio odio oderam illos, & inimici facti sunt mihi. Qui sunt autem iuratissimi Dei inimici, nisi qui etiam animæ nostræ hostes sunt? Quia enim animæ nostræ salus cum Dei cultu & religione copulata est, efficitur planè, vt quicumque animæ nostræ inimici sunt, iidem etiam Dei hostes necessario existant.*

Ceterum cum inter tres animæ nostræ hostes caro præcipua numeretur (vt pote quæ familiaris ac domesticus hostis sit, idè-

que

que naturali & vehemētissimo amore cum anima nostra copularis) efficitur planē, vt post lethale peccatum, nullus capitalior Dei & veræ religionis hostis quàm caro nostra sit. Parum enim aut mundus aut dæmon nobis obesse possent, nisi intra nos satellitem hunc haberēt, qui illis aditum præbet, & tacitas eorum suggestiones ad animæ nostræ aures non solum defert, sed etiā acuit & incendit. Vt enim antiquus olim serpens primum illum generis nostri principem dilectissimæ vxoris suasu atque opera in peccatum impulit: ita nūc idem carne nostra (quam ipse venenato sibilo suo infecit, & in qua aliquid, quod à se manauit, agnoscit) quasi ministro vtitur ad spiritus nostri constantiam tentandam atque labefactandam. Si igitur (vt ad propositum redeamus) perfectæ charitatis est, eius quem diligis inimicos odio habere; consequens est, vt post peccatū (quod summo odio detestandum est) carnem nostram, peccati labe infectam, hoc salutari odio prosequamur; quæ & amoris proprii, & peccati, & malorum omnium fons & origo est. Hoc autem odio constituto, & nostri ipsorum amore (qui præcipuum diuini amoris impedimentum est) vi eius ab anima nostra pulso, charitas protinus erga Deum in spiritu nostro efflorescit. Vt enim si lapidi, in edito adificij loco posito, fulcra quibus sustentatur, abstuleris, sponte sua illicò ad inferiora loca relabitur; ita si spiritui nostro affectionum & cupiditatum vincula, quibus ad terrā deprimitur, & à spiritualium rerum cōtemplatione & amore deducitur, sustuleris, ad spiritualia protinus (quæ naturæ suæ cognata & finitima sunt) atque adeò ad supremum illum spiritum (cui fruendo conditus est) protinus rapietur.

Hinc præcipuum Sanctorum omniū qui ad hunc diuinum amorē aspirabant, studium exstitit, sempiternas cum carne sua inimicitias exercere, & aduersus omnes eius cupiditates continenter bellum gerere. Quo enim magis in hoc sancto sui odio proficiebāt, eo magis in Dei amore crescebāt. Sunt enim amor Dei, atque sui, velut bilanciēs; in quibus quo magis altera deprimitur, hoc magis altera attollitur. Sui enim amore decrescente, Dei amor crescit; contrā verò vbi sui amor augetur, Dei protinus amor frigit.

Sed obijciat aliquis: An nō satis erit huic immodico sui amoris obistere, & quæ iniuste appetit, denegare, ne nos in peccati foueam præcipitet, vt necesse non sit seipsum hoc odio prosequi? Est hoc planē satis ad communem fidelium vitam; viris tamen studio perfectionis incēsis hoc satis non erit. Quemadmodum enim qui luctatur cum hoste, non hoc solum curat, ne ab eo prosternatur, sed illum etiā prosternere nititur, quo longius à periculo ruinae absit; sic sancti viri non satis sibi esse putabant, si



amoris proprii vi non succumberent, sed illud etiam curabant, ut quatenus fieri posset, illum etiam extinguerent, sanctumque sui odium pro illo substituerent; ut hac arte ab amoris sui periculo quam longissime abessent.

Sed quæret rursus alius: Qua ratione hūc in animo affectū potero generare, cui tota carnis militia repugnat? Non alia certe quam illa ipsa qua alij virtutum habitus frequenti usu generantur & perficiuntur. Ut enim abstinentiæ virtus, assidua inedia atq. ieiunio acquiritur; & patientia, frequenti iræ cohibitione, & iniuriarum atque laborum tolerantia gignitur, & altas in anima nostra radices agit; ita sui ipsius odium, hostilibus operibus quibus carnem nostram affligimus, blanda & voluptuaria illi cuncta subtrahentes, molestaque ingerentes, omnesque eius libidines & voluprates rescantes, ac postremo hostili animo omnes eius cupiditates expugnantes, ipsius odium atque contemptum paulatim acquirimus. Qui verò cōtrā faciunt, & pro disciplinæ securitate, molli indulgentia corpus suum nutriunt, illud sanè experientur quod est à Salomone dictum: Qui delicatè à pueritia nutrit seruum suum, postea inueniet eum contumacem.

Sed rursus dicet aliquis: Quis adeo inhumanus, & à communi sensu alienus erit, qui hostili animo aduersus carnem suam concitetur, cum præsertim Apostolus dicat, Nemo vnquam carnem suam odio habuit, sed nutrit ac fouet eam? Quis, inquires? Ille certè, qui diligenter cōsiderauerit, eam malorum omnium seminarium & capitalē animæ nostræ atque Dei hostem esse; adeo ut ne tota quidem inferorum potentia acrius contra animæ nostræ salutem, ac Dei gloriam pugnare, malusque aduersus diuinitatem bellum gerere queat. Quisquis igitur Deum super omnia diligit, quomodo aduersus hunc atrocissimum Dei hostem non animo cōmouebitur? nō eius odio exardescet? non dies noctesque de illius perniciē & interitū cogitabit? Quod si magna præmia ad magnos labores excitare homines solēt, quod maius huic salutari odio præmiū proponi potest, quam vera sapientia, & flagrantissima in Deum charitas, quæ hoc odio cōparatur? His adde sempiternam animæ salutem; adde vnigeniti Filij Dei societate, & contuberniū, adde postremo singularem celestis Patris honorem. Hæc enim adeo magnifica præmia nobis præfens sancti Euangelij lectio proponit, cum ait: *Qui odit animam suam in hoc mundo, in vitam æternam custodit eam.* En salus animæ sempiterna. Deinde verò addit: *Qui mihi ministrat, me sequatur, & ubi sum ego, illic & minister meus erit.* En Christi societas, & felicissimum contubernium. Postremo autem addit: *Si quis mihi ministrauerit, honorificabit eum Pater meus.* En summi parentis

rentis honor, à quo honorari, summus honor, & vera gloria est. His igitur tam magnificis præmiis propositis; non adeò difficile erit, supra naturam, per gratiam assurgere: & hanc aduersus carnem suam pugnam capessere.

Non sum tamè, fratres, adeò communis fragilitatis signarus, vt tam acriter aduersus vos ipsos pugnare moneam; hoc enim eorum est, qui ad perfectionis vitæ studium aspirant; ad quos huius Euangelij doctrinam pertinere initio diximus. Satis mihi erit, primum quidem, vt contra affectus & cupiditates vestras (vbi cum diuinæ legis præceptis pugnaverint) strenuè atque viriliter decertetis, malitisque Deo interdixtæ arboris fructum prohibenti, quàm serpenti decipienti, aut Eug, hoc est, carni vestræ blandienti, & lethale venenum propinanti, obtemperare. Deinde, quoniam (vt D. Gregorius ait) ille maximè ab illicitis abstinet, qui ea quæ cōmuni lege licent, à se interdum abdicat; illud etiam à vobis requiro, vt si non semper, sæpe tamen cōmuni more concessis (ob illius gratiā, qui nulla sua necessitate, sed sola vestri charitate ductus, mortem, cuius debitor nō erat, amplexatus est) vobis interdicatis. Itaque aliquando situm, aliquādo famem ob illius amorem ferte; sæpe etiam iocis, ludis & festiuis amicorum colloquiis abstinete; sæpe item linguā, sæpe oculos ab earum rerū intuitu, quæ grata vobis esse potuissent, comprimite. His enim veluti rudimentis virtutum eruditi & assueti, faciliè hoc sanctum ac salutare odium, imo verò clarissimum supra vos imperium, quouis alio præstantius, obtinebitis. Rectè enim Salomon, Melior est, inquit, patiens viro forti, & qui dominatur animo suo, expugnatore vrbium. Haftenus de Euangelica lectione.

Prou. 16.

Nunc ad vos breuiter sermonem conuerto, fratres. Scitis hāc esse arctam illam viam salutis, qua sancti omnes ingredientiæ tantam gloriam & honorem à Christo Domino propositū per carnis suæ crucem adepti sunt. Quid igitur hi dicent, aut quid sibi polliceri poterunt, qui omnes opes & facultates suas, omnes curas & cogitationes suas in carne suā molliter tractāda, & oblectanda insumunt; qui omnē pietatis, honestatis & pœnitentiæ laborē non nūius quā tactum aspidis refugiunt; qui nullam crucis Christi, nullā cultus animæ suæ, nullam incertæ mortis, nullam reddendæ rationis, nullam æterni supplicij curam habent, qui ita viuunt, vt quamuis aliud fide teneant, re tamen ipsa atque vitæ institutione illud dicere videantur, quod homines Epicurei in libro Sapientiæ dicunt: Exiguū, & cum tardio sap. 23. est tempus vitæ nostræ, & non est refrigerium in fine hominis, & non est qui agnitus sit reuersus ab inferis; quia ex nihilo nati sumus, & post hoc erimus tamquam si non fuerimus. Venite

ergo & fruamur bonis quæ sunt; & utamur creatura, tanquã in iuuentute celeriter. Vino pretioso, & vnguentis nos impleamus, & non pratercat nos flos temporis. Coronemus nos rosis, antequam marcescant; nullum pratum sit, quod non pertranscat luxuria nostra. Horum autem miserabilem sortem & exitum

**Philip. 2.** Apostolus lamentatur, cum ait: Multi ambulãt, quos sæpe dicebam vobis, nunc autem & flens dico, inimicos crucis Christi, quorum finis interitus, quorum Deus venter est. Quid igitur infelicius quã talẽ Deum colere, talemq. finẽ & vitæ exitum exspectare? Qui igitur talem deum colunt, qui tota vita ventri seruiũt, nõne magis inter bruta animãtia, quẽ natura prona, atq. ventri obediẽtia finxit, quã inter homines connumerãdi sunt? Quo pacto igitur talẽ sedem sibi in cælo petẽt, qui in terris positi, pecudũ more viuunt? Et quidẽ nos omnes dum salutis nostrẽ sacrificiũ immolatur, postulamus vt inter Angelos & Archangelos, inter Thronos & Dominationes, atq. adeo inter Seraphicos illos Spiritus socia exultatione & cõmuni voce cõmunẽ Dominum laudemus dicẽtes; Sanctus, sanctus, sanctus Dñs Deus Sabaoth. Qua erga frõte inter hos choros locũ & vocem à Deo petunt, qui in terra pecudũ more vitã ducunt? Quid autẽ talibus, cũ hoc poscũt, responderi poterit, nisi quod sanctus ille

**Lucæ 16.** Patriarcha voluptuario illi diuiti respondit: Fili, recordare quia recepisti bona in vita tua, & Lazarus similiter mala; nunc autẽ hic consolatur, tu verò cruciaris? In quãto autem isti salutis suæ

**Lucæ 6.** discrimine versentur, apertẽ Saluator ostẽdit, cum ait: Væ vobis diuitibus qui habetis hic consolationem vestram. Væ vobis qui saturati estis, quia esurietis. Væ qui ridetis nunc, quia flebitis, Quis igitur adeo ferreus erit, qui hæc iudicis nostri nõ tam verba quã fulmina non pertimescat? Sed hæc aliàs. Nunc ad baculum patientiæ, quem initio proposuimus, quiq. ad infirmitatem nostram sustentandã maximẽ necessarius est, reuertamur.

## II.

Cum multi ac maximi diuinorum eloquiorũ fructus & utilitates sint; tum ille maximus, maximeque ad huius arumnosæ vitæ miseras perferendas necessarius est, quem Apostolus expressit, cum ait: Omnia quæ scripta sunt, ad nostram doctrinam scripta sunt, vt per patientiam & consolationem scripturarum spem habeamus. Sciebat enim vir diuinus non defuturos vnuquam labores & calamitates, quamdiu in turbido & procelloso huius vitæ pelago nauigamus. Hoc autem ipsa miserandæ vitæ nostræ cõditio, quæ ad exiliũ, ad lachrymas, & labores damnata est, facillẽ declarat. Cum enim duo sint totius generis humani parẽtes, alteri dictu est: Maledicta terra in opere tuo. Et, multiplicabo arumnas tuas, & cõceptus tuos; in dolore paries filios.

**Genes. 3.**  
**Ibidem.**

Quid



Quid ergo genus humanum ex tali propagatum radice sibi faustum & felix in hac vita polliceri poterit? Quid nisi illud quod in libro Iob scriptum est: Homo natus de muliere, breui viuens Iob 13. tempore, repletur multis miseriis; qui quasi flos egreditur & cōteritur, &c. Inter has autem hominum miseras, ea primo loco numeratur, quòd ex tam fragili principio, nempe ex muliere ortum duxerit. Vt enim D. Gregor. ait, Quid habere potest fortitudinis, qui natus est ex infirmitate? Quod si (vt Physici definiunt) maximam humano corpori materiæ partem femina ministrat; quale id erit quod ex tam vili & fragili materia procreatum emerfit! quāta erit corporis infirmitate pressum! quot miseriis implicatum! quot ægitudinibus circumuolutum! quot arumnarum generibus expositum! Denique idem sanctus Iob Iob 7. vitam nostram perpetuam quandam militiam esse ait, diesque nostros mercenarij diebus comparari. Quo in loco D. Gregor. Gregor. in Moral. Ipsa, inquit, vita nostra militia esse dicitur; quia hoc iam est facta quod tolerat; adeo pœna ipsa in naturam quodāmodo versa est. Quòd verò dies hominum, mercenarij diebus comparat, hoc significare voluit; quòd sicut mercenarius seruus, inopia cogente, in cōtinuo labore vitā ducit (quo enim die non laborat, vix habet quo sustentare vitā possit) ita omnis homo, quātum ad laboris conditionem attinet, verè mercenarius est; quia quamuis multi à corporis labore immunes sint, nemo tamen à laboribus animi, & curarū fluctibus liber est. Pro varietate namque tum delictorum, tum personarum, æquissimus ille mundi arbiter varia laborum genera singulis quibusque distribuit; vt quemadmodum nemo à culpa immunis, ita nemo pœnæ laborisque expers sit. Hinc apud eundem Iob gigantes gemere dicuntur sub aquis, vt intelligamus, quòd quamuis multorū fortuna sublimis sit, & à cōmunibus miserorum laboribus aliena, habet tamen diuina prouidentia atq. iustitia profundiores variarum calamitatum aquas, quibus hos mergit, sub quibus ipsi quoque alta suspiria & gemitus edant; quamuis dignitatis magnitudine excelsi & sublimes admodum sint. Hos autem humane vitæ turbines & procellas, quibus diuina prouidentia homines iactari patitur, regius Propheta expressit, cum ait; Abyssus abyssum inuocat in voce cataraetorum tuarum: hoc est, tribulatio tribulationem vrget, & calamitas calamitatem cumulat, & varia vndique pericula circumstant: cum tu, Domine, peccatis nostris exigentibus, turbines atque procellas calamitatum in huius vitæ pelagus tam frequenter immittis. Psal. 62.

Ceterum ne pij homines hac laborum cōmemoratione perterrescant, latum discrimen inter piorum improborumq. labores hoc in loco referendum putavi. Cū enim hæc laborū atque pœna-

2. Par. 24  
Osee 4.

Psal. 36.  
Psal. 40.

Cyprian.  
cōtra De-  
metrian.

pœnarum lex ad omnes vniuersè siue pios siue improbos spectet; cum omnes in eodem freto nauigēt, atque adeo eadē nauigantur; hæc tamē inter vtrosque differentia est, quòd improbos quidem Dominus laboribus vexandos atque agitandos pro eo atque eorum scelera exigunt, permittit, vt in illis impleatur quod per Prophetam dicitur: Dereliquistis Dominum, vt derelinqueret vos. Et illud Osee: Oblita es legis Dei tui: obliuiscar & ego filiorū tuorū. Pius verò, quoniam tora mēre illi tanquam amantissimo parenti obsequi & placere cupiunt, ipse quoq. paternā curā & prouidentia sic laborantibus & periclitantibus adest, vt cum ceciderint, non collidantur, quia ipse supponit manum suam. Hinc illud Prophetæ: Salus autem iustorum à Domino, & protector eorum in tempore tribulationis; & adiuuabit eos Dominus, & liberabit eos, & eruet eos à peccatoribus, & saluabit eos: quia sperauerunt in eo. Hoc ipsum discrimen D. Cyprianus cōtra Demetrianum assignat his verbis: Pœnam de aduersis mundi ille sentit, cui & lætitia & gloria omnis in mundo est. Ille mœret & deflet, si sibi malè sit in seculo, cui bene non potest esse post seculū; cuius viuendi fructus omnis hic capitur; cuius hic solatium omne finitur. Ceterum nullus dolor est de incurfione malorum præsentium, quibus fiducia est futurorum bonorum. Denique nec consternamur aduersis, nec frangimur, nec dolemus; neq. in vlla aut rerum clade, aut corporum valetudine mustitamus, spiritu magis quàm carne viuētes, firmitate animi infirmitatem corporis vincimus. Per ipsa quæ nos cruciant & fatigant, probari & corroborari nos scimus & confidimus. Putatis nos aduersa vobiscū æqualiter perperi, cum eadem aduersa videatis à nobis & vobis nō æqualiter sustineri? Quàm diu enim corpus hic permanet, cōmune cum ceteris sit necesse est. Intra vnā domū boni & mali interim continemur. Quidquid intra domū euenerit, pari sorte patimur, donec aut temporalis sine completo, ad æternæ vel mortis vel immortalitatis hospitia diuidamur. Non ergo idcirco compares vobis & æquales sumus, qui in isto adhuc mundo & carne cōstituti, mundi & carnis incommoda vobiscum pariter incurrimus. Nam cum in sensu doloris sit omne quod punit, manifestum est eum non esse participem pœnæ tuæ, quem videas tecum æqualiter non dolere. Hactenus Cyprianus. Videtis ergo, fratres, cum boni ac mali variis huius vitæ laboribus exagitentur, quantum inter vtrosque discriminis sit? Si enim diligenter vtrorumq. sortem consideres, intelliges, illos quidem sub ardentissimo solis actu sine vmbraulo aduri, istos verò diuinarum alarum vmbra protectos à solis ardore defendi. Ulli, velut in media acie, nudi & incrimēs telis parent hostium suorum (illa Cain verba vsur-

pantes,

pantes, Omnis qui inuenerit me, occidet me: ) isti verò diuina custodia armati, clypeoq. diuinæ protectionis muniti, inter medios hostiũ cuneos tuti & impenetrabiles incedũ. Illi per huius seculi vndas in nauí, clauo maloq. destituta, ventorum atque fluctuum incursionibus variè iactantur: isti verò in nauicula Christo gubernatore maria fulcante nauigāt, qui imperat ventis & mari, & sit tranquillitas magna: hoc est, qui & mundi rabiẽ ac tempestatẽ sedat, & mentes nostras inuictis viribus sepit, ne nos procella mundi submergat.

Luc. 8.

## III.

Hoc ipsum autem (vt cetera Sanctorum exẽpla taceam) vel vnus beatissimi Laurentij Martyris exemplo cõprobare licet; cui Dominus & patiendi materiã, & robur inuictũ, & propensã ad patiendum voluntatẽ, & alacritatẽ contulit. Primum enim scorpionibus, iubente Imperatore (cuius animus dæmonum furias agitabatur) immanissimè toto corpore cæditur & laceratur. Deinde nouo alio flagellorum genere, iisdem temporibus vísitato, hoc est, crudelibus virgis sæuissimè cæditur. Cũ autem gloriosus Christi Martyr, corpore quidem lacerò, sed animo tamen integro, quo magis torquebatur, eo fortior atq. constantior in eius confessione persisteret, crudelis tyrannus contemni se putans, & se frustra hæc tentasse indignè ferens, aliud flagellorum genus, multo dirius, nempe plumbata, afferri iussit; vt quoniam nullus iam erat vulneribus in lacerò corpore locus, plumbata corpus lacerum contunderent, & ossa confringerent. Cũ ergo sanctus Martyr mortem sibi iam imminere credidisset, sublati in cælum oculis, cælestem Imperatorem his verbis appellat: Domine Iesu, suscipe spiritũ meum. Quid ad hæc Dominus Iesus? O miranda diuinæ sapientiæ consilia! Ad hanc martyris petitionem clarissima è cælo vox delapsa est, quam ipse etiam crudelis Tyrannus audiuit; Adhuc multa tibi desunt certamina. Clemētissime Domine, liceat mihi tecum paululum ratiocinari. Iustus quidem, Ieremias ait, es tu Domine, si disputem tecum; veruntamen iusta loquar ad te. Cur, quæso, mi Domine, sanctum Martyrem tuum diutius atq. immanius torqueri vis; cũ tam strenuè hætenus diu pro tui nominis gloria decertauerit? Ter iam martyr effectus est, qui ter tot verberibus, tot plagis laceratus & contusus, nullum habet in corpore membrum quod tibi non obtulerit in holocaustum. Adde incomparabilem animi constantiam, qua Tyranno minitanti respondit: adde Ecclesiæ thesauros tanta fide & deuotione distributos: adde vitam innocentissimè actam, quam edita miracula probant: adde illam inexplẽbilem martyrij sitim, quæ

Ier. 12.

apud



- apud iustitiam & equitatem tuam martyrij instar est. Num igitur doloribus & cruciatibus hominum pasceris, qui ad alia gratiora certamina Martyrem vocas? At hoc usque adeo ab immanisa bonitate & charitate tua alienum est, ut ne nos vulneremur, vulnera nostra excipere; ne nos ad mortem duceremur, tu mortis supplicium subire volueris. Quin & sanguinarios illos parentes odisti, qui liberos suos in falsorum deorum honorem iugulabant; quod execrandum sacrificij genus tu maxime auersaris. Cur ergo nunc tormenta Martyris iam penè consumpti, diutius augenda & protelanda cælesti voce denuntias? An non periculum est, ne fideles tui, tantorum tomentorum metu perterrefacti, concidant & à fide deficiant? O altitudo diuitiarum sapientiæ & scientiæ Dei! O admiranda ratio diuinorum consiliorum! Hæc sanè diceret hoc in loco prudentia carnis. At prudentia spiritus miras in hoc diuino consilio rationes deprehendit. Hac enim passionum acerbitate Dominus & Martyrem mirabiliter illustrabat, & nominis sui gloriam, & gratiæ suæ potentiam, & prouidentiae suæ curam atque solertiam apertissimè declarabat, & Ecclesiæ suæ fidei prudentissimè consulebat; ac postremo, quàm sit is in Sanctis suis mirabilis, ostendebat.

- Quid enim mirabilius (ut ab hoc primum incipiamus) quàm hanc tantam, tamque insuperabilem animi cōstantiam & fortitudinē in homine fragili carnē septo (qui vix culicis morsum patienter ferre potest) deprehendi? potuit ne Deo, Angelis, & hominibus spectaculum gratius mirabiliusque proponi, quàm Laurentius cum scorpionibus, cum ignibus, cum craticula, cum furcis ferreis, & cum ipso orbis monarcha adeo fortiter & animosè decertās? Amplificat Catonis fortitudinem Seneca cum mala fortuna dimicantem; his verbis: Ecce par Deo dignum, vir fortis cum mala fortuna compositus, utiq. si & prouocauit: Non video, inquam, quid habeat in terris Iupiter pulchrius, si cōuertere animum velit, quàm ut spectet Catonem iam partibus non semel fractis, stantem nihilominus inter ruinas publicas erectum. Haecenus Seneca. Si hoc igitur spectaculum tam gratū Deo fuisse vir hic disertissimus & iustissimus virtutum æstimator credidit, Catonem videlicet inter illas fracti exercitus reliquias animo infracto extitisse, neque Cæsaris arma & potentiā extimuisse: quale quæso spectaculum fuit, adolescentulum nudum & inermem, omniq. humana ope destitutum, aduersus totam mundi atque inferorum potentiam dimicasse, vicisse, atque triumphasse? Domuerunt Romani Imperatores mundum, & sub iugum atque ditionem suam redegerunt: at hic Romanus Imperator atque orbis domitor, itemque omnibus

nibus demonum furis exagitarus, adhibitis omnibus tormentorum machinis, quas vel crudelitas hominum, vel furor demonum, vel Imperatoris potentia potuit excogitare, adoleſcētem hunc adeo non vicit, neque à fidei suę constantia (quod vnum ille caprabat) reuocare potuit, vt is in mediis ignibus & craticula constitutus, & furcis ferreis compressus, adeo non cesserit doloribus, vt ad teterrimum Tyrannum victor ignium diceret: Agnosce miser, & reipsa doctus intellige, me istis tuis ignibus adeo non terreti. vt ij mihi magno etiam refrigerio sint: agnosce ergo te victum: agnosce te mea fide & constantia superatum, & conatus tuos omnes irritos & inanes fuisse: agnosce totam Imperij Romani potentiam ab vno adoleſcente deiectam: agnosce me torqueri quidem & mori, vinci tamen minimè potuisse: agnosce cruciatus tuos corpus tantum meum impetere valuisse, sed animi robur & constantiam non fregisse, nec ab eo quod tot artibus, tot machinis extorquere cupiebas, impetrare potuisse. Agnosce ergo, miser, Romanum Imperatorem non modò ab vno adoleſcente superatum, sed etiam irrisum atque contemptum. Itaque assasti vnā partem, gyra aliam & manduca. Videris, fratres, quantum ex hac passionis acerbitate Martyris gloria creuerit?

\* Quid verò diuini nominis gloria? quātum hac passione illustrata est? Vnicū sanctorū omnium studium fuit, modis omnibus Dei gloriā magnificis laudibus & operibus celebrare. Itaque alij canticis & hymnis, alij variis sacrificiorum generibus, alij puritate & innocentia vitæ, & plenissima mandatorū obedientia eius imperium & gloriam magnificauerunt. Nulla tamē diuini nominis magnificādi ratio dignior & illustrior, quā quæ Martyrum sanguine & morte declaratur. Hinc Ioannes in Euangelio de Petri morte à Domino prænuntiata loquens ait: Hoc autem dicebat, significans qua morte clarificaturus esset Deū. Dei enim gloria, fide & obsequio seruorū eius maximè declaratur. Quod autē maius obsequium vel à Deo requiri, vel ab homine impendi potest, quā illatam mortem, & acerbissima tormēta prius perpeti, quā illius numen violare, fidē prodere, maiestatem offendere, & ab obedientia & reuerentia illi debita desistere? Non est enim in tota humana naturæ facultate, diuino etiam præsidio munita, quò vterius in Dei fide, amore & obedientia progredi valeat. Quod cū ita sit; quantum, quæso, beatissimus Laurentius Dei gloriam illustrauit, cuius tantam maiestatem, tantam gloriam, tantum imperium esse credidit, vt pro ludo habuerit omnes tormentorū machinas, omnē Imperatorum potentiam, ne caelestem Imperatorem suum aliqua infirmitatis nota offenderet! Tota enim mundi potentia à fide

Ioan. 27.

&amp; cha-

& charitate huic maiestati debita, ne ad momentum quiderti illum potuit auocare. An non igitur hæc rapta passionum acerbitas Dei gloriam (cui omnia seruire debent) maximè extulit?

Ceterum vt fidelis famulus in Dominum, ita fidissimus Dominus exstitit in seruum; qui tanto illum spiritus robore donauit, totque miraculis eius fidem confirmauit, & certissimam illi spem salutis & gloriæ mox futuræ ostendit. Nam cum in carcere esset, signo crucis subitam & insperatam videndi facultatem cæcis contulit, & his miraculis Hippolytum, carceris custodem eiusque familiam ad Christi fidem ita conuertit, vt martyrij participem effecerit. Cælesti quoque voce, qua Dominus & præsentia suam, & voluntatem declarauit, & ad futura certamina erexit, ipsumque armauit & corroborauit. Quin & pulcherrimum è cælis Angelum misit, qui Martyris sui sanguinem ex vulneribus defluentem, linteo abstergeret. Quo miraculo Romanus miles, qui tum aderat stupefactus, & ad Laurentium conuersus, Video, ait, ante te iuuenem pulcherrimum linteo vulnera tua tergentem; & ideo adiuro te per Deum, qui suum ad te Angelum demisit, ne me derelinquas. Opportunitate verò accepta, à B. Laurentio baptizatus, clamare cœpit se Christianum esse. Ideoque Imperatoris iussu capite truncatus, Christi martyr effectus est. His igitur externis fidei & spei adiumentis, & internæ gratiæ præsidiiis fidelem seruum fidelior Dominus ad certamen illud clarissimum adiuuabat. Hoc ergo modo fidissimus cum fideli seruo Dominus certare quodammodo videbatur. Quo enim martyr grauiora tormenta patiebatur, hoc maiora illi Dominus ad patiendum præsidia & adiumenta conferebat.

Iam verò ad Catholicæ fidei exemplum & firmamentum quantum roboris hæc Laurentij tormenta præbuerunt! Quo enim immaniora supplicia, ne à fidei sinceritate deficeret, passus est, hoc clarius & firmitus sanguine suo Catholicæ veritatis & fidei testimonium tulit.

Quid verò de Martyris gloria & corona hac tam dira passione aucta dicam? Vnus martyrij dies totam æternitatis gloriam illi contulit; tantoque maiorem, quanto passionis certamen acrius fuit. Quo quidem fructu sanctus Martyr fraudatus fuisset, si postremum hoc craticulæ supplicium illi defuisset. Eius igitur gloriæ & felicitati Dominus consulebat, cum maiora illi certamina superesse cælesti voce denuntiabat. Non vulgari beneficio diuitem mercatorem afficit, quisquis oportunam mercium materiam illi subministrat, qua is in arca repositam & otiosam pecuniam locupletare mercimoniis exercendis valeat.

At.

simile.



At beatus Laurentius diuinæ gratiæ opibus ditissimus erat; cuius virtute tormenta illa, & multo etiam atrociora sustinere poterat. Quocirca magnum diuinæ providentiæ beneficium existit, huic tantæ gratiæ, quæ in sancti Martyris mente larebat, hanc tantæ fortitudinis & constantiæ segetem & materiam præbere; cuius fructus & in Ecclesia ad piorum exemplum, & in cælo ad Martyris gloriam sempiterno ævo permaneret.

Quid ex his quæ hæcenus diximus, colligere licet, fratres? Multa sanè; sed illud in primis, quantum à veritatis scopo aberrant, qui metu laboris quem in diuinæ legis obseruatione esse putant, ab ea deterrentur. Non enim diuinæ gratiæ virtutem (quam fortasse nunquam experti sunt) agnoscunt, cuius tanta vis est, vt non modò legis diuinæ suauis iugum, & onus leue, sed Mat. 11. ferrum etiam, & ignes, & scorpionum verbera, & crates ferreas alacriter ferre possit. Quæ quidem gratia omnibus qui se ad eam parare student, in promptu est; cum ipsius gratiæ auctor personarum acceptor non sit, sed omnibus ad se redire volentibus misericordiæ suæ opes explicare & impartiri soleat. Act. 10. Vnde merito D. Bernardus magis ait diuinam gratiam queri posse quòd Bernard. homines illi desint, quàm quòd ipsa desit hominibus. Quam ergo ignauia nostræ excusationem in extremo illo examine pretextere poterimus, cum gratiæ collator expansas semper manus in cruce habeat, vt sua in nos munera largiatur?

Hinc etiam colligere licet, quanta sit illa supernæ patriæ felicitas, quam omnes sancti Martyres dignam putauerunt, propter quam omnia tormentorum genera perpeti decreuerint; cum tamen certum sit, ne omnes quidem passionibus simul congestas vel vnum felicitatis huius diem æquare posse, nisi diuinæ gratiæ virtus eas hac felicitate dignas efficeret. Quanta ergo dementia, quanta cæcitas est, nolle solo diuinæ legis suauissimo iugo sine vulnere & sanguine mercari, quod Martyres omnes membrorum omnium dilaceratione sibi compararunt? Quid hi, quæso, facient, cum videant se ab hac tanta gloria excidisse, quam tam leui diuinæ legis sarcina sine ferro & vinculis promereri potuissent? O qualis tunc erit luctus, quantus furor, cum hanc tantam socordiam & amentiam suam ad mentem reuocauerint? Vt igitur hunc tantum fletum euadere mereamur, fratres, hac saltem ratione Martyrum exempla sectari contendamus; vt quando mori propter Christi confessionem non datur, membra saltem nostra (vt Apostolus ait) mortificare studeamus super terram, fornicationē, immunditiā, libidinem, concupiscentiam malam, & avaritiam (quæ est simulacrorum seruitus) propter quæ venit ira Dei in filios incredulitatis; vt his pestibus liberati, ad gloriosæ Martyrū cōtubernia peruenire mereamur; præstate

Domino Iesu Christo, cui est gloria & imperium per infinita seculorum secula. Amen.

## IN FESTO ASSVMPTIONIS

BEATISSIMÆ VIRGINIS MARIAE,  
concio prima: in qua lectio Euangelica & literali  
& mystica expositione enarratur; ac deinde sacræ  
Virginis laudibus, & Assumptionis eius festo  
accommodatur.

**THEMA.** *Martha, Martha, sollicita es, & turbaris erga plurima. Porro vnum est necessarium; Maria optimam partem elegit, quæ non auferetur ab ea. Lucæ 10.*



ONSENTANEVM erat, fratres dilectissimi, ut dignitati festorum quæ statis diebus celebranda nobis proponit Ecclesia, pietas quoque & deuotio nostra ita responderet, ut festorum magnitudinem religionis & pietatis nostræ deuotio æquaret. Constat autem inter omnes Sanctorum dies festos, beatissimæ Virginis festa principatum tenere; quando & ipsa inter omnes sanctorum ordines principem locum tenet. Inter omnia verò eius festa, id quod hodie de gloriosa eius in cælum assumptione celebramus, esse præcipuum, Ecclesia initio statim solennitatis huius prædicat his verbis: Hæc est illa præclara festiuitas omnium sanctorum festiuitatibus incomparabilis; in qua gloriosa & felix, mirantibus caelestis curiæ ordinibus, ad ætherium peruenit thalamum. De hac igitur tam gloriosa solennitate sermo nobis hodie habendus est. Tempus enim (ait Bernardus) loquendi est omni carni, cum assumitur incarnati Verbi mater in cælum; nec cessare debet à laudibus humana mortalitas, cum hominis sola natura super immortales spiritus exaltatur in Virgine. Sed quid nos rudes & imperiti de tanta Virginis gloria dignum dicere valeamus? Fateor (ait idem) imperitiā meam; pusillanimitatem propriam non abscondo. Non est equidem quod me magis delectet, sed nec est quod terreat magis, quàm de gloria Virginis Mariæ habere sermonem; quia licet de ea loqui gestiant omnes, tamen quidquid dicitur de indicibili, eo ipso quod dici potuit, minùs placet.

Hoc autem festum sancti Apostoli primi omnium dignissimè hodierna die celebrarunt. Qua de re D. Dionysius cum de laudi-

Bernard.

Idem.

laudibus Hierothei magistri sui dissereret, sic ait: Cum nos & plerique ex sanctis fratribus nostris ad contuendum corpus illud quod auctorem vitæ Deumque ceperat, conuenissemus, (aderat autem & frater Domini Iacobus, & Petrus, supremum decus & antiquissimum Theologorum columen) ubi post conuinitum placuit ut infinitè potentem bonitatem Pontifices laudarent omnes, quisque pro capto suo, ille (scilicet Hierotheus) post Apostolos, omnibus aliis laudatoribus superior erat: totus excedens, totus se deferens, eorumque laudabat consortium patiens. Ab omnibus denique à quibus audiebatur, videbatur, & agnoscebatur, & non agnoscebatur, afflatus Deo, diuinusque laudator iudicatus est. Hactenus ille. Hic certè vir diuinus pro dignitate huius diei festum celebravit. Hec nos hodie spiritu & affectu dicere; hoc vos audire oportebat, fratres, ut aliqua saltem ex parte huius diei solennitati satisfacere possemus. Sed quoniam hoc cæleste donum est descendens à Patre luminum, eius opem, sacratissimæ Virginis interuentu (cuius hodie festum celebramus) suppliciter imploremus.

Dionys.  
de diuin.  
nominibus  
ca. 3.

Iacob. 1.

## A V E M A R I A.

Lectio sancti Evangelij, fratres charissimi, si nudam solùm rei gestæ historiam, quæ in ea describitur, spectare velitis, nihil ad præsentem solennitatem facere videbitur: si verò rei gestæ mysterium attendatis, nihil ad eam commodius afferri potuit. In ea verò narratur, duas illas sorores, Martham & Mariam, Dominum Iesum, ubi castellum quoddam ingressus esset, intra domum suam excepisse, & omnia illi hospitalitatis & humanitatis obsequia deuotissimè exhibuisse. Prudentissimè enim piæ sorores hospitis sui mores & ingenium agnoscentes, sic inter se officia partitiæ sunt, ut altera sacri corporis eius, altera animæ pascendæ officium sibi sumeret; & altera quidem illum in domo sua, altera in mente reciperet: Martha enim satagens circa frequens ministerium, mensam, qua corpus Domini reficeretur, apparabat; Maria verò deuotione, & amore, atque cælestis verbi auditione, prædicantis Domini animam, dum pascere-  
retur, ipsa pascerebat. Nouerat enim, ipsum ubi Samaritanâ mulierem docuisset, & ad fidem conuertisset, discipulis cibum offerentibus dixisse: Ego cibum habeo manducare quem vos nescitis. Cumque illi de hoc cibo quæsis-  
sent, Meus (inquit ille) cibum est ut faciam voluntatem eius qui misit me, & perficiam opus eius. Cum ergo hoc probè teneret Maria, simili obsequio Dominum reficere curauit, ad illius pedes sedens, & verbum eius deuotissimè audiens, illumque hoc modo non solum reficiens, sed etiam intra animæ suæ hospitium excipiens.

Ioan. 4.

KK 2 Cum



Cum ergo Martha satageret circa frequens ministerium, sororemque ad pedes Domini affidentem sine vlla sollicitudine cerneret, studio magis hospitalitatis quam indignatione commota, ad Dominum ait: *Domine non est tibi cura quod soror mea reliquit me solam ministrare? dic ergo illi ut me adiuvet.* Et respondens ait illi Dominus: *Martha, Martha, sollicita es & turbaris erga plurima. Porro vnum est necessarium: Maria optimam partem elegit, quæ non auferetur ab ea.* Multa sunt, fratres, quæ tum in hac Martha querela, tum in Dominica responsione commentari possemus; sed illud præcipuè hoc in loco obseruandum est, quod sancti Patres annotarunt, nempe per has duas sorores, duo viuendi genera, quibus in Ecclesia pij omnes exercentur, commodissimè designari. Martha enim, quæ in hospitalitatis & misericordiæ opere defudabat, actiuam vitam repræsentat; Maria verò, quæ ad pedes Domini sedens audit verbum illius, contemplatiuam designat. Est enim actiua vita, quæ in iis operibus versatur, propter quæ Dominus in extremo iudicii die cæleste regnum ouibus suis se esse largiturū promittit, cum ait: Esuriui, & dedistis mihi manducare; sitiui, & dedistis mihi bibere; hospes eram, & collegistis me; nudus, & operuistis me. Contemplatiua verò vita est ab his quidem operibus (cum necessitas charitatis non vrget) feriatim vacare, & gustare quoniam suauis est Dominus; hoc est, diuinorum rerum contemplationi toto pectore incumbere, diuinis amplexibus inharere, diuinæ pulchritudinis speciem puris animæ oculis contueri, soliusque conditoris amore ac desiderio inardescere; ac postremo cælestem in terra vitam meditari. Hoc est igitur contemplatiuæ vitæ officium, quod sancti illi Anachoritæ in desertis vitam agentes profitebantur, qui ab omnibus huius vitæ curis & negotiis secedentes, in hoc vno studio dies noctesque intenti erant, corpus atterentes, ut animam cælestibus dapibus saginarent; terrena bona contemnentes, ut mentem spiritualibus opibus locupletarent. Horum igitur præcipuum & singulare studium erat, illa Prophetæ verba in corde & in ore semper habere; Diligam te Domine, fortitudo mea; Dominus firmamentum meum, & refugium meum, & liberator meus. Et, Sicut ceruus desiderat ad fontes aquarum, ita desiderat anima mea ad te Deus. Sitiuit anima mea ad Deum fontem viuum, quando veniam, & apparebo ante faciem Dei mei?

Quæri autem solet, ex hac duplici vita, cum vtraque sanctissima, Deoque gratissima sit, vtra sit illi gratior atque præstantior. Cui quidem quæstioni cælestis magister in Evangelica huius diei lectione respondere videtur, cum Martha quærenti ait: *Maria optimam partem elegit, quæ non auferetur ab ea.* Sed quoniam

( vt

(vt Philosophi tradunt) scire, est rem ex causis cognoscere, non erit alienum, quod Dominicæ vocis testimonio verum esse cognoscimus, causis etiam redditis comprobare; iis præsertim, quæ nos ad huius vitæ amorem & studium excitare possint. Illud igitur hanc vitam maximè commendat, quòd in ea actione versatur, ad quam præcipuè homo à Deo conditus est. Quam rem hac distributione atque ordine Seneca declarat; Externa siquidem omnia, atque adeò totum hunc mundū, quem oculis usurpamus, ad humani corporis obsequium pertinere ait: corpus verò propter sensus datum esse definit, vt per eos magnifica Dei opera contueri & sentire possimus. Sensus verò menti atque intellectui deferuire ait, dum varias ei rerum differentias repræsentant, in quibus ipse philosophari queat. Porro autem mentem ipsam, in qua intellectus inest atque voluntas, ad hoc nobis esse concessam, vt ex iis quæ sensuum ministerio deprehenderit, in conditoris sui cognitionem & amorem assurgat. Ad quod officium hominem conditum esse Seneca testatur. Constat enim quæ inferiora sunt, superioribus deferuire; non contrà. Non est enim dominus propter seruum, sed seruus propter dominum; neque eques propter equum, sed propter equitem atque sessorem equus. Non igitur mens nostra inferioribus seruire, sed inferiora menti seruire natura ipsa debent. Rectè ergo Seneca, externa omnia propter corpus, corpus verò propter sensus, sensus autem propter mentem, mentem verò propter diuinæ pulchritudinis speciem contèplandam & amandam conditam esse docet. Quod cum ita sit, consequens est, vt præstantissimum illud opus esse fateamur, ad quod & totus hic mundus, & homo ipse præcipuè conditus est, quod quidem est contemplatiuæ vitæ proprium.

Adde etiam, quòd quicumque rectè philosophati sunt, in hac ipsa cõtèplatiuæ vitæ actione humanam felicitatem & summum hominis bonum posuerunt; quamuis neque supernaturalem eius beatitudinem, neq. supernaturalia Spiritus sancti dona naturali rationis lumine agnoscere potuerunt. Nos autem supernaturalia Spiritus sancti dona adiūgimus, quibus & intellectus nostri aciem dono sapientiæ illustramus, & voluntatē charitatis ardore incendimus, quibus hæc duæ supremæ animæ nostræ vires perficiuntur & nobilitantur; vt his veluti alis subleuata, ad diuinæ pulchritudinis speciem contèplandam attollantur. Ex his autem quæ diximus, huius vitæ dignitas apertè colligitur. Inter omnia quippe Spiritus sancti dona principē locum obtinet Sapientia. Proprium autem sapientiæ opus est, diuina contèplari. Necesse est autem præstantissimum esse, quod à præstantissimo Spiritus sancti dono proficiscitur. Constat item

inter omnes virtutes atque habitus, caritas menti nostræ inditos, principatum tenere charitatē. Erit ergo nobilissimus actus, qui à nobilissimo habitu procedit; hic autē quis alius est, quam summum bonum diligere? Quid verò aliud huius vitæ sectatores agunt, quàm diuinis amplexibus, diuinæque dilectioni vacare? Vt enim D. Gregorius ait, Tales amant, & ardent; & in ipso suo amore requiescunt: quia nihil hoc amore superius est, ad quod illum referre & ordinare debeant; ideoque in eo, tanquam in fine, plenissimè requiescunt. Qua quidem ex re huius vitæ dignitas apertè colligitur, quādo id agit in terra, quod beatæ mentes in cælo semper exercent. Vnde alia etiam eius dignitas intelligitur; nempe, quòd cum multa virtutum officia simul cum vita finiantur, hoc tamen munus & officiū tunc perfectius incipitur, cum in hac vita finitur. Vt enim Apostolus ait, Charitas nunquam excidit; siue prophetiæ euacuabuntur, siue linguæ cessabunt, siue scientia destruetur; ex parte enim cognoscimus, & ex parte prophetamus. Cum autem venerit quod perfectum est; euacuabitur quod ex parte est. Quibus verbis Apostolus designare voluit, charitatis munus & officium manere in patria, cum tamen alia Spiritus sancti dona, & benignitatis officia ibidem locum habere non possint, vbi miseria nulla, nulla imperfectio est. Quam quidem rem apertè Saluator exposuit, cum Mariæ patrem nunquam ab ea auferendam esse dixit. Fides enim & spes non erunt in patria; charitas verò, & diuinæ pulchritudinis cōtemplatio perpetuò in ea manebunt. Ex his autem illud etiam colligitur; nempe, hac familiari & assidua cum Deo, rebusque diuinis consuetudine, paulatim hominem humana omnia dediscere, & in spiritum atque diuinum hominem euadere, Apostolo testante, qui ait: Qui adhæret Domino, vnus spiritus est.

Hæc igitur omnia, fratres, satis indicant cōtemplatiuæ vitæ dignitatem. Vnde quisquis huic studio addictus fuerit, gloriari verè cum Propheta poterit, dicens: Funes ceciderunt mihi in præclaris. Verè enim felicissimus esse putandus est, cui diuino beneficio hæc tam præclara sors contigit, vt vitam omnem in hoc piissimo studio insumat. Quam rem D. Gregorius Theologus eleganti descriptione testatur: qui cum Episcopatus sarcinam fuga & latebris declinasset, hoc nomine aduersus accusatores suos fugam suam tueretur, quòd cōtemplatiuæ vitæ amore, cui semper fuerat addictus, pastorem curā refugisset: sic enim ait: Nihil enim fortunatius eo homine esse videbatur, qui clausis compressisque corporis sensibus, atque extra carnem mundumque positus, in seque collectus, nec (nisi summa necessitate impellente) quicquam humanarum rerum attingens, & secum, in se,

& cum

Gregor.  
Theolo-  
gus in  
Apolog.



& cum Deo colloquens; superiorem rebus in aspectum cadentibus vitam agit, diuinâque species & imagines puras semper, nec ullis terrenis & errabundis formis permixtas in seipso circumfert, ac Dei rerumque diuinarum purum omnino speculum efficitur, lucique lucem, obscuriori videlicet clariorem adiungit; ac iam futuri æui bono fruitur, & cum Angelis versatur; & adhuc in terris agens, terram deserit, atque à spiritu in cælo collocatur. Si quis vestrū hoc amore correptus tenetur, quid dicam, intelligit, atque affectui ei in quem tum incidi, facile ignoscet. Hactenus ille. Ex cuius verbis liquet, quanta sit huius vitæ dignitas, quantumque à veritate aberrant, qui eam ut vacantem & otiosam contemnunt; utpote quod per eam homines sibi ipsis tantum, non etiam publice salutis & utilitati prospiciant. Aduersus hos autem D. Bernardus ait: Otiosum non est Bernard. vacare Deo, sed negotium negotiorum omnium. Quod quicumque in cella non agit fideliter & serueniter, quidquid aliud agit, quod non propter hoc agit, (scilicet ut Deo seruiatur) in eo quod agit oritur. Felix igitur ille est, fratres, qui se totum à mundo abdicauit, totumque huic studio addixit; qui videlicet curas omnes in hanc vnam curam, negotia omnia in hoc vnum negotium, desideria cuncta in hoc vnum desiderium, amores omnes in hunc vnum amorem, & gaudia omnia in hoc vnum gaudium, studia omnia in hoc vnum studium commutauit. Quisquis enim ob amorem Christi omnia reliquit, eadem centuplum aucta, non in altera solum vita, sed etiam in præsentī percipiet.

Erunt fortasse nonnulli inter vos, qui his auditis, ad huius pulcherrimæ vitæ amorem excitentur, & ad eam capeſcendam aspirare incipiāt. Hos igitur monitos volo, duobus primū gradibus ad hanc vitam esse ascendendū. Ut enim in Ecclesia nefas simile. esse ducitur ad sacros ordines promoueri per saltum, ut aiunt; ita præposterū est, hoc vitæ genus profiteri, nisi duo isti gradus, vel saltem vnus eorum antè præceſſerit. Sic enim prius Lia secunda, quā formosa Rachel in matrimonium ducitur: sic actiua vita contemplatiuam antecedere debet. Verūm dicit aliquis: Huic vitæ mihi vacare nō licet; vel quia opes mihi desunt, quibus aliis subueniam; vel facultas in publicum prodeundi deest; quoniam domi inclusus maneo, ideoque liberum mihi non est, quæ aliena sunt, curare. Si hoc tibi non licet, est tamen gradus alter necessariō subeundus, nempe ut cupiditates omnes, earumque radicem, hoc est immoderatum tui amorem superare contendas, quō diuinæ dilectioni in mente tua locum præpares. Amor quippe immodicus sui, & amor Dei, non minus quā vterque mundi polus sibi mutuo aduersantur. Amor quippe

Dei omnia ad Deum, tanquam ad vltimum finem, dirigi & ordinari postulat; contrā verò immodicus amor sui & Deum ipsum, & cetera omnia ad se, suamque vtilitatem destinari vult: atque ita seipsum tanquam vltimum finem statuit. Quisquis igitur ad hanc felicem vitam ascendere parat, conscientię puritati, atque cupiditatum omnium cohibitioni diu mulumque insudare debet. In maleuolam quippe animam non introibit sapientia, neque habitabit in corpore subdito peccatis. Vnde

**Sapient. 1.**

**Cant. 1.** sponsa in Canticis cum Sponsum ad lectum inuitat (hoc est ad interne quietis, & spiritualium deliciarum locum) floribus illum respersum esse ait; hoc est, non prauis cupiditatibus, sed piis affectibus, & sanctis desideriis plenum. Libenter enim Sponsus ad huiusmodi loca declinat.

## I.

Ceterum quamuis has tantas laudes contemplatiua vita mereatur; actiua tamen vita tantum meriti atque laudis habet, vt in extremo iudicij die cæleste regnum misericordiæ operibus (quæ ad hanc vitam pertinent)tribuendum esse iudex ipse dicat. Electis enim ad dexteram suam constitutis dicit: Venite benedicti Patris mei, percipite regnum quod vobis paratum est ab origine mundi. Esuriui enim, & dedistis mihi manducare; sitiui, & dedistis mihi bibere; hospes eram, & collegistis me; nudus, & operuistis me, &c. Quærentibus autem piis quando hæc in Dominum benignitatis officia contulerint, respondebit iudex: Amen dico vobis, quamdiu vni ex minimis istis fecistis, mihi fecistis. Hoc satis eray ad laudem & cõmendationem huius vitæ, quod cum ceteris quoque piis operibus æterna merces parata sit, de his solum in illo die se mentionem facturum esse Dominus testatur; adde etiam quod interdum ad hæc misericordiæ opera sic adstringimur, vt altissima etiam contemplatio propter illam deferenda sit; quando laborantis proximi necessitas hoc à nobis requirit. Vnde est illud Augustini: Otium sanctum quærit charitas, negotium sanctum exigit necessitas charitatis. Quam sarcinam si nullus imponat, contemplandæ veritati vacandum est. Ipsa quoque in Deum charitas quò magis amorem nostrum excitat in eum, eò magis ad diligendos homines instigat propter Deum; quoniam (vt D. Gregorius ait) quātò ea valentiùs attolitur ad summa, tantò potentiùs recurrit ad ima. Hoc autem nobis innuit flagrantissima illa Pauli in Deū charitas, ex qua tantus dilectionis ardor in homines effluxit, vt posteaquam totam spiritus sui vim in exhortandis Corinthiis effudisset, eosque multis maximisque salutaris doctrinæ monitis imbuisset, neque tam longa & mirabili exhortatione calor ille dicendi deseruisset, tandem ait: Os nostrum patet ad vos, o Corinthij; cor nostrum dilata-

**M. tth. 25**

**Ibidem.**

**August.**

**Gregor.**

**Cor. 6.**

dilatatum est; non angustiamini in nobis. Quid est quod ait, Os nostrum patet ad vos o Corinthij? Metaphora sumpta esse videtur ab iis qui nimio calore aestuantes hianti ore auram capere non cessant, qua caloris incendium refrigerare queant: sic diuinus hic vir salutis humane ardore incensus erat, ut neque continuum monendi homines officium, neque labores ob hanc causam suscepti, non pericula, non vincula, non verbera, ignem illum ita refrigerare aut extinguere possent, ut non aperto ore alia atque alia periculorum & laborum genera propter eos sitiret; ideoque ait: Os nostrum patet ad vos, o Corinthij. Quam vero ipse ignem in pectore gestabat, in discipulorum mentibus accendere nitebatur, cum post hec verba protinus subdit: Eandem habentes remunerationem, Ibidem.  
 tanquam filius dico, dilatarumini & vos: hoc est, eadem charitatis & misericordie viscera non erga me solum, sed quam latissime erga omne genus hominum gestate. Quod initio nascentis Ecclesie fideles faciebant; qui non minore charitatis affectu idololorum cultoribus in calamitate positis, quam domesticis fidei succurrebant. Hinc D. Cyprianus, atrocissima peste Carthagini grassante, fideles sibi subditos ad hanc pietatis & misericordie officia infidelibus exhibenda sedulo hortabatur. Intelligebat enim vir sanctus, quam summo illi misericordiarum pareri grata esset illi homines, quos ipse ad imaginem suam fingit, misericordia. Quod si huius rei causam queras, illa inter ceteras non postrema est, quod viri misericordes cooperatores Dei in hominum salute conseruanda sint. Cum enim is mundi huius gubernationi perpetuo intentus sit, & inferiorum causarum ministerio, animantium ac precipue hominum (propter quos cetera condita sunt) vitas tueatur, & necessaria illis ad vitam cultum suppeditet; quisquis indigenti proximo ac de salute periclitanti manum porrigit, an non is Domino ad salutem hominum cooperatur, & quodammodo parvus quidam Deus cum illo efficitur? Hoc enim a Deo vir misericors distat in hoc officio; quod Deus quidem (cuius immensa bonitas & potentia est) omnibus prouidet: ipse vero (cuius tenues opes sunt) non omnibus, sed paucis hominibus consulit. Eccle. 18.  
 Quam rem breuiter Ecclesiasticus significauit, cum ait: Misericordia hominis ad proximum suum, misericordia autem Dei ad omnem carnem. Quod cum ita sit, quomodo Deus non eximio illum amore prosequatur, quem secum cernit cooperantem, & adiutrices manus ad opus quod ipse indefessa cura molitur, porrigentem? Si enim qui recipit Prophetam in nomine Prophetę, mercedem accipit Prophetę (quod hac ratione ad idem munus cooperatur, atque ita Prophetam cum illo effici quodammodo videatur) quid de illo sentiendum est, qui ipsum Domini opus vrget, & eandem salutis humane tuendę curam suscipit? Nemo igitur Marię partem, quam Dominus optimam predicauit, sic attol-  
Mat. 10.  
 lar,



lat, vt Marthæ munus & officium deprimat, quæ hominem Dei imitorem, & germanum filium, ac penè diuinum efficit. Hoc enim munus electorum, & Deo charissimorū esse Paulus definit, cūm ait; Induite vos sicut electi & dilecti Dei, viscera misericordiæ. Sicut electi, inquit, & dilecti: videtis electorum, & eorum quos Deus diligit, proprium esse, misericordiæ viscera gestare. Itaque non contentus quacunque arida & ieiuna misericordia, viscera misericordiæ à nobis exigit, quod est multo maius; nec hoc cōtentus, non gestare tantum, sed induere ea voluit: quo significauit, totū hominem, hoc est, omnia eius facta, dicta, cogitata, misericordiam præ se ferre, misericordiam spirare, & omnia tandem benignitatis & lenitatis speciem exhibere, quæ miseros omnes & calamitosos non modo à se non abigant, sed modis omnibus ad se trahant & alliciant.

Verum hoc in loco illud non segniter aduertendū est, hoc genus vitæ, quod in proximorū miseriis leuandis consumitur, non prorsus cōtēplatiuæ vitæ expers esse debere; hoc est aliquo studio sanctarū orationū & meditationū oportere iuuari: ne videlicet homo externis semper operibus vacans, & cūm hominibus secuti assidue versans, rubiginis aliquid ex humanæ vitæ consuetudine contrahat, si internis omnino deuotionis officiis vacuus sit. Vehementer enim timendū est, ne interiūs euacuetur, si totus ad externa dilabatur. Quam rē illa Marthæ verba innuere videntur, quibus sororis auxilium postulat. Verè enim mystica Martha à Maria petit adiuuari; quoniam actiua à cōtēplatiua vita vigorem mutuatur. Ideo namq. hæ duæ mulieres, quæ in hodierna sancti Euāgelij lectione referūtur (quæ videlicet vtriusq. vitæ huius imaginē referūt) sorores fuisse perhibentur; quarum est, se mutuò germana charitate iuuare. Certè actiua sine aliqua cōtēplationis particula diu subsistere vix poterit. Quam rem cautè atq. prudenter D. Augustinus admonuit; qui quamuis vbi proximus opera nostra indiget, nos à veritatis cōtēplatione auocet, & in opus mittat, subiungit tamen deinde: Non est omnino deferenda veritatis suauitas, ne si desit suauitas, opprimat charitatis necessitas.

## II.

Verūm de his hætenus: iam enim tēpus est vt ad sacræ Virginis festum veniamus: quamuis ea quæ hætenus dicta sunt, non omnino ab eius laudibus abhorreāt. Dum enim mysticę Marthę atque Marię officia explicauimus, sacræ Virginis laudibus viam muniuimus; quæ vtriusque sororis officium in hac mortali vita plenissimè executum est. Quo argumento intelligere licebit, quā hodie gloriam, quodq. premium à filio receperit, quæ illi vtriusq. sororis huius officio perfectissimè famulata est. Ne me Anselm. verò hoc fingere existimetis, D. Anselmum, sacrę huius virginis studio-

studiosissimum, in medium proferā, hæc ipsa quæ diximus prædicantē. Videamus, inquit ille, quid alij, qui Marthæ officio funguntur, operentur; & quid sacra Virgo operata sit. Alij quælibet hospitem in domo suscipiunt; hæc non quemlibet, sed proprium Dei filiū (qui non habet ubi caput reclinet) non in domo, sed in vtero suscepit. Alij nudū quemlibet veste mutabili atq. corruptibili operiunt; hæc verbum Dei virginea carne operuit, quæ sine fine incommutabilis atq. incorruptibilis permanebit. Alij quemlibet esurientē & sitientem cibo & potu exteriori reficiunt; hæc Deū hominū humanitus indigentē nō solum exterioribus cibis pavit, verū etiam vteri sui lacte aluit; & ut breviter sex illa misericordiæ opera percurramus, quæ cū vni ex minimis eius fiunt, Deus sibi facta confiteretur; hæc non quemlibet ex minimis, sed summum Dei filiū hospitē suscepit, nudū pannis operuit, esurientē pavit, sitientē lacte potavit, infirmū per infantiam & ætatem non solum visitavit, sed etiam fouendo, leniendo, gestando frequentavit, ut meritō de ea dicatur: Martha autem satagebat circa frequēs ministeriū. Cōprehensio & crucifixio, quasi in carcere posito, adfuit, sicut scriptū est: Stabat autē iuxta crucē Iesu mater eius. Inter hæc autē turbabatur, & sollicita erat cū fugeret in Aegyptum à facie Herodis, qui eius filiū adeo persequabatur, ut multos suspectæ ætatis pueros occideret. Turbabatur etiā, cū Iudæos insidiantes, & mortē ei inferre molientes cognoscebat.

Lucæ 9.

Ioan. 19.

Ad vltimū turbata est valde, & iuxta Simeonis vocem, ipsius animā pertransiit gladius; cū videret filium suum comprehendī, ligari, flagellari, cōspui, spinis coronari, derideri, colaphizari, crucifigi, mori, sepeliri. Vnde bene ei congruit quod dicitur: Martha, Martha, sollicita es, & turbaris erga plurima. Hactenus Aufelmus. Sed quonam modo Maria nostra alterius Mariæ ad pedes Domini sedentis officium executā sit, quæ verbum eius deuotissimē audiens, hospitium illi in anima sua parabat, quis pro dignitate poterit explicare? De ipsa namque D. Augustinus ait: Materna propinquitās nihil Mariæ profuisset, nisi felicius Christum corde quā carne gestasset.

Lucæ 2.

August.

Sed expendamus, quænam sint præcipuæ illæ virtutes quæ hospitium in corde nostro Deo præparant. Harum prima, fides est; fides, inquam, quæ per dilectionem operatur, quæque tantum diligit, quantum credit; de hac enim Apostolus ait, Christum per fidem habitare in cordibus nostris. Quæ autem fides illustrior, quā eius cui dictum est, beata quæ credidisti, quoniam perficientur in te ea quæ tibi dicta sunt à Domino? Virginitas quoque habitaculum Deo parat; sicut B. Lucia dixit, castē viuentes templum esse Spiritus sancti. Quæ autē virginitas sublimior, quā eius quæ prima inter omnes feminas virginis-

Iphes. 5.

Lucæ 1.

tatis

- tatis votum emisit, & hoc pulcherrimum inuentum extogitavit? Propter quod meritò Virgo virginum appellatur. Humilitas quoque Dei templū efficit, ipso dicente: Super quem requiescet Spiritus meus, nisi super humilē & mansuetum? &c. Quæ verò humilitas maior, quàm eius quæ non minus humilitate quàm virginitate Deo placuit? Sed inter hæc charitas maximè hospitij Deo parat. Vt enim Ioannes ait, Deus charitas est; & qui manet in charitate, in Deo manet, & Deus in eo. Quæ verò charitas maior, quàm eius quæ plena gratia fuit, quæ videlicet Deum non modò dilexit vt Deum, sed etiam vt vnigenitum & amantissimum filium; vbi cum amore gratiæ, amor quoq. naturæ interfuit. Postremò puritas & sanctitas præcipuè locum Deo parant. Domum enim Dei decet sanctitudo in longitudine dierum. Quæ autem puritas & sanctitas maior, quàm huius sacratissimæ Virginis, quæ (quod nulli sanctorum contigit) ab omni etiā venialis peccati labe perpetuò immunis fuit? Hinc D. Augustinus: O mater Domini, sicut in prima femina abūdauit delictū, sic in te superabundauit omnis plenitudo gratiæ; & idē super omnes signara delicti. Idemq. rursus: Charitas, fecisti vt non solum Maria nō peccaret, sed nec peccatum quidē cogitare potuerit. Quid verò mirabilius, quàm in tota vita ne semel quidem in veniale peccatū incidisse? Clamat sanctus Euāgelista: Si dixerimus quia peccatū non habemus, ipsi nos seducimus, & veritas in nobis non est. Denique Apostolos Dominus orare docuit: Dimitte nobis debita nostra; quoniam ipsi quoque, quamuis Spiritu sancto pleni, & in gratia confirmati, non tamen omnino à venialibus peccatis immunes exstiterunt. An non ergo mirabile est, cum septies in die cadat iustus, feminam similem nobis passibilem, sexaginta & eo amplius annis, quibus in hoc mundo cum immundis hominibus versata est, nunquam, neque verbo, neq. opere, neq. cogitatione in peccatum vllum veniale incidisse? Hoc planè non humanæ, sed angelicæ puritatis est. Quid verò mirum angelica puritate effulsiſſe, quæ Angelorum Dominum, & gratiarum omnium fontem nouem mensibus in vtero gestauit? Benedixit olim Dominus domui Obededom: quoniam eius arca tribus apud illū mensibus mansit. Quæ ergo is benedictione, quibus opibus Virginem locupletauit, in cuius virgineo vtero non umbratilis arca illa, sed idem ipse Dominus nouem mensibus habitauit, & in cuius mente, tãquam in regali palatio cunctis virtutum gemmis adornato, perpetuò mansit? Quæ igitur sic Marthæ atq. Mariæ officium non vno aliquo die, sed per omnem ætatem ad eò perfectè executæ est, quam hodie mercedem, quam gloriæ coronam pro tot tantisq. meritis à filio recipiet? Quis ascendenti ei locus in cælo parabitur, quæ descen-



descendenti in hunc mundum Dei filio tale parauit hospitium? Rectè enim D. Bernardus: Neque in terris locus ullus dignior Bernard. virginali vteri templo, in quo Dei filium Maria suscepit; neque in cælis regali folio, in quo Mariam hodie filius sublimauit. Felix nimium vtraque susceptio; ineffabilis vtraque; quia vtraque inexcogitabilis est.

Sed inter hæc omnia danda nobis opera est, fratres, vt paulisper oculos ab externa Virginis gloria descedentes, ad internam mentis eius lætitiā contēplandam (quatenus ruditati & ignorantia nostræ conceditur) penetrare valeamus. Ad hoc igitur sciendum est, familiare viris sanctissimis semper fuisse, cum ab infimo ad summum dignitatis gradū euecti essent, aut magnis opibus locupletati, vix vnquam ab illa infima sorte & conditione, in qua fuerunt, oculos dimouere, quò vocantis Domini gratiam pristinae vilitatis comparatione apertius agnoscerent; atque ita in se quidem humiles, Deo autem grati atque deuoti permanerent. Sic Paulus pristini erroris sui memor, seipsum con- 1. Tim. 2. tumeliosum, blasphemum & persecutorem appellat. Sic David ad regni solium euectus, prioris fortunæ memoriam non deposuit, sicut ipse ait; Et elegit David seruum suum, & sustulit eum Psal. 55. de gregibus ouium, deposuit fetantes accepit eum, pascere Iacob seruum suum, & Israel hæreditatem suam. His exemplis, fratres, collatione facta, beatæ Virginis mentem atque animum vtcunque conijcere poterimus. Cum ipsa enim ex altera quidem parte recoleret, se olim cuidam humili fabro (qui securi & ferra quotidianoque labore sibi victum parabat) fuisse desponsatam, illi quæ in domesticis curis extitisse subditam & obsequentem; ac deinde ad eam doloris & calamitatis magnitudinē peruenisse, vt vnigenitum filium tanquam facinorosum & seductorem inter latrones appensum in cruce vidisset, seque à perfido populo facinorosi & seductoris matrem aestimatam & appellatam fuisse; ex altera autem animaduerteter, se à Deo in matrem electam, & super omnes sanctorum Patriarcharum, Prophetarum, Apostolorum, ceterorumque Sanctorum ordines, atque supra Cherubin & Seraphin exaltatam, & iuxta filij solium, vt veram eius matrem, collocatam, vt supra se nihil nisi conditorem suam, infra se verò quicquid à Deo conditum est, cerneret; cum hæc, inquam, omnia prudentissima & sanctissima Virgo cum animo suo cogitaret; qua quæso mente, quo animo erga tantorum bonorum largitorem esset? quo illū amore diligeret? quas illi gratias ageret? quibus laudibus eius immensam bonitatē prædicaret? Hoc vtrūque coniici potest, verbis autē explicari nō potest. Quid verò, cum se à cunctis beatarū mentium agminibus in tanto pretio & honore haberi vidit? Quæ admodum enim cum Deus pater simile. primo-

Hebr. 1.

primogenitum in orbem terræ introduxit, Angelis præcepit, ut hominem illum tanquam verum Deum adorarent; ita cum eiusdem filij matrem hodierno die in cælum intulit; & in solio sibi debito collocavit, iisdem Angelis præcepit, ut illam tanquam Domini sui matrem, & cælorum atque Angelorum Dominam & Reginam agnoscerent, suspicerent, & humili obsequio & reverentia honorarent. Quis igitur animus, quis sensus beatissimæ Virginis erat, cum ita se ab omnibus cælestis curiæ ordinibus suspici & honorari cerneret? Cum Davidi Dominus per Nathan Prophetam æternam regni sedē promississet, seque ex tam infima conditione ad tam amplam dignitatem extulisset, tanto amoris ac deuotionis affectu incensus fuit, ut tunc vel maximè cor suum se inuenisse dice-

2. Reg. 7.

ret, quò ardentissimo affectu Dominum oraret, eiusque magnificentiā prædicaret, quòd se vnum ex cunctis hominibus ad regni solium elegisset, dignumque fecisset, in quem tam magnifica dona conferret. Quòd si Davidis animus sic affectus fuit; qualem beatissimæ Virginis animum hodierno die fuisse putandum est, quæ se non solum inter omnes homines, sed inter omnes etiam creaturas, quæ sunt, erunt & fuerunt, exaltatam vidit; quæ tamen se in hoc seculo pauperis & humilis fabrici sponsam fuisse recolebat, extremamque crucis & mortis filij ignominiam pertulerat? Quid verò cum hanc adeò stupendam dignitatem diuinæ largitatis & gratiæ munus esse clarissima luce cognouit? Hoc est enim quod illa in Cantico suo apertè cecinit, cum ait: Quia respexit humilitatem ancillæ suæ; ecce enim ex hoc beatam me dicent omnes generationes. Quibus

Lucæ 1.

verbis ostendit, hanc tantam maternæ dignitatis gloriam supra omne meritum esse, soloque diuinæ gratiæ beneficio sibi contigisse; hoc enim est quod ait: Quia respexit humilitatem ancillæ suæ. Quo in loco, humilitatis nomine, non humilitatis virtutem, sed conditionis suæ vilitatem significauit; ideoque grauitum diuinæ mentis respectum huius tantæ dignitatis causam fuisse testatur. Quid verò cum post hanc tantam gloriam amantissimum & desideratissimum filium vidit non iam in humili gremio matris, sed in sinu omnipotentis Dei patris; non vbera sugentem, sed sanctorum animas beantem; non inter latrones pendentem, sed inter cælestes spiritus regnantem; quo tunc affectu illa Sponsæ verba in Canticis dicere posuit: Inueni quem diligit anima mea; teneo, nec dimittam?

Cant. 3.

Ad hanc tantam gloriam, fratres, post tot labores beatissima Virgo hodie euecta est; ad hanc nos a Deo conditi, atque in sacro baptismatis fonte hæredes eius instituti sumus; hæc nos tan-

ta felici-

ta felicitas manet; hanc nobis Christus Dominus sanguinis sui pretio emit. Ad hanc igitur toto studio contendamus, nihilque eorū quæ oculis vsurpamus, eius amorī anteferamus. Vita brevis, modicus labor; optatissima verò & sempiterna merces. Nihil ergo nos ab hoc itinere remoretur, nihil detineat; non carnis illecebræ, non terrenæ opes, non mundi gloria, non vita, non mors, non denique quidquid in hoc seculo vel optamus, vel timeamus; hæc omnia post se relinquat sempiternæ felicitatis amor. Ibi & beatissima matris & Filij gloria perfruemur; ibi divinæ pulchritudinis contemplatione satiabimur; ibi electorum omnium gaudia nobis quoque cum illis mutua dilectionis iure communia erunt; quæ nobis Christus Dominus concedere dignetur, qui est benedictus in secula seculorum. Amen.

## IN ASSVMPTIONE BEATISSIMÆ

VIRGINIS MARIÆ, CONCIO SECVNDA:

in qua primum de magnitudine meritorum atque laborum Virginis, ac de magnitudine item gloriæ, ad quam hodie assumpta est, agitur: secundo verò loco, quid nobis facto opus sit vt ad eius gloriæ consortium veniamus, disseritur.

**THEMA.** *Optimam partem elegit sibi Maria, quæ non auferetur ab ea.* Lucæ 10.



**MODI**, fratres charissimi, beatissima virgo Maria ex hac lacrymarum valle cum summa totius curiæ celestis lætitiæ in superas illas sedes in æternū regnatura migravit. Hodie exiliū in patriam, mortem in vitā, nacerem in gaudiū, laborem & lacrymas felici commercio in æternam lætitiā commutavit. Hodie sanctarum animarum septa agminibus, & Angelorum vallata choris, ad ætheriū thalamum, sibi ab æterno destinatum, cum clamore & iubilo deducta fuit. Si enim B. Martini, multorumque aliorum Sanctorum corpora hymnis canora celestibus turba ad tumulum vsq. profecuta est; quid de sanctissima Virgine pietas Christiana credere debet, quæ tanto maiori gloria digna fuit? In libro Regū legimus, Dauidē olim arcam Dei cum hymnis & canticis, cum clamore & iubilo, maximaque totius populi frequentia, ad locum quem ei parauerat, adduxisse.

1. Reg. 4.

Qua



Qua ergo hodie lætitia, quibus cælestium virtutum laudibus & canticis, non umbratilis, sed vera arca in qua Dei filius nouem mensibus requieuit, ab eodem filio in cælum deducta est? Quæ igitur dum in hac vita maneret, dignum Dei filio & in corpore, & in anima sua parauit hospitium, qualem hodie ab eodem filio hospitalitatis huius mercedē accepisse credenda est? Hac enim de causa lectio sancti Euangelij, quæ hospitium describit, quo Martha & Maria Magdalena Dominum exceperūt, (quarum altera corpus Domini necessaria ministrando pascebat; altera eius verba audiendo, ipsius animū reficiebat) in hac sacra solennitate legitur; vt in hoc piæ hospitalitatis officio beatissimæ Virginis officium quod erga Dei filium exercuit, intelligamus: quæ, præterquàm quòd illum in visceribus suis excepit, & humanitatis nostræ veste induit, non semel aut iterum, sed toto vitæ eius tempore ad crucem vsque illi ministravit. Ex huius autem hospitalitatis & officij dignitate, mercedis magnitudinem quam hodie mater à filio recepit, poterimus vtrumque conijcere. De hac igitur hodie dicturi, cælestem opem, eiusdem sacratissimæ Virginis intercessione, suppliciter imploremus.

## A V E M A R I A.

Partitio.

Duo à nobis præsentis solennitatis ratio exigere videtur; alterum, vt dignitatis & gloriæ magnitudinem ad quam hodie beatissima virgo euecta est, explicemus; alterum, vt qua via nobis eò eundum sit, quò illa hodie gloriosa processit, exponamus. Illud enim ad eius gloriam, hoc ad nostram pertinet salutem; frustrà enim eius gloriæ magnitudinem prædicamus, si ab eiusdem gloriæ consortio, vitio nostro secludimur.

## I.

Vt autem gloriæ magnitudinem, quam hodie beatissima Virgo à filio suo percepit, intelligamus, meritum eius magnitudo expendenda prius est; quandoquidem vitæ meritis, retributionis merces responderet in cælis. Constat autem ex communi Patrum sententia, cæleste præmium charitati ita respondere, vt quo maior fuerit charitas, hoc & præmium sit magnificentius. Quæ quidem res pauperibus & illiteratis hominibus maximo solatio esse debet; quia quâvis opibus & doctrina destituti, nihil egregium in Ecclesiæ luce moliantur, si tamen in angulo suo constituti, diuinæ pulchritudinis cōtemplationi & amorī vacantes, in eo ipso amore proficiant, & quotidie amando maiora diuini amoris incrementa capiant, maiorem in cælo gloriam percipient, quàm qui multa egregia pietatis opera patrauerint, si minore charitate præditi ex hac vita decesserint. Quæ res hodierna quoq. sancti Euangelij lectione comprobatur: in qua Dominus collatione

collatione Marthæ atque Mariæ facta (quarum altera Christo Domino ac discipulis eius ministrabat; altera ab hoc officio feriata: ex docētis ore pendeat, totaq. in eius amore suspēsa erat) Mariæ quiescētis officium operoso Marthæ officio prætulit dicē: *Martha, Martha sollicita es, & turbaris erga plurima. Porro unum est necessarium, Maria optimam partem elegit, quæ non auferetur ab ea.* Apostolus verò nō modò charitatis, sed etiam piorum laborum in cælesti retributione habendam esse rationem docet, cū ait; Vnusquisque propriam mercedem accipiet secundum suum laborem. Hinc Martyrum Christi gloriam meritò insignem esse confitemur, quòd summos labores propter Christum perpessi fuerint. Cū ergo cælestis præmij magnitudo primū quidem Sanctorum charitati, deinde verò labori respondeat; hæc iam duo in sacra Virgine expendere incipiamus.

Quod verò ad charitatem eius attinet, quæ vis orationis non hominum modò, sed etiam Angelorum pro dignitate illam explicare queat? Vt enim riuus fonti, à quò scaturit; ita charitas gratiæ magnitudini, à qua profluit, respondet. At sanctissima Virgo priusquam nasceretur, fuit plena gratia; & cū ab Angelo salutata fuit, plena etiam gratia predicatur; & ubi Dei filium concepit, superueniente Spiritu sancto, copiosior in eam effusa est plenitudo gratiæ. In die verò Pentecostes cum Apostolis orās longè maiorem quàm illi gratiæ plenitudinem adeptæ est. Sed quid ego singularia hæc persequor, cū certissimè constet, sanctissimam Virginem nihil vnquam in tam longo vitæ spatio aut egisse, aut dixisse, aut animo agitasse, quod nō incrementum perceptæ gratiæ mereretur. Qualis ergo charitas ab hoc inexthausto & perenni gratiæ fonte permanasse credenda est? Adde etiam totius vitæ consuetudinem in amantissimi filij contubernio atque conspectu transactam: quem nunquam aspexit, quin ardentissimi amoris facibus inflammaretur. Charitatem verò suis actibus magis quàm aliarum virtutum actionibus intendi constat; præsertim cū intensiores vehementioresque sunt. Hæc de Virginis charitate breuiter: nunc eius labores enumerare incipiamus.

Primus eius labor & cruciatus extitit Simeonis vaticinium: quia ad Virginem de filio loquens ait: Ecce positus est hic in ruina, & in resurrectionem multorum in Israël, & in signum cui contradicetur: & tuam ipsius animam pertransibit gladius. Ex hoc igitur tempore doloris gladius in purissimo & amantissimo eius corde ferè semper infixus hæsit. Cū enim amoris magnitudinem doloris magnitudo cōsequatur; quæ tam ardenti charitate diligebat filium, quo dolore sauciata est, cū futuros filij cruciatus & dolores Simeone prophetante cognouit? Alius post

Lucæ 1.  
Agor. 2.

Lucæ 2.

Matth. 2.

Act. 17.

hunc labor, fuga in Aegyptum exstitit; habitans apud eos qui animam Virginis iniquis operibus cruciabant. Si enim Pauli spiritus, dum Athenis ageret, incitabatur in seipso, videns idololatriæ deditam ciuitatem; quo dolore intemeratæ Virginis pectus cruciaretur, cum homines ad imaginē Dei conditos, omne genus reptilium & muscarum pro vero Deo colere videret? Alius & incomparabilis labor fuit, cum stans ante crucem, piis oculis lacerum amantissimi filij corpus, luxata mēbra, disrupta verberibus terga, spinis obsitum caput, transfixos ferro pedes & manus, depressum pondere suo corpus, cōfossū latus contemplata est. Quo quidem tempore haud dubium quin piissimum illius cor cum filio ita cruci affixum fuerit, vt quid illi in corpore passus est, illa fuerit in corde perpeffa. Cum illo ergo vinculis ligata, alapis cæsa, opprobriis saturata, verberibus attrita, spinis coronata, cruci affixa, felle & aceto potata fuit. Huius autem doloris vim & acerbitem, quæ vis orationis explicare, quæ mens cogitatione consequi possit? Quæ in re nunquam satis in hac parte mirari quo diuinæ sapientiæ consilium. Cum enim facile Christus Dominus potuisset, vel inscia, vel absente matre, acerbissimum passionis suæ calicem haurire, voluerit eam & præsentem adesse, & tantorum dolorum atque tormentorum testem atque sociam fieri. Cum quidam vir nobilis ex medicorum cōsilio pluribus cauteriis viceri (quo grauissimè laborabat) impressis, mederi decreuisset, omni ratione curauit, vt inscia vxore (quam vnice caram habebat) hæc carnificina perficeretur; ne dilectæ vxoris animus hoc tam diro spectaculo cruciaretur. Si igitur tu, Domine Iesu, sanctissimam matrem tuam ita diligis, vt post æternū Patrem nihil nec in cælo nec in terra charius habeas; cur dedita opera huius tanti doloris consciam, & testem, & participem esse voluisti? Quis autem adeo diuinarum rerum imperitus erit, qui hoc casu magis quàm summo diuinæ sapientiæ consilio factum esse credat? Consilium autem fuit, vt perfectissima inter omnes sanctos hac summa charitatis & patientiæ laude (quæ Deo supra cuncta alia obsequia gratissima est) minimè destitueretur. Quod si rursus quæras, cur amator hominum Deus tantopere ipsorum lacrymis & mœrore delectetur? Ad hoc facile respondemus, nequaquam illum doloribus nostris oblectari; oblectari tamen nostra in illum fide, charitate & patientia: quæ virtutes nullibi magis quàm in rebus arduis ac difficillimis probantur & perficiuntur. Hac igitur de causa quos Deus charissimos habet, maximis in hac vita laboribus exercet ac perficit. Nullum quippe aliud probatæ atque perfectæ virtutis certius argumentum est. Quo minus mirandum erit, si Dei filius, qui miro charitatis affectu piam matrem pro-

sequeba-

simile.



tequebatur, noluerit eam hac tanta laude priuari; cuius meritum & gloria erat in æternum permanfura.

Postremus autem virginis labor fuit, tamdiu in hoc mundo post filij ascensum in cælum, permanfisse. Quantus autem hic cruciatus fuerit, quis pro dignitate poterit explicare? Si enim Tobix mater filij peregrè profecti absentiam continuis lacrimis deflebat: si Apostolus Paulus ob eximiam in Christum charitatem tanto eius videndi desiderio flagrabat, ut dissolui cuperet, ut eius præsentia frueretur: si Dauidi Regi dicere licuit; Sicut ceruus desiderat ad fontes aquarum, ita desiderat anima mea ad te Deus: quale beatissimæ Virginis videndi filij desiderium fuisse putandum est, quæ tanto maiore charitatis ardore flagrabat! Si de sanctis omnibus verè dictum est, quod mortem habeant in desiderio, & vitam in patientia; quid de hac sanctissima Virgine credendum est! Quidam verò magnus Christi amator tam ardenti desiderio mortem sitiebat, quo desiderabat illius faciem cernere, ut frequenter ad mortuorum funera visenda properaret, ut mortis conspectu lætaretur, quod ea optanti sibi obuenire aliquando deberet. Beata verò Catharina Senensis, tanto videndi Sponsi sui ardore aestuabat, ut hanc ad illum orationem, non sine multis lachrymis, & amarissimo corde, effunderet: Mi dulcissime, & super omnia dilectissime Domine, cur quæso me tam diu à tuo suauissimo complexu diuelli sinis? Iam, Domine, nulla me huius vitæ delectatio tenet: nihil aliud cupio, nihil quæro nisi te, nihilque aliud diligo nisi te. Cur ergo vilissimi huius corporis gratia ab hac tanta excludor felicitate? O clementissime omnium dominantium Domine, educ quæso de carcere animam meam, & de corpore mortis huius libera me. Huic autem petitioni Dominus ita respondit: Ego quidem, amantissima filia, quamdiu inter homines versatus sum, nunquam voluntatem meam, sed eius qui misit me, semper impleui. Vnde quamuis ego magno vrgerer desiderio Pascha cum discipulis meis celebrandi, & salutis humanæ opus perficiendi; tempus tamen à Patre meo definitum humiliter expectaui. Idem ergo te facere conuenit, ut videlicet patienter tempus tui transitus expectes, quod à me constitutum est. Tum illa, Fiat, inquit, amantissime Domine, in me tua voluntas; sed interim tamen ego petitiunculam quandam abs te peto, ne confundas faciem meam. Peto igitur arque obsecro, ut quando per te mihi modò præsentia tuæ deliciis frui non licet, fruam tamen acerbissimis doloribus tuis: ut quando gaudiorum tuorum in cælis particeps esse non possum, dolorum saltem tuorum in terris particeps efficiar. Hæc beata Catharina. His

LL 2 igitur

ignitur exemplis, fratres, ceu gradibus quibusdam ad beatissimæ Virginis desiderium intelligendum utcumq. assurgere poteritis. Si enim quo maior est dilectio, hoc ardentior dilecti vidēdi, & eius præsentia fruendi cupido est; quæ tantum in charitatis virtute ceteros omnes sanctos anteibat, quanto maiore videndi amantissimi filij desiderio flagrabat? Hoc planè nulla mēs, nulla cogitatio nostra assequi potest. Adde, quod prudētissima Virgo (quæ diuinis quotidie illuminationibus erudiebatur) nō erat suæ dignitatis ignara. Ab ore enim Angeli, diuinæ veritatis interprete, audierat, se inter omnes feminas benedictā. Ipsa quoque multo antè Spiritu Dei acta, dignitatem suam prædicauerat, dicens: Quia fecit mihi magna, qui potens est. Et, Beatam me dicent omnes generationes. Sciebat utique se matrem Dei, ac præinde tanto præstantiorem in cælis locū super omnes beatarum mentium ordines habituram, quanto maior gloria Regis matrē, quàm Regis seruos & ministros decet. Quæ igitur hæc omnia probè tenebat, quo animo fuisse putanda est, cum hoc adeo ingens & ineffabile bonum tam longo tēporis spatio differretur? Verè enim à sapiente dictum est; Spes quæ differtur, affligit animam.

Lucæ 1.

Prou. 13.

simile.

Matth. 6.

Verùm huic dolori perfectissima eius obedientia occurrebat, quæ mœrorem leniret, quæque illam diuinæ voluntati plenissimè subiiceret. Semper enim voluntas illa adeo diuinæ voluntati consentiens & subdita erat, vt quemadmodum cælorum orbis motoribus suis sine vlla mora subduntur ad motum (quoniam nihil in se habēt, quod huic motui repugnet) sic beata Virginis voluntas ita Deo subdita erat, vt nihil penitus in ea esset, quod diuinæ voluntati vlla ex parte contrairer. Itaque cum in oratione Dominica dicebat, Adueniat regnum tuum; magnum in ea videndi eius regni desiderium excitabatur. Cum verò protinus adiciebat, Fiat voluntas tua; statim hoc ipsum desiderium diuinæ voluntati plenissimè subdebatur. Hanc autem virtutem alij obedientiam, alij sui ipsius abnegationem, alij resignationem, quidam verò, vt hanc obtemperandi propensionem magis amplificent, propriæ voluntatis annihilationem nuncuparunt; hoc videlicet insinuantes, vt quidquid in nobis proprium, quidquid à diuina voluntate dissonans & alienum esset, non solum eraderetur, sed etiam (si id fieri posset) ad nihilum redigeretur. Qui autem hoc dixerunt, nō quid fieri ab hominibus soleat, sed quo potissimum eniti debeant, admonere voluerunt. Hoc autē quod in sanctis aliis minis inuenitur, in hac sacra Virgine perfectissimè atq. plenissimè deprehensum fuit. Ideo nihil in illa erat, quod illam à diuinæ voluntatis amplexu retraheret. quo factū est, vt Virginis voluntas sic in diuinam voluntatē translata esset, vt ex duabus

duabus voluntatibus vna quodammodo effecta, & quasi constata videretur. Itaque adeo libenter vitæ huius exilium sustinebat, vt si diuinæ voluntatis esse intellexisset, vsque ad extremum iudicii diem in eodem permanere, minimè recusasset. Sed hæc tamen obedientiæ alacritas & facilitas nihil impediebat, quo minus huius tam diurni exilij labor magni apud Deum meriti esset. Alacritas enim & promptitudo voluntatis minuit quidem laboris acerbiter, sed præmij magnitudinem adeo non minuit, vt etiam cumulet. Hilarem enim datorem diligit Deus. 2. Cor. 9.

## II.

Expendimus vtrumque Virginis merita; nunc meritorum præmia videamus. Si igitur præmij magnitudo charitatis magnitudini responderet (vt antè diximus) quale, quæso, præmium tantæ charitati cõstitutum erit, quæ tam longo intervallo Sanctorum omnium charitatem superauit? Nam vt breuiter hanc partem absoluiam, omnes illi Deum tanquam Dominum, nemo verò tanquam filium, sicut ipsa, dilexit. Præterea, si (vt Apostolus ait) 1. Cor. 3. vnusquisque propriam mercedem accipiet secundum suum laborem; qualem hodie mercedem percipiet, quæ tot labores cum Christo, & propter Christum passa est? Ait ad discipulos suos Lucæ 12. Dominus, Vos estis qui permanistis mecum in temptationibus meis: & ego dispono vobis sicut disposuit mihi pater meus regnum, vt edatis & bibatis super mensam meam in regno meo. At hi paruo tempore Christum secuti sunt, quem tandem passionis tempore (quod minimè decebat) deseruerunt. Quod igitur regnum illi paratum erit, quæ ab infantia ad crucem vsque filium secuta est, & quæ iuxta crucem stetit, vbi & amantissimi filij vocem loquentis audiuit, & sanguinis riuos ab eius vulnere. Ioan. 19. ribus defluentes piis oculis vidit, & ignominiarum filij, tanquam vera eius mater, particeps effecta est? Si verò martyribus tam copiosa in cælo merces constituta est; quod martyrii cum hoc Virginis martyrio comparari potest? Nullus enim martyrum tam charam corporis sui vitam habuit, quàm Virgo filij: vnde consequens est, vt maiorem dilectionem maior cruciatus consequeretur. Præterea, si rectè à Salomone dictum est, Desiderium si compleatur, oblectat animam; & Lignum vitæ desiderium veniens; si sacra Virgo tanto videndi filij desiderio æstuabat, quoniam nunc gaudio repleta fuit, cum amantissimi filij faciem videre, brachia stringere, oscula figere, & amantissima eius præsentia frui datum est? Ad hæc, si gratia & gloria ita sibi inuicem respondent, vt magnitudini gratiæ sublimitas respondeat gloriæ; qualis erit gloria, in quam tota se infudit plenitudo gratiarum? Rectè enim Bernardus, Quantū, inquit, gratia in terris adepta Bernardi



1. Cor. 1.

est præ ceteris, tantum in calis obtrinet gloriæ singularis. Quod si oculus non vidit, neque auris audiuit, neque in cor hominis ascendit, quæ præparauit Deus diligentibus se; quid præparauit gignentibus se?

Bernard.

Quæ cum ita sint, quis (vt idẽ Bernardus ait) cogitare sufficiat, quàm gloriosa hodie mudi regina processerit? & quãto deuotionis affectu tota in eius occursum celestiu legionu prodierit multitudo? & quibus gaudiis redundauerit, cum Regis ac Domini sui matrem in cælo ascendente vidit? Quæ latitia sanctarum virginum chori persultarunt, cum virginum Reginam venientem viderunt? Quid sancti Cõfessores, cum eius gloriam contemplati sunt, quam ipsi dum viuerẽt, humilitatis, puritatis, charitatis, omniumque virtutum sibi exemplar proposuerunt? Quid triumphalis Martyrum exercitus, cum dõldrum suorum sociam, & plus quàm martyrem in passione filij, gratulabundi, & latantes exceperunt? Quid Prophetæ, qui Spiritu sancto pleni, tam multa de ea olim vaticinati sunt? Quid sancti Patriarchæ, cum filiam suam in tanta gloria & felicitate cælestes sedes petentem admiratæ sunt? Longè tamen maior beatarum metium admiratio exstitit, cum mortalem naturam supra immortales substantias euectam, & feminam carnis pondere circumdatam, spiritibus ipsis qui ab omni corporea mole secreti sunt, puriorẽ & sanctiorem viderunt. Hinc admirantes dicere cœperunt:

Cant. 8.

Cant. 3.

Cant. 6.

Quæ est ista quæ ascendit de deserto, deliciis affluens, innixa super dilectum suum? Quæ est ista quæ ascendit sicut virgula fumi ex aromatibus myrrhæ & thuris, & vnuerſi pulueris pigmentarij? Quæ est ista quæ ascendit quasi aurora conſurgens, pulchra vt Luna, electa vt Sol, vtpote quæ Sole amicta, luci illi inaccessibili videtur immissa? Quàm familiaris huic soli facta es o Domina, quàm proxima, quàm intima! Quãtam inuenisti gratiam apud eum! In te manet, & tu in eo; vestis eum, & vestiris ab eo. Vestis eum substantia carnis, & vestit te ille suæ gloriæ maiestatis. Vestis nube Solem, & Sole ipso vestiris.

Verum hæc admirantes Angeli dicunt. Quid ipse dignissimæ & sanctissimæ matris filius? quàm lato vultu, quàm serena facie, quàm diuinis amplexibus hodie ab eo suscepta, & super omnem est exaltata creaturam, cum eo honore, quo tâta mater digna fuit; cum ea gloria, quæ tantum decuit filium? Felicia prorsus oscula labus impressa lactentis, cui virgineo mater applaudebat in gremio. Sed quanto nunc feliciora censuimus, quæ ab ore sedentis in dextera Patris hodie in beata salutatione suscepit! Verum ad quem putatis locum, ad quam sedem sublata est? Cum Bersabee post Dauidis mortem ad Salomonem filium in aulam regiam ingressa fuisset, filius in occursum matris progrediens,

3. Reg. 2.

diens, iuxta thronum suum matri thronum apponi iussit. Si hac igitur gloria Salomon adulteram matrem honoravit, qua gloria Virginis filius virginem matrem hodie decoravit? Super omnes igitur Sanctorum ordines, super omnes Angelorum choros exaltata, ad dexteram filij gloriosa hodie confedit, vocem illam ex Cant. libro repetens; inveni quem diligit anima mea, tenui, nec dimittam. Cant. 3.

## III.

Sed quid nostra refert, fratres; quod Virginis gloriam predicamus, si ab eiusdem gloriæ communione ignavia nostra secludimur? Itaque iam dudum desiderare vos credo, ut quibus potissimum gradibus ad huius tantæ gloriæ consortium perveniamus, exponamus. Multi sunt planè, quos mystica illa scala Iacob Gen. 28. adumbrabat. Vnus tamen est, qui omnia præstat, nempe non vulgare & languidum, sed ardens & incitatum eius gloriæ consequendæ desiderium: hoc enim omnia quæ ad eam obtinendam necessaria sunt, simili ardore concupiscere facit.

Sed dicetis forsitan: Rectè sanè, bene habet: in tuto iam salus nostra sita est; quando nemo est, qui non ad felicitatem istam aspiret, qui non vehementer eius desiderio flagret. imò verò, fratres, longè aliter se res habet: atque utinam ego in hac repseudopropheta essem! Arbitror enim minimam hominum partem hoc desiderio teneri. Ad quod non levi cōiectura ducor: ait enim D. Augustinus: Ille cœlestē hereditatē verè & ex animo desiderat, qui eam iis quæ in terra præstantissima habentur, faciliè antepōnit; hoc est, qui cum aut terrestris patrimonij, aut alicuius insignis utilitatis iactura faciendā sit, terrena omnia perire māvult, quā ab illa spe cœlestium bonorum excidere; talis sempiternam illam felicitatem verè desiderat. A quo tamen affectu adeò longè vulgus hominum abest, ut non modò quæ pretiosissima in vita habentur, sed etiam quæ vilissima & abiectissima sunt, illi felicitati præferat. Si enim quoties in lethale crimē incidimus, summum illud bonum amittimus; nos autem pro rebus nihili huiusmodi crimina committimus; an non vilissima quæque huius mundi, regno illi antefereamus? Quod cum facimus, quonam modo nos eius boni desiderio flagrare dicimus?

August.  
in Cōfess.

Quia verò peruersio hæc ex immodico terrenarum rerum amore nascitur, hunc à se primum ablegare debet, quisquis in cælū contendere parat. Hic enim mentem nostram à cœlestibus ad terrena adeò potenter auocat, ut qui eo victus est, vix aliud cupere aut cogitare, vix aliud quærere aut sapere, nisi carnalia & terrena sciat. Vbi enim est thesaurus eius, ibi & cor, & omnis cura & cogitatio eius. Hunc igitur immoderatum terrenarum rerū amorem ab anima sua primum pellere debet, quisquis per illam scalam Iacob (cuius modò mentionem fecimus) in cælum Matth. 6.

Origen  
in Leuit.

1. Pet. 2.

Hebr. 13.

Zach. 14.

ascendere cupit. Cuius cum multi sint gradus, primus tamen omnium à terra eluatur: quo intelligimus, terram primum esse deferendam ei qui in cælum ascendere desiderat. Quæ quidem res non modò verè sanctitatis initium, sed magna etiam sanctitatis portio est. Hinc Origenes, sanctitatis nomē (quod frequenter in literis sanctis reperitur) definiens, ad Græci nominis etymologiam recurrit, quod est *ἀσθενη*, quod ab *α*, & *σθένος* compositum hominem sine terra significat: hoc est, qui terrenarum rerū studio & amore sublato, se totum diuinarum rerum studio & amori tradidit. Quemadmodum, ait ille, quæ Deo sanctificata sunt, (vt sacra vasa, ceteraque similia) à profanis vsibus secernuntur: ita qui veræ sanctitatis amatores existunt, terrenis curis & negotiis minimè implicari debent. Hoc est autem quod Petrus Apostolus obnixè à nobis exigit, cum ait: Obsecro vos tanquam aduenas & peregrinos abstinere à carnalibus desideriis, quæ militant aduersus animā. In quibus verbis vult nos Apostolus non tanquam ciues, sed tanquā aduenas & peregrinos in hoc mūdo versari: ideoq. vetat, ne altas carnalium desideriorum radices in eo iaciamus, quibus terræ affixi, peregrinationis nostræ memoriam deponamus. Proprium enim peregrini est, ad patriā tendere, eò cursum dirigere, in ea, mente, studio & cogitatione versari, nullibi radices figere; & loca omnia, ad quæ declinat, non tanquam patrias sedes, sed tanquam hospitia, quæ protinus deserenda sunt, existimare. Idem autem facit, qui patriam in cælis querit, qui in hoc mundo se tanquam aduenam & peregrinum gerit: vt qui sciat cum Apostolo nō habere se hīc ciuitatem manentem, sed futuram inquirere. Quā sit autem spiritalis peregrinatio nobis necessaria, mira figura Zacharias Prophega designauit: qui posteaquam aquas viuas ē Hierusalem ad mare orientale, & ad mare nouissimum dimanaturas esse prænuñciauit (per quas Euangelij gratiam, quæ aquarum nomine significatur, per vniuersum mūdum dilatandam intelligit) paulo post subiungit; Et omnes qui reliqui fuerint de vniuersis gentibus, ascendent vt adorent Dominum Regem exercituum, & celebrent festiuitatem Tabernaculorum. Et erit, qui non ascenderint de familiis terræ ad Hierusalem, vt adorent Regem Dominum exercituum, non erit super eos imber. Mira planè lex, nec minùs miranda comminatio. Cur enim Dominus veteris legis festa & ceremonias, aduētū Christi antiquatas, modò renouat? Cur item ex tam multis veteris legis solennitatibus, hanc vnā Tabernaculorum potissimū elegit, quam inuiolatam esse voluit? Hoc certè argumēto apertè liquet, Zachariam Prophetam ab occidente litera ad viuificantem spiritum traducere nos voluisse. Festum autem Tabernaculorum ad hoc lege institutum fuerat,



fuerat, vt in eo filij Israël antiquā illam quadraginta annorum peregrinationem, quibus ab Aegypto egressi, per desertum vagantes, non in domibus, sed in tabernaculis (rāquam peregrini, qui sedes patrias inquirunt) morabantur, ad memoriam reuocarent. Hoc autem festum, quod iuxta historię feriem iamdudum cum ceteris veteris legis ceremoniis antiquatum est, iuxta spiritualem intelligentiam vult Dominus à fidelibus perpetuò celebrari: vt sicut illi quadraginta annorum spatio se tanquam peregrinos, qui patriam inquirebāt, gesserunt; ita nos quamdiu in hoc corpore militamus, peregrinos in hoc seculo nos esse credamus, qui ad cælestem patriam (quæ nobis ab origine mundi parata est) indefesso cursu contendamus: ad nihil videlicet aliud nos conditos, & in hanc lucem editos intelligētes, quā vt hoc breuis æui spatio pietatem colētes, & auctorem tāræ felicitatis Deum debitis obsequiis promerentes, sempiternæ quietis & felicitatis sedem percipere mereamur. Ad hanc enim curā & studium nati sumus, ad hoc à Deo alimur & sustentamur, ad hoc misericorditer & patienter ab eodem expectamur; ad hoc tot internis & externis Dei & Ecclesię vocibus quotidie inuitamur, ad hoc nobis cælum, terra, mare, Sol, Luna, ceteraque cæli astra & elementa famulātur, vt nos eorum auctori debitum famulatus obsequium exhibeamus. Super eos verò qui aliter se gerunt, qui hoc Tabernaculorū festū in spiritu non celebrāt; qui videlicet omnes curas & cogitationes suas ad terrenas cupiditates non tanquā peregrini, sed tanquā mundi ciues abiecerūt, minatur Dominus cælestem imbrē, hoc est, cælestem gratiam defuturā; quæ sola mentem reficit, sola sitim eius sedat, sola terram cordis nostri secundat, & æternæ vitæ fructus germinare facit. Nulla autem grauior pœna legis huius transgressoribus apponi potuit: hoc enim spiritali imbre sublato, cor nostrum protinus velut terra deserta & inculta manet, quæ nihil aliud quā tribulos & spinas in ignē conijciendas profert. Hunc autem peregrini hominis affectum atque animum ideò tantopere nobis Dominus commendat, quòd intelligat, omnium malorum nostrorum causam esse, quòd in hoc mundo non tanquā incolæ & peregrini, sed tanquā ciues atq. domestici nos gerimus. Sic enim vitā nostrā instituimus, sic terrenis rebus affixi sumus, quasi ad hanc solū vitam nati essemus, & nihil à morte expectaremus; neque post eam vllum iudicium, aut vllum siue præmium, siue supplicium superesse crederemus. Hi sunt autem quos Propheta in terra obliuionis degere significauit, cum ait; Nunquid cognoscuntur in tenebris mirabilia tua, & iustitia tua in terra obliuionis? Quid terrā obliuionis appellas? Fixerunt Poëtæ ante inferorum aditum esse Lethæas quasdam aquas, è quibus de-

Exod 28.

Deut. 10.

Exod 10.

Psal. 87.

functorum animæ bibentes, omnium quæ in hoc nostro orbe geruntur, obliuiscerentur, hoc planè fabulam esse cõstat. At generis humani hostis alias similes his aquas habet, quas seculi hominibus propinasse videtur, quæ illos sic de mente deducunt, ut sui ipsorum; hoc est, ut finis cuius gratia conditi à Deo sunt, & eorum quæ ad hunc finem consequendum necessaria sunt, penitus obliuiscantur. Hi sunt igitur, qui in hac terra obliuionis habitare dicuntur. Tu igitur, qui tota ferè vita nunquàm seriò de Deo, de anima tua, deq. salute tua cogitasti, qui nunquam ad te ingressus, intra te rationem inire atque dicere cœpisti. Quis me condidit? ad quid condidit? ad quid in hanc lucem processisti? quis auctor, & quis finis vitæ meæ? quid hætenus designaui? in quo vitam & annos expèdi? quis me manet exitus? quæ post hanc vitam fors? quisquis, inquam, hæc nūquam seriò cogitasti, in hac utique terra obliuionis habitas: in qua neq. mirabilia Dei, neque iustitia mandatorum eius agnoscitur aut cogitur. Cuius illa pœna est, quam is per Prophetam comminatur, cum ait; Oblita es legis Dei tui, obliuiscar & ego filiorum tuorum. Et illa item: Ignorans, ignorabitur. Non agnoscis Deum, non agnosceris ab eo: & ita cum fores cœli pulsaueris, audies funestâ illam Domini vocem; Amen dico vobis, nescio vos. Quicunque igitur hoc modo in terra obliuionis habitant, hoc Tabernaculorum festum non celebrant; utpote qui non tanquam peregrini & incolæ, sed tanquam huius mundi ciues se in eo gerant: ideoq. futurorum obliui, sola præsentia caprant, sola cogitant, sola sectantur.

Sed dicet fortasse aliquis: Quî fieri potest, ut amorem à rebus visibilibus ad inuisibilia trāsferam, cum has coram videam, harum specie delecter, & fructu viuam, & contubernio fruam; spiritualia autem neque oculis cernere, neque manibus contrectare, neque aliquo externo sensu percipere queam? Quamuis enim spiritualia quæ non videntur, longo intervallo iis quæ videntur præstantiora atque diuiniora sint, vehementer tamen amorem erga illa impedit, quòd earum species nullo sensu percipi potest.

Respon-  
sio  
prima.  
Mat. 27.

Ad hoc igitur primùm illud respondemus, nos quidem non nostra, sed diuinæ gratiæ virtute (quæ piis mentibus per Christum donatur) hoc præstare posse. Quid enim aliud significat, quod pecunia illa quæ Dominici sanguinis pretium extitit, sepultura in agro figuli empta est, in qua peregrini tumularentur? Quid autem sepultura, nisi quietis & mortis locus est? At sanguinis huius pretio atq. meritò hæc sepultura comparata est, in qua spirituales isti peregrini quiescant, & in qua mūdo mortui atq. sepulti, soli Deo viuant. Hoc autem modo mundo mortui sunt, qui neque secundis rebus efferuntur, neq. aduersis contrahuntur,

trabuntur, neque honoribus tument, neq. iniuriis commouentur; sed in quauis fortuna eundē animi statum retinere conātur. Ex hac autem spiritali morte placidissima quies animi oritur, quam nec prospera mundi, nec aduersa interturbare possunt. Quisquis enim terrenarum à se rerum amorem abdicauit, non habet cur vel earum prouentu gaudeat, vel earum iactura torqueatur. Qui autem hoc animo est, verus in hoc mūdo peregrinus est, & in hac peregrinorū sepultura requiescit, quæ illi sanguinis Christi pretio empta est. Hoc igitur primum est, quo vnigenitus Dei filius adiuuat peregrinationem nostram.

Adiuuat etiam beatissima eius mater, assidua intercessione, quæ (vt D. Bernardus ait) mediatrix pro nobis ante filiū est, sicut filius ante Patrē. Cum enim recolit peccatorū occasione Verbum Dei carnem nostram induisse (vnde ipsa ad tantam dignitatis celsitudinem euecta sit) quomodo non maximam eorum curam geret, qui huius tantæ gloriæ occasiōē illi præbuerunt? Præterea cum Virginis in Deum charitas tanta sit, quantā paulo antè explicauimus; fieri non potest, quin ea quæ tanto in Deum amore flagrat, non maximo etiam amore homines ad imaginem Dei conditos prosequatur. Quō enim ardentius charitas fertur in Deum, eō etiam vehementius in eos rapitur, quos tanquam diuinum aliquid diligit propter Deum. Quod mysticē thalamus ille significat, quē iuxta Orientalis portæ introitum Ezechiel Propheta in illius admirandi ac mystici templi fabrica descriptæ: cuius parem longitudinis & latitudinis mensurā esse ait. Thalami autē nomine D. Gregorius hoc in loco charitatem intelligit, in qua, velut in spiritali quodam thalamo cælestis Sponsus requiescit. Deus enim charitas est; & qui manet in charitate, in Deo manet, & Deus in eo. Hic ergo charitatis thalamus parem longitudinis & latitudinis mensuram habet: quoniam charitas quātum se versus Deum in altum effert, tantum se per fraternæ salutis amorem in latum porrigit. Quæ cum ita sint; qua quæso Virgo beata dilectione naturæ suæ consortes diligere credenda est, quæ tantopere Deum diligit? Quid verò ad se piè suppliciter confugientibus non impetrabit, quæ simul & mater misericordiæ est, & iudicis mater? Vt enim misericordia mater, pro nobis orabit: vt verò iudicis mater, quod petierit, impetrabit. Quod quidem eius auxilium vt iustius promereamur, erit sanè operæ pretium vt eiusdem Virginis Psalterium (quod omnem filij matrisque vitam continet) illi quotidie quanto poterimus deuotione offeramus. Hoc enim officio vtriq. hoc est, matri simul & filio poterimus gratificari. Constat enim inter omnes precandi formas, & spiritalia exercitia, nullum esse cui tot gratiæ à Romanis Pontificibus concessæ sint: quas

Bernard.

Izech. 40

Gregor.

1. Ioan. 4.



quas ætate nostra Pius V. Pontifex Maximus non modò cōfir-  
mauit, sed etiam auxit & locupletauit. Constat etiā nullum esse  
studium quo facilis mens nostra ad diuinitatis cognitionem &  
amorem assurgere valeat. Cū enim quādiu hac corporis mole  
septi sumus, Deum nisi per opera & beneficia sua cognoscere  
nequeamus: certum est, omnīū siue operum, siue beneficiorum  
diuinorum Christi incarnationem & passionem maximum ex-  
stitisse: quā in hoc Virginis Psalterio recolunt, quicunque illud  
piè ac religiosè meditantur. Qui autem hoc agunt, Mariæ utiq.  
officium exercent, quæ sedēs secus pedes Domini audiebat ver-  
bum illius, cælestiaque mysteria, quæ ab ore narrantis excipie-  
bat, intra pectus suum deuotissimè condebat. Quod quidem of-  
ficium Saluator ipse pio sororis officio (quamuis maximè lau-  
dabili) prætulit, cū ait: *Maria optimam partem elegit, quæ non au-*

Bernard.

*feretur ab ea. Quam quidē partem D. Bernardus his verbis com-*  
mendat: Mariæ quidem vita eligenda, Marthæ verò toleranda  
est. Ea enim vita, quæ semper cū Deo versatur, semper Deum  
intuetur, planè optanda; sed altera tamen ob parendi necessita-  
tem & humanæ vitæ necessitatem patienter esse toleranda. Ad  
illā pertinet gaudium & lætitia; huius verò propria est patiētia.

Sed ais forsitā; Vita hæc ad eos magis pertinet, qui monaste-  
riis inclusi, & à molestissimis huius seculi curis & negotiis seriatim  
se totos diuinorum rerum contemplationi tradere possunt. Sit  
ita sanè: non tamen desunt alij in seculo, qui diuini Spiritus fa-  
uore adiuti, sint etiam cælestis huius vitæ sectatores; qualis san-  
cta illa femina exstitit, quā D. Hieronymus ait in vrbe turbida  
eremum inuenisse monachorū. Adde etiam, quòd quicunq.  
negotiis familiaribus implicati sunt, quæ vel imperat charitas, vel  
domestica exigit necessitas, non omnino diuinæ contemplatio-  
nis expertes esse debent. Oratio enim cōtemplationis particula  
quædam est; quæ piè in Christo viuere volentibus familiaris ad-  
modū esse debet: ah oqui, quis sine eius ope inter seculi homi-  
nes versans, inter tot laqueos & pericula, inter tot hostium ten-  
tationes & insidias tutus incedere poterit? Monachos igitur sta-  
tus sui professio; seculi autem homines periculi sui magnitudo  
ad orandi studium adigit: illi, ut in dies sanctiores euadant; hi,  
ne præsentibus malorum periculis deteriores fiant. Illi, ut mon-  
astica vitæ perfectionem assequantur; isti, ne Christianæ vitæ  
innocentiam amittant. Quæ quidem ex re intelligere licet, ege-  
re Marthā auxilio & societate Mariæ. Quod planè eadem ipsa  
confitetur, cū se ab ea postulat adiunari. Actioni enim non  
omnino deesse debet oratio: neque rursum contemplationi (ubi  
id fraterna charitas aut necessitas vrget) piæ actionis operatio;  
sed altera alteram tanquam fidelis & germana soror adiunet, &

ab

Hieron.  
in Epist.

ab altera iuuetur: ne vel oratio sterilis & ieiuna, vel operatio arida sit atque molesta, si fuerit orationis pinguedine & solatio destituta. His igitur duabus alis suffulti, fratres, facile in sublimia feremur, atque ad cælestem patriam euolabimus: in qua præter innumera alia gaudia, fidelibus operariis proposita, beatissimæ Virginis Mariæ (quæ in cælestem illam Hierusalem hodie assumpta est) felici contubernio in omni æternitate perfruemur: præstante Domino nostro Iesu Christo, qui est benedictus in secula seculorum, Amen.

## IN EODEM FESTO ASSVMPTIO-

NIS B. VIRGINIS MARIÆ, CONCIO tertia: in qua primo loco Euangelica lectio, ac precipuè verba Thematis explanantur: deinde de huius diei festi gloria, & communi Virginis, ac cælestis curiæ lætitiā agitur.

THEMA. *Vnum est necessarium. Maria optimam partem elegit, quæ non auferetur ab ea. Lucæ 10.*



INTER omnes dies festos, quos Ecclesia in sacratissimæ Virginis laudem & honorem celebrat, non dubium quin hodiernus dies principem sibi locum vindicet. Ceteris enim diebus ea mysteria recolit, quæ in hoc mundo celebrata sunt; hoc est, in hoc mari magno, in quo nunquam tempestates & procellæ, nunquam turbidi fluctus & nubila defunt: ideoque vix aliquid adeo faustum & felix evenire in eo potest, quod non aliqua tristitiæ nebula respersum sit. Magna fuit ea lætitiā qua beatissima Virgo mundi Salvatorem enixa est, quam Angeli cælestibus canticis & diuinis laudibus illustrarunt: sed hanc tamē lætitiā stabuli horror, præsepj duritia, pauperes panni, & infantis vagitus, & lachrymæ temperarunt. Magna fuit Virginis lætitiā, cum octavo à natiuitate Domini die gloriosum & salutare Iesu nomen (quod est super omne nomen) puero impositum fuit: sed ea tamen cum pretiosi sanguinis profusione, & filij lacrymis atque dolore coniuncta fuit. Magna itē lætitiā paulo post cōsecuta est ex Simeonis & Annæ viduæ testimonio, cum infans in templo Domino offerretur; vbi pater & mater mirabatur super his quæ dicebantur de illo: sed qualis mæror hanc lætitiā consecutus est, cum senex inter varia laudum præconia, agones & certamina

Lucæ 1.

Ibidem.

na

na filij, & matris dolorem, & gladium, eius animam sauciantem, vaticinatus est? Iam verò resurrectionis faustissimum gaudium, quod intemeratae Virginis animam miro modo lætificauit, non ita lætificauit, vt recentis sanguinis, & acerbissima passionis imaginem ab eius mente penitus aboleret. Vulnera quippe illa Virginis animo, quoadiu vixit, altissimè semper impressa fuerunt. Iam verò Ascensionis Dominicæ gloria atque læticia quàm magna & miranda fuit! Quid enim mirabilius, atq. homine Deo dignius, quàm vt in cælum, cælorum cōditor ac Dominus per mediam aëris regionem propria virtute cōscenderit? Ad hæc tanta Virginis læticia non omnino doloris expers fuit, cum se ab amantissimo filio diuelli, & illo discedente, in valle miseriarum relinqui vidit. Si vacca illæ arcæ Domini è regione Philistinorum in terram Israël ferētes, acres mugitus edebant, quod à vitulis suis separarentur; quid de hac matris & filij separatione sentiendum erit? Videtis ergo, fratres, omnia beatę Virginis festiua gaudia, quę in hac vita percepit, doloribus semper admixta fuisse. At verò in huius diei gaudio nullus miscetur extraneus, nulla interuenit vel exigua mœroris nubecula, quę huius diei serenitatem inficiat; sed contrā potius omnia læta & iucunda, omnia fausta atq. felicia. Hęc enim dies terminus laborum, finis lacrymarum, & placidus atque tutus longissimę nauigationis portus exstitit. De huius ergo diei læticia hodie dicturi, cælestem opem, eiusdem sacratissimæ Virginis intercessionem, suppliciter imploremus.

## A V E M A R I A.

Partitio.

Primo loco lectionē sancti Euangelij, ac præcipuè Thematis verba (quæ singularem quandam philosophiam continent) explanabimus; ac deinde ad sacratissimæ Virginis laudes, & festum eius dein veniemus. Ait ergo sanctus Euangelista intrasse Dominum in quoddam castellum, ibique à muliere quoddam hospitio exceptum: *Cuius erat soror nomine Maria; quę sedens secus pedes Domini audiebat verbum illius. Martha autem satagebat circa frequens ministerium. Cumquę Martha fororis auxilium à Domino postula sset dicens, Domine, non est tibi cura quòd soror mea reliquit me solam ministrare? Ille Mariæ causam & patrocinium suscipiens, expostulanti forori ait: Martha, Martha sollicita es, & turbaris erga plurima. Porro vnum est necessarium: Maria optimam partem elegit, quę non auferetur ab ea.* Magna hoc in loco inter Doctores quæstio est: quid sit hoc Vnum, quod necessariū esse Saluator ait? Non defuerunt enim qui literæ nimium adherētes dicerent, hac oratione Dominū non multa ad prandium fercula, sed vnum tantum esse necessarium ac sufficiēs, voluisse significare. Verum hac opinione, ceterisque prætermisiss, si rem ipsam de qua



qua agebatur, attentius inspicimus, inueniemus planè, Vnum illud esse necessarium, quod Maria agebat; nèpe Deo per cognitionem & amorem indissolubili charitatis vinculo adhærere.

Sed dicit aliquis forsan; quonam modo vnum hoc tantummodo necessarium esse dicatur, cum multa alia ad corporis salutem necessaria esse videamus: an nō edere, bibere, ceteraque, sine quibus hæc vita non transigitur, necessaria quoque esse perhibentur? Sunt fateor ista quoque necessaria; sed quemadmodum stella (quarum splendor à cælis ad terram vsque, hoc est, ad remotissima loca pertingit) vbi in lucem Solis incurrerint, splendorem suum amittūt: sic planè diuinitatis cognitio atque amor ad veram salutem nobis necessarius est, vt terrena omnia, huic necessitati comparata, minimè necessaria esse dicātur. Vt enim quæcunq. inter creaturas bona & pulchra sunt, diuinæ bonitati & pulchritudini collata, nec bona nec pulchra sunt, nec omnino sunt; ita omnia alia quæ ab hominibus necessaria esse putantur, si cum pietatis & iustitiæ necessitate comparentur, necessitatis nomen amittunt. Adde etiā, quòd seclusa hac ipsa comparatione, verissimè à Domino dictū est, hoc Vnum esse necessarium: quia si quis hoc Vnum fideliter præstiterit, omnium aliarum rerum, quæ ad tuendam vitam dicuntur esse necessaria, compos erit. An nō hoc apertè Saluator declarauit, cū ait, *Quærite primum regnum Dei, & iustitiam eius, & hæc omnia adiicientur vobis*; An non idem etiam illa Psalmographi verba pollicentur, *Timete Dominum omnes sancti eius: quoniam nihil deest timentibus eum; Diuites eguerunt & esurierunt, inquirentes autè Dominum non deficient omni bono*; Liquet igitur, siue hac ratione, siue ea quam antè commemorauimus, verissimum esse quod veritas dixit, Vnum esse tantummodo necessarium, cetera verò huius comparatione velut otiosa & superuacanea esse.

Simile

Simile.

Matth. 9.

Psal. 33.

## I.

Hoc ita constituto, libet nunc, fratres, rem omnium maximè mirabilem inter omnia quæ hætenus in mundo contigerunt, quæq. in posterum futuris seculis contingent, paulo fusiùs explicare. Permittite autem mihi septè illa mundi miracula, quæ a scriptoribus gentium referuntur, breuiter enumerare. Inter quæ primum Babylonis muri numerantur; qui (vt Plinius ait) sexaginta millibus passuum protendebantur; eaque latitudine erant, vt sex per eos currus ingredi sine offensione possent. Referuntur & pyramides Aegypti, miræ magnitudines & artificij: & Rhodi Colossus in Solis honorem formatus, qui sexaginta cubitis in altum attollebatur: & Mausoleum Artemisæ Regina; hoc est, insigne sepulchrū quod hæc femina viro suo Mausolo ad sempiternam eius memoriam adificauit: templum quoque

quoque Dianæ, quod Ephesi bis centum annis miro opere exstructum fuit: quod tamen quo die Alexander Magnus natus est, arsisse dicitur. Hæc & quædam alia his similia, sunt quæ homines inter maxima mundi mirabilia numerant. Ego autem hæc Domini sententia conuictus, rem adeo mirabilem vobis modo ante oculos ponam, ut hæc ipsa quæ commemoravi, & quæcunque alia humano ingenio fingi possunt, huic collata, neq. mirabilia sint, nec omnino aliquid sint. Si enim ex his quæ diximus, aperte constat, unum tantum esse in hac vita necessarium (quod superius exposuimus) cetera verò omnia huic uni collata velut otiosa & superuacanea, ac omnino nihil esse; quid, quæso, mirabilius quam fidelem hominem, qui hæc ipsa certa & indubitata fide tenet, omnia alia studiosissime curare, & illud solum negligere, quod solum speris omnibus, vixit solum necessarium caprandum erat? Hæc res, quam quotidie oculis cerno (in eo vix aliud in vita hominum cerno) tanta me admiratione afficit, ut vix vilo tempore hunc ab animo affectum excutere possim. Quia verò iustissimum est, ut hoc eodē admirationis affectu vos quoque, fratres, concutiamini, quod omnē diuinum numinis offensorem vehementius vitare possitis, rem totam & causam eius, à prima repetens origine, vobis ante oculos ponam. Expendamus igitur, quis hunc mundum condiderit; & cui potissimum, & in quem usum condiderit.

Aristor.

Psal. 88.

Deum autem esse huius tantæ molis architectum & conditorem, non modo catholica fides, sed ipsa quoque ratio & humana philosophia confiteretur. Cum autem vel ex ipsius Aristotelis sententia constet hominum gratia hunc mundum esse conditum (Sumus enim nos, inquit ille, quodammodo finis omnium) quarendum prout est, cuius rei gratia homo ipse conditus sit, propter quæ cetera facta sunt. Nunquid enim hic tantus artifex tam nobilem creaturam frustra condidit? Nunquid, ait Propheta, vane constituisi omnes filios hominum? Quis hoc nisi mente captus asfirmare audeat? Frustra enim cetera condidisset, si frustra esset homo, cuius gratia cetera condita sunt. Quod si propter aliquem finem condidit, nunquid in hoc condidit, ut vel congerendis opibus, vel vanis honoribus captandis, vel ut Sardanapali more omnibus se deliciis & rursipissimis voluptatibus dederet, atque ita in porcorum naturam qui in cæno volutantur, degeneraret? Quis mentis compos credere possit, perennem illum sanctitatis & bonitatis fontem in hunc finem tam nobilem creaturam destinasse? Fides igitur catholica atque ratio ipsa nos docet, optimum conditorem in optimum finem hanc adeo nobilem creaturam condidisse. Nullus autem præstantior finis, quam ut auctorem, & mundi principem atque parentem, eundemque summum

num bonum (sicut August. ait) intelligeret, intelligēdo amaret, amando fueretur, atque ita demum diuinitatis eius consors & particeps fieret. Ad hoc igitur munus & officium eius homo conditus est, ad hoc ipsum illi mundus seruit, dum & comitatum suppeditat, quo vitam corporis tueri & conseruare possit, & diuinæ bonitatis & sapientiæ argumenta præbet, quibus ad illius cognitionem & amorem assurgere valeat. Hæc igitur vna causa existit, cur naturæ conditor, & hominem, & amplissimum hoc rerum omnium theatrum creauerit. Vnde factum est, vt cum ante diluuij tempus homines vix vllam diuinæ honoris & religionis curam habuissent, neque id præstarent cuius gratia conditi erant (omnis quippe caro corruperat viam suam) nullam diuinā mens causam esse putauit, cur diutius mundum hunc inferiorem esse pateretur. Itaque illum funditus deleuit, & alluione obrutum sepeliuit.

Genes. 6.

Hæc igitur prima causa est, cur homines pietatem colere debeant: quando in hunc præcipuè vsum à Deo facti atque formati sunt: frustra quidem victuri (quicquid aliàs moliantur) nisi huic officio satis faciant. His adde diuinæ maiestatis amplitudinem, infinitasq. eius laudes, propter quas (vt nihil ab eo vel antea perceptum, vel in futuro tempore sperandum esset) iustissimum erat, vt si mille mortes ob eius gloriam quotidie nobis obeundæ essent, libentissimo animo eas oppeteremus, & ne hac quidem re illum pro dignitate venerari possemus. Omnes enim rationes & causæ quæ nos ad insignium personarum obseruantiam adigunt, in vno illo cu infinita accessione plenissimè inueniuntur. Itaque si nos regia dignitas, si consanguinitatis necessitudo, si amicitie ratio, si nobilitas, si bonitatis & sanctitatis splendor, si opes & potentia, si insignis sapientia, si veneranda canities, si percepta beneficia, si ingentis vtilitatis spes, & quidquid aliud esse potest, quod nos in amorem, & obseruantiam, & venerationem aliorum hominum rapiat; an non hæc omnia in summo illo bono infinitis partibus aucta reperiuntur? an non hæc omnia ante illius splendorem sic sunt, quasi non essent? an non velut

Sap. 11.

Isaia 40.

momentum stateræ, sic est ante illum orbis terrarum; & quasi gutta roris antelucani, qui descendit in terram? Omnes enim homines, inquit Isaia, sic sunt coram eo quasi non sint, & quasi nihilum & inane reputati sunt ei. Quo fit, vt omnis obseruantia, quæ omnis generis hominibus, quamlibet eximijs, aliquo iure debita est, cum ea quæ vni illi rerum omnium Principi atque Parenti debetur collata, nulla sit, sicut personæ ipsæ, quamlibet excellæ, illi comparatæ, nihil sunt.

I I

His etiam adde, quod nos omnes ita ab vno illo pendemus, vt

Tom. 6.

M M

cuius



eius virtute ac potestate & viuamus, & moueamur, & simus; ita ut nec respirare, nec pedē aut manum mouere sine illius ductu & imperio valeamus: sine quo omnia quęcunq. fiunt, in nihilum reciderent ex quo facta sunt. Neq. in præsenti modō, sed etiam in futuro seculo, ac postremō omnibus in rebus quę ad vsum vitę pertinent, sic ab illius voluntate & potestate pendemus, ut nihil nobis sine eius prouidentia siue latum siue triste euenire valeat. Ipse enim paupertatis atque diuitiarum, ægritudinis & salutis, mortis ac vitę, gehennę & cęlestis glorię clauēs habet in manu sua. Vnde apparet, quanto illum studio colere debeamus, qui omnibus in rebus sic ab illo pendemus. Quid si his omnibus titulis Dominicę passionis & mortis beneficiū omni obsequio & honore dignissimū adiecero? oleum utiq. flammę adiecerim, quę ad cęlū vsq. pertingat. Constat igitur ex his quę dicta sunt, nihil esse in hominum vita nec iustius, nec dignius, nec honorificentius, nec magis debitum, nec pluribus titulis commendatum, nec magis humanę naturę proprium, nec maiori contentione maioribusq. tum minis, tum promissis à nobis requisitum, nec quod maiorem nobis commoditatem afferat seruatum, nec maiora detrimenta neglectum. Quid ergo indignius, quàm hoc solum negligere, cętera verō curare?

Cū ergo tot tantisq. nominibus cōditori, conseruatori, & salutis nostrę auctori obnoxij simus, cū omnia vitę momenta vni illi debeamus; cū omnia quę siue in cęlo siue in terra oculis vsurpamus, illius beneficia sint; cū illius sit omnis sanctitas, omnis dignitas, omne decus & gloria, illiq. proinde omnis timor & amor, & omnis reuerentia & obedientia debeatur: quę vis orationis explicare queat, quanta sit hominū dementia, quanta cęcitatis & stuporis immanitas, nullam eius rationem habere, nullo eius amore & reuerentia tangi, nihil illi ex tot beneficiis acceptum ferre; nullas pro tantis muneribus gratias agere, nihil eius leges & pręcepta facere, nec illius auctoritatē vereri, nec maiestatem honorare, nec bonitatē diligere? Cumq. omnia prę illius recordatione nobis excidere deberent, aliorum omnium meminisse, ipsum verō ē memoria nostra penitus eliminare: cū cętera omnia prę illius amore deberemus fastidire, omnia propter vnum illum amare: cū hoc solum studium (ut antē diximus) necessarium, cętera verō superuacanea sint, hoc solum negligere, cętera verō studiosissimē curare. O rem omniū maximē deplorandā! o insaniā detestandā! o stuporē horrendū! o plus quàm ferrea hominum pręcordia! Obstupescite cęli super hoc (ait Dominus) & portę eius desolamini vehemēter. Duo enim mala fecit populus meus: me dereliquerunt fontem aquę vię, & fecerunt sibi cisternas dissipatas, quę continere non valent aquas,

aquas. An non contra hos illa etiam Moysis verba usurpare merito possumus; Generatio praua atque puerua, hæcne reddis Domino popule stulte & insipiens? Nunquid non ipse est Pater tuus, qui possedit, & fecit & creauit te? An non igitur hæc tanta hominum rebellio & peruicacia, supera & infera omnia stupefaciat? an non vel terra contremiscere, vel cautes etiam & rupes huius tantæ rei indignitate commoueri atque disrumpi merito debeant? Si esset aliqua in mundo gens adeo immanis & fera, vt nullum in ea inter patres & filios fœdus, nulla amicitia esset, sed parentes filiorum, filij verò parentum carnibus vescerentur, & vtrique se mutuò vili pretio exteris nationibus diuenderent: quis non attonitus hanc tantam immanitatem obstupefceret, cum maxima & ætissima naturæ iura (quæ nec fera, nec serpentes violant) sic deleta & oblitterata cerneret? At quanto, quæso, maiori necessitudinis vinculo rerum omnium parenti Deo astricti sumus, à quo non corpus modò, sed animam quoque, & omnia quæ ad vtriusque vitæ cultum requiruntur, trahimus? Quid ergo mirabilius, quàm non modò nullo amore erga hunc parentem affici, sed etiam rebus vilissimis & indignissimis eius amorem & gratiam commutare? An non igitur miraculum hoc (si ita loqui fas est) septem illa mundi mirabilia, quæ antè commemorauimus, longissimo intervallo superat? & tamen illa mundus in summa admiratione habuit; hoc nemo miratur, quod planè cunctis miraculis mirabilius est.

Video, fratres, vos huius tantæ rei indignitate stupefactos tacitè quærere, vnde hic tantus stupor in mores hominum inuectus sit. Cum enim videamus, animantia sic à naturæ conditore Deo informata esse, vt nihil eorum prætermittant quæ ad naturam & vitam suam conseruandam requiruntur; quoniam modo solus homo (cuius gratia cætera condita sunt) sic inuersus est, vt non modò in parentem suum Deum rebellis & contumeliosus, sed suæ etiam salutis proditor sit? Hæc quæstio, fratres, adeo grauis atque difficilis est, vt multorum ingenia torserit, & multis item magnarum ruinarum occasio fuerit. Certè sanctissimus ille Iob sic cum Domino agit; Quare me, inquit, posuisti contrarium tibi, Iob 5. & factus sum mihi in ipsi grauis? Magna certè querela, multoque maior miseria. Cum enim summa humana vitæ perfectio sic in imitatione diuinæ perfectionis & bonitatis posita sit, vt quo creatura fuerit illi similior, eo sit & perfectior; quæ maior materia fingi potest, quàm non modò illi non esse similem, sed esse etiam contrarium? quando quod ille vult, ego nolo: quod ille diligit, ego detestor: quod ille odit, ego amplector: quod illum oblectat, me infelicem cruciat. Ex quo planè

sequitur, ut cum salus & felicitas mea cum diuino cultu & pietate coniuncta sit, qui aduersus Deum rebellis & iniurius sum, necesse esse ut mihi ipsi grauis, hoc est molestus, onerosus, immo infestus & exitiosus sim

Hæc igitur humanæ mentis absurditas, multorum (ut dixi) errorum seminarium fuit. Cum enim huius seculi sapiētes animaduertent, quàm esset indignū, rerum omnium Parentem ac Dominum non modò non diligere & venerari, sed etiam obliuisci atque contemnere, eò perducti sunt, ut alij Deum res humanas minimè curare dicerent; alij res quæ apud nos gerantur, ignorare; alij verò ipsum neq. hominis, nec rerum visibilium conditorem esse. Unde Manicheorum error manauit, qui duo principia posuerunt: alterum visibilium, alterum inuisibilem; alterū bonorum, alterum verò malorū auctorem; atq. hunc ipsum hominis opificem & architectum fuisse dixerunt. Neq. enim persuadere sibi poterant, bonum Deum rem adeò detestabilem atque deformē, qualis sceleratus homo est, condere potuisse; cum optimi & perfectissimi artificis opera omnia perfecta, & numeris omnibus absoluta sint. Quæ quidem hæresis non modò Ariana antiquior, sed etiam diuturnior extitit. Ad tempora enim beati Petri Martyris vsq. peruenit, cuius parentes hoc errore fuisse infectos, in eius vita legimus. In quo etiam errore D. August. ad trigessimū vsq. annum perseverauit; isq. in Confessionum suarū libris longa oratione comemorat, quantū se hæc quæstio, de origine videlicet & causa mali, torserit. Hæ igitur hæreses vtcunq. declarant quā detestabile atq. execrandū Philosophis etiam visum fuerit id quod in multorū moribus passim videmus; nempe diuinæ maiestatis, diuinarumque legum neglectum atque contemptum; hoc est, vnum illud necessarium, quod antè diximus, prætermittere; & cætera omnia, quæ sine illo sunt otiosa & superflua, & sæpe etiam perniciofa, audissimè consecrari.

Ex iis autem quæ diximus, tria quidem scitu dignissima colligere licet: Primum quidē, esse originale peccatū. Homo enim qui rectus à Deo conditus est, utpote in optimo statu ab optimo opifice creatus, vitio suo à conditionis suæ dignitate degenerauit: quo factum est, ut à corrupta & lasa natura, corrupta quoq. opera prodirent. Deinde illud etiam sequitur, esse persecutores hominum dæmones, hoc est, principes tenebrarū; qui idē hoc nomine appellantur, quod eorum perpetuum studium sit, tenebris & caligine mentes hominū excæcare, ut conditorem suum ignorantes, in eam peruersitatem & impietatem quam auditis, incendant. Postremò inter peccati supplicia, quæ in hac vita perditis hominibus inferuntur, extremum, maximeque formidandum esse, mentis obdurationem & cæcitatem, ad quam vbi miseran-

August.



serandus homo peruenit, hoc tam tetrum facinus molitur, ut salutaris suæ auctore atque parente neglecto, res inanes & ludicra amplectatur. Nimum in hoc loco immorati sumus, fratres, quòd huius tantæ rei indignitas (vnde omnia mala oriuntur) non potuit breui orationis compendio explicari. Quocirca ab hoc loco digressi, quod reliquum est concionis, in laudibus Virginis insumamus.

## III.

In cuius festo sacra præsentis Euangelij historia legitur, ut per eam primùm quidem Virginis officium & meritum, ac deinde præmium quod hodie percipit, aliqua saltem ratione intelligamus. Ipsa enim est quæ Dei filium in huius mundi castellum venientē, virginis vteri hospitio recepit: ipsa, quæ perfectissimæ Marthæ atque Mariæ officiis functa est; quæ longè perfectius quàm Martha illi non vno die sed tota vita ministravit, ac longè deuotius & attentius quàm Marthæ soror, verba eius semper audiuit, & ejus dilectione flagrauit. Huius autem hospitalitatis, cæterorumquæ laborum ac meritorum cumulatissimum præmium hodierna die cum summa totius celestis curiæ gratulatione atque ineffabili gaudio percipere meruit. Cui nos quoque pro eo ac debemus, quamuis exigui homunciones, pro modulo nostro congaudemus simul & gratulamur. In qua quidem solemnitate cum multa sint, ac penè innumera, commemoratio-  
ne dignissima; illud solum attingam, quod huius diei maximè proprium esse videtur: hoc est, qua celebritate ac lætitia hodierna die sacratissima Virgo à supernis ciuibus excepta sit.

Principio igitur constat, inter alia Angelorum ministeria hoc in primis numerari, quòd sint animarum nostrarum (si piè vixerimus) in cælum portitores. Sic enim mendicus ille Lazarus ex Lucæ 16. Euangelio, ipso Domino referente, ab Angelis in sinu Abraham portatur. Sic etiam beati Patris nostri Dominici animæ in cælum ascendenti Angelorū chori plaudentes occurrerunt, ipsi-  
que ad celeste regnū ouantes adduxerunt. Diuus quoq. Gregor. Gregor. in lib. Dialog. memorat, Angelos cum supernis ciuibus virginem quandam sanctissimā, vita sanctam, cum laudibus & canticis in cælum fuisse profecutos, eorumq. voces in terris auditas; & quo illi altius ascendebāt, paulatim defecisse. Quòd si ex vngue leonem (quod aiunt) æstimare licet; iam tum conicere poterimus, qua celebritate & pompa, quibus hymnis & canticis, & qua celestis illius Senatus lætitia mater Regis æterni hodie excepta sit. In terrenis quippe regnis hoc videmus, quòd cum no-  
ui Regis nuptiæ celebrantur, ac filius regni hæres nascitur, aut imile. etiam Rex ad Imperatoris dignitatem euahitur, & imperatoria corona redimitur, regni Proceres, quo quisque Regi charior, &

in eius regno præstantior est, eo sumptus maiores in Principis sui gratiam facere, maioremq. lætitiæ significationē dare. Cum igitur hoc die Regis æterni maret in cælum conscenderit, ut regiam coronam, dignitati & meritis eius debitam, perciperet; superni illi ciues, qui tanto charitatis ardore communem Dñm & Regem suum prosequuntur, qua hodie lætitiæ persultarunt! qua frequentia ad hunc diem celebrandum conuenerunt! quibus hymnis & canticis matris Domini sui laudes prædicarunt! cum omnes intelligerent, gloriam matri Dei exhibitam, in Regis sui gloriam redundare. Quale autem hoc genus obsequij fuerit, nemo poterit mente complecti nisi qui charitatis magnitudinem, qua communem Dominum sancti diligunt, potuerit pro dignitate æstimare; quæ solis ipsis, ac Deo cognita est.

Apoc. 13.

Accessit & alia causa, quod cum superni ciues felicitatis suæ gloriæ, & omnia gratiarum genera, quibusad illā perueniunt, humanitati Christi debeant, hoc est innocentissimo illi Agno, qui occisus est ab origine mundi, cui omnes salutem suam in Apoc. magnis vocibus acceptam ferant: cum igitur tantum honoris & gloriæ huic sacræ humanitati & sanguini debeant; consequens erat, ut proximo loco beatissimæ Virginis se debitores profiteretur, ex cuius intemeratis visceribus illa caro, ille sanguis, illa humanitas delibata est. Illā igitur post filium tanquā mediatricem salutis, matrem gratiæ, ministram gloriæ, cæli fenestram, & vitæ ianuam agnoscunt, diligunt, amplectuntur, & toto affectu reuerentur. Itaque hodierna die nō solum in gratiam filij, sed etiam ob grati animi officium erga beatissimam matrem omnes è solis suis surrexerunt, omnes Virgini occurrerunt, omnes sacris eius pedibus prouoluti sunt, omnes eius laudes & gloriam cecinerunt, illiq. post filium salutis & felicitatis suæ beneficium acceptum retulerunt. Vbi Iudith vidua, abscisso principis Assyriorum capite, Iudæorum populum ab imminente exitio liberauit; seniores populi & sacerdotes magnificis eam titulis ornantes; Tu (aiebant) lætitiæ Israël, tu gloria Hierusalem, tu honorificentia populi nostri. Benedicta filia tu à Dño, quia per te fructum vitæ communicauimus. Quanto igitur in suis hæc voces & laudes beatissimæ Virginis conueniunt, quæ non principis Assyriorum, sed serpentis antiqui capite cōtrito, nos à diaboli seruitute, à morte peccati, & gehennæ incēdio liberatos, cælestis regni ciues effecit? Illam igitur meritis laudibus ornant, illius gloriam prædicant, illam magnificis titulis nuncupāt. Tu (inquiunt) genitrix gratiæ, inuentrix vitæ, mater salutis. Tu stella illa orta ex Iacob, ex qua radius processit, qui vniuersum mundū illuminauit. Tu viuum & animatum templum Dei, in quo salus mundi nouem mensibus habitauit. Tu arca illa mystica testamenti, quæ cæleste

Iudith  
vidua.

man-

manna, hoc est, Angelorum & hominū panem continuisti. Tu aureum illud propitiatorium, per quod infensum sceleribus nostris diuinū numen placatur. Tu veri Salomonis thronus; tu aula regia; tu thalamus in quo calorū Rex & Dominus requieuit. Tu hortus conclusus, & fons signatus, qui nulli vnquā, nisi celsi Spontō, patuit. His igitur titulis, his vocibus Sanctorum Patriarcharū & Prophetarum, ceterorumq. Sanctorum chori Virginis beatæ gloriam prædicabant. Ibi sanctus Iacob mysticam Gen. 28. illam scalam, quam is in somnis fuerat contemplatus, vidit, per quam salus mundi ad homines descendit. Ibi sanctus David virgā illam ex radice Iesse ortā intuitus est: ex qua pulcherrimus ille flos ortus est, supra quē requieuit Spiritus sanctus. Ibi Isaias Isaiæ 7. intemeratam illam Virginem contemplatus est, quam is prædixerat Deum & hominem parituram. Ibi Ieremias Ier. 31. illam vidit, quæ nouo miraculo virum erat circumdata. Ibi Ezechiel Propheta orientalem illam portam demiratus est, quæ ceteris clausa, soli calorū Principi patefacta fuit. Ibi primus Ezech. 44 ille generis humani parens mulierem illam vidit, quæ antiqui serpentis ( cuius fallacia mundus interierat ) caput erat contritura; hoc est, eius potentiam & peccati regnum euerfura.

Quæ autem vis orationis explicare valeat, qua læticia simul & admiratione beatæ illæ mentes completæ fuerunt, cum incomparabilem Virginis puritatem, & pulchritudinem, & clarissimā virtutum eius odoramenta perceperunt? Eorum quippe nomine hodie canit Ecclesia: Vidi speciosam, sicut columbam, ascendentem desuper riuos aquarum, cuius inestimabilis odor erat nimis in vestimentis eius, & tanquam dies verni circumdabant eam flores rosarum, & lilia conballium.

Sed inter has tamen Sanctorum laudes & voces multo dulcius Virginis auribus dilectissimi filij vox insonabat, qui placidissimo vultu matri occurrens, his vocibus eā cōpellabat: Surge, propera amica mea, colūba mea, formosa mea, & veni: Iam enim hiems trāsiit, imber abiit, & recessit, flores apparuerūt in terra nostra. Veni sponsa mea, veni de Libano, veni, coronaberis. Ad electos Saluator in extremo iudicij die se dicturum esse ait: Venite benedicti Patris mei, percipite regnum quod vobis paratum est ab origine mundi. Esuriui enim, & dedistis mihi māducare: sitiui, & dedistis mihi bibere: hospes eram, & collegistis me: nudus, & cooperuistis me. Quanto ergo iustius hæc eadem verba ad matrem filius inclamabit? Veni, inquit, benedicta Patris mei, & accipe thalamū tibi ante mūdi constitutionē preparatū; quæ me esuriens pauisti, sitientem potasti, nudum carne vestisti, & hospitem ac peregrinum in terris intra pudicum pectoris tui hospitium exceperisti, lactasti, & omni pietatis obsequio fouisti.



Hoc igitur splendidissimo comitatu, hac communi supernorum ciuium lætitia, hodierna die ad Thronum sibi à Deo paratum beatissima Virgo deducta est. Hæc, fratres, sollemnitas, quæ nobis anniuersaria, illis cōtinua est: quia & huius diei gaudia, & cætera eorum gaudia quamuis vetustissima & antiqua sint, illis tamen nouo semper & recentia in illa immarcescibili gloria videntur. Ad hanc autem gloriam nos quoque conditi sumus, ad hanc Christi sanguine redempti, ad hanc in sacro baptismatis fonte purgati, vocati, & Sanctorum ciues atque Dei heredes effecti. Quid ergo agimus? quid cessamus? Quid moramur tantorum bonorum participes fieri? Quid nos detinet quo minis ad hanc tantam felicitatem remis velisque properemus? Filij hominum vsquequo graui corde? vt quid diligitis vanitatem, & queritis mendacium? Vt quid pro rebus caducis, fluxis, & interituris, gaudia amittitis sempiterna? Cur, cū ingētes in cælo thesauros modico nunc labore recondere possitis, otio magis atque desidia marcescere vultis? Quæ dementia esset, si militibus post victoriam opulentissimam aliquam urbem diripientibus, & aliis spolia ampla colligētibz, aliis thesaurorū apothecas perfodiētibz, aliis onustos auro sinus deferentibus, & huc atq. illuc prædandi studio circumcursantibus, vnus aliquis eorum cum pueris in platea luderet, & occasionem illam discedendi, languore animi atque desidia impeditus, prætermitteret? Tales igitur nos sumus, qui cū multis seruorum Dei videamus omnibus rebus mundi spretis atq. contemptis hoc vnū studiosissimè agere, hoc moliri, hoc votis omnibus captare, vt virtutum meritis atque laboribus opes sibi sempiternas, & coronas in æternum mansuras comparent, nos puerili mente puerilium bonorū amore capti, ludrica bona veris, caduca sempiternis, fluxa mansuris, inania solidis, immunda puris, & mortalia immortalibus anteferimus. Opportunè ergo mihi nunc in mentē venit cum Salomone clamare; Vsq̃uequo paruuli diligitis infantiam, & stulti ea quæ sunt sibi noxia cupiunt, & imprudentes odibunt scientiam? Quid hic appellas scientiā? Non aliā certè, quàm Christi philosophiam: quæ alio nomine vera sapientia nuncupatur: quam nemo, nisi qui piè Deum colit, ipsumq̃ magistrū habet, assequi potest. Hoc est enim quod tam multis modis Epistolæ hodiernæ verba significant, quibus sapientia ipsa ex imperio Domini hoc modo loquens inducitur: Qui creauit me, requieuit in tabernaculo meo; & dixit mihi, In Iacob in habita, & in Israël hæreditare; & in electis meis mitte radices: Et sic in Sion firmata sum, & in ciuitate sanctificata similiter requieui, &c. Animaduerte, quæso, quàm multis verbis, eodem tendentibus, hoc vnum designare voluit, perfectā veramq̃ sapientiam nisi in piis hominibus

nullo

nullo modo inueniri posse. Cur ita? Quia re vera omnis scientia, quæ à Dei timore seruanda est, multis sæpe erroribus, & interdum etiam superbæ obnoxia est. Hinc Propheta, Disce inquit, vbi sit prudentia, vbi sit virtus, vbi sit intellectus; vt scias simul vbi sit diurnitas vitæ & victus, vbi sit lumen oculorum & pax. Hæc enim vera & summa sapientia est, vt homo inanibus huius vitæ curis speris atq. contemptis, Dei gratiâ & amicitiam, animæ suæ salutem, & sempiternam felicitatem omni contentione & studio consecratur. Hac vna re felix & beatus erit, vt nihil aliud possideat: ea verò destitutus, stultus erit & miser, etiam si cæterorum bonorum omnium compos fuerit. Quam quidem mentem & sensum Christus Dominus, qui est vera Patris sapientia, & lux vera, quæ illuminat omnem hominem venientem in hunc mundum, nobis largiri dignetur; qui cum Patre & Spiritu sancto viuunt & regnant in secula seculorum. Amen.

## IN FESTO BEATI BARTHOLOMÆI

APOSTOLI, CONCIO PRIMA, SECVNDVM  
vsum Romanæ curiæ; in qua lectio Evangelica  
explanatur, ac deinceps beati Apostoli martyrium  
exponitur.

**T H E M A.** *Exijt in montem orare, & erat pernoctans in oratione Dei. Et cùm dies factus esset, vocauit discipulos suos, & elegit duodecim ex ipsis, quos & Apostolos nominauit.* Luc. 6.



**N**ON omnes idoneos esse diuini verbi auditores, declarat illa toties in Apocalypsi reperita sententia: Qui habet aures audiendi, audiat. Multos enim aures corporis, non cordis, verbum Dei quotidie in Ecclesia audire cernimus; qui tot concionibus auditis nihilo meliores euadunt. Cæterum ad salutarem Evangelicæ historiæ fructum percipiendum non satis est idoneas habere aures, quibus Christi Domini doctrinam vtiliter audiamus, sed perspicaces etiam oculos habere conuenit, vt clarissima virtutum exempla notare atque imitari valeamus. Vtriusque autem rei gratia Esaias ait; Et erunt oculi tui videntes præceptorem tuum: & aures tuæ audient vocem post terga monentis, Hæc est via, ambulate in ea. Quod perinde est ac si diceret; **Vide-**

Videbunt oculi tui virtutum exempla quæ imiteris; & aures audient doctrinā, quam amplectaris; quorū altero intellectus erudiatur, altero affectus ad imitationis studium accendatur. Verē enim non minus nos Christus Dñs exemplis quā verbis edocer. Quod in hodierna sancti Evangelij lectione animaduertere licet, in qua Dominus exemplo suo, sine vilo verborum strepitu, perfectissimā nobis orandi formā regulamq. demonstrat. Dum enim aduersperascente die in montē ascendit, & in oratione pernoctat, ac deinde facto mane ex discipulis Apostolos eligit; ostendit planē & quo loco, & quo tempore, & qua perseverantia, & quibus potissimū in rebus orandū sit. Electurus enim Apostolos duodecim, qui fidei fundamenta iacerent, Evangelijq. doctrinam ubiq. terrarum disseminarent, hanc orationē prænisiit; ut nos exemplo suo doceret, nihil magnū & arduum sine preguia & longa oratione quenquam moliri debere. Qua ex reliquet, quod initio diximus, non aures modō, sed oculos etiam ad Evangelicæ historiæ fructum percipiendū adhibendos. Vtrumque autem habere, diuinæ benignitatis donum esse Salomon apertē docet, cū ait, Oculum videntem, & aurē audientem Dominus fecit vtrumque. Ut igitur hos oculos & aures Evangelicæ doctrinæ accomodare valeamus; cælestem opem, sacratissimæ Virginis interuentu, suppliciter imploremus.

Prou. 20.

## A V E M A R I A.

Quemadmodum nulla in hoc mundo creatura adeo vilis & abiecta est, quam diuina potentia non condiderit: ita nulla est, cuius non singularem curā & providentiam habeat. Quid formica vilis? & tamen in illo paruo corpusculo tantū providentiæ conditor posuit, ut miris modis eius vitę consulat atque prospiciat. Primum enim gregatim formicæ coeūntes, mutuamq. sibi operam præstantes, communi labore ritici acervum invadunt, granariumq. egesta terra faciunt, ibiq. opportuno tempore alimenta condunt, quibus hieme vescantur. Ne verò alimenta humi recondita putrescant, sereno tempore foras ea protrudunt: & ne humore confusa nascantur, extremam granorum partem, qua pullulare deberent, ore delibant atque corrodunt. Quis igitur non hic apertē diuinæ providentiæ solertiam videat, quæ in tam exiguo corpore tantum prudentiæ collocavit? Quo minus mirandum est, si inertem hominem Salomon formicarum exemplo corripere atq. erudire velit, cū ait; Vade ad formicam, ô piger, & considera semitas eius, & disces sapientiam; quæ cū non habeat ducem ac præceptorem, parat in æstate cibū sibi, & cōgregat in messe quod comedat. O vtinam hanc vnam nobis Dominus prudentiam immitteret, ut mentis nostrę aciem non ad præsentia solum, sed ad futura etiam pro-

Prou. 6.

tende-



tenderemus? Hoc est enim quod magnus ille Propheta ciuibus suis desiderabat, cum diceret: Vtinam saperent, & intelligerent, ac nouissima providerent! Nouissimum autem omnium, vitæ nostræ finis est. Cur autem ab hoc fine oculus mentis auertimur? cur in hoc providentia à formicis homines superamur? Formica in æstate, ad futuram hiemis sterilitatem præcauendam, opportuno tempore alimenta congerit. Sic enim quodammodo ratiocinari videtur: Aestas secunda est, & alimentorum copiam suppeditat, quam sterilis hiems nequaquam præstat: in æstate igitur reponamus, quo in hieme vescamur, ne fame intereamus. Si igitur ad hunc modum formica sibi consulit; cur qui ratione præditi sumus, non eodem modo nobis consulemus? Quod enim formicis æstas, hoc nobis præsens hæc vita est, in qua magnam meritorum copiam parare nobis licet. Quod illis sterilis hiems, id nobis futura vita est, in qua non satistaciendi aut merendi, sed recipiendi, & partis fruendi tempus est. Cur ergo in huius vitæ æstate non colligimus, quo in alterius hieme vescamur? Cur hanc temporis opportunitatem, vacuum abire sinimus, nunquam iterum redituram? Nonne hoc est quod nos opportunè Salomon admonet, cum ait, Quodcunque potest manus tua, instanter operare: quia nec opus, nec ratio, nec sapientia, nec scientia erunt apud inferos, quò tu properas? Quid autem ex hac negligentia consequi necesse est, nisi quod idem Salomon ait; Propter frigus piger arare noluit; mendicabit ergo æstate, & non dabitur ei. Sic enim fatuæ illæ virgines mendicarunt, dicentes, Domine, Domine, aperi nobis: quibus responsum est; Amen dico vobis, nescio vos. Hæc obiter à nobis, fratres, formicarum occasione dicta sunt: nunc ad id quod institueramus, recurramus oratio.

Deut. 31.

Eccle. 9.

Prou. 20.

Mat. 23.

Si tam latè diuinæ providentiæ cura atque solertia patet, vt ea etiam quæ minima & abiectissima sunt non negligat; quid de homine existimandum est, quem inferioris huius mundi principem constituit, & cuius gratia hæc omnia condita sunt? Certè quo eius dignitas inter omnia magis eminet, hoc maiori cura illi diuina providentia consult, dum nihil quod ad eius salutem & incolumitatem spectet, prætermittit. Quam rem non modò Christiana, sed etià Ethnicorum philosophia apertè profitetur: sic enim Cicero, Commoda, inquit, quibus vtimur, lucem qua fruimur, spiritum quem ducimus, à Deo nobis dari & impartiri videmus. Veruntamen alia providentiæ ratio ad hominem, alia ad cetera animantia pertinet. Animantibus enim, quæ neque in officio delinquere, neque officium præstare possunt, salutaria semper, & vitæ necessaria providet: hominibus autem, qui vtrumque possunt, pro varia meritorum ratione modò

Cicero.

secunda,

**Eccle. 11.** secunda, modò aduersa immittit. Hinc in Ecclesiastico legimus; Bona & mala, vita & mors, paupertas & honestas à Deo sunt. Idemque Dominus per Prophetam: Ego Dominus formans lucem, & creans tenebras; faciens pacem, & creans malum: ego Dominus faciens omnia hæc.

**Lucæ 12.** Denique, vt paucis multa complectar, tam latè hæc diuinæ prouidentiae cura patet, vt Saluator in Euangelio dicat: Nōne quinque passeret vaneunt dipondio: & vnus ex illis non est in obliuione coram Deo? sed & capilli capitis vestri omnes numerati sunt. Nolite ergo timere: multis passeribus pluris estis. Non poterat vllis verbis hæc diuinæ prouidentiae cura magis amplificari, quàm cū capillorum nostrorum numerum Deo notum esse dixerit, quorum nec vnus quidem sit periturus.

Ceterū quod ad gratiae dona attinet, quibus mentes hominum purgantur & sanctificantur, atq. in Dei filios, & regni eius hæredes cooptantur: aperte liquet ea non à terra, sed à cælo prodire, cū Saluator dicat: Sicut palmes non potest ferre fructum nisi manserit in vite: sic nec vos nisi in me manseritis: quia sine me nihil potestis facere. Persuasum igitur nobis esse debet, fratres, omnia siue naturæ siue gratiae beneficia, siue quæ ad corporum salutem & incolumitatem, siue quæ ad animarum sanctitatem & innocentiam pertinent, non à terra, sed à cælo, hoc est, à diuina benignitate descendere. Vnde quemadmodum hic inferior mundus omnibus in rebus à superiori, hoc est, à cælesti regione pendet (illius enim vi omnia gignuntur, aluntur, conseruantur, & ad iustam maturitatem perueniunt,) sic vita, salus, dignitas, sanctitas, atq. felicitas nostra ab illo inexhausto bonorum omnium fonte dimanat. Quod planè Iacobus Apostolus confiteretur, cū ait: Omne latum optimum, & omne donum perfectum desursum est, descendens à Patre luminum.

**Simile.** Quorsum hæc, fratres? certè vt hac ratione vos ad imitandam illam Dñi Saluatoris in orationis studio perseuerantiam quam in sacra huius die lectione vidistis, excitarem. Video enim vos omnes, vt veros Christi fideles, verissima esse quæ à me hoc in loco sanctarum scripturarū testimoniis comprobata sunt, credere: nempe, siue bona siue mala, siue secunda siue aduersa: quæ hominibus in vita contingunt, Deo dispensante vel permittente prouenire. Video etiam omnes homines, quæ secunda sunt, sitienter appetere; & quæ aduersa, vehementer aduersari. ad hoc enim vnumquemque nostrū amoris proprii vis (quæ cunctarum affectionum nostrarū potentissima est) acriter impellit. Si ergo tantoperè quæ nobis profutura sunt exquirimus, & nociura refugimus, vtraque autem in manu Dei sita esse inconcussa fide credimus; quid, quæso, aliud agere, quid moliri,

quo

quo in studio atque exercitatione continenter versari debemus, quàm ut mentis nostræ aciem in cælum semper intentam habeamus, ut omnes curas & cogitationes nostras ad Deum referamus, ut vni illi obsequi, vni placere, vni obtemperare studuamus, ut salutarem eius opem & misericordiam assiduis vocibus imploremus, & cum Propheta dicamus: Ad te leuavi oculos meos qui habitas in cælis? Et, oculi mei semper ad Dominum: quoniam ipse euellet de laqueo pedes meos? Et illud Iosaphat Regis: Cum ignoremus quid facere debeamus, hoc solum habemus, ut oculos nostros dirigamus ad te. Rectissimè quidā dixerunt, hominem esse arborem inuersam, quæ radices fixas habeat in cælo ramos verò expansos protendat in terram, qui radicem virtute aluntur. & fructus ferunt. Ut igitur pomariorum cultores omnem operam & studium in excolendis arborum radicibus ponunt (hac enim vna cura vberes sibi arborum fructus pollicentur) ita nos studium omne radicibus in cælo fixis excolendis impendere debemus, si copiosum cælestium donorum fructum in terra colligere volumus. Radices autem excolimus, cum mentem ad Deum attollimus, & omnes curas & cogitationes nostras in cælo fixas habemus. Hoc enim faciebat ille qui dicebat: Leuavi oculos meos in montes, vnde veniet auxilium mihi. Auxilium meum à Domino qui fecit cælum & terram. Et ne frustra illum putes ad hoc se asylum contulisse, subdit protinus: Non det in commotionem pedem tuum, neque dormitet qui custodit te. Ecce non dormitabit, &c. Per diem sol non vret te, neque luna per noctem. Videtis ergo quàm firmum in Domino pij homines ad omnia præsidium habeant.

Psal. 122.

Psal. 24.

2. Par. 20

Simile.

Psal. 120.

Hoc est igitur, fratres, proprium atque præstantissimum vitæ Christianæ munus, à Deo pendere, ab ipso omnia expectare, in illo felicitatem & spem omnium dignitatis & salutis collocare, & omnia quibus indigeris, suppliciter ab eo postulare. Hoc ipsum autem olim Dñs in Israëlito populo insigni quadam legatione declarauit. Tertio enim mense ab egressu Aegypti cum in montem Sina ventum esset, populusq; è regione montis staret, Moyses solus ascendit in montem ad Deum. Vocauitque eum Dominus de monte & ait: Hæc dices domui Iacob, & annuntiabis filiis Israël. Vos ipsi vidistis quæ fecerim Aegyptiis, quomodo portauerim vos super alas aquilarum, & assumpserim mihi. Si ergo audientis vocem meam, & custodieritis pactum meum, eritis mihi in peculium de cunctis populis (mea est enim omnis terra) & vos eritis mihi in regnu sacerdotale. & gens sancta. Quid est igitur quod ait: Regnu sacerdotale? Hoc certe significare voluit, eius regni ciues longè alia conditione quàm omnes alios esse victuros. In alius enim exterarum gentium re-

Exod 19.

gnis



gnis cum ciues neque verum Deum colant, neque quicquam ab eo auxilij referant, omnem operam suam in terrenis praeliis vndique comparandis collocant. Vos autem, quorum omnis salus, vita, dignitas, & opes à vero Deo, quem colitis, dependet (in cuius manu sunt omnium potestates, & omnium iura regnorum) totum studium vestrum ad illius cultum & religionem conuvertere debetis, illum semper intueri, ab illo omnia sperare, & illius opem (quò salua sint vobis omnia) continenter petere. Hoc enim sacerdotum munus & officium est, quod vos omnes sectari conuenit; vt sic tandem sacerdotale ipsi regnum sitis, cuius videlicet ciues omnes sacerdotum officium orantes exequuntur. Vt autem eorum spem in hoc officio positam esse declararet, magnifica illa & stupenda opera, qui propter eos ab Aegyptiaca seruitute liberandos patrauerat, in primis connumerat: quò videlicet ex prateritis beneficiis futura discerent: sic enim ait; Vos ipsi vidistis quæ fecerim Aegyptiis, quo modo portauerim vos super alas aquilarum, & assumpserim mihi. Dicit autem hoc, quoniam aquila pullos suos, quos vehementer amat, præter aliarum auium morem super alas suas defert, quoties aliò migrare, aut eos ad volandum excitare vult. Qua similitudine Dominus & flagrantissimam erga populum suum charitatem; & paternam curam ac providentiam aperte declarauit, vt ex ea omnia sibi fausta & salutaria promitteret, si hoc sacerdotali officio ritè fungeretur. Quod illis igitur, fratres, dictum est, nobis dictum putemus, quia eundem Dominum colimus: quod illis promissum est, nos quoque fideliter expectemus, si tamen quod illis officium indictum est, nos sollicitè præstemus; hoc est, vt sacerdotum munus, quod in orationis studio positum est, diligenter exequamur.

## I.

Quòd si nos hæc ratio minus fortasse ad hoc officium mouet, moueat illud saltem, quòd in medio laqueorum positi sumus, quodque innumeris vndique tentationibus & periculis cincti sumus, quæ nos de gradu virtutis per singula pendè momenta delicere tentant: moueant innumera quoque Sanctorum exempla; qui infirmitatis suæ conscij, vitam omnem in orationis studio consumebant. Inter quæ non parum beatissimi Apostoli Bartholomæi exemplum eminet: quem ferunt centies in die, & centies in nocte orare solitum. Et is tamen Spiritu sancto cum cæteris Apostolis repletus, & in gratia confirmatus erat: quin & celestis regni promissionem cum eisdem Apostolis à Domino perceperat, cum ad eos dixit, Gaudete & exultate, quia nomina vestra scripta sunt in caelis: qui tot tantisque diuinæ gratiæ priuilegiis insignitus, dies noctesque in orationis studio infumebat,

Ibidem.

Act. 1.

Luc. 10.

bat, eiusdem gratiæ, quam plenissimâ acceperat, incrementum per singula penè momenta petēs. Si hoc igitur tantus hic Apostolus faciebat; quid de illis sperandū est, qui in medio laqueorum positi, & impura carne circumdari, & vanarū cupiditatum stimulis agitati, in hoc mundo inter scorpiones atque serpentes habitantes, vix oculos in cælum tollunt, vix vnquam ad tot pericula depellenda opem Domini implorant? O miserandam hominum cecitatem! ô detestabilem mentium tarditatem! Quid enim ex hac tanta cecitate consequi necesse est, nisi vt qui diuinam gratiam non postulamus, eius auxilio destituti simus, atque ita in omnes diaboli laqueos, & peccatorum præcipitia incidamus? Hos autem non video qua ratione pudefacere valcam, quàm Ethnicorum hominū exemplo, quorum multos legimus nequaquā opus aliquod egregiū audere solitos, nisi prius commentitios illos suos Deos solemnibus sacrificiis & orationibus placassent. Certè clarissimū illum ducem Scipionem Africanum legimus nunquam arduum aliquod opus moliri voluisse, quin prius à suo illo Ioue auxilium & cōsiliū postularet, quò res illi bene verteret. Qua de causa multi illum Iouis filium crediderunt. Quantus ergo pudor, fratres, quantū Christiani nominis dedecus est ab Ethnicis & cæcis hominibus in religionis officio sperari? Quanta cecitas & amentia nostra est, quòd ad verum Deum, nos ad se vocantem, & secunda omnia pollicentem, non confugimus; cum illi non vocati, ad falsa numina nihil opis & auxilij pollicentia, adeò se studiosè conuerterent? Miseri profecto & amentes, qui quam habemus fidem, frustra habere videmur. Sed ad Evangelicæ lectionis institutum redeamus.

Potuissem quidem, fratres, multas alias afferre commoditates, quibus vos ad hoc orandi studium adhortarer; sed eam potissimum commemorare volui, quæ præsentis Evangelij instituto maximè quadrat: in quo Dominus bona omnia nostra à cælesti Patre pendere oratione sua testatus est, cum Apostolos, hoc est, Ecclesiæ suæ principes electius, longam orationem præmisit; vt electio illa cælestis Patris beneficio felix & fausta esset.

Nec solam orandi necessitatem nos exemplo suo docet, sed etiam orandi modum atque leges præscribit. Oraturus quippe secedit à turbis, & secretum locum petit. Nam & locum & tempus ad orandum, & orationis materiam, & eiusdem perseverantiam, & orandi causam nos exemplo suo docet. Locum enim orandi designauit, cum relictis turbis in secretum locum secessit: quo nos exemplo suo, cum orare volumus, idem facere moneret. Cum superna enim illa & immensa maiestare locuturi, ab hominum frequentia (nisi cum in templis oramus) secedere debe-

debemus; ut nihil extrā sit, quod animi nostri intentionem aliō deflectere valeat. Nec satis est corpore secedere, nisi animo etiā secedamus. Fieri enim potest, ut aliquis in frequentia hominum solus sit, & in solitudine non solus, si in ea cogitationum strepitum atque tumultum patiat. Hoc est enim quod nobis Dominus innuere voluit, cum oraturus montem ascendit, qui in

**Ambros.** valle poterat orare. Hinc D. Ambrosius, Qui bene, inquit, orat, à terrenis ad superiora progrediens, verticem cuius sublimioris ascendit. At ille in montem non ascendit, qui de seculi diuitiis & honore sollicitus est: non ascendit in montem, qui fundi ius optat alieni. Ascendit ille, qui Deum quatit: ascendit ille, qui ad vitæ suæ cursum Dominica adiumenta deposcit. Quemadmodum igitur S. Abraham filium in monte immolaturus, seruos & asinum ad radicem montis expectare præcepit: ita nos seruilia opera atque terrena omnia à tergo relinquere debemus, quoties hunc montem ascendere paramus. Itaque (ut D. Bernardus ait) cogitationibus nostris dicere debemus, Expectate hic cum asino corpore; & postquam adorauerimus, reuertemur ad vos, & huc citò reuertemur.

Deinde verò quòd nocturnum tempus Saluator ad orandum elegit, esse tempus hoc ad orandum aptissimū declarauit, in quo à diuinis curis & negotiis feriari, tenebris & silentio, atque solitudine noctis iuuamur: quo tempore neque oculi rerum imaginibus, neque aures alienis vocibus mentem turbant, neque negotia eandem rerum cælestium intuitu & contemplatione auocant. Hanc porrò temporis opportunitatem nos captare Pro-

**Thren. 2.** pheta monet, cum ait; Consurge in nocte in principio vigiliarū, & effunde sicut aquam cor tuum in Dominum. Effunde, ait, cor tuum; hoc est, quicquid animum tuum angit atque sollicitum reddit, quicquid lacerat & pungit, ante cælestis medici conspectum propone, & salutaria ab eo medicamenta cunctis vultibus tuis pete. Ad hoc ipsum pios omnes regius Propheta inuitat, cum

**Psal. 133.** ait; In noctibus extollite manus vestras in sancta, & benedicite Dominum. Nec minore cura ipse præstabat, quod alios facere adhortabatur. Media, inquit, nocte surgebā ad consistendū tibi.

**Psal. 118.** Et, Memor fui nocte nominis tui Domine. Idem quoque Isaias  
**Ibidem.** Propheta de seipso profitetur, cum ad Dñm ait: Anima mea desiderauit te in nocte: sed & spiritu meo in præcordiis meis de  
**Isai. 26.** mane vigilabo ad te. Magnus verò ille Antonius tenebris & silentio noctis gaudebat, luce verò offendebatur: quòd non nihil mentis suæ intentionem rerum conspectu interturbaret. Beatissimus verò Pater Dominicus Saluatoris sui exemplum secutus, diem salutis animarum, noctem Deo impendebat. Denique Sancti omnes vsque adeò nocturnum hoc tempus diuinis laudibus &

pre-



precibus destinant, ut beatissimus pater Franciscus (qui vigilans cum Deo noctes transigebat) appositissimo nomine verum monachum, Cicadam noctis appellavit; quod cicada sine villa intermissione sole vigente canat. Quin & Plinius Iunior Tra-  
Plinius Iunior.  
 iano principi scripsit, nulla in Christianis eius ætatis crimina reperiri, nisi quod antelucanos hymnos in cuiusdam hominis laudem, qui in Palæstina crucifixus erat, decantarent. Quibus exemplis intelligere licet, fratres, quàm fuerit apud sanctissimos quosque viros vilitatum, nocturni temporis silentia diuinis laudibus & precibus consecrare. Quam rem hoc in loco nos Dominus exemplo suo docet, cum *pernoctat in oratione Dei*. O viam nam his exemplis permoti, fratres, salutare hoc institutum amplecti vellemus, ut aliquâ saltem noctis partem huic verè Christiano studio impenderemus; non dubium quin miro hac exercitatione fructus consequeremur, quibus felicissimam vitam degeremus.

Ceterum quamvis orandi virtus assidua & familiaris homini Christiano esse debeat, tum tamen instantius atque deuotius orandum est, cum egregium aliquod opus moliri decernimus; quod diuina pietas cœptis nostris aspiret. Quam rem Dominus hoc quoque exemplo suo in præsentia lectione docet, qui duodecim Apostolos electurus, longa prius oratione Patrem exorauit. Si ergo vnigenitus Dei filius, & vniuersorû hæres ac Dominus, nequaquam sine præuia oratione hoc opus ordiri voluit; quæ fronte nos, qui toties in conciliis & electionibus nostris hallucinamur, sine orationis suffragio aliquid graue & operosum moliri audemus; præsertim cum verissimum illud sit quod in libro Sapientiæ scribitur, Cogitationes mortalium timidae & incertæ  
Sap 9.  
 omnes providentiæ nostræ? Illud enim homini Christiano persuasum esse debet, fratres, ea omnia, quæ diuinis auspiciis atque ductu gerimus, faciles semper exitus habitura; contrà verò quæ consiliis nostris freti inconsulto Deo gerimus, infausta atque perniciosa sæpe futura. Quam rem quotidianis fermè exemplis comprobare licet. Quoties enim filiorum atq. filiarum nuptias, quoties navigationes, mercimonia, & lites quas intendimus, ceteraque negotia, quæ salutaria nobis futura speramus, adeo votis & consiliis nostris minimè respondent, ut in diuersum etiam cedant, & vehementer noceant, quæ profutura credebantur; in quibus pro pace bellum, pro otio negotium, pro tranquillitate contentiones, pro honore ignominiam, ac denique pro diuitiis paupertatē & inopiam inuenimus. Cur hoc, nisi quia nimium ingenio atque prudentiæ nostræ tribuentes, Deum res humanas negligere re ipsa profiteamur; quando illum consiliorum nostrorum auctorem atque participem efficere volumus? Sic sanctus

- Iosue 8.** Iosue, ceteriq. Israëlitiçi populi principes in petitione Gabao-  
nitarum lapsi fuere, quoniam os Domini minimè interrogasse  
perhibentur; ideoq. illos Dominus labi atque errare permisit.  
Sic etiam apud Esaïam filios Israël Dominus accusat, quòd se  
inconsulto atque relicto, suis consiliis atque humanis præsidis  
**Esaïa 30.** niterentur. Væ, inquit, filij desertores, vt faceretis consilium, &  
non ex me; ordiremini telam, & non per Spiritum meum, vt ad-  
deretis peccatum super peccatum; qui ambulatis vt descendatis  
in Aegyptum, & os meum non interrogastis, sperâtes auxilium  
in fortitudine Pharaonis, & habentes fiduciam in vmbra Aegy-  
pti. Et erit vobis fortitudo Pharaonis in confusionem, & fiducia  
vmbra Aegypti in ignominiam. Et paulo pòst humanæ fiduciæ  
**Esaïa 31.** præsidium deprimens, Aegyptus, inquit, homo & non Deus, &  
equi eorum caro & nō spiritus. Et Dominus inclinabit manum  
suam, & corruet auxiliator, & cadet cui præstatur auxilium. Hac  
autem de causa cū idem populus iniussu Dei cum hostibus in  
deserto configere velleret, Moyses diuinorum arcanorum inter-  
pres eos ab hoc temerario vsu reuocare volens, aiebat; **Num. 14**  
Nolite ascendere; non est enim Dominus vobiscum, ne corruiatis coram  
inimicis vestris. Amalecites & Chanaanæus ante vos sunt, quo-  
rum gladio corruietis, eo quòd nolueritis obedire Domino, nec  
erit Dominus vobiscum. Quid illi interim ad hæc? Sanctissimi  
viri voces aspernati, ad pugnam se parât. Sed cū primum ap-  
propinquantes hostes conspicati sunt, terga verterunt, eorumq.  
gladiis foedè concisi perierunt. Sic igitur euenit, vt qui claram  
& insignem sibi victoriam peperissent, si pugnare voluissent eo  
tempore quo fuerant ad pugnam Dei imperio conuocari, cū  
Dei iniussu manus cum hoste conferere voluerunt, confestim  
fusi fugatiq. sint, & magna eorum pars ferro & vastitate con-  
sumpta. Quicumque igitur sapienter vitam instituunt, nihil  
audêt, nisi de summi Dei sententia, decernere, nihilq. omnino,  
nisi ex illius imperio, cōsilio, & præscriptione, moliri. Itaq. sem-  
per se ipsos excitant ad Dei verbum mente concipiendum, nec  
aliud in vita meditantur, quàm vt ductum & imperium summi  
illius ducis & moderatoris alacres & expediti sequantur; vsque  
adeò, vt ne licita quidem & communi more atque lege conces-  
sa aggredi velint qui summa fide ornati sunt, nisi prius in Dei  
numen inspiciant, ipsumq. auctorem & monitorem habeant;  
absque ductu enim illius se loco mouere minimè tutū arbitran-  
tur. Vnde vox illa Moysis, qua veniam atque pacem exposcit,  
Deumq. pro salute populi sibi commissi veneratur: Si tu ipse,  
inquit, non præcedas, non educas nos de loco isto. Intelligebat  
enim vir excelsus, tolerabilius multo fuisse in vasta illa solitu-  
dine incommodis omnibus vexari, atque senio foedisq. mor-  
bi

his intabescere, quàm viam aliquam, in qua Deus non esset ductor, inire. Illo enim duce non ad incertum euentum omnis vitæ labor impenditur, sed ad certissimam vitæ felicitatem omne studium destinatur.

## II.

Urgitur hanc verè Christianam philosophiam nos cælestis magister doceret, Apostolos electurus pernoctat in oratione Dei, in qua Patrem orabat, vt cælesti Spiritu atque virtute ex alto hos Euangelij ministros ita corroboraret, vt nullis laboribus aut difficultatibus ab hoc ministerio deterreretur. Quæ quidem oratio adeò efficax fuit, vt per eam cælestis pater spiritus sui plenitudinem in Apostolorum pectora demiserit. Quæ sic instructi & armati fuerunt, vt vniuersum terrarum orbem peragrantes, Euangelium Christi longè lateque disseminarent. Non illos ab hoc officio locorum interstitia, non itineris labor, non Imperatorum minæ, non cruciatuum immanitas, non ferrum & ignis, non demonum, quorum altaria & templa euerrebant, furor & rabies, non denique omnes reges terræ & principes, qui frementes conuenerunt in vnum aduersus Dominum & aduersus Christum eius, deterrere potuerunt. Duodecim ergo piscatores, hoc cælesti spiritu instructi, omnem mundi atque inferorum potentiam debellarunt. Denique tanta animi fortitudine hoc opus aggressi sunt, vt quamuis, quod ad naturæ indolem attinet, rudis atque vilis ingenij, & piscatores essent, omnes tamen prius vitam amittere, & omnes cruciatus perferre, quàm commissum sibi officium deserere maluerint. Vnde alij, iuxta magistri sui, patibulo affixi; alij capite truncati; alij lapidibus obruti; alij lanceis confossi; alij candentis ferri laminis adusti; alij detracta pelle excoriati (quod beatissimo Apostolo Bartholomæo contigit) clarissimum constantiæ atque fidei suæ exemplum posteris reliquerunt. Solus Ioannes Euangelista in pace occubuit; qui tamen in Actis Apostolorum cum aliis Apostolis cæsus, deinde in feruentis olei dolium missus, & in Pathmos insulam exilio relegatus, postea in pace quieuit. Martyrij namque instar fuit, quod dilectissimi magistri in cruce morientis comes adfuit indiuiduus.

Psal. 2.

Act. 1.  
Apoc. 1.

Gen. 35.

2. Par. 4.

Hunc autem duodecim Apostolorum numerum multis modis voluit Dominus & in veteri & in nouo testamento figuris clarissimis adumbrari atque honorari. Hos enim duodecim Patriarchæ filij Iacob designarunt; quia vt illi carnalis populi, ita isti spiritualis patres existerunt. Hos etiam duodecim illi boues adumbrarunt, supra quos impositum illud æneum mare erat, in quo sacerdotes lauabantur. Sic enim isti baptismatis mare per totum mundum detulerunt, quo peccatorum omnium sordes ablun-



**Exod. 15.** abluentur. Hos item duodecim illi fontes Elim figurarunt; quia ex horum fontibus salutaris sapiētię aquam populi omnes hauriunt. **Exod. 39.** Hi sunt etiam duodecim illę gemmę in summi sacerdotis Christi ornamento collocatę; quos Paulus Ecclesiarum **2 Cor. 8.** Apostolos; & Christi gloriam appellat. Hi sunt etiam duodecim illę stellę in corona Sponsę miro doctrinę splēdore fulgentes; **Apoc. 12.** hi duodecim nouę ciuitatis fundamenta, duodecimque portę, **Apoc. 21.** quę ex singulis margaritis constant; quoniam hi primū fidei fundamenta in mundo iecerunt, & per eos nobis aditus in cęlestes illas sedes patefactus est. **Ibidem.**

Hos igitur duodecim ex discipulorū numero Dominus vocauit; quos (vt ait Ambrosius) ad propagandum auxilium salutis humanę per terrarum orbem satores fidei destinaret. Simul aduerte cęleste consilium; non sapientēs aliquos, non diuites, non nobiles, sed piscatores & publicanos, quos dirigeret, elegit, ne traduxisset prudentia, ne redemisset diuitiis, ne potētia nobilitatisque auctoritate traxisset aliquos ad suam gratiā videretur; vt veritatis raro, non disputationis gratia pręualeret. Hactenus Ambrosius.

Hoc etiā in loco flagrantissima Christi erga nos charitas apparet, qui tam longa oratione Patrē exorauit, vt nascentis nouę Ecclesię idoneos ministros & duces sibi designaret, qui perditos homines in viam salutis & sempiternę felicitatis dirigerent. Si autem nostra salus tam fuit cordi Christo, quā eadem nobis chara esse debet? Quid enim (vt idem Ambrosius ait) te pro salute tua facere oportet; quando pro te Christus in oratione pernoctat? Sed quid mirum si pro salute tua orat, qui pro eadem & in mundum venire, & innumeros labores, ac postremo acerbissimum crucis supplicium perpeti dignatus est? Quid agis Domine Iesu? quę te vis amoris tot pericula, tot adire labores impulit, vt non dies solum, sed noctes etiam in salute nostra promouenda expenderes; nec virilem modō atatem, sed ipsam quoque infantiam, paupertatem, nuditatem, exilio, hostilięque Herodis odio conficeres? Num vt gratię tuę, aut glorię opibus aliquid adijceres, quod antea aut non haberes, aut promeritus non esses? minimē verō. Quid igitur est, quod te, cuius sanctitati & glorię nihil addi, nihil detrahi potest, in hoc tātum laborum atq. dolorum pelagus immisit; cum nos pręsertim, quorum causā vigiles in oratione noctes transigis, totas noctes dormiamus, aut in chartarū & alearū ludo insumamus, aut in stratis nostris lasciuimus, aut certē hoc ipso tēpore alienę pudicitię insidias tendamus? Cur igitur aliena salus te tātopere sollicitat, cum nos nulla eiusdem cura tangat? In causa certē immēsa charitas, & sapientia tua est. Tu enim solus laborem & dolorem confide-

ras;

ras; tu solus humanæ salutis pōdus atq. dignitatem intelligis; tu cælestis gloriæ magnitudinem; tu pœnarum gehennæ acerbilitatem, quæ hominibus constituta sunt, plenissimè perspicias; ideoque eximia charitas tua facit, vt nos omni ratione à tantis malis ereptos ad sempiternæ felicitatis gloriâ perducas. Quem admodum ergo pius pater pro phrenetici filij salute anxius atq. sollicitus varia vndecunque medicamenta conquirat, & quo magis filius ridet atque delirat, aliiſque, deliriis suis, risum incurrit, hoc maiori cura atque dolore pius pater conficitur: ita Christus Dominus sese erga nos gerit, qui phreneticorū more malorum nostrorum ignari, tota vita stertimus atque ridemus; cū tamen pius hic pater pro salute nostra sollicitus nulli labori parcat, & nec diēs, nec noctes à salute nostra procuranda desistat. Quo vno argumento quantum sit salutis nostræ negotium, perspicere licet; quod omnipotentem Dei Filium sub hoc onere sudare, ac tot labores perpeti coëgerit; quod nos tamen phreneticorum more tantopere negligimus.

Simile.

## III.

Sed iam dudum inquirere vos puto, fratres, cur Dominus inter hos duodecim Ecclesiæ suæ duces Iudam etiā elegerit, quem proditorem futurum sciebat. Huic quæstioni Theophylactus Theoph. respondet, eo tempore Iudam non indignum ea electione fuisse, qui tamen postea tantopere ab hac Apostolica dignitate degenerauit. Nec enim nouum aut inusitatum est, quos Dominus in excelso dignitatis gradu collocauerit, ab ea dignitate decidere. Sic enim Saul à Domino in populi sui principem electus, sceleratissimè atque miserrimè postea lapsus, innoxios Domini sacerdotes trucidauit, & sibi ipsi acerbissimā mortem intulit. Sic Salomon, qui amabilis Domino vocatus est, eo quod ab eo fuerit dilectus, & in sede regia collocatus, mirisq; beneficiis auctus & cumulatus; tamen postea aras & templa vxorum suarum Diis erexit. Sic Nicolaus inter septem diaconos Spiritu sancto plenus ab Apostolis electus, à fide postea deficiens, hæresum seminator effectus est. Quo fit, vt nemo electioni & vocationi diuinæ nimium fidens securitatem sibi polliceatur; cū felicibus initiis in faustos nonnunquam fines succedere contingat; contra verò felicissimi fines post damnāda initia interim cōsequantur. Hinc D. Hieron. Non laudātur, inquit, in Christianis initia, sed fines Paulus malè cœpit, sed bene finiuit; Iudæ laudantur exordia, sed finis prodicione damnatur. Quia in re stupenda Domini opera atque iudicia animaduertere licet; cū Iudas præuia oratione à Christo Domino electus, ex Apostolatus culmine in proditionis barathrum ceciderit; Paulus autem ex truculentissimo Ecclesiæ persecutore ad eandem Apostolatus dignitatem

1. Reg. 18.

1. Reg. 12.

1. Reg. 13.

2. Reg. 12.

3. Reg. 12.

A Ro. 6.

Apoc. 2.

Hieron.

Lucæ 12.

A Ro. 9.

- fuerit euectus. Ille ex agno lupus, ex amico hostis, ex discipulo magistri proditor: contra verò hic ex lupo agnus; ex persecutore defensor; ex Ecclesiæ hoste, eiusdem Ecclesiæ propagator effectus est. Quis igitur in hac tam miranda rerum cōmutatione non obstupescat? non etiam diuinorum iudiciorū metu paucat? Pauebat certè sanctus ille rex, quamuis innocentia suæ sibi conscius esset, cum diceret: Confige timore tuo Domine carnes meas, à iudiciis enim tuis timui. Pauebat etiam, quamuis innocentissimus, sanctus ille Iob, cum diceret; Semper enim quasi tumentes super me fluctus timui Deum, & pondus eius ferre non potui. Quid verò Hieremias, ex vtero matris sanctus? an non is quoque hoc metu perterrefactus aiebat, Sedebam Domine solus; quia comminatione replesti me? Et ne quis inanem formidinem hanc existimaret, ipsum Dominum eius auctorem facit, cum de ipso ait; Quia cōminatione replesti me. Nouerant enim omnes isti verissimum esse quod est à Propheta dictum: Iustitia tua sicut mōtes Dei; iudicia tua abyssus multa; hoc est, iudicia tua Domine altissima & impermeabilis abyssus. Quis enim cōprehendere valeat, cur multi, qui diutissimè piè & innocenter vixerunt, extremo vitæ tempore (quod Salomoni contingit) scēdissimè corruerūt? Itaq. hoc illis euenisse videtur, quod iis qui cum ab orientis Solis regionibus ad nos vsq. felici cursu nauigarunt, in ipsis portus faucibus naufragium fecerunt. Quis etiam ingenio cōsequi poterit, cur ex duobus latronibus in cruce pendentibus, atque initio Dominum blasphemantibus, alter eligitur ad paradysum, alter relinquitur ad supplicium? Cur ex duobus fratribus, ex eodē patre atq. matre natis, eodēq. partu in lucem editis, Iacob videlicet & Esau, alter à Domino diligitur, alter reprobatur? Quisquis igitur hæc diuina iudicia, occulta quidem illa sed non iniusta, prudenter considerauerit, intellet planè sibi cum Propheta clamandum: Confige timore tuo carnes meas; à iudiciis enim tuis timui. Quibus verbis vir sanctus tantam salutaris huius timoris vim à Deo postulat, vt non mens tantum, sed ipsum etiam corpus hoc timoris aculeo configatur. Vsq. adeo enim mentem suam hoc timore occupari atque repleri cupiebat, vt eius vis ac plenitudo in corpus etiam redundaret, ipsumq. tremefaceret. Hoc enim timore securitatem parari intelligebat; cum probè nossēt, Spiritum Domini in illorum præcipuè mentibus sedem sibi deligere, qui tremunt ad verbum eius.

Sed inter hæc occulta Domini iudicia, non postremum est id cuius paulo antè meminimus, Pauli videlicet persecutoris electio, & Iudæ Apostoli reprobatio. Quis enim definire poterit, cur Paulus ex iuratissimo hoste, Apostolus; Iudas autē ex Apo-  
stolo



stolo proditor factus, laqueo sibi vitam eripuit; siquidem horrendi facinoris poenitentia ductus, proiectis in templo argenteis, sequē peccasse confitens, laqueo se suspendit? Ex cuius poenitentia colligere licet, quod quemadmodum praedestinatis omnia cedunt in bonum, etiam ipsa peccata, quae eos humiliores & cautiores reddunt; ita contra reprobis bona quoque ipsa in malum cedunt. Quod Iudae exemplo intelligimus, qui ex Salvatoris doctrina, quae maxima ex parte in peccati odio atque detestatione versabatur, tanto animi dolore sauciatus atque consternatus fuit, tantumque sibi displicuit, ut quo acerbissimum illum doloris aculeum euaderet, vitam sibi eripuerit. Hoc enim consilio perdiri ac desperari homines ad laqueum confugere solent. Quia enim acerrimo alicuius rei dolore punguntur, neque illam doloris eius leniendi rationem inveniunt, consilium de morte obeunda suscipiunt; ut hac saltem ratione acerbissimum illum doloris sensum euadant. Hic igitur tantus doloris aculeus, qui Iudam corripuit, ex caelestis magistri doctrina perperam intellecta originem duxisse existimandus est. Cuius tamen miseranda ruina Dominus passionis suae acerbitate augeri & solatium piis hominibus (cum ab amicis produntur) parari voluit. Vnde & illud Dini Cypriani; Nec nobis ignominia est pati à fratribus, quod passus est Christus, nec illis gloria, facere quod fecit Iudas.

Cyprian.

Hic, quæso, fratres, diligenter mecum aduertite, quantum mali in avaritia positum sit (quæ immodicus pecuniae amor est) quandoquidem hæc pestis infelicissimum discipulum ad tam durum facinus impulit, ut innocentissimum magistrum pecunia teterrimis hostibus proderet; nec illum tot miracula quæ videbat, quæque ipse patrauerat, non apostolatus dignitas, non mansuetissimi Agni innocentia ab hoc sacrilego opere reuocauit, usque adeo hæc auri cupiditas mentem excæcat, & ad quæuis tetra flagitia impellit. Quod si ita est, quantus hic lugendi atque lamentandi campus nobis aperitur, cum tot penè Iudas, quot auaros in mundo videamus; qui si tunc exstiterent, fortasse Dominum simili pretio vendidissent. Quis enim inter mortales non pecuniae studio flagrat? non pestis huius exitiali morbo laborat? Itaque modò etiam videre licet hoc ipsum quod Dominus apud Ieremiam queritur, qui cunctos homines, à minore usque ad maiorem avaritiae studere ait. Et apud Amos, Avaritia, inquit Dominus, in capite omnium. Quibus verbis, quàm latè pestis hæc pateat, apertissime declarauit: cuius merito urbem & templum euertendum esse designauit, cum Propheta in eodè templo Dominum videntem ait, Percute cardinem, & commouebuntur superliminaria. Quibus verbis templi euersionem vaticinatus est,

Ierem. 6.  
Amos. 9.

Ibidem.

causamque euerfionis huius subiecit : Quoniam, inquit, auaritia in capite omnium. Quis igitur lacrymas continere queat, cum hac tam diram peste tam late in mundo dominari cernat, à cuius cōtrahione vix quisquam expers sit? Beatus cerè vir, qui post aurum non abiit, neque sperauit in pecuniæ thesauris: verum tamen quis est hic, & laudabimus eum? Fecit enim mirabilia in vita sua. Sed hanc acerbissimi luctus materiam in aliud tempus differentes, ad beatissimi Apostoli Bartholomæi martyrium veniamus.

## IIII.

Cum autē multa eius exempla colligere valeamus, tum illud præcipuum est, vt nullum laborem recusemus, quo eius gloriæ consortes fieri valeamus. Quis enim sola diuinorum mandatorum obedientia cælestis regni hereditatem mercari detrectet, quam sanctus Bartholomæus detracta corporis pelle mercatus est? Qui enim pellem dedit, omnia corporis membra dedit; atque tot mortes acerbissimas pertulit, quot membra carnifici excoriata tradidit. Nouum supplicij genus, non tam ab hominibus, quàm ab illo sanguinario hoste excogitatum, qui homicida erat ab initio. Cum enim S. Bartholomæus idolum, quod Astyages Rex vt Deum colebat, confregisset, & in frustra comminuisset, tanto crudelis tyrannus aduersus Christi Apostolum furore incanduit, vt non contentus illum fustibus crudelissimè cecidisse, atrocissimum hoc supplicij genus, nusquā antea visum, Satana instigante excogitaret, quod & acerbitate sua, & nouitate, & diuturnitate, Christi Apostolum immanissimè cruciaret. Nudatur ergo à carnificibus vir diuinus, stipitiq̃ue, ne se commouere posset, alligatus; accedūt crudelitatis ministri nouaculis acutissimis armati, detractisque vestibus, vt expeditiores ad opus illud nefarium essent, sulcare & scindere hinc & inde sanctissimū illud corpus incipiunt, & inter cutē carnēq̃. vias ferro aperire, rimari secreta viscerum, & altera quidem manu pellem ad se trahere, altera ferrum stringere, & cutem à cetera carne separare. Atque hac immanitate diuini viri & terga, & pectora, & brachia, & femora, & crura conscindunt, lacerant atque discerpunt. Fluebat sanguis, qui ex omnibus corporis membris scaturiebat, terrāque late irrigabat. Diuinus autem Apostolus sanguinolentum corpus vt regalem purpuram intuebatur; carnifices autem illos, coronarū ministros atque fabricatores reputabat; corpus verò lacerum, holocaustum & hostiam viam Deo placentem existimabat; & mentis oculis in crucifixi Domini sui imagine defixis, incredibili mētis alacritate triumphabat; quod se illi per mortis supplicium similem fieri videbat, & sanguini, quo redemptus fuerat, vicem sanguine suo rependebat. Quin & totus spei plenus,

nus, & se iamiam breuissima illa mora transacta inter Angelorum & Apostolorum choros perpetuò regnaturum sperans, & in caelesti illa mensa (quam illi magister suus promiserat) cum illo se epularum sciens, infracto & alacri pectore cruorem suum spectabat, membraque dilaniata cernebat, quæ sempiternum sibi decus & gloriam essent præbitura. Lucæ 9.

Quid nos ad hæc dicemus, fratres? En Apostolus omnium membrorum dilaceratione caeleste regnum emere non dubitauit; nec se in hoc mercimoniij genere fraudatum existimauit, cum se paucarum horarum labore, totius æternitatis felicitatem & gloriam mercari intelligeret. At nos miseri & amentes tam densis tenebris & caligine circumfusi sumus, ut ne sola quidem diuinorum mandatorum obedientia, & suauis Christi iugo ceruicibus imposito, hoc tantum bonum emere velimus, quod Apostolorum & Prophetarum chorus, quod innumerabiles Christi martyres omnium membrorum excarnificatione mercati sunt.

Cæterum si nos tantæ gloriæ felicitas minus mouet, moueat saltem horrenda illa pœnarum æternitas & acerbitas, quæ rebellibus, & diuinarum legum contemptoribus parata est. Ferrea enim præcordia gestat, quem tam atrox & immane supplicium sempiternis seculorum ætatibus duraturum, ad leue illud Christi onus, & piam diuinæ legis sarcinam ferendam non inducit. Quid autem supplicij huius consideratio efficere debeat, hoc exemplo iudicandum curabo. Refert in Ecclesiastica historia Eusebius, Iul. Iul. quendam Christi Confessorem, Natalem nomine, qui multas à Tyrannis plagas ob fidei confessionem acceperat, quorundam hæreticorum (qui sectam suam illius auctoritate populo commendare volebant) prece & pretio non vulgari inductum, se eorum Episcopum & fautorem appellari passum fuisse; tantum ambitionis & auaritiæ virus apud illum potuit. Quem enim equulei tormenta non fregerant; auaritia & dominandi libido ad tam immane nefas impulerunt. Pius autem Dominus plagarum eius & fidei prioris memor, nocturnis visis & monitis ad penitentiam eum inuitabat, sed frustra. Illum namque hæc duæ pestes, quas memorauimus, vinctum atque captiuum tenebant. At misericors Dominus nec hac rebellionem lacessitus, acerbiori illum medicamento curare aggressus est. Duos enim Angelos misit, qui tota ferme nocte illum flagris ob commissum scelus acerbissimè verberarunt. At ille diuini furoris metu perculsus, orta luce, sacco indutus, & cinere capite cōsperso, lachrymabundus & gemens ab Zepherini Pontificis pedes, multis coram astantibus se abiecit, erroris sui veniam postulans, & accepta propter Christum vulnera ostentans, tanto lachrymarum imbre effuso



effuso, vt astantes omnes ad lachrymas prouocaret. Quæ igitur, fratres, huius tam acerbæ pœnitentiæ causa exstitit? Non dubium quin noctis vnius plagæ atque verbera. Si igitur nox vna in tormentis transacta tantum apud illum potuit, vt & episcopatus dignitatem, & reditus dignitati pares repudiaret, & tam acerbo se lactu in omnium conspectu conficeret; qualis eorum cæcitas, qualis stupor & caligo mentis est, apud quos æterna illa nox, quam nulla lux illustratura est, æterna supplicia, æternus & immortalis vermis, æterna dæmonum & laruarum terribilium societas, æternum incendium, æternum patriæ cælestis exilium, æterna fames & sitis, æternus fœtor & horror, æternus luctus & gemitus non agit, quod apud hunc vnius noctis verbera egerunt. O amēiam! ô stuporem! ô cæcitatem! ô magnam dæmonis potentiam, quæ sic miseros homines dementare potest! Euigilate, quæso, fratres; & dum tempus habetis, dum vita manet, prophetica illa vox vestris auribus insonet; Venit manē, venit nox: si quæritis, quærite, conuertimini, & venite. Conuertimini à viis vestris pessimis, & per vias iustitiæ ingredimini. Conuertimini per veram pœnitentiam, & venite per iustitiam; vt sic tandem inuenire mereamini Domini misericordiam, peccatorum veniam, & sempiternam vitam.

Isaia 23.

## IN EODEM FESTO B. BARTHOLOMÆI

APOSTOLI IUXTA QUARVNDAM ECCLESIA RV M consuetudinem, in quibus legitur Euangelium: Hoc est præceptum meum; Concio secunda: in qua de fraternæ dilectionis præcepto (de quo Euangelica lectio disserit) ac deinde de mundi conuersione, & Apostolorum prædicatione agitur.

**T H E M A.** *Hoc est præceptum meum, vt diligatis inuicem, sicut dilexi vos.* Ioan. 15.



**H**ODI ERNA sancti Euāgelij lectio, fratres charissimi, duas complectitur partes, quarum altera fraternæ dilectionis præceptum, altera mūdi conuersionem, & Apostolorum prædicationem continet; quā Dominus in extrema sacrae huius lectionis parte breuissima oratione complexus est, cum ad Apostolos ait: *Posui vos ut eatis, & fructum afferatis, & fructus vestri maneat.*

De

De hac igitur nos quoque breuius; de illa verò (quoniam plurimum ad vitæ nostræ institutionem pertinet) paulo fusiùs disseremus. Quod quo plenius exequi possimus; cælestem opem, sacratissimæ Virginis interuentu, suppliciter imploremus.

## A V E M A R I A.

Regius Propheta in eo Psalmo cuius est initium, Cæli enar- Psal. 18.

rant gloriam Dei (in quo miro diuini spiritus artificis Dei gloriam celebrat) duas potissimum eius laudes prædicat; alteram quæ ex pulcherrima vniuersitatis huius fabrica, & totius nature concinnitate colligitur; alteram quæ in æquitate & sanctitate legis à se hominibus latè perspicitur. Postquam enim Propheta dixisset, Cæli enarrant gloriam Dei, & opera manuum eius annuntiat firmamentum; & cetera quæ deinceps in hanc sententiam subdidit; protinus diuinæ legis laudes aggreditur, dicens: Lex Dñi immaculata, conuertens animas; & quæ deinceps sequuntur. Illo igitur opere diligèter animaduerso, faciliè quis immensam diuinæ maiestatis potentiam, sapientiã, & mirabilem rerum omnium prouidentiam perspicere poterit. Ex hoc autem (id quod in Deo mirabilius, & humano iudicio sublimius est) infinitam eius bonitatem, sanctitatem, benignitatem, & ardentissimam in genus hominum charitatem, & viscera misericordiæ colligere poterit. Vt enim aquæ fontium eorum locorū saporem referunt per quos transeunt (vt quandoque dulces, quandoque salsæ sunt) ita cum diuina lex è sacro illo pectore ad nos manarit, non potest non eius pectoris vnde ipsa deprompta est, saporem atque naturã referre. Quocircà ea nobis instar purissimi speculi est, in quo non solum animæ nostræ macula (vbi à diuina lege deuiamus) sed etiam diuinæ bonitatis & charitatis imaginem contemblemur. Quid enim dulcius, quid amantius vel vna illa lege quam omnium aliarum legum cõpendium esse Saluator ait, nempe; Omnia quæcunque vultis vt faciant vobis homines, & vos facite illis? Hæc est enim lex & Prophetæ. Potuit ne quicquam salutarius atque iucundius hominibus præcipi? Quid enim ea vita beatus esset, in qua omnes homines hoc aliis præstarent, quod sibi ipsi exhiberi volunt? Sed hac tamen ceterisque similibus legibus prætermisiss (quæ faciliè diuinæ benignitatis naturam repræsentant) ad eam quæ in hodierna sancti Euangelij lectione traditur, veniamus.

Simile.

Matth. 7.

Hoc est (ait Dominus) præceptum meum. Digna certè vox legislatore Deo, cui vni ex seipso præcipiendi ius est; à quo sicut omnis paternitas, ita omnis potestas in cælo & in terra nominatur. Non est enim (ait Apostolus) potestas nisi à Deo. Sed expecto Domine quid mihi præcipias, quam legem feras, quæ sacrificio- Rom. 13.  
rum genera mihi præscribas, quod obsequij genus iniungas, propter

propter quod cælestem mihi hæreditatem largiaris? *Hoc est*, ait, *præceptum meum, ut diligatis inuicem, sicut dilexi vos.* Quid hac lege blandius? quid iucundius? quid amantius? quid legislatore Deo dignius? Quid nobis vel ad vitam commodius, vel ad pacem securius, vel ad quietem dulcius præcipi poterat, quàm ut fraterna dilectione, mutuisq. beneficiis nos ipsos prosequeremur, nobisq. inuicem succurreremus? Cùm enim omnia mala & bona hominibus ab hominibus inferatur (propter quod rectè sapientes dixerunt, Homo homini Deus; & homo homini dæmon; vtrumq. enim frequenter homo homini esse solet, dum aliquando mortē infert, aliquando à morte liberat) si hac dilectione se homines mutuò complecterentur, quid illis boni deesse, quidve mali euenire ab aliis posset? Sic igitur in summa pace atque otio tranquillam sine vllō timore vitam ducerēt. An non igitur Dñs hoc præcepto, paternæ pietatis in nos viscera satis apertè declarauit? Si pater aliquis, filiorum amantissimus, mandata illis daret, quibus placidâ & tranquillam vitâ degerēt; quæ alia, quæso, commodiora dare potuisset? Hinc scriptores Gentilium memorant Regē quendam, multorum filiorum patrē, morti proximum, hoc dilectionis mandatum hac ratione filiis cōmendasse. Præcepit enim vni eorū ut virgarū fascem ante se positū frangeret. Quod cùm ille frustra tentasset, admonitus à patre, singulatim virgas omnes confregit; quas simul congestas frangere non potuerat. Hoc igitur symbolo pius pater mutuam dilectionem filiis cōmendauit; asserens eos omnes, si concordēs & vnanimēs essent, insuperabiles futuros; si verò priuatis inter se odiis dissiderent, facile à quouis imperi & euerti posse. Qua ergo mente & affectu pater hic filios suos ad pacem & mutuam dilectionem hoc exemplo excitabat, hoc eodem cælestis Pater hac lege lata nos ad eandem charitatis vnitatem hortatur, dicens,

Ioan. 13.

*Hoc est præceptum meum, ut diligatis inuicem; sicut dilexi vos.* O quàm verè à Propheta dictum est, Lex Domini immaculata, conuertens animas! Verè enim hæc diuina lex piorum animas ab insano terrenarum rerum amore ad castissimam & ardentissimam legislatoris huius dilectionē conuertit. *Hoc est*, ait, *præceptum meum, ut diligatis inuicem.* Quot hinc verba, tot sunt amoris incēdia. Hoc enim perinde est, ac si diceret; Lex mea, præceptum meum, & sacrificium, quo ego placor atque oblector, est pax vestra, salus vestra, quies, tranquillitas, & incolumitas vestra, quam ego hac legē mea sancio & constituo.

Dissimil.

Conferre, quæso, fratres, legem hanc cum sanguinolentis falsorum Deorum legibus. Illi cultoribus suis præcipiebant, ut filios lustrarent per ignem, eosq. in solemnibus sacrificiis infanda crudelitate trucidarent, quod scelus Propheta designauit cum



cum ait; Et immolauerunt filios suos, & filias suas demoniis. Et effuderunt sanguinem innocentem, &c. Et in Esaia Dominus, Immolantes, inquit, paruulos subter eminentes petras quæ non mandauit, neq. ascendit in cor meum. Quo verbo innuere Dominus voluit, quàm longè ab immensa illa sua charitate, humani generis altrice, fuerit, tam crudelia præcepta hominibus dare, cum eius summum & singulare præceptum sit, vt nos inuicem diligamus, & omnia charitatis & humanitatis officia alij in alios conferamus, nec humanum sanguinem effundamus, qui maxime apud illum pretiosus est. Vnde facile apparet, sanguinolenta illa idolorum sacrificia ab illo instituta esse, qui homicida erat ab initio, quiq. humanum sanguinem vt crudelissimè, ita & audivissimè sinit. Sed hæc, fratres, non parua lamentandi materia sese mihi offert, cum animaduerto, quanto maiora isti propter sanguinarios illos & commentitios Deos, quàm nos propter verum & amantissimum nostri Deum faciamus. Infelicibus istis non graue erat propter diaboli cultum & obsequium vitam profunderè, nobis graue atq. molestum est vel vnus diei inedium propter verum Deum sustinere, vel paulò diutius in oratione persistere, vel acceptam iniuriam erranti proximo cõdonare, vel cupiditatum nostrarum intemperantiam non ferre, sed diuini timoris gladio abscindere, vel frustum panis petenti Christo in paupere suo porrigere; cum illi tamen frustra vitam & sanguinem demonibus largirentur.

## I.

Hoc est, ait, præceptum meum. Quid est quod addit, *meum*? an non alia quoque diuinæ legis præcepta eundem habent auctorem & legislatorem? Cur igitur hoc peculiare dicit esse suum? Ad hoc facile quisquam respondere posset, hoc vno dilectionis præcepto cetera legis præcepta contineri, Apostolo restante, qui ait; Qui diligit proximum, legem impleuit. Et: Plenitudo legis, est dilectio. Sed est tamen aliquid sublimius, quod hac loquendi figura Dominus voluit significare; nempe inter omnia eius præcepta nullum magis bonitatem, benignitatem & misericordiam eius, quàm hoc ipsum representare. Constat enim, inter innumeras diuinæ maiestatis laudes nullam esse magis prædicandam, nullamq. quæ magis diuinitatis naturam deceat, nullam, quæ magis ab hominibus cognosci & prædicari debeat, quàm immensa eius bonitas & misericordia. Miserationes enim eius super omnia opera eius. Cum autem bonitatis & misericordię proprium sit de hominibus benè mereri, eosq. bonorum suorum particeps facere, ipsorumq. saluti & incolumitati consulere; quid magis summam illam bonitatem decuit, quàm id nobis præcipere, quod nobis esset maxime salutare, ac proinde

Rom. 13.  
Ibidem.

proinde bonitati & misericordiæ illius magis consentaneum?

- Ioan. 13.** Neque suum esse mandatum hoc modo, sed nouum quoque apud eundem Ioannem appellat, cum ait; Mandatum nouum do vobis, ut diligatis inuicem, sicut dilexi vos. Et hoc quoque inquisitione dignum est, cur nouum mandatum appelleret, quod cum ipso homine, atque adeo cum ipso mundi exordio natum est. Quid enim magis secundum hominis naturam, quam humanitas & benignitas? Hinc D. Aug. ait: cum præclara illa Comici sententia, Homo sum, humani nihil à me alienum puto, in theatro recitata esset; totum populum assurrexisse, & cum clamore & plausu eam approbasse. Attamen idem Ioannes Euangelista in epistola sua diuersum sentire videretur, cum ait; Non mandatum nouum scribo vobis, sed quod habuistis ab initio, ut diligamus inuicem. Quomodo ergo Ioannes verus mandatum appellat, quod Saluator nouum esse ait? Ad hoc facile respondemus, idem mandatum vetus pariter & nouum esse; vetus quidem institutione, sed antiquatum hominum prauitate: quod tamen Dei filius tum verbis
- Hieron.** & exemplis, tum etiam maximis dilectionis stimulis renouauit. Sicut enim pictores senio & vetustate exesas atque penè obliteratas imagines nouis additis coloribus renouare solent (quo fit ut eadem tabulæ nouæ simul & veteres dicendæ sint) ita Christus Dominus magno artificio, mirisque coloribus hoc mandatum, ab hominibus ferè neglectum, instaurauit; atque ita factum est, ut utrumque in illud nomen caderet. Quid enim aliud tota eius vita & doctrina, nisi dilectionem & charitatem sonat? quid aliud eius incarnatio innuit? quid natiuitas, miracula, vita, & mors, omnesque mortis eius acerbitates & opprobria, nisi ardentissimam eius charitatem prædicant? Qua enim alia de causa idem dixit, Ignem veni mittere in terram, & quid volo, nisi ut accendatur? Tot enim charitati nostræ stimulos addidit; præsertim cum pro salute nostra calicem passionis hausit; ut (quemadmodum D. Chrysost. ait) etiam si lapidei essemus, hac tanta dilectione exhibita, instar mollis ceræ liquefieri deberemus. Hac ergo ratione nihil mirum si mandatum hoc nouum à Domino appelleretur, quod tam multis mirisque rationibus confirmatum, & mentibus hominum infixum fuit. Ut omittam interim mandatum hoc ad nouam legem maximè pertinere, quæ hoc à veteri distat, quod (ut D. Augustinus ait) illa timoris, hæc amoris lex sit; ideoque rectè hoc mandatum nouum dicitur, quia ad nouam præcipuè legem pertinet; in qua non solum charitas adeo strictè hominibus præcipitur, sed etiam fidelium cordibus infunditur per Spiritum sanctum, qui illis donatur.

Et quidè satis erat huius præcepti suauitas simul & vtilitas, ut nos ad eius obseruationem adigeret; sed addit Dominus vtilitatem præcepti

præcepti nouum obedientiæ aculeum, nempe dilectionis suæ exemplum, dicens; *Sicut dilexi vos.* Efficacissimum enim docendi genus est, cum doctoris præceptum præcipientis exemplo commendatur. Hac enim ratione Paulus Philippenfes ad charitatis officia hortatur, eximiam suam in eos charitatem prius commemorans, cum ait: Testis enim mihi est Deus, quomodo cupiam vos omnes in visceribus Iesu Christi. Et hoc rogo, vt charitas vestra magis ac magis abundet. Hoc igitur modo: Saluator cum ad fraternâ dilectionem inuitat, se ipsum in efficacissimū dilectionis exemplum proponit, cum ait: *Sicut dilexi vos.* Quantum verò dilexerit, exponit deinde, cum subdit: *Maiores hac dilectionem nemo habet, quam vt animam suam ponat quis pro amicis suis.* Hoc autem exemplo quid efficacius proponi nobis potuit? Non enim exemplum solum est, sed summum etiam beneficium, dum pro nobis à morte liberandis ipse vitam suam morti exposuit. Phil. 2. Quodidem exemplo vsque adeò ad amoris vicem exhibendam per-motus Apostolus fuit vt diceret; Charitas Christi vrget nos: quod perinde est ac si diceret: Ea Dominicæ charitatis vis atque potentia est, tantumque mentes nostras ad mutuæ dilectionis officia impellit, vt etiam vrgeat, & quodammodo vim faciat, vt nemo iam habeat quo inhumanitatis suæ excusationem obtendere possit. Merito ergo nos Saluator ad hanc dilectionis magnitudinem adigit, qui adeò cumulatè prior ipse præstitit quod præcepit. Hinc Ioannes in epistola sua; In hoc, inquit, cognoscimus charitatem Dei, quia ille pro nobis animam suam posuit, & nos debemus pro fratribus animas ponere. Quæ quidè res tunc præcipuè nos obligat, cum salus animæ periclitatur; nec alia suppetit ratio, qua periclitanti fratris animæ subuenire valeamus. 2. Cor. 5. Vnde animaduertere licet, fratres, quousq. charitatis Christianæ lex progredi debeat, vt aliquando vitam etiam ipsam (qua nihil homini charius esse solet) pro Christianis impedere teneamur. Quod cum ita sit; quid de illis existimandum est, qui ne frustum quidem panis egenti fratri porrigere volunt? Cum enim (vt D. Greg. ait) incomparabiliter maior sit anima qua viuimus, 1. Ioan. 2. terrena substantia quam possidemus; qui non dat pro fratribus substantiam suam, quomodo pro eis daturus est animam suam? Gregor. in Hom. Verum hæc querela longiorem desiderat tractatum.

## I I.

Sed quoniam nos hoc in loco Dñs ad dilectionis suæ imitationem inuitat, cum ait: *Sicut dilexi vos;* expendamus modò ceteras dilectionis eius circumstâncias, si qua fieri possit, vt eas aliqua saltem ratione imitari possimus. Si quis igitur paulò attentius hanc Christi dilectionem considerauerit; inueniet planè, illū dilexisse nos fortiter, dulciter, ardèter, perseueratè, atq. simpliciter.

For-



- Fortiter quidem dilexit, qui proposito sibi gaudio sustinuit crucem, confusione contempta. Quam eius fortitudinem Euangelista Lucas insinuauit, cum ait; Factum est autem dum complerentur dies assumptionis eius, & ipse firmavit faciem suam, ut iret in Hierusalem. Verbo enim firmandi faciem, admirandam Domini fortitudinem, animiq. promptitudinem, qua ad mortis supplicium properabat, satis apertè indicauit: quod etiam Euangelista Marcus apertius adhuc designauit, cum de hoc ipso itinere loquens ait; Erant autè in via ascendentes Hierosolymam, & præcedebat illos (scilicet discipulos) & stupebant, & sequentes timebant. Stupebant quidem; quòd illum præcedere vidissent (quod in eo nouum & insolitum erat) & timebāt, quoniam periculum, quod illis impendere Hierosolymis intelligebant, humana formidine metuebāt. Sed illa tamen Domini præparatio, & (ut ita dicam) præcessio, animi eius seruiorem & alacritatem, qua ad salutis nostræ sacrificium consummandum properabat, non obscurè demonstrat. Hoc enim summum eius desiderium, hic amor, hic salutis nostræ ardor erat, pro quo omnia passionis suæ tormēta atque opprobria non modò nō formidabat, sed ad ea etiam alacriter properabat; ideoque discipulos in hoc itinere præcedebat. Huius verò infractæ atque inconcussæ fortitudinis gratia Apostolus petram illū appellat, quæ celestis iustitiæ virga percussa, sitienti populo largiſſimas diuinarū gratiarū aquas fudit; ipsa tamen illæsa & integra permanſit. Et ob hoc item in lege Dominus præcepit, ne paschalis agni ossa cōminuerentur: Os, inquit, non comminuetis ex eo. Quæ quidem cautio supernacanea & otiosa esset, nisi per eam Dominus immobilē Christi Domini fortitudinem designare voluisset. Dilexit etiam nos dulciter, quod eius in Euangelicis litteris non solum gesta, sed etiam dulcissima verba declarant. Ad gesta enim pertinet, quòd procumbens humi discipulorum pedes lauit; quod blandissimæ charitatis officium est; ad verba autem, quòd discipulos suos aliquando fratres, aliquando filios, aliquando etiam filiolos suos (quod est multo dulcius) appellabat; & omnes deniq. homines à se amantissimis verbis inuitabat, dicens; Venite ad me omnes qui laboratis, & onerati estis, & ego reficiam vos. Quibus verbis quid dulcius? quid amantius? Ardenter autem se dilexisse ostendit, quando tanto salutis nostræ desiderio flagrabat, ut diceret; Baptismo habeo baptizari, quomodo coarctor, vsque dum perficiatur? Instante autem iam mortis hora, eodē permotus desiderio proditori ait: Quod facis, fac citò; quòd videlicet passionis suæ tempus ob salutem nostram accelerari vehementer optaret. Perseueranter autem se dilexisse, satis illa Ioannis verba indicant; Cū dilexisset suos qui erant in mundo, in finem dilexit
- Lucæ 9.
- Marc. 10.
1. Cor. 10.
- Exod. 12.
- Mat. 28.  
Ioan. 13.  
Mat. 11.
- Lucæ 11.
- Ioan. 13.

dilexit eos. Et illa item quæ is per Prophetam multo antè prædixerat; In charitate perpetua dilexi te: idèo attraxi te miserās. Hinc Iudæis petentibus vt è cruce descenderet, quò illum esse Dei filium crederent, assentiri noluit, quousque redemptionis opere perfectò, dixit, Còsummatum est. Verùm inter has diuini amoris laudes, & nos vel maximè ad mutuam amoris vicem incitare debet, quòd simpliciter, hoc est sine vllò suo emolumèto ita dilexit, vt atrocissimum mortis supplicium nò pro sua, sed pro nostra salute subire non recusauerit. Cùm enim duplex in Christo natura sit; diuina scilicet & humana; satis constat, diuinæ naturæ vtilitatis nihil accedere neq. decedere potuisse. Humana verò natura, cùm à primo sacratissimæ conceptionis suæ momèto fuerit beata, & immèsa gratia plena; quid illi amplius, præter corporis & nominis sui gloriam (quam tunc etiam promeruit) accedere potuit? Videtis ergo quàm gratis, hoc est, sine vllò suo emolumèto nos Christus Dominus dilexerit? Quisquis autem hanc diuinæ dilectionis gratiam pio affectu fuerit contemplatus, mirum erit si non totus præ stuporis & amoris magnitudine extra se quodammodo rapiatur. Hanc ergo amoris sinceritatē & puritatem toto affectu imitari studeamus, fratres; gratis nos quoq. proximos diligamus, gratis eis beneficiamus: hoc est enim quod Apostolus à nobis exigit, cùm ait; Qui tribuit, in simplicitate: id est, dum tribuit, tantum tribuat, nò aliud tribuendo impetrare sub liberalitatis velamine intendar. Aliud enim charitas, aliud negotiatio est. Qui verò cùm diligit, aut obsequitur, aut benefacit, lucrū aliquod captat; non charitatem, sed mercaturam exercet; non proximum, sed se ipsum diligit; non postremò Christo militat, sed sibi. Quisquis ergo hanc dilectionis sinceritatem imitari cupis, iis potissimum benefacere stude, à quibus nihil sperare, nihil timere queas: hoc est, maximè inopes, abiectos, & ab hominibus derelictos homines elige, in quibus nihil omnino præter vnū Christū intueri possis. Hæc enim est vera, pura, sincera atq. germana charitas; hæc pulcherrima virtutis species, ab omni fūco aliena; quæ si mortalibus oculis cerneretur, mirabiles sui amores excitarer. Hæc in primis Deo gratissima, hæc acceptissima est; quæ tantò maiorem in cælo fructum percipiet, quantò minus terrenum aliquid inuenietur. Ad huius verò dilectionis puritatem nos magister cælestis simplicissimis verbis inuitat, cùm ait: Cùm facis prandium aut cœnam, noli vocare amicos tuos, neque fratres tuos, nec cognatos, nec vicinos diuites, ne fortè te & ipsi reinuient, & fiat tibi retributio: sed voca pauperes ac debiles, claudos & cæcos, qui non habent tibi retribuere: retribuetur autem tibi in retributione iustorum. O quàm sublimis philosophia in his Domini

Iere. 31.

Ioan. 13.

Rom. 12.

Plato.

Lucæ 14.

verbis continetur! quid igitur, Domine, an non charitatis est, amicos, vicinos, atque parentes inuitare, & eos beneficiis prosequi; præsertim cum multorum Theologorum sententia sit, ut magis debitam, ita maioris meriti esse amicorum quam inimicorum beneuolentiam? Sit ita planè: sed altius tamen aliquid Dominus in hoc opere introspiciebat? nempe huius dilectionis puritatem, quæ in hac cognatorum & amicorum beneficentia periclitari facile potest (cum magis nos cognationis & amicitiae necessitudo, quam sincera charitas ad officium impellit) à quo periculo beneficentia secretò in pauperes inopesque collata longissimè abest: atque id quidem est quod in bonis operibus potissimum captare debemus, ut ea pura & simplici mente faciamus. Quis autem satis explicare queat, quam longè ab hac charitatis simplicitate abhorreat mundus! **Quæ-**

**Malach.**

rebatur olim Dominus per Prophetam, cum dixit; **Quis ex vobis est qui claudat ostia, & incèdat altare meum gratuito?** At multo magis nunc queri posset; **Quis est qui gratuita beneficia hominibus tribuat; qui puram gratiam & misericordiam impèdat; qui non aliquid, dum benefacit, aucupari intendat?** Denique quis modò puram sinceramque amicitiam vel inter fratres deprehendat? Sibi quisque còsulit, sibi prospicit, sua ubique commoda capiat. Nemo seminat, ubi se nihil frugis collecturum sperat: quia ubi totum hominem occupat cupiditas, nihil sibi vindicat charitas.

Didistis hætenus, fratres, qua ratione Dominus ad charitatis sinceritatem exemplo suo simul & præstantissimo beneficio nos excitauerit. Verùm ne his quidem stimulis adeò acribus còtentus, addit tertium, nempe ingès huius dilectionis & obedientiae præmium, dicēs: *Vos amici mei estis, si feceritis quæ ego præcipio vobis. Iam non dicam vos seruos, quia seruus nescit quid faciat dominus eius. Vos autem dixi amicos, &c.* Quid hoc præmio vel magnificentius ad gloriã, vel ad dignitatē sublimius? Si enim summa & còstantissima fides in Dei amicitia est, & amicorum omnia sunt communia; quid quæso vel in hoc seculo ad tuendam vitam, vel in futuro ad consequendam gloriam omnipotentis Dei amico deesse poterit? Hoc igitur nomine Christus Dominus mercedis huius immensitatem complexus est. Quid enim ad Dei amicitiam adijci maius possit? Ut igitur ad id quod initio proposuimus, redeamus: ex hac charitatis lege immensam Dei nostri bonitatem, benignitatem, misericordiam & charitatem in genus hominũ colligere apertissimè licet. Satis enim ad hoc erat, eam legē tulisse, quæ tota ad vitæ nostræ utilitatem, tranquillitatem, & incolumitatem intenta est. Addit ad hoc, perfectissimæ suæ dilectionis exemplum: quod ita est exemplũ, ut sit etiam summum beneficiũ, quo vel maximè ad eius dilectionē incitamur. Hoc enim fuit oleum camino, & ignem addere igni. Et quasi hæc

**Epilogus**



hæc ipsa exigui ponderis essent, adiungit etiam locupletissimam mercedē, si id fecero, quod nulli magis quā mihi utile est; quod planē nulla lege admonitus, nullo exemplo inductus, nulloque beneficio adstrictus, ob eam ipsius cōmoditatem præstare debuissē. Quid igitur hæc diuinæ bonitatis maius? hæc benignitate dulcius? hæc paterna cura providentius? Quis adeo ferreus sit, qui non ad hunc diuinæ charitatis ignem colliquescat? qui non huius legislatoris amore flagret? qui non in hac lege velut in purissimo quodā speculo viscera misericordiæ & diuinæ bonitatis inspiciat? Tua sunt hæc, Christe, opera; tua, Pater clementissime, charitas & providentia, quando pro eo quod maxime filiis tuis expedit, cælestia præmia polliceris. Sic enim vide- Simile.  
mus pios parentes ægrotantibus filiis & potiones amaras recusantibus dona & xenia promittere, si medici præceptis obtemperauerint; cū tamen salutis beneficium non tam parentum quā filiorum sit. Sic igitur cælestis ille parens nobiscum agit, cuius præcepta omnia (si ad vnguē examinare velis) deprehendes sanē non ipsi, sed nobis vtilia & salutaria esse: qui tamen pro illorum obseruatione ingentia nobis præmia pollicetur: vt meritō dubitare debeamus, pro quo beneficio magis illi obnoxij sumus, an propter mandata quæ præcipit, an propter præmia quæ obedientibus promittit?

## III.

Hactenus priorem Evangelicæ lectionis partem absoluiamus; nūc ad alteram, quam ad Apostolorum gloriam pertinere diximus (quo præsentī solennitati aliqua ex parte satisfaciamus) veniendum est. In ea verò Dominus maximū & pulcherrimum operum suorum, hoc est mundi cōuersionem, & idololatriæ deiectionem breuissima oratione complexus est, cū ait: *Non vos me elegistis, sed ego elegi vos, ut eatis, & fructum afferatis, & fructus vester maneat.* His verbis apertissime Gentium vocationē, Evangelij prædicationem, & crucis suæ triumphum vaticinatur. Iuuat igitur, fratres, huius diuini operis excellentiā breuiter contemplari: quod D. August. miraculorum omnium maximū esse meritō testatur. Huius verò contemplationis fructū Esaias exponit, cū ait: Tunc videbis & afflues, & mirabitur & dilatabitur cor tuum, quādo conuersa fuerit ad te multitudo maris, fortitudo gentium venerit tibi. Mirabitur, inquit, & dilatabitur cor tuum, vbi excellentissimi huius operis magnitudinem, & prædictionum atq. vaticiniorum omnium (quæ multo antè præcesserunt) veritatem fueris contemplatus. Tunc enim & in fide solidaberis, & in spe cælestium bonorum confirmaberis, & in tantæ salutis auctorem amore inflammaberis, atque ita suauissimis maximisque diuini spiritus deliciis afflues.

August.  
Esaiæ 60.

Esse autem mundi conuersionem inter maxima Dei opera atque miracula computandam, rei magnitudo, & ministrorum, quibus in id diuina sapiētia vſa eſt, imbecillitas apertiffimè declarat. Cū enim vniuerſus ferè orbis, ſublata veri Dei cognitione, obſcuriffimis atq. horrendis tenebris circumfuſus in omnibus ſlagitiis & turpitudine verſaretur; pauci viri, Iudæorum ſtirpe propagati, Regibus, Imperatoribus, atque omnibus ferè mundi nationibus repugnantibus, atque omnia tormentorum genera aduerſum illos intentātibus, vniuerſum penè genus humanum ex terris illis tenebris eripuerunt, & ad fidem atque obedientiam vnius hominis, quem in crucem ſublatum ſciebant, breuiſſimo temporis ſpatio adduxerunt. Quorum de numero beatiffimus Bartholomæus exſtitit: qui in Indiam vſq. penetrauit, & Euangelium, iuxta Matthari traditionem, in Indorū ſermonem conuertit, & latiffimè prædicaui; in quem tamen veritatis hoſtes adeò acriter exarſerunt, vt eum immaniſſimo atq. inaudito crudelitatis genere maſtare decreuerint. A capite enim ad pedes vſq. ſanctiſſimi viri pellem nouaculis acutiſſimis detraxerunt. Neq. hic ſolus Apoſtolus, ſed ceteri quoque Apoſtolice dignitatis cōſortes (vno Ioanne excepto) variis tormentorum generibus Chriſti Euangelium, Satana cum ſatellitibus ſuis modis omnibus repugnante, in toto terrarum orbe diſſeminarunt. Nec ſolū commenticia numina peruerterunt, verū & libidinem, ambitionem, odiū, crudelitatem, auaritiā ex animis eorum qui ſe ad Chriſti nomen adiunxerant, exterminarunt. Quæ cū ita ſint; quis dubitare poterit, hanc tantā rem Dei numine, mente & conſilio fuiſſe perfectā? Hoc igitur argumento conſtat verum eſſe quod ſancti Patres aiunt, nequaquam hoc tam præclarum opus ſine multis maximisq. miraculis perfici potuiſſe; aut ſi miracula defuerunt, nullum potuiſſe illuſtrius miraculum excogitari, quā hanc tantam rem ſine miraculis perfectā fuiſſe.

Sed vt ad nos ipſos, fratres, redeamus, habemus hoc in loco vnde non ſolū mirari, & deliciis affluere (vt Propheta dicit) ſed etiam vnde timere quoq. debeamus. Quoniam modo? Dicam planè. Cū hæc omnia quæ humano ſenſu impoſſibilia videbantur, multis antè ſeculis conſona omnium Prophetarum voce prænunciata ſint; quæ nos tamè apertiffimè impleta videmus: hoc eodem argumento colligere poſſumus, cetera quoque omnia quæ eodem ſpiritu, eademq. auctoritate, de extremo iudicio, deq. atrociſſimis & ſempiternis reproborum pœnis, igne ſcilicet inextinguibili, immortalī verme, tenebris horrendis, gemitibus intolerandis, carcere tetro, dæmonum contubernio, immortalī morte, vita mortifera, variisq. ſuppliciorum gene-

generibus (per quæ paria præteritis delictis tormenta inferuntur) prædicta sunt, ad vnguem esse suo tempore implenda: euenturumque aliquando, vt quæ modò futura, & longè absentia sunt, præsentia videamus; quandoquidem (vt D. Gregor. ait) Gregor. præteritarum rerum exhibitio sit futurarum certitudo. Vidimus iam conuersionem mundi, vocationem Gentium, euerfa dæmonum altaria, principem huius mundi profligatum, tyrannos deuictos, portas inferorum fractas, Ecclesiam semper quidem impugnata, permanere tamen semper inuictam (quæ omnia prophetæ & Euangelia prædixerunt) sic etiam certum est, visuros nos aliquando extremum & horrendum iudicium, & signa, quæ ipsum antecedēt, in sole, luna & stellis, & in terris pressuram gentium, præ confusione sonitus maris & fluctuum, arefcentibus hominibus præ timore & expectatione quæ superuenient vniuerso orbi. Videbimus etiam iudicem in nubibus celi venientem cum potestate magna & maiestate, oues ab hædis decernentem; & oues quidem à dextris, hædos verò à sinistris collocantem; & illas quidem ad æterna præmia dulciter inuitantem, istos verò terribili & minaci vultu ad sempiterna & ineluctabilia supplicia, ad flammæ, ad ignes, ad tenebras, ad bonorum omnium abdicationem, malorumque omnium perfectionem damnantem. Hæc ergo, fratres, cogitate, hæc vobis semper ante oculos ponite, hæc certo certius futura esse credite, illamque Eccle. 12. Salomonis sententiam assidue recolite; Cuncta quæ fiunt adducet Deus in iudicium pro omni errato, siue bonum fuerit, siue malum sit. His enim ille nouissimis verbis longissimæ illius siue concionis siue disputationis summam complexus est. Hoc enim ad hominum salutem constituendam satis esse putauit, si huius diuini iudicii distractionem ante oculos semper haberemus. Quisquis enim hoc facit, protinus illud etiam exequetur, quod Eccle. 9. idem Salomon paulo ante expressit, cum dixit: Quodcumque potest manus tua, instanter operare: quia nec opus, nec ratio, nec scientia, nec sapientia erunt apud inferos, quò tu properas. His verbis Salomon omnes euadendi iudicii diuini vias complexus est. In hac enim vita vix vllum tam præsens periculum est, quod non aut opera nostra, aut amicorum, aut rationis solertia, aut sapienti consilio depellere valeamus: vbi autem ad inferos ventum est, & à superno illo iudice dānationis sententia lata fuerit, nihil est quod eam vlla ratione aut reuocare, aut etiam mitigationem reddere possit: non gemitus, non lachrymæ, non longa dies, non pœnitentia (quæ apud inferos nulla est) non sacramentorum virtus (quibus ibi locus nō est) non Sanctorum patrocinia, non Christi sanguis, non denique vlla ars aut ratio opis quicquam conferre miseris potest. Omnes quippe aditus spei, salu-



**Ierem. 8.** tis, veniæ, & misericordiæ illis penitus interclusi sunt. Itaq. clamant perpetuò miseri; Transiit messis, finita est æstas (in qua videlicet com meatum nobis parare potuissimus) & nos saluati non sumus. Hoc enim messis tempore victum sibi homines parare solent: quod qui facere negligunt, necesse est vt tamè deinceps & in ediam patiantur. Hoc est igitur quod infelices illi lamentantur, quòd hanc videlicet metendi opportunitatem (in qua minimo labore atque negotio opes in æternum manfuras colligere potuissent) socordia sua perire passi sunt; quam certò sciunt nunquam iterum redituram. Quid nunc animi putatis epulonem illum diuitem habere, fratres, cùm animo recolit, semicis quæ cadebant ex mensa sua, cæleste regnum mercari potuisse; qui quoniam hoc facere neglexit, aquæ guttam infelix tot annorum millibus flagitet, nec accipiat?

Hac igitur de causa, qui rectè sapiunt, qui tamè non presentia modò, sed multo magis futura tempora sibi ante oculos ponunt, omni ratione salutis suæ opportunè prospicere, & delictorum veniam à superno iudice impetrare contendunt. Meminerunt enim scriptum esse; Pro hac (scilicet peccatorum venia) orabit ad te omnis sanctus in tẽpore opportuno. Opportunum autem orandi & veniam impetrandi tempus modò est, quando nec calix quidem aquæ frigidæ debita mercede caret, quãdo vel vnalachryma ex toto corde effusa totius vitæ sordes eluere, animamque astris puriorem efficere potest: cùm tamè huius temporis opportunitate transacta, etiam si damnatus homo totum se in lachrymarum fontẽ verteret, imò tot lachrymas (si id quidẽ fieri posset) funderet, quot Oceanus vndas cõtinet, ne vnus quidem venialis peccati (vt D. Thom. ait) maculam diluere poterit. Quocirca opportunè nos Sapiens ille admonet; Ne tardes conuertiad Dominũ, & ne differas de die in diem: subitò enim veniet ira illius, & in tempore vindictæ disperdet te. **Quid est** autem, Subitò veniet ira illius? Certè improuisus & repentinus aderit tibi iudex ille, qui de tota æternitate sententiam laturus est. Quia enim (vt Salomon ait) viri mali nõ cogitant iudicium, (aliter enim vitam instituerent, si hoc cogitarent) ideò dies ille iudicij semper illis repẽtinus & improuisus venit. **Qua** de causa Apostolus diem Domini furi comparat, qui ea ad furandũ tempora captat, in quibus homines negligentius & securius agere solent. Quam quidem similitudinem Saluator ipse explicauit, cùm de malo & inerti seruo loquens ait; Veniet Dominus serui illius in die quam nescit, & hora quam ignorat, & diuidet eum, partemque eius ponet cum hypocritis. Itaque, fratres, introrsum nunc oculos vestros reflectite, & an securitatem hanc, & diuturnioris vitæ spatia, tacita vobis cogitatione pollicemini,

prudenter aduertite. Quod si intra vos illam deprehenditis, vehementer trepidare debetis, ne hæc iam instet hora, qua improuisus iudex ad fores vestras pulset, qui tunc propior esse solet cum longius abesse putatur.

Quid igitur nos facere mones? Hoc nos breuiter Sapiens ille docet, cum ait; Ante iudicium para iustitiam. Qua ratione iustitiam parabo? primum quidem, si dederis operam, vt cum iudex aduenerit, iustus inueniaris. Iustus autem est, qui præteritæ vitæ peccata veræ cōtritionis atq. confessionis virtute delet; eademq. studiosissimè vitare proponit. Hoc enim propositū totius diuinæ legis summā continet. Ceterū qui hoc in animo suo firmiter statuit, ea quoq. simili ratione cōfectari debet quæ ad hanc firmitatem cōstantissimè retinendā necessaria sunt. Omnes igitur aditus, per quos peccato in animam nostram ingressus pateat, obstruendi, & virtutibus muniendi sunt. Itaq. adhibenda oculis custodia est, & cum Propheta clamandum; Auerte oculos meos ne videant vanitatem, ne oculus meus depregetur animā meam in cunctis filiabus populi mei. Adhibenda item auribus, & Sapientis illius vox amplectenda, qui ait; Sepi aures tuas spinis, & noli audire linguam nequā. Adhibenda multo magis linguæ; in cuius manu vitam & mortē sitam esse Salomon ait; & cū Propheta clamandū; Pone, Domine, custodiam ori meo, & ostium circūstantiæ labiis meis. Quid verò cor nostrum? qua diligentia custodiendum? cū idem Salomon dicat, Omni custodia serua cor tuum: quoniā ex ipso vita procedit. Est ita sanè, si cor purum integrumq. seruetur: quod si nō fiat, de eodem mortē procedere Saluator ipse testatur, cum ait: De corde procedūt cogitationes malæ, homicidia, adulteria, fornicationes, furta, falsa testimonia, blasphemias. Necesse est igitur vt homo attentissimis oculis supra cordis sui custodiam vigilet, & quum spiritum turpem aliquem motum intra se excitari senserit, quanta poterit celeritate accurrat, & venenatum germen, priusquam radices agat, diuini timoris gladio abscindat. Quid verò caro nostra, antiquus & quotidianus hostis, quæ vix vnquam spiritum impugnare cessat? An non hæc etiam sobrietate & parsimonia extenuanda est, ne ferociat, & sessorem spiritum excutiat atque deiciat?

Quis autem hæc omnia sine assiduæ orationis suffragio (quo diuinæ gratiæ opem imploramus) præstare commodè poterit? Sanctus Bartholomæus primum Christi Domini discipulus, deinde Apostolus, qui cum Dei filio in terra versatus est, qui eum sæpè dicentē audiuit, miracula edentem vidit, & Spiritum sanctū in die Pentecostes cū ceteris Apostolis accepit, cōties in die, & centies in nocte flexis genibus ad Dñm orabat, eiusq. spiritū & gratiā suppliciter postulabat; & is tamen Spiritu sancto reple-

Eccli. 18.

Psal. 118.

Eccli. 28.

Psal. 140.

Prou. 4.

Mat. 15.

Mat. II.

tus, & in gratia confirmatus erat, & celestis regni promissionem cum ceteris Apostolis à Domino perceperat, cum ad eos dixit; Gaudete & exultare, quia nomina vestra scripta sunt in cælis; qui tamen tot tantisque diuinæ gratiæ privilegiis insignitus, dies noctesque in orationis studio insumebat, eiusdem gratiæ, quam plenissimā acceperat, incrementū per singula penè momenta petens. Si hoc igitur tantus hic Apostolus faciebat; quid de illis sperandum est, qui in medio laqueorum positi, & impura carne circumdati, & variarum cupiditatū stimulis agitati, in hoc mūdo inter scorpiones atq. serpentes, habitantes, vix oculos in cælum tollunt, vix vnquam ad tot pericula depellenda opem Domini implorant? O miserādam hominum cæcitatem! ô detestabilem mentium tarditatem atq. stuporem! Quid enim ex hac tanta cæcitate consequi necesse est, nisi vt qui diuinam gratiam non postulamus, eius auxilio destituti simus, atque in omnes diaboli laqueos, & peccatorum præcipitia incidamus?

Iob. I.

Si cui autem hæc ipsa difficilia videtur (vt omnia Martyrum & Apostolorum prætermittamus exempla) in vnum Bartholomæū oculos conijciat; qui post tot exantlatos in fidei dilatactione labores, ad extremum totius corporis dilaceratione caulestem hæreditatem mercatus est. Dignam siquidē eam putauit, quam hoc tam caro pretio sibi compararet. Meminerat enim verum esse quod olim mendacij pater dixerat: Pellē pro pelle, & cuncta quæ habet homo, dabit pro anima sua: hoc est, nulla res tā chara in hac vita erit, quam non libenter homo pro redimēda vita largiatur, etiam si pellis ipsa corporis tribuenda sit. Quod si hæc vita (quæ non tam vira, quàm longa dolorum colluies, & longi patientia carceris est) hoc tam caro pretio emitur, vt pellem pro pelle, & cuncta quæ habet homo, propter illam tuendam largiatur; quid mirū si ego (inquiet ille) pro sempiterna illa vita quæ mortem nescit, quæ lachrymas ignorat, quæ malorum omnium expers, & bonorum omnium compos est, corporis mei pellem tribuam, immortalitatis vestem pro ea illico percepturus? Itaque libenter me carnificibus excoriandum præbeo, & hanc crucifixo Domino meo pellem offero, vt eius mihi pretio sempiternæ vitæ hæreditatem donare dignetur! Hoc igitur pretio S. Bartholomæus, post innumeros labores atq. certamina, hanc hæreditatem mercatus est. Nos tamen, fratres, ea quæ hætenus diximus, sollicito & casto timore custodientes, minori utique compendio ad eandem hæreditatem, Domino aspirante, & iter nostrum bene fortunante, peruenire poterimus.



## IN NATIVITATE B. VIRGINIS,

CONCIO PRIMA, IN QVA PRIMVM  
 morales quædam sententiæ ex hac Patrum serie  
 colliguntur, quæ ad vitæ nostræ institutionem  
 pertinent; deinde eiusdem Virginis beatissimæ  
 laudes commemorantur.

THEMA. *Liber generationis Iesu Christi filij David, filij  
 Abraham. Matth. i.*

**S**OLENT huius seculi Principes natalitium diem  
 suum festiuis gaudiis celebrare; mortis verò diem  
 luctu atq. lachrymis prosequi. At longè aliū Thra-  
 ciæ populis morem fuisse historiæ gentium refe-  
 runt. Hi namq. filiorū natiuitatem lamentantes,  
 mortis dielætum atq. faustum esse prædicabant. Prudèter enim  
 videbant, quàm multis ærumnis & calamitatibus, quàm variis  
 casibus hæc vita obnoxia sit, quæ corpus tã multis morbis, ani-  
 mum verò tam multis curis & angoribus vexat atque discerpit:  
 quorum omnium finem, mortem esse dicebant. A quorum iudi-  
 cio atq. sententia non admodum insignis ille philosophus Ana-  
 xagoras dissidebat, qui tædio atq. odio vitæ mortē sibi consciscere  
 per inediā volebat: ac multò minus ille qui dixit; Nemo vitā  
 acciperet, si daretur scientibus: tantum in ea malorum ac misce-  
 riarum esse intelligebat. Hunc autem Thraciæ morem, quam-  
 vis alio spiritu & consilio, probare videtur Ecclesia, quæ natales  
 Sanctorum dies silentio transiens, mortis diem solennibus offi-  
 ciis, & communi alacritate celebrat; eundemq. non mortis, sed  
 natiuitatis diem appellat. Quam rem D. Augustinus in sermo-  
 nede B. Cypriano demiratur his verbis: Quid est hoc, fratres?  
 quando sanctus hic natus sit, ignoramus; & tamen quia hodie  
 passus est, natalem eius hodie celebramus: sed quando natus est,  
 etiam si sciremus, nequaquam diem illum celebraremus. Illo  
 namque die in peccato natus est, isto autem die peccatum omne  
 finiuit: illo die ex fastidioso matris utero in hanc lucem proces-  
 sit, quæ oculos carnis illecebrat; isto autem die ex profundissimo  
 carcere in illam lucem discessit, quæ visum mentis illustrat.

Ab hoc autem cōmuni Ecclesiæ more beatissima Virgo sin-  
 gulari ratione excepta est, cuius non modò pium defunctionis  
 diem, sed natiuitatis etiam totius orbis gratulatione & gaudio  
 celebrat; non solum quia natiuitas eius Saluatoris aduentum

OO s præ-

Seneca.

August.  
 in Serm.  
 de B. Cy-  
 priano.

prænuñtiabat, sed etiam quia omnis peccati expertus ab utero matris in hanc lucem processit. Cum enim domum Dei sanctitudo deceat; consequens profectò erat, ut quæ in Dei domum electa erat, antè etiam quàm nasceretur, & ab omni peccato libera, & eximia sanctitate cumulata esset. Qui enim eam sibi in domum elegit, eandem cælestis gratiæ ope prævenire voluit. Cui meritò propheticum illud aptari potest; Adiuuabit eam Deus manè diluculo; pro quo alij verterunt; Adiuuabit eam Deus in ipso ortu matutino. Verè enim illam in hoc matutino ortu adiunxit, qui antequam in lucem ederetur, Spiritu sancto replevit. Nec minùs illi convenit quod ibidem dicitur; Deus in medio eius non commovebitur. Deus enim aliquàdo ab anima, in qua commoratur, recedit; aliquando commouetur, aliquàdo verò neque recedit, neque commouetur. Recedit quidem, cum lethali ter peccamus: qua de re sic Dominus; Væ, inquit, eis cum recessero ab eis. Commouetur autem, cum leniter in officio delinquimus: quod de se Propheta constitetur, cum ait; Impulsus eversus sum ut caderem, & Dominus suscepit me. At ab hac sanctissima Virgine (quam Deus in ipso ortu matutino gratiæ suæ benedictione prævenit) nec recessit, nec in ea commotus fuit: quia nec lethali nec veniali aliquo delicto maculata fuit. Cumque Sanctorum omnium illa vox sit: Si dixerimus, quòd peccatum nò habemus, ipsi nos seducimus; huic solum Virgini concessum est, ut nulla prorsus peccati labe fuerit aspersa, nulla in hoc mundo rosa sine spinis inuenitur; at hoc candidæ puritatis liliū ab omnibus spinarum aculeis immune fuit. Aiunt qui de natura scripserunt, neque laurum, neque aquilam fulminis ictu tactas unquam fuisse, quod planè huic semper virenti lauro, atque regiæ aquilæ (quæ in arduis posuerat nidum suum) maximè convenit, quam nullum peccati fulmè unquam attigit. Meritò igitur natalem Virginis diem lætis hodie canticis & laudibus Ecclesia celebrat: quia ubi nullum agnoscit peccatum, nullam lugendi, sed maximam contrà lætandi causam habet, præsertim cum post auroræ splendorem, proximum esse iam veri iustitiæ solis ortum intelligat. Ut igitur faustissimum hunc diem religiosa devotione & alacritate celebremus; cælestem opem, eiusdem Virginis interuentu, suppliciter imploremus.

## A V E M A R I A .

Hodierna sancti Evangelij lectio vix vnam aliquam sententiam continet, quæ nobis philosophandi materiam præbeat: verum si res gestas, atque exitus eorum qui in hac Patrum catena numerantur, euolvere voluerimus, immensam quandam variarum rerum siluam deprehendemus, quæ multis etiam concionibus satis amplam materiam tribuat, quod quidem còmentandi

genus in præfenti concione sequendum duxi. Mirè enim ad vitam nostræ institutionem historiarum cognitio valet. Est enim historia (vt eleganter Cicero dixit) testis temporum, lux veritatis, vita memoria, & magistra vitæ, quæ facit vt adolēcentes senile præfentiā assequatur, vt pote qui nō modò ætatis suæ, sed superiorum etiam temporum res gestas norint, quarum cognitione gerendarum rerum sibi prudentiam cōparant. Hinc Demetrius insignis philosophus Ptolomæum Aegypti Regem ad huiusmodi lectionē adhortabatur, vt ex rebus præclare gestis quid sequendum, ex contrariis verò quid fugiendum esset addisceret. Historiam enim verè & sincerè admonet, quod adulatorum greges (quibus stipati reges incedunt) delicatis eorum auribus ingerere metuunt. Atque vtinā qui bonā diei vel noctis partem aut in chartarum ludo, aut in mēdacibus historiis legēdis infumipis, sacras historias, aut Sanctorum vitas euoluere studeretis, non dubium quin maximum ex ea re fructum ad vitæ vestræ institutionem caperetis. Nos igitur in Regum ac Patriarcharum historiis (quorum in hac serie nomina referuntur) philosophariam incipiamus; deinde ad sacræ Virginis laudes (de quibus in huius Euangelij calce brevis mentio fit) veniemus.

## I.

Principio igitur, si totam hanc Regum & Principum, qui in hoc Euangelio referuntur, exitus consideremus, quàm brevis & fragilis sit huius seculi dignitas & gloria (quam mortales omnes adeo sitienter appetunt) intelligemus. Quàm multi enim hīc regēs numerantur, quorum imperium atque potentia multis erat terrori atque formidini? quorum purpuræ pretiosis gemmis ornabantur? quorum diademata aureis floribus atque lapillis redimita fulgebant? quorum regia palatia pretiosis aulais aureisque laquearibus splendebant? quorum postremo voluntates, populorum atque gentium leges erant? Iam verò quis splendor eorum mensas; quis auro & argento fulgentes abacos; quis regiarum domus atque familiarum apparatus & luxum; quis adulatorum greges, qui eos in cælum tollebant, & diuinis propè honoribus prosequabantur, oratione consequi possit? Sed quis tamen est, qui se ita in sublime attollat, vt supra mortalitatis humanæ mensuram erigere possit? Transierunt hæc omnia velut umbra volans, & tanquam nuntius præcurrens; & tanquam nauis quæ pertransit fluctuantem aquam, cuius, cum præterierit, non est vestigium inuenire. Quocirca merito D. Prosper insolentiam eorum hominum qui vel diurnam sibi vitam pollicentur, vel in terrena opulentiā gloriantur, castigat his verbis: Respice te, quæso homo, quia mortalis es, & quia terra es, & in terram ibis. Circumspice eos qui ante te sidereis fulsere splendoribus.

Cicero;

Historia qd

Sap. 3.

D. Prosper

Vbi



Vbi sunt quos ambiebant ciuium potentatus? vbi insuperabiles Oratores? vbi qui cōuenientiùs festa disponebāt? vbi equorum splendidi nutritores? vbi exercituū duces? vbi Satrapæ & tyranni? Nōne omnia pulvis? nōne omnia fauilla? nōne in paucis versibus eorum vitæ memoria est? Respice sepulchra, & vide quis seruus, quis dominus, quis diues, quis pauper? Discerne si potes victū à Rege, fortē à debili, pulchrum à deformi. Hactenus Prosper. Hęc cū ita sint, fratres, apparet sanē prudētissimē ab Homero vitā hominū foliis arborū cōparari. Vt enim quotannis folia arborum decidunt, & alia noua rursū consequenti anno generantur, atq. his iterū decidentibus, sequenti anno alia pro istis subrogātur: sic vir iste sapientissimus ætates hominum huic foliorum inuicem sibi succedentium vicissitudini similes facit. Modo enim homines qui in hac ætate viuimus, instar foliorum à vita excedemus; nobis autem decidentibus, alios pro nobis futura ætas proferet; atq. hoc ordine ætates hominū aliæ aliis instar foliorum sibi mutuò succedūt. Hoc ipsum Salomon significasse videtur, cū dixit; Generatio præterit, & generatio aduenit; terra autem in æternum stat: hoc est, homines quidem variè commouentur atque iactantur, terra autem immota manet, veluti theatrum, in quo hæc fabula vitæ peragitur. Terra igitur immota manet, cetera verò quæ in terra degunt, quotidianis mutationibus obnoxia sunt. Itaque cū ait, aliam generationem præterire, & ea extincta aliam venire, foliis utique arborum (quæ diximus) vitam nostram comparauit.

Et tamen cū vita quoq. regū ac principū, sicut aliorum hominum, adeo breuis, fragilis & caduca sit; dictū mirū est, quāto aliud insipientibus appareat. Quamdiu enim potentes isti superstitēs in vita manent, bone Deus, qua eos reuerentia populi venerantur! quibus obsequiis demereri student! quibus laudibus prosequuntur! quid non faciunt! quos labores & certamina non suscipiunt, vt in eorum gratiā & amicitiam recipiātur! Denique cū mortales sint, fragiliq. corporis natura consistit; eos tamen populi immortales quodammodo futuros arbitrantur, vixq. post multa secula felicitatem & gloriam eam finem habituram sperant. At vbi inopinatus fortē finis aduenit, omnem illam felicitatem & gloriam, somni instar ac fabulæ fuisse deprehēdunt. Habentes igitur, fratres, hanc tantam nubem testium, qui huius seculi gloriam, & humanæ sortis breuitatē nobis ob oculos ponunt; nihil nobis in hac adeo fragili, & fugaci vita aut magnum aut diuturnū polliceamur: sed cū omnia celeri cursu ad finem properare videamus, quod certō euenturum scimus, iam venisse credamus, vt in hoc seculo tanquam hospites & peregrini, non tanquam ciues vitam agamus.

Simile.

Eccle. i.

In hac item Regum serie non solum humanæ gloriæ breuitatem, sed fortunæ quoque inconstantiam animaduertere licet, quæ modò Reges ex seruis, modò Reges ipsos ad seruilem conditionem deiicit. Sic videmus beatum Ioseph, qui à regia David stirpe genus trahebat, eò paupertatis & inopiæ deuenisse, ut ferra atque securi victum sibi tenuem compararet. Nec minus mirandum, Virginem sanctissimam, quæ eadem nobilitatis gloria eminebat, humili fabro desponsatam, inopem in hoc mundo Lucæ 1. vitam perduxisse. Quam eius inopiam illa turturū aut columbarum oblatio (quæ pauperibus per legem indicta erat) satis declarat. Nec enim sanctissima Virgo auaritia cogente, sed paupertate premente, agnum offerre destitit. Talē in hoc seculo vitam vixit, quæ modò nō in cēlo solum, sed in toto terrarū orbe, summa cūctorum mortalium reuerētia celebratur: cuius altaria tam multis lampadibus argenteis diu noctūque refulgēt. Sic enim ille, qui cū diues esset, pro nobis egenus factus est, 2. Cor. 6. Euāgelicæ paupertatis virtutem voluit honorari. Hoc autem exemplo nostrarum virginum vanitas & superbia damnatur, quæ opificum coniugia dedignantur, maluntque otiosos & cultos adulescentulos, licet egētes ac tenues, quā diuites opifices in coniuges accipere; cū quibus postea, inopia constrictæ, miserissimam vitam agant. Hoc item exemplum eos etiā grauitè accusat, qui eodem vanitatis & superbiæ spiritu acti, cū etiam paupertate premantur, eas artes exercere dedignātur, quibus consulere inopiæ suæ possunt; maluntque fame & inedia cruciari, quā ad huiusmodi artium officia se dimittere. Quo fit, ut inopia cogente, malis artibus saepe quærant, quod bonis consequi potuissent. Sed iam ex hoc loco digressi ad alia veniamus.

Ex hac item Regum & Patrum serie apertè colligere licet, nobilitatem generis, quam vulgus hominum miratur, si virtutibus destituta sit, solisq̃ maiorum imaginibus nitatur, inanem prorsus atque cōmenticiam esse. Vera quippe nobilitas nō magis sine virtute, quā homo sine ratione intelligi potest. Nobilitatis enim nomine non tam vulgares virtutes, quā præstantissimas & nobilissimas cōplectimur: qualis, videlicet, cōstantia, magnanimitas, magnificētia, fortitudo animi, & rerum gerendarū prudentia est. Eos namq̃. qui his præstantissimis virtutibus instructi, reipublicæ salutare exstiterūt, verè nobiles atq̃. generosos appellamus: ceterū qui sine propriis virtutibus, propter maiorum suorum res præclare gestas, nobilitatis sibi laudē vindicant, inanissimi sunt, falsoq̃. sibi quod non merētur arrogat. Si enim liberi nunquam à parentum moribus degenerarēt, esset meritò vulgaris hæc nobilitas in pretio habēda: at vel ex hac ipsa auorum & atauorum Christi serie lōgè aliud animaduertere li-

cet.

cet. Ex patre enim sanctissimo Isaac nascitur profanus Esau. Ex  
 Iacob autē Isaac filio, parricidæ filij nati sunt, qui innocentissi-  
 mum fratrem Ioseph in seruum vendiderunt : quos idē Ioseph  
 apud patrē pessimi criminis accusauit. Ex David autem (vt alios  
 præteream) nascitur scelestissimus Absalom, qui sanctissimum  
 patrem vita & regno spoliare conatus est, eiusq. vxores nefariē  
 violauit. Iam verō sapientissimus Davidis filius Salomon stul-  
 tissimum genuit Roboam, qui paterno regno stultitia & amen-  
 tia sua excidit. Sanctissimus verō Ezechias omnium regū im-  
 piūssimum genuit Manassem: quem sacra littera referunt san-  
 guine Prophetarum Ierusalem replese vsque ad os: atq. ob eius  
 scelera iram Domini in vrbe illam & regnum incubuisse. Nec  
 minus à religiosissimo Iosia Sedechias filius degenerauit: ob  
 cuius impia facinora ciuitas & templum à Chaldæis euersum &  
 exustum est. Quid referam Nabaal, quem sacre literę pessimum  
 & malitosum appellant, qui tamē à Caleb viro sanctissimo ge-  
 nus ducebat? Quid Samuelis Propheta filios, qui ab eo populi  
 iudices constituti, patrias virtutes negligentes, acceperunt mun-  
 nera, & peruerterunt iudicium? propter quorum auaritiam &  
 insolentiam populus & regem petiuit, & Domini regnum à se  
 repulit. Verū inter hæc exēpla longē mirabilius est, quod Io-  
 nathas filius Gersan, qui patrem habuit Moysem (qui cum Deo  
 facie ad faciem loquebatur) sacerdos Idolorum tempore Iudi-  
 cum fuerit. I nunc igitur, & generis nobilitatem iacta, à qua tam  
 multos degenerasse videmus. Hoc autem argumēto, fratres, fa-  
 cile intelligere possumus, si quid virtutis aut honestæ indolis in  
 nobis fuerit, nequaquam maiorū nobilitati, sed vni Deo, bono-  
 rum omnium auctori tribuendū esse; cū videamus tam mul-  
 tos maiorum suorum splendori tenebras & obscuritatē offudisse.  
 Imō verō sæpe fit, vt multi nobilitatis occasione insolescant,  
 & infimos quosq. superbē despiciant, & nobilitatis obtentu om-  
 nia sibi licere putēt. Mens quippe humana ad licentiā magis &  
 voluptatē quā ad honestatē procliuus; magis à nobilitatis di-  
 gnitate superbiendi, quā patrias virtutes imitandi occasionem  
 arripere solet. Quod Dionysij senioris Syracusanorū tyranni fi-  
 lius exēplo suo ostēdit; qui cū à patre corripere quod Syra-  
 cusani cuiusdā ciuis vxori vim intulisset, atq. inter alia diceret,  
 si vnquā audiuisset à se rem similem factam fuisse? filius ita ei  
 respōdit: Hoc accidit quod nunquam patrem Regem habuisti.  
 At vnus hic Regis filius multos habet intemperantiæ suę secta-  
 tores; qui nobilitatis occasione omnia sibi licere arbitrentur;  
 cū tamen in maxima potentia, minima esse licentia debeat.

Cū igitur in hac patrum serie tam multos liberos à paren-  
 tum moribus degenerasse videamus, relinquitur planē, nequa-  
 quam



quam hos de parentū genere (qui adeo degeneres fuerunt) gloriari iure posse; quod Iudæi faciebant, qui cum sceleratè viverent, de Abraham patre gloriabātur. Quorum superciliū Ioannes Baptista, & Saluator ipse in Euangelio compressit. Nō enim refert (quod ad diuinum iudicium attinet) quo genere ortus sis, sed cuius exemplū sequare, cuius vestigiis insistas, cuius te similitudini conformes. Non multum interest cuius speciem corpore referas, sed cuius vitam & actiones imitere. Nam cū patris opus sit similem sibi speciē formare, magis est pater appellādis is, qui claro virtutis exēplo multos incēdit ad virtutis studium, & ita sui specimen in eorū animis, qui illum sequuntur, ingenerat, quā qui gignit filios sibi corporis specie similes, moribus autem & vita dissimillimos. Videtis ergo, fratres, inanē esse improborum hominum nobilitatem, quam vulgus hominum miratur: quæ quidem non laudanda, sed vituperanda magis est, vt pote quæ maiorum suorum virtutibus obscuritatem afferat.

## II.

Est & aliud quod in hac Regum serie non solum cōsiderare, sed etiam lamētari debeamus. Ex hoc enim tot Regum numero, tres solum Ecclesiasticus religionis & iustitiæ cultores fuisse memorat his verbis: Præter Dauid, & Ezechiam, & Iosia, omnes peccatum cōmiserunt; nam reliquerūt legē Altissimi, & contēperunt timorem Dei. *Eccli. 49.* Qua ex re non solum humanæ naturæ morbus, & ad malum pronitas, sed multo magis potentiæ atque principatus periculum agnoscimus. Cum enim (yt ait Seneca) omnia quæ modum exēssere, noceant; maxima est felicitatis intemperantia. Nimia enim prosperitas, excelsus locus, & singularis honor instar vini meri sunt, quæ animos hominū parum in virtute firmos inebriare, atque de mente deducere sæpe solent. *Seneca.* Quocirca D. Bernardus difficile putat, esse in honore sine timore, in prælatione sine elatione, in dignitate sine vanitate, raramque esse humilitatem honoratam. Verè enim ac propriè diuinum est, cum omnia possis, re in arcto constringere, nihilque posse, nisi quod iustū est, & cū Apostolo dicere; Omnia mihi libigibus, quibus reges stipantur, oclusas aures habere, neque quid homines de te prædicent, sed quid tu intra te videas iudicare, singularis & rarissimæ prudentiæ est. Neque enim opus est positarum illud implere, *Ne te quæsiueris extra.* Sed quid rationibus agimus, cum in hac ipsa Regum corona apertissima huius periculi exempla videamus? David enim rex, qui inter tot calamitatū fluctus fidelissimus semper Deo exstitit, & in terra deserta, inuia & inaquosa perinde atq. in Dei sanctuario esset, sic se illi supplicem exhibebat, ybi iam ab omnibus periculis liberatus, ad fasti-

Bernard.

1. Cor. 6.

Psal. 62.

2. Reg. 24

fastigium regni peruenit, gloriæ atque imperij sui magnitudinē elatus, numerari populum iussit; vt potentia atq. principatus sui magnitudine perspecta, in ea gloriaretur. In cuius elationis pœnam trium calamitatū optio ei à Domino per Prophetam data est; videlicet pestis, famis, aut turpis ab hostibus suis fuga. Quid verò hic miserandā Saulis Regis tragœdiam referam? Is enim posteaquam à Deo electus, & in Regem vnctus, & Spiritu sancto plenus fuit, adeo regiam dignitatem extimuit, vt latebras etiam quęserit, quò eam effugeret: quem tamen regni sublimitas adeo dementauit, vt optimum Regem in crudelissimum carnificem, atrocissimūque sacerdotum Dei parricidam commutauerit, & ad infelicissimum vitæ exitum perduxerit. His igitur exemplis (vt alia, quę sunt innumera, prætereamus) quantum sit principatus periculum intelligere licet. Quocirca Seneca Principem, in cuius potestate sunt omnia, cuiq. omne quod libet licet, opportunè admonet, vt in hoc statu se cautè & prudenter velut in lubrico retineat. Quo argumento apertissimè cunctorum ferè mortalium cecitas atque demētia colligitur, qui tanta auiditate atq. ardore ad seculi dignitates & sublimia loca aspirant, quæ non tam loca quàm præcipitia sunt; in quibus adeundis, per multa pericula ad maius certè periculum peruenitur. Hinc clamat Bernardus: Quem sequimini filij Adam, quem sequimini? Nōne videris Satanam sicut fulgur de cælo cadentem?

Bernard.

Illud etiā in hac ipsa Regum serie diligenter considerandum est, quanta pace & otio cum dignitate, quātaq. rerum omnium abundantia Israëliticus populus fruebatur, cū ij clauum regni & sceptrā tenerēt, qui religionis & iustitiæ cultores erant. Summus enim ille mundi moderator & virtutum amator Dominus, hunc Respublicas omnes cursum tenere voluit, vt si earum rectores debitum sibi cultum & honorem exhiberent, ipse illos vicissim magnis fauoribus & beneficiis afficeret, florētissimamq. eorum Rempublicā efficeret. Quam rem in Davidis, Ezechia, atque Iosia temporibus cernere licet, in quibus populus felicissimam vitam cum omnium rerum opulentia sub eorum imperio egit. Quibus etiam Iosaphat tempora adiungere possumus: qui quoniam diuinæ legis cultor exstitit (quam in omnibus regni sui ciuitatibus Sacerdotum atque Leuitarum ministerio legi & explanari præcepit) Regē ipsum Dominus diuitiis & gloria cumulauit, terroremque suum in finitima regna immisit, ne contra ipsum arma capere auderēt: contrā verò cū reges diuinæ legis obliti, diis alienis, prophanaque religioni seruare cōpissent, omnia illis in diuersum cadebant, nullusque calamitatum & miseriarum populi finis erat. Hac enim ratione Dominus voluit, vt calamitatum suarum experimento populus cognosceret

nosceret quod per Prophetam dixit; Scito, & vide quia malum  
& amarum est dereliquisse te Dominum Deum tuum, & non  
esse timorem mei apud te. Quam rem cum multis exemplis ex  
hoc Regum numero confirmare possem, vnus tamen Ioas Re-  
gis clade comprobabo. Cum is enim principum suorum obse-  
quiis & adulationibus delinitus, diis alienis cum iisdem seruire  
cepisset, excitata est aduersus populum ira Domini. Cumque  
euolutus esset annus, ascendit contra eum exercitus Syriæ: ve-  
nitque in Iudæam & Hierusalem, & interfecit cunctos Principes  
populi, atque vniuersam prædā miserunt Regi in Damascum.  
Et certe cum permodicus venisset numerus Syrorum, tradidit  
Dominus in manibus eorum infinitam multitudinem, eo quod  
dereliquissent Dominum Deum patrum suorum: in Ioas quoque  
ignominiosa exercuere iudicia. Et abeuntes dimiserunt eum in  
languoribus magnis. Surrexerunt autem contra eum serui sui  
in ultionem sanguinis Zachariæ filij Ioiadæ sacerdotis, & occi-  
derunt eum in lectulo suo, & mortuus est: sepelieruntque eum in  
ciuitate David, sed non in sepulchris Regum. Videtis igitur hoc  
exemplo, fratres, quantum malorum agmē ex prauo capite, totius  
Reipublicæ mēbris impendat? Quocirca cum generis huma-  
ni hostis populo nocere vult, Principi insidiatur; vt capite Rei-  
publicæ cōminuto, totū Reip. corpus conuassetur. Quam rem  
verba illa ex 1. Paralip. lib. satis apertē designant: Consurxit  
Satan aduersus Israël. Et quid tandem fecit? Incitauit, inquit,  
David, vt numeraret Israël; hoc est, caput impetiuit, vt toti  
corpori noceret. Quæ cum ita sint, magna & quotidiana cura,  
fratres, illud Apostoli consiliū implere debemus, quo admonet  
orationes & obsecrationes fieri pro Regibus, & Principibus, &  
his qui in sublimitate constituti sunt, vt quietam & tranquillam  
vitam agamus in omni pietate & castitate. Sciebat enim vir di-  
uinus verum esse, quod est ab Ecclesiastico dictum; Qualis re-  
ctor ciuitatis, tales & inhabitantes eam. Hoc autem adeo verum  
est, vt non modò in diuersis Regibus, sed in eodem etiam Rege  
idem contingat. Quo enim tempore Rex aliquis iustitiā & pie-  
tatē coluit, Deum habuit propitium atque fauentem, & larga ma-  
nu omnia suppeditantē: cum verò idē iustitiam deseruit, Deum  
sibi fecit intensum, variasque ipsi calamitates immittentem.  
Quod quidē in Salomonis historia cernere licet: qui quo tem-  
pore Dei cultor exstitit, Reges omnes diuitiis & gloria supera-  
uit; vbi autem vxorum suarum blanditiis demeratus à Deo de-  
fecit, & sacrilegas aras ac templa vxorum suarum diis erexit,  
vndique Dominus (qui plenissimam illi pacem largitus fuerat)  
aduersarios ex finitimis nationibus excitauit; quodque maximē  
calamitosum & miserandū fuit, opulentissimi regni maximam  
partem

Hier. 2.

2. Par. 21.

1. Par. 21.

1. Tim. 2.

Eccle. 10.



partem ab eo auulsi: ex duodecim enim tribubus, vndecim ab eo post eius mortem defecerunt, qui deinde idolorum cultui dediti, ducentis & quadraginta annis elapsis (in quibus eos diuina patientia ad poenitentiam expectauit) aeterna captiuitate ab Assyriorum Rege Theglathphalasar multati sunt. Quo in loco quam multa sunt, fratres, in quibus philosophari licet? Primum hinc liquet, summam sapientiam (qualis in Salomone fuit) si

**Ecclesi. 23.** re. Vnde in Ecclesiastico legimus: Quam magnus est qui inuenit sapientiam & scientiam: sed non est supra timentem Dominum: timor Domini super omnia se superposuit.

Verum illud hoc in loco maximum pius etiam hominibus timorem incutere poterit, cum videat sapientissimum Salomonem, qui Dei Spiritu plenus tam multa atq. miranda doctrinae monumenta Ecclesiae reliquit; qui Cantici Canticorum altissi-

**3. Reg. 3.**

**3. Reg. 9.**

ma mysteria penetravit, & scripsit; cuiq. Dominus bis appareret ab hoc infando scelere cauere iussit; tamen tot fidei atq. virtutis retinaculis constrictus, sic a fide defecit, ut nefaris daemonibus funestas aras & templa crexerit. Quis igitur hoc exemplo non totus expalleat, & contremiscat? quis tantis diuinae gratiae opibus adeo circumfluat, ut securitatem sibi ad finem usque polliceatur? quis altissimam hanc diuinorum iudiciorum abyssum non miretur & stupefeat? quis non cum Apostolo clamet; O altitudo diuitiarum sapientiae & scientiae Dei, quam incomprehensibilia sunt iudicia eius, & inuestigabiles viae eius! Quocirca recte nos Petrus Apostolus monet, ut cum timore incolatus nostri tempore vitam agamus. Beatus enim homo qui semper est pauidus, semper de periculo sollicitus, semperque sibi de seipso timidus.

**Rom. 12.**

**1. Pet. 1.**

**Prou. 28.**

Est & aliud quod in hac Saluatoris genealogia obseruare licet, finem videlicet diuinarum promissionum, singularemque Dei erga fideles seruos charitatem. Hanc enim testatissimam nobis esse voluit, cum se vindicare peccata patrum in filiis in tertia & quartam generationem comminatur: misericordiam vero his qui ipsum diligunt in mille usque generationes pollicetur. Quibus verbis significare voluit, quanto esset in bonis praemiandis liberalior, quam in peccatis puniendis seuerior. Quae res vehementer nos ad tanti benefactoris obsequium & amorem impellere debet. Hoc autem aperte in Davidis filiis demonstravit: nunquam enim in eius stirpe Iudae Reges, propter eiusdem patris merita & pietatem, deesse voluit. Quae in re non modo eximiam erga sanctissimum illum Regem charitatem seruauit, sed fidem etiam & veritatem promissionis suae ostedit. Promiserat enim nunquam ab eius stirpe defuturum qui populi sui sceptrum teneret: quam quidem promissionem plenissime impleuit, quam-

quamvis multi ex eius posteris ea scelera designassent, propter quæ & ipsi, & posterii eorum regia dignitate priuari potuissent.

## III.

Satis iam diu, fratres, in hac Patrū corona versati sumus; reliquum est, ut ad sacratissimæ Virginis laudes veniamus: cuius dignitatē & gloriam paucis Euangelista in huius lectionis fine expressit, cum ait: *De qua natus est Iesus, qui vocatur Christus.* Hac vna breui sententia sanctus Euangelista aditum nobis ad huius beatissimæ Virginis laudes & gloriam prædicandam aperuit. Hac enim materna dignitate, simulq. diuinæ bonitatis natura diligenter inspecta, matris gloriam, & ingentes gratiarum eius opes apertissimis argumentis colligimus. Si enim ea diuinæ bonitatis natura est, ut seipsam adeo liberaliter rebus omnibus communicet, & his præcipuè, quæ se maxima puritate & innocentia ad illius gratiæ splendorem excipiendum præparant; quo, quæso, gratiæ splendore Virginis mentem perfudit, quæ ipsis astris, atque adeo Angelicis mentibus purior existit? Videmus Simile. enim purum speculum, si Soli obiciatur, usque adeo eius splendorem participare, ut Solis ipsius imaginem quodammodo referre videatur. Quæ res in hanc purissimam Virginem maxime quadrat, quæ Solis iustitiæ splendoribus irradiata, ipsum Solem eximia vitæ sanctitate repræsentabat: utpote in cuius moribus nihil nisi diuinum atque cæleste apparebat. Quocirca nihil mirum, si oratio nostra eius laudibus prædicandis impar sit, quandoquidem mentis nostræ acies eximia sanctitatis eius splendoribus excæcata, ad eius virtutes intelligendas caligat. Solis itaque earum rerum coniecturis quæ nobis notæ ac familiares sunt, ad earum cognitionem utcumque assurgimus.

Primum igitur, si Moyses, quod quodraginta dierum spatio cum Deo in monte versatus est, tanta fuit claritate illuminatus, ut filij Israël nisi velamine super faciem posito in eam intendere non valerēt: quid de hac Virgine sentiendum est, quæ nouem mensibus clarissimum iustitiæ Solem intra purissima & immaculata viscera sua cōtinuit? De eodem item Saluatore Euangelistæ referunt, quod omnis turba quærebat eum tangere, quia virtus de illo exibat, & sanabat omnes. Si igitur quotquot Saluatorem nostrum, aut eius etiam vestē contingebant, optatum salutis beneficium percipiebant; quas in illam gratiarum opes contulisse putandus est, quæ infantem illū in sinu gestabat, virginis vberibus lactabat, brachiis stringebat, & omne illi obsequiū deuotissimè exhibebat? Quid verò Apostoli Petri umbrā Lucæ 6. commemorem? Si tantam illi Dominus virtutem contulit, ut ægrotorum corpora quæ attigisset, sanaret; quam sibi virtutem

reſervauit, qui tantum ſeruo ſuo donare potuit? Quæ igitur non Chriſti vmbra, ſed ſacrū eius corpus in manibus ſemper habebat; quas, quæſo, virtutū, & gratiarū diuitias ab eo ſemper hauriebat? His aliud non minus fortaffe mirandum adijciam. Legimus enim Dñm opes & greges Laban auxiſſe, domuique eius benedixiſſe, quòd Iacob virum ſanctum ac ſimplicem in domo & obſequio ſuo haberet. Quam rem ipſe quoque Laban reſtatuſ eſt, cum ad illum dixit: Experimento didici quòd benedixerit mihi Dñs propter te: idemq̃. Iacob ad ſocerum; Modicum habuiſti antequam venirem ad te, & nunc diues effectus es; benedixitq̃. tibi Dominus ad introitum meum. Si ergo tanta diuinæ bonitatis liberalitas & magnificentia eſt, tantaq̃. erga fideles ſeruos charitas, vt impios etiam homines atq̃. idolorū cultores beneficiis proſequatur, quòd intra domos ſuas pios & innocentes viros haberent: quibus illam donis & beneficiis cumulaſſe iudicandus eſt, quæ non Iacob, ſed ipſum Dei Filium; non ſeruum, ſed Dominum; nō ſanctum virum, ſed ſanctorum omnium ſanctificatorem intra domeſticos parietes retinuit, aluit, & omnia ei humanitatis obſequia materna pietate & flagrantiffima charitate exhibuit? His aliam quoq̃. non leuiorem coniecturam adijciam, quæ ex hac ipſa materna cum filio conſuetudine colligitur. Si enim odoriferum & pretioſum vnguentum in alabaſtro aut quouis alio vaſe diutius adſeruetur, eundem ipſum odorem vaſ illud ita reſert, vt non vnguenti locus, ſed vnguentum ipſum ibidem redolere videatur: cum vnicus ille totius ſuauitatis & ſanctitatis auctor tam diu & in mente, & viſceribus ſacratiffimæ Virginis reconditus & ſeruatus fuerit; quid ex his conſequi poterit, niſi vt quæ tam diu Deum intra ſe retinuit, diuinos mores, diuinam puritatem, diuinæq̃. ſanctitatis gloriam ita redoleret, vt quiſquis illā videret, Deum ipſum quodammodo in illa videret? Quod quidem magno illi Dionyſio, cum primò illā vidit, dicitur contigiffe. Poſtremò illa etiam coniectura hoc in loco negligenda non eſt. Conſtat enim animam noſtram, vbi primū corpori, quod ex primo parēte originem ducit copulatur, originalis peccati maculam cōtrahere, atq̃. omnium huius vitæ miſeriarum, ad quas primus ille parēſ damnatus eſt, participem fieri. Conſtat item multo eſſe præſtantiorem Chriſti carnem ad ſaluandum atq̃. ſanctificandum, quàm Adæ carnem ad nocendum. Si ergo tantum ex ſe malorum vitiata illa caro contactu ſuo fundit; quantum, quæſo, celeſtium donorum atq̃. gratiarum ſanctiſſimam & immaculatam Chriſti carnem in Virginem effuſiſſe credendum eſt; quæ illam virgineo vtero nouem menſibus retinuit?

Iam verò quæ vis orationis cōſequi poterit, quibus hoc tem-

pore

Gen. 30.

Laban. Iacob

Simile.

vas

in ſp. s. c.

Adh. caro



pote deliciis sanctissima Virgo ex hac felicissima cum filio consuetudine, & qua item admiratione fruebatur, cum tot eius miracula cerneret? Ex eo enim miraculorum nomen originē trahere videtur, quod novitate sua ingentem admirationem commoveat. Sic Petrum legimus stupefactum in noua illa atq. insperata captura piscium: sic eodē Petro claudum ex vtero matris suæ sanante, spectatores qui aderant, in stuporē atque ecstasim rapti fuisse perhibentur. Qua igitur admiratione atq. ecstasi sanctissima Virgo rapiebatur, cum tot circa se miracula videret? Nec enim oscitanter, sed maxima cum attentione illa contemplabatur. Quā rē non obscurē Lucas significauit, cum dixit: Maria autem conseruabat omnia verba hæc, conferens in corde suo. Qua ergo admiratione replebatur, cum animo versaret admirandam illam atq. ineffabilem Christi de Spiritu sancto conceptionem? Elisabeth yaticinium? Ioannis Baptiste tripudium? partum doloris & corruptionis expertē? pastorū adorationem? Angelorum voces? Magorum oblationem? Simeonis canticum? Annæ viduæ confessionem? Cum igitur hæc omnia mirabilia prudentissima Virgo in corde suo versaret, iustisq. ea ponderibus liberaret; qua admiratione, qua ecstasi, qua delectatione, quibus deliciis sacratissimum eius pectus plenum fuisse credendum est? Hæc omnia certē non modō omnem dicendi vim, sed omnem etiam mentis humanæ captum faciliē superant.

Quæ igitur tot cælestibus donis cumulata fuit, quæ tantum apud filium valet; quibus donis atque muneribus eos afficiet, qui se totos illius obsequio tradiderint; qui spē suam post Christum in eius misericordia collocauerint; qui Psalteriū eius (quo tota matris & filij vita continetur) deuotis mentibus frequenter uerint? Diximus initio, neque laurum, neque aquilam fulminibus tangi: sub hac igitur aquila regia, & sub hac semper virentis lauri umbra quiescamus, fratres, ut eius virtute à peccati fulmine liberi & incolumes permanentes, ad eiusdem tandem Virginis (quæ ab omni peccati labe immunis fuit) consortium peruenire mereamur, præstante Domino Iesu Christo, qui cum Patre & Spiritu sancto regnat in secula seculorum, Amen.

*Lomvg. Agla.*

# IN EADEM NATIVITATE

BEATISSIMÆ VIRGINIS Mariæ,  
Concio secunda; in qua, post breuiter Euangelicæ  
genealogiæ rationem expositam, verba in themate  
porposita beatissimæ Virgini accommodantur;  
deinde ad fidelium mores, eiusdem Virginis ex-  
emplo, applicantur.

THEMA. *Fecit Salomon thronum ex ebore, & vestiuit  
eum auro fuluo nimis. 3. Reg. 10.*

1. Cor. 10.



3. Reg. 10.

QVONIAM (vt Apostolus ait) omnia in figura  
veteri illi populo contingebant, consentaneu est,  
vt huius throni Salomonis fabrica insignis ali-  
cuius mysterij imago esset: alioqui non erat, cur  
Spiritus sanctus, qui historiæ diuinæ auctor est,  
adco diligēter hoc opus describi voluerit: cuius si externā faciē  
spectes, nihil in eo deprehendes quod ad religionem, sed magis  
quod ad pompam & fastum mundi pertinere videatur. Huius  
ergo throni fabrica (cui nulla in omnibus regnis similis inueni-  
ri potuit) nihil conuenientius, quā beatissimæ Virginis corpus  
& animam, in qua verus Salomon Christus requieuit, puto si-  
gnificari; quando is & in eius anima sanctissima semper, & in  
virgineo corpore nouem mensibus requieuit. Quia igitur spi-  
ritualis hic thronus hodierna die fabricari cœptus est qua glo-  
riofam virginis natiuitatem celebramus, eius mihi hodie fa-  
brica describenda, & ad Virginem accōmodanda est: si prius tā-  
men genealogiæ rationem, quæ in hodierna sancti Euāgelij le-  
ctione describitur, breuiter exposuero. Vt vtrunq. autem pie &  
religiosè præstare possimus, cælestem opem, eiusdem sacratissi-  
mæ Virginis intercessionē, suppliciter imploremus.

A V E M A R I A.

*Prima Pars.*

Quoniam in hodierna sancti Euangelij lectione de Serua-  
toris nostri genere & nobilitate (quæ à Regibus originē ducit)  
S. Euangelista differit; non alienum puto, priusquam ad alia  
veniamus, de nobilitate & ignobilitate paucis agere: præsertim  
cū videam plerofque homines vehementer in huius rei aesti-  
matione, quam semper in ore habent, & periculosè hallucinari,  
& quid sit vera, quid falsa nobilitas, quidq. ignobilitas, propius  
ignorare,

Scien.

Sciendum igitur est, duplicem esse nobilitatem: est enim Christiana nobilitas, est & civilis. Christiana verò nobilitas est, à Deo prognatum esse, Deum Patrem agnoscere, haustoq. intranos Dei Spiritu, Dei puritatem, sanctitatem, innocentiam, atque diuinos mores imitari, eiusque imaginem (quemadmodum filij carnalium parentū) referre atq. repræsentare. Quam quidem nobilitatem sanctus Euangelista expressit, cum de his nobilibus ait; Qui nō ex sanguinibus, neque ex voluntate carnis, neque ex voluntate viri, sed ex Deo nati sunt. Non enim mores carnalium parentum, à quibus carnem & sanguinem trahunt; sed cælestis Patris, cuius Spiritum hauserunt, mores & vitam referunt. Hæc est igitur non modò Christiana, sed vera & firma nobilitas. Quid enim maius quàm à Deo genus ducere, Deumq. ipsum amplè & clarè patrem appellare? Porro autem si regiam nobilitatem iactat, qui à stirpe regia prognatus, regiq. sanguinis particeps est, qualis ea nobilitas erit, quæ diuinæ naturæ participatione constat? Si tanta in regij sanguinis communione nobilitas erit? Hæc est igitur vera & summa nobilitas: qua nulla maior excogitari potest; quæ genus suum ad ipsum rerum omnium Conditorem & summū Principem refert. Hac autem generis dignitate Sancti omnes nobilitati fuerunt: soli quippe verè nobiles sunt, qui à Deo noua natiuitate geniti, de Deo Patre gloriantur.

Vt autem quæ sit civilis nobilitas expediam, obseruandum primò est, nobilitatem inter humana bona numerari, eamq. in boni alfcuius adoptione cōsistere. Tria autem bonorum genera Philosophi statuū, honestū, vtile, atq. iucundum. Honestum autem omnia virtutum officia complectitur: cui soli laus & gloria debetur; quodq. iuxta Stoicorū philosophorū sententiam; verè & propriè boni nomen meretur. Cætera enim ipsi nō vera bona, sed vitæ cōmoda & oblectamēta nuncupāt. Hoc ita constituto, sciendum est, quòd cum varia sint hominum ingenia, variæque ipsius naturæ dotes & munera, varij quoque siderum positus (vnde tantam in hominum moribus & ingenij varietatem, quantā in eorundem corporibus cernimus) quidam adeò infelicer (vt ita dixerim) nati sunt, vt nullam honesti, nullam veri honoris & laudis, quæ honestati debetur, rationem habeāt; sed omnis eorum cupiditas, omnis cura & cogitatio in sola corporis vtilitate & voluptate posita sit: adeò vt nullum dedecus, nullamque ignominie notam subire vereantur, modò vel aliquā corporis voluptatem, vel vtilitatem adipiscātur. Apud hos autem sola penè cura Veneris & vētris est, quem sibi (vt Apollolus ait) deum fecerunt: illiq. summo studio litandum curant,

3<sup>a</sup> nobil.

Ioan. i.

3<sup>a</sup> gēn bonorū



*p. 26. n.* dum omnem operam & industriam in poculentis & esculentis ponunt. Aduersus hos autem Salomon inlclamat: Cui vā? cuius patri vā? cui suffusio oculorum? cui sine causa vulnera? Nōne his qui commemorantur in vino, & student calicibus epotandis? Idemq. rursus, Qui diligit, inquit, epulas, in egestate erit: qui amat vinum & pingua, non ditabitur. Est autem hoc vinum ignobilis atq. seruilis ingenij maximē propriū, à quo praelaræ indolis ingenia maximē abhorreſe ſolent. Quicunq. igitur hoc animo atq. ingenio ſunt, niſi diuini Spiritus cōmunione nobilitentur, verē ignobiles, agreſtes atq. ruſtici exiſtimandi ſunt.

*ſimile.* Sunt autem alij (vt ita dixerim) felicius nati, qui vſque adeo in veræ laudis & honoris (qui rectē factis debetur) amorē propenſi ſunt, vt propter eum adipiſcendū & omnia corporis emolumenta atq. oblectamenta magno animo contemnunt, & vitam quoq. in ſummum diſcrimen adducant, modò laudem, & gloriam, & nominis celebritatem conſequantur. Cū autē hoc in loco gloriam & honorem nomino, non fallacem & fucatum, ſed verum intello. Vt enim in aliis rebus quædam ſunt veræ atque ſinceræ, quædam verò ſimulatæ atque fallaces, quæ verarum imaginem mentiuntur (eſt enim purum & ſincerum aurum, eſt falſum & adulterinum) ſic etiam eſt falſus & verus honor, falſa & vera gloria; vera eſt, quæ rebus digniſſimis (qualis virtus, ſapientia, ſcientia, prudentia, fortitudo, magnanimitas & magnificētia eſt) exhibetur. Falſus autē honor eſt, qui propter ſolas opes & facultates, & amplos redditus, amplamq. familiam tribuitur. Hæ namque res (quæ improbiſſimis etiam hominibus tyranniſq. contingunt) nihil habent cur laudari aut in pretio haberi debeant. Honor igitur propter hæc fortunæ ludibria hominibus impenſus, nō verus honor, ſed fucatus & inanis eſt. Hos igitur, quibus hæc ciuilem nobilitatem tribuimus, nequaquam inanis & fallaces huius, ſed veri honoris amantes eſſe dicimus; quam vt adipiſcantur, non æſtus, non frigora, non inedia, non rerum omnium penuriam, non deniq. aut vulnera, aut mortem etiam reformidant; imò verò (vt ille ait) vitam volunt pro laude paciſci: tantus laudis & gloriæ ardor eorum mentibus inſidet. Illud autem perſuaſum ſibi habent, quod eſt ab ingenio Poëta dictum;

*Venter, pluma, Venus, laudem fugienda ſequenti.*

Plumæ autē nomine, ſtrati mollitiem, inertiam, ſomnum, & omnia deliciarū genera complexus eſt. Quamuis autē ſuperiores illi, labores ingentes corporis aliquando perferāt, hos tamen ſeruili animo, lucri videlicet gratia tolerant: at iſti omni lucri ſpecie abiecta atque contempta, labores omnes, laudis & gloriæ, & communis ſalutis gratia, generoſo & magno animo tolerāt.

*Hæc*

Hæc autē omnia, quæ nos paulò fusiùs persecuti sumus, bre-  
 ui oratione Cicero complexus est: sic enim ait: Hominum duo Cicero  
 sunt genera; alterum indoctū & agreste, quod antefert semper in Par.  
 vtilitatem honestati; alterum expolitū, quod rebus omnibus di- Orat.  
 gnitatem anteposit. Itaq. huic generi laus, honor, gloria, fides,  
 iustitia, omnisq. virtus; illi autē alteri, quæstus, emolumentum,  
 fructusq. proponitur, atq. etiam voluptas, quæ est maximè ini-  
 mica virtuti, quam immanissimus quisq. acerrimè sequitur, ne-  
 que solum honestis rebus, sed etiam necessariis anteposit. Ha-  
 ctenus Cicero. Hac autem nobilitate, hoc animo fuisse multos  
 Romanorum & Græcorum Imperatorum constat: quales Cu-  
 rij, Decij, Scipiones, Pompeij, Agessilai, Phociones & Aristides  
 exstiterunt; quos scimus & cōtinententer vixisse, & patrimonia sua  
 minimè locupletasse. Hos autem qui hoc animo fuerunt, quiq.  
 hac ingenij præstantia Respublicas suas tutari sunt, & ad sum-  
 mum gloriæ fastigium perduxerunt; cū tantum inter ceteros  
 homines emerent, tantumq. à communibus hominum mo-  
 ribus abhorrerēt, adeoq. salutare civibus suis existerēt, nō me-  
 ros homines, sed heroas atque deorum filios esse prædicabant.  
 Neq. enim tantum in humana natura (quam vtilitatis & volu-  
 ptatis supra modum avidam, & laboris inimicam experiebant-  
 ur) ponebant, vt eam solam sine diuina quadam indole & vir-  
 tute ad tantas res efficiendas idoneam esse crederēt. Vnde præ-  
 clara illa Ciceronis sentētia manauit; Neminem vnquam ma- Cicero.  
 gnū sine afflatu diuini numinis fuisse. Itaq. quam nos præstan-  
 tiam diuino Spiritui in præclaris hominibus tribuimus; illi qui  
 aliquid quidem videbant, cælestis tamen Spiritus vim ignora-  
 bant, carnali deorum generationi tribuebant. Sic Herculem, sic  
 Romulum, sic Alexandrum, Iouis filios esse dixerunt.

Hæc autem humanorum ingeniorū dissimilitudo ex ea cau-  
 sa proficisci videtur (vt alias prætermittā) quòd qui verè amāt,  
 præter vnū amare vix possint. Quod in iis præcipuè rebus locū  
 habet, quæ sibi inuicem aduersantur. Inde autē fit, vt qui veris-  
 simæ laudis & gloriæ (quæ vni virtuti debetur) amore flagrat,  
 nequaquā aut turpe lucrū, & turpiores lucro voluptates amare  
 velit, quæ cum vera laudis & gloriæ dignitate pugnant. Contrā  
 verò qui ventri, qui gulæ, qui voluptatibus; & pecuniæ (quæ his  
 vitiis fomenta ministrat) deditus est, laudem & honorem con-  
 temnit, quem vehementer his cupiditatibus aduersari videt.  
 Humanus quippe animus sic à natura institutus est, vt minimè  
 in contraria feratur. Liquet igitur ex his quæ breuiter attigi-  
 mus, quibus in rebus nobilitas & ignobilitas posita sit. Nemo  
 tamen ex his quæ diximus, immoderatam honoris & gloriæ  
 cupiditatem à nobis probari putet; præsertim cū honor non

in virtutis cultu, sed in diuitiis quaeritur. Præterquã enim quòd nihil immoderatum, vitio, propter immoderantiam, caret; honor tamen quòd huiusmodi rebus paratur, quã nullam in se veram dignitatem, neque pretium habent, non verus honor (vt paulo antè diximus) sed falsus & mendax est.

## I.

Hæc igitur de vera nobilitate & ignobilitate præfati, ad Evangelicã lectionẽ veniamus: in qua, prætermisiss aliis quaestionibus (quæ ad vitæ nostræ institutionẽ minis pertinere videntur) illud præcipuè inquirendũ esse videtur, cur tanta cura sancti Evangelistæ Christi Dñi genus, & auorum eius seriem describere voluerint. Numquid vt generis eius nobilitatem iactet, quæ à nobilissimo Davide Rege originẽ ducebat? Minimè gentium. Is enim qui ad Samaritani coauitum nihil respõdit, cum ad alia responderit; satis hoc argumento declarauit, se carnalem hanc generis nobilitatem prorsus negligere. Apud illum enim iustissimum rerum æstimatorem non externa sanguinis nobilitas, sed interna animi virtus in pretio habetur: idcirco eos qui de Abraham patre gloriabantur (quorum tamen opera ab illo degenerauerãt) non Abraham, sed diaboli filios esse dixit, cuius opera & desideria perficere nitebantur. Eosdem etiam non Israëlitas, sed Chanaños & Amorrhæos per Prophetam vocat, cum ait: Radix tua & generatio tua de terra Chanaã: pater tuus Amorrhæus, & mater tua Chetæa. Itaq. populũ ab Israëlitis stirpe progenerũ, nõ illius filium esse dixit, sed illorũ quorum vitia sectabatur. Corpus enim ab Israëlẽ, animã verò vitiis inquinatam (quæ præcipua hominis pars est) ab illis ducere videbatur. Vidit enim summa illa sapiẽtia, non alienis virtutibus, sed nostris veram nobilitatem definiri: nec quemquam alienis meritis, sed suis, laudem promereri. Quam rem Ethnici quoque sapientes intellexerunt: quorum est illa sententia,

*Nam genus & proavos, & quæ non fecimus ipsi,*

*Vix ea nostra puto.*

Cum igitur (vt ad institutum redeamus) carnalis hæc nobilitas nullius apud sapientissimum illum rerum æstimatorem pretij sit, alia causa querenda est, cur tanto studio tũ in Veteri, tum in Nouo testamento familias omnes, & earũ genus describi voluerit. Atq. vt alias causas omittam<sup>9</sup>, hæc præcipua esse videtur; quòd hac ratione veritatis atq. promissionis diuinæ veritas constare poterat. Promiserat quippe Deus tum Abraham, tum David, ex eorum sobole mundi Saluatorem esse nasciturum, ideoq. necesse erat, vt vtriusq. generis ratio diligētissima haberetur, vt Deum in promissis fidelem atque veracem agnosceremus. Vix autẽ explicari potest, quàm multis modis hanc ipsam Dei fidẽ

& veri-



& veritatē Spiritus sanctus in sacris literis patefacere curauerit. Nam & Deum ipsum in Psalmo Deum veritatis appellat: ait enim, Redemisti me Dñe Deus veritatis. Et alibi, Misericordia, inquit, edificabitur in cælis, præparabitur veritas tua in eis: hoc est, tam firma & stabilis promissionum tuarū veritas erit, quā sunt ipsi cæli, in quibus ea descripta est, ne intercidere vnquam possit. Passim autē in sacra historia animaduertere etiā licet; vbi aliquid impletum est, quod Dñs antē vel cōminatus fuerat, vel promiserat, hæc statim verba adnecti, iuxta verbum Dñi, quod locutus fuerat in manu huius vel illius Prophetæ. Cur autem huius diuinæ veritatis & fidei constantiam adeo conspicuā nobis Deus esse voluerit, non solum ipsius gloria, sed ingens etiam utilitas nostra in causa est. Quid enim magis ad fidem nostram confirmandam, & spem erigendam, quā diuinæ veritatis firmitudo iuuat? Hinc regius Psaltes, Scuto, inquit, circumdabit te veritas eius, non timebis à timore nocturno. Veritas enim qua Deus piis hominibus tutelam & patrocinium suum, atque paternā curā in literis sanctis passim promittit, velut impenetrabile scutū est, quod nullę dæmonū sagittæ, nullæ aduersantis mundi machinæ perumpere queant. Cælum enim potius rueret, terra incendio deflagrare, quā diuinarū promissionū veritas vllō modo concidere poterit. Ad hoc autem velut asylū regius Prophetæ post fœdum illum lapsum confugebat, cū diceret, Miserere mei Deus secundum magnā misericordiam tuam, &c. vt iustificeris in sermonibus tuis, & vincas cū iudicaris. Quod perinde est ac si diceret; Promisisti opem & misericordiā tuam atq. erratorum veniā his qui supplici atq. demisso animo opem tuam implorarent; hanc ergo mihi nunc impēdi peto, vt te homines iustum atque veracem in promissionibus tuis hoc exemplo agnoscant. Ad idem quoq. præsidium Moyses in illa magna ira Dñi aduersum perfidum populū quem delere ob conflatum vitulū volebat, confugit, cū illū veritatis & promissionis suæ admonuit, qua terram Chananæorum patribus eorum pollicitus fuerat. Ad eandem nos item confugere debemus, cū misericordiā Dñi, propter Christi Filij eius merita, postulamus, veridicam illam eiusdem promissionem allegantes; Amen, amen dico vobis, si quid petieritis Patrem in nomine meo, dabit vobis. Cū igitur tam magnū vitæ nostræ præsidium in veritatis diuinæ firmitate positum sit; nihil mirum, si tum in præsentī Euangelio, tum in omnibus scripturis sanctis tanta cura Dñs veritatis suæ constantiam testatam mundo esse voluerit. Non solum enim suæ gloriæ, sed nostræ etiam salutis hac in re paterna charitate & cura prospiciebat.

Hæc item generis sui descriptionē, immensa diuinæ bonitatis &

Psal. 10.  
Psal. 88.

Exod. 3.  
Ierem. 16

Psal. 90.

Psal. 54.

Num. 14.

Ioan. 15.

ris & charitatis amplitudo atq. dignatio commendatur; quæ eò  
 vsq; nostri gratia maiestatis suæ celsitudinē deiecit, vt carnē ex  
 his hominibus sumere vellet, quorū multi impuri, perfidi atque  
 sacrilegi exstiterūt. Vnde & ex mulieribus solæ memorātur quæ  
 vel peccatrices fuerunt, vel ab Ethnicis parentibus genus duce-  
 bant, quales Ruth Moabitis, & Thamar, & Bersabee Vriæ vxor  
 exstiterē. Quāta ergo illa dignatiō, quāta pietas, quæ tales pa-  
 rentes habere salutis nostræ gratia non erubuit? Vt enim medi-  
 corum est, ægrotorum excrementa, & alia quæ memoratu indi-  
 gna sunt, nō horrere, quo ægrotorū saluti prospiciāt; ita celestis  
 ille Medicus, qui peccata mudi curaturus aduenerat, neq. pecca-  
 torū gen<sup>o</sup>, neq. peccatorū cōtubernia & mēsā dedignari debuit,  
 sicut ipse ait, Nō est opus valētib<sup>9</sup> medicus, sed malē habētib<sup>9</sup>.

*Simila.*

*Math. 9.*

Hacitem ratione non modō pietatis dignationem, sed etiam  
 promissionis & gratiæ suæ magnitudinē declarauit. Hæc enim  
 generis humilitas, hæc auorum series apertē docet, quousq; im-  
 mensa illa celsitudo nostri causa descenderit, vt qui in cælo pa-  
 trem habet omnipotentē Deum, patres etiam haberet in terra,  
 non solum homines, sed nonnullos etiam impios & sceleratos  
 homines, ex quorū stirpe genus duceret. Quis ergo iam dubi-  
 tare poterit, certa esse quæ per Deum hominem promittuntur,  
 cum ipsum Deum factum hominem videat? Quis dubitare po-  
 terit, homines diuinæ naturæ participēs fieri posse, qui Deum  
 videat humanæ naturæ participem effectum esse? Longē enim  
 maius est, assumptione veræ carnis Deum hominē fieri, quā  
 homines diuini spiritus participatione in diuinam similitudi-  
 nem trāsformari. Maius est, Deum ad terram descēdere, quā  
 homines eius gratiæ ope sublato in cælum cōscendere. Maius  
 est, Deum ad humilia nostra demitti, quā hominem ad Dei  
 sublimia eleuari. Deniq. maius est, sempiternū Patris Verbum,  
 hoc est purissimum spiritū carne vesti, quā carnalē hominē  
 Spiritus sancti virtute in spiritualem creaturam, & nouū homi-  
 nem renouari. Hæc igitur tanta Dei nostri humilitas, promissæ  
 dignitatis, quæ per Euangelium nobis exhibetur, fidem facit.  
 Nec modō fidem facit, sed etiam beneficij magnitudinem am-  
 plicat. Nec enim immensæ illius sapientiæ erat, vsq; adeo ma-  
 iestatis suæ celsitudinem deiicere, nisi nos in immensum dono  
 suo vellet attollere, neque tantum (vt ita dixerim) expensarum  
 insumere, vt exiguis nos beneficiis afficeret; cum finis, & ea quæ  
 ad finem instituta sunt, cohærere inter se & consonare debeat.  
 Maximum ergo Dominus in mēribus nostris opus erigere de-  
 creuit, qui tam alta operis huius fundamenta iecit. Hoc autem  
 totum sancti huius Euangelij principium nobis innuit; *Liber*  
*generationis Iesæ Christi Filij Dauid*, hoc est, liber in quo nouū filij

Dei

Dei genus describitur, per quod, qui in forma Dei erat, nouam generis & hominis formam, propter hominum salutem constituendam, assumere dignatus est. Hæc de Euangelica lectione præfati, ad sacratissimæ Virginis laudes prædicandas propius accedamus.

## SECVNDA PARS. II.

Si hominibus ea felicitas cōtigiſſet, vt spirituales opes, & im-  
mensa diuinę largitatis beneficia iustis pōderibus librent, fe-  
licissimū planè nos hodiè nuntiū adportare crederent, cum bea-  
tissimæ Virginis natiuitatem, quæ hodierna die celebratur, illis  
denunciamus. Cum enim redemptionis humanæ beneficium,  
Splendoris sui magnitudine ceteris diuinis beneficiis obscurita-  
tem afferat, mentesq. piorū mira dulcedine reficiat; non poterit  
non felicissimū nuntium existimari, quod tanti beneficij exor-  
dium continet. Natiuitas enim Virginis, natiuitatis & incarna-  
tionis Dominicæ principium exstitit. Certè Patribus illis qui  
tam diu Redemptoris sui aduentum in limbo expectabant, ni-  
hil potuit felicius nunciari, quàm quòd esset iam in mūdo nata  
ea virgo quę Redemptorē & liberatorē suū erat paritura. Aegro-  
ti, qui vehementissimè tota nocte febris ardore vexantur, solēt  
anxiè solis ortum desiderare; quòd vel splendore lucis, vel me-  
dici aduentu, vel familiarium amicorum colloquio, partem ali-  
quam molestiæ suæ leuari posse credunt. Itaq. cum vel tenuissi-  
mum surgentis auroræ radium præfenserint, respirare & lætari  
incipiunt; quòd proximum esse iam solis ortum intelligant.  
Hoc ergo exemplo, fratres, cōiungere vtcunq. licebit, quo gaudio  
sanctæ illæ Patrum animę perſultarunt (quorum spes omnis ab  
aduentu Christi pendebat) cum post longissimam tor annorum  
noctem, crepusculum hoc, id est, venturæ lucis signum in beatę  
Virginis natiuitate conspicerent. Exorta enim aurora, hoc est,  
Christi matre, vicinum Solis iustitiæ aduentum esse intelligen-  
bant, cuius ope à tenebris in lucē, & à vinculis illis & cæco car-  
cere in libertatem & gloriam filiorum Dei vindicandi erant.

simile. solis

Rom. 8.

Hodie enim fortis illa mulier nata est, quæ caput serpentis  
antiqui per filium suum erat contritura: hodie paradisus volu-  
ptatis constitutus est, in quo nouus Adam erat collocandus, quem  
nec serpens deciperet, nec arboris interdictę fructus alliceret; ho-  
die delecta terra est, in qua pretiosum illud frumenti granum  
erat nasciturum, quod vbi mortuum fuisset, ingentem mundo  
fructum erat allaturum: hodie magnificum illud templum ex-  
structū est, in quo vera Dei arca, hoc est, sacra Christi humani-  
tas collocanda erat: hodie thronus aureus fabricatus est, in quo  
sedē sibi Rex ille pacificus eligeret, qui venerat vt faceret iudi-  
cium & iustitiam in terra. Cuius quidem imaginem thronus  
ille

Ioan. 14.



ille gerebat, quæ adeo mirabili artificio Rex Salomon fabricatus est: de quo sic in libris Regū Scribitur: Fecit Salomon thronum ex ebore grandem: & vestiuit eum auro fuluo nimis, qui

3. Reg. 10

habebat sex gradus: & summitas throni rotunda erat in parte posteriori, & duæ manus hinc & inde tenentes sedile: & duo leones stabant iuxta manus singulas; & duodecim leuiculi stabant super sex gradus hinc & inde. Non est factum tale opus in vniuersis regnis. Vt igitur throni huius mysterium excutiamus, factis constat, Salomonem Regem typū Dñi Saluatoris gessisse. Illa namq. rerum omnium opulentia, quæ sub eius imperio prædicatur (in quo tanta erat abundantia argenti, quanta & lapidū,

3. Reg. 10

Ephes. 3.

Psal. 64.

& cedrorum, quasi siluestrium lignorum) cælestium diuitiarum & gratiarum abundantiam, & imperuestigabiles diuitias, quas Christus Dominus attulit in mundum, designat. De eisdem verò regius Propheta, cum Christo loquens, ait: Visitasti terram, & inebriasti eam, multiplicasti locupletare eam. Thronus verò, quem hic Salomō noster fabricauit, Ecclesia est. Quicquid autem Ecclesiæ conuenit, singulari ratione sacratissimæ Virgini conuenit, quæ nobilissima Ecclesiæ pars est. Ea est igitur veri Salomonis thronus: in cuius anima & corpore idem placidissimè requieuit. Erat autē hic thronus ex ebore: quod appositissimè virginittis puritatem significat. Ebur enim & candidum, & vehemēter frigidum esse dicitur: quod vtrumq. virgineo pudori maximè conuenit. Nam & candore suo virginittis puritatē, & frigiditate immunitatem ab omni impuro carnis ardore designat. Hic autē virginalis candor, hæc tanta puritas, cui magis quàm huic virginum Virgini conueniat; quæ singulari priuilegio gaudium maris habens cum virginittis honore, nec primam similem visa est, nec habere sequentem?

Erat præterea thronus hic vestitus auro, & quidem auro fuluo nimis. Non arbitror ignorare vos, fratres, auro, quod metallorum omnium nobilissimum est, charitatem, quæ virtutū omnium præstantissima est, significari. Hoc enim est aurum illud quod solus donare Deus potest, & à quo solo emi debere, ipse in Apocalypsi docet. Verum cum in auro quidam nobilitatis gradus existant, propter quos aurum auro (vt ita dixerim) defecari & splendidius est; hoc aurum, quo eburneus ille thronus vestiebatur, fuluum nimis, hoc est, splendidissimū & purissimum erat. Quid autem magis singularem beatissimæ Virginis charitatem, quàm huiusmodi aurum adumbrare pouit? Alij namque sancti Deum quidem vt Deum & Cōditorem atque parentem suum, nemo autem vt filium dilexit: at huic sanctissimæ Virgini singulari priuilegio concessum est, vt Deum ipsum non modo vt Deum atque parentem, sed etiam vt verum filium, Spiritus

rus sancti virtute cōceptum, & in lucem editum, incomparabili amore diligeret. Quæ quidem dilectio, mira quotidie, imò per singulas horas incrementa maiora capiebat. Verè enim ac pie credendum est, nunquam Virginem oculos in filium coniecisse, quin ardentissimis amoris facibus sacratissimum eius pectus incenderetur.

Constat præterea, parentum erga filios amorem variè in diversis ætatum gradibus affici solere. Aliter enim erga adultos filios, aliter erga infantes, aliter erga pubescentes afficiuntur. Adultos enim fortius, paruulos autem blandius atque tenerius amare solent. Hoc idem in beatissimæ Virginis dilectione erga filium Christiana pietas cogitare debet: cuius dilectio variis mirisque modis in diversis filij ætatibus augebatur. Neq. enim quæ humanæ naturæ propria sunt, à sanctissima Virgine removere debemus; ne dum naturam deprimimus, naturæ conditorem accusare videamur. Quo igitur affectu infantem puerum diligebat, cum illū in sinu suo lactabat, & virginei lactis guttas ori eius instillabat; quem tamen sciebat in sinu recubentem, Solis, Lunæ, siderum, atq. cælestium orbiū conversiones moderari? Quo item affectu erga eūdem duodecim annos natum in illo pubescentis ætatis flore rapiebatur; quo tēpore amissum illum inter Doctores in templo reperit! Quæ igitur dicendi vis huius dilectionis magnitudinem in his ætatū incrementis, quoties amantissimos in amantissimū filiū oculos coniciebat, explicare queat? De beata Catharina Senensī legimus, quòd accepta sacra Eucharistia, tāta diuinæ suauitatis dulcedine repleretur, vt duarum vel trium horarū spatio sic in spiritu absorberetur, vt omnem prorsus sentiendi vim amitteret; adeò vt expuncta & grauitè sauciata, nihil omnino sentiret. Si ergo sancta hæc virgo sic afficiebatur, cum Christum Dñm, sub panis specie velatum, fidei oculis aspiceret; quid Dei matrem, tanto maiori sanctitate & charitate præditā, sensisse credendū est, quæ eundem Christum non aliena speciei reatum, sed in ipso suo decore, nec fidei solū sed corporis etiam oculis cernebat? Itaq. altius hunc Virginis affectū mihi cōsideranti, duo insignia miracula (vt alia prætermittam) in eius vita sese offerunt: alterum, quòd tot tantisque diuini Spiritus splendoribus irradiata Virgo, totq. charitatis iaculis vulnerata, vitam retinere potuerit. Constat enim multos vel ingēti aliqua læticia, vel contrā magna aliqua & insolita tristitia affectos, vitam subito amississe. Quæ autem læticia cum Virginis læticia in filij puerperio & educatione; quæ verò tristitia cum eius tristitia in eiusdem passione comparari queat? Nōne igitur miraculi instar est, virgineū illud pectus inter tot talesque interni hominis motus disruptum minime fuisse?

parit. om.

Lucæ 2.

D. Cath. 52.

fuisse? Alterum miraculum fuit, quod cum purissimi eius oculi, velut piscinæ Ezebon, lachrymis perpetuo defluerent, videndi tamen facultatem non amiserint. Fluxu enim assiduo lachrymarum, oculis caliginem offundi innuit D. Hieronymus, qui sanctissimam Paulam (ut is in eius vita memorat) obnixè rogabat, ut oculorum lachrymis parceret, ne à sacrarum literarum lectione impediretur. Quomodo autem Virgo sanctissima se à lachrymis continere potuisset, quoties paruulum ante se filium, & Deum magnum contemplabatur? Lachrymæ enim ut erumpunt dolore, sic lætitia manant. Hinc D. August. de seipso narrat, quod initio cōuersionis suæ fleret vberimè in hymnis & canticis, suavesonantis Ecclesiæ vocibus vehemèter affectus. Si igitur Ecclesiæ voces, quæ Christi mysteria ubiq. resonant, tantopere viri sancti animam afficiebant; quid ipsa Christi Dñi præsentia, quid sacra humanitas in corde matris agerent? quas lachrymas elicerent? quos ardores excitarent? qua lætitia perfunderent? qua admiratione & stupore tantæ maiestatis afficerent? Si enim devotio, lachrymarum mater est; si sancti viri, cum diuina meditantur, à piis lachrymis se continere nequeunt: quid de illa sanctarum sanctissima Virgine credendum est, quæ semper diuina meditabatur, quæ Dei Spiritu plena erat, quæ in Dei abyssu mergebatur, quæ tota, sine vllò carnis impedimento, in diuinitatis formam quodammodo transierat, & in qua nullum ius aut caro, aut mundus, aut terrenum aliquid habebat?

Sed ad institutum redeunt, hanc virginæ charitatis magnitudinem nobis aurum illud nimis fuluum declarat. Sex verò illi gradus quibus ad summum throni peruenitur, virtutum omnium plenitudinè designant, quibus fidelis anima ad hanc eleuatur dignitatem, quam beatæ illæ mentes in cælo habent, quas thronos appellamus: in quibus singulari ratione residere Deus dicitur: qui in supremæ hierarchiæ ordine collocantur. Hæc autem virtutum omnium plenitudo ubi copiosius quàm in sacra Virgine reperitur? Constat enim nullam quidem virtutem aut gratiam fuisse alicui Sanctorum concessam, quæ non eadè longè cumulatiùs atq. perfectiùs Virgini cōcessa fuerit. Ideoq. illi potissimum conuenit, quod de huiusmodi fabrica in descriptione eius sine dicitur, nempe quod nullum tale opus in regnis omnibus fuerit fabricatum. Neque enim aut in cælo aut in terra, aut inter homines, aut inter Angelos tantam sanctitatis excellentiam agnouimus, quantam in Deipara Virgine fuisse certum est. Sicut enim nulla post Deum dignitas Deigenitrice maior, ita nulla sanctitatis prærogatiua sublimior. Sicut enim sacræ humanitati Dñi Saluatoris tantam gratiarum & virtutum opulentiam tribuimus, quantam maximam mentes nostræ concipere possunt;

Hieron.

August.

3. Reg. 10



possunt, vt quando Deum humanitate nostra vestimus, digna sit tāta maiestate vestis; ita cūm Dei Filium habere matrem in terra consistemus, digna sit tali filio mater. Cūm enim Sapiens dicat; Dedecus filij pater sine honore: certū est, dedecus vel decus matris ad filium maximē pertinere. Quæ cūm ita sint, necessariō fatendum est, sacram Virginem cūctorum hominum & Angelorum sanctitatem tantum superare, quantum materna eius dignitas omnes alias dignitates antecellit. Quid autem post Deum Dei matre sublimius? Huic aurē dignitati, sanctitatis atque omnium eius gratiarum splendorem parem fuisse necesse est.

Eccli. 3.

Sed cūm hæc & multa alia de sacræ huius Virginis laudibus prædicari possint, quid inter ista mihi maximē mirabile videatur exponā. Si hæc sanctissima Virgo instar Annæ viduæ vsque ad octoginta annos numquam discederet de templo, ieiuniis & orationibus seruīs die ac nocte; vel si intra monasterij claustra vitam ageret, & tanquam oliua fructifera in domo Dñi constituta, curisq̃ue seculi mortua, diuinis rebus semper intenta esset, non ita demirarer, potuisse eam ad tantæ perfectionis culmen deuenire; sed cūm sciam ipsam humili fabro desponsatam intra domesticos parietes pio coniugi deseruire, curam rerum domesticarum per se gerere (nec enim pauperis fabri spōsa, qui manibus victum quæritabat, ancillarum aut seruorum gregem habuisse credenda est) hoc mihi maximē mirabile videtur, quod his officiis & familiaribus negotiis intenta, ad tantam potuerit virtutum celsitudinem peruenire, quæ animum maximē liberum & vacante, nullisq̃. curis aut negotiis impeditum requirit.

Luc. 1.

Psal. 32.

Quod quidem adeo verum est, vt Seneca dixerit, neminē vnquam ad bonam mentem peruenisse occupatum. Nec minus

Seneca.

mirū est, nō potuisse vnquam tot externa opera atq̃. officia animum illius ab intuitu diuinitatis, hoc est, à diuinarū rerū contemplatione vel ad momentum abducere: adeo mens eius diuinitate quodāmodo perfusa ac Deo plena, in Deum ita transierat, vt sine Deo viuere aut spirare non posset. Itaq̃. sicut tute-

simile.

lares Angeli, quorum fidei cōmissi sumus, sic rebus nostris intendunt, vt nunquam à diuinā pulchritudinis contemplatione deducantur: sic beatissima Virgo inter homines versans, & humana negotia gerens, nunquam illis ita implicabatur, vt à Dei conspectu mentis oculos auerteret. Si quis autem à me quærat, vnde in anima, carceri corporis inclusa, & pondere mortalitatis pressa, hæc Angelicæ puritatis imitatio, & cælestis vitæ conuersatio orta fuerit, planē respōdebo id ardentissimæ charitatis eius singulare munus fuisse. Constat enim verū esse quod frequenter audistis, animam quidem magis ibi esse vbi amat, quā vbi

vitam inspiret. Ea enim ingentis amoris vis & natura est, vt ad dilecti præsentiam ardētissimo desiderio semper aspiret, in qua summo gaudio, maximisq; deliciis fruitur: quibus, velut spiritali quodam glutino, dilecto suo indissolubili societate cōiungitur. Quid ergo mirum, si hæc Virgo sanctissima, quæ supra sanctos omnes diuini amoris facibus inflammata erat, in calo semper corde & cogitatione esset, quæ totum amoris sui thesaurum ibidem fixum immotumque habebat? Vt enim lucernæ flamma, quamuis grauis & ponderosi corporis mole prematur, ipsa tamen naturali vi ac propensione sua ad supera loca nititur, eoq; flammæ suas continenter attollit: sic sanctissima Virginis anima, quamuis graui & mortali corpore, quod ad ima deuergit, inclusa esset; igne tamen diuinæ dilectionis incessabili ardore ad supera attendebat. Quia verò hic cælestis ignis nō ad tempus illi datus, sed perpetuus vitæ eius comes exstitit: ideo nihil mirum si cogitatione esset in calo, quæ cælestem semper ignem gestabat in corde.

Simile.

### TERTIA PARS III.

Hactenus de sanctissimæ Virginis laudibus dictum sit, per quas illa veri Salomonis thronus effecta est. Sed quid nobis hæc Virginis dignitas cōferet, si nos eam imitari negligamus? quid, inquam, nobis conferet, illam Dei thronum effectam esse, nisi nos quoq; pro modulo nostro eiusdem thronus efficiamur? Necessesse est enim mentē nostrā vel Dei vel dæmonis sedem esse. Quod si Dei non sumus, cuius nisi dæmonis erimus? sic enim

Rom. 8. Apostolus ait: Si quis nō habet Spiritū Christi, hic non est eius. Ergo danda nobis opera est, vt Dei throni, ad huius quem descripsimus similitudinem, efficiamur. Ad hoc autē prima cura esse debet, vt corporis & animæ pudicitia, quæ ebore designari diximus, immaculato pudore custodiamus; idque tanta cura, vt non modò corpus ipsum, sed omnes etiā corporis sensus men-

1. Tim. 5. tis castitati famulentur. Hoc enim Apostolus à nobis requirit, cum Timotheum admonet vt inter feminas versetur in omni castitate. Quid est autem in omni castitate conuersari, nisi vt habitus, vt incessus, vt verba, vt opera, vt oculi, vt aures, vt lingua etiā ac sensus omnes, castitatis puritatem spirare videatur; quod nihil turpe, nihil inhonestum, nihil, quod cuiuspiam oculos vel aures offēdat, in nostris moribus inuenitur? Hac autem tam multiplici custodia castitas eget, propterea quod per hos omnes corporis sensus aditum sibi dæmon aperire conetur, vt inestimabilem virtutis huius thesaurum nobis eripiat. Quocirca quemadmodum arces quæ in hostium confinibus sitæ sunt, vallis, & fossis, ceterisq; propugnaculis propter hostium incursions & insidias munire solemus: ita virtus hæc, quam omni

Simile.

studio

studio atque conatu generis humani hostis impetere solet, hac vigili cura & sollicitudine sepienda atque vallanda est. Constat enim verū esse quod D. Bernard. ait: Inter omnia prœlia Christianorum, periculosiora esse certamina castitatis: vbi quotidiana pugna, & rara victoria. Nec enim importunus ille castitatis hostis nos aliquando vel respirare sinit, vel inducias præbet; sed omni tempore ad extremum vsque vitæ spiritum impugnare non cessat; vt saltem importunitate vincat, quos prauæ suggestionis impetu superare non potest. Ajunt Physici, Rhinocerotem adeo ferum & immite animal esse, vt nunquam, vel longissimo etiam tempore, ad homines assuescat; cum cetera tamen cireurentur & assuescant. Hoc ipsum de impura carnis concupiscentia verè dicere licet. Alios enim turbidos animæ nostræ motus, longa dies, & virtutis vsus vel sopire vel extinguere solet: hac autem pestis vix vnquā serpere & sollicitare mentē desinit. Constat enim inueniri multos Dei seruos, qui quadraginta aut quinquaginta etiam annorum spatio, neq. opere, neq. cogitatione, neq. alia ratione castitatis integritatē violauerint; neq. tam longo virtutis vsu rebelles à se carnis motus prorsus excusserint; nec minus illis in senectute quàm in iuuentute aduersus hunc Rhinocerotem castitatis armis assidue pugnandum sit. Quocirca quisquis virtutem hanc ad finem vsq. vitæ integram illibatamq. seruauerit, spiritualis cuiusdam martyrij præmium propositum sibi esse sciat: quod non quidem repentina morte, sed longissima pugna & victoria comparatur. Quo etiam nomine sancti Patres diurnam castitatem ebori comparāt: quia sicut ebur antiquum candorem in ruborem vertit; ita diurna atque perpetua castitas non modo castitatis laudem, sed spiritualis etiam martyrij coronam promeretur. Vt hanc igitur tantam gloriam adipisci valeamus, & tota vita strenuè dimicandum est, & caro ipsa inedia extenuanda, ne luxu insoleseat: & cunctis sensibus, ac præcipuè oculis, diligens adhibenda custodia est; ne mors (quod Dauidi contigit) per has fenestras in mentem nostram ingrediatur. Quisquis igitur hoc modo pudicitia candorem seruat, thronus Dei ex ebone factus est. Verissimè namque beata Lucia impuro iudici dixit, Castè viuentes templum esse Spiritus sancti.

Verum hic thronus auro vestiendus est, & quidem fuluo nimis. Auro autem charitatem significari paulo antè diximus. Quod autem hæc virtus mentes hominum, Dei quoque sedes efficiat, apertè Ioannes Euangelista constitetur, cum ait: Deus

Bernard.

Simile.

Simile.

Ierem. 9.

2. Ioan. 4.

1. Cor. 14.

senten.



sententiam latius alibi declarat his verbis; Siue comeditis, siue bibitis, siue quid aliud facitis, in gloriam Dei facite: hoc est, charitate & amore Dei inducti ea facite. Hac enim ratione fit, ut non modò præclara virtutum opera, sed ea etiam quæ ad vsum vitæ necessaria sunt (ut comedere, bibere, dormire, atque animi intentionem modeste aliquando relaxare) Deo grata & aterna vita digna efficiantur.

Non temerè autem aurum hoc fuluum nimis fuisse dicitur. Hoc enim verbum in solam charitatis virtutem in. 1. imè quadrat, in qua nihil modicū, nihil nimis est. Vt enim D. Bernardus ait, Causa Deum diligendi, Deus est; modus est, sine modo diligere. Hoc autem in morales virtutes minimè cadit, in quibus vitio datur quidquid nimium & immodicum est. Hic etiā fulgor, sicut in auro puritatem quæ omni peregrina materia vacat; ita in charitate, eiusdem puritatem designat; quæ ea sinceritate Deum diligit, ut nihil in illo, præter illum, diligit, neque ad emolumenta propria eius amorè referat. Rectè enim D. Augustinus, Minus te, inquit, Dñe, amat, qui tecū aliquid amat quod nō propter te amat. Hoc est enim quod nos sancti Patres admonent, cum non in Dei donis atque beneficiis, sed in Deo quiescendum esse monent: ipsum videlicet propter ipsum, non propter eius merita diligentes: nec in eius muneribus, sed in vno ipso gloriantes. Talis enim charitas auro nimis fuluo comparatur.

Adduntur in summo throni leones duo, qui vtrinque collocati, manibus sedile tenent atque sustentant. Quid verò sedem hanc, id est, hominis mentē in officio continet, nisi diuina gratia simul cum hominis labore & industria? Quid enim homo hac gratia destitutus Deo gratum efficere poterit, cum Dominus dicat: Sine me nihil potestis facere? Quid verò eadē gratia homine dormiente atque oscitante efficere queat? Vtrumque ergo simul iungendum est, quemadmodum Apostolus exemplo suo ostendit, cum ait; Abundantiùs omnibus laboravi, non ego solus, sed gratia Dei mecum. Ad hoc autem Dominus nos per Prophetā inuitat; cum ait: Cōuertimini ad me, & ego conuertar ad vos. Cum enim is ait, Ego cōuertar ad vos; aperte gratiæ suæ auxilium promittit, quæ præcipua boni operis causa est. Ideoque assiduis eam clamoribus ab ipso postulare debemus, illa Sapientiæ verba repetentes; Mitte illam, Domine, de sede magnitudinis tuæ, ut mecum sit & mecum laboret: ut sciam quid acceptum sit coram te omni tempore. Cum verò idem ait, Conuertimini ad me; libertatis & officij nostri nos admonet, atque operam & laborem nostrum à nobis exigit. Quæ quidem sententia illos præcipuè accusat, qui totū salutis suæ negotium in di-

in diuinam gratiam & misericordiam reiecerūt: qui tamen hoc ipso misericordia indigni sunt, quòd eam inertix atque socordia suæ causam faciant; cū Deus non stertentibus ac dormitantibus, sed vigilantibus & laborantibus eam promittat. Hoc est igitur quod duobus his leonibus, qui summum throni sedile tenent, arbitror significari.

Possunt etiam per eisdē duo charitatis præcepta, quæ totius diuinæ legis summam continēt, non incongruè designari. Hoc enim præceptū habemus à Deo, vt qui diligit Deum, diligat & fratrem suum. Quod contrā nonnulli faciunt, qui cū assidue precibus & meditationibus incubant, quibus charitas in Deum præcipuè comparatur, ad obsequia tamē fratrum suorum (cū præsertim aliqua necessitate premuntur) tardiores sunt: quòd iis animi sui quietem & tranquillitatem aliquatenus perturbari dicant. Quicunq. tales sunt, illud D. August. meminisse debent: Otium sanctum quærit charitas, negotium sanctum exigit necessitas charitatis; quæ si non vrgear, diuinæ veritatis contemplationi vacandum est. Cū ergo proximus opera nostra indiget, cū necessitate premitur; illa sabbē contemplationis quies deferenda est, vt indigenti fratri, imò Christo in fratre laboranti subueniamus. Semper enim sacrificia iustitiæ voluntariis anteferenda sunt; illudq. Samuelis semper ante oculos habendum; 1. Reg. 12. Melior est obedientia quàm victimæ. Obedientia enim necessitatis, victimæ verò voluntatis ac deuotionis nostræ est.

### IIII.

Sequuntur deinde sex gradus, quibus ad summum throni sedile peruenitur. Sedile autem hoc in quo noster Salomon sedet, puritas cordis est. Quam quidem puritatem (quæ ab omni carnalium affectuum contagio pura & immunis est) spiritualis vitæ scopum esse latè Ioan. Cassianus in prima collatione dissert. Hæc enim puram & pacatam animam, Deoque (quatenus Ioannes Cassian. fragilitati nostræ licet) similem effectam, miro charitatis vinculo auctori suo copulat atq. coniungit, atq. summi Salomonis thronum efficit. Sex verò gradibus, quibus ad hoc sedile ascenditur, virtutum omnium plenitudinem significari diximus: quæ huic paritati consequendæ deferuit. Eius enim gratia (vt idem Cassianus ait) solitudo sectanda, & cetera religiosæ vitæ studia Idem. colenda sunt. Propter hæc enim ieiunia, vigilias, labores, corporis nuditatem, lectionem, ceterasque virtutes debere nos suscipere ait, vt per illas ab omnibus passionibus noxiis cor purū & immune conseruare possimus. His enim virtutibus defecata mēs, & ab omnibus carnis sordibus repurgata, & spiritualis effecta, Deo (qui purissimus spiritus est) facile iungitur & copulatur. Sicut enim quæ dissimilia sunt, à se inuicem separantur; simile.

quaq. vicina & cognata sunt, facillimè cōiunguntur (sic enim videmus ardentis lucernæ flammam ingenti igni admotam, à maiori ignis flamma corripì, & sibi copulari) ita summus ille atque purissimus Spiritus, vt carnales homines, tanquā sibi dissimiles, à se abigit; sic spirituales, tanquam sibi similes atq. cognatos, eiusdemque puritatis consortes, ad se trahit, & secum ineffabili quadam ratione conglutinat.

Sed quid est quòd duo leuenculi in singulis huius throni gradibus vtrinq. positi esse perhibentur? Hoc planè esse arbitror quod Apostolus precipit, vt iustitiæ armis à dextris & sinistris muniti incedamus: quodq. ipse Dñs frequèter in lege sua monet, cum, exposita mādatorum suorum via, precipit ne ab ea siue ad dextram siue ad sinistram declinemus: hoc est, ne vel secundis rebus elati, vel aduersis deiecti, ab ea via quam ipse nobis ostendit, declinemus. Sunt enim qui per itinera planiora inoffenso pede gradientes, in cōfragosis & impeditis conuunt: contrā verò alij sunt, quos cōfragosa iuuat, planiora verò lapsuū materiam subministrant. Petrus tranquillo mari ad Dñm per vndas securus & latus incedebat: qui tamen vbi vehementiorem auram spirare vidit, animo simul & corpore concidens submergi cœpit. Contrā verò David aduersis rebus eruditus magis quàm elatus, dicere certè potuit: In terra deserta, inuia, & inaquosa, sicut in sanctuario, apparui tibi: idè tamen constituto regno, subactisq. finitimis nationibus, secundis rebus

Mat. 14.

Psal. 62.

1 Par. 21.

2. Reg. 11.

August.  
Dñs agnos

elatus, populum vana & superba curiositate numerari iussit, & aliena vxore per summum scelus violata, innocentis viri se sanguine cruentauit. Ne igitur cum per hanc viam ingredimur, vel secūda nos aura, vel inimica, ab ea via deducat, iubemur arma iustitiæ capere quibus à dextris & sinistris instructi securè incedamus. Vt enim D. August. ait, duplicem aciem mundus contra Christi milites instruit. Blanditur enim vt decipiat, terret vt frangat: quocirca non nos teneat propria voluntas, non nos terreat aliena crudelitas, & victus est mundus. Hoc est autem à dextris & sinistris esse armatum. Sic armatæ fuerūt sanctæ illæ virgines, Agnes, Agatha, Dorothea, Catharina, Margarita, ceteraq. similes, quæ tyrannos modò blandientes, modò terrentes, modò promissis inuitantes, modò atrocissima supplicia comminantes, parianimo contempserunt: vt pote quæ à dextris & sinistris, diuinis armis septæ atque munitæ erant.

Sed quoniam, vt ait ad Lucilium Seneca, difficilior est tristitia perstringere, quàm lata moderari, ideo fortitudine atq. robore animi magis indigemus ad ea quæ virtutibus obstant superanda. Adde etiam quòd ad impetranda Dei dona mirè labor adiuvauit, uat, precationis studio coniunctus. Hinc D. Bonauentura in Medi-



Meditationibus vitæ Christi refert, beatam Virginem sanctę Elisabeth viduę vitæ suę rationem & ordinem explicuisse. Inter alia verò studia, quę ibidem commemorat, hoc etiam addit, se excepta ea gratiæ plenitudine, quā in vtero matris posita recepit, omnem aliam gratiam, & cælestia dona, non sine magno labore, continua oratione, ardenti desiderio & profunda deuotione, multisquę lachrymis percepisse: addiditque; Illud igitur persuasum tibi esse debet, nullam virtutem, nullaquę cælestia dona (nisi præter cōmunem ordinem Deus aliquid moliatur) sine orationis studio, & corporis afflictione cōparari. Haftenus verba Virginis: quibus intelligere licet, quātopere in ea proficendi studium vigerit. Quo in loco meritò D. Bernardus quærit, quomodo simul cohæreant, quòd Gabriel Angelus Virginem quidem prius gratia plenam, deinde gratiam apud Deum inuenisse dicat. Quomodo enim aliquis quærat id quo plenus est? Cui quæstioni idem respondet his verbis: Digna prorsus inuenire, cui propria non sufficit plenitudo, nec suo est contenta bono. Hoc autem illos præcipuè accusat, qui sibi sufficere iudicantes, vltèrius in virtutis studio progredi nolūt. Audeo dicere, eos qui sibi ita placent, nondum hoc iter in cælum ingressos fuisse, cū scriptum sit; Qui edunt me, adhuc esuriunt; & qui bibunt me, adhuc sitient. Sed vt ad institutum redeamus: cum hac Virginis sententia, quę corporis laborem simul & orationem commendat, sacerdotis Eliachim sententia maximè cohæret. Ad filios quippe Israël, ab exercitu Holofernis obsessos, & in magna calamitate positos, ait; Scitote quòd exaudiet Dominus orationes vestras, si manentes manseritis in ieiuniis & orationibus in conspectu eius. Quę cū ita sint, fratres, quicumque cælestibus donis (quę omnem sensum exuperant) affluere concupiscitis, quicumque ad hanc gloriam peruenire desideratis, vt veri Salomonis throni & sedes efficiamini, accingite fortitudine lumbos vestros, & in hoc totis viribus incumbite, vt omnibus throni huius ornamentis mentes vestras excolatis; quatenus in vobis Deus habitare, & diuinitatis, puritatis, sanctitatis, deliciarum, ac donorum suorum, ac tandem immortalitatis & glorię suę participes efficere dignetur.

Bernard.

Iudic. 4.

Philip. 6.

## IN EADEM NATIVITATE

BEATISSIMÆ VIRGINIS Mariæ,  
conciotertia: in qua de mirabili Euangelij vir-  
tute & gratia, simulque de sacræ Virginis digni-  
tate disleritur.

THEMA. *Liber generationis Iesu Christi filij David.*  
Matth. I.



VAMVS hic liber generationis Christi esse di-  
catur, satis tamen constat vel ex ipso libri titulo  
(qui est, Sanctum Iesu Christi Euangelium secun-  
dum Mattheum;) totius etiā Euangelij omniūq.  
mysteriorum Christi historiam in eo texti. Quia  
verò hoc ipso die beatissimæ Virginis natiuitatem (quæ ipsius  
Euangelij, atque omnium beneficiorum Christi principium  
existit, celebramus; non abs re futurum puto, si quid Euan-  
gelij nomen & mysterium contineat, explicauero. Omnes enim  
Euangelicæ legis professores sumus, omnes sacris diebus Euan-  
gelicam doctrinā audimus: sed non omnes quid Euangelij no-  
men designet, satis intelligimus. Huius autem rei tractatio ve-  
hementer mentes nostras ad Redemptoris nostri amorem pri-  
mum, deinde etiam ad salutarem timorem excitabit: qui duo  
affectus velut duo pedes sunt, quibus ea via qua in cælum itur, in-  
gredimur. Nihil enim deesse illi poterit, qui Dei timore & amo-  
re fuerit instructus. Vt igitur argumentum hoc pie & religiosè  
tractare valeamus; cælestem opem, sacratissimæ Virginis inter-  
cessionem, suppliciter imploremus.

## A V E M A R I A.

Iam primum constat, inter innumeras virtutū & perfectio-  
num Dei nostri laudes, immensam eius bonitatem maximè nu-  
merari. Hanc enim præcipuè cælestis Magister commendauit,  
Mat. 28. cum adolescenti, se bonum appellanti, respondit; Quid me vo-  
cas bonum? Nemo bonus nisi solus Deus. Quamvis enim &  
Simile. Sancti omnes, & Angelicæ mentes diuinæ bonitatis participes  
sint; vsque adeò tamen immensa Dei bonitas eminet, vt ceteræ  
bonitates non magis ante illam fulgeant, quàm astra cæli ante  
meridianum solem. Cum autem maximè proprium bonitatis  
Simile. sit, instar radiorum solis in omnia se diffundere, opesque suas  
omnibus communicare; hæc illum bonitas impulit, vt hūc mun-  
dum, tam miris multisq. variarum rerū formis ornatum, sine  
vlla

ulla sui indigentia crearet. Hanc enim creationis mundi causam extitisse Plato quoque Philosophus confessus est. Quia verò istorius esse, omniumque perfectionum fons & origo est, non una eademque mensura seipsum rebus communicavit. Quibusdam enim esse tantum contulit, ut elementis; quibusdam esse & vivere, ut plantis; quibusdam esse, vivere & sentire, ut brutis animalibus; quibusdam verò supra hæc omnia intelligendi vim, ut hominibus & Angelis, contulit. Ut autem bonitati bonorum suorum communio: ita summæ bonitati summa quoque bonorum communio convenit. Hoc autem summa illa bonitas præstitit: quæ seipsam, hoc est, felicitatem & gloriam (quæ solius divinæ naturæ propria est) & Angelis & hominibus (qui intelligentiæ participes sunt) liberalissimè communicare decrevit. Quæ quidem communione nihil in hoc genere maius humana mens vel desiderare, vel cogitare potest.

Ad hoc autem primum hominem condidit, quem clarissimis virtutum cælestiumque donorum opibus instruxit, quibus ad hanc tantam gloriam præparari, & ea dignus effici posset; quasque, si in officio fideliter perstitisset, ad posteros quoque suos transfunderet. Verum ille huic tanto muneri ingratus, inobedientiæ suæ crimine & seipsum, & posteros quoque suos his tantis bonis spoliavit. Divina tamen bonitas nec hoc quidem inobedientiæ scelere provocata, à proposito sui destinatione cessavit. Itaque recenti adhuc commissi sceleris rebellionem vigente, primæ Evangelij lucem homini lapsò prætulit, cum ad serpentem (hoc est dæmonem, tanti mali auctorem) dixit; Inimicitias ponam inter te & mulierem, & inter semen tuum & semen illius: ipsa conteret caput tuum: hoc est, ipsa potentiam tuam evertet, & regnum tuum (quod peccati regnum est) excinet. Hæc igitur prima Evangelicæ gratiæ, & redemptionis humanæ promissio, quæ per benedictum sanctissimæ Virginis fructum mundo afferenda erat; ut quoniam femina per virum, inundo mortis venenum propinaverat, femina quoque per virum, fructum vitæ mundo porrigeret: hæc igitur, ut dixi, prima Evangelij institutio, qua remedium lapsò homini promissum fuit. Nunc superest, ut quale hoc divinæ misericordiæ remedium fuerit, inspiciamus; ut sic tandem, quid sit Evangelium, & cur merito faustum atque lætum nuntium appellari debeat, intelligamus.

Rem igitur à prima origine repetentes, animadvertendum est, hunc esse divinæ sapientiæ morem, ut quando vel dæmonum malitia, vel pravorum hominum opera, quæ ipse decrevit, impedirentur, usque adeo à proposito sui destinatione non cessaret, ut eadem ipsa quæ destinaverat, multo auctiora & me-



lora faceret. Nec enim fas est, diuinæ sapientiæ consilia atque decreta cuiusquā opera aut malitia labefactari, ne quis aduersus illum gloriari meritō possit. Subijciamus aliquot huius rei exempla. Synagoga olim, hoc est, Sponsa Dei electa, & Dei populus, Romanorum armis propter admissa scelera vastatus, & ad internecionem vsque deletus fuit. Pro hoc ergo exiguo populo, vniuersum mundum; pro Synagoga, Ecclesiam latē per orbem terrarum diffusam erexit: & pro vno tēplo in quo Deus colebatur, innumera templa vbiq. terrarum fabricari fecit. Prophetas quoque, eius populi patres atq; magistros, cum ipso populo sustulit; Lex enim & Prophete vsque ad Ioannem: at pro ipsis Prophetis, Apostolos nobis & Euangelistas, ceterosque

**Luce 16.**

Euāgelicę vitę sectatores, Spiritu sancto plenos, cōtulit, quem admodum regius Vates ait, Pro patribus tuis nati sunt tibi filij: constitues eos principes super omnem terram. Legem præterea veterem, quam illi populo tulerat, abrogauit; at pro lege veteri nouam legem, pro litera spiritum, pro iugo legis importabili, Euangelij gratiam nobis contulit. Quantum verō hæc noua lex veterem, & Euangelium legis literam antecellat, D. Augustinus declarat his verbis: Legis litera, quę docet non esse peccandum, si Spiritus viuificans desit, occidit. Scire enim peccatum facit potius quā caueri; & ideō magis augeri, quā minui: quia malæ concupiscentiæ (quæ prohibitionē augetur) etiam prauaricatio legis accedit. Denique quantum inter se, petere & donare, distant; tantum inter legem & Euangelium discrimen est. Lex enim petit; Euangelium donat. Lex quippe exigit ab hominibus plenam omnium mandatorum obedientiam; Euangelium verō Spiritum & gratiam, & voluntatis propensionem ad hanc ipsam obedientiam alacriter præstandam donat. Ad hæc,

**Psal. 44.**

**August.**

arca fœderis Domini (quæ eius olim gloria dicebatur) simul cum veteri illo tēplo sublata est: at pro arca illa, quæ legis tabulas continebat, diuinissimum Christi corpus in omniū templorum sacrariis, ad fidelium deuotionem excitandam asseruari videmus. Sacrificia quoque legis illius per Christi mortem abrogata fuerūt, in quibus animalium sanguis propter hominum peccata offerebatur: at Dominus pro illo pecudum sacrificio, sacratissimum corporis & sanguinis sui sacrificium in cunctis Ecclesiarum altaribus immolari constituit. Et quidem in veteribus illis sacrificiis, quæ pro peccato offerebātur, sanguis pecudum offerebatur: quo significabatur, peccantem hominem, ob admissum scelus, sanguinis reum esse, Dei tamen misericordia fieri, vt pro rei hominis sanguine, pecadū sanguis substitueretur: at in nostro sacrificio non agnorum aut arietum, sed ipsius

**Deut. 20**

unigeniti Dei pretiosus sanguis pro sceleribus nostris quotidi-

die immolatur: cuius sacrificij vim & dignitatem Apostolus declarat his verbis; Si sanguis taurorum, aut hircorum, & cinis vitulæ aspersus inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientias nostras ab operibus mortuis, ad seruiendum Deo viuenti? Quod si inter hæc adeo magnifica Dei opera pusillum addereliceret, adiungam Ieremiæ librum, quem Domini iussu scriptum perfidus Sedechias Rex conscidit atque combussit. At ne impium Regis facinus diuino decreto obsisteret, alium similem librum Dominus eidem Prophete scribere iussit; in quo, aut. sermones additi sunt plures prioribus. Videtis ergo, fratres, verum esse quod idem Dominus per Prophetam dixit; Consilium meum stabit, & omnis voluntas mea fiet: adeoque non esse in vlla potestate consilij eius obsistere, vt quo magis vel dæmonis, vel hominum malitia aduersus illius decreta nitatur, hoc magis ille gloriam suam amplificet. Accedit enim homo ad coralum, & exaltatur Deus, & maiora potentiae suæ documenta constituit.

Hebr. 9.

Ier. 36.

Esaia 46.

Psal. 63.

Quorsum hæc? Certè ad Euangelicæ gratiæ explicationem, quam promissimus, spectant: quæ etiam aliqua ex parte his quæ diximus, declarata est. Diximus enim, primo illi generis humani principi gratiam & iustitiam, magnificaq. Dei munera, & illi & nobis (si is in fide & obedientia permanisset) cõcessa fuisse: cum verò his dæmone adnidente (qui diuinis consiliis obsistere voluit) in vtroque deliquisset; & sibi & nobis eadem dona amisit. Aequum autem non erat, vt hostis ille fraudulentus aduersus Deum gloriari posset, seq. iactare, quod eius decreta atque consilia innuere potuisset. Quid igitur Dominus? Dignitatis & gloriæ suæ memor, maioribus nos gratiæ & misericordiæ suæ muneribus quàm antea donauit. Pro illa enim superba & inobedienti femina, feminam nobis obedientiæ, humilitatisque plenissimam, in matrem contulit: cuius hodie felicissimum natiuitatis diem celebramus. Pro illo verò primo parente, qui nos inobedientia sua perdidit, alium nobis parentem infinitis partibus præstantiorem contulit. Pro mero namque homine, Deum & hominem; pro superbo, humilem; pro seruo, filium; pro homine ex terra formato, hominem de Spiritu sancto conceptum; ac demum pro inobediente, & interdictæ arboris cibum inuadente, Filium ad mortem vsque, & mortem crucis obedientem. Quantum ergo inter Christum & primum illum parentem, hoc est, inter primum Adam & secundum distat, tantum inter hoc & illud beneficium discrimen est. Primus enim ille homo de terra, terrenus; at secundus homo de cælo, cælestis.

1. Cor. 15.

Quid

Quid deinde? subdit protinus: Qualiterrenus, tales & terreni; qualis cælestis, tales & cælestes.

Hicigitur secundus parens, pro illo priori nobis initio seculi promissus, in fine seculorum datus est; in quo vno omnia quæ nobis ad salutem & iustitiam necessaria erant, cumulatissimè præstita sunt. In ipso enim (vt Apostolus ait) complacuit Patri omnem plenitudinem inhabitare, & per eum reconciliare omnia, pacificans per sanguinem crucis eius, siue quæ in terris, siue quæ in cælis sunt. Quod quidem adeò feliciter executus est, vt Ecclesia verè dicere potuerit, felicem illam culpâ extitisse, quæ talem habere meruerit Redemptorem. Non enim (vt Apostolus ait) vt delictum, ita & donum. Vbi enim abūdauit delictum, superabundauit & gratia. Is igitur primi parentis illius loco pater nobis datus est; non proditor, sed saluator; non interemptor, sed viuificator; non perceptæ hæreditatis & patrimonij dissipator, sed restitutor & instaurator. Vnde Isaïas inter cetera eius præclara nomina, futuri seculi patrem appellandum esse vaticinatus est: quia ipse nos noua nascēdi lege regenerauit: ipse plus quàm paterna charitate à diaboli captiuitate redemit: ipse debita nostra exsoluit, & pro illis, sacrificij sui merito, æterno Patri satisfecit, & nos cum illo (à quo dissidebamus) sublati è medio peccatis (quæ nos ab illo secernebant) æterna pace reconciliauit.

## I.

Quid igitur ex his cōsequens est? Certè, vt Deus iam amicus nobis effectus, & Filij sui sanguine placatus, veri amici in nos officia exerceret, & gratiarum atq. donorum suorum thesauros aperiens, opes suas in homines, nouo sibi scedere copulatos, effunderet; quibus pristinam illam dignitatem & gratiam, quam prioris parentis inobedientia amiserant, posterioris obedientia recuperarent. Ad hoc autem Spiritum sanctum, post peractum humanæ redemptionis officium, in nos demisit: qui naturam, peccati morbo ægrâ, sanaret, omnesque animæ nostræ vires, eodem morbo infectas, sanitati restitueret. Itaque intellectum lucis suæ splendore illuminauit, vt expetēda fugiendaque sine errore discerneret, eaque pro ipsorum dignitate & pretio æstimaret. Voluntatem verò, vt hac ipsa pro intellectu incorrupto iudicio, non pro libidine sua amplecteretur. Affectus autē & cupiditates nostras ita temperauit, vt non amplius furore atque impetu suo mentem de statu suo deijcerent; sed illius potius ductum & imperium sequerentur. Carnem verò ipsam (quæ immortales cum Spiritu inimicitias gerebat, quæque nihil nisi carnalia, vt naturæ suę consentanea, appetebat) sic spiritualium deliciarum participem effecit, vt dicere iam pius homo possit:

Cor



Cor meum & caro mea exultauerunt in Deum viuum. Et, Si-  
 tuuit te anima mea, desiderauit te caro mea, sic enim alij le-  
 gunt. His autem præcipuis hominis partibus instauratis, torus  
 homo in nouam quandam & spiritualem creaturam anima-  
 tus est.

His addit etiam idem Spiritus omnium virtutum habitus,  
 quibus easdem animæ nostræ vires miro modo perficit, roborat,  
 & ad rectè operandū inducit; vt sic instructi & armati, omnes  
 dæmonum assultus, omnes aduersantis mundi machinas, &  
 omnia denique quæ sunt iustitiæ & pietati infesta & inimica,  
 inuicta virtute superare valeamus. Nec virtutibus modò, sed  
 septem illis clarissimis donis suis mentem armat & ornat, vt  
 spontè atque alacriter se regenti spiritui, ad ea quæ voluerit, ac-  
 commodet, & habenis pareat imperantis. His etiam adde sua-  
 uissima, vereque miranda eiusdem Spiritus solatia (propter quæ  
 is Paracleti, hoc est, cōsolatoris nomen sortitus est) quibus pio-  
 rum mentes ita recreat & reficit, vt omnes alias mūdi volupta-  
 tes, omnes opes & honores, atq. postremò terrena omnia fasti-  
 diant, & pro nihilo ducāt. Verissimè enim à D. Bernardo dictū  
 est; Gustata spirituali suauitate desipere omnem carnem. Hinc  
 diuus Augustinus; Qui biberit, inquit, ex fluuio paradisi, cuius  
 vna gutta maior est Oceano, restat vt in eo sitis huius mundi  
 extinguatur.

Bernard.

August.

Postremò, vt vno verbo concludam, cum iuxta Philosopho-  
 rum placita, omne agēs agat sibi simile; quid à Spiritu sancto,  
 mentem hominis in habitante atq. regente, sperandū est, nisi vt  
 hominem sibi similem, hoc est, vt ex carnali spiritualem, ex ter-  
 reno cælestem, atque ex homine quodammodo Deum faciat?  
 Sic autem fit, vt homo pristinam illam Dei imaginem, qua re-  
 cēns conditus fuerat insignitus, recuperet; dum diuinos mores,  
 hoc est, puritatem, innocentiam, iustitiam, misericordiam, be-  
 nignitatem, virtutem & sanctitatem Dei imitatur; illud vide-  
 licet implens quod ab eodem Domino præscriptum est, Sancti  
 estote: quia ego sanctus sum.

Leuit. 12.

Hæc autem præstantissima Dei dona, cuius meritis & preci-  
 bus, nisi Saluatoris & summi Sacerdotis nostri, in nos effusa  
 sunt? Per illū enim (vt Petrus Apostolus ait) cælestis Pater ma-  
 xima & pretiosa nobis promissa donauit, vt per illum efficiamur  
 diuinæ consortes naturæ; hoc est, vt hausto intra nos Spiritu  
 Dei, diuinam puritatem, sanctitatem, & innocentiam in hac  
 vita sectemur. Si quis autem eorum quæ diximus veritatem  
 plenius comprehendere cupit, in tot Martyrum, Confessorum,  
 Virginum, & sanctorum Anachoritarum, & Monachorum vi-  
 tas oculos conijciat: qui cum homines essent, & inter seculi ho-  
 mines

2. Pet. 1.

mines.

mines, simili carnis fragilitate circumdati versarentur: his tamen diuini Spiritus præsidiis atque donis informati atque adiuti, caelestem in terris vitam sic coluerunt, vt vel homines caelestes, vel terrestres Angeli meritò vocati sint.

## II.

His igitur hac ratione breuiter expositis, facile erit intelligere, & quid Euangelium sit, & cur latum nuntium appelletur. Quod enim nuntium latius mundo nuntiari potuit, quàm has tantas diuinorum beneficiorum & gratiarum opes per Christi merita & passionem fuisse nobis exhibitas? Est igitur Euangelium (vt omnia breuiter colligamus) quòd vnigenitus Dei Filius tanto salutis nostræ amore flagrauit, vt propter eam constituendam non dubitauerit ex altissimo gloriae suae folio in terras descendere, humanam carnem induere, inter homines versari; vt nos & doctrinae suae luce erudirer, & clarissimarum virtutum exemplis, ad humilitatis, patientiae & obedientiae, ceterarumq. virtutum studiū excitaret. Euangelium est, quòd non cōtentus humanā carnem induisse, seipsum quoq. in ara crucis immolauit, sanctissimòq. illo virtutū omnium, quae ibi eluxere, sacrificio, pro nostris sceleribus plenissimè satisfecit, Patremq. nobis infensum placauit, & cum humano genere in gratiam & amicitiam reduxit. Euangelium est, quòd caelestis Pater hoc modo placatus, veri Patris & amici officio fungens, gratiarū atq. donorum caelestium thesauros aperuit, & in mundū effudit, Spiritumque suum sanctum è caelis in terram demisit, vt donorum suorum virtute, ea in mentibus nostris operaretur, quae paulo antè cōmemorauimus. Euangelium est, quòd leges suas in corde atq. visceribus nostris insculpsit; quòd abstulit ab hominibus cor lapideum, & dedit eis cor carneum, & Spiritum suū posuit in medio eorum: quo dono effecit, vt in praeceptis eius ambularent, & mandata custodirent. Euangelium est, septem Sacramentorum institutio, per quae caelestis gratiae & meritōrū atq. dolorum Christi participes efficiuntur. Euangelium est caelestis regni apertio: cuius fores ab origine mundi sanctissimis etiam viris occlusae erant. Per Euangelium enim exules reduuntur ad patriam, mortui suscitantur ad vitam, & peccatores vocantur ad veniam. Præterea Euangelium est amoris incendium, quo Dei Filius tanta immensae bonitatis, charitatis & misericordiae suae ostensione, tantaque diuinorum beneficiorum collatione ferreas etiam mentes ad sui amorem inflammauit.

Iere. 13.  
Heb. 4.  
Ezech. 21

Ioan. 3.

Postremò Euangelium est, quod hac breui oratione ipse Euangelij auctor cōplexus est, cum ait: Sic Deus dilexit mundum, vt Filium suum vnigenitum daret. Quis autem oratione consequi possit, quàm multa hoc vno dono contineantur? Sed qui  
filium

filium suum dedit, in quod, quæso, munus & officium ipsa dedit? Certè vt in vno illo haberemus omnia, & vnus ipse nobis omnia esset. Ipse enim est salutis nostræ auctor, libertatis vindex, cælestis doctrinæ magister, morborum nostrorum medicus, rationalium ouium pastor, redemptionis minister; Rex noster. Sacerdos, idemq. sacrificium, aduocatus, Dei & hominum mediator, pater futuri seculi, qui nos in filios adoptauit, & Ecclesiæ atq. fidelium animarum charissimus sponfus, qui eas sibi bonorum omniū communione copulauit. Ad hæc igitur officia omnia dedit nobis cælestis Pater vnicū suum, & (quod omnem superat admirationem) pro nobis illum ad mortem tradidit, vt pretioso eius sanguine nos expiaret, illius meritis nos ditaret, illius humilitate nos exaltaret, illius vulneribus vulnera nostra sanaret, ac postremò illius morte nobis immortalitatem donaret. Vt igitur quæ diximus omnia breuiter colligamus (ne rerum multitudine mentem obruamus) ad duo præcipuè capita tota Euangelij summa reuocanda est: quorum alterum, quid nobis per Euangelij gratiā donatum sit; alterum, per quem & cuius merito ea nobis gratia donata sit, explicat. Collata quidē est nobis (vt diximus) abundantia gratiæ, idque merito pretiosi sanguinis & passionis Christi vel, vt breuius dicam, cōtulit nobis cælestis Pater Filium simul & Spiritum sanctum: quorum alter meruit, quod alter præstitit: quorū alter nos sanguine suo redimeret, alter ductu suo nos regeret, & in cælestis patrimonij possessione collocaret.

Esai. 9.

Cū igitur hæc omnia per Christum nacti simus, cū in illo habeamus omnia, & vnus ipse nobis sit omnia; an non æquum erit, vt cum beatissimo Francisco integras noctes has voces cum summa dulcedine & iucunditate identidem repetamus; Deus meus & omnia, Deus meus & omnia? Quis enim adeò ferreus erit, qui hac tanta diuinæ bonitatis & charitatis ostensione, tantaq. beneficiorum diuinorum exhibitione non liquefiat, non amore æstuet, non se totum in laudes tanti benefactoris effundat? Si enim Christus Dominus his tantis beneficiis ignem venit mittere in terram: quis adeò saxeus erit, qui non hoc igne incendatur? Si qui beneficia in hostem confert, carbones ignis congerit super caput eius; qui fieri potest, vt tanta hæc diuinorum beneficiorum abundantia nos diuini amoris Rom. 12. igne non inflāmet? O si quis sic hoc igne incenderetur, vt Apostolus arsit: qui vbi huiuslærtissimi nuntij summam expoluit, eū dixit; Qui proprio Filio suo non peperit, sed pro nobis Rom. 8. omnibus tradidit illum; protinus diuini Spiritus impetu concitatus, in illam amoris plenissimam vocem erupit; Quis ibidem. nos separabit à Charitate Christi? tribulatio: an angustia?

an



**Pfal. 43.** an fames? an nuditas? an periculum? an persecutio? an gladius?  
 sicut scriptum est: *Quia propter te mortificamur tota die: aesti-*  
*mati sumus sicut oves occisionis. Sed in his omnibus supera-*  
*mus propter eum qui dilexit nos, & cetera quæ sequuntur.*

## III.

Sed dicetis, Si tam felix & faustum est hoc Euangelij nun-  
 tium; quid est in causa, cur ego hoc audiens non præ latitiæ  
 magnitudine gestio? non totus in tantæ salutis auctorem præ  
 amoris magnitudine liqueſco? cum tamen, si mihi amplum  
 aliquod beneficium à Rege collatum sit, vix me præ latitiæ  
 magnitudine continere valeam? Ad hoc, fratres, cum Apostolo  
**2. Cor. 2.** facile respondemus. animale hominem non percipere ea quæ  
 sunt Spiritus Dei. Cum enim ex hominibus quidam carnales  
 & animales, quidam verò spirituales sint; hi quidem carnalia  
 fastidientes, & pro nihilo ducentes, sola spiritualia (quæ sum-  
 mo in pretio habenda esse sciunt) omni studio conſectantur:  
**Philip. 3.** sic Paulus omnia arbitrabatur, ut stercora, quo Christum lucrifaceret:  
**AA. 8.** sic etiam estimabat Eunuchus ille Candacis Reginae  
 Aethiopum: qui ubi Philippum evangelizantem, & peccato-  
 rum veniam, atque aditum regni cælestis per Christum sibi  
 promittentem audiuit, suscepto salutari lauacro ibat per viam  
 suam, gaudens quòd hoc faustissimum atque felicissimū Euan-  
 gelij nuntium accepisset. Ceterum carnales homines spiritua-  
 lia bona fastidientes, sola carnalia (quæ carni familiaria & cog-  
 nata sunt) degustant, sola captant, sola sitiunt. Quod planè  
**Rom. 8.** Apostolus apertè confitetur, cum ait: *Qui secundum carnem*  
*sunt, quæ carnis sunt, sapiunt: qui verò secundum spiritum sunt,*  
*quæ sunt spiritus, sentiunt. Quod cum ita sit, quid mirum si*  
*carnales homines hoc lato Euangelij nuntio (quo spiritualia*  
*atque inuisibilia nobis bona conferuntur) nullum latitiæ affe-*  
**Simile.** *ctum in pectore carnali excitent? Quemadmodum enim iumen-*  
*ta hordeum malunt quàm aurum; quòd auri pretiū non agno-*  
*ſcant: ita isti, velut muta quædam pecora, carnalia bona spiri-*  
*tualibus præferunt.*

Adde etiam, quòd diuina beneficia nemo pro meritis æsti-  
 mare potest, nisi qui eorundem beneficiorum valorem & digni-  
 tatem agnoscit. Hac autem cognitio non omnium est, sed eo-  
 rum qui cum Apostolo dicere possunt: Nos autè non spiritum  
**1. Cor. 1.** huius mundi accepimus, sed spiritum qui ex Deo est: ut scia-  
 mus quæ à Deo donata sunt nobis. Sine hac autem cognitione,  
 diuina beneficia adeò non iuvant, ut interdum etiam in maio-  
 rum damnationis cumulum ingratis mentibus cedant, quòd  
 perceptis beneficiis minimè respondeant. Quocirca nihil mi-  
 rum, si, qui vitio suo hoc cælesti lumine destituti sunt, nullam

ex faustissimo Euangelicæ gratiæ nuntio lætitiā capiant. Quid, quæso, graui vulnere sauciatus magis quàm chirurgi manum etiam cruciantē optat? At pueri infantes cū simili morbo laborant, neque hanc opem requirunt, immo etiā cū chirurgus adest, flere & vociferari incipiunt. Idē igitur grandæuis istis pueris contingit, qui vt peccatorum suorum vulnera non sentiunt, itā nec celestis medici remediū pro dignitate æstimare sciunt.

Simile.

Quam rem præsentis quoque Euangelij exemplo confirmare licet: in quo Christus Dominus Abraham atque Davidis filius esse dicitur; cū tamen non minus aliorum quoque filius sit qui in eadem serie numerantur. Cur igitur horum magis quàm aliorum filius dicitur? Certè quia his præcipuè magnificentissima hæc de Christo promissio facta est, cuius ipsi dignitatem agnouerunt, & meritis pro eo gratias egerunt, cuiusque cum primis gratiæ participes effecti sunt. Abraham enim exultauit vt videret diem Christi. David autem dixit, se cor suum ad orandum inuenisse cū primū hanc à Domino promissionem accepit. Horum ergo aliorumque similium præcipuè Christus Dominus filius dicitur: eorum autem qui impiè vixerunt, filius quidem secundū carnem est, sed illis tamen promissus fuisse non refertur. Per os igitur Christus Dominus ad nos, velut aqua per canales transiit, quæ nullum eis beneficium contulit; per illos autem quasi per areolas, variis florum atque arborum plantis consitas, quæ illas humoris sui beneficio aluit atque nutrit.

Ioan. 8.  
1. Reg. 7.

Simile.

Idemque de statu hominum qui hoc reuelatæ tempore gratiæ viuunt, pronunciandum est. Dicit enim fortasse aliquis: Si tam copiosum gratiæ munus per Christum in nos effusum est; cur ego huius tanti beneficii expers sum? cur me lux ista non irradiat? cur non fores meas vel oclusas etiam penetrat? cur ab ista salute & iustitia quam Christus attulit in mundum, nulla ad me particula peruenit? Simili ratione his quoque respondere possumus. Quibusdam enim verè & venit & passus est Christus: qui eius videlicet beneficiis, salutaribusque remediis ad salutem suam vtuntur; quibusdam verò necdum aduenisse videtur; qui videlicet non magis eius beneficiis potiuntur, quàm si prorsus non venisset. Quid enim mihi doctrina Christi conferrat, quam nunquā attingo? quid clarissima virtutum eius exempla, quæ nunquam recolo? quid eius passio, cuius acerbiteram nunquam ad mentem reuoco? quid Sacramenta, ad quæ vix vnquam, nisi coactus, accedo? quid gratia, quæ per ipsum mundo data est, quam vix vnquam piis precibus deosco? Itaq; perinde ad me magnus ille cælo venit medicus, ac si omnino non venisset: quando eius ego præceptis & medicamentis vtī nolo.

Tom. 6.

R. R.

Ipse

Ipse ergo se interimit quil (vt D. Aug. ait) præcepta medici seruare contemnit. Quam ego lucem ex orientis Solis ortu percipere potero, si in tenebris manens oclusas vbique fores teneo, nec vllum ad me aditum præbeo? Non enim Christus sanat inuitos, non placitis illius obistentes, non oblatam lucem repudiantes; sed eos qui vulneris sui remediũ non aspernantur, diffusumq; lumen libenter accipiunt. Hoc autẽ ipse apud Esaiam testatur cũ ait; Spiritus Domini super me; ad annuntian-  
**Esaiæ 41.** dum mansuetis misit me, vt mederer contritis corde. Quid autem per contritos corde, nisi eos qui vulneris sui periculum & agnoscunt & sentiũt, & lachrymis prosequuntur, & remedium flagitant, intelligimus: Hos enim celestis hic Medicus curat, his gratiã suã opes impartitur. Cæterũ ingratos, desides, & rebelles tantũ abest vt hoc summum beneficium iuuet, vt maiorem etiam illis damnationis occasionem præbeat. Hinc Apostolus; Irritam quis faciens legem Moyssi, absque vlla misericordia duobus vel tribus testibus moritur: quãto ergo deteriora putatis mereri supplicia, qui Filium Dei conculcauerit, & sanguinem testamenti, in quo sanctificatus est, pollutum duxerit, & Spiritui gratiã contumeliam fecerit? Ille autem Filium Dei conculcat, qui ea quæ ille pro tuenda eius salute in terris operatus est, parui pendit. Ille verò sanguinem eius polluit, qui nihilo magis pretiosum eius sanguinẽ, quàm arietum aut agnorum sanguinem in terra fustum curat; neque vllas pro tanto redemptionis beneficio gratias agit. Ille verò Spiritui gratiã contumeliam facit, qui eius ductui & vocationi obstitit, qui imperium repudiat, eiusque pretiosa dona despicit atque contemnit. Si ergo qui legi recta monenti, neque tamen spiritum, aut gratiam conferenti, non parer, capitis reus est; qua tandem pœna plectendus erit, qui non scriptam legem, sed Dei Filium, sed eius sanguinẽ, sed ipsum etiam Spiritum sanctum contemnit, & pro nihilo ducit? Videtis ergo, fratres, quod initio diximus, non amoris solum, sed timoris etiam materiam nobis redemptionis nostræ beneficium præbere? Terrer enim illa Domini  
**Lucæ 21.** vox; Cui commendauerunt multum, plus exigent ab eo.

### III.

Sed iam tempus est, fratres, vt à nobis ipsis oculos deflectentes, ad sacratissimam Virginem, cuius hodie natiuitatẽ celebramus, eos conueramus; quamuis hæc ipsa quæ diximus, magna ex parte ad illius gloriam referantur; quando ipsa non parum ad salutis & redemptionis nostræ beneficium contulit, quæ Redemptori nostro carnem & sanguinẽ, quem pro nobis immolaret, ministravit. Hodie igitur cũ eius natiuitatem celebramus, redemptionis nostræ exordiũ recolimus; quando hodie mulier  
 illa



illa in mundum venit, cuius semen serpentis antiqui regnum & potentiam erat euerfurum. De qua quicquid in eius laudem dicere possumus, minus est quàm quod in fine huius Euangelij Matthæus subiecit, cum ait; *De qua natus est Iesus, qui vocatur Christus.* Huius enim dignitatis magnitudo facit, ut nulla mortalis lingua eius laudibus par esse queat. Hinc D. Aug. Loquamur, inquit, aliquid, fratres, in laudibus beatissimæ Virginis. Sed quid nos pusilli, quid actione tãtilli, in laudibus eius referemus, cum et si omnium nostrum membra verterentur in linguas, eam laudare sufficeret nullus? Altior cælo est de qua loquimur; profundior abyssus de qua dicere conamur. Si ea igitur cælo altior est, sola cælestis lingua illa pro dignitate laudare poterit. Quod quidem paucis Euangelista præstitit, cum de illa natum mundi Saluatorem esse dixit. Quid enim hac materna dignitate sublimius? De quo quidem nihil maius lingua mortalis effari potest, quàm quod Deus sit. Hoc enim solo nomine omnia laudum & virtutum eius insignia continentur. De femina autem nihil maius dici potest, quàm quod sit mater Dei. Hac vna ratione, fratres, Virginis dignitatem utcumque æstimare poteritis; quod videlicet femina quædam illum, cælorum & Angelorum Dominum; illum, ante cuius conspectum condita omnia, siue cælestia, siue terrestria, exigui pulueris instar sunt; illum, cuius gloriam supernæ virtutes, & Angelicæ potestates trementes admirantur; illum, cuius immensam altitudinem Cherubin, & Seraphin obstupescunt; illum, qui in sublimi loco positus, immenso atque infinito interuallo omnia quæ condidit, suis pedibus subiecta videt, eademque solo nutu gubernat & continet; hunc, inquam, tantum Dominum mulier quædam, inter omnes mulieres felicissima, plena voce filium appellare audet. Sic enim illum vocauit, cum post triduum inuento dixit: Fili, quid fecisti nobis sic? Et quomodo ipsa filium audacter & glorianter appellat; ita is eam matrem charissimam atque dignissimam sine vilo rubore prædicat & confitetur. Quid igitur hac dignitate sublimius? Si ex fructu cognoscitur arbor; qualis illa arbor existit, quæ talem mundo fructum protulit? Si malograna-  
simile.  
 nata ex malogranato, & mala punica ex malo punico nascuntur; unde Deus nisi ex diuina quadam femina nasci debuit? Hæc est enim arbor illa de qua Isaias multo antè vaticinatus fuerat: Egredietur virga de radice Iesse, & flos de radice eius ascendet. Radix, familia Dauidis est; virga, Maria; flos Mariæ, Christus. Qualis ergo nobilis hæc virga sit, ex flore, quem protulit, diiudicandum est. De eadem quoque femina Ieremias ait: Nouum fecit Dominus super terram; femina circumdedit vi-  
Isaiæ 12.  
Ierem. 3.  
 rum. Verè nouum, & nusquam antea in mundo visum, quod sola  
 R R 2 femina

femina sine ullo viri consortio intra viscera sua circumdederit virum. Magna sanè feminæ gloria, illum intra se continere,

1. Reg. 8.

quem (vt Salomon ait) cælum & cæli cælorum capere non possunt. Sed vtrum maius ac mirabilius, quòd femina Deum circumdederit, an quòd Deus ipse feminam circumdet? In Apo-

Apoc. 12.

calypti enim vidit Ioannes mulierem Sole amictam, cuius pedibus Luna substrata erat. Sol autem iustitiæ Christus Dominus est. Quo quidem Sole sanctissima hæc mulier amicta fuit, quæ vndique diuinæ lucis præsidis vallata erat; ne in eius mentem, aut vllum culpæ contagium, aut vlla terrenæ cogitationis labes ullo modo posset irrepere, sed quidquid in ea esset, totum esset diuinum atque cæleste. O verè beata mater, quæ tota intus & foris, in corpore & anima, Deo plena fuisti! Deus enim extra te, Deus supra te, Deus ex te, Deus intra te. Verè enim Deus est extra te, circumdans; Deus supra te, protegens; Deus ex te, nascens; Deus intra te, dulciter requiescens. Quam autem luce, quibus splendoribus purissima illa mens irradiaretur, quæ tota Sole amicta erat? Quo verò diuini amoris igne flagrabat, quæ huic Soli, hoc est, amoris fonti, adèd propinqua erat? Quid autem ex flagrantissimo hoc diuini amoris igne consequi poterat, nisi vt Lunam, hoc est, totum hunc inferiorem mundum, variis mutationibus, instar Lunæ, obnoxium, subiectum teneret? Hoc autem modo tenebat, quæ præ diuini amoris magnitudine omnem mundi gloriam, quam Reges & Principes mundi tanti faciunt, pro nihilo putabat; hoc modo tenebat, quæ tota rerum cælestium contemplationi semper intenta, nulla huius mundi cura aut cogitatione tangebatur; hoc modo tenebat, quam neque aduersa huius mundi tristem, neque prospera lætam faciebant, sed omnibus rebus mundi superiù facta, velut supra lunare cælum (quò nulla corruptionis vicissitudo pertingit) degere videretur. Talem igitur decuit esse feminam, quæ ipsum mundi Conditorum ac Dominum, filium suum poterat appellare. Cuius incomparabilem sanctitatem Euangelicæ gratiæ magnitudo (quam hætenus descripsimus) magna ex parte declarat. Ab hac namque gratia hæc tanta Virginis sanctitas emanauit, quæ Spiritus sancti primitias omnium prima recepit: salutis enim, quam ipsa per filium mundo attulit, vberissimum ante omnes alios fructum percipere debuit.

Deut. 15.

Olim Dominus in lege præceperat, ne trituranti boui os alligaretur; neque enim æquum esse videbatur, vt animal quod parandis frugibus tantopere deseruit, laborum suorum expers esset; aut arcta mensura aleretur, qui copiosam aliis messem tribuit. Nunquid igitur (vt Apostolus ait) de bobus cura est Deo? an non hæc propter homines lata à Deo lex est?

1. Cor. 9.

Cum

Cum igitur hæc sanctissima Virgo tota vita in redemptionis humanæ obsequio deseruierit; quæ non modò ( vt paulo antè diximus ) carnem & sanguinem ex immaculatis visceribus suis Christo Redemptori præbuit, quam pro nobis offerret; sed ipsum etiam redemptorem ab incunabilis enutriuuit, aluit, ipsique studiosissimè seruiuit; cur os eius alligandum erat? Cur redemptionis fructus communi aliorum sanctorum mensura illi tribuendus erat, quæ & sibi, & aliis tantopere in hoc commune salutis negotium incubuit?

Quin & illud hanc causam maximè probat, quod Saluator ait; Qui recipit Prophetam in nomine Prophetæ, mercedem Mat. 10. Prophetæ accipiet. Cur ita? Certè, quia qui celestis doctrinæ ministrum domi recipit, & fouet, ei que ad victum necessaria ministrat, cum ipso quoque Propheta ad officij sui ministerium, qua ratione potest, cooperatur. Quocirca sicut hæreticorum fautores, hæreticorum pœna puniuntur: ita contrà Prophetarum receptores & adiutores, æquum est vt Prophetarum premiis afficiantur. Si ergo sacratissima hæc virgo tantum in redemptionis nostræ opere præstitit, æquum profectò est vt post ipsum Redemptorem & singularem in hoc seculo nominis sui gloriam, & copiosissimum atque vberimum redemptionis fructum percipiat.

Diffimile

Hanc igitur, fratres, celestis gratiæ inuentricem, & redemptionis nostræ adiutricem, supplicibus votis veneremur, ipsamque vt redemptionis nostræ ministram piè colamus; ipsam vt iudicis matrem, & peccatorum aduocatam, in omni calamitate inuocemus; eius singulares virtutes, ac præcipuè immaculatam castitatem, castissimam humilitatem, flagrantissimam charitatem, perfectissimam obedientiam, purissimam innocentiam, ac postremò erga omnes miseros misericordiam ( quatenus infirmitati nostræ licuerit ) imitari studeamus; certissimum fore sperantes eos qui similiore illi in hac vita fuerint in vitæ puritate atque innocentia, similiore etiam futuros in sempiternæ felicitatis beatitudine & gloria.



IN FESTO BEATI MATTHÆI  
APOSTOLI ET EVANGELISTÆ CONCIO  
prima; in qua lectio Euangelica explanatur.

THE. *Prateriens Iesus vidit hominem sedentem in telonio,  
Matthæum nomine. Et ait illi, Sequere me. Et surgens,  
secutus est eum. Matth. 9.*



REFERUNT historię Gentilium, Apellem illum inter pictores veteres celeberrimum, vbi perfectissimum Helenę Reginę simulachrum absolvisset, sui quoque ipsius imaginem in eadem tabula ad viuum expressisse; quo & opus illud in signe, & operis artifex posteritatis memorię commendaretur. Hoc mihi sanctus Euangelista Matthæus fecisse videtur; qui vbi totius vitę Domini Saluatoris imaginem diuinis coloribus adumbratam ad omnium fidelium salutem & institutionem velut in tabula quadam proposuisset, se quoque ipsum, hoc est, admirabilem vocationem suam apertissima oratione descripsit. Qua in re tantum abest, vt hac historia gloriam suam, quemadmodum Apelles, quęsierit, vt cum officij sui, quod exercebat, ignominia, nomen quoque suum (quod ceteri Euangelistę honoris eius gratia tacerunt) expresserit. Cum enim Sanctis omnibus hoc semper propositum fuerit, vt Domini sui gloriam cum sua etiam ignominia quęrerent, quicquid ad eius gloriam amplificandam pertinebat, magnis vocibus prædicare curabant. Cum autem ingens diuinę bonitatis & potentię gloria sit, ex vili rudique materia opus efficere præstantissimum; ideo non solum quales ipsi facti à Deo sint, sed quales antea fuerint, diligenter conscripserunt. Sic Paulus se Ecclesię persecutorem, blasphemum, & peccatorum omnium primum aperta voce pronunciat; vt hac ratione appareat, quantę bonitatis & potentię fuerit, hoc vas irę & cõtumelię in vas electionis & gratię transformasse. Sic & Matthæus se publicanum fuisse: ac per id temporis ad telonium sedisse, & debitorum rationes computasse scribit, cum ad Euangelici & Apostolici muneris functionem est à Domino ineffabili & gratuita pietate vocatus. De hac igitur mirabili vocatione hodie dicturi, cœlestem opem sacratissimę Virginis interuentu, suppliciter imploremus.

A V E M A R I A.

Inter ea quę Dñs partim admirandis operibus, partim sacrarũ litterarũ testimoniis nos docere voluit, hoc vel maximũ est,  
vt om-

vt omnes apertè intelligamus, quæcunque habemus, siue natura, siue gratiæ, siue quæ vulgus appellat fortuna bona, eiusdem esse gratuita beneficia. Vult igitur vt apertè intelligamus, eius beneficium esse, quod viuimus, quod mouemur, & sumus; eius Act. 17.  
 esse corpus & animã, quamuis in corpus nostrum efflavit; eius esse vitam, salutẽ, vires, opes, facultates, & quicquid ad corporis vsum pertinet; quodque his omnibus præstantius est, eius esse si quid rectè & cum pietate gerimus, loquimur, & molimur. Hoc Eccli. 2.  
 autẽ ita esse Ecclesiasticus docet his verbis; Bona & mala, vita & mors, paupertas & honestas à Deo sunt. Sapientia, & disciplina, & scientia legis apud Deum. Dilectio & viæ bonorum apud ipsum. Hoc item longa oratione S. ille Iob cum Domino agens constititur his verbis: Manus tuæ Domine fecerunt me, Iob 10.  
 & plasmauerunt me totum in circuitu; & sic repentẽ præcipitas me? Memento, quæso, quod sicut lutum feceris me, & in puluerem reduces me. Nõne sicut lac multisti me, & sicut caseum me coagulasti? Pelle & carnibus vestisti me, ossibus & nervis compegisti me, vitam & misericordiam tribuisti mihi, & visitatio tua custodiuit spiritum meum. Hac igitur oratione vir sanctus quicquid in se habebat, vni Deo acceptum referebat. Sed cum omnia quæ habemus, in illius muneribus & beneficiis numeranda sint, hoc tamen dona gratiæ præcipuè sibi vindicant. Vsq̃ue adeo enim quicquid rectè gerimus, illius est, vt ne cogitare quidẽ aliquid piè & sanctè sine eius gratiæ ope valeamus. Non enim sufficientes sumus cogitare aliquid ex nobis tanquam ex nobis, sed sufficientia nostra ex Deo est. Idemque Apostolus 2. Cor. 9.  
 alibi, Cum merui, inquit, & tremore vestram salutem operamini; Deus est enim qui operatur in vobis & velle, & perficere, pro bona voluntate. Quibus verbis non solũ bona opera, sed sancta etiam desideria diuinę gratiæ beneficia esse constititur. Cælestis verò Magister appositissima similitudine hæc omnia cõplexus est, cum ait; Sicut palmes non potest ex se ferre fructum, nisi Iohn. 15.  
 manserit in vite; sic nec vos, nisi in me manseritis. Et mox, Sine me, inquit, nihil potestis facere. Deniq; sancti omnes in patria, vbi clarissimo diuinitatis lumine fuerint illustrati, adeo apertè hoc ipsum intelligēt, vt ad Dominum dicturi sint: Omnia opera nostra operatus es in nobis Domine. Verè enim bona opera, Ibidem.  
 quæ ipsi fecimus, magis Dei quàm nostra dicenda sunt; propterea quod est præcipuus auctor extiterit, nos verò velut instrumenta quadam ratione fuerimus, quæ ab illo ad bene agendum mota sunt. His igitur sanctarum scripturarũ testimoniis, & multis aliis, quæ referre non est necesse, non obscurè Dominus declarat, omnia bona nostra, ac præcipuè iustificationis gratiam, & æternam salutem, eius esse singularia dona. Esaia 26.

- Nec his tamen testimoniis & oraculis contentus, ipsis etiam operibus hoc aperte demonstrat, cum non modò ad gratiam suã, sed ad sublimes quoque Ecclesiæ suæ dignitates, multos hominum, nullis meritis præcedentibus, sola electionis suæ gratia vocaverit. Cuius rei multa & quidem clarissima exstant exempla. Cum Moyses in terra Madian propter admissum homicidij crimen profugus habitaret, sacerique sui oves in deserto pasceret, ad altissimum dignitatis gradum penè inuitus & modis omnibus reluctans à Domino electus est. David, dum idè officium exercebat, non modò ad regni solium euocatur, sed etiam Amos 7. Spiritu sancto repletur. Amos rusticus & armentarius, & ruborum mora distringens, prophetico spiritu donatur. Sed hæc in veteri Testamento. Quid in nouo, in quo meretur tam magno dilectionis & contritionis spiritu repletur, ut oculorum suorum fluentis pedes Domini potuerit abluere? In quo etiam latro, ob insignia latrocinia morti adiudicatus, tam potenter à Domino vocatus, tantaq; luce subito completus est, ut supplicij sui consortem aperta voce cælorum Regem confiteretur; & eo tempore confiteretur, quo Apostoli tot inspectis antè miraculis partim fugerant, partim etiam eum negauerant. Sed ad Apostolos venio. Quid promerebantur Petrus & Andreas mittentes rete in mare, cum à Domino audierunt; Venite post me, & faciam vos fieri piscatores hominum: hoc est, faciam vos humanæ salutis auctores, Ecclesiæ principes, luminaria mundi, sal terræ, diuinorum arcanorum interpretes, seculi iudices, & cælestium thesaurorum dispensatores? Quid etiam merebantur Iacobus & Ioannes, cum in reficiendis retibus occupati, ad eundem dignitatis gradum à Domino cooptantur? Quod si hæc parua sunt; quid merebatur Paulus, cum spirans minarum & cædis in discipulos Domini, Christum persequeretur, & nascentem Ecclesiam, furore infidelitatis ebrius, vbique locorum deuastaret? Mille certè gehennæ huic tâto sceleri impares esse videbantur. Sed ô immensa & verè prædicanda diuinæ clementiæ largitas! Quo tempore ille terra dehiscente in tartarum deturbandus erat, rapitur in paradysum, fit Apostolus, & magister Gentium, & audit arcana verba, quæ non licet homini loqui. Quis in hoc opere admirando immensas diuinæ gratiæ opes non agnoscat? Veniamus ad beatum Matthæum; cuius hodie festum celebramus. Quid is agebat cum ad Apostolici & Evangelici muneris functionem vocatus est? Nempe ad telonium sedebat, & Publicanorum officia exercebat, qui vectigalia ab hominibus extorquebant magis quàm exigebant. Quod quidem munus (preterquam quòd vix sine peccato & pauperum oppressione exerceri potest) vsque adeò infame apud populū habebatur, ut eum
- idem



idem Saluator profligatissimum hominem significare vellet, Ethnicum & Publicanum appellaret. Quod autē ad telonium Mat. 28. non stare, sed sedere perhibetur, fortasse indicat quā secura mente turpi lucro & officio operā daret. Tres enim peccatorum gradus initio statim primi Psalmi interpretes observant. Alij Psalm. 1. enim abeunt in viam peccatorū, alij stant, alij sedent. Hæc autem sessio magnam in pravis operibus animi securitatem designat. Hoc autem modo mihi Matthæus ad telonium sedere videbatur, cum est à Domino vocatus. Nihil enim minus tunc temporis animo tractabat, quā quod illi ex immensā Dei bonitate concessum est. O si nunc mihi ea mens à Domino concederetur, quā intelligere possem, quo affectu, quā deuotione sancti Euangelistæ anima perculsa fuit, cum hanc admirandæ vocationis suæ historiā adeo simplici & breui oratione describeret. Cum enim ad mentem reuocaret, in quibus tenebris tam diu vixisset, seq; nihil minus aut cogitantem, aut curantem, sola vocantis Domini misericordia, ad tam amplum dignitatis gradum vocatum fuisse, vt ex Publicano Apostolus; ex terrenorum bonorum dispensatore, arcanorum cælestium doctor fieret; quo putatis illum animo, quā mente, quo affectu erga illum fuisse, qui tanto se munere donauerit? An non igitur satis his exemplis constet, singularem iustificationis gratiam, & salutem nostram, magnificentissimum diuinę benignitatis opus esse?

Nec solum prima iustificationis gratia, sed quicquid etiam in gratia cōstituti piē agimus & molimur, eiusdē misericordiæ beneficium est. Vt enim non satis est vigentes & sanos oculos habere, quo aliquid videamus, nisi aliunde adsit lux, quæ oculis obiecta illuminet; ita non satis est vt piē aliquid faciamus, mentem sanatā esse per gratiā, nisi adsit etiam interna vis Spiritus sancti, quæ nos ad operandum excitet, & nobiscum etiam coopere- Simile. tur. Quemadmodum enim rerum naturalium formæ (quamuis Simile. alioqui in suo quæq; genere perfectæ sint) efficere tamen per se nihil possunt, nisi adsit illis generalis primæ causæ omnia mouentis virtus; ita quamuis gratia in genere suo perfecta forma sit, nihil tamen homo æterna vita dignum efficere poterit, nisi cum illa auctor ipse gratiæ singulari quadam virtute atq; ratione cooperetur. Nec enim fas est, vt quā virtute Dñs adest animantibus vt scetificent, & plantis vt fructificent, eadē adsit animæ opera æterna vita digna molienti. Alia enim virtute ad finem naturalē, alia ad supernaturalē; nempe supernaturali opus est; cum finis, & quæ ad finem ordinantur, eiusdē ordinis atq; dignitatis esse debeant. Vnde liquet, non modō iustificationem nostrā, quā prima gratia donatur, sed quicquid etiam post primam gratiā cum pietate agimus, diuinę clementiæ munus esse.

Quid igitur, fratres, ex hac philosophia tot testimoniis & exemplis confirmata sequitur? Primum quidem, ut quicumque peccati iugum à vobis excussistis, & ad iustitiæ ac pietatis studium translati, veteris vitæ sceleribus renuntiastis, quicumque omnia prius perpeti, quàm lethale aliquod crimen admittere parati estis, quicumque salutis vestræ negotium rebus omnibus antefertis, nihilque apud vos prius est, quàm Domino Deo vestro famulari, illum diligere, illi obsequi, illius leges & mandata servare; hæc, inquam, omnia immensa diuinæ bonitatis liberalitati accepta ferre debetis. Fateor quidem neminem per hæc, fidei certitudine scire posse se esse diuinam gratiam consecutum: cum nemo scire possit, utrum odio vel amore dignus sit; nihilo minus tamen hæc ipsa non vulgaria diuinæ gratiæ indicia & argumenta sunt, quæ magnam piis hominibus consolationem præbent, & in certissimam spem salutis erigunt.

Eccle. 9.

Ex hac item philosophia multa alia ad salutem nostram maxime necessaria consequuntur. Hinc enim primum vera cordis humilitas manat. Qui enim apertè intelligit, bona omnia quæ habet, à Deo se habere; qua fronte animo erigi & gloriari poterit, cum sibi ipsi illud Apostoli dicere possit, *Quid habes quod non accepisti? si autem accepisti, quid gloriaris quasi non acceperis?* Itaque hac ratione humilitatis virtute in animo constituta atque firmata, magnus ab ea hostis, nempe superbia, eliminatur; qua superbus homo sic diuinis abutitur, quasi illa non à Deo, sed vel à fortuna, vel à seipso receperit.

1. Cor. 4.

Deinde ex hoc eodem fonte manat gratus in Deum animus, à quo videlicet, tanquam ab omnium bonorum fonte, vitam, salutem, vires, opes, & pia cuncta opera & desideria profecta esse cognoscimus. Hinc prodeunt illæ voces, *Repleatur os meum laude, ut cantem gloriam tuam, tota die magnitudinem tuam.*

Psal. 70.

Psal. 102. Et, *Benedic anima mea Domino, & omnia quæ intra me sunt, nomini sancto eius. Benedic anima mea Domino, & noli obliuisci omnes retributiones eius.* Præterea hæc eadem Philosophia stimulos dilectioni erga Deum addit. Si enim (ut Ecclesiasticus ait) secundum ligna siluæ ignis excitatur, quantus diuinæ dilectionis ignis in ea mente exardescet, quæ se tot diuinis beneficijs obfessam, ac penè obrutam videt, quæ quocunque oculos conuerterit nihil aliud quàm ingentem siluam, & innumera diuinorum beneficiorum signa contempletur? Quomodo enim non vitam suam eius obsequio mancipabit, qui se solo eius beneficio, & in lucem produisse, & viuere, & spirare intelligit? Si enim rectè à Philosophis dictum est, Beneficium qui accipit, libertatem amittit: &, *Qui beneficia inuenit, compedes intuenit;* quo modo sui iuris se esse patietur, qui se totum

Eccli. 28.

Deo

Deo debet? Quid? quod ex hoc etiam fonte manat, ut homo supplicem se ac deuotum illi exhibeat, à quo quæ sibi defunt, bona sperare debet? Quisquis enim apertè intelligit, bona omnia ab illo inexhausto bonorum omnium fonte manare; quo tandem, ubi se multis rebus, quæ ad bene beateque viuendum necessariae sunt, nudatum cernit, nisi ad illum confugiat? A quo enim præterita bona, quæ possidet, manarunt, futura etiam, quibus eget, manare debent. Videtis igitur quàm præclara virtutum documenta ex hac Philosophia consequantur; ad quæ tractanda occasionem nobis gratuita Matthæi cæterorumque Apostolorum vocatio præbuit.

## I.

Sed quoniam vocantis Domini gratiam vidimus, vocati alacritatem & obedientiam expendamus. Quam quidem Matthæus ipse tacuit; Lucas autem expressit, dicens, illum relictis omnibus secutum fuisse Dominum; hoc est, reliquisse propria, qui fortè rapere solebat aliena. Tanta enim diuini Spiritus vi à Domino tractus est, tantoque sequendi illum ardore flagrauit, ut non cum pecuniarum amor, quas habebat, non lucra quæ sperabat, non reddendæ rationis vectigalium cura, non hominum iudicia, non Phariseorum obreccionibus à sequendo Christum detertere potuerint.

Lucæ 5.

Sed hic fortasse aliquis cum tanta alacritate hunc Publicanum videat vocanti Domino paruissè, quæret, quid sit in causa, cum Dominus, qui vult omnes homines saluos fieri, omnes ad sese incessanter vocet; alij quidè promptè & alacriter vocantem sequantur, alij verò sequi renuant? Duo sunt, quæ huic quaestioni responderi solent; quorum alterum ad hominum, alterum ad diuinæ vocationis & auxilij discrimè pertinet. Cum enim omnes homines arbitrij libertate præditi sint; quidam hac libertate rectè vtentes vocanti Domino consentiunt, seseque illi obsequentes & morigeros præbent; alij contrà ea abutentes obedire rennuunt; qui in vacuum gratiam Dei recipiunt. Quam rem Diuus Augustinus Pharaonis & Nabuchodonosoris exemplo confirmat; quorū vterque à Deo vapulans & plagis excitatus, alter quidem durior effectus in mare mergitur, alter emendatus reuocatur ad regnum; quia ille præuè, iste rectè libertate sua, & diuinæ vocatione vsi sunt. Deinde id etiam prouenit ex diuinæ vocationis, diuinique auxilij varietate. Duo enim auxiliorum genera Theologi statuunt, quibus Deus homines ad se vocare solet; quorum alterum sufficiens appellant, alterum superabundans, quodque omnem superat duritiem. Et quidem priori illo auxilio excitati homines, aliquando conuertuntur, aliquando conuerti rennuunt; hoc autem posteriori, quoniam

1. Tim. 2.

1. Cor. 6.  
August.Exod. 14.  
Dan. 4.



August.

quoniam maioris gratia & virtutis est, nemo non conuertitur. Vnde D. Augustinus de hoc auxilij genere loquēs, ait: Hęc gra-

Gen. 19.

tia à nullo duro corde respuitur; quia ideo datur, vt duritia cordis penitus auferatur. Viriſque verò auxilij vim atq; naturam vobis aperiffimo exemplo commonſtrabo. Monet Angelus Domini iuſtum Lot vt è Sodomis egrediatur, ſecumq; filias & generos educat; quòd Dominus ciuitatem illam demoliri ſtatu-  
erat. Hoc ille nuntium ad generos detulit, qui tamen viſus eſt eis quaſi ludens loqui, & ideo ab eis contemptus atque negle-  
ctus fuit. Cùm autem Angeli iſtarent atque vrgerent, iſq; vt generos ſeruaret, moram faceret, apprehenſum Angeli foras eduxerunt, & vt ſeipſum in monte ſaluum faceret, monuerunt. Hoc igitur exemplo cernitis, fratres, & ſanctum Lot, & generos eius fuiſſe imminētis periculi admonitos, ſed aliter ille, aliter iſti. Iſti namque, ſi opportunè monenti obtemperare humiliter voluiſſent, à periculo liberarentur; ille verò cùm exire diſſimula-  
ret, ab Angelis apprehenſus, extra periculum poſitus eſt. Ad hunc ergo modum Dominus omnes homines à gehennæ in-  
cendiis, & peccati morte liberare volens, quòſdam quidem ſuffi-  
cienti auxilio vocat, quo poſſent à peccato ſurgere, ſi velent; quorū tamen multi (vt iſti generi Lot) ſurgere nolunt, alios ta-  
men ſecundum voluntatis ſuæ beneplacitū maioribus auxiliis, vehementioriſq; impulſu vocat, qui ſic à diuina gratia præuenti,  
& potenter excitati, ſemper vocanti Domino parēt. Et quidem prius illud auxilium ad omnes homines quàm latiffimè patere Theologi definiunt; nec id quidem temerè faciunt, vt quidam iſi merito reprehendunt. Quid enim aliud illa Salomonis ver-  
ba indicāt; Sapientia foris prædicat, in plateis dat vocem ſuam,

Prou. 7.

in capite turbarum clamat, in foribus portarum vrbs profert verba ſua, dicens: Vſquequò paruuli diligitis infantiam? &c. Quibus verbis aperte indicatur, nō minùs à diuino lumine col-  
luſtrari animas, quàm à radiis Solis illuminari corpora. Nec

Ioan. 1.

enim minus latè patet lux Solis iuſtitia, qui illuminat omnem hominem venientem in hunc mundum, quàm huius corporei ſolis lumen, qui flammis ſuis omnia terrarum opera luſtrat.

Cæterum poſterius hoc auxilium ad pauciores ſpectat, ad il-  
los videlicet, quos diuinæ gratiæ liberalitas hoc tanto munere donare dignatur; quæ cùm nemini ad ſalutem deſit, nulliq; iniuriam faciat, qui nihil cuiquam deber; ſalua integritate iuſti-  
tiæ, quòſdam illo, quòſdam hoc ad ſe auxilio vocans, nec illis accuſandæ ipſius iuſtitia; anſam præbet, & iſtis ampliffimam prædicandæ eius miſericordiæ materiam tribuit. Hoc igitur ſu-  
perabundanti auxilio & Matthæus Euangelifta, & cæteri Apo-  
ſtoli à Domino vocati ſunt. Quod idem ipſe Dominus teſtatur,  
cùm

cum ait: Non vos me elegistis, sed ego elegeri vos: hoc est, non vestris meritis, sed singulari electionis meae gratia, huius tanti muneris amplitudine donati estis. Ioan. 15.

Ex his autem quae diximus, aperte liquet, cuius periculi sit à gratia excidere, & in lethale peccatum labi, praesertim si quis in eo diutius persistat. Quisquis enim hoc facit, in manifestum discrimen salutis suae causam adducit. Incertum enim est, an Deus illum superabundanti auxilio ad poenitentiam vocet, & incertum est etiam, an is sufficienti auxilio, quod necini deest, uti recte velit; cum plurimos, atque adeò innumerabiles penè videamus, qui hoc auxilio ad meliorem mentem non redeunt. Vtrinque igitur huius hominis conversio incerta est. Quod igitur maius periculum esse potest, quàm hoc tantum saluti aeternae negotium in tam apertum discrimen conicere? Quod quidem periculum tanto maius est, quanto diutius lapsus homo in peccato iacet. Graui namque consuetudinis pondere pressus, tanto difficilius à peccato surget, quàm plura peccauit. Vnumquodque enim peccatum velut pondus quoddam est, quod oneri praeiacenti adiungitur. Vnde iniquitas velut talentum plumbi esse dicitur. Quemadmodum ergo qui vires habet, quibus Simile. quinquaginta librarum pondus portare facile possit, si huic ponderi noua onera adicias, difficilius illud portare valeat: ita qui à recenti peccato (quod esset facilius) non surgit, quin potius noua peccatorum pondera veteribus adiungit; multo difficilius surget. Quid igitur hic dicent qui multos iam annos in peccati coeno volutantur? qui quamuis singulis annis scelera sua confiteantur; protinus tamen ad ea reuoluuntur. Si enim, ut Zachar. 5 Propheta dicit, iniquitas est quasi talentum plumbi; quo labore, qui sub tam multorum talentorum pondere pressus iacet, à peccato surget? Vt enim recte Adrianus Pontifex ait; Raro Adrian. Pontifex homines secundum vltimum potentiae operantur; quod hac in re opus est, cum peccati onus tot scelerum accessionibus fuerit auctum. Videris ergo, fratres, cuius periculi sit à gratia Dei excidere, & in peccatis diu perdurare. Sed ad sequentia veniamus.

# II.

Sequitur enim, diuum Matthaeum, splendidum in domo sua conuiuium Domino apparasse. Quod quidem magnam alacritatis & laetitiae, quam de conversione sua conceperat, argumentum est. Legimus Herodem, qui in felicissimè natus est, natalis sui diem conuiuium magnifico celebrasse. At quanto iustius Matthaeus Euangelista hunc vocationis suae diem celebrauit, quo in nouam vitam non corporis, sed animae; nec temporariam, sed aeternam diuina vocatione animatus est: vel certe à morte ad vitam excitatus? quemadmodum de luxurioso filio ad poenitentiam

Gen. 21.

tentiam conuerso pius pater ait; Mortuus erat, & reuixit; perierat, & inuentus est. Legimus item Abraham Patriarcham magnum conuiuium fecisse, quo die Isaac dilectissimum filium ablactauit; quod iam puer à lacte depulsus adoleuisset, solidiorique deinde cibo nutriendus esset. At Matthæus noster animaduertens se à fallacibus & venenatis mundi deliciis atque opibus ablactatum, & ad cælestis gratiæ epulas inuitatum, vel (ut aperitiùs loquar) à diaboli seruitute manumissum, & ad libertatem filiorum Dei translatum, conuiuium hoc multo splendidius apparauit; quo animi sui alacritatem, & primum affectum testaretur.

Simile.

Quid ni hoc faceret tanto munere donatus? Qua, quæso, lætitia exultaret homo, ab aliquo tyranno captiuus, & ferreis catenis alligatus, & in obscurissimo carcere positus, si ab aliquo principe solueretur, & in libertatem assertus magnis opibus ab eo ditaretur? Quanto ergo maiori lætitia afficitur, qui diuinæ lucis splendore collustratus, horrendas peccati tenebras, & durissimam peccati seruitutem, in qua tam diu iacuit, animaduertens, vera libertate, verisque diuinæ gratiæ opibus se locupletatum cernit? Quo enim captiuitas animæ quàm corporis durior, & quo cælestes opes terrenis præstant, hoc alacritas & lætitia hæc maior est.

August.  
in Conf.

Quam quidem lætitiā Diuus Augustinus perceperat, cum hac diuina luce illuminatus, & à peccati seruitute liberatus ad Dominum clamare cœpit; O Domine, quia ego seruus tuus, ego seruus tuus & filius ancillæ tuæ. Dirupisti vincula mea; tibi sacrificabo hostiam laudis, &c. Huius verò cælestis luminis & libertatis effectus mox explicat, dicens; Quàm suauē mihi subito factū est carere suauitatibus nugarū; & quas amittere metus erat, tunc dimittere gaudium fuit. Quibus verbis concessam à Domino libertatem apertè demonstrat: quando ferreū cupiditatis iugum, quod ad illud vsque tempus excutere, à se non potuerat, tunc excussum prius sensit, quàm ipse excutere conaretur. Hæc igitur noua ac verè miranda humani cordis commutatio atque libertas huic lætitiæ materiā præbet. Vnde cum Isaias lætitiæ huius magnitudinem aptissima similitudine lætas segetes merentium, atque victorum spolia distribuentium expressisset, lætitiæ protinus causam subiecit, dicens; Iugum enim oneris eius, & virgā humeri eius, & sceptrum exactoris eius superasti. Quibus verbis tum hostis antiqui, tum cupiditatis nostræ immanitatem atque potentiam designauit; à qua supernæ gratiæ beneficio, qui à Domino vocati sunt, liberantur. Eandem etiam lætitiā nobis repræsentat Eunuchus ille Candacis Reginæ, vbi Philippo cælitus ad se misso, Christi mysterium atque diuinitatē agnoscens, & ab eodem baptismi gratiam recipiens, hac vera libertate & gratia, cælestibusque diuitiis

Psal. 115.  
August.  
Ibidem.

Isaia 9.

Act. 8.



diuidiis donatus est. Sic enim de eo scriptum legimus, Ibat autem per viam suam gaudens. Quid ni gauderet, qui ex diaboli mancipio se in regnum & libertatem filiorum Dei mirabiliter translatus vidit? Eandem quoque hodie latitiam Matthæus noster facillè ostendit, cum hoc tam magnificum Domino epulum, ceterisque amicis & publicanis præparauit. Hoc enim perinde est, ac si cum bono illo & sollicito pastore diceret; Congratulamini mihi, quia inueni non ouem quam perdideram, sed me ipsum qui perieram. Vt autem vos, fratres, huius percipiendæ latitiæ desiderium capiat, illud vos admonitos velim; hanc lætitiā, quæ initio conuersionis oritur, maiorem aliquando esse, quā quæ ab adultis in virtute sentitur. Vt enim qui ruri semper vixerunt, vbi in insignem aliquam & opulentissimam ciuitatem venerunt; si ea præsertim celebri emporio, & portu nauibus referto ornata sit; quocunque deflexerint oculos, velut admirabundi non sine magna voluptate vrbs mœnia, amplas ædes, nauesque quas nunquam viderant, demirantur; quæ tamen admiratio post aliquot dies vsu ipso decrescit; ita planè quicunque in abiectissimo sceleratæ vitæ statu vixerunt, vbi ad amplas diuinæ gratiæ opes percipiendas & contemplandas euecti sunt, nunquam satis tantam rerum dignitatem & nouitatem mirari possunt; quæ tamen admiratio, vbi diu rebus diuinis assueuerunt, minor esse nonnunquam incipit, quā cum noua fuit. Rerum enim nouitas, in rebus etiam spiritalibus, sicut admirationem maiorem, ita maiorem quoque lætitiæ causam affert.

Ibidem.

Luc. 13.

Simile.

Eadem verò alacritas effecit, vt Matthæus omnes alios ad Christum adducere, & felicitatis suæ participes efficere voluerit. Hoc enim inter cælestium & terrenorum bonorum amorem distat; quòd terrenorū amor quanto est maior, tanto magis recondere & seruare sibi studet ea quæ amat; cælestium verò amor quo maior est, eo magis communicare omnibus studet quod ipse diligit. Hinc Diuus Augustinus; Vbi, inquit, gustaueram Domine lumen tuum, fredebam quòd aliis indicare non possem; hoc est, quò magis gratiæ tuæ opibus fruebar, eo ardentius cæteros ad eas inuitare sitiebam: eorum videlicet sortè miseratus, qui tantorum bonorum extorres essent. Nec Diuus Augustinus modò, sed quicunque his deliciis atque opibus fruuntur, quicunque torrente diuinæ voluptatis potantur, adeò sitienter hæc eadem celestia dona cæteris communicare appetunt, vt si fieri posset, per publicas vias & plateas ingredi, & ad cunctos mortales vociferari vellent; O filij Adam, quid facitis? quid queritis? cur vos ipsos vano labore conficitis? cur veræ felicitatis fonte relicto per lacunas putidas & pestilentes,

August.

quæ

PROL. 1.

quæ sitim vestram non extinguere, sed acuerè possunt; deerratis? O quas delicias, ô quas diuinæ gratiæ opes, quæ vobis ad manum & in promptu sunt positi, ad quas à Deo ficti & informati estis, amittitis! O quam facili negotio, quàm modico labore thesaurum indeficientem, cælestes opes, aquam sapientiæ, inestimabiles delicias vobis parare liceret! Vsq; quò ergo paruuli diligitis infantiã, & stulti ea quæ sunt sibi noxia cupient, & imprudentes odibunt scientiam? Conuertimini, inquit diuina Sapientia, ad correptionem meam. En proferam vobis Spiritum meum. Spiritus autem meus super mel dulcis, & hæreditas mea super mel & fauum. Hoc ergo Spiritu, hoc eodè affectu sanctus Matthæus Publicanos & amicos adduxit ad Dominum, vt eius diuino colloquio & conuictu inescati, relictis terrenis cupiditatibus & lucris, eundem Dominum exemplo suo sequerentur, eiusdemq; felicitatis & gratiæ participes fierent. Hoc est autem quod in Apocalypsi Dominus præcipit, cum ait: Qui audit, dicat, Veni. Hoc item quod ipse in tabernaculi fabrica designauit, cum eius cortinas sic inter sese colligari præcepit, vt cortina cortinâ traheret. Hoc autè in Ecclesia fit, cum is qui diuino amore incensus est, alios incendere, & ad Christum trahere contendit.

Apec. 12.

Exod. 25.

Sed dum Matthæi laudes persequimur, Domini laudes oblitus sumus. Quis enim hanc tantam Domini humilitatem cum summa charitate coniunctam satis mirari queat, cum animaduertat, calorum Dominum, Angelorum Regem, & totius naturæ Conditorum, qui in sinu Patris felicissimè accumbit & requiescit, ita sese salutis nostræ gratia demisisse, vt non solum terras inuisere, & cum hominibus versari, sed etiam inter Publicanos & sordidos atque infames homines ad mensam accumbere, cibum vnâ capere, miscere colloquia non erubuerit, vt ipsos lucrifaceret? O quàm verè te medicum hoc in loco appellasti, Domine! Medici enim est, non inter sanos, qui medico non egent, sed inter ægros versari. Medici est, vlnarum sanien atque putredinem non horrere, sed ea admotis manibus fouere, circumligare atque tractare. Indignum vobis, ô Pharisei, videtur, quòd se Dominus ad Publicanorum conuiuia deiecerit: ego verò contrà asseueranter dico, longè dignius & excellentius esse hoc, quàm cælum & terram condidisse. Alterum enim omnipotentia, alterum diuinæ bonitatis immensas opes declarat. Magis autem Dominus de bonitatis suæ magnitudine, quàm de potentia viribus gloriatur. Bonitatis verò proprium est, omnes alios bonos, hoc est, sui similes efficere. Quòd si huius rei gratia maiestatem suam Dominus abiicit atque demittit; quo sese hac de causa magis demiserit, hoc maiora bonitatis & benignitatis

suæ documenta & exempla constituit.

## III.

Nemo tamen ex hoc loco ansam arripiat cum pravis hominibus versandi. Aliud enim perfectis, aliud imperfectis, aliud in virtute confirmatis, aliud infirmis cōuenit. Ad hos autem Apostolus ait: Scripsi vobis in epistola, non commiseri fornicariis; non dico fornicariis huius mundi, (alioqui debueratis de hoc mundo exire, sed si is qui frater nominatur, fornicator est, aut immūds, aut auarus, cum huiusmodi nec cibum sumere. Corruptum enim bonos mores colloquia praua; Et, Modicum fermentum totam massam corrumpit. Qui enim (vt Sapiens ait) tangit picem, inquinabitur ab ea; & qui communicat superbo, induet superbiam. Vnde liquet, facilius esse bonos malorum confortio corrumpi, quā malos bonorum societate meliores fieri. Hæc est enim magna illa generis humani miseria, quam Gregorius Theologus lamentatur his verbis: Hoc est quo vitium probitatem maxime superat, quodque ipse animaduertens indignissime acerbissimeque fero; quod cum res facile imitabilis & prompta sit improbitas, nihilque minoris negotij difficultatisque sit, quā malum fieri, etiam si nemo ducem se nobis ad vitium præbeat; rara tamen atque ardua est virtutis adeptio; quamlibet multis modis ad eā inuitemur atque trahamur. Quod etiam ipsum à beatissimo Aggæo animaduersum mihi fuisse videtur, cum admiranda illa verissimaque imagine vteretur; Percontamini ex lege sacerdotes: Nū si caro sancta in veste cibum aliquem, aut potionem, aut vas denique aliquod tetigerit, rei ad motæ sanctitatem protinus allatura est? Quod cum sacerdotes pernegassent; Percontamini rursus, inquit, si qua res impura, hoc est, si pollutus in anima ista omnia tetigerit, num pollueretur? Responderunt Sacerdotes, Polluetur. Caro erga sancta non sanctificat quæ tangit; caro verò polluta polluit. Quibus verbis hoc significare videtur, virtutē eiusmodi esse, vt eam homines nō nisi summo labore adipisci queāt; Quæ admodū nec humida materia ignem facile cōcipere solet; contrā verò ad vitiorum sordes omnes ferè mortales promptos propensosque esse non secus, vt opinor, ac stipula ad ignem ob naturæ siccitatem facile accenditur atque consumitur. Citius enim exiguum vitium vberissime largissimeque cuiuspiam impartiri queat, quā vel copiosissima virtus parce communicari. Nam & exiguum absinthium amarorem suum melli celerimè impartierit, mel contrā nec duplo quidem maius dulcedinem suam absinthio infuderit. Ac paruo quidem lapide submoto, flumen totum in prouum trahitur: eiusdem autem impetus firmissimo etiam agere cohiberi, reprimique vix potest. Hæc Theologus. Quæ vir

2. Cor. 13

1. Cor. 5.

Eccli. 15.

Gregor.  
Theol.

Aggæi 2.

simile.

simile.



sanctus ad imperfectorum hominum doctrinam prudenter admonuit; cum viris tamen perfectis, qui cautè se gerunt, non magis aliquid ex malorum contubernio accedat, quàm Solis radius ex immundissimarum rerum contactu, quas quotidie attingunt.

Pharisæi autem personarum discrimina ignorantes, incognita causa sententiam aduersus Dominum pronuntiarunt; unde ad eius discipulos ait: *Quare cum publicanis & peccatoribus māducat magister vester?* Mos est eorum qui vel ambitionis, vel inuidie morbo laborant, virtutibus quas in aliis vident, & quibus ipsi carent, indigna vitiorum nomina imponere; vt ipsi quidè non virtutibus illis carere, sed ab illis vitiis se immunes esse ostendant: sic igitur Pharisæi, cum non essent ea humilitate & charitate præditi, vt se ad huiusmodi contubernia propter infirmorum salutem demitterent (quod ea res eorum existimationi officere videretur, ne harū virtutum laudibus inferiores Domino apparerēt, virtutibus eius turpia vitiorū nomina imposuerunt, quo ipsi nō his virtutibus carere, sed magis ab hoc crimine alieni esse censerentur. Sic videmus illos qui vix vnquam ad diuina Sacramenta, nisi ferè coacti, accedunt, eos insectari atque mordere, qui illa deuotius frequentant. Cum enim religionis & officij huius commendatio in eorum dedecus cedat qui ea carent, illi contrā non quidem virtutes, sed temeritatis & audaciæ religioni nomen imponunt: vt ita demum ipsi non parum religiosi, sed minimè audaces & temerarij esse iudicentur.

Ceterum Dominus nihil hac improborum obreſtatione commotus, appositissima similitudine eorum calumniam elusit. *Non est, inquit, opus valentibus medicus, sed malè habētibus. Eūtes autē liſcite, quid est quod per Oſeā Dominus dixit, Miſericordiā volo & non ſacrificium.* Vox planè atq. ſententia Deo auctore digna; quæ maximè immenſam eius in genus hominum bonitatē & charitatem declarat. Cum enim ſacrificiorum religio ad Dei gloriam pertineat; miſericordia verò ad leuandas hominum miſerias ſpectet, quanta illa Dei bonitas & charitas eſt, quæ ſui quodammodo oblita, ad hominum miſerias ſubleuandas intentos eſſe vult; imò verò opus hoc ſacrificij nomine donat! ſic enim per Apoſtolum ait; Beneficentiæ autem & communionis nolite obliuiſci: talibus enim hoſtiis promeretur Deus. Hoc autem inter vtrumq. ſacrificij genus intereſſe Cardinalis Caietanus ait, quòd miſericordiæ ſacrificium ex natura ſua Deo gratum eſt; vitulorum autem maſſatio, niſi religionis virtute condiatur, nihil habet cur Deo, ſolus virtutis amatori, grata ſit. Qui quantum omnibus virtutum officiis maximè capiat, miſericordiam hoc in loco ſe maximè diligere proſequitur: quam

sacri-

Heb. 13.

Caiet.

sacrificiis anteponit. Cuius rei causa esse videtur, quod cum is misericordiam præcipue colat (miserationes enim eius super omnia opera eius) non potest, cum seipsum diligat, sui similes non diligere: cum similitudo conciliatrix amoris sit. Vnde sicut aquilam ferunt pullorum suorum generositate ad solis radios explorata, quos oculis inconniuentibus Solis splendorem sustinere viderit, tanquam legitimos filios, sibi que similes diligere atque nutrire; ceteros autem tanquam nothos, sui que dissimiles à nido abigere: ita summus ille misericordiarum pater in extremo iudicio misericordes homines, hoc est, paternæ misericordiæ sectatores, intra sinum gloriæ suæ amanter excipiet; crudelēs autem & immisericordes procul à conspectu & complexu suo præcipites in tartara dabit.

simile.

Cum autem duplicia esse constet misericordiæ opera; quorum quædam ad corporum, quædam ad animarum salutem spectant (& hæc quidem tanto sunt illis nobiliora, quanto anima corpori, & spiritualia bona corporeis præstât) S. Matthæus harum præcipue studio omnem vitam suam dicauit. Quod enim aliud munus Apostolo & Euangelistæ propositum est, quam omnia vitæ studia salutis animarum impendere, & pro illis; cum opus ita fuerit, vitam ipsam & sanguinem fundere? Vtrumque autem B. Matthæus præstitit: qui in Aethiopiam profectus (quæ illi prouincia in diuisione orbis terrarum obtrigerat) immanes & barbaras nationes ad fidei & pietatis cultum doctrina & miraculis adduxit: & regio puero è morte ad vitam reuocato, regem patrem cum vxore, & totam prouinciam ad fidem Christi conuertit. Sed Rege hoc defuncto, Hirtacus quidam regnum obtrunxit; qui Iphigeniam prioris Regis filiam sibi vxorem optabat. Matthæus verò (quo auctore virginitatē illa vouerat) vt in sancto virginitatis proposito persisteret, eandem hortabatur. Hirtacus igitur molestissimè ferens Iphigeniæ virginitatem constanter suis votis obersistentem, Matthæum (quem eius consilij auctorem esse nouerat) ad altare sacra facientem gladio confodi iussit. Atque ita beatus Matthæus & Apostoli, & Euangelistæ, Martyrisque coronam adeptus est. Cuius sempiternæ felicitatis Christus Dominus participes nos efficere dignetur: qui cum Patre & Spiritu sancto viuunt & regnant in secula seculorum.

AMEN.

**INFESTO BEATI MATTHÆI  
APOSTOLI ET EVANGELISTÆ; CONCIO  
secunda: in qua sanctorum quatuor animalium  
mystica visio, quam Ezechiel Prophetæ vidit, ex-  
plicatur.**

**T H E M A.** *Similitudo vultus animalium, facies hominis,  
& facies leonis à dextris ipsorum quatuor; facies autem  
bouis à sinistris ipsorum quatuor; facies autem aquila  
desuper ipsorum quatuor. Ezech. i.*



**Q**UONIAM Ecclesia hodie beatissimi Matthæi  
Euangelistæ festum diem celebrat, non alienum  
erit sacram Ezechielis Prophetæ visionem, quæ  
quatuor illa mystica animalia describit, in præ-  
senti concione, Domino aspirante, explicare. Hæc  
enim animalia, sanctorum Euangelistarum, & perfectorum vi-  
rorum mores, officia & dignitatem designare, Ecclesia in hac  
sacra solemnitate declarat, cum ad Dominum loquens, ait: Tu  
insignes Euangelij prædicatores animalium celestium figura  
præfignasti. His namque celeste munus collatum gloriosis in-  
diciis es dignatus ostendere. De hac igitur mystica mirabilique  
visione, quæ sancti Patres obseruauerunt, quæque temporis an-  
gustia permiserint, hodie dicturi, celestem opem, sacratissimæ  
Virginis interuentu, suppliciter imploremus.

**A V E M A R I A.**

*Simile.*

Quemadmodum Medici, cum ægrotos animaduernerint fasti-  
dio laborare, & ob eam causam de vita periclitari, varios modos  
condiendi cibos quærunt, vt quod sub vna specie & condimen-  
to fastidium parit, sub alia iacentem atque prostratum edendi  
excitet appetitum: sic diuina Sapientia, cum homines videret  
spiritualis doctrinæ pabulum fastidire, varias eius tradendæ ra-  
tiones excogitauit; vt quod sub vna doctrinæ specie fastidium  
fortè infirmis pariebat, sub alia fastidientis animæ palatum alli-  
ceret. Quædam igitur tradit simplici doctrina, quædam histo-  
riæ dulcedine atque suauitate condit, quædam claro & aperto  
sermone pronunciat, quædam verò parabolarum & figurarum  
involucris sollicitè inquirenda proponit. Est autem postremum  
hoc docendi genus maximè copiosum & secundum; quia cum  
non



non propriis, sed tropologicis verbis utatur, plures interpretandi rationes admittit: cum inducta similitudo ad multa variè possit accommodari. Habet illud præterea hæc docendi ratio, quòd quo obscurior ac difficilior ad intelligendum est, hoc magis religiosas mentes ad recondita mysteria indaganda sollicitat. Non enim temerè dictum est:

*Nitimur in vetitum semper, cupimusque negata.*

Ouid.

Exemplo nobis erit admiranda hæc Ezechielis visio, quæ tot penè mysteriis quot literis referta est. Hunc enim Prophetam Dominus Spiritu suo replevit, atque eum, ut concaptivis Iudæis vaticinari posset, Babylonem misit. In quo apparet quod Origenes hoc in loco adnotavit: hoc est, nunquam iustitiam Domini adeo severa esse, ut aliquo misericordiae temperamento vacet. Iustitiae enim fuit, peccatorem populum captivitate & exilio punire, misericordiae autem, Prophetam hunc Spiritu suo replere, & ad illum erudiendum, atque ab impietate revocandum mittere.

Ceterum, quoniam Prophetarum omnium studia in promovenda hominum salute maximè intenta erant; hanc verò salutem per Christum constituendam esse sciebant; ideo prima Ezechielis visio, Christi Domini adventum, Evangelij prædicationem, & eorum mores qui essent Evangelium annuntiaturi, ac postremo salutem & conversionem Gentium, eorum opera perficiendam, continet. Sic igitur Propheta exorsus est: Cum essem in medio captivorum iuxta fluviū Chobar, aperti sunt caeli, & vidi visiones Dei. Vidit igitur Propheta triumphalem currum, mira variarum rerum specie insignitum. In excelso enim currus loco thronus positus erat, cui infidebat hominis similitudo, ignis splendore circumamicta. Currus autem quatuor rotis mira arte elaboratis nitebatur. Rotas autem & currum ipsum, quocunque esset eundem, deferabant quatuor animalia, mirabili quoque ac planè stupenda forma decorata. Sancti autem Patres hoc in loco eum qui supra currum sub imagine hominis in solio sedebat, Christum Dei Filium humana carne vestitum interpretantur. Animalia verò quæ currum deferunt, Apostolos & Evangelistas, omnesque perfectos & Evangelicos viros intelligunt, qui incarnati Verbi notitiam & gloriam, lætumque Evangelij nuncium per uniuersum mundum detulerunt. Siquidem in omnem terram exiit sonus eorum, & in fines orbis terræ verba eorum. Rotæ verò quæ ad animalium motum movebantur, fideles populos designant, qui Apostolorum doctrinam amplectentes, eiusdemque fidei vestigiis insistentes, comuni Domino famulantur. Sunt autem rotæ volubiles; ut hoc indicio obedientiae promptitudinem & alacritatem, quæ in subditis populis esse debet, agnoscamus. Sed his omisiss, animalium figuras,

Psalm. 18.

que viros Evangelicos atque perfectos designant, diligentius inspicimus. Hodie namq. perfecti viri, vel perfectionis studiosi a nobis instituendi sunt. Cum enim sapientibus & insipientibus, hoc est, perfectis & imperfectis debitores simus, utroq. salutaribus praeceptis instituere debemus. Illud autem in primis animadvertendum est, vnumquodq. ex his animalibus quatuor habere facies, videlicet hominis, vituli, leonis, & aquilae, quae in superiori loco erat. Vnumquodq. ite quatuor habebat alas; quarum duae erectae, simulq. coniunctae erant; duae vero reliquae corpora eorum tegebant. Sub singulis autem alis totidem manus suppositae erant. Aspectus autem eorum, quasi carbonum ignis ardentium, & quasi aspectus lampadarum. Pedes autem eorum recti erant, qui tamen in pedis vituli formam desinebant. Facies autem eorum, & penae sursum porrigebantur. Quodque his omnibus mirabilis est, cum facies, manus, pedes, & alio certo numero definitae essent, oculorum tamen nullus erat definitus numerus; quandoquidem totum eorum corpus (vt Ioannes in Apoc. ait) oculis vndiq. ante & retrò respersum erat. Hec de animalium figura. De motu vero ipsorum subdit Propheta: Vbi cumq. erat impetus spiritus, illuc gradiebantur, nec reuertebantur cum incederent. Vnumquodq. autem ante faciem suam ambulabat; & animalia ibant, & reuertebantur in similitudinem fulguris coruscantis. Hec, & multa alia, quae longum esset recensere, multoque longius vno sermone explicare, his animalibus Propheta tribuit. Quis igitur non aperte videat, haec omnia mysteriis esse resecta? Quis porro adeo stupidus & metis impos erit, qui non cupiat, haec ipsa, quae clausa, & mysteriis plena sunt, sibi referant? Quis autem provinciam hanc sine diuini Spiritus magisterio audeat attentare? Audeo enim dicere, tantum mysteriorum, tantumque spiritualis doctrinae in hoc primo Ezechielis capite esse reconditum, vt quicquid omnes qui spiritualis vitae praecepta tradiderunt, litteris mandarunt, mira docendi ratione hoc vno capite contineatur. Quae tamen doctrina purgatas auditorum mentes & spiritualis perfectionis studio incensas requirit. Quod si non omnes quotquot hic adsumus, huiusmodi aures habemus, nihilominus tamen hac sublimi & caelesti doctrina, quantum nobis ad Christianae virtutis perfectionem desit, intelligere poterimus; qui non contemnendus huius doctrinae fructus est. Sed iam rem ipsam propius attingamus.

## I.

Diximus his quatuor animalibus Evangelicos viros adumbrari. Vnumquodq. autem eorum quatuor facies habere dicitur; quibus quatuor praecipue ipsorum virtutes significantur. Habet enim primum omnis vir sanctus aquilae faciem. Aquila autem

rem (vt scitis) altissima loca petit, & minime conuenientibus oculis solis fulgorē contemplatur; neque ad ima se deiecit, nisi cū famis necessitas urget; qua expleta, rursus ad sublimia recurrit, ibique tanquam in propria statione commoratur. Quid autem magis ad viuum sanctorum hominum vitam & studia repræsentat, quorum omnis penē cōmentatio in cælestium rerū contemplatione versatur? Vnde quidam ipsorum ait, nostra conuersatio in cælis est; non contemplantibus nobis quæ videntur, sed quæ non videntur. Quæ enim videntur, temporalia sunt; quæ autem non videntur, æterna. De viro item iusto canit Ecclesia, quod in hac peregrinatione solo corpore constitutus, cogitatione & auditate in illa æterna patria conuersetur. Ad hoc autem officium fideles Apostolus inuitat, cū ait: Si surrexillis cum Christo, quæ sursum sunt querite, vbi Christus est, in dextera Dei sedens: quæ sursum sunt sapite, non quæ super terram. Quid autem aliud nos sanctorū Anachoritarum exempla docent: qui vitam omnē in diuinarū rerum contemplatione insumentes, nunquam se ad infima hæc & terrena bona demittebant, nisi quantum ineuitabilis corporum necessitas flagitabat? Habentes enim alimenta, & quibus regerētur, his cōtenti erāt, nec aliud præterea caprabant, ne rerum terrenarum cura à cælestium rerum conuitu auocarentur. Hæc prima sanctorum hominum virtus est, aquilæ facie designata.

1. philip. 3.

Coloss. 3.

1. Tim. 6.

Sed non satis est Euangelico viro aquilæ faciem retinere, nisi hominis quoque faciem gesser. Debet namq. is humanitatis & benignitatis studio se hominibus accommodare, doctrinis erudire, exemplis excitare, beneficiis deuincire, modestē ac placidē se erga omnes gerere, patienter eorum siue iniurias siue contumelias tolerare, omnibusque sese amabilem exhibere, nemini offendiculum præbere, eorumque moribus quibus cum viuit, siue vlla tamē diuinæ legis offensione, se adaptare, vt sic omnes ad pietatem allicere, & Christo lucrifacere valeat. Quàm præclare autē hanc hominis faciē Paulus induit, qui Iudæis & Gentibus, sub lege & sine lege viuentibus, ita se accommodabat, vt meritō dicere posset: Omnibus omnia factus sum, vt omnes facerem saluos! Quid verō illud ad Thessalon. Facti, inquit, sumus tanquam paruuli in medio vestri, tanquam nutrix quæ foueat filios suos: ita desiderantes vos cupidē, volebamus tradere vobis non modō Euangelium, sed etiam animas nostras, quoniam charissimi nobis facti estis? Quid verō illud? quàm apertē aquilæ faciem in hominis faciē se commutasse testatur, cū ait: Siue mēte excedimus, Deo; siue sobrii sumus, vobis. Hoc est, ab altissima illa cōtemplatione, qua sicut aquilæ incōnuenientibus oculis diuinæ pulchritudinis splendorem contemplamur,

1. Cor. 9.  
1. Thes. 6

2. Cor. 3.

SS. 4. quæque



quaque à nobis ipsis excedētes ad sublimia & inaccessa hominibus eleuamur, ad ea nos docenda demittimus, quæ infirmitati vestræ apta sunt; videlicet, non quid ipsi Deo teste sentiamus, sed quid imbecillitati vestræ expediat considerantes. Iam verò Saluator ipse, qui Verbum inuisibile erat apud Patrem: nōne veram hominis formā induit, vt se hominibus in humana forma agnoscendum, amandum atque imitandum præberet? Quid cum in præsentī Euangelio cum publicanis & peccatoribus cibum capit? an non hac etiam ratione hominis faciem sumpsit, vt homines saluos faceret?

Nec satis est has duas habere facies, nisi bonis quoq. imaginem sumas. Bos animal est laboris patiens, & mactationi atque sacrificio destinatum; quo nomine mortificationis virtus recte significatur, quæ ad spirituale vitam maxime necessaria est. Primum enim cum spirituali viro hoc sit propositum, vt mundo mortuus, Deo viuatur; & compressa carnis cupiditate, spiritu ducatur; ac postremo vt iuxta Apostolum. Dei imitator tanquā filius charissimus esse velit: quo nam modo spiritualis ac diuinus esse poterit, nisi carnalis esse desinat? Quomodo autem carnalis esse desinet, nisi carnis cupiditates relecauerit? Præterea si, vt

**Ephes. 5.** Apostolus ait, non habitat in me, hoc est, in carne mea bonum, immo verò omnium ferè vitiorum germina in illa ex peccato relicta sunt; qui fieri potest, vt ego vir bonus sim, nisi diligenter in rescandis his prauis germinibus, quæ à carne mea pullulāt, occupatus fuero? Hoc autem continuū studiū sponsa sibi proposuisse testatur, cum ait: Manus meæ distillauerunt myrrham,

**Rom. 7.** & digiti mei pleni sunt myrrha probatissima. Myrrhæ autē nomine mortificationis studium designari perspicuum est. Sponsa verò manus digitosq. myrrha probatissima sibi plenos esse ait, quia præcipuum Christianæ vitæ officium in subigenda carne, eiusque cupiditatibus comprimendis positum est. Hoc autem citra laborem & contentionem fieri non posse constat.

**Cant. 5.** Quo in loco illud animaduertendum est, non tam in charitate, quæ Christianæ vitæ finis est, quàm in via qua ad charitatem peruenitur, laborem omnem positum esse. Videmus enim humentia ligna, cum ob omni humore defecata fuerint; si igni admoueantur, nullo negotio ignem concipere. Hoc autē exemplo discimus, non tam in charitate, quàm in animæ preparatione ad perfectionem charitatis totum huius negotij pondus atq. laborem existere. Nisi enim pellatur cupiditatis humor, locum habere non potest charitatis ardor. Labor autem non tā in percipienda charitate, quàm in expellenda cupiditate positus est. Videris ergo, fratres, quàm sit vituli facies, hoc est, mortificationis virtus, perfectis viris necessaria? Multi enim faciem aquilæ

& ho-

& hominis generant, qui tamen vituli faciem habere recusant, quia mortificationis laborem refugiunt. Non fugiebat tamen 1. Cor. 9. ille qui dicebat: Castigo corpus meum, & in seruitutem redigo, ne cum aliis predicauero, ipse reprobus efficiar.

Quarta verò facies leonis esse dicitur, quo fortitudo intelligitur: sic enim legimus: Leo fortissimus bestiarum ad nullius puebit occursum. Cum autem duæ sint huius virtutis actiones; quarum altera est, ardua opera constantè aggredi, altera verò, aduersa patienter tolerare; posterior hæc actio priore præstantior esse dicitur. Hac autè virtute Apostoli, ceteriq. Euangelici viri ita claruerunt, vt spectaculum facti sint Deo, Angelis & hominibus. Hac item virtute & mundi redemptio celebrata, & Ecclesia fundata & stabilita est. Christus enim Dominus per patientiam crucis mundum redemit, sibiq. Ecclesiam desponsauit. Vnde patientia eius, nuptialis vestis esse dicitur; qua indutus fuit, cum sibi Ecclesiam in cruce desponsauit. Apostoli verò & Apostolorum sectatores, Martyres, insuperabili patientiæ robore, fidem & Ecclesiam fundauerunt, & ad nos integram inuiolatamq. transmiserunt. Vsq. adeò enim horrenda mortis supplicia non formidabant, vt multi etiam sitièter appeteret. Vnde cum ex militibus beati Mauritij (cuius crastina die festum celebrabimus) decimus quisq. ad mortem propter Christi fidem peteretur, viri sancti quodammodo inter se contendebant, vt alius ante aliud iugulum carnifici præberet; ne desiderata martyrij corona fraudaretur. Prisca verò, nobilis Senatoris filia, cum Christiani iussu Præfecti occiderentur, Præfectum grauitè accusabat, quòd cum esset nobilis & ingenua, ignobiles illi in supplicio anteferrètur. Quidam verò martyr sanctissimus, cum immanissimè tortus vocem nullam doloris indicè emitteret, à iudice rogatus, quonam modo inter tot dolorum aculeos vocem & gemitum contineret? Quoniam, inquit, disciplina Christianorum est, silentium seruare cum orat. Quid igitur hac patientia mirabilius? Hac igitur patientia Ecclesia Christi stabilita atque defensa est, ne portæ inferi præualerèt aduersus eam. Quæ Mat. 16. si sanctis Martyribus defuisset, hodie Ecclesiam nullam haberemus. Videris ergo quomodo ad propagandam fidem, & Christi gloriam atque triumphum per omnes nationes predicandum, talibus ministris opus erat, qui leonis, bouis, hominis & aquilæ facies simul in vna mente haberent?

## II.

Diximus præterea, vnumquodq. horum animantium quatuor alis instructum; quarum duæ coniunctis utrimq. pennis in sublimè porrigerentur, duæ verò reliquæ tegèdo corpori seruirent. Quia verò alis aues in sublimè feruntur, non abs re alarum nomine

mine cælestium rerum contemplatio significatur. Duæ autem superiores alæ, intellectus & volûtas, quibus in altum mens nostra fertur, mihi esse videntur. Neque enim aut sine intellectu voluntas, aut sine voluntatis affectu intellectus in sublime salubriter & religiosè ascendit. Sapientia enim, quæ prima inter Spiritus sancti dona numeratur, duabus nititur actionibus; quarum altera ad intellectum, altera spectat ad voluntatem. Ex autè alæ coniunctæ esse perhibentur, vt intellectus & voluntas pari gressu incedant, ita vt quod ille percipit, ista sentiat; & rerum magnitudinem, quas intellectus percipit, par volûtas affectus consequatur; ne de nobis illud meritò dici possit, quod in multos huius seculi sapientes cadit. Præuolat intellectus, & sequitur tardus aut nullus affectus. Quæ res in Euangelicos viros minimè cadit; quorû pennæ coniunctæ esse dicuntur: quòd intellectus & voluntas pari gressu in Deum tendant. Duabus verò alis corpora tegunt. Duæ autem istæ alæ, quæ regendo corpori destinatæ sunt, gemina charitas, in Deum videlicet atque proximum esse videtur; cùm charitatis sit tegere atque operire multitudinem peccatorum. Duæ quoq. virtutes penitentiæ partes, nempe præteritorum dolor, & futurorû cautio, animæ nuditatem per penitentiâ regunt. Iustitia quoq. & misericordia, quarû altera nemini nocet, altera omnibus prodesse studet (ad quas virtutes aliar reuocantur) animam tegunt atque vestiunt. Ornatus quippe eius non in gemmis & auro, sed in virtutum cultu positus est.

1. Pet. 4.

Quid verò est, quòd singulis alis singulæ manus subijciuntur? Mirus certè membrorum numerus & collocatio, vt totidè manus sunt quot alæ, & quidem suppositæ, non suprapositæ. Alarum autem atque pennarum nomine, cælestium rerum cōtemplationem significari diximus; manuum verò nomine quibus cuncta ferè opera externa molimur, operationis studium. Cùm ergo manus alis coniunguntur, hoc nobis designatur, vt nunquam ita cælestium rerum contemplationi addicti simus, vt rectè operâdi, ac proximos iuuandi studium penitus negligamus; nec rursus ita nos totos proximorum obsequio mancipemus, vt sanctarum precationum & meditationum studium prorsus abijciamus. Quamuis enim contemplatiua vita præstantior atque nobilior quàm actiua sit; illa tamen consultitur, ista præcipitur; illa magis voluntaria, hæc magis necessaria est. Quotiescunque enim proximus opera atque ope tua ita indiget, vt sine ea in magnum discrimè adducatur, altissima etiam cōtemplatio deferenda est, vt periclitanti fratri subuenias. Hoc autem eos præcipuè accusat, qui vt internis spiritus occupationibus vacent, ea officia negligenter obeunt, ad quæ status atque officij sui ratio-



ne tenentur. Vxores igitur viris, parentibus filij, præpositis subditi diligenter obtemperare debent, eorumque præcepta tota animi deuotione implere. Quod ubi perfecerint, quicquid supererit temporis, otio contemplationis addicant. Itemque de prælatis erga subditos iudicium sit; ne videlicet ob studium altissimæ etiam contemplationis, ouium suarum curam deferant; alioqui periculum erit, ne dum illi cum Moyse in monte diuinis rebus intendunt, populus in valle relictus, vitulum aureum fabricet, illique se supplicem exhibeat. Quanto rectius Dominus ac Saluator noster! qui instante passionis agone sic orationi vacabat, vt discipulos inuiseret, & ab imminente periculo cauere præciperet; rursumque ad orationem rediēs, ca finita, mox ad eosdē monendos reuerteretur, & ad vigilandū orandumque hortaretur, ne in tentationem inciderent. Quod contra multi faciunt, qui contemplationis dulcedine inescati, & solitudinis amore capti, charitatis & misericordiæ officiis seruire renunt. Aiunt enim se talibus officiis quietem, & animi tranquillitatem, spiritualemque dulcedinem amittere, ac multis etiam in rebus cum hominibus versantes delinquere, & à rectitudinis suæ statu desecti. Tales autem alas quidem habēt, manus autem alis adiunctas non habent; ideoque inter imperfecta & infirma Ecclesiæ membra, connumerandi sunt. Perfectorum enim est, & in solitudine, & in turba, & cum Deo, & inter homines, & in otio, & in negotio strenuè se gerere, & (quod aiunt) ambidextros esse. Quod faciunt, qui sic animo constituti sunt, vt non minori dexteritate actionis, quàm contemplationis officia exerceant. Sic enim actioni incumbunt, vt non prorsus contemplationis officium deserant. Exercent enim (vt Climacus monet) in membris agilibus intellectualem quietem; vbi verò ab operatione cessarūt, magna celeritate ad intermissum contemplationis opus redeūt, se ipsos prophetica illa voce cohortantes: Convertere anima mea in requiem tuam; quia Dominus benefecit tibi. Hòc enim nobis indicat, quòd sancta hæc animalia, de quibus loquimur, ibant & reuertebantur in similitudinem fulguris coruscantis: hoc est, quoties ad charitatis officia esset prodeundum, peracto charitatis opere, summa celeritate ad intermissum contemplationis studium redibant, priusquam ille deuotionis & amoris feruor tepesceret. Intelligebant enim, & periculo ipso didicerant, verum esse quod de magno illo Antonio Athanasius in eius vita refert, id est piis hominibus solitudinem, & spiritualium rerum commentationem, quod piscibus aquam. Ideoque sicut pisces ab aqua extracti, ad illam se quanta possunt celeritate proripiunt; ita viri sancti, vbi charitatis necessitate cogēte, ab interna vocatione ad

Exo. 32.

Mat. 26.

Clim.

Psal. 114.

Athan.

Simile.

ad fre-

frequentiam hominum prodeūt, confestim ad illam redire contendunt: ne si diutius cū illis versati fuerint, vel aliquid ex eorum moribus contrahant, quo mentis suę puritatē inficiant, vel refrigerato charitatis ardore de integro illis laborandum sit, vt eō perueniant vnde ceciderūt. Multi enim sunt, qui hoc parum prospicientes, externis negotiis, ad quæ initio vel charitatis necessitas, vel maiorum imperia impulerunt, sic se implicauēre, vt postea nec ab illis emerferint, nec ad priora deuotionis studia redierint, atque ita frigidi per omnem vitam remāserint. Cū enim ad ea regredi conarentur, difficilesq. aditus inuenirent, laboris difficultate offensi ea prorsus deseruerūt. Est enim deuotio velut spiritus vadens, & non rediēs, vel certē si diu fuerit intermissus, diffiçulter rediens. In quod discrimen multos monachorum incidisse animaduerto, qui cū initio conuersionis suę ab omnibus externis occupationibus feriat, soli Deo vacarent, eiusq. suauissimis deliciis fruerentur, vbi postea vel obedientiæ, vel studiorū occasione ab illa interna vacatione ad externa opera transierūt, adeo incautē sese illis implicuere, vt priora interni hominis exercitia penitus reliquerint. Neque enim plenam sibi homo securitatem polliceri debet, quod vel charitate vel obedientia impulsus, ad externas occupationes descēderit, nisi illam etiam cautionem adhibeat, vt non modō iustē, sed prudenter etiam quod iustum est exequatur. Saul enim Domini imperio regnum inuitus & reluctās, & seipsum, vt regni dignitatem effugeret, abscondens accepit; quia tamen incautē se in hoc officio gessit, ab eodem Domino, à quo vocatus ad regnum fuerat, derelictus est. Meritō igitur sancta hæc animalia à charitatis & obedientiæ officiis ad interna studia tanquam fulgura reuertuntur, ne si diutius illis hærerent, perpetuō eisdem implicata remanerent.

## III.

Sed quoniam alarū & manū mysteria expediimus, pedum quoque significationem excuriamus. Pedes, inquit, eorum, pedes recti, & planta pedis eorum, quasi planta pedis vituli. Scitis, fratres, pedis nomine in literis sanctis animi propensionem & amorem designari. Vnde Diuus Augustinus: Pes, inquit, animæ amor est; qui si rectus est, dicitur charitas; si curuus, cupiditas. Idcirco autem amores hominum pedes nuncupantur; quia sicut pedibus corpus fertur, sic anima mouetur amoribus. Vnde est illud eiūsdē August. Quocunq. feror, amore feror. Ideoque luxurioso filio ad patrem redeunti, cum stola prima & annulo calceamenta quoque prouidentur; ne pedes animæ, calceamentis nudati, terrenis rebus per amorem in hærerēt. Quia vero huiusmodi calceamentis Israëliticus populus nudatus erat,

Psal. 77.

1. Reg. 16

1. Reg. 28

August.

Idem.  
Lucæ 1 J.

de illo Ieremias ait: Sordes eius in pedibus eius: quo significare voluit, populum immoderato terrenarum rerum amore fuisse sordidatum. Hac ergo de causa sanctorum animalium pedes recti esse perhibentur, quod omnis eorum amor, ad quaecunque porrigeretur, recta tamen in Deum tenderet. Quorum exemplo nos quoque monemur, ut omnes amores nostros, quos erga res conditas habemus, in Deum, tanquam in vltimum finem referamus. Amamus enim primum eos quibus aliqua naturæ necessitudine coniuncti sumus, ut parentes, ut filios, ut uxores, ut viros, ceterosque sanguinis communione coniunctos. Amamus item opes, honores, dignitates & magistratus, quibus nos publica saluti consulturos speramus; eademque de causa literarum studia colimus ac diligimus. In harum ergo rerum amore solerter providendum est, ut quamvis per hæc diuerticula amor noster deflectatur, recta tamen in Deum tendat. Quod facimus, quando quicquid diligimus, ex charitate diligimus; tum autem ex charitate diligimus, cum propter Deum diligimus, & ad vitam æternam hæc omnia destinamus. Quo in loco sollicitè amor noster explorandus est, ne quid illi peregrini amoris admisceatur, si purum aurum, nullique inferiori metallo admistum offerre Deo cupimus. Sepissime enim peregrinus amor huic amanti adiungitur, sapissimeque in hoc iudicio fallimur; dum quæ propter Deum diligere nos putamus, nostri gratia diligimus. Ideoque non sine magno consilio pedes isti sanctorum animalium in pedes vituli qui ungulam findunt, terminantur: quæ quidē diuisione discretio significatur; ut hac ratione intelligamus, omnibus his amoris affectionibus, discretionis virtutem iungendā esse, ut quid purū aurum, quid adulterinum, quid ignobiliori metallo permistum sit, prudenter intelligamus. Natura quippe amoris proprii subtilis admodū est, & quocunque voluerit, penetrat, & in omnibus quærit seipsam. Homo quoque hoc eodem amore captus sibi ipsi blanditur, sibi que ipsi adulatur, iusteque se facere putat, quicquid vehementer optat. Præclare enim D. Gregorius, Sæpe, inquit, mens sibi inicitur, & fingit de bono opere amare quod nō amat, de munda autem gloria non amare quod amat. Quam multi Ecclesiæ dignitates sub prætextu pietatis ambiunt, qui tamen hæc in re non tam Dei gloriam quam suam quærunt! Quam multi sub eadem imagine sacrarum literarum studiis incubunt, non tam ut animarum lucra, quam ut sua caprent! Quid? quod spirituales quoque amicitie inter viros & feminas peregrini amoris aliquid interdū admittunt? quod cum initio minus appareat, consuetudine tamen crescit. Quo fit, ut spiritualis amor (quemadmodum D. Thom. ait) in carnalem sæpe degeneret, atque ita

Gregor.

s. Thom.  
demum



**Galat. 3.** deinum enenit quod Apostolus ait, vt cū spiritu cōperint, carne cōsummentur. Multos enim qui hac occasione turpiter lapsi sunt, deplorat August. de quorum casu se non magis dubitare aiebat, quā Ambrosij aut Hieronymi. Quin etiam Ecclesiasticae hystoriae memorant, illustrem quendam confessorē, post superatas vngulas & tyrannorum minas hoc laqueo irretitum fuisse: & qui carnificū tormenta superauerat, femineis blādijs succubuisse. Quā ex re apparet, quā sit necessaria vngularum diuisio, vt pedum rectitudo, hoc est, affectionum puritas in animo conseruetur.

Non modò autem pedum figura, sed etiam aspectus sanctorum animalium describitur. Vnde sequitur; Aspectus eorum instat carbonum ignis ardentū, & quasi aspectus lampadarum. Aspectus autem, quod in animante prācipuum est, charitatem, quā principem inter virtutes omnes locum obrinet, designare videtur. Expendite verò qualis esse sanctorum charitas debeat, quā igni & lampadibus comparatur. Hinc illud ex Psal. Qui facit Angelos suos spiritus, & ministros suos flammam ignis. Ad hoc enim Spiritus sanctus super discipulos in igne venit; & in hoc ipsum Dei Filius se venisse ait, vt ignē mitteret in terrā, quo videlicet igneos homines efficeret. Certē hoc igne flagrabant duo illi discipuli ab Emmaus redeuntes, cū inter se dicerent:

**Psal. 103.** **Lucā 24.** Nōne cor nostrum ardens erat in nobis, cū Iesus loqueretur nobis in via, & aperiret Scripturas? Hoc est igitur quod ait, sanctorū animalium aspectum esse quasi carbonū ignis ardentium, & quasi aspectū lampadarum. Quo in loco non frustra lampadum nomen adiectum est. Carboēs namq. ardent illi quidem, non tamē illuminant: at lampades vtrumq. prēstāt, illuminant quippe simul & ardent; ardent sibi, illuminant alios. Talis erat Elias, de quo scriptum est: Surrexit Elias quasi ignis; & sermo eius vt facula ardebat. Sic etiam de Ioanne Baptista Dñs ait, Ille erat lucerna ardens, & lucens. Quicumq. igitur ardet quidem, sed non lucet, carbo ignitus est: at Euangelici viri lampades esse debent, qui sibi ardeant, & alijs luceant.

**Eccli. 48.** **Ioan. 5.** Restat aliud in aspectu animalium considerandum. Ait enim Propheta, facies eorum, & pennas eorū in sublime erectas esse. Hoc in loco, per faciem, operum intentionem accipimus. Sicut enim inspecta facie homines agnoscimus; ita opera nostra ex intentionis puritate dignoscimus. Alius enim eleēmōsynam inanis gloriae desiderio ductus, alius Dei amore incensus tribuit, illud inanis gloriae, hoc misericordiae opus est. Sic cetera opera ex intentionis conditione metimur. Pennarū autem nomine cogitationes intelligimus, quibus animus noster in sublime fertur. Cū ergo ait sanctorum animalium & facies & pennas

pennas in altū subrectas esse, hoc admonere nos voluit, vt omnis nostra intentio & operatio, hoc est, quicquid exterius molimur, vel interius cogitamus, in cælum referamus, quando iam domestici Dei, & cæli ciues effecti sumus. Animaduertite quā- Ephes. 2.  
 so, fratres, quo studio à nobis Dominus requirat, vt in terris positi, semper animus noster in cælo versetur Non enim contentus aquilæ faciem animalibus incidisse, duplicesque alas in sublime protensas contulisse, modò etiam facies, sicut & alas, in altum erigi vult; vt videlicet omnis nostra actio, omnis cura & cogitatio: omnis amor ac desiderium in cælum semper tēdant, eò ferantur, ad illud semper aspirent, vitæque cursum & gressus omnes dirigant. Hoc igitur summo studio viri sancti præstare curabāt, cuius rei gratia cælestes homines, aut terrestres Angeli nuncupantur Theodoretus verò viros sanctos appositissimo Theod.  
 nomine animalia alata nuncupat; quia cum in terris quemadmodum animalia versentur; vt aues tamen in sublime volant. Intelligunt enim in hoc se esse cōditos, propter hoc in vita conseruari, propter hoc cælum, terras, maria, & quæ his locis continentur, illis perpetuò deferuire, vt ipsi communi omnium Domino seruientes, cælestis patrimonij hæredes instituerentur. Et idcirco quā diu ab hoc officio seriantur, frustra se quodāmodum vivere, frustra que creaturarum obsequio se vtī arbitrantur. Vnde quemadmodum fidelis seruus, qui expediendæ alicuius simile.  
 litis gratia in curiam missus est, hoc vnum semper agit, hoc sollicitè curat: modò iudices, modò aduocatos, modò scribas conueniens; neque aliud agit, quā id cuius gratia missus est: ita fidelis Dei seruus & prudens, cum intelligat se ob hoc in vitam missum, vt cælestis regni hæreditatem bonorum operum meritis consequatur; in hoc vnum tota animi contentione incumbit, hoc curat, hoc dies, noctesque cogitat, hoc omnes cogitationes & omnia vitæ studia dirigit; cetera verò omnia tanquam aliena, & nihil ad se pertinentia valere iubet. Hoc est igitur, quod facies & alæ sanctorum animalium, quæ desuper exirent sunt, nobis insinuant.

## IIII.

Sed quoniam animalium sanctorum figuram vidimus, eorum quoque motū consideremus. De eo namq. Propheta subdit: Vbi erat impetus spiritus, illuc gradiebantur, nec reuertebantur cum incederent. Quibus verbis admiranda quædam sanctorū alacritas & obedientia, & perfecta propriæ voluntatis mortificatio designatur. Intelligunt enim viri sancti, totius humanæ perfectionis & felicitatis summam in exequenda diuina volūtate, hoc est, in plenissima obedientia, sitam esse. Hac enim vna re charitatis perfectio, quæ diuinæ legis finis est, cōtinetur,

Idem

Idem namque velle, idemque nolle, ea demum perfecta amicitia est. Hac etiam obedientia homo fit quodammodo Deiformis, atque diuinus. Qui enim sic voluntatem suam instituit, vt nihil prorsus aut velit aut nolit, nisi quod Deum velle aut nolle cognouerit, is vtique (quod ad vitæ integritatem attinet) hominem quodam modo exuisse, & Deum induisse videtur. Ceterum, cum intelligant, neminem ad hoc virtutis fastigium pertingere posse, nisi propria voluntate, quantum fieri possit, addicata; in hoc totis viribus incumbunt, vt propriæ voluntati, quatenus fieri possit, moriantur. Quod faciunt, cum illam non modo inconcessa appetere non sinunt, sed à concessis etiam frequenter abstinere compellunt. Qua quidem exercitatione eo tandem perueniunt, vt sine vlllo impedimento se totos diuinæ voluntatis obsequio tradant. Inde fit, quod idem Ezechiel ait, vt quò eos rapiat impetus spiritus, eo protinus rapiantur. Siue enim aliquid precipiat, siue cõsulat, siue nutibus & interno impulsu ad fidei regulam explorato moueat, siue lætis in rebus versari, siue aduersis agitari velit; demisso protinus capite libentissimè quicquid ille voluerit, amplectuntur. Sic cum beatissima virgo Catharina Senensis se morituram ob vehementissimum pectoris dolorem credidisset, eiusque discipuli obnixè ab ea contenderent, vt precibus à Domino longiorem vitam peteret, ne discipulis, quorum illa saluti prospiciebat, deesset; illa contrà, se iam voluntatem suam exuisse, & diuinam pro illa amplexaram fuisse, respondit, nec ab illa vel latum vnguem posse discedere. Sed quoniam ab hac perfecta obediētia multorum etiam Christianorum mores quàm longissimè distant; non verebor illos Ethnicì hominis, hoc est, Senecæ exemplo accusare, qui cum Deo loquens, obedientiam suam his deuotissimis carminibus testatus est:

Seneca.

*Duc me Pater, celsique dominator poli  
Quocunque placuit: nulla parendi mora est,  
Adsum impiger. Fac nolle, comitabor gemens.  
Malusque pariat, quod pati licuit bono.  
Ducunt volentem fata, nolentem trahunt.*

Hactenus ille. Cuius verba tantum pietatis & religionis habere mihi videntur, vt non dubitem vos omnes adhortari, vt ea in rebus afflictis ad mentem reuocare velitis.

Philip. 3.

1. Pet. 6.

Quod verò deinceps Propheta subdit: Nec reuertebantur cum incederent: perseverantiā nobis boni operis, studiumque semper proficiendi insinuat, quale sancti illius animalis erat, cuius hæc verba sunt; Vnum autem, quæ retrò sunt obliuiscens, ad ea verò quæ sunt priora extendens me ipsum, ad destinatum persequor, ad brauium supernæ vocationis. Sic vacat illæ quæ arcam



aream Dñi ex terra Philistinorū in terrā Israhēl deferebāt, redita semper via itinere suo pergebāt: nec eas aut retrocedere, aut de via deflectere mugientes earum vituli impellere potuerunt. Sed quid est quod Propheta deinde subdit, vnumquodque horum animalū ante faciē suam ambulare? Hoc quoque, sicut & cetera, mysterio nōn vacat. Hoc enim symbolo monemur, vt quęcunq. agimus, quęcunq. molimur loquimur aut cogitamus, sollicitē ac prudenter circumspeciamus: ne qua in re a virtutis tramite vel paululū declinemus. Scitis enim verā esse vulgatissimam illam magni Dionysij sententiam, quod ad bonum omnes simul causę conspirare debeāt: ad malum autem vel vnus tantum circumstantiā omisso sit satis. Et ideo quoties vel aliquid aggredimur, vel cum animo nostro cogitamus, diligenter omnia circumspeciamus, quo modo, quo sine, apud quos, quo loco, quo tempore, & quę sunt eius generis. Quicquid enim horum defuerit, bonum alioquin opus in cōtrarium vertit. Hoc est ergo ante faciē suam ambulare, suorum videlicet operum spectatorē ac iudicem fieri. Quam rem Salomon designauit, cum dixit: Sapientis oculi in capite ipsius: stultus in tenebris ambulat. Stultus enim cum nullam honesti rationem habeat, sit honestum an turpe quod agit, non attēdit. Sapiens autem in capite oculos habere dicitur, quia ex sublimi loco, velut in specula quadam positus, opera sua atq. seipsum tanquam alterum spectat: atque ita se velut in duos homines partitur, quorum alter operatur, alter operis iustitiam & modum examinat. Hoc item nos idem Salomon admonet: Oculi tui recta videant, & palpebrę præcedant gressus tuos. Ego verō hos oculos & palpebras non solum præcedere, sed etiam comitari, & ad finem vsq. opera nostra prosequi debere statuo: cum antiquus hostis nō solum in operis initio, sed in medio etiā cursu ac fine insidias tendat. Quo interdum euenit, vt quę rectēcepta sunt, non rectē postea persequamur. A quo periculo sancta hæc animalia longissime aberant, quando vnumquodque ante faciem suam ambulabat ne quid per ignorantiam delinqueret.

Sed quamuis hæc omnia quę diximus, admiratione non vacent: mihi tamen oculorum multitudo, quam illis Ioannes in Apocalypsi tribuit, maximē mirabilis esse videtur. Cum enim Propheta definitum numerum alarum, manuum, atq. pedum hisce animantibus tribuat, oculos tamē sine numero assignant per totum corpus, antē & retrō, oculis plena esse dicens. Quid igitur hæc tanta oculorum multitudo nobis indicat? Multa sanē, sed illud in primis, hostibus, laqueis & periculis esse omnia plena. Omnis etenim creatura (vt Sapiens ait) in laqueum & inscipulam pedibus insipientium facta est. Quid verō est, in

Dionys.  
Arcop.

Eccles. 2.

Prou. 4.

Apoc. 4.

Sap. 14.

quo serpens antiquus laqueos miseris hominibus non tendat: in cibo, in potu, in incessu, in vestibus, in colloquiis, in frequentia hominū, in solitudine, in secundis, in aduersis rebus, ac postremo in ipsis etiā bonis operibus, quibus frequēter nos ad inanē gloriam extimulans, in portu naufragium facere cōpellit. Quē cū ita sint, quid mirum si contra multitudinem laqueorū necessaria nobis sit multitudo oculorū? Quid mirū, si cū hostis antiquus mille habeat nocendi artes, nos quoq. mille oculos habeamus, quibus tot eius fraudes & insidias deprehēdere valeamus.

**Bernard.** mu. ? D. Bernard. ex medicamēti pretio, hoc est, sanguinis Christi, morbi nostri magnitudinē colligit: nos verō ex hac oculorū multitudine, periculorū magnitudinē, inter quā quotidie versamur, colligere possumus. Nec enim tā multis oculis op' esset, nisi multis modis nos hostis noster adoriretur. Sūt etiā tot oculi antē & retro necessarij, vt nō modō prāterita, sed etiā futura prospiciamus. In prāteritorum enim recordatione inueniemus vnde erudiamur, vnde doleamus, & vnde gratias Dño agamus. In futurorum autē perspicientia, vnde timeamus, & vnde nobis oportune provideamus. Hanc autē sapientiā sanctus Prophe-

**Deut. 32.** ta filiis I sraēl optabat, cū diceret: Gens absq. consilio & sine prudentia est. Vtinam saperēt & intelligerēt, & nouissima prouiderent. Ad vtrāq. ergo hāc tempora inspiciēda, anteriores & posteriores isti oculi dati sunt: quin etiam ad omnia virtutū officia moderanda, illamq. mediocritatē prāscribendam, sine qua nulla virtus exstare potest, necessarij sunt. Magna enim prudentia, quā oculorum nomine designatur, ad hoc opus est. Ea namque virtutum omnium velut auriga quēdam & gubernatrix esse dicitur: ideoq. multi oculi numerātur, quia multa nobis prudentia opus est. Virtutes etiam, quibus ipsa præsider, mediocritate gaudent: quā si destituantur, virtutis nomen amittūt. Prudentia verō nullis finibus cōreccetur, sed quō maioribus incrementis aucta fuerit, eō perfectior erit. Ideoque cū ea quā ad cultum templi, & sacrificiorum oblationes necessaria erant, à Rege Persarū certa quadā mensura tribuerētur, sal tamen absq. vlla mensura dari praecepit. Cū autē sapientia & salis & oculorum nominibus designetur, nihil mirum, si nullus certus numerus oculorum, nulla salis mensura sit. Hos igitur oculos sancti Euangelistae habuerunt: hos etiam beatissimus Matthaeus speciali quadā ratione sortitus est: cui inter sancta hāc animalia hominis facies tribuitur, propterea quod sacratissimē humanitatis Christi opera atq. mysteria luculētissimē perfecutus est. Post Christi verō resurrectionem profectus in Aethiopiam, quā prouinciam fuerat sortitus, verbum Domini sequentibus finibus latissimē disseminauit. Et regio puero ē morte ad vitam di-

lina ope, reuocato, Regem patrem cum vxore, & vniuersa provincia ad Christi fidem cōuertit. Cui Regi defuncto cūm Hirtacus quidam in regno successisset, eiusq. filiam Iphigeniā sibi vellet matrimonio copulare: Matthæus, quo auctore virginitatem illa vouerat, vt in sancto virginitatis proposito persisteret, eandē hortabatur. Itaq. virginem constanter suis votis obistere molestissimè ferens Hirtacus, Matthæum, quem eius consilij auctorem esse sciebat, ad altare sacra facientem gladio confodi iussit. Et sic Apostoli, & Euangelistæ, Martyrisque coronam adeptus Matthæus, ad Christum, beatamque vitam migravit.

IN FESTO SANCTI MICHAELIS  
ARCHANGELI CONCIO PRIMA:  
in qua lectio Euangelica explanatur.

THEMA. *Quicumque humiliauerit se sicut paruulus iste, hic maior est in regno calorum.* Matth. 18.



I huius sententiæ veritate sacratissimæ Virginis dignitatem & celsitudinem (vt par est) metiri velimus, non dubium quin post diuinæ maiestatis sedem, proximum eam locum in regno calorum obtinere fateamur. Quia enim eius humilitas summa fuit, altissimum quoque in hoc regno locum ipsam tenere credendum est.

Si quis autem ex altera quidem parte sacræ Virginis humilitatem quam in hoc seculo prætulit, dum inter homines versata est, consideret; ex altera verò gloriæ magnitudinem, qua nunc in calo fruatur, contempletur; an nō præ admirationis magnitudine obstupescet; cūm hinc tantam abiectionem, inde tãtam gloriæ celsitudinem videat? In hoc enim seculo sic se vt paupercula mulier pauperi fabro desponsata gerebat, & circa frequens domus suæ ministerium sine ancillarum gregibus occupata, viliq. cultu atque habitu induta, sponsi sui paupertatem, & quotidianum laborem opera & labore suo qua poterat ratione lenabat, colo ac tela victum quæritans. Qui igitur illam sic abiectam atque humilem in hoc seculo viderunt, quid facient, cūm illam super omnes Angelorum choros inæstimabili splendore fulgentem, & ad vnigeniti Filij Dei dextram assidentem, & sub pedibus suis supera & infera omnia cernentem viderint? Quid hoc spectaculo iucūdius? quid mirabili? Sic enim reprobi in extremo illo iudicio admirabūtur, cūm pios homines (qui



Sap. 5.

contempribiles in hoc seculo apparebant) ad summum dignitatis & gloriæ gradum euectos viderint. Videntes enim (ait Sapientis, turbabitur timore horribili, & mirabitur in subitatione insperatæ salutis. &c. Si igitur tantæ improbis admirationi erit Sanctorum gloriam intueri: quid facient, cum summâ Virginis gloriâ post tantam huius vitæ humilitatē & paupertatē videât.

Genes. 40

Verum hoc ad eius præcipuè laudē spectat. Ad nos illud maxime scire spectat, an sacra Virgo in tanta celsitudine cōstituta, ad paruulorum preces, quas in hoc seculo ad eam fundimus, se demittat: eosq. pro charitatis sinu amplectatur. Num igitur, ô beata mater, nostri oblita es? num præcordia tua gemitus & lachrymæ nostræ tangūt? num voces nostræ castissimas aures tuas pullant? Prouerbiū enim est, Honoribus mutari mores, & eos qui malorum ignari secunda fortuna fruuntur, miserorum curam abijcere. Sic enim pincerna ille Pharaonis, qui cum Ioseph in carcere vinctus asservabatur, succedentibus prosperis, oblitus est interpretis sui. O quàm longè ab hoc animo clementissima Virgo abest! Nunquam enim summus ille bonorum omnium largitor Deus, magnam celsitudinē nisi cū magna humilitate, magnaq. paruulorum cura coniunctam tribuit. Quanto enim maior est dignitas Angelorū quàm hominū! At in iuuandis, tuendis & custodiēdis hominibus cōtinenter intēti sunt, quemadmodū cælestis Magister in hodierna sancti Euāgelij lectione docet: Angeli, inquit, eorū semper vidēt faciē Patris mei qui in cælis est. Itaq. tantum abest, vt summa Virginis celsitudo oblivionem aut contemptum hominū pariat, vt etiā curam & charitatē eius in nos maxime auxerit. Quis enim dubitat, quin vbi maior gloria, maior etiā sit charitas & gratia; ac proinde maior erga miseros misericordia? Hac igitur misericordia nunc indigemus, fratres, vt deposito superbiæ & arrogantia supercilio, Virginis humilitatem sectari valeamus. Hæc enim virtus quò longius ab affectu carnis distat, hoc magis cælesti eger auxilio. Verè enim magnum & supra hominis facultatem positum est, vt, qui superbia elati ad concionem venimus, demisso atque humili corde ab ea recedamus. Ad hoc igitur cælestem opem, sacratissimæ Virginis interuentu, suppliciter imploremus.

## A V E M A R I A.

Isaia 66

Inter magnificentissima mundi opera, Salomonis templum celebratur: in cuius fabricam infinita penè auri, argenti & aris copia expensa fuit. Quo opere absoluto, Hebræi magnū se obsequium Domino præstitisse credebant. Quorum tamē ignorantiam per Esaiam Dominus corripuit his verbis: Cælū mihi sedes est, & terra scabellum pedum meorum; quæ est ista domus quam ædificabitis mihi, & quis iste locus requietionis meæ? Quod

Quod perinde est ac si diceret: Domus hæc ad habitationem quidem meam supernacanea & angusta est. cum calū mihi sedes, terra verò scabellū pedum meorum sit. Itaque domū hanc non tam mihi quā vobis ædificastis, ad quam opem & misericordiā meam imploraturi confugiatis. Quid igitur Domine? Si tibi quæ æstimatione nostra magnifica & ampla sunt, vilescunt, quid tibi, quæso, gratum. Quid te dignum erit? Num taurorum & agnorum millia in sacrificium oblata? Non, inquit Psal. 49. ille, accipiam de domo tua vitulos, neque de gregibus tuis hircos: quoniam meæ sunt omnes feræ silvarum, iumenta in montibus & boues. Quid igitur, expone, quæso, Domine, maiestatis tuæ oculis gratum sit: hoc enim nostra maximè scire refert. Sicut enim qui regum gratiam expetunt, ea solent diligenter indagare, quæ ipsis præcipuè iucunda sunt: ita qui gratiam tuā supra omnia expetenda iudicant, quo te potissimum officio demereantur, studiosissimè quærunt. Ne ergo ingenium nostrum in huiusmodi inquisitione fatigaremus, ipse nobis arcana hoc patefacere dignatus est; cum post illa verba subiecit: Ad quem autem respiciam, nisi ad pauperculum, & contritum spiritu, & tremementem sermones meos? Quis hic non diuinam bonitatem collaudet, quæ hoc tantum bonum in ea re collocavit, quæ volentibus in promptu est? Si enim in excelso dignitatis gradu, aut splendida fortuna hoc posuisset, difficultatem rei causari tenues homines potuissent: at cum non in ascensu, sed in descensu posuerit, facilem quidem & expeditam nobis ad felicitatem viam muniuit. Quo nomine D. Bernardus grauiter aduersus hominum superbiam incandescit: quòd cum descendere sit facillimum, difficillimum autem ascendere; ipsi tamen malint cum labore & periculo ascendere quā cum maximo suo fructu, parique facilitate descendere. In hunc ergo humilem corde (quem pauperculum Dominus appellat) oculos suos figit, hunc se respicere, hunc sibi gratum esse testatur. Merito autem paupertatis nomine humilem appellauit: quia ille verè humilis est, qui paupertatem & nuditatem suam agnoscit: qui se nihil ex se habere præter peccatum & nihilum profitetur: qui omnia quæ habet siue naturæ siue gratiæ bona, vni Deo accepta refert; qui neque iudicio suo, neque consilio, neque viribus nititur, sed sp̃e omnem salutis in diuina misericordia collocat; qui totus ex Deo pendens, eius opem piis clamoribus continenter implorat. Idem etiam ad Dei sermones tremere propter summum parendi studium, dicitur. Vnde cum Deus minatur, timet; cum promittit, sperat; cum iubet, obtemperat; cum loquitur, auscultat; cum vocat, accurrit; cum reuocat, redit; & omnibus in rebus se illi obsequentem & morigerum exhibet.

Simile.

Esaiæ 66

Bernard.

- Tales ergo qui in oculis suis nihil sunt, summus ille rerum omnium Conditor amicis oculis intuetur: qui verò tales non sunt, quamlibet magni sibi appareant, viles ante eum existunt. Hinc D. Gregorius verba illa Domini 1. Reg. 15, explanans, Nonne cum esses paruulus in oculis tuis, &c. sic ait: Magnus mihi fuisti, quia despectus tibi: at nunc quia magnus tibi es, mihi es despectus. Tanto ergo fit quisque vilior Deo, quanto pretiosior sibi. Hæc ille. Idem etiam regius Vates nos docet, cum ait: Excelsus Dominus, & humilia respicit, & alta (hoc est mundi iudicio ampla & illustria) à longè cognoscit: quoniam ea despicit, & pro nihilo ducit. Vera enim magnitudo in superbis cōtemnendis, & pauperibus infirmisque tuendis maximè cernitur. Hinc regius Vates cum Deo agēs: Tibi, inquit, derelictus est pauper, pupillo tu eris adiutor. At falsa magnitudo ut potentioribus turpiter seruit, ita infimos quosque crudeliter despicit. Hanc Amos 6. enim Amos Propheta notauit, cum dixit: Bibentes vinum in phialis, & optimo vinguento delibuti, nihil patiebantur super contritione Ioseph. Sed dicetis forsitan: Quorsum hoc tam longum de humilitate principium? Nimium quia hoc est quod præcipuè in hodierna sancti Euangelij lectione celestis Magister docet: ea vero sic habet:

## I.

- Accesserunt discipuli ad Iesum, dicentes, Quis putas maior est in regno celorum? Expendamus primum quæ fuerit huius interrogationis occasio. Primum quidem, quòd Petrum inter cæteros discipulos Ecclesiæ caput & fundamentum à Domino cōstitutum fuisse audierant: & quòd in præsentī lectione tributum Dominus pro se, & pro eodem Petro solus præceperit. Qua de re sic S. Euangelista ait, Cum venisset Capharnaum, accesserunt, qui didragma accipiebant, ad Petrū, & dixerunt ei, Magister vester nō soluit didragma? Ait, etiam. Et cum intrasset in domū, præuenit eum Iesus, dicens: Quid tibi videtur Simon? Reges terræ à quibus accipiunt tributū vel censum? à filiis suis, an ab alienis? Et ille dixit: Ab alienis. Dixit illi Iesus, Ergo liberi sunt filij. Ut autem non scandalizemus eos, vade ad mare, & mitte hamum: & eum piscem qui primus ascenderit, tolle, & aperto ore eius inuenies staterem: illum sumens, da eis pro me & te. Sequitur deinde: In illa hora accesserunt discipuli ad Iesum, dicentes, Quis putas maior est in regno celorum? &c. Cuius quidem interrogationis hæc causa exstitit: quòd cum tributum illud non à singularibus personis, sed à patribus familias, qui domibus prærant, exigeretur, Dominus autem nō pro cæteris discipulis, sed pro Petro tantum solui iussisset: hoc ipso cæterorum discipulorum, hoc est, familiæ Christi caput & primatem esse declarabat.*

Cum



Cum ergo discipuli Petrum à Domino hac in re ceteris preferri animaduernerent, non minus agrè hoc tulerunt, quam cum Iacobus & Ioannes fratres, dexterà & sinistram in regno Christi, subornata matre, petierunt: tunc enim hæc de primatu contentio inter eos agitata fuit. Hæc igitur quæstio, quæ speciem tenus pietatem referre videbatur, occultam ambitionis & inuidie radicem intus celabat. Inuidiam quippe diuus Gregorius ambitionis filiam esse testatur: neque enim ambitiosus patienter ferre potest, ut alius honorem quem ipse ambit, ei præripiat, quin linore & inuidia mordeatur. Quamobrem quisquis inuidiæ pestem à se excutere cupit, radicem eius abscindendam curret: matre enim (ut idem Gregorius ait) extincta, filia protinus interibit.

Gregor.

Cum ergo Saluator quandam ambitionis & inuidiæ (ut ita dixerim) fibræ in discipulorū pectore latentem huic interrogationi causam dedisse animaduertisset, hac ratione morbum hunc curare aggressus est. *Aduocans enim paruulum, st. tuit in medio discipulorum.* Mos erat Prophetis olim, ut cum aliquid audientium animis altius infigere vellent (quoniam nuda verba exiguum ad hoc vim habere videbantur) earundem rerum imagines verbis addere studerent; ut auditorum oculis conspiciendum subijcerent, quod verba minus apertè significabant. Sic Isaias ex Domini præcepto nudus in medio populi ambulauit, ut Hierosolymitani regni vastitatem & populationem propter peccata populi futuram denunciaret. Sic Hieremias catenas collo circumpositas baiulare, & lagunculas præsepte populo confringere præcipitur, ut eiusdem populi captiuitatem, & urbis excidium prænunciaret. Sic Ezechiel parietem noctu perforare, per eam egredi, & pilos abscissos per aëra spargere, & gladium post eos euaginare iubetur, quo eiusdem populi fugam, & futuram eius dispersionem hac rerum imagine ipsi ante oculos poneret. Ad hunc ergo modum Saluator, qui tam multis antea docuerat humilitatis virtutem commendauerat, nunc nouo quodam exemplo non verbis solum, sed expressa quadam eius effigie commendat. Aduocatum enim paruulum statuit in medio discipulorum. Mirantur illi rei nouitatem, nouamq. docendi rationem, qua nunquam cælestis Magister, nisi in hac sola humilitatis commendatione, fuerat usus. Circumstante igitur discipulorum corona, pueroque in medio eorum collocato, Saluator protensa in paruulum manu ait: *Amen dico vobis, nisi conuersi fueritis, & efficiamini sicut paruuli, non intrabitis in regnum celorum. Quicumque ergo humiliuerit se sicut paruulus iste, hic maior est in regno celorum.* Animaduertite, quæso, fratres, quantum diuina ab humanis iudicia distent. Verissimè enim Dominus per

Isaiæ 20.

Hier. 19.

Ezech. 12

Esaiæ 55. Prophetam dixit: Sicut exaltantur celi à terra, sic exaltata sunt via in ea à viis vestris, & cogitationes meæ à cogitationibus vestris. Discipuli ambitionis spiritu instigati, celestis regni primum ambiebant: Dñs cōtrā nouissimum eis locum, & paruulorum spiritum proponit, si principem in eo regno locum habere vellent. O quā dissimiles diuini Spiritus, & humani cordis affectus sunt! Isti nihil nisi sublime, excelsum & honorificum cogitant: illi nihil nisi humile, demissum & abiectum. Sed diceris: Qua ratione cōuertere possumus, & effici sicut paruuli? Hoc nos 1. Pet. 2. Petrus Apostolus docet, cum ait: Quasi modò geniti infantes, 1. Cor. 4. rationale, & sine dolo lac concupiscite. Paulus item: Nolite, inquit, pueri effici sensibus, sed malitia paruuli estote. Iubemur ergo, puerili ignorantia prætermissa, candidos puerorum mores non pueriliter, sed prudenter æmulari. Pueri enim primum, vt nomē ipsum præ se ferre videtur, puri sunt, simplices, innocentes, humiles, & maiorum imperio parentes. Pueri facili placantur; citò ignoscunt, & iracundiam aut odium diu non retinent, non de eminentiori in templis loco digladiantur, non factionibus student, non malè de aliis aut iudicant aut loquuntur; denique malitia omnis à puerili simplicitate abest. Hanc ergo puerorum simplicitatem & innocentiam in moribus nostris celestis Magister referre nos & imitari iubet.

## II.

Quamuis autē hac in paruulis simplicitas ab omni malitia fūco aliena præcipuè emineat: humilitatē tamen (cuius imaginem in pueris cernimus, qui ab omni arrogantiā & superbiā fastu atq. tumore alieni sunt) nobis Dñs hoc exēplo voluit commendare; quòd ea videlicet aliarum virtutum nō modò fundamentum, sed custos etiam & nutrimentū sit: ideoq. hanc à nobis præcipuè colendam atq. sectandam monet, si ad virtutū culmen volumus peruenire. Hinc D. August. Cogitas, inquit, fabricam magnam exstruere celsitudinis, de fundamento prius cogita humilitatis. Nō tamen satis est huic virtuti, quòd aliarum sit fundamentum, nisi easdem etiam & conseruet, & augeat, & ad culmen vsq. perducatur; tanta eius vis atq. potestas est. Quam Bern. in rem D. Bernard. ad duas nobilissimas virtutes, castitatē videlicet & charitatem, præcipuè referēs, ait: Vt castitas siue charitas detur, humilitas meretur: quoniā humil. bus Deus dat gratiam. Eadem etiam seruat acceperat: quia non requiescit Spiritus, nisi super quietum & humilem. Et seruatas item consummat: nam virtus in infirmitate, hoc est, in humilitate perficitur, & inimicam gratiæ, omnisque initium peccati debellat superbiā. Sed inter has tamen humilitatis laudes illā maxima cēsenda est, quòd in hac vita (quæ tota vel tentatio, vel militia efficitur,

tur, in qua nihil tutum, nihil securū est) sola humilitatis virtus, quamdiu firmiter membris nostris infixā hāret, securitatē inter innumeros diaboli laqueos & insidias prābet. Nunquam enim verē humilem amator paruulorum Dñs labi permittet. Quod intelligens Dauid Rex, ad huius virtutis prāsidū, velut ad sacram anchorā confugiēs, aiebat: Custodiēs paruulos Dñs, humiliatus sum, & liberauit me. Hinc Ioannes Climacus, Omnium, inquit, venenatarum ferarum sensibilibus interemptor est cernuus: intellectuālū verō humilitas interfectrix est. Vnde magnus ille Antonius monachus in ecstasi raptus, vniuersum mundū laqueis sese mutuo cōnectentibus plenum vidit, tantāque rei nouitate stupefactus, exclamans, O, inquit, quis istos effugiet! vocemq. protinus ē cælis allatam audiuit: Antoni, humilitas. Quin & illud huic eximiae virtuti tribuitur, quod quēadmodum tribulationu patientia, ita etiam cordis humilitate vera atq. perfectā virtus probatur. Quam sententiam D. Augustinus confirmat, illū Ecclesiastici locū enarrās: Vasa figuli probat fornax, &c. Hæc namq. vasa vento erumpente crepant: quæ autem vento carent, multo magis igne solidantur. Ad hunc ergo modum spiritualia vasa, quæ superbiæ vento inflata sunt, ignoscina oblata crepant: non crepant autem quæ hoc superbiæ vento carent. Hoc autem argumēto antiqui olim eremi Patres sancti Simeonis Stilitis virtutem probare voluerūt. Cū enim is nouam quandam viuendi rationem, omnibus antea seculis incognitam, elegisset, vt videlicet in columna, triginta quinque cubitis à solo erecta, habitaculum sibi elegisset; ad illum Patres legationem miserunt, quam Euagrius Scholasticus memorat his verbis: Cū Simeones iste, qui in terra Angelus, in carne cælestis Ierusalem ciuis fuit, peregrinam viuēdi viam, hominibus planē incognitam, instituisset, sancti eremi incolæ mittunt quendam ad illum, iubentq. vt ab eo sciscitaretur, quid hæc noua & inusitata vitæ ratio sibi vellet, & quamobrem trita viuendi via, & sanctorum pressa vestigiis, relicta, aliam quandam peregrinam, & hominibus omnino ignotam sequeretur? eumque hortantur per nuncium, vt ex suo domicilio descenderet, viæque electorum Patrum insisteret. Quod si alacri animo ac parato descendere videretur, mandarunt, vt ei sui ipsius viuēdi via insistēdi potestas fieret; ex obedientia enim satis constare posse dixerunt, eum Deo duce in eam viam ingressum fuisse, tamq. graue certamē ad se afflicandū in vita suscepisse: sin resisteret, aut suæ inseruiret voluntati, ac non statim ipsorum hortationi morem gereret, vt vi inde abstraheretur. Nuncius ubi accessit ad eum, & Patrum mandatum illi exposuit, isque extemplo alterum produxisset pedem, Patrum hortationi obsecutus,

Psal. 114.

Io. Clim.

August.  
Eccle. 27.

Euagr.



rus, permittit sua ac propria viuendi via incedere, sic eum affatus: Bono animo sis, & strenuè rem gere: statio tua à Deo est instituta. Haftenus Euagrii verba; quæ satis indicât summâ sanctissimî huius viri humilitatem; qui cum intelligeret, genus illud vitæ à Deo probatû fuisse (quod quotidiana eius miracula declarabant) maluit tamen Patrum iudicio quàm suo niti. Unde illa promptissima obedientia ortum habuit. Hic igitur hoc Domini præceptum, quo nos instar paruulorum demitti atque humiliare iubet, perfectè impleuit.

## III.

Arbitror autem, fratres, ob ea quæ haftenus de humilitatis laude diximus: vos eius amore captos, scire etiâ velle, quonam modo eâ cõparare possitis. Planè fateor, non perinde facile esse aduultum hominem in hunc paruulum, quem Dñs proposuit, commutari. Sic enim natura cõparatum est, vt quo quæque res vtilior & præstâtior sit, hoc sit etiam difficilior: quod in hac virtute cernere licet. Verè enim tota carnis militia, peccati morbo infecta, huic puerorum simplicitati atque humilitati repugnat. Quid enim aliud tota vita homines per tela, per ignes, nisi primum, honorem, & gloriam quærunt? Itaq. perinde est superbo homini, vt se ad paruuli humilitatem demittat suadere, ac si claudo cursum imperes; nisi diuinus Spiritus adsit, qui eum hoc paruulorum spiritu imbuat: ideoq. paucos admodum hac ætate reperire licet, qui hoc modo paruuli sint.

Bernard.

Quid igitur nobis factò opus est, quo hanc adeò necessariam virtutem adipiscamur? Ad hoc sanè viam nobis ipsa humilitatis definitio aperit, quam D. Bern. describit his verbis: Humilitas est virtus, qua homo vilissima sui cognitione sibi ipse vilescit. Ex qua definitione liquet, veram inopiæ atq. vilitatis suæ cognitionē, humilitatis fundamentum esse. Ex hac enim cognitione, quæ est in intellectu, despectio atq. contemptus sui nascitur, qui in voluntate est, in qua humilitas, tanquam in subiecto, residet. Hæc autem cognitio exigit primû, vt omnia præteritæ vitæ peccata nobis ante oculos proponamus: quorû consideratione supercilium deponentes, nos cum Euangelico publicano indignos existimemus, qui ad cælum oculos leuare audeamus.

Simile.

Solent studiosi vinearum cultores tribulos & sentes, ne vitibus noceant, radicitus euellere, ex illisq. vallum & septum vineæ conficere, quo furibus aditum in vineam præcludant: ita fit, vt illud ipsum quod vineæ nocumento erat, custodiæ seruiat. Hos igitur imitemur, quisquis ex præteritæ vitæ spinis & sentibus, quas per verâ pœnitentiam ab anima sua reuulsit, sese deiciens atque humiliandi materiam sumit: atque ita per humilitatis virtutem, ex peccatorum recollectione manantem, animæ suæ vineam

vineam custodiat. Deinde, quantum nobis ad Christianæ vitæ perfectionem desit, studiosè consideremus. Hac enim ratione quidā ex sanctis illis eremi Patribus (vt Ioannes Climacus scribit) superbiæ tumorem colaphis cædebat. Descripserat enim in cellulæ pariete altissimarū virtutum appellationes; puta, perfectæ charitatis, angelicæ humilitatis, mundissimæ orationis, incorruptibilis castitatis, & huiusmodi virtutū reliquarum. Cum ergo illum cogitationes extollere cœpissēt, dicebat illis: Eamus ad argumentum; adueniensq; relegabat appellatione, sibiq; ipse clamabat: Cum has omnes possederis, tunc scies quā longè adhuc a Deo sis. Cum enim ea possederis, seruus eris inutilis: fecisti enim quod facere debuisti. Ad hæc, diuina quoq; beneficia, & virtutis adiumenta, quæ à Deo percepimus, ad mentē reuocabimus, inueniemusq; nequaquam nos his cælestibus donis, quibus alij meliores efficerentur, pro dignitate satisfecisse. Sic enim fiet, vt ex diuinis beneficiis, & cælestibus donis, quibus alij insolescere solēt, nos humiliādi atq; submittendi materiam arripiamus. Hac enim consideratione viri sancti se grauius accusant, adeoq; se non offerunt, vt semper Deo se debitorum esse fateantur. Postremò illud maxime ad hanc virtutem pertinet, vt vir pius luce clariùs agnoscat, si quid rectè cogitat aut molitur, non opis & virtutis suæ, sed gratuitum diuinæ miserationis beneficium esse. Hoc enim passim diuina eloquia testantur. Tale est illud Apostoli: Cum timore & tremore salutem vestram operamini: Deus est enim qui operatur in vobis & velle & perficere pro bona voluntate. Et iterum: Quid habes quod non accepisti? si autem accepisti, quid gloriaris, quasi non acceperis? Sic & apud Ioannem Dominus, Sine me, ait, nihil potestis facere. Et iterum: Sicut palmes non potest ferre fructum, nisi manserit in vite; sic nec vos, nisi in me manseritis. Horum autem diuinorum testimoniorum, aliorumq; similium auctoritate, Pelagiana hæresis in Concilio Mileuitano damnata est, quæ sola liberi arbitrij facultate, sine cælestis gratiæ auxilio, nos opera æterna vita digna facere posse impie asserbat. His igitur cōsiderationibus pius homo illud Ecclesiastici consilium implendum curat: Humilia valde spiritum tuum. Quo enim magis illam ante diuinæ maiestatis conspectum demiseris, hoc magis illam suspicies & veneraberis. Hac enim de causa idem Ecclesiast. ait: Magna potentia Dei solius, & ab humilibus honoratur. Quo minus mirandum est, si magnis illos Deus honoribus afficiat, à quibus maxime honoratur, cum scriptum sit: Ego glorificātes me glorifico. His igitur sanctis cogitationibus, fratres, veram cordis humilitatem cōsequi poterimus, si hæc tamen assiduū orationis studium adiungamus, qua continenter altissi-

Clim.

Philip. 1.

1. Cor. 4.

Ioan. 15.

Ibidem.

Ecclef. 7.

Idem. 3.

1. Reg. 2.

altissi-

300 IN FESTO S. MICHAELIS ARCHANG.  
altissimam hanc virtutem à Domino virtutum crebris gemitibus; ardentibusque desideriis postulemus.

IIII.

Sed iam quid de hoc paruulo, quem oratione descripsimus, Dominus dicat, videamus: *Qui, inquit, suscepit unum paruulum talem in nomine meo, me suscipit.* Magnum sanè premium, & quo nullum maius: quia tali hospite nihil maius. *Quid igitur qui offenderit?* Subdit protinus: *Qui autem scandalizauerit unum ex his pusillis qui in me credunt, expedit ei ut suspēdatur nola asinaria in collo eius, & demergatur in profundū maris.* Videamus primū quid scandalu sit. Scandalu Latinis offendiculum est, quòd incautè gradientibus lapsus & ruinæ causa existere solet. Hoc si à corpore ad animum transferamus, scandalum erit quod Propheta dicit:

**Psal. 141.** In via hac qua ambulabam, absconderunt superbi laqueum mihi. Quicunque enim aut verbis, aut prauis etiam exemplis alteri occasionem præbet ruinæ, utique scandalum siue offendiculum in via ponere dicitur. Verbi causa: *Qui* hominem aliqua iniuria affectum, adulationibus, prauisque consiliis ad vindictam expetendam inducit, is planè offendiculum eius pedibus subiicit. Scandalum item est, cum quis innocentem virginem verbis, literis, munusculis, promissis, internunciis, cæterisque malis artibus ad pudoris iacturam sollicitat. Sic etiam cum eadem virgo, instar sezabelis, oculos suos pingit sibi, & metetricio habitu cultuque ornata, in edito loco sedens, prætereuntes, & simpliciter in via gradientes in sui amorem pellicere intendit, scandalum & laqueus diabolici est. Cum præterea pater in filiorum conspectu impudèter & frequenter iurat, peierat, & sacrilegum os in cælum ponit, & diris omnibus famulos deuouet, & pictis ludit patrimonium chartis, vnde fit, ut hoc exemplo filij famuli que inducti, idem facere discant; scandalum planè & quidem grauissimum est. Quicunque præterea piorum hominum simplicitatem derident, eosque ignominiosis nominibus appellant, quo fit, ut alij puerili metu territi, virtutis viam horreant, vel cæptam deserant; hoc eodem peccati genere delinquant. Quale autem quantumcunque hoc scelus sit, latè Dñs in præsentī Euangelio deplorat. Si enim fur, qui decem aureos è domo tua clanculū surripuit, capitis supplicio commissi pœnas luit; qua pœna digni erūt, qui ex anima tua Deum, hoc est, summum bonū surripuerūt, & pro illo satanam supposuerūt? Sunt planè multa reprobationis signa, quæ sancti Patres cōmemorant: inter quæ præcipuū mihi locum hoc sceleris genus habere viderur. Iustitiæ enim & æquitatis ratio hoc exigit, ut, qui alterius animā perdidit, suā perdat. Sic enim olim diuina lex sanxit:

**Exod. 21.** Animā pro anima; oculo pro oculo, dentē pro dente, adustionē pro



pro aduisione. Iustus ergo est, ut quæ nos mala innocentibus irrogauimus, ipsi patiamur. Sic Pharaon, qui ferali immanitate Hebræorum pueros aquis interimebat, aquis ipse quoque diuina perurgente vindicta, interemptus est. Sic Dauid, qui alienam uxorem violauit, & maritum gladio sustulit, eadē mala, & multo etiam grauiora, non ab externis, sed a parricida filio perpeſſus est. Sic Adonibezec, qui Regibus, quos bello ceperat, pedes & manus amputabat, simili modo ipse quoque, Deo ita disponente, truncatus est. Quid igitur ex his sequitur, nisi ut qui animam, Christi sanguine redemptam, Satanæ tradidit, ipse quoque eidem torquendus tradatur? Quocirca Dominus vehementer nos in huius sacræ lectionis fine ab hoc pestilenti crimine reuocat, dicens: *Videte ne contemnatis vnum ex his pusillis: dico enim vobis quia Angeli eorum in celis semper vident faciem Patris mei qui in celis est.*

Exod. 15.

Hactenus à peccato scādali nos Dominus proposita periculo nostri magnitudine deterruit: nūc paruulorum dignitate exposita, à quouis peccandi genere animum nostrum reuocat: quod videlicet Angeli, quorum tutelæ commissi sunt, celestis Patris faciem (qua summa eorum gloria est) perpetuò videāt. Magna profectò (ut D. Hieron. ait) dignitas animarum, ut vnaquæque ab exordio natiuitatis suæ Angelum habeat delegatū. Sic etiam Gloss. hoc in loco, Vnicuique, ait, nostrū adest Angelus, qui regat, qui moneat: qui pro actibus nostris corrigendis, & miserationibus impetrandis quotidie Dei faciem videat. Si quis verò hanc tantam hominis dignitatem, quam sacræ literæ prædicat, miratur; multo magis mirabitur, hoc ipsum etiā (ut Seneca refert) Stoicorū dogma fuisse. Eius hæc verba in epist. 111. sunt: Sepone in præsentia quæ quibūsdam placent, vnicuique nostrum pædagogum dari Deum, non quidem ordinarium, sed hunc inferioris notæ, ex horum numero, quos Ouidius ait, de plebe deos. Ita tamen hoc seponas volo, ut memineris, maiores nostros qui crediderunt hoc, Stoicos fuisse. Hactenus ille. Itaque quos nos tutelares Angelos appellamus (quos Catholica & Evangelica fides asserit ad custodiā nostri destinatos) Philosophi isti, nescio quo spiritu acti, sub inferiorum deorum nomine ad idem munus deputatos conficiunt. Hi verò Angeli magna cura munus suū obeunt, non iustos modò, sed iniustos etiam suæ fidei commissos custodientes: quoniam diuinæ prædestinationis arcanum illis prorsus incognitum est: quandoquidem diuina electio atque prædestinatio nullum in prædestinati animæ characterem aut signum imprimit (quod tamen sacramenta quadam faciunt) ideo non indiligenter improbos etiam homines custodiunt, quos an prædestinati sint, ignorant. Quid enim non custodiant, qui videant publicanum cooptari in

Hieron.

Gloss.

Seneca  
in Epist.  
111.

Rom.

Euan.

- Euangelistam, & Ecclesiæ persecutorē in doctorem Gentium?
- Exod. 23.** Quid autem nobis præsent Angeli, **Exod. 23.** Dominus declarat his verbis: Ecce ego mittam Angelum meum, qui præcedat, & custodiat in via, & introducat in locum quem præparauit tibi. *Qua* in re singularem diuinæ prouidentiae curam licet admirari: quam Ecclesiasticus insinuauit his verbis: Omnia duplicia; vnum contra vnum, & non fecit quidquam deesse. Quia enim multa in rebus conditis erant quæ nobis nocerent, decuit vt multa etiam illis aduersa & inimica essent, quæ nos tuerentur, & illorum vim reprimerent. Ad hunc ergo modum, quia quam diu in hoc corpore militamus, non desunt spiritus nequam, qui sint ad malum incentores; non desunt etiam Angeli, qui sint ad bonum hortatores: qui videlicet nos præcedant, hoc est, qui lucem nobis ad veritatis cognitionē præferant, qui viam qua itur in cælū monstrent; qui ab hostibus tueantur, qui à sceleribus auocent, & ad honesta semper inducant. Sicut ergo illi semper mala suggerunt, ita contrā isti semper honesta suadent. Cū igitur has in animo tuo voces audis: Ne inimico tuo parcas; ne reddas quod alteri debes; ne pauperi tribuas; ne inimicū alloquaris, aut beneficiis promerearis; vindictam de illo sume; contumeliis affice; fordida & spurca verba loquere; absentibus detrahe; voces has Dæmonis in peccati te barathrū præcipitan-  
**Plal. 118.** tis certissimè scias. *Quam* obrem sepi aures tuas spinis, & noli audire linguam nequam, & cū Propheta dic: Narrauerunt mihi iniqui fabulationes, sed nō vt lex tua. Cū verò contrā audis: Parce veniam petenti; redde quod alteri debes; libenter tribue; amicū in Deo, & inimicum propter Deum dilige; terrenas opes contemne, cælestes admirare; ne peieres; ne detrahas; ne maledicas; ne fordida & scurrilia verba loquaris: voces esse intellige solliciti custodis, qui te hoc virtutis tramite in terram viuentiu, quam pijs omnibus Dominus pollicitus est, introducere vult.
- Vitz Patrum.** His enim cogitationibus & verbis Angeli gaudent; illis immundi spiritus pascuntur. In Vitis Patrum legitur, sanctissimum quendam virum inter colloquentes monachos vidisse Angelos ibidem astantes, quibus paulo post abscedentibus, magnum porcorum gregem inter eos volutari conspexit. Quam rem vehementer admirans, & causam diligenter inquirens,prehendit, eos initio quidem de spiritualibus atque diuinis rebus inter se colloquia miscere cœpisse, deinde verò linguae lapsu ad vana colloquia sermonem conuertisse. Quod sanctus ille audiens, reuelatione patefacta, vehementer eos ab eiusmodi colloquiis deterruit, & ad salutaria & honesta adhortatus est: quibus præcipuè Angeli interesse solent.

Sunt præterea iidem spiritus non modò mentis nostræ mo-  
 nitores

hīdres, sed etiam animarum nostrarū in calū portitores. Hoc enim de mēdico Lazaro Dñs ait: Factum est vt moreretur mē. Luc. 16. dicus, & portaretur ab Angelis in sinū Abrahæ. Sed hoc tamen officium Archangelo Michaëli præcipuē demandatum est: sic enim de eo canit Ecclesia; Data est potestas Archangelo Michaëli supra animas Sanctorum, vt perducas eas ad paradisum exultationis. Magnus certè principatus, qui in hora mortis cuiusque nostrum exercendus est. Hæc enim dies de tota vitâ nostra, imò de tota æternitate sententiâ fert: quoniam (vt D. Gregorius ait) post supremum illud examen, homo inueniet quod Gregor. in æternum mutare non poterit.

Quid igitur ex his colligere licet, fratres? Primum quidem, vt dum tempus supererit, sic vitam instituamus, vt propitium ac beneuolum Angelorum principem in hoc adeo tremēdo temporis articulo inuenire possimus. Deinde, vt immortales Deo gratias, propter Angelorum custodiam ad salutem nostram destinatam, semper agamus. Postremo, vt illud D. Bernardi consilium ante oculos nostros proponamus: Quouis angulo, quouis loco, reuerentiam habe Angelo tuo, & ne audeas coram illo facere, quod mē præsentem non auderes. Vnde posteaquam Dominus dixisset, Ecce, ego mittam Angelum meum qui præcedat te, & custodiat te: subdit protinus; Obserua eum, & audi vocem eius, nec contemnendum putes: quia non dimittet cum peccaueris, & est nomen meum cum illo. Habes igitur in his verbis præsentem Angelum, quem in omni loco vereri debeas. Quid si addam, te non ab Angelo solum, sed ab ipso etiam superno Iudice videri? Ipse enim stat post parietem nostrum, respiciens per fenestras, prospiciens per cancellos. Quid est autem post parietem stare, & per cancellos prospicere, nisi ita alios videre, vt ipse tamen qui videt, ab illis minimè videatur? Hoc autem modo videt ille, qui peccata nostra der Prophetam impropere, ait: Ego tacens, & quasi non videns, & mei oblitas. Sed is tamen quem putamus non videre, alibi etiam ait: Et faciebatis malum in oculis meis: &, Ego sum iudex & testis, dicit Dominus. Ergo & Angelum, & Angelorum Dominum nostris operibus testes semper assistere considerantes, demus operam, ne quid purissimis eorum oculis indignum committamus, nève qui rationales à Deo conditi sumus, pudore & verecundia ab elephantis superari patiamur. De his namque scriptum est, quod, cum iobolis propagationi dant operam, conspectus hominum fugiant, & fortè interuenientem occidant. Si igitur animalia bruta pudore hominum continentur, cur nos Dei omnia contuentis, & Sanctorum, & Angelorum præsentia non contineat? Inter vana moralis philosophiæ documen-

Bernard.

Exod. 23.

Cant. 2.

Esaie 57.

Idem 65.  
Ierem. 19



Seneca  
ad Lucil.

cum cetera non postremum obtinet locum quod Seneca tradit his verbis: Aliquis vir bonus nobis eligendus est, ac semper ante oculos habendus, ut sic tanquam illo spectante vivamus, & omnia tanquam illo vidente faciamus. Hoc, mi Lucili, Epicurus precepit, custodem nobis & paedagogum dedit: nec immerito. Magna pars peccatorum tollitur. Si peccatorum testis adfuerit. Aliquem habeat animus, quem vereatur; cuius auctoritate etiam secretum suum sanctius faciat. O felicem illum, qui non actus tantum, sed etiam cogitatus emendat! O felicem, qui sic aliquem vereri potest, ut ad memoriam quoque eius se componat atque ordinet! Qui sic aliquem vereri potest, cito erit ipse verendus. Elige itaque. Catonem: si hic videtur tibi nimis rigidus, elige remissionis animi virum, Laelium; elige cum cuius tibi placuit & vita & oratio, & ipsius animi ante te ferens & vultum, illum semper tibi ostende vel custodem vel exemplum. Opus est, inquam, aliquo, ad quem mores nostri se ipsi erigant. Nisi ad regulam, prava non corriges. Hactenus ille. At quae alia commodior vitae regula, quis testis nobis sanctior, quam Dei & Angelorum conspectus? Hoc autem, fratres, inter spiritualis vitae consilia maxime commendatur, ut omni tempore, omnibusque in locis Deum presentem habeamus. Itaque, siue domi residens, siue in via gradientes, siue in aede sacra, siue in platea, siue in orio, siue in negotio, siue in mensa, dum cibum capimus, siue in lecto, cum quieti membra componimus, Deum semper (quatenus per infirmitatem humanam licuerit) intueamur, nec ab illius conspectu mentis nostrae aciem usquam deflectamus. Haec enim ratione fiet, non solum ut is & testis nobis, & adiutor sit ad vitae innocentiam, sed dux etiam & antesignanus ad immortalitatis & felicitatis sempiternae gloriam.

## IN EODEM FESTOS. MICHAELIS CONCIO SECUNDA: IN QUA LECTIO Euangelica explanatur.

THEMA. *Angeli eorum in calis semper vident faciem  
Patris mei qui in calis est. Matth. 18.*



IN peccata omnia, dilectissimi, aut carnalia sunt aut spiritualia, constat plane spiritualia esse carnalibus grauiora: in quorum numero superbiam praecipue collocamus. Habet autem superbia tria insignia mala. Primum, quod inter maxima crimina numeretur; hoc enim illa Dauidis verba indicant: Si me

non

non fuerint dominati, tunc immaculatus ero, & emundabor a delicto maximo. Maximum verò dilectum appellat superbiam: de qua Prophetam loqui versio Hieronymi ex Hebræo declarat: qui pro eo quòd nos legimus, Ab occultis meis munda me; ille vertit, A superbis quoq; libera seruum tuū. &c. Ideo autem superbia delictum maximum appellatur, quia singulari quadam ratione cum diuina mente pugnat Tria enim sunt peccatorum genera: quorum alia ipsum hominem sibi, alia proximum, alia Deum eripiunt. Ira enim hominē sibi ipsi eripit: quoniam iratus, quo tempore ira æstuat, sui iuris non est, cum rationis compos non sit, quæ propria est hominis. Inuidia autem proximum mihi, eiusque bona eripit: si enim me charitas vnum cum proximo efficit, eiusque bona, mea per amorem facit; consequens est, ut inuidia, quæ charitati aduersatur, illum mihi eiusque bona adimat: quibus ego adeo non fruor, ut illis etiā propter inuidiæ tabem vehemēter crucier. At superbia, his multo grauior, Deum ab homine alienat: quia cum debitum illi honorem & gloriam furripiat, de gloriæ possessione atque primatu aduersus illum contendit. Quamuis enim mortifera peccata omnia Deum ab anima pellant, hoc tamen singulari hac ratione superbia facit: ideoque delictum maximum appellatur. Habet item aliud superbia malum, quòd videlicet occultissimū vitium sit. Carnalia quippe vitia quæ per corpus exercentur, facili deprehenduntur: at spiritualia (cuiusmodi superbia est) sola ferè interiori mentis actione committuntur: ideoque difficilius agnoscuntur, quamuis grauissimè animam saucient. Quis enim superbus se esse superbum credat? Hæc igitur duo mala facili declarant, quantum nobis ab huius peccati veneno cauere debeamus, cum non modò grauissimum, sed etiam occultissimum sit. Postremo habent hoc etiā spiritualia peccata, quòd spirituales viros potissimum infestāt. Sic enim astutus ille serpens spiritualibus spiritualia comparat; quib⁹ carnalia odio esse intelligit. Ad hoc autē virtutibus etiā ipsis (quibus spirituales viri excolti sunt) ad superbiā & inanis gloriæ fomentum abuti solet. Cumq; virtutum adminiculo cætera vitia debilitentur & extinguantur, sola superbia nō rarò ex eisdē vires & robur colligit. Tantò enim magis homines insolefcunt, quantò plus se virtutibus ornatos vidēt. Hinc D. Hieron. Superbia, inquit, natione celestis, sublimiū mentes inhabitat, in cinere frequenter & cilicio recubans. Quo min⁹ mirandū est, si hic superbi⁹ spiritus in Apostolorum quoq; peccōra irrepserit. Antiquus enim hostis, qui propter superbiā ex Angelo dæmon, atq; ex felicissimo infelicissimus factus est, venenū, quo ipse interit, hominibus propinare contēdit, ut illi similiter intereant. Hoc igitur morbo discipuli laborantes, de primatu regni cælorum,

Hieron.

Hieron.

rum, quod in hac vita futurum sperabant, saepe contenderunt. Nam & ante magistri discessum, & in hodierna sancti Euangelij lectione de hoc inter se primatu disputare coeperunt. quem sibi vnusquisque vindicare volebat. Qua etiam de causa aduersus Iacobum & Ioannem indignati sunt, quod sedes ad dexteram & sinistram Domini, subornata matre, petierint. Quemadmodum igitur eo tempore his duobus discipulis subinuidebant: ita modò eodē affectu aduersus Petrum commouentur, quod Dominus pro se ac pro illo tantum, non etiam pro aliis discipulis tributum pendi iusserit. Diuina autem dispensatione factum est, vt hanc discipulorum infirmitatē nobis sancti Euangelistæ explicarent, vt hoc argumento intelligeremus, quales eos Dñs acceperit, quales Spiritu superueniente reddiderit; vt hac ratione discipuli, quid natura, quid gratia posset; & quid sibi, quid Deo tribuendum esset, agnoscerent: quo sic tandem in seipsis quidem humiles, erga Deum verò grati atque deuoti existerent: & ita demum ab omni superbiæ veneno immunes essent.

Accedentes ergo ad Magistrum discipuli, ab eo quærunť, quis maior esset in regno cælorum. Huic autem interrogationi noua quadam & insolita docendi ratione Dominus respondit. *Aduocans enim paruulum, statuit eum in medio eorum, & ait: Amen dico vobis, nisi conuerſi fueritis, & efficiamini sicut paruuli, non intrabitis in regnum cælorum.* Vtrobique Dominus diuersam ab effectibus carnis nostræ viā elegit. Cum discipuli confessum ad dexteram & sinistram eius peterent, passionis calicem illis proposuit: cum verò primatū regni cælorum in præſenti lectione ambirent, infirmam illis humilitatis viam, qua ad regnū peruenitur, ostēdit. Sic sapiens & fidelis animarum Medicus non quid eger animis cupiat, sed quid ei potissimum expediat, præſcribit. Itaq; ait: Vos de primatu, & sublimi sede contenditis, ego autem asscueranter prædico vobis, nisi efficiamini sicut paruuli, non modò cælestis regni primatum non assecuturos, sed nullū prorsus in eo regno locum vos habituros. Vos item de terreni regni gloria questionem proponitis, ego ad cælestis regni gloriam, quæ vera & sempiterna est, vos reuoco. Quam si adipisci desideratis, hac lege vobis illam comparare debetis. *Nisi enim conuerſi fueritis, & efficiamini sicut paruuli, non intrabitis in regnū cælorum.* Quicunque ergo humiliauerit se sicut paruulus iste, hic maior est in regno cælorum. Hac Domini verba non tam verba quā fulmina mihi esse videntur. Quid enim magis timendum, quā sub hac omnium extrema pœnarū hanc à Domino (vt ita dixerim) metamorphosim præcipi. Qui enim fieri poterit, vt adultus homo, & fortasse vt ille ait inueteratus dierum malorum, hoc modo paruulus fiat? Obstat enim huic animi submissioni omnium humanorum af-

fectuum



fectum potentissimus, nempe immodicus gloriæ & propriæ excellentiæ amor, imis hominum visceribus infixus. Qui sanè affectus adeò latè patet, vt nullus sit neque tanta humanitate præditus, neque tam agrestis & inhumanus, neque tantis honoribus insignis, neque tam obscurus & ignotus, neque tot virtutis ornamentis exultus, neque tam multis flagitiis coopertus, qui non flagret infinita quadam gloriæ cupiditate. Obstat simili ratione, abiectionis atq; humilis officij odium, quo aliquam homo dignitatis suæ iacturam sibi facere videatur. Nec enim minori studio vulgus hominum ignominie notam fugere contendit, quàm vadosa loca & latentes scopulos in mari nauta. Quò enim alio omnia hominum vora & studia conferentur, nisi vt humiliora officia vel loca fugiant, & ad sublimiora prouehantur? Cùm ergo isti duo affectus velut duo quidam potentissimi gigantes mentem hominis summa vi ab humilitatis abiectione reuocent, & ad excelsa rapiant; quis ita se supra naturam, supra mundū, supraque seipsum attollat, vt his affectibus reclamantibus inanes honores respuat, & humili loco, humiliq; officio gaudeat? Quomodo ab ea quis cupiditate immunis erit, quæ etiam Apostolorum pectora inuasit, qui tam diu in schola humilitatis sub humilitatis Magistro versati erant? Quòd si agrestes etiam & inculti homines ( quorum vilis gloria est ) hoc morbo laborant; quid de principibus & opulentiis viris, & vana scientiæ persuasionem inflatis iudicandum erit; qui & maiorem gloriam ambiunt, & acriores ad eam expetendam stimulos habent?

## I.

Verùm dicet aliquis forsitán: Vehementer animos nostros hæc tua disputatio concutit, cùm hinc quidem summam huius virtutis necessitatem exaggeras ( sine qua nemini ad regnum celorum aditus patet ) inde verò maximam eius adipiscendæ difficultatem, propter ingentem mentibus nostris humanæ gloriæ appetitionem, ob oculos ponis. Quid igitur? An spes omnis huius virtutis assequendæ nobis abiicienda est? Minimè verò: imò etiam hæc eadem difficultas viam nobis ad hanc virtutem obtinendam munit, dum nobis & animi nostri morbum ostendit, & ad verum animarum Medicum remittit. Mandata enim difficilia nō faciunt homines transgressores, sed humiles. Quod hac in re videre licet. Quo enim vehementius homo ad sublimem & inanes honores & dignitates aspirat, hoc magis inanitatem & morbum suum, ac velut sitim febricitantis ostendat, qui adeò ardentem concupiscit, quod illi exitiosum & noxium futurum est. Sic enim diuina æquitas & sapientia hominis rebellionem & superbiam punit, vt pœna culpæ esset etiam medicamentum superbiæ: & quia incautus homo ex donis quæ in-

Quæ ratione huiusmodi paranda sit.

tra se pereceperat, occasionem arripuit superbiendi, ex malis quę intra se castigatus sentiret, materiamsumeret sese humiliandi. Sic factum est, vt illata pœna admissi criminis esset non modo supplicium, sed etiam medicamentum.

August.

Miratur D. August. in Genesi, quod Eua, cum primum formata est, virago fuerit appellata: cum verò post admissum crimen ad mortem damnata fuit, vitę nomen acceperit, materięque omnium viuentiũ fuerit nuncupata. Rectius enim hoc illi nomen conueniret in prima sua conditione, quando immortalitatis & iustitię donum acceperat, quàm cum mortis sententia aduersus illā prolata est. Quomodo enim cum sententia mortis, vitę nomen consentit? Ad hoc autē idem Aug. respondet, quod videlicet meritò vitę nomen prima illa femina acceperit, cum sublatis donis, quę illis superbiendi occasio exstiterant, eas intra se molestias & incommoda sentiret, quę illi sese humiliandi & submittendi materiam singulis penē momentis praberent: vt hac miseriarũ suarum cognitione admonita, vitam reciperet, quam donorum cœlestium abusu perdiderat. Has autem molestias esse quosdā mentis nostrę monitores, qui ad humilitatem horrentur, & à superbia auocent, declarat idem Aug. qui Confessionum suarum librum his verbis exorditur: Laudare te Domine vult homo, aliqua portio creaturę tuę: homo, circumferens mortalitatem suam, circumferens testimonium peccati sui, & testimoniũ quod superbis resistis. Quibus verbis non obscure vir sanctus declarauit, corporis animique molestias, quibus perpetuò inestamur, voces esse quę superbiam detestentur: cum hæc omnia mala antiq̃ illius superbię supplicia sint. Quocirca mirũ non est, si tunc prima illa femina vitę nomen acceperit, quę tot contra superbiam, salutis & vitę exterminatricem, remedia & medicamenta percepit. Quisquis autē hoc miratur,

1. Cor. 2.

in Apostolum oculos coniciat; cui magnitudo reuelationum donorumq̃; cœlestium, elationis ac proinde mortis occasio fuisset, nisi stimulus ille carnis, & quotidiana fragilitatis suę experimenta huic periculo obstitissent; quę illi ad sui cognitionem, & veram cordis humilitatem inducebant. Quid ergo mirum, si vitam appellem, quod mihi (si rectē vti velim) salutis & vitę materiam prabet? Quisquis igitur ingentes spiritus, ad quos corrupta & lęsa nos natura rapit, comprimere cupit, oculos suos ad interiora mala, quę propter superbię scelus inflęta sunt, vertat; ibi enim contra morsum viperę ex vipera ipsa antidotum inueniet: vt ipse quoq̃; (sicut de Domino Salvatore dictum est) de peccato damnet peccatũ. Hanc autem humilitatis viam breuiter nobis Dominus per Prophetam ostendit, cum dixit; Hu-

Rom 8.

Mich. 6.

niliatio tua in medio tui: quia videlicet nō procul à te, sed intra

tra te (nisi aures ocluseris) humilitatis magisteriū retines. Habes enim intra te fluidum & casurum corpus, infinitūq; morbis obnoxium, non ex terra aut aqua, vnde stirpes, aues & pisces procreati sunt: sed ex infima terræ parte, nempe ex limo terræ formatum: vt hoc nomine iure nos Propheta ab in ani superbiæ tumore reuocet. Pro eo enim quod nōs legimus: Non apponat magnificare se homo super terram: Hieron. ex Hebræo vertit; Non apponat magnificare se homo de terra. Quid ergo superbiat homo de terra, qui in eandem vertendus est? Si verò intra corpus animū spectare incipias, offert se primum tibi irrequieta & volubilis imaginandi vis, quæ arborum foliis inconstantior & volubilior, vix Dominicam orationem, sublata in Deum mente, proferre sinit: vsque adeo terrenarū rerum cogitationibus fluctuat. Offert se deinde sentiendi appetitus, proprii amoris sedes, & cupiditatum, voluptatum, atq; peccatorum omnium seminarium, quod instar olidi sterquilini mortiferos variorum vitiorum factores exhalat. Hæc enim omnia velut interni quidam doctores sunt, qui assidue vocem illam auribus nostris infusurrare videntur. Hominem te esse memento. Rursus si ad præteritæ vitæ conditionem oculos conuerteris, videbis eam innumerabilem penè delictorum sordibus fœdatam: adeo, vt cum Rege poenitente dicere verè possis: Peccaui super numerū arenæ maris, & non sum dignus videre altitudinē celi præ multitudinem iniquitatis meæ. Adde his etiā motus animi nostri rebelles, quos à nobis radicitus euellere non possumus. Adde quotidiana variarum tentationum pericula, quibus pios Dominus ad infirmitatis suæ cognitionē vexari permittit. Hinc D. Gregorius: Fit Deo prouidete, vt qui fortia vincit, à leui superetur; quatenus sic agnoscat à Deo fuisse, quod maiora vicerit: & ita mens sua de infirmitate roboretur. Quare Cananeus conteri potuit, non potuit exterminari: efficitur tamen tributarius, quia & vitium illud humilitati subseruit. Quare Iudicum 3. dicitur, Iudic. 3. Hæc sunt gentes quas reliquit Dominus, vt erudiret Israël. Semper enim ab eis vinci formidandum est. In paruis autem discit, quod ex se maiora nō subiecit. Hactenus ille. Quisigitur dum hanc tantam intra se miseriarum atque malorum scaturiginem sentit, intumescere atque superbire audeat? Rectè enim Ecclesiasticus, Quid, inquit, superbit terra & cinis? Non adeo mirum esse videtur altissimum illum Angelum eleuasse cor suū in decore suo; quippe qui harum miseriarum expertus erat: at qui tantos intra & extra nos in corpore simul & anima vilitatis & humilitatis testes & præcones habemus, quo pacto efferri, & inaniter gloriari possumus? Quid verò miseriarum omnium extema, omniumque terribilium vltima mors? Quantum hæc in

Psal. 9.  
Hieron.

Gregor.  
Mor. li. 4

Iudic. 3.

Eccli. 10.



310 IN PESTO S. MICHAELIS ARCHANG.

gentes etiam hominum spiritus extenuare atque demittere potest; cum ij attentè considerant, quò tandem omnis humana potentia, quò ingentia imperia & scepra cadant. Hoc planè (vt multa alia argumenta præteream) vel vnus Cyri Persarum Regis epitaphium satis indicat; illius inquam Cyri, de quo exstat magnificentissimum illud Esaia varicinium: Hæc dicit Dominus christo meo Cyro, cuius apprehendi dexteram, vt subinciam ante faciem eius gentes, &c. Hic igitur, posteaquam Assyriorum regno potitus esset, & monarchiam ab Assyrijs ad Persas transfubisset, tandem naturæ concedens, hoc sibi tumulo epitaphium inscribi præcepit:

Esaia 45.

O VIR, QVICVNQVE ES, ET VNDECVMQVE ADVENIS;  
NEQVE ENIM TE ADVENTVRVM IGNORAVI. EGO SVM  
CYRVS, QVI PERSIS IMPERIVM CONSTITVI. PVSIL-  
LV M HOC TERRAE, QVO MEVM TEGITVR CORPVS,  
MIHI NE INVIDEAS.

Quis igitur in his pauculis verbis non apertè humanæ gloriæ atque potentiae inanitatem videat? Si enim hic humanæ iactantiæ finis est; quid habet pulvis & cinis cur insolescere atque effe-  
ferri debeat? Quid verò ille eorundem Persarum domitor Alexander, cuius superbiæ vix totus orbis fatis erat; vt de eo Poëta cecinit, *Vnus Pelleo iuveni non sufficit orbis*; quem tandem vitæ exitum habuit? nōne eum qui penè tumuli honore caruisse videatur? Vnde eius mater Olympias, cum filij cadauer insepultum iacere vidisset, inter materna lamenta exclamasse dicitur: O fili, tu qui studebas cæli particeps esse huc toto impetu properans, ne iis quidem potiri potuisti, quæ sunt mortalium omnium communia, terra ac sepultura. Alexander viuis ambiebat diuinos honores; defuncto nec ille contigit vltimus honos quem quivis homo persoluit homini, quamlibet humili. Narrant enim Q: Curtius & Plutarchus Alexandri corpus multis diebus insepultum iacuisse, ob graues Procerum con-  
cerationes de successionē principatus.

Q. Curt.  
& Plut.

Quisquis igitur, fratres, hæc omnia prudenter consideraue-  
rit, facile omnem à se animi elationem atque fastum excutiet,  
& ita demum insignem illam humilitatis virtutem assequetur,  
qua instar paruuli effectus, in regno cælorum magnus fiat.

Huic autem considerationi illud etiam adiungere cupabit, vt  
humilitatis amator ab omnibus admoneri, ab omnibus corrip-  
paratus sit. Hoc enim sanctorū virorum proprium fuit; vt quo  
quisq; sanctior atq; sapiētior esset, hoc magis ab omnibus corrip-  
atque moneri paratus inueniretur. Hinc D. Gregorius, Ab om-  
nibus, ait, corripī, ab omnibus emendari paratus sum: & solum  
in hia iūctum estimo, per cuius linguam, ante apparitionem di-  
sticti

Gregor.  
in Epist.

stricti iudicis, meæ maculas mentis tergo. Sic ergo magnus ille Doctorum Doctor August. Ego, inquit, & senex, & Episcopus, paratus sum à puero doceri. Quid hac cordis humilitate submissus? Non enim quisquā de populo hoc dicit, sed ille de quo dictum est; Legi Dei deesse, quidquid Augustinum ignorasse contigerit. Hac igitur ratione sexagenarius August. in Euangelicum paruulum conuersus est, dum se à paruulo erudiri paratū exhibet. Sic tamen in hac parte humilitatem colere debemus, fratres, vt meminerimus scriptum esse; Noli esse humilis in sapientia tua, ne humiliatus in stultitiam seducaris. Et illud item; Esto firmus in via Dñi, & in veritate sensus tui. Sic enim & humilitatem conseruabimus, & virtutis & constantiæ firmitate retenta, nequaquam circumferemur omni vento doctrinæ.

Deinde illud etiam præstare debet, quisquis huius eximie virtutis cultor & amator est, vt nequaquam humiliora officia, humilioraque loca & abiecta dedignetur. Vt enim D. Bernard. ait, Humiliatio, via est ad humilitatem; sicut patientia ad pacem, sicut lectio ad scientiam. Si ergo virtutem appetis humilitatis, viam non refugas humiliationis. Humiliationis autem nomine vir sanctus non solum humiliora loca & officia, sed paupertatem etiam, & angores, & lachrymas, ceterosq; corporis & animi labores intelligit. Cuius verbi significatione Apostolus vsus est, cum ait; Ne iterum cum venero humiliet me Deus apud vos, & lugeam multos ex his qui peccauerunt, &c. Vt autem humiliatio ad humilitatem, ita contrā secundæ res, honores & potentia, ad superbiam & fastum viam muniunt. Hinc regius Vates, In labore, inquit, hominū non sunt, & cum hominibus non flagellabuntur: ideo tenuit eos superbia, operi sunt iniquitate & impietate sua. A quo quidem fastu longissimè se abesse idem Vates profitebatur, cum diceret: Domine non est exaltatum cor meum, neque elati sunt oculi mei, neque ambulauit in magnis, neque in mirabilibus super me. Hoc igitur modo potentissimus hic Rex se ad paruuli mensuram contrahebat, dum & intus corde nihil de se magnū sentiebat, & foris se ad ima demittens, nudus ante arcē Domini saltare non erubescēbat. Michol autem vxori hanc in Rege humilitatem obiurganti respondit: Viuit Dominus, quia ludam ante Dominum, qui elegit me potius quā patrem tuum, & quā omnem domum eius: & præcepit mihi vt essem dux super populum Domini in Israël: & ludam, & vilior fiam plus quā factus sum: & ero humilis in oculis meis, & cum ancillis, de quibus locuta es, gloriosior apparebo.

His igitur rationibus, fratres, hanc virtutem, quæ omnium aliarum radix, fundamentum, & custos est, assequemur; si his omnia assidua orationis studiū adiungamus, qua illam à Domino

312 IN FESTO S. MICHAELIS ARCHANG.

Theodo-  
rectus.

virtutum continuis votis ac desideriis postulemus. Orationis enim virtus quàm latissimè patet, & ad omnia valet. Hinc quidam ex illis eremi Patribus (vt Theodoretus in historia religiosa memorat) medicos aiebat variis pharmacis ad varios morbos curandos vti: at fidelem & deuotam orationem ad omnes animorum morbos curandos, & virtutes adipiscendas commune remedium & medicamentum esse. Per hanc igitur nos tanquam paruulos ante diuinæ maiestatis conspectum exhibeamus, proficentes nos sufficientes non esse cogitare aliquid ex nobis, tanquam ex nobis, sed omnem sufficientiam nostram ex Deo esse. Hoc enim de se penitus cognitum & exploratum habere, & sic de se demissè atque humiliter sentire, id demum est euangelicum paruulum esse. Sed quia diutius fortasse quàm par erat, in hoc paruulo effingendo immorati sumus; quid de his qui hunc talem paruulum offenderit, Dominus dicat, videamus.

I I.

*Qui inquit, scandalizauerit unum de pusillis istis qui in me credunt, expedit ei vt suspendatur moia asinaria in collo eius, &c.* Qua Dominus charitate huiusmodi paruulos amplectatur, apertè his verbis indicat, cum & iuuantibus maximum premium, & nocentibus, siue scandalum inferentibus, maximum minetur supplicium: de quo multa, & quidè grauissima, in hac sacra huius diei lectione persequitur. Quæ res non modò horum paruulorum dignitatem, sed immentam Domini bonitatem, & erga genus hominum charitatem non obscurè declarat. Sicut enim admiranda illa hospitalitatis & misericordiæ commendatio (quam in extremo iudicio prolaturus est) eximiâ eius in homines charitatè & misericordiam ostendit, quæ tam magna præmia pauperum miseras subleuantibus, constituit: ita nò minus eandem charitatem demonstrat, cum magna supplicia nocentibus, & scandalum paruulis inferentibus cominatur. Atque vt mirabilem concordiam inter Euangelicam & Apostolicam doctrinam pernoscat, legite, quibus licet Pauli Epistolæ ad Romanos, & Corinthios: in quibus Apostolum aduersus scandalum peccatum

1. Cor. 8.

1. Cor. 9.

1. Cor. 11.

tonantè & fulminantem videbitis: inter alia verò sic ait: Si esca scandalizat fratrem meum, non manducabo carnes in æternum, ne fratrem meum scandalizem: & iterum: Bonum est mihi magis mori, quàm vt gloriam meam quis euacuet. Gloriam autem suam appellat, nullum offendiculum præbere Euangelio Christi. Iam verò qualis illa Apostoli vox, quàmque Apostolico pectore digna; Quis infirmatur, & ego non infirmor? quis scandalizatur, & ego non vror? ille enim scandalum, ego incendium patior. Cuius autem periculi sit, infirmis hominibus scandalum, hoc est, peccati occasionem præbere, idem declarat his verbis; Sic autem



autem peccantes in fratres, & percutientes conscientiam infirmam, in Christum peccatis. Christus autem Dominus peccatum hoc inultum abire non sinit, quin & illud frequenter præsentī vindicta plectere solet. Sic enim sororem B. Catharinæ Senensis, Bonauenturam nomine, è medio sustulit, & grauissimas igne purgatorio pœnas pendere coëgit, quòd multa vi precum Christi virginem ad faciem ornandam impulerit, quo eam ad coniugij spem & mundi amorem alliceret. Sed aliud tamen huius rei multo formidabilius, ac penè incredibilius exemplum ex D. Hieronymo hoc in loco referam. Is igitur in epistola ad Lætam sic ait: Prætextata, nobilissima quondam femina, iubente viro Hymetio, qui patruus Eustochij virginis fuit, habitum eius cultumque mutauit: neglectum crinem mundano more pexuit, vincere cupiens & virginis propositū, & matris desiderium: & ecce tibi eadem nocte cernit in somnis venisse ad se Angelum, terribili voce minitantem pœnas, & hæc verba frangentem: Tu ne ausa es viri imperium præferre Christo? Tu caput virginis Dei tuis sacrilegis attrectare manibus, quæ iam nunc arefçet, vt sentias excruciatā quid feceris: & finito mense quinto ad inferna duceris. Sin autem perseueraueris in scelere, & marito simul orbaberis, & filiis. Omnia per ordinem expleta sunt, & seram miseræ pœnitentiam velox signauit interitus. Sic vlciscitur Christus violatores templi sui, & sic gemmas, & pretiosissima ornamenta defendit. Et hoc retuli, non quòd insultare velim calamitatibus infelcium, sed vt moneam, cum quanto metu & cautione seruare debeas, quod Deo spondidisti. Hactenus Hieronymus. Quis igitur dum hæc audit, non perhorrescit, si se huius criminis reum aliquādo fuisse cognoscit? Nam de huius adeò tremendæ historiæ fide dubitare non licet, cum eius D. Hieronymus & scriptor, & oculatus testis exstiterit.

1. Cor. 9.

Hieron.

Quisquis igitur hæc ipsa diligenter animaduertit, minimè mirabitur, quòd post hæc Saluator inferat: *Si manus tua, vel pes tuus scandalizet te, abscinde eum, & projice abs te.* Hoc in loco pedum & manuum nomine coniunctissimos nobis homines, maximeque necessarios, qui nobis pro pedibus & manibus sunt, accipere debemus: quorum si consuetudo, si familiaritas, si dicta factave illorum ita mentem nostram perturbant, vt vel nos à studio rerum diuinarum, vel ab amore in Deum auocent, vel ad inhonesta & inconcessa rapiant; gladio diuini timoris abscindendi atque repellendi sunt. Hic enim est spiritualis ille gladius, de quo Saluator ait: Non veni pacem mittere in terram, sed gladium. Non contentus autem pedum, manuumve abscissione, oculum etiam effodiendum docet, cum subdit: *Si oculus tuus scandalizet te, erue eum, & projice abs te.* Quæ quidem sententia Domini ad

Mat. 10.

VV 5

spiri-

spiritualem etiam rationis humanæ oculum referri debet. Cum enim hic oculus vel fidei dogmatibus contradicit, vel miser homo calamitates suas cum aliorum secunda fortuna comparans, de diuina prouidentia & iustitia tentari incipit, cum inopiam suam cum aliorum opibus comparat, tunc spiritualiter oculus iste nequam eruendus, & in obsequium fidei captiuandus est; quæ fides Dei iustitiam & æquitatem defendit, auribusque nostris, quod olim Petro dictum est, infusurrare videtur: Quod ego facio, tu nescis modò, scies autem postea. Sciuit, postquam è uinis excessit, Lazarus, quam gloriam mendicitas & ulcera illa sua sibi peperint: quanta verò diuiti epuloni splendida mensa & purpurea vestis supplicia comparauerint.

Joan. 23.

Demum post tot minas, totq; documenta ad vitandum scandalum à Domino data, quasi parum esset quod hætenus dixerat, iterum perorata causa, dictorū memoriam renouat dicens: *Videte ne contemnatis unum ex his pusillis: dico enim vobis, quia Angelorum in celis semper vident faciem Patris mei qui in celis est.* Hætenus quidem Dominus exposito periculo nostro; nunc proposita paruulorum dignitate, à scandali maleficio deterret: quòd videlicet tantæ curæ sint Patri celesti, vt supernis illis Spiritibus, qui splendidissimā eius faciem semper intuentur, eorum custodiam atque tutelam commiserit. Summus enim ille rerum moderator ac conditor Deus, qui cælum terris miro charitatis modo coniunxit, quiq; hanc tantā rerum vniuersitatem ita deuinxit, vt supera infimis, per ea qui in medio posita sunt, vim suam communicarent (vt ita tandem ex tam multis variisq; rebus, tanquam ex diuersis sonorum interuallis, pro certa ratione distinctis, consona quedam rerum vniuersitas surgeret) is vtrique sublimem illam Angelorum naturam cum humana colligauit, vt qui in cælis diuinæ pulchritudinis speciem contemplantur, in terris ad hominum custodiam destinarentur.

1.

2. Reg. 13.

Quòd si eorum (quod ad nostri custodiam attinet) officia quæras, multa planè sunt. Primum, corpora nostra ab iniuriis Dæmonum tuentur: qui cum capitali nos odio prosequantur, eadem mille modis vexarent atque laniarent, nisi eorum furori Angelorum præsidia obfisterent. Ideoque nihil in hac parte aduersum nos possunt, nisi quod illis Dominus posse permiserit. Quod facillè illa beati Iob vexatio declarat, in quem perfidus ille hostis nihil potuit, nisi quod Dominus voluit. Idem etiam sub imagine quadā videre licet in eo leone, qui deceptum Prophetam ex voluntate Domini interemit: qui tamen neque corpus eius, neque asinum cui infidebat, tangere ausus est; sed iuxta vtrumque esuriens & innocens leo, vt prædæ suæ custos, non vt deuorator inuentus est. Neque enim aliud in corpus viri Dei potuit,

potuit, quàm quod illi Dominus concessit. Quod idem de leone illo qui rugiens circuit quærens quem deuoret, intelligendum est. Hanc autem Angelorum custodiam regius Propheta declarat, cum ait: Immittet Angelus Domini in circuitu timentium eum, & eripiet eos. Pro, Immittit autem, diuus Hieronymus ex Hebræo significantius vertit, Castrametatur Angelus Domini in circuitu timentium eum, &c. Cuius verbi vim Sponsus in Canticis exprimit, cum ait: Quid videbis in Synagoga mea nisi choros castrorum? Vidit hoc planè puer Elisei, cum totum montem igneis curribus plenum in circuitu Elisei demiratus est.

Psal. 19.

Hieron.

Cant. 7.

Diligentiùs tamen Angeli piorum animas à peccato, quàm à morte corpora seruât. Testatur hoc illustis illa femina Iudith, quæ Holoternis abscissum caput secum gestans, hoc de Angelo suo testimonium tulit: Viuit autem ipse Dominus, quia custodiuit me Angelus eius, & hinc abeuntem, & ibi commorantem, & inde huc reuertentem: & non permisit me Dominus ancillam suam coinquinari, sed sine pollutione peccati reuocauit me vobis gaudentem in victoria sua, in euasione mea, & in liberatione vestra. Nec à peccatis solùm, sed ab occasionibus etiam, per quas homines in peccatum labi possent, sollicitè custodiunt. Quod non obscure regius Vates designauit, cum ait: Angelis suis Deus mandauit de te, vt custodiant te in omnibus viis tuis. In manibus portabunt te, ne fortè offendas ad lapidem pedem tuum. In manibus autem portare, est peccandi occasiones abscindere, ne in peccati præcipitium incidamus. Idem etiam hostis antiquus testatur, cum de B. Iob ad Dominum loquens ait: Nonne tu vallasti eum, & omnem domum eius: hoc est, omnes aditus occlusisti, ne ego in illum erumpere, illum lacerare, aut in peccatum præcipitare possem? Vt enim vitrea vasa, quæ fragilia sunt, mollibus integumentis, ne ad duriora corpora allidantur atque frangantur, conseruare solemus; ita misericordiæ vasa Dominus angelica protectione sepit, ne vlla vis eorum teneritudinem lacerare aut violare queat.

Iudith 13

Psal. 90.

Iob 2.

Simila.

Est etiâ curæ beatis istis Spiritibus, orationes & eleëmofynas, piâq; opera nostra communi Dño præsentare. Quod satis aperte Raphaël Angelus Tobie significauit, cum dixit: Quando orabas cum lacrymis, & sepeliebas mortuos, & relinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Dño. De hoc autè Angelorum ministerio sic Ioannes in Apoc. Venit, inquit, Angelus & stetit ante altare, habens thuribulum aureum: & data sunt illi incensa multa, vt daret de orationibus sanctorum omnium super altare aureum, quod est ante thronum Dei. Et ascendit

2.

Tob. 12.

Apoc. 8.



dit fumus incensorum de orationibus Sanctorum de manu Angelī coram Deo.

Cant. 8.

Cum ergo beati isti Spiritus piorum vota & preces esse Deo gratissimas intelligant, libenter astant orantibus, & interfunt meditantibus, ut habeant quod cōditori suo pro nobis offerant. Hinc illud in Cant. Quæ habitas in hortis, amici auscultant te, fac me audire vocem tuam. Vox est celestis Sponsi ad amantissimam sponfam in amenissimis scripturarum hortis commorantem, seque ipsam diuinorum mysteriorum contemplatione pascentem: quam Angeli circumstant, eius contubernio gaudentes, & deuota orationis & laudum eius cantica audire gestientes. Quid igitur? An non ipsi multo dulcius atq; suauius canunt? Canunt planè: sed quemadmodum homines philomelæ, similibusque auum cantillantium modulatione delectantur, cum tamē humanæ vocis organum longè sit gratius atque incundius: ita beati illi Spiritus diuinis precibus & laudibus humana voce decantatis magnopere oblectantur, quamuis ipsi longè dulcius atque suauius canant. His igitur modis, multisque aliis, quos recensere longū esset, beati illi Spiritus sollicitam nostri curam gerunt. Ipsi namque (ut D. August. ait) adiuuant laborantes, protegunt quiescentes, hortantur pugnantes, coronant vincentes, congaudent gaudentibus; de te, inquam, gaudentibus: compatiuntur patientibus; pro te, inquam, patientibus. Grandis est eis cura de nobis, magnus est affectus dilectionis eorum erga nos: & hoc totum propter honorem tuæ inæstimabilis charitatis, qua dilexisti nos. Diligunt enim, quos tu diligis: custodiunt quos tu custodis: & deserunt quos tu deseris. Nec diligunt operantes iniquitatem: quoniam & tu odisti omnes operantes iniquitatem. Quoties bene agimus, gaudent Angeli, & tristantur dæmones: quoties verò à bono deuiamus, diabolum lætificamus, & Angelos tuos suo gaudio defraudamus. Gaudium est enim eis super vno peccatore pœnitentiā agente, sed diabolus super vno iusto pœnitentiā deserente. Da igitur, da Pater eis semper gaudere de nobis; ut & tu semper per eos lauderis in nobis, & nos cum eis in vnum ouile tuum adducamur, ut confiteamur simul nomini sancto tuo creator hominum & Angelorum: qui cum vnigenito Filio tuo viuis & regnas in secula seculorum, Amen.

Aug. in  
Soliloq.

317

# IN EODEM FESTO S. MICHAELIS

**ARCHANGELI, CONCIO TERTIA:** In qua, post Euangelicæ lectionis enarrationem, occasione superbiæ Angelorum, quos è cælo S. Michaël exturbauit, de peccato superbiæ agitur. De quo tria præcipuè tractantur: primò, quibus modis homines in hoc peccatum incidant: deinde, quæ hominum genera huic præcipuè morbo obnoxia sint: ac postremò varia huius morbi remedia assignantur.

**THEMA.** *Nisi conuerſi fueritis, & efficiamini ſicut paruuli, non intrabitis in regnum calorum.* Matth. 18.



Olent qui de nauigandi ratione ſcribunt, vadoſa ſimile. loca, & ſcopulos præcipuè qui ſub vnda latent, diligenter annotare, & in charta deſcribere, vt ab illis nauæ naues ſubmoueant. Cùm autem hæc ipſa vita quam viuimus, nauigatio quædam ſit, qua ad optatũ ſempiternæ vitæ portum (ad quem conditi à Deo ſumus, nauigationis curſum dirigimus. neceſſe eſt, vt nos quoque vadoſa loca, & vitiorum ſcopulos, ſub virtutis imagine latentes, ſollicitè deſcribamus, ne ad eos innocentia nauem illidamus, & iuſtitia atque pietatis naufragium faciamus. Inter omnes autem huiusmodi ſcopulos nullus pernicioſior, nullus occultior, quàm ſuperbia eſt; quam & maximum & occultiſſimum omnium vitiorum in præcedenti concione eſſe diximus. Quod qui non credit, in ſummum illum Angelum, quem S. Michaël ex ſumma cæli arce in tartarũ præcipitauit, oculos conijciat (quem D. Dionyſius vnum quidem ex ſummis cæli principibus, D. au- Dyonſ. Gregor. tem Gregorius, Angelorum omnium principẽ eſſe ait) cui hoc peccatum ſola breuiſſima cogitationis mora commiſſum æternæ damnationis cauſam attulit. & nobiliſſimã illam creaturam, creaturarum omnium peſſimam & infeliçiſſimã reddidit. Quin & illud ad huius criminis deteſtationem verè dici poſteſt, iptum omnium ruinarum atque malorum cauſam & fontem eſſe. Veriſſimè enim à Salomone dictum eſt; Contritionem præcedit Prou. 18. ſuperbia: &, Ante ruinam exaltabitur ſpiritus. Vnde enim hæreſes omnes, vnde ſchiſmata, vnde omnes etiam carnis lapſus, in quos, qui virtutem ſectabantur, inciderunt, niſi ab hoc fonte

fonte manarunt? De hoc igitur maximo superbiæ periculo, quod in huius vitæ pelago nauigaturis imminet, in præsentî concione agere constitui. Ad quod & Euangelica lectio (in qua Dominus occultam discipulorum superbiâ cutare voluit) & sancti Michaëlis festum vos etiam adigit: cuius illud memorabile facinus celebratur, quod superbientes aduersus Deum Angelos è cælestis regni sedibus præcipitauerit. Prius tamen Euangelicam lectionem, quæ huius doctrinæ fundamentum est, breuiter explicabimus, vt diutius in huius vitæ penetrabilibus excutiendis immorari valeamus. Ait igitur sanctus Euangelista:

- Luc. 9.** *Accesserunt discipuli ad Iesum, dicentes, Quis putas maior est in regno celorum? Hanc interrogationem ex occulta superbiæ radice ortum habuisse, apertè Lucas ostendit, dicens: Intrauit autem cogitatio in eos, qui eorum esset maior: nec cogitatione solùm, sed verbis etiam hoc inter se tractauerant. Vnde Marcus narrat discipulos primùm cum venissent Capharnaum, à Christo fuisse interrogatos: Quid in via tractabatis? siquidem in via inter se disputauerant, quis eorum esset maior. Considerate, quæso, fratres, quàm latè virtus superbiæ pateat, quod non solùm opulentos & principes viros, qui aliquid habere videntur vnde gloriari possint, sed abiectos etiam piscatores & inopes inuadit. Licet enim illorum res angusta sit domi, & externo habitu sint abiecti; tamen ex ingenij humani corruptione, quæ ex Adam cunctis inest mortalibus, sæpe factum intus alunt, quem per affectû cordis humiliati tollere oportet. Scrutator ergo cordium Dominus huius interrogationis causam intelligens, respondit: Amen dico vobis, nisi conuersi fueritis, & efficiamini sicut paruuli, &c. Non parum ponderis habet, quod cælestis Magister admonitioni huic grauissimam præmisit asseuerationem, vt de eius veritate dubitare nemini hæceret. Itaque perinde est ac si dicat: Vos contenditis de primatu regni celorum; at ego asseueranter vobis affirmo, quod nisi conuersi fueritis, & efficiamini sicut paruuli, adeo non efficiemini in regno meo magni & illustres, vt ne pro discipulis quidè meis vos sim habiturus. Quomodo autem paruuli effici debeamus, Petrus Apostolus in Epistola sua docet his verbis: Deponentes omnem malitiâ, & omnem dolum, & simulationes, & inuidias, & omnes detractiones, sicut modò geniti infantes rationabile & sine dolo lac concupiscite. Quicumque ergo se hoc modo paruulum fecerit, hic maior est in regno celorum: & qui suscepit vnum paruulum talè in nomine meo, me suscipit. Quo in loco, Suscipiendi verbû non tantùm sonat hospitio excipere, sed quoduis etiam benignitatis obsequiû exhibere. Hoc enim sensu Apostolus dixit; Suscipite inuicem sicut & Christus suscepit vos: hoc est, adiunuate vos inuicem, mutuûque officia*
- Marc. 9.**
- 1. Pet. 2.**
- Rom. 12.**



officiis fouete. Cui officio magnam sanè proponit mercedem, cum dicit, seipsum, hoc est, vnigenitum aterni Patris Filium in his paruulis excipi atque foueri. Qualis ergo merces ex tali benignitatis officio, quod in ipsum Dei Filium confertur, speranda est? Vt autem officiosis in hos paruulos inastimabile proponitur præmium: ita scandalum inferentibus maximum Dominus minatur supplicium. Subdit enim: *Qui autem scandalizauerit vnum ex his pusillis qui in me credunt, expedit ei vt suspendatur mola asinaria in collo eius, & demergatur in profundum maris.* His verbis (vt Hieronymus ait!) supplicij genus peculiare Palæstinis designauit, quod ob enormia crimina solebat exigi. Suspendebatur enim collo noxij saxū molare, & demergebatur in profundum. Satis erat hæc tanta supplicij acerbitas ad criminis huius gravitatem exaggerandam. Verum addit supplicio Dñs exclamationem interni doloris indicem, cum subdit, *Væ mundo à scandalis.* Væ, maledictionem & damnationem significat. Est ergo sensus: Væ, id est maledictio ipsi mundo propter scandala, quibus est plenus, cum totus sit in maligno positus. Cum autem stultorum numerus sit infinitus, tot erunt etiam scandala & offendicula, quæ simpliciter in via gradientibus obliicentur; ideoque subdit, necesse est, vt veniant scandala: quia cum tot in mundo praua opera & exempla, & praua item perditorum hominum dogmata & consilia sint, cum tot etiam modis homines hominibus partim contumeliis, partim iniuriis, partim distractionibus & iniquis litibus noceant; consequens est, vt multis modis infirmi homines scandalum patiantur. Hæc autem à Theologis necessitas consequentiæ, non consequentis esse dicitur. Nec enim absolute necesse est vt scandala veniant, sed cum tot in mundo sint causæ malorum; consequens est, vt ex his mala & scandala oriantur. Nec tamen malis impune erit, quod necesse sit venire scandala; cum ij instrumenta sint Satanæ, qui egre-giam illi operam nauant, eiutque negotium & officium geiunt. Cuius autem granitatis hoc peccatum sit, ex animarum pretio, quod Christi sanguis est, æstimari poterit. Si enim aurum est quod auro emitur, sanguis vtique Christi erit quod eius sanguine redemptum est. Hunc autem effundunt atque conculcant, qui prauis monitis & exemplis fidelium animas corrumpunt. Quo quidem peccati genere multo grauius delinquent principes siue in Ecclesia, siue in Republica viri: tum quia eorum praua opera magis conspicua sunt; tum quia honorem & dignitatem vitiis, dignitatis suæ auctoritate præbent. Nemo enim inglorium sibi esse putat id facere, quod sublimes in Republica viros facere constat: ita sit, vt ij plus exemplo quàm peccato noceant. Quod sane obscuris ho-

Hieroni

minibus,

Simile.

Psal. 11.

minibus, & intra priuatos parietes degētibus non perinde contingit. Isti enim cum peccant, sibi solis præcipuē nocent. Itaque vt humata cadauera nemini nocent, inhumata verò putredine sua aërem inficiunt, & pestem hominibus afferunt: ita cum priuatus homo intra domesticos parietes latens peccat, se vnum tantum damnat; publici autem homines, quales Episcopi, magistratus, & patres familias sunt, cum in officio delinquant, velut inhumata cadauera multorum malorū causa existunt. Cum Moyse cinerem in altum effudit, vesicæ turgentes, & morbi Aegyptios grauiter infestarunt: ad hunc ergo modum cum lenes homines excelsum in Repub. vel in Ecclesia locum occupant, necesse est vt varia malorum genera in ea consequantur. Vnde pro eo quod nos legimus, In circuitu impij ambulant, secundum altitudinem tuam multiplicasti filios hominum; D. Hieron. ex Hebræo vertit: In circuitu impij ambulant, cum exaltati fuerint vilissimi filiorum hominum.

Adauget autem Dominus criminis huius grauitatem, cum subdit: *Si autem manus tua, vel pes tuus scandalizat te, abscinde eum, & proce abs te.* Animaduerte, quāto, qua cura nos Dominus adhortetur, vt omnes scādali occasiones vndecunque irruentes amputemus. Leuius fuisse dixisse, caue, obserua, cohibe: at quāto maius quod præcipit vt abscindamus omnē offendiculi materiā, quo demonstret, quanta sit magnitudo periculi, quando, nisi id fiat, prorsus sit pereundum: non minus atque si quis viperam ē manu pendentē non concitus excuteret. Est autem hæc adhortatio ab vtili & commodo conseruandi vniuersi. Vbi enim totus homo periclitatur, præstabilius est vnius membri iactura totius reliqui corporis salutem redimere, quā seruato membro luxato & putrescente, totius corporis salutē in discrimen conicere. Hæc ratio habet simile, sumptum ab illis quibus morbida membra per chirurgos amputantur, vt seruetur quod reliquum est corporis sanum. Certē hunc animum nobis à natura insitum habere debemus, vt alicuius membri dispendio (si aliter fieri non potest) vitam seruemus. Si enim tanto studio corporis vita retinetur, quanto maiore animæ salus ac vita conseruanda est! Quid enim habet eximij momenti, si corpus abscissa dextera seruetur, breui postea moriturū: animæ verò longē alia est ratio: id quod & Poëta gentilis agnouit, cum canit;

*Vt corpus redimas, ferrum patieris & ignes,*

*Arida nec sitiens ora lauabis aquas:*

*Vt valeas animo, quicquam tolerare negabis?*

*At pretium pars hæc corpore maius habet.*

Deniq; non contentus Dñs tot modis nos à scandali peccato deterruisse, addit etiam extremam, eandemque breuissimam admo-

admonitionem dicens: *Videte ne contemnatis vnum ex his pusillis.* &c. quod perinde est ac si diceret: Etiam atque etiam curate, & solliciti ac diligentes estote, ne pios atque humiles contemnatis. Non enim ait: Ne ledatis, aut perdati vnum ex his, &c. sed, Ne contemnatis; quo verbo omnē offensionis ac lētionis fontem, quo pusilli lēdi possunt, obturat. *Dño enim vobis, quia Angelis eorum in celis sen per vident faciem Patris mei qui in celis est.* A dignitate ergo Angelorum, quibus paruulorū tutela commissa est, eorundem amplificat dignitatem. Sunt enim Angeli immortales, inuisibiles, indissolubiles, incommutabiles, simplices, hoc est ab omni corporea mole secreti, in genere suo perfecti, mente puri, affectu benigni, religione pij, vnanimitate indiuisi, pace securi, diuinisq; laudibus & obsequiis semper intenti. Inter quos maiores sine elatione præsunt, & minores sine murmure subsunt; qui cū ad exteriora exeunt, ab interiori diuinitatis contemplationē non recedunt. Quanto ergo reuerentia iis hominibus exhibenda, qui tales à Deo pædagogos, custodes, atque salutis suæ ministros nacti sunt! Hactenus de Euangelica lectione: nunc præcipuam eius sententiam, qua superbix peccatum à Domino accusatur, in reliqua Concionis parte persequamur.

## I.

De hoc igitur occultissimo atq; maximo superbix crimine dicturi, primum, quibus modis homines in hoc vitium incidant, explicabo; deinde, quæ hominum genera huic morbo præcipuè obnoxia sint; ac postremo, quibus aduersus pestilentissimum hunc animorum morbum remediis vti debeamus, expediā.

Multis modis homines in hoc superbix præcipitium vel non sentientes cadunt. Quidam enim adeo stupidi, adeoque sui, ac rerum diuinarum ignari sunt, vt quidquid præclarum, siue in bonis naturæ, siue industriæ, siue fortunæ habeant, vel sibi ipsis, non bonorum omnium auctori Deo tribuant; vel sic se in animo & vita gerāt quasi à se ipsis, non ab ipso percepissent. Quorum mentem & cæcitatem superbus ille Pharaon representat, cui per Ezechielem Dominus dixit; Ecce ego ad te draco magne, qui cubas in medio fluminum tuorum, & dicis, Meus est fluuius, & ego feci meripsum. Simili modo Assyriorū Rex deliquit, cui Dominus exitiū prophetica voce minatur his verbis: Visitabo super fructum magnifici cordis Regis Assur, & super gloriā altitudinis oculorum eius. Dixit enim In fortitudine manus meæ feci, & in sapientia mea intellexi, & abstuli terminos populorū, & detraxi quasi potens in sublimi resedentes. Hoc eodem genere peccati deliquit eiusdē Babylonie Rex Nabuchodonosor, qui se sua virtute, nulla Dei habita ratione, amplissimā illam ciuitatem extruxisse, & latissimū imperium propagasse arbitrabatur.



aduersus quem sanctus ille vigil è cælo descendens, grauissimam  
 Dan. 1. illam & inauditam sententiam fulminauit; Tibi dicitur Nabu-  
 chodonosor, Regnum tuum transibit à te, & ab hominibus ei-  
 cient te, & cum bestiis & feris erit habitatio tua; fœnum quasi  
 bos comedes, & septem tempora mutabuntur super te, donec  
 scias quòd domineretur Excelsus in regno hominum, & cuius-  
 que voluerit det illud. Eadem hora sermo completus est super  
 Nabuchodonosor, &c. Hoc igitur tam nouo & inaudito suppli-  
 cio, quod diuina censura excogitauit, satis declarauit, quàm sit  
 hoc peccatum diuinæ maiestati iniustum; quo vilis homuncio,  
 ex limo terræ conditus, & in eam reuersurus, gloriam vni Deo  
 debitam, sibi arrogare præsumit. A quo crimine S. Iob se alie-  
 niissimum esse confitetur, cum ait: Si vidi Solem cum fulgeret,  
 Tob 3. & Lunam incedentem clarè, & osculatus sum manum meam;  
 quod est peccatū grande, & negatio contra Deum altissimum.  
 Hoc ad verbum contra eos dicitur, qui Soli & Lunæ diuinitatis  
 gloriam vni conditori debitam, tribuebant; sed nihilominus ta-  
 men spiritualiter in eos etiam quadrat, qui rerum suarū splen-  
 dorem, & cætera siue naturæ, siue fortunæ, siue industriæ bona,  
 non Deo, sed sibi ipsis, & manibus suis accepta referunt. Hi  
 enim & manus suas osculantur, dum illis tribuunt quod diuino  
 munere & beneficio perceperunt; & Deum negant, quando  
 quod sibi sumunt, Deo adimunt.

Sunt & alij, qui naturæ beneficia, qualia sunt corporis robur,  
 formæ decor & pulchritudo, canoræ vocis suauitas, ingenij acu-  
 men, & naturalis quædam solertia, cæteraq. his sint ilia quæ no-  
 biscum nata sunt; à summo illo naturæ opifice & conditore  
 proficisci intelligunt; nec ideo tamen humiles sunt; quoniam de  
 his frequenter gloriantur, & ob ea laudem ab hominibus & glo-  
 riam expetunt; quos D. Aug. diuinæ gloriæ fures appellat, vt-  
 pote qui gloriam horum bonorum largitori debitam, sibi ipsis  
 impie & ingratiè arrogant. Sunt rursus alij, qui spiritualia dona  
 & beneficia à Deo se consecutos esse profitentur, sed ea tamen  
 propriis meritis & virtutibus suis assignant. Hi autem partim  
 Deo gloriam tribuunt, partim adimunt; quando ea esse Dei be-  
 neficia consentiunt, meriti autem valorem atque rationem sibi  
 sumunt: cum tamen certum sit, omne meritum nostrum non  
 minus gratuitum Dei munus esse, quàm quod propter ipsa no-  
 bis merita conceditur. Hinc D. Aug. locum illum enarrans, Qui  
 Aug. 1st. Psal. 102. coronat te in misericordia, &c. sic ait: Debetur corona bonis  
 operibus, si fiant; sed gratia præcedit, vt fiant. Itaque vtrumque  
 diuinæ gratiæ beneficium est, & boni operis præmiū, & eiusdem  
 operis meritum. Vt autem quantum periculi in hoc superbiz  
 genere sit, intelligatis, memorabile exemplū, quod S. Ioannes  
 Aegy-

Aegyptius, inter veteres illos Anachoritas celeberrimus retuli, hoc in loco attexere volui. Ait igitur: Erat quidā apud nos monachus in hac vicina eremo commanens, cui habitaculum spelunca erat; vir summæ abstinētie, quotidianum victum labore manuum quærens, in orationibus diu noctuq. persistens; cunctisq. animi virtutibus florens. Sed hic latis successibus elatus: confidere quasi in profectibus suis cœpit, & non Deo totum, sed sibimetipsi quod fecerat deputare. Hanc autē eius intuens animi præsumptionem tentator; continuò accedit, & laqueos parat. Quadam namq. die ad vesperam fingit speciem decoræ mulieris oberrantis per eremum; quæ velut fessa post nimium laborem, accedens ad ostium speluncæ monachi, se lassabundam simulans ac fatigatā, intrinsecus semetipsam proiecit; atq. aduoluta genibus viri, vt misereatur exorat: Nox enim me infelicem, inquit, in eremo latitantē comprehendit; iube me requiescere in angulo cellulæ tuæ, ne fortē efficiar nocturnis bestiiis præda. At ille primò miserationis obtentu recepit eam in speluncam, requirens quæ ei causa errandi per eremū fuerit. Illa causam fingit satis accuratē, & interim venena blandimentorum atq. illecebræ virus per omnē textum narrationis interserit; nunc se miserandam, nunc etiam defensione dignam ostendens, elegancia & suauitate sermonis inclinat animū hominis, & in affectum sui illecebroso amore deflectit. Hinc iam inter blandiora colloquia iocus risusq. miscetur; manus etiā procax ad mentum barbamiq. quasi venerandi speciei protendit, tunc verò palpare ceruicem mollius, collumq. leuigare. Quid multa? Ad vltimū, captiuū ducit militē Christi. Cōtinuò enim perturbari intra semetipsum, & libidinis fluctibus arstare cœpit, nequaquā laborū præteritorū, nequaquā professionis ac propositi sui memor. Pascitur cū cordis sui cōcupiscentia, & intra arcana cogitationū suarū sordus cum falsa cupiditate cōponit. Inclinat stultus latera sua, & efficitur sicut equus & mulus, quibus nō est intellectus. Atq. vbi obscēnos iam conabatur inire complexus, illa ululatū terribilissimū dirę vocis emittens, vmbra vt erat tenuis, per manus amplectentis elabitur; ipsumq. dedecorosis motibus inanes auras sectantem sordidissima cum irrisione deseruit. Tunc præterea multitudo dæmonum in aëre ad hoc ipsum spectaculum congregata, clamore ingenti cum cachinno exprobrationis elevato, O, inquit, monache, monache, qui te vsq. ad cælum extollebas, quomodo demersus es vsque ad infernum? Disce ergo, quia qui se exaltat, humiliabitur. Tunc ille velut amens effectus, & deceptionis suæ pudorē non ferens, grauius à semetipso decipitur quā fuerat à dæmonibus deceptus. Cum enim debuisset reparare semetipsum, & renouare certamē, ac lachry-

**Ephes. 4.** mis & humilitatis fructibus prioris elationis culpam delere; hoc non faciens, sed desperans, semetipsum (sicut Apostolus dixit, tradidit omni impudicitia & iniquitati; regressus est enim ad vitam secularem, praeda dæmonum factus. Hactenus D. Ioannis verba; quæ satis superque elationis huius periculū declarant.

Sunt autem alij, qui vtrumque diuinæ benignitati facile concedunt, hoc est, percepta beneficia, & virtutum, quibus ea affecti sunt, merita; sed nec hoc tamen solum ad veram cordis humilitatem satis est. Nam inter hos sunt multi qui his diuinis beneficiis insolescunt, qui de illis inaniter gloriantur, gloriamque & laudem ab hominibus propter ea quarunt, & alios, qui his virtutibus destituti sunt superbe contemnunt. Quorum de numero superbus ille Phariseus erat, qui bona opera sua Deo accepta referebat; & pro illis gratias agebat; ob illa tamen efferebatur animo, ceterosque peccatores, atque inter eos publicanum à longè stantem præ se contemnebat. Itaque orabat; Deus, gratias ago tibi, uia non sum sicut ceteri hominū, raptores, adulteri, iniusti, velut etiam hic publicanus; ieiuno bis in sabbatho, decimas do omnium quæ possideo. Hic videris hominem & diuina beneficia confiteri, & (velut ij qui in portu naufragium faciunt) de iisdem beneficiis insolescere, & ob ea superbe atque insolenter alios despiciere. Tales autem frequentes, quas non habent virtutes, habere se putant, & ab his vitiis immunes se esse credunt, quibus obnoxij sunt. Idem etiam ad videnda mala sua cæci, ad aliena verò inspicienda oculatissimi sunt; ideoque festucam in aliorum oculis acutè cernentes, trabem in oculis suis non vident. Hos autem qui sibi nimium tribuunt, sibi que nimium placent, castigat Apostolus his verbis; Qui se existimat aliquid esse, cum nihil sit, ipse se seducit; hoc est, se ipsum stultitiæ atque amentia condempnat. In hunc autem hominem maxime quadrat quod est à D. Augustino breuissime simul & argutissime dictum; Qui sibi placet, stulto homini placet.

**Galat. 6**

**August.**

**Simile.**

His autem modis, aliisque (quos recensere longum esset) in superbia scopulū frequenter homines vel non sentientes (ut antè diximus) impingunt; propterea quòd hoc vitium occultissimum sit. Hic autem multiplex intellectus erga nostri cognitionem error (vnde superbia, quæ est in voluntate, manat) ex amore sui (qui altissime præcordiis nostris infixus est) originem ducit. Is enim falsæ huius estimationis atque erroris egregius artifex est. Si enim iudex rei amicus, per leges suspectus accusatori est; quàm suspectus sibi homo esse debet, qui se tantopere diligit, quique in virtutibus suis tanquam in re gratissima gloriatur. Quocirca valde nobis timendū est, quòd talem intra nos adulatorem, talemque errorum magistrum, atque superbiae seminarium habeamus.



beamus. Ideoque multis precibus & lachrymis, multoque studio & contentione aduersus eius vim atque potentiam, naturæ lapsæ præsidio munitam, dimicandum est.

## II.

Sed iam quæ hominum genera morbus hic præcipuè infestat, consideremus. Et quidem primo loco se offerunt diuites. Nisi enim ij hac peste laborarent, nequaquam Paulus Timotheo præscriberet; Diuitibus huius seculi præcipe non sublime sapere; nisi quia intelligebat, diuitias sæpe hominum animos efferre. Nunquam enim diuitibus adulatores desunt; qui cum diuitias magnæstiment, ipsos etiam diuites plurimi faciunt, eosque ut cæteris hominibus ditiores. ita etiam nobiliores & prudentiores esse confirmant. Quorum sententiis internus adulator (quem amorem sui esse diximus) facili consensum præbet. Quo fit, ut leuis homo talem se existimet, qualem ab externis adulatoribus prædicari audit. Vnde in Ecclesiast. legimus; Diues locutus est, & omnes tacuerunt, & verbū illius usque ad nubes perducunt; pauper locutus est, & dicunt, Quis est hic? Et si offenderit, subuertunt illum. Hæc igitur ementita laus leues homines de mente deducit, & à vera sui cognitione auocat. Hinc autem illud sequitur quod Ecclesiast. ait: Vana spes, & mendacium viro insensato; & somnia extollunt imprudentes; hoc est fuitiles laudes inanescque fauores, leues homines nimiumque sui amantes facili efferunt & attollunt, efficiuntque ut tantum sibi ipsis tribuant, quantum à mendacibus linguis sibi tribui audiunt. Hinc Diuus Gregorius: Lans sua iustos cruciat, iniquos exaltat; sed iustos dum cruciat, purgat; iniquos dum lætificat, reprobos monstrat.

Acrius tamen ad superbiam nobiles & potentes homines, qui principem in Republica locum tenent, exstimulantur. Ex loci enim altitudine dignitatem suam meriuntur, dum se eo honore dignos iudicant, quem acceperunt; cum tamen fortuna oculis capta esse dicatur; quæ sæpe honores magnos ad indignissimos defert. Ut enim proceras arbores in vertice montium plantatas vehementioris auræ impetus concutit; ita eos qui in sublimi loco positi sunt, ambitionis atque superbiæ aura potentiùs infestat. Verè enim dictum est, Ram esse humilitatem honoratam. Diuus Bernardus terrenum quendam deum appellat eum qui inter diuersa vina, & opiparas epulas sobrietatem retinet. Non minùs tamen huius nominis gloria dignus erit, qui in excelso loco positus, inter honores humilis, & in sublimi dignitate modestus, atque honorum contemptor existit. Hinc Ioannes Cassianus monet, ex a quo monachum feminas, & manus Episcopi fugere debere; illud propter castitatis insidias; hoc, propter honoris expresbyterij

dignitate periculum. Itaque vir sapiens non minus difficile esse statuit inter honores humilem inueniri, quàm inter feminas agentem pudicum & castum esse. Vt enim seminarum conuietus castitati, ita honores ampli humilitati insidiantur.

Quamuis autem inter dignitates & honores humilitas periclitatur, multo adhuc maius illi ex insigni scientia & literatura periculū imminet. Quo enim scientia quauis dignitate & nobilitate præstantior est, eo magis doctorum animos efferre solet. Quia enim multarum rerum cognitio intellectu maxime perficit, ideo qui hanc nobilissimā sui partem variis disciplinis excoluerunt, facile sibi persuadent, tanto se ceteris hominibus esse præstantiores, quanto sunt doctiores. Intelligunt enim verum esse quod est ab Aristotele dictū, Visum quidem à circumfuso aëre lumen accipere, animū autem à liberalibus disciplinis. Cui illa Salomonis sententia consentit: Cognoui quod tantū præcederet sapientia stultitiam quantum differt lux à tenebris. Sapientis oculi in capite ipsius, stultus in tenebris ambulat. Hoc igitur in causa est, cur Apostolus scientiam inflare dicat, quod dignitatis suæ splendore incautis hominibus occasionem sese efferendi præbeat. O quàm multi sunt, qui sapientia inflati euauerunt in cogitationibus suis, qui eleuauerunt cor suum in decore suo, qui dicentes se esse sapientes, stulti facti sunt; quia veræ sapientiæ, quæ de cælo est, discipulos sese præbere dedignati sunt! Talibus igitur lignum scientiæ viam præcluse ad lignum vitæ; quia superba sapientia ab humilitate auocat, quæ viam nobis ad cælestis vitæ fructum parat. D. autem Thomas hoc nequaquā sapientiæ vitio (quæ pulcherrimū immortalis Dei munus est) sed hominum culpa provenire ait. Theodor. autem minime insigniū sapientium, sed sciorū quorundam hoc esse testatur his verbis; Intumescunt hoc genere superbiæ homunciones quidam, non ex his qui ad summū sapientiæ Græcæ perueniunt, sed qui pauca quædam (quod dicitur) primis labiis delibarent, sibi quæ hinc atque illinc pusilla quæpiam collegerunt.

Quid verò de eloquentia referat? quæ quamuis rerum scientia sit inferior; tamen ad attollendū animum tanto est potentior, quanto magis in ore hominum, & communi laude versatur. Scientia enim frequenter latet; eloquentia verò & scientiam & seipsam in publicum prodit, & hominibus spectandam præbet. Hinc ipse parens eloquentiæ Cicero his studiis animos ad honoris & gloriæ cupiditatē alit. Hic autem morbus prædicatores maxime infestat, qui in omnium conuentu & celebritate dicunt, cum eos præsertim laudantium voces, & aura popularis in sublime attollit. Quæ res quantopere timenda sit, cælestis Magister discipulis à prædicationis officio redeuntibus,

& la-

Arist.

Eccli. 2.

Ibidem.

S. Thom.

Theod.  
lib. 1. Cu-  
ration.

Cicero  
contra  
Sallust.

& lætis successibus gaudentibus declarauit, cum eos Satana ex-  
emplo exterruit, dicens: Videbam Satanam sicut fulgur de cælo  
cadentē. Constat enim causam huius lamentabilis ruinæ super-  
biam exstitisse. Vt horum autem elationē Dominus deprime-  
ret, beatę Catharinę Senensi præcepit, vt se ad homines docen-  
dos, & à sceleribus suis reuocandos accingeret. Illa verò libenter  
se permittente diuinæ voluntati, sed nihilominus suam imbe-  
cillitatem, tum etiam sexus conditionem opponente, propter  
quam ipsam inter homines versari non deceret, Dominus ei  
abundē satisfecit, inter cetera dicens, vsq; adeo increuisse super-  
biam, eorum præsertim qui se literatos & sapientes putarent,  
quod diuina iustitia id amplius ferre non posset, quin eos pude-  
faceret, idque per feminas, ipsius virtute & sapientia instructas.

In his autem personarum generibus, quas hætenus recen-  
suimus, superbia carnalis præcipuè dominatur, quando hæc  
omnia quæ diximus, vera laude & gloria (quæ vni virtuti debet-  
ur, minus digna sunt, quāuis apud homines in pretio habeant-  
ur. Maius autem virtutum cultoribus periculum ab hoc vitio  
imminet. Hinc D. Aug. Virtutes habenti magna virtus est con-  
temnere gloriam. Virtutes enim quæ cæteris vitiis aduersan-  
tur, non rarò superbię materiam subministrant. Quo enim vir-  
tus præstantior, & laude dignior, hoc maiorem incautis homi-  
nibus sese attollendi occasionem præbet. O quā multi, dum se  
ipso aspiciunt, seipso decipiunt, dum virtutū suarum occasio-  
ne aut aliquid se esse credunt, aut cæteris superiores iudicāt! Hęc  
enim gloria dulcedine sua sensim in animum irrepit, & blanda  
quadam titillatione mentē pulsat, cum homo intra se non qui-  
dem verbis, sed tacitis cogitationibus dicit: Hætenus integram  
& illibatam castitatē multo tempore conseruari; nullū hæte-  
nus (quod sciā) capitale crimen admisi; statas quotidie ad Dñm  
preces fundo, cælesti sæpe dulcedine fruor; corpus meū ieiuniis  
macero; panem meū egenti tribuo: hæc, & his similia paulatim  
animum subeunt, ipsumq; tacita quadā lætitia & voluptate per-  
fundunt, hominēq; persuadent se iam aliquid in virtutū studio  
profecisse, illisq; superiorem esse, quos his virtutibus destitutos  
videt. O quantum in his cogitationibus periculi latet! Quoties  
enim homo sibi in virtutum officiis placet, toties in superbię  
præcipitium incidit; & quidquid hoc modo facit, quantumcun-  
que auri splendore mentiatur, non verum aurum, sed adulteri-  
num est: at qui humiles corde sunt peracto pietatis opere se nihil  
Deo dignum fecisse putant, & ea quæ faciunt, multis maculis  
inusta esse dolenter ferunt, ideoq; non plausum de bono opere  
sed meritū magis concipiūt, cum B. Iob dicentes: Verebar omnia  
opera mea, sciēs quod nō parceres delinquenti. Atq; vt omnē ab

Lucæ 10.

August.

Iob 1.



animo suo superbiam fibram eruant, sollicitè Dominum cum Propheta orant: Non veniat mihi pes superbiam: tibi enim ceciderunt qui operantur iniquitatem. Cur autem Propheta pedem superbiam, non superbiam dixit: Nimirum, quia viri sancti non solum totum superbiam corpus, sed etiam primum eius congressum atque aditum reformidant. Quisquis enim domum ingredi cupit, prius in limine pedem ponit, quam totum corpus introferat. Orat igitur vir sanctus, ut ne primus quidem superbiam motus mentem suam impetat; tantum in ea periculi positum esse arbitrat. Ex his igitur quæ hæcenus dicta sunt, fratres, liquidò constat, eos potissimum huic morbo obnoxios esse, in quibus splendidum aliquid, & laude siue vera siue falsa dignum fuerit. Hæc enim omnia velut ligna & fomenta sunt, quibus elatio animi (nisi diligenter prospicias) nutritur & roboratur. Quo autem res dignior atque præstantior est, eo maiores ex ea vires superbiam capit. Cum autem nihil sit virtute laudabilius, vehementer sibi prospicere debet quisquis virtutum laudibus redundat. Verè enim magna laus est, laudabiliter vivere, nec laudem appetere; quodque maius est, nequaquam se laude, sed supplicio magis dignum existimare, & aliorum quidem iudicio magnum, suo verò minimè reputari, apud alios in pretio haberi, apud se autem vilem esse: ab aliis honorari, se verò non honore, sed ignominia dignum credere. Hæc autem omnia non virtutis humanæ sed diuinæ gratiæ beneficia & opera sunt. Inter quæ cum multa sint admiratione dignissima, & quæ diuinam virtutem in fragili hominis natura maximè declarant, tum illud mihi maximè mirabile videtur, summa videlicet virtus cum summa humilitate coniuncta. Vidi enim viros, qui cum ad omnium virtutum culmen peruenissent, ita se animo deiciebant, ut ipsi se demonibus cõpararent, nec alios inuenirent, quibus se similes esse dicerent. Quid ergo mirabilius quam ita se damnare, qui nihil habeat damnandum? ita se accusare, qui vix quidquam habeat accusandum? neque ex tot virtutibus quas habet, ullam sibi placendi ansam arripere? cumque alienarum virtutum candidissimi sint laudatores & admiratores, suarum tantum sunt contemptores? Huius autem rei causam esse arbitror, quod viri sancti mirabili quadam Dei providentia ad aliorum virtutes inspiciendas oculatissimi, ad suas autem penè cæci sint. Sic enim Moysis splendor in eius vultu fulgens, ab aliis videbatur, à se autem ignorabatur.

## III.

Sed quoniam grauissimum superbiæ morbum tot hominū genera acerbissimè vexantē vidimus; consequens est ut huic tanto malo remedium adhibeamus. Inter varia autem eius remedia primum est, ut pius homo vigilantibus oculis interiores animæ suæ

cogita-

cogitationes & motus perscrutetur; atq. vbi cogitationē aliquā pręferat, qua vel se aliquid esse putet, vel de aliqua virtute sibi placeat, tunc à subtilissimo superbię spiritu insidias sibi parari intelligat; & omnē huiusmodi cogitationē & motū, velut gehēna scintillā à se celerrimē excutens, in imum se barathrū mente coniciat, & se peccatorū omnium miserrimū atq. infimum esse fateatur; qui non contentus tot antē patratis sceleribus, hoc etiam ad malorum suorū cumulum adiungat, vt fidelem se Dei seruum credat, cū rebellis semper & ingratus exstiterit. Hinc D. Bern. In anima non est planē timenda quantalibet humiliatio, horrenda autē nimiumq; pauenda vel minima temerē pręsumpta erectio. Quamobrē noli te, o homo, comparare maioribus, noli minoribus, noli aliquibus, noli vni. Hactenus Bernard.

Bernard.  
in Cant.

Si quid autem honestē & laudabiliter quis gesserit, adeo sibi de bono opere non placeat, vt timoris etiam materiā ex eo arripiat, cū timere debeat, an quod iustum est, vel parū iustē, vel negligenter ac desidiosē fuerit executus; ideoq. magis pro negligenter pręstato officio veniam petere debet, quā pro seruitio mercedē. Ita fit, vt ipsis virtutum actionibus non ad superbiam & falsam securitatem, sed ad humilitatem cordis & sollicitum timorē magis excitetur. Est etiam non vulgare remedium, vt pius homo non ea bona quę facit, sed mala quibus premitur, attentius consideret; non quantum profecerit, sed quantum defecerit; non quas habet virtutes, sed quibus destitutus sit, frequentius consideret. Hoc nos S. Pater Aug. admonet his verbis. Qui vera pietate in Deum, quē diligit, credit & sperat, plus intendit in ea in quibus sibi displicet, quā in ea, si qua in illo sunt, quę non tam ipsi quā veritati placent; nec id tribuit vnde iam placere potest, nisi eiusdem misericordię cui metuit displicere; de his sanatis gratias agens, de illis sanandis preces fundens. Hactenus Aug. Quisquis igitur hoc pręstiterit, cum Apostolo dicere poterit; Quę retrō sunt obliuiscens, ad interiora me semper extendo. Hoc enim modo sollicitus viator ad patriam properans, non quantum itineris emensus fuerit, sed quantum superest, sibi ante oculos ponens, ad id quod reliquum est conficiendū accingitur. Qui verō aliter faciunt, superbum illū Pharisęum ex Euangelio imitantur; qui malorū suorum oblitus, solāq. bona opera sua considerans, seq. animo efferens, humilem publicanum despiciebat, qui ne oculos quidē propter peccatorum suorum conscientiam ad cælum leuare audebat. Ille igitur dum sola bona opera sua contēplatur, superbus efficitur; hic verō, dū sola crimina sibi ante oculos ponit, humilitate stabilitur.

Auguſt.

Philip. 3.  
Simile.

Iuuabit & illud, si pius homo sanctissimorum hominum clarissima exempla & virtutes sibi ante oculos ponat, vt illorum

comparatione infirmitatem suam apertius videat. Hac enim ratione fiet, ut obliqua rectis comparata, obliquitatē suam magis conspicuam reddant. Ut autem qui se melioribus comparant, humiliores euadunt; ita qui se cum deterioribus componunt, superbibus effervuntur. Quocirca nullo modo pius homo virtutem suam deteriorū comparatione metiatur. Nihil enim adeo turpe est, quod cum re turpissima comparatum, non aliqua ratione possit honestari; nihil adeo sordidum, quod cum re sordidissima collatum, non purum iudicetur. Ad hoc autē nos D. Hieronymus hortatur, qui in quadam ad amicum Epist. sic ait: Oblitus posteriorum, semper priora sectaberis, nequaquam considerans quid alij malē faciant, sed quid boni tu facere debeas; nec peccantiū ducaris multitudine, sed Sanctorum exemplis potius imiteris. Haecenus ille. Idem nos D. Greg. monet his verbis: In cunctis quæ agitis, radicem boni operis, humilitatem tenete; nec quibus iam superiores, sed quibus adhuc inferiores estis, aspiciate; ut dum meliora vobis exempla proponitis, ad maiora semper ascendere ex humilitate valeatis.

Hieron.  
in Epist.

Gregor.  
in Hom.

#### IIII.

His remediis extremum adiungam, quod à præsentī sollemnitate non abhorret; nempe, ut pius homo patronum aduersus hoc monstrum exquirat, cuius illum viribus atque præsidio debellare atque potternere queat. Nullus autem ad hoc commodior quā Michael Archangelus, cuius inter alias virtutes & egregia facta illud præcipuē memoratur, quod magnum illum Leviathan, qui est Rex super omnes filios superbiæ, expugnauerit, atque ex altissimo cælicardine in imum barathrum deiecerit: qua de re sic in Apocal. legimus: Factum est prælium in cælo, Michael & Angeli eius præliabantur cum dracone, & draco pugnabat, & Angeli eius; & non valuerunt, neque locus eorum inuentus est amplius in cælo. Huius ergo tam atrocis prælij, quo victores cælesti regno potiti, victi autē æterna captiuitate damnati sunt, Dux S. Michael exstitit; qui pro summi Dei gloria aduersus draconē fideliter decertauit. Certamen autem constat non corporū, quæ ibi nulla erant, sed spiritūū fuisse; in quo boni Angeli magna contentione pro Dei gloria, mali verò pro sua dimicabant. Quod autem fuerit primū horum peccatum, non ita facili expediri potest. Difficultatis autē ratio est, quod omne ferè peccatum quod voluntatis consensu perficitur, error aliquis in intellectu (cuius ductū sequitur voluntas) antecedere solet. Vnde est illud quod vulgo iactari solet; Omnis peccans est ignorans. At in Angelorum intellectu ante peccatum error esse non potuit. Cum enim error pœna sit, quæ culpam sequitur; ubi nulla præfuit culpa, nulla etiam erroris pœna præcedere potuit.

Apoc. 12.

Qua



Qua de causa, qui rectius in hac parte philosophantur, primum hoc peccatum, non commissionis, sed omissionis esse aiunt. Hoc enim peccati genere sine prauo intellectus errore delinquere possumus; quia videlicet nequaquam tempore debito aduertimus, quod erat diligenter animaduertendum. Sic enim sarcinator, sic cémentarius peccare in officiis solent, cum artū suarum regulas propter socordiam & incuriam non aduertunt. Mali ergo Angeli, ubi seipsos in primo operationis suę instanti, & dignitatē, in qua à Deo conditi erant, agnouerunt, debuissent in secundo Conditorum suum, tantorumq. donorum largitorem reuereri, & pro tantis beneficiis gratias agere, ipsumq. tanquā summum bonum summo amore deligere, illiusq. se obsequio tota deuotione atq. humilitate committere. Quod quia non fecerūt, cum facere tenerentur, in hoc peccatum omissionis inciderunt. Dum ergo miram illā naturę suę pulchritudinem & dignitatē contemplati, eam Conditori acceptā referre neglexerūt, in seipsis, non in Deo gloriantur sunt; atq. ita eleuauerunt cor suum in decore suo. Hinc Deo similes effici optauerunt, cuius proprium est, non ab alio pendere, sed propria virtute niti. D. verò Thomas S. Thom. hac ratione principem illum Angelum Dei similitudinem affectasse ait, vel quod naturalem beatitudinem, vel etiam supernaturalem propria virtute sua se habiturū confiderit; quam tamen nemo, nisi supernaturali Dei dono, consequi potest. Vt enim D. Anselmus ait, Id appetiit, quod habuisset, si steteret. Hęc autem duo in idem recidere D. Thom. ait; quia utroq. modo voluit vltimam beatitudinem propria virtute cōsequi. Vbi autem hoc insando scelere deprauatus fuit, in alia deinde superbix præcipitia lapsus est super res alias, principatum, qui soli Deo conuenit, superbe appetens. Aduersus hanc igitur tantam superbiam S. Michaël cum reliquis Spiritibus pro Dei gloria dimicans, ait; Quis similis tui in fortibus, Dñe, quis similis tui? Nefas enim horrendum ac detestandum est, creaturam vllam, quod tremendę maiestatis propriū est, velle sibi arrogare. Hac autem de causa ex victoria aduersum draconē parata, Michaëlis nomen accepit. Michaël enim significat, Quis Deo similis? Vt enim Scipioni Africano (si terrena hæc atque pusilla celestibus comparare licet) à domita & superata Africa nomen inditum fuit; ita Michaël ob insignem hanc vocem, qua Dei gloriam extulit, & superbientem draconem corripuit, hoc nomen accepit, quod eius singularem fidem, humilitatem atque obediētiā præ se fert. Hunc igitur Archangelum, quem Dominus militiæ suę principem, & glorię suę vindicem esse voluit, nobis in patronum sumamus, ab eoq. suppliciter petamus, vt quod ipse odium aduersus hoc superbix monstrum habuit,

Ansel.  
S. Thom.

habuit, mentibus nostris instiller, & humilitatis virtutem, quæ & ipse, & sectatores virtutis eius boni Angeli in gratia confirmati & stabiliti sunt, nobis à Domino virtutum impetrare dignetur, vt per humilitatis viam incedentes, ad eorundem felicitatem & gloriam mereamur peruenire.

## IN FESTO B. HIERONYMI

CONCIO VNICA, IN QUA DE VERA sapientia, quæ in hoc Patre sanctissimo mirabiliter eluxit, & in qua etiam hominis felicitas sita est, de quæ duplici felicitate, altera perfecta, altera inchoata differitur.

THE. *Proposui sapientiam regnis & sedibus; & diuitias nihil esse duxi in comparatione illius.* Sapientiæ 7.



Vm omnia quæ à Deo in hac rerum vniuersitate condita sunt mirabilem Conditoris sapientiam atque potentiam testentur atque declarent; tum hoc in primis efficit infinita propè conditarum rerum multitudo atque varietas, quæ non in ipsis modò rerum speciebus atq. generibus, sed intra ea etiam quæ sub ipsis generibus continentur, elucet. Quanta enim in auiibus celi varietas! quanta in quadrupedibus! quanta quamque mirabilis in tot piscibus maris! ac postremò quanta in tot virgultorum atque arborum figuris, fructibus & frondibus! Quid verò homines, qui sub eadem specie continentur referam? Vt enim varios eorundem mores & ingenia præteream, quis duos vultus omnino similes, etiam inter fratres geminos, deprehendat? vt non immeritò Diuus Ambrosius tantam inter se & fratrem quandam suum oris similitudinem miretur, quæ non raro faciebat, vt etiam qui cum illis versabantur, Ambrosium pro Ambrosij fratre conuenirent; quorum is errorem intelligens, comiter & blandè respondens, Videte, dicebat, ne fratri dixeritis.

Ambros.

Quorsum hæc, fratres? Nimirum vt intelligamus, quòd cum idem sit naturæ & gratiæ auctor; sicut in tam variis naturæ operibus immensas sapientiæ atque potentiæ suæ opes declarauit, quo se hominibus & angelis mirabilem ostenderet; idem  
etiam

etiam in operibus gratiæ, hoc est, in piorum hominum sanctificatione effecit. Mitto nunc communem illam Patriarcharum, Prophetarum, Apostolorum, Martyrum, Confessorum, atque Virginum varietatē (quibus Regina illa assistit à dextris Sponsi in vestitu deaurato, circumdata varietate) in his ipsis Sanctorum ordinibus quanta, quæso, gratiarum atque virtutum varietas! Moyses, Prophetarum eximius, cunctorum hominum qui morabantur in terra mitissimus fuisse prædicatur: at Elias zelo diuinæ gloriæ feruens, quinquagenarios principes, eorumque milites qui ad se capiendū venerant, cælesti igne concremauit; & quadringentos prophetas Baal super vno lapide ingulauit: quodque mirabilis est, trium annorum & sex mensium sterilitatem, acerbissimamque famem precibus suis in supplicium perfidi populi à Domino impetrauit. Iam verò si ad noui testamenti sanctos veniamus, quanta in virtutibus eorum varietas! quanta etiam pulchritudo! Miramur in Episcopo Cypriano sollicitam ouium suarum curam, & fidei ardorem. Miramur in D. Chrysostomo animi altitudinem, humanarumque rerum atque principum seculi contempionem; utpote qui dicere ausus fuerit, iterum furit Herodias; iterum postulat caput Ioannis sibi in disco dari. In D. Basilio (ut ipsum quoque eius nomen sonat) effulsit etiam regale quiddam in moribus. In magno illo Antonio, eiusque discipulo Hilarione, admiranda illa carnis maceratio, & solitudinis amor. Septies namque S. Hilarion demicilium, ad fugiendum aduentantium frequentiam, commutauit. In D. autem Augustino elucet præcipue fidei zelus, & aduersus fidei hostes disputandi libido insatigabilis. At in D. Bernardo incredibilis veræ religionis amor; ideoque tantus ardor in locis desertissimis ædificandi monasteria. Venio nunc ad beatissimum Patrem Hieronymum, cuius hodie gloriosa natalitia celebramus. Quid in eo non mirabile? quid non amplum atque magnificum? Alius in eo mirabitur hebdomadarum inediam: alius vigiliarum diuturnitatem; alius orationum instantiam: ego verò in illo sanctarum scripturarum amorem, & continuum diuinæ sapientiæ studium, cui se totum addixerat, vehementer admiro. Hoc enim faciebat, ut minima noctis portio daretur somno, minor cibo, nulla otio. Hoc autem studio vir sanctus magnam Ecclesiæ, diuinarumque litterarum studiosis lucem prætulit. Cum igitur tanta sit in sanctis hominibus virtutum varietas, nihil mirum si Ecclesia in sanctorum Confessorum festis vocem illam usurpet; Non est inuentus similis illi, qui conseruet legem Excelli. Ferè enim in singulis eorum singulare aliquid effulsit, cuius gratia hoc elogium in illum cadere posset. Quocirca cum hac præcipue de causa Ecclesiæ Sanctorum festa celebrat,

Psal. 44.

Eccli. 44.



bret, vt nos ad eas virtutes in quibus illi præcipuè enituerunt, imitandas inducat; non abs re videbitur, vt cum sapientiæ donum in beatissimo P. Hieronymo præcipuè eluxerit, nos de eo in præsentî concione agamus. Huius enim rei gratia sacra lectio, quæ sapientiæ huius laudes continet, pro epistola nobis hodie in Missarum sollempniis proposita est. Vt hoc autè argumentum vtiliter & religiosè tractare possimus, cælestem opem, sacratissimæ Virginis interuentu, suppliciter imploremus.

## A V E M A R I A.

Sunt quidem, fratres dilectissimi, variæ ac multiplices scientiæ quæ humano ingenio atque studio inuentæ sunt: quarum aliæ in naturæ explicatione; aliæ in rebus supra naturâ positis; aliæ in siderum atque signorum cognitione; aliæ in morborum curatione; aliæ in differendi facultate; aliæ in moribus componendis, & vita rectè instituenda versantur. Inter has autè scientias, illa quæ rectè viuere docet, maximè necessaria est. Si quis enim omnes has disciplinas plenissimè calleat, (quod illi omniscio Hippix ferunt contigisse) nesciat autem quo pacto vitam instituere debeat, quid illi hæc rerum omnium cognitio ad salutem conferet? Contrà verò si quis vitam suam rectis institutis moderari sciat, nihil ei cæterarum disciplinarum ignoratio oberit. Quæ ex reliquet, hanc scientiâ esse hominibus maximè necessariam, vtpote sine qua aditus illis ad supremam felicitatem & beatitudinem minimè pateat. Ad huius autem disciplinæ cognitionem nos Dominus iprophetica voce inuitat, cum ait: Disce vbi sit prudentia, vbi sit virtus, vbi sit intellectus, vt scias simul vbi sit longiturnitas vitæ & victus, vbi sit lumen oculorum & pax. Pacis autem nomine tranquillitatem animi, omniumque cupiditatum & perturbationum sedationem intelligit; quibus sedatis atque compositis, tranquillitas animi, quies mentis, & inchoata beatitudo consequitur; quam cætera bona quæ ibidem Propheta recenset, comitantur. Recta autem vitæ institutio ad hanc beatitudinem viam munit.

Huius autem beatitudinis flagrantissimum desiderium naturæ conditor humanis mentibus ingenerauit. Omnes enim natura instigante ad eum statum peruenire cupimus, in quo ad hanc animi quietem & pacem perueniamus; in qua nihil aliud desideremus, quàm quod habuerimus. Vt enim famelicus homo, qui famem edendo sedauit, non iam esurit: ita qui ad hunc statum peruenierit, plenissimè requiescet, neque aliud amplius esuriet, quàm quod habet. Hic est igitur perfectissimus status, atque vltimus humanæ vitæ finis, quem omnes homines (vt Philosophi loquuntur) infinito amore diligunt; quia videlicet non propter quidquā aliud, sed propter se ipsum eum diligunt.

Quem-

Baruch.

Simile.

Quemadmodum enim medici pharmaca aegrotis ea mensura *simile;*  
propinant, quam sanitatis necessitas exigit; sanitatem autem  
sine vlla mensura dare volunt (dant enim quantam maximam  
possunt) sic ea quæ nos ad hunc finem adiuvant, eatenus ample-  
ctimur, quatenus fini consequendo conducunt; finem autem  
ipsum, hoc est, ipsam felicitatem & beatitudinem sine vlla men-  
sura cupimus; quia ipsam propter se ipsam desideramus, neque  
ad aliud quidquam ordinamus. Hoc enim ultimi finis ratio po-  
stulat, ut omnia quidem ad ipsum, ipse verò ad nihil aliud refe-  
ratur. In eo namque mens hominis plenissimè requiescit; aliter  
enim ultimum non esset. Hic igitur tantus finis, atque beatitudi-  
nis amor ac desiderium efficit, ut nihil aliud homines in vita mo-  
liantur, nihil quærant, nihil quod eos ad communem hunc hu-  
manæ felicitatis portum ducat. Qua tamen in re dictum mirum est  
quantopere à recto itinere devient. Ut enim homines, natura *Simile;*  
instigante, ad summi Dei omniumque rectoris & gubernatoris  
cultum & venerationem incitantur (quis autem esset verus Deus  
ignorantes, alij Solem, alij Lunam, cæteraque signa cælestia  
deos esse putantes, diuinos illis honores exhibuerunt) ita cum  
eadem natura homines ad huius felicitatis desiderium incendat  
(qua autem in re ea felicitas sit ignorantes, alius in diuitiis,  
alius in voluptatibus, alius in honoribus, alius in Principum  
gratia, alius in scientia, alius denique in virtute eam esse putan-  
tes) avidissimè ista omnia terra marique conquirunt, felices se  
futuros, si eam consecuti fuerint, arbitantes.

Nos tamen (ut alibi copiosius disputauimus) eos omnes qui  
felicitatem in hac vita posuerunt, apertissima ratione deceptos  
fuisse affirmare non dubitamus. Tot enim nos in ea incommo-  
da undique circumsedent, tot corporis morbi, tot animorum  
ægritudines, tot insperati & acerbi casus, tot aliorum hominum  
iniuriæ atque contumeliæ, tot dæmonum infestationes, ut im-  
possibile sit in hac deo ærumnosa & calamitosa vita ad eum  
statum peruenire quencquam, in quo nulla afficiatur molestia,  
nulla pungatur cura, nihilque aliud prorsus desideret, quàm  
quod habet. Quod si quisquam eò tandem perueniret, ut bo-  
norum omnium compos nulla sollicitudine aut molestia tan-  
gatur (quod nemini hætenus inter mortales contigit) mortis  
tamen metu, quæ omnem felicitatem abolitura sit, carere non  
poterit; atque hoc nomine felix iam & beatus non erit.

Nos igitur fidei lumine eruditi, hominis felicitatem atq. vlti-  
mum finem in futura vita, hoc est, in immensa diuinæ pulchritu-  
dinis contemplatione, amore & fruitione collocamus. Natura si-  
quidè vltima perfectio est, eò vnde primum effluxit, cōueniens  
& apta conuersio. Cum igitur redierimus vnde profluximus,  
tum

In Serm.  
omnium  
Sanct.

tum demū beati erimus. A quo enim esse accepimus, ab eodem bene & beatè esse percipiemus. Quis enim alius commodius absolutionem & consummationem operi præstabit, quam qui illud omnipotenti virtute cœpit? Is igitur solus nos felices & beatos efficiet, is omnium desideriorum nostrorum sitim famemque sedabit. Quod intelligens Propheta, Satiabor, inquit, cum apparuerit gloria tua. Cum igitur summo illo bono (in quo sunt omnia bona) fruemur: tunc votorū omnium cōpotes effecti, nihil extra summum illud & vniuersale bonum requiremus. Iter autem ad hanc tantam felicitatem celestis Magister cum alias frequenter, tum sigillatim adolescenti hac de re percontanti ostendit. Cum is enim ab eo quæsisset, quid sibi factū opus esset, quo ad sempiternam vitam perueniret; ille, Si vis, inquit, ad vitam ingredi, serua mandata. Hac autem breui oratione Dominus & illi, & nobis aditum ad beatitudinem, quam omnes natura instigante cupimus, patefecit.

Psal. 16.

Mat. 19.

Nunc igitur ad vos, fratres. Si maximè necessariam inter omnes scientias eam esse paulo antè diximus, quæ rectè vivere doceat; recta autem vita sit, quæ omnes vitæ actiones ad extremum omnium expetendorum conuenienter dirigat; consequens est ut ille rectissimè viuat, qui Dei mandata seruat, quibus ad hunc finem peruenitur. Quisquis autem veritatem hanc intimis animi sensibus infixit, omniaque alia quæcunque sunt in vita, siue opes, siue regna, siue imperia, tanquam aliena & peregrina, & nihil ad se, hoc est, ad hunc finem pertinentia prudenti atque constanti animo despicit, & per hoc iter vitæ graditur; hic sanè didicit quo pacto vivere debeat: hic præstantissimam illam scientiam quam diximus adeptus erit. Hæc igitur ad fideles omnes in communi dicta sunt.

## I.

Sunt tamen alij (quamuis admodum pauci) qui non contenti diuturna hac futuræ beatitudinis expectatione, omnix dant operā, ut in hac etiam vita incipiant esse beati. Cum enim duplex sit beatitudo; altera perfectā, quæ in futura vita speratur, altera inchoata, quæ in hac vita possidetur; isti dant operam, ut in hac etiam vita esse incipiant, quod futuri sunt; & si non perfectā, inchoata tamen beatitudine fruantur. Hanc autem Philosophi in sapientiæ officio positam esse definiunt. Aiuunt enim hominis beatitudinem in actione aliqua ita consistere, ut citra illam nemo possit esse beatus. Quo nomine feliciū & infeliciū vitam somni tempore parem esse aiunt; propterea quod somnus omnes rationalis creaturæ prouidas actiones suspensas atque impeditas habeat, actum maxime vegetandi vis (quæ cum plantis homini communis est) officio suo fungatur. Cum ergo felici-



felicitem in actione ponerent. intellexerunt vtrique, actionem illam, cuius exercitatio vltimam hominis perfectionem continet. præstantissimam esse debere. Nulla verò actio præstantior est, quàm quæ à præstantissima hominis vi atque potentia oritur. Hanc autem constat esse intellectum. Sed cum varia atque multiplices intellectus actiones sint, excellentissima ea est, quæ circa nobilissimum obiectum, hoc est, quæ in nobilissima re contemplanda versatur. Cum verò nihil maius aut melius in tota hac rerum vniuersitate, quàm eiusdè vniuersitatis Conditor sit: efficitur planè, vt in studiosa immensè pulchritudinis eius contemplatione summa hominis perfectio, vltimus finis & beatitudo sit posita. Rerum enim conditor & moderator Deus sic rerum naturam instituit, vt vnicuique quietis & tranquillitatis locum designaret, isq. & ponderosis corporibus infima loca, & leuibus supera, in quibus quiescerent, accommodauit, idemq. rationali creaturæ suum locum, suumq. veluti centrum non alibi quàm in seipso collocauit.

In hac igitur contemplatione (quæ à summa illa atq. altissima sapientia proficiscitur) summi Philosophi hominis felicitatem atque vltimum finem esse definierunt. Alia tamen Christianorum, alia Philosophorum sapientia est. Hæc enim solis humanis viribus acquiritur; nostra autem diuinæ gratiæ ope atque celesti magisterio comparatur. Sapientiæ autem nomine diuini numinis cognitionem, non quidem nudam, sed cum charitate & mirabili suauitate atque sapore coniunctam (quasi sapientiam quandam scientiam) intelligimus, quam inter omnia Spiritus sancti dona principem locum tenere constat. Eius verò actio est, diuinæ pulchritudinis contemplatio; in cuius exercitatione inchoatam hominis beatitudinē collocamus: in qua cum beatissimus Pater Hieronymus tota vita versatus fuerit, de ea in reliqua concionis huius parte differemus; quamuis doctrina hæc (vt modò diximus) non ad omnes, sed ad paucos præcipuè spectet, quibus tamen debitores sumus. Cum enim Apostolus sapientibus & insipientibus se debitorem fateatur, nos quoque eius exemplo vtrisque debitores sumus. Nunc igitur consequēs esse videtur, vt primo loco huius diuinæ sapientiæ dignitatem & pretium videamus, quò ad eam capeffendā promptiores alacrioresq. reddamur. Et quidem magnificas illas laudes, quæ in Prou. 2  
sacra huius diei lectione continentur (in quibus sapientia cun- Sap. 7.  
ctis mundi opibus & regnis antefertur) prætereo; venio ad beatum Iob in illo suo sterquilinio tanquam in regia cathedra sedentem, mirabiliterq. de vera sapientia philosophantē, cuiusq. laudes prædicantem; sic enim ait: Non dabitur aurum obrium Iob 28.  
zum pro ea, neq. appendetur argentum in commutatione eius.

Non conferetur tinctis Indiæ coloribus, nec lapidi sardonichæ pretiosissimo, vel sapphiro. Non adequabitur ei aurum vel vitrum; nec commutabuntur pro ea vasa auri. Excelsa & eminentia non commemorabuntur in comparatione eius; hoc est, nihil est tam excelsum in rebus corporeis, nihil tam pretiosum aut magnificum, quod dignum sit, non dicam comparari, sed neq. commemorari in comparatione sapientiæ. Eius quippe dignitas infinitis propè partibus corporearum rerum valorem & dignitatem superat. Cum autem vir sanctus excelsa & eminentia dixit, ea intellexit quæ in sublimi & excelso loco posita inter homines eminent; qualia sedes, regna & imperia sunt, quibus alio in loco Sapiens longè multumque sapientiæ donum anteculit. Hoc autem ita esse (vt alia prætereamus) vnius D. Gregorij exemplo satis apertè discimus; qui in summum totius orbis Christiani Pontificem electus, quid non fecit ne à Rachelis suæ amplexibus, hoc est, à diuinæ sapientiæ studio & contubernio diuelleretur? Nam ad Imperatorem literas misit, ne vlla ratione eius electioni consensu præberet. Et permutatis, ne agnosceretur, vestibus, Roma egressus, in cauernis petrarum & ferarum lustris latere tentauit; & latuisset, nisi fulgidæ columnæ indicio illum Dominus prodidisset. Vnde fleas & eiulans ad B. Petri cathedrâ euectus est. Quid verò in ea residēs? quibus lachrymis & lamentis sortem suam deplorat, quòd ab huius amantissimæ sponsæ contubernio (cum qua iucundissimam in monasterio vitam agebat) fuerat separatus! Hoc enim ipse initio statim Dialogorum cum Petro diacono suo familiariter agens, animique sui æstus amico homini declarans, exponit his verbis: Infelix animus meus occupationis suæ pulsatus vulnere, meminit qualis aliquando in monasterio fuerit, quando ei labentia cuncta subtererant; quantum rebus omnibus quæ voluntur eminebat; quòd nulla nisi cælestia cogitare consueuerat; quòd etiam reterentis corpore ipsa iam carnis claustra contemplatione transibat; quòd mortem quoque, quæ penè cunctis pœna est, videlicet vt ingressum vitæ & laboris sui præmium amabat. Hactenus Gregorius. Cuius auctoritas satis nobis ad sapientiæ dignitatem intelligendam esse debet; quandoquidem hic summus vir vtriusque status conditionem expertus (cum & monachus & Pontifex maximus fuerit) monachi, hoc est sapientiæ delicias summæ totius orbis dignitati prætulit, quibus tamen sanctissimus Pater nequaquam in summa illa dignitate caruisse putandus est; sed vnam tamen illam, vt ita dixerim, guttulam, qua tum fortè carebat, summæ totius orbis dignitati præferebat. Expertus quippe erat nō temerè à Propheta fuisse dictum;

Psal. 36.

Melius est modicum iusto super diuitias peccatorum multas. Neque

Neque hoc planè aut mirum aut incredibile cuiquam videri debet. Si enim paulò antè summum hominis bonum quod in hac vita haberi potest, in sapientiæ opere, hoc est, in diuinarum rerum contemplatione & amore positum esse diximus; quid mirum, huic summo bono cætera mundi bona, hoc est, regna, sedes & imperia cedere, & inferiori loco stare? Hæc est enim inchoata hominis felicitas & beatitudo, hæc omnium curarum & desideriorum requies, hæc interna illa pax quæ exuperat omnem sensum, cui nullæ mundi opes atque deliciæ vllò modo comparari possunt. Hoc tamen sæculi homines minimè credunt; qui huius status opes atque delicias experti non sunt. At longè aliud sentirent, si eas aliquando vel minima ex parte degustassent. Neque enim diuus Augustinus qui eas degustauerat, mentitus est, cum dixit: Qui biberit ex fluuio paradisi, cuius vna gutta maior est Oceano, restat vt in eo omnis mundi huius sitis extinguatur. Restissimè enim & breuissimè diuus Gregorius ait; Animæ videnti Deum angusta est omnis creatura.

August.

Gregor.  
3. dialog.

Si igitur tanta hæc felicitas in sapientiæ opibus constituta est, dignum est profectò, vt vbi tantus hic thesaurus reconditus sit, inquiramus. Hanc autem in primis curam Baruch propheta suscepit, qui post magnificas sapientiæ laudes, eius locum inquit his verbis: Quis inuenit locum eius, & quis intrauit in thesauros eius? Non est audita in terra Chanaan, neque visa in Theman. Filij quoque Ager, qui exquirunt prudentiam quæ de terra est, negotiatores terræ & Theman, & fabulatores & exquiratores prudentiæ & intelligentiæ; viam autem sapientiæ nescierunt, neque commemorati sunt semitas eius. Non hos elegit Dominus, neque viam disciplinæ dedit illis; propterea perierunt. Et quoniam non habuerunt sapientiam, interierunt propter suam insipientiam. Quis ascendit in cælum, & accepit eam, & deduxit eam de nubibus? Quis transfretauit mare, & inuenit illam, & attulit illam super aurum electum? Non est qui possit scire vias eius, neque qui inquireret semitas eius. His porrò interrogationibus vir diuinus non modò inueniendæ sapientiæ difficultatem, sed eius etiam dignitatem declarare voluit. Verè enim procul & de vltimis finibus pretium eius.

Baruch 31

Verùm ne hoc tanto bono homines carerent, ostendit protinus sapientiæ locum, quem in solo Deo, vnico verè sapientiæ auctore, collocauit. Subdit enim: Hic adinuenit omnem viam disciplinæ, & tradidit eam Iacob puero suo, & Israël dilecto suo. Post hæc in terris visus est, & cum hominibus conuersatus est. Is igitur, qui increata Patris Sapientia est, è cælo in terrâ delapsus,

Y Y 2

hanc



hanc sapientiam, quā in Parris & Filij cognitione sitam esse dixerat, nobis tradere dignatus est. Nō enim in hoc solum venit, vt homines immaculato corporis & sanguinis sui sacrificio redimeret, sed etiam vt veram illis sapientiam, quæ viam patefacit in cælum, traderet.

Ne quis autem tantum hoc bonum desperaret, ipse nos ad eius communionem amantissimis his verbis in Euangelio inuitat: Venite ad me omnes qui laboratis & onerati estis, & ego reficiam vos: omnes, inquam, qui in felicitatis inquisitione laboratis (quam per varia negotia, magno, sed ramen casto labore inquiritis) omnes item, qui partim peccatorū, partim multiplicitur curarum pondere onerati estis, venite ad me: ego enim vos reficiam, ego insatiabilem istam cupiditatum vestrarum famem satiabo, vt sic tandem, quam desideratis, animarum vestrarum requiem inuenire possitis.

## II.

Nunc reliquum est vt inquiramus, quibus tandē hominibus hanc spiritualem refectionem & requiem, hoc est, hūc pulcherrimum sapientiæ thesaurum cælestis hic sapientiæ Doctor tradere voluerit. O rem admiratione dignissimam! Non ait, prudentibus aut sapientibus mundi, non Regibus aut Principibus, sed paruulis, hoc est, humilibus, pauperibus, & (si externam corporis faciem spectes) despiciatissimis hominibus, quos mundani homines ridere solent, & vitam illorum insaniam computare. Quid enim (quod ad externam speciem attinet) sanctissimis illis Anachoritis, ceterisque monachis sanctissimis (qui relictis omnibus, se totos huius diuinæ sapientiæ studio consecraverunt) abiectius? quid vilius? quid pauperius? Qui nihil prorsus in hoc mundo possidebant, non agrum, non fundum, nō domum, non pecuniam, non seruum, non ancillam, non denique quicquam aliud. At hi omnes exterius quidem erant pauperes, interius veris animi opibus diuites; exterius nudi, interius cunctarum virtutum gemmis ornati; in oculis hominum abiecti, ante Dei conspectum pretiosi; exterius nihil habentes, intus omnia in vno Deo possidentes: in oculis hominum deformes, in diuinis oculis formosi; iudicio mundi miseri ac tristes, at vera illa & summa felicitate & sapientia (quam suprà miris in cælum laudibus extulimus) gaudentes. Quis igitur horum vitam vt tristem & luctuosam non horreret? At ea tam multis magnisque spiritus deliciis circūstuebat, vt omnes corporeæ voluptates, horum deliciis comparatæ, nihil aliud quàm mera amaritudo essent. Omnis enim eorum gloria, omnisque felicitas ab intus, hoc est, nō in externis corporis bonis (quæ sunt nobis cum pecudibus cōmunia) sed in bonis animi (quæ sunt Angelorum propria)

propria) sita erat. Vt enim thesauri ingentes inter carbonēs aliquando inuenti sunt; sic hæc tanta felicitas & gloria in his hominibus, pannis obstitis, externaque specie abiectis, deprehensa est. Quid enim sanctissimis his Patribus, quid eorum principe Paulo eremita pauperius, cui vna palma obsoniū & indumentum præbebat? Quid ceteros eius sectatores, qui solis herbarum radicibus victitabant, commemorem? Quis autem internas horum opes atque delicias explicare queat? Quomodo enim solitudinis secessum, solis ardorem, horredam squalentis eremi faciem, omniumque humanarum consolationum abdicationem homines nobis similes passibiles perferre potuissent, nisi internis diuini Spiritus consolationibus reficeretur; tantoque pluribus animi diuitiis abundarent, quanto maiori eorundum corpora paupertate & inedia premebantur? Ea enim diuinæ consolationis vis & magnitudo erat, vt ne ad momentum quidem à diuinæ pulchritudinis intuitu mentem reuocare vellent, & vix interim possent. Cuius rei memorabile exemplum (vt cetera, quæ sunt innumera, præteream) commemorabo. Cum quidam ex his sanctis Patribus à vicino quodam Anachorita nescio quid vten silium postulasset; ille, qui tota mente in Deum ineffabili quadam dulcedine absorptus erat, interius cubile vt id asportaret ingressus, & sui ipsius, & vicini, & rei quæ is querebat, oblitus, ibidem permanfit immotus. Cumque illum vicinus compellasset, & ad se vocatum, rei quam petebat, admonuisset, ille rursum cubiculum ingressus, eademque quæ prius obliuione correptus, ibidem permanfit, donec tandem vicini monachi vocibus increpatus quod tādū moraretur, ille supplici oratione petentem rogat, vt is cellulam ingressus quod volebat acciperet; se nullo modo posse rem quam postularat, ne illa quidem breui temporis mora, mente retinere. Tanta enim diuinæ dulcedinis & suauitatis vis est, vt omnes ad se vires animi rapiat; tantoque illam amoris & suauitatis glutino illi copulet, vt nullo modo mentem aliò desistere, nisi summo cum labore sinat. Sæpe enim qui se totos huius diuinæ sapientiæ studio dederunt, velent ab hac sua paululum cōmentatione cessare, ne fragilis natura corporis nimia exercitatione grauetur; quod tamen nisi cum magno labore possunt; tanta diuinæ consolationis vis & efficiencia est.

Quæcunque igitur anima huc peruenit, in huius sapientiæ, hoc est, in summi thesauri possessione collocata est. Multos autem monachos, multas etiam virgines & viduas (in hac etiam mudi face, in qua modo degimus) reperire licet sub humili habitu atque fortuna degentes, quibus hunc incomparabilem sapientiæ thesaurū (qui omnes mundi opes atque imperia longe

superat) inuenire datum est, quos Dominus sustulit super altitudines terræ, & cibatur hereditate Iacob; quæ non alia, quam ipse Deus est. Hic est autem Euangelicus ille thesaurus in agro absconditus; hæc pretiosa illa margarita, pro qua prudens ille mercator vendidit omnia quæ habuit, & emit eam.

**Hieron. in Epist.** Sed quid externa quarimus, cum vnus beatissimus P. Hieronymus ad hoc nobis plenissime sufficiat? Is enim in Epistola quadam ad virgines Deo dicatas de se ipso sic ait; Experto seni consulenti credite, filia, si semel gustatis quam dulcis est Dominus, poteritis ab eo illud audire; Venite, & ostendam vobis omne bonum: scio quid loquar, charissima. Nam vt meam insipientiam loquar, ego homunculus sic abiectus, sic vilis in domo Domini, adhuc viuens in corpore, Angelorum sæpe choris interfui, de corporeis per hebdomadas sustentationibus & nutrimentis nihil sentiens diuinæ visionis intuitu. Post multorum autem dierum spatia præcius futurorum, reddius corpori, flebam. Quid ibi manens felicitatis habebam, quid inenarrabilis delectationis sentiebam, testis est ipsa Trinitas, quam cernebam, nescio quo intuitu; testes & ipsi beati Spiritus qui aderant; testis est etiam conscientia mea; qui tantis bonis ipse fruebar, quot & qualia nescit proferre infirmitas corporis mei. Hæstenus Hieronymus. Quid igitur hac felicitate maius? quid mirabilius?

**Exod. 33.**

**Hieron. in Epist. ad Eust.**

Si quis autem hanc esse Hieronymi epistolam neget, multo maiora sunt quæ idem in epistola ad Eustochium de virginitate seruanda literis prodidit; in qua non solum has diuini Spiritus delicias, sed mirabiles etiam virtutes, quibus ad eas vir sanctissimus peruenit, luculenter scribit; sic enim ait: O quoties ego ipse in eremo constitutus, & in illa vasta solitudine, quæ exusta Solis ardoribus horridum monachis præstat habitaculum, putabam me Romanis interesse deliciis! Sedebam solus, quia amaritudine repletus eram. Horrebant sacco membra deformia, & squalida cutis situm Aethiopicæ carnis obdlexerat. Quotidie lachrymæ, quotidie gemitus, & si quando repugnantem somnus imminens oppressisset, nuda humo vix ossa herentia collidebam. De cibis verò & potu taceo, cum etiam languentes monachi aqua frigida vtantur, & coctum aliquid accepisse luxuria sit. Ille igitur ego, qui ob gehennæ metum tali me carcere ipse damnaueram, scorpionum tantum socius & ferarum, sæpe choris intereram puellarum. Pallebant ora ieiuniis, & mens desiderijs astuabat. In frigido corpore & ante hominem suum iam carne præmorta, sola libidinum incendia bulliebant. Itaque omni auxilio destitutus, ad Iesum iacebam pedes, rigabam lachrymis, crine tergebam, & repugnantem carnem hebdomadarum



darum inedia subiugabam. Non depudescō infidelitatis meæ, quin potius plango me non esse quod fuerim. Memini me clamantem, diem crebrō iunxisse cum nocte; nec prius à pectoris cessasse verberibus, quam rediret Domino increpante tranquillitas. Ipsam quoque cellulam meam quasi cogitationum mearum consciam pertimescebam; & mihi metus iratus & rigidus solus deserta penerrabam. Sicubi cōcaua vallium, aspera montium, rupium prærupta cernebam, ibi meæ orationis locus; ibi illud miserrimæ carnis ergastulum projiciebam. Et, ut ipse mihi testis est Dominus, post multas lachrymas, post cælo inhærentes oculos, nunnumquam videbar mihi interesse agminibus Angelorum, & lætus gaudensque cantabam; Post te in odorem Cant. 1 vnguentorum tuorum curremus. Hactenus sanctissimi Patris verba; quæ magnam certè nobis sanctitatis eius opinionem, virtutumque eius admirationem excitare debent. His enim virtutibus Pater sanctissimus ad eas spiritus delicias pervenit, ut sibi inter Angelorum agmina post multas lachrymas versari videretur, ubi propheticum illud experiebatur: Secundum multitudinem dolorum meorum in corde meo, consolationes tuæ lætificauerunt animam meam.

Non tamen ego à vobis, fratres. eadem quæ vir sanctissimus de se ipso memorat, requiro: non solitudinis secessum, nō squalentis eremi habitaculum, non hebdomadarum inediam, quam hæc nostra regio (ut Ioannes Cassianus ait) minime patitur. Quid igitur? requiro planè castigationem carnis, ut videlicet offeratis corpora vestra (sicut Apostolus ait) hostiam viuentem, sanctam, Deo placentem, rationabile obsequium vestrum. Rom. 12. Requiro sacras vigilias, diuinarum rerum studium, orationis instantiam, in qua Dominus has diuini spiritus delicias piis hominibus impartiri solet, quemadmodum ipse per Prophetam pollicitus est, cum ait: Adducam ego in montem sanctum meum, & lætificabo eos in domo orationis meæ. Esaie 56

Iam nunc, quid ex his quæ hactenus dicta sunt, cōsequatur, concludamus. Diximus initio, disciplinarum omnium maxime hominibus necessariam esse eam quæ doceat rectè viuere. Rectè autem viuere esse vitam rectis institutis ad suum finem dirigere. Hunc autem finem (cuius gratia homo à Deo conditus est) in futura quidē vita in aperta diuinæ pulchritudinis visione; in præsentī autem, in sapientiæ possessione, & diuinarum rerum contemplatione positum esse. Quocirca quisquis nō contentus futuræ beatitudinis spe, ad hanc etiam inchoatā beatitudinē (quæ paucorum est) aspirat, omnes curas & cogitationes suas & omnia vitæ studia ad hunc finē destinare debet. Omnia verò alia quæ huic finī non seruiūt, vel ut extranea, & ad se, hoc est, ad hunc

hunc finem minimè pertinentia, valere sinat Neq. illum ab hac  
persuasione omnia mortalium vel iudicia vel exēpla auocent.  
Si quem autem fortè deprehenderit in huius diuinæ sapientiæ  
possessione collocatum (quamvis humili & infima fortuna sit)  
hunc verè sapientem, hunc verè felicem, hunc beatum, hūc ve-  
rè diuitem, hunc liberum, hunc honoratum, hunc pulchrū, hunc  
deliciis affluentem, hunc in diuinis oculis pretiosum, hūc mun-  
di principem, hunc denique Regem hominum iudicet, illuſq.  
se pedibus prosternens, eius vestigia osculetur. His enim titu-  
lis Philosophi olim suum illum sapientem ornabant. Hinc insi-  
gnis ille Poëta :

Horat.  
lib 1  
Epistol.  
Epist. 2.

*Ad summam, inquit, sapiens vno minor est Ioue, diues,  
Liber, honoratus, pulcher, Rex denique regum.*

Si igitur hæc tanta laus humanæ sapientiæ, quid diuinitus  
paratū tribuendum erit? Huius ergo viri opes omnibus mundi  
opibus, omnibusq. mundi regnis & sedibus anteferat. Et quo-  
modo miraretur, si infimæ conditionis hominem ad regni so-  
lum (quod Sauli ac Dauidi contigit) subito euectum cerneret;  
sic etiam ac multo magis felicissimam eius sortem mirerur, qui  
sub tam vili habitu atque fortuna tantam celer gloriā &  
dignitatem.

Illud tamen hoc in loco meminisse oportet, quod initio dixi-  
mus, non ad omnes hoc perfectissimum institutum pertinere.  
Prius enim cupiditates & affectus frenandi, prius anima per  
veram pœnitentiam purganda, & virtutibus ornanda est, ut in  
ea cælestis huius sapientiæ Doctōr sedere, & paruulum atque  
humilem discipulum erudire dignetur. Quam nobis gratiam  
Dominus Iesus, paruulorum Doctōr, concedere dignetur; qui  
est benedictus in secula seculorum, Amen.

#### AD LECTOREM.

Si quis in hoc die festo lectionem Euangeli-  
cam enarrare voluerit, habet eam in Concionibus  
B. P. N. Dominici explanatam.

IN SEQUENTES QVATVOR  
DE BEATISSIMO PATRE  
FRANCISCO  
CONCIONES

AD PIVM LECTOREM

P R Æ F A T I O

**C**VM tam multa sint beatissimi Patris Francisci virtutes & miracula quæ de illo prædicantur, ut vix vlla oratione comprehendere valeant; nos ex multis eius virtutibus, quas sanctissimus Pater Bonaventura sanctissime & sapientissime scripsit, paucas seligentes, hunc in eis scribendis ordinem servare volumus. In prima enim concione de Evangelica paupertate, quæ in sanctissimo Patre inter ceteras eius virtutes mirabiliter enituit, differimus; in secunda de flagrantissima eius charitate; in tertia de ceteris eius virtutibus tractamus; in quarta verò admiranda quedam eius opera & miracula recensemus, quæ Deum in Sanctis suis non modò mirabilem, sed etiam amabilem faciunt, ut hac ratione auditorum mentes ad eius amorem accendamus. Hæc igitur breviter admonere volumus; ut studiosus Concionator ex his, quid magis instituto suo conveniret, eligere facilius possit.

I N



## IN FESTO BEATISSIMI PATRIS

FRANCISCI, CONCIO PRIMA: IN qua, post Euangelicæ lectionis explanationem, de Euangelica paupertate, in qua beatissimus Pater miro modo emicuit, differitur; vbi etiam multiplices eius fructus enumerantur.

**T H E M A.** *Stultissimus sum virorum, & sapientia hominum non est mecum. Non didici sapientiam, & noui scientiam Sanctorum.* Prouerb. 30.



**H**ÆC Salomonis sententia, fratres, quæ multis velut paradoxa, & mirabilis videbitur, quamuis Sanctis omnibus accommodari meritò possit; qui omnes iuxta Apostoli consilium stulti facti sunt, vt fierent sapientes; tamen ad beatissimum Franciscum singulari quadam ratione pertinere videtur; cum ob alia multa, tum præcipuè quòd paupertatem & rerum omnium indigentiam, quam terrena prudentia per mare, per terras, per inhospita saxa, per ignes omni ratione fugit, summo is amore, tãquam amantissimam sponsam, mundo ridente atque iridente amplexus est. Hæc enim in eo præcipuè virtus emicuit. Quamuis enim Sancti omnes cunctarum virtutum ornamentis excolti fuerint, in aliis tamen alia laudantur. In aliis quippe fides, in aliis charitas, in aliis humilitas, in aliis obediëntia, in aliis patientia præcipuè elucet. Hæc enim de causa in Sanctorum Confessorum festis illum Ecclesia versiculum repetit; Non est inuentus similis illi, qui cõseruaret legem Excelsi. At in beatissimo Francisco, cum omnes inter se virtutes certare quodãmodo videantur (quòd vnaquaque principatum suo sibi iure vindicare contendat) Euangelica tamẽ nuditas atq. paupertas mirabiliter in eo eminet. Quocirca de ea nunc mihi sermo habendus est, & multiplex eius fructus, à seculi prudentibus incognitus, enumerandus. Sic tamẽ de hac virtute agam, vt eam præcipuè instrumentũ esse ad verã sapientiam paruulis à Christo Dño reuelatã (de qua hodierna sancti Euangelij lectio differit) apertissima ratione ostẽdam. Hanc autem sapientiã vir beatus in propositis à me verbis se affectum esse ait; cum se non quidẽ hominũ sapientiam, sed Sanctorum scientiã habere testatur. Prius tamen quàm hæc attingam, eadem sacra lectio à nobis explanãda est.

Vt hoc autem argumentum vtiliter ac religiose tractare possimus, cælestem opem, sacratissimæ Virginis interuentu, suppliciter imploremus.

## A V E M A R I A.

Lectio sancti Euangelij, dilectissimi, flagrantissimam Saluatoris nostri erga genus hominū charitatem maximè declarat; quando & mortales omnes ad bonorum suorum cōmunionem amātissimis verbis inuitat, & pro beneficiis eisdē collatis æterno Patri gratias agit. Sic enim ait: *Confiteor tibi Domine Pater celi & terre, quia abscondisti hæc à sapientibus, & prudentibus, & reuelasti ea paruulis.* Vt autē huius cōfessionis causam audiat, scire oportet, hoc ipso tēpore Christi Domini discipulos à prædicationis officio (ad quod eos ipse miserat) lætos atque alacres rediisse, quod illis prosperè legationis suæ munus cessisset. At Saluator, qui Patris sui gloriam, & humani generis salutem omni tempore in pectore suo verfabat, in hac singulari discipulorum legatione, Gentium conuersionem, ipsorum operā perficiendam, cōtemplans, cælesti Patri pro hac mirabili dispensatione & benignitate gratias agit; quod videlicet paucorum & rudium piscatorum opera mundum esset ad veram salutem, & veritatis cognitionem allaturus. Itaque mirabili exultatione & alacritate plenus, ait: *Confiteor tibi Domine Pater celi & terre, &c.* Est peccatorum confessio, est & confessio laudis; qualis hæc fuit, in qua Filius immensam cælestis Patris bonitatem & prouidentiam laudat, quod salutis humanæ mysteria paruulis reuelare dignatus fuerit. Erant eo tempore Pharisei religionis opinione insignes, erant Scribæ & Legis doctores, erant Principes & nobiles viri, nec tamen hos elegit Dominus quibus Euangelicæ prædicationis officiū delegaret, sed rudes & ignobiles piscatores. Cur ita? Subdit causam: *Ita Pater; quoniam sic fuit placitum ante te.* Hæc est vera & certissima huius tam admirandæ electionis causa. Diuina siquidem voluntas est prima veritatis & iustitiæ regula, per quam omnia diiudicanda sunt. Neque Christianus homo fide subnixus, potiore aliam rerum omnium causam querere debet. Verum quoniam regius Vates beatos eos pronuntiat, qui diuinorum consiliorum causas & rationes piè & religiose perferuntur, nobis quoque liberum erit paululum in hac Domini lectione philosophari, & eius sine causas, siue convenientias inquirere.

Principiò igitur cum omnia propter semetipsum Dominus, hoc est, propter nominis sui gloriam operetur, huiusmodi electio tanto magis eius gloriam atque omnipotentiam illustrat, quāto infirmiora instrumēta erant, per quæ is res adeo magnas felicissimè gessit. Hinc Apostolus, *Habemus, inquit, thesaurum* 1. Cor. 4.

hunc

hunc in vasis fictilibus, vt sublimitas sit virtutis Dei, & non ex nobis; hoc est, vt infirmitas vasculi faciliè declarer, hæc tam magnifica opera nequaquã infirmo vasculo. sed diuinæ virtuti esse adscribenda. Quam rē beatissimi Patris Francisci exēplo comprobare licet; quem Dominus litterarum rudem & imperitum, & qui adolescentiam omnem in procuranda patris mercatura exercuerat, celeberrimi, & latissimi, atque sanctissimi Ordinis auctorem & principē esse voluit. Quo enim persona abiectior & humilior, hoc ipso Dei gloria & potentia clarior. Quod quidē Dominus ipse declarauit, qui beatum virum, de regulæ suæ obseruatione sollicitum, blandē atq; leniter consolatus, se eius Ordinis atque instituti auctorem esse professus est, sibi quē curæ esse illum tueri atque seruare. Ideo enim, inquit, te rudem & litterarum expertem delegi, vt apertē homines intelligerent, non te, sed me huius instituti principem & auctorem esse.

Est & alia causa cur Dominus indigniores & viliores interdum homines ad gratiæ suæ communionem eligat, vt hac ratione tâto magis bonitatis & misericordiæ suæ opes explicet, quāto personæ, quæ eliguntur, ea electionis gratia indigniores erant.

Rom. 2.

Hoc enim nomine Apostolus Dei iustitiam & gloriam iniquitate nostra commendari ait; quandoquidem in hoc opere nihil humanæ dignitati, sed totum diuinæ tribuitur misericordiæ. Et hanc quidem causam idem Apostolus, diuinorum arcanorum

1. Cor. 1.

interpret, assignat, cum ait: Videte vocationem vestrā, fratres, quia non multi sapiētes secūdum carnē, nō multi potentes. nō multi nobiles, sed quæ stulta sunt mūdi elegit Deus, vt confundat fortia, &c. vt non gloriatur omnis caro in conspectu eius: hoc est, vt nemo vel sapientiæ suæ, vel nobilitati, vel potentæ hanc vocationis gratiā abscribat, nihilq; habeat homo cur in se gloriari possit. A quo periculo magnus ille legislator Moyses commissum sibi populū auocat, cum percepta beneficia non ad propria merita, sed ad solam Domini sui benignitatem & gratiā reuocare docet his verbis: Scies ergo hodie quod Dominus

Deut. 9.

Deus tuus transibit ante te ignis deuorans atque consumēs, qui conterat omnes hostes tuos; sicut locutus est tibi. Ne dicas in corde tuo cum deleuerit eos Dominus; Propter iustitiā meam introduxit me Dominus vt terram hanc possiderem: cum propter impietates suas istæ deletæ sint nationes. Et mox eandem sententiam repetit hoc modo: Scito ergo quod non propter iustitias tuas dederit tibi Dominus Deus tuus terram hanc optimam in possessionem, cum durissimæ ceruicis sis populus. Deinde, vt eidem populo gloriandi materiam adimat, solamq; Dei gloriam & gratiam constituat, eiusdem populi impietates

ibidem.

atque scelera longa oratione explicat his verbis: Memento, &



ne obliuiscaris quomodo ad iracundiam prouocaueris Dominum Deum tuum in solitudine, & ex eo die quo egressus es ab Aegypto usque ad locum hunc semper aduersus Dominum contendisti. Quid igitur ex hac philosophia sequitur? Nimirum ut quicumque diuinis beneficiis ornati estis, & ad eius fortasse gratiam & amicitiam vocati, totum hoc illi tribuatis. Sic enim fiet, ut intra vos quidem humiles, erga illum verò grati & officiosi sitis, Propheticum illud corde atque voce clamantes, Non nobis, Domine, non nobis, sed nomini tuo da gloriam. *Psal. 113.* Subdit deinde Saluator:

*Omnia mihi tradita sunt à Patre meo. Et nemo nouit Filium nisi Pater, neque Patrem qui nouit nisi Filius, & cui uoluerit Filius reuelare.*

His uerbis Dominus qua in re sita sit summa illa sapientia, quam Pater paruulis reuelauit, apertè declarat, nempe in Patris & Filij cognitione, de qua is alibi dixerat: Hæc est autem vita æterna, ut cognoscant te solum verum Deum, & quem misisti Iesum Christum. in huius enim veritatis cognitione inchoata felicitas in hac vita, & consummata est in patria. In cuius autem facultate positum sit homines felicitatis huius cōpotes facere, declarat, cum sibi à Patre cōmissum esse docet, eam aliis communicare. *Ut enim olim Pharaò in Aegypto frumenti distributionem Iosepho cōtulit: ita Pater cælestis omnes gratiarum suarum thesauros Filio suo dispensandos commisit. Vnde est illud: Ascendens in altum, captiuam duxit captiuitatem, dedit dona hominibus.* *Ioan. 17.* *Genes. 47.* *Ephes. 4.*

Sed nunquid dispensator hic cælestium gratiarum difficilem se in eis impartiendis exhibebit? Minimè verò; tantum enim abest ut hac in re difficilis & inexorabilis sit, ut ipse amantissimis his vocibus mortales cunctos ad se vocet; *Venite ad me omnes qui laboratis & onerati estis, & ego reficiam vos: hoc est, ego mentes vestras steriles, ieiunas, aridas, litibundas, & verè felicitatis egen-tes, spiritualibus dapibus atq. deliciis reficiam & satiabo, viamq. vobis ad felicitatem, quam cupitis, demonstrabo; quæ non alia, quàm diuinorum mandatorum obedientia est. Tollite ergo iugum meum super vos, & discite à me quia mitis sum, & humilis corde, & inuenietis requiẽ, hoc est, veram pacem & tranquillitatem, animabus vestris. Hæc enim pax, quæ exuperat omnẽ sensum, indiuiduus iustitiæ atque obedientiæ comes est. Ideò enim Propheta iustitiam & pacem sibi obuiasse, seque osculatas fuisse ait; ut intelligeremus, neque sine iustitia pacem, neque iustitiam sine pace comite inueniri posse. Ne verò quisquam, cum iugum audit, graue onus & importabile intelligat, subdit protinus: *Iugum enim meum suauis est, & onus meum leue.* Sed instabit aliquis: *Quo nam modo iugum hoc suauis esse poterit, cum tota carnis & mundi militiæ**

*Psal. 84.*

Act. 14.

militia aduersus illud armata pugnet; præferim cum Apostolus dicat, per multas tribulationes oportere nos intrare in regnum caelorum: Ad hoc igitur respondemus, multa esse quæ hoc diuinæ legis iugum atq. onus leuent. Sunt enim caelestes virtutum habitus, sunt miræ diuini Spiritus deliciae, est spes futuræ retributionis: est fides, quæ spem ipsam roborat atq. confirmat (ut pote

Heb. 11.

quam Apostolus sperandarū rerū substantiam, hoc est, fundamentum esse dicat) cum spei futura atq. inuisibilia bona certissimè proponat: est postremo charitas, cuius tanta vis est, ut eum ea feruet in corde, non modò diuinæ legis iugum, sed mortem etiam (quæ extremū terribiliū esse dicitur) suauissimam, maximeque desiderabilem faciat. Quam rem vel vnus beatissimi Francisci exemplo comprobare licet, qui flagrantissimo Christi amore incensus, nihil magis optabat, quàm pro eo vitam & sanguinem fundere; ut suo loco referemus. Hactenus de Euangelica lectione; nunc verba Thematiscæ expendamus.

## TRACTATIO THEMATIS. I.

Quemadmodum, testante Dño Salvatore, in domo Patris sui mansiones multæ sunt; ita varij sunt in hac vita meritum gradus, quibus ad eas mansiones peruenitur. Omnes tamen ad duo præcipuè capita reuocantur. Quidam enim sola diuinorum mandatorū obseruatione cõtenti, caelestis regni præmium obedientiæ suæ merito præstolantur. Alij verò nō sola diuinæ legis præcepta, sed Euangelica etiā consilia amplectentes, ad Euangelicæ vitæ perfectionem tota animi deuotione festinant, nec aliud in vita moluntur, quàm ut eius compotes fiât. Hæc autē duo hominum genera duobus sacrificiorum generibus in lege olim adumbrata sunt. Erat enim cōmune sacrificiū pacificorū, in quo quædā animalis portio, hoc est, omnis adeps, & quicquid pinguedinis intrinsecus erat, duoq. renunculi cum ipso adipe, quo reguntur illa, incendebantur atq. adolebatur Dño. Erat & holocaustum, in quo totum animal integrum Domino incendebatur, nulla prorsus eius parte relicta quæ nō adoleretur. Per illud igitur cōmune sacrificium quo interna illa animalis portio immolabatur, eos fideles accipimus, qui Deum tota mentis intentione atq. affectu diligentes, eius leges & præcepta, pura & casta religione seruare contendunt: at per holocaustum, quod totum igne incendebatur & adolebatur, eos intelligimus, qui omnibus mūdi curis atq. negotiis (nisi quantum arctissima necessitas exigit) vale faciētes, se totos libero atq. expedito animo diuinarum rerum studio, amoris & contemplationi dederunt.

Quod vnū Sanctorū studiū fuit, qui seipos in plenissimum holocaustum mactare atque offerre Domino suo studuerunt. Non tamē hoc vitæ genus ad omnes pertinet, sed ad eos qui  
se iam

Leuit. 3.

se iam intactiua vitæ studio exercuerunt, quique affectibus & cupiditatibus suis, per mortificationis studium, frena imposuere. Non desunt tamē in Ecclesia multi qui se hinc religioso studio tota animi deuotione addixerunt. Sunt enim multi monachi, multæ sanctimoniales, multæ honestissimæ viduæ, multæq. virgines, quarum vita nullis terrenis curis & negotiis implicatur, quæ in benedictionibus dulcedinis à Dño prauenta, prophetici cū illud exequi nituntur: Quæsiui vultū tuū Dñe, vultum tuum Dñe requiram; ne auertas faciē tuā à me. Quibus huius argumēti tractationē nō ingratā fore spero. Neq. verò quisquā mirari debet, si dū perfectissimas beatissimi Francisci virtutes prædicamus, ei⁹ vos exēplo ad perfectionis vitæ studiū adhortamur.

Psal. 26.

## I.

Huius autē vitæ leges & institutū breuiteratione D. Thomas complexus est. Is namq. duplices esse virtutes statuit: alias, quæ nos hominibus concilient, & ab omni illorū iniuria cōtineant; quas *Policias* appellat: alias, quæ nos ad diuinæ puritatis imitationem inducant, Deoq. similes efficiāt; quas *Purgatorias* nuncupat. Ex his autem prudētiā atq. tēperantiā his verbis definit: *Prudentia* est, omnia mundana diuinorum contēplatione despicere, omnemq. animæ cogitationem in sola diuina dirigere. *Temperantia* verò est, omnia quæ corporis vsus requirit, quatenus natura patitur, contemnere atq. relinquere. In his ergo duabus virtutib⁹ totius Christianæ perfectionis summa consistit. Prius autem illud exigit, vt perfectioris vitæ studiosus has in pectore suo sententias scribat: Omne tēpus, quo de Deo non cogitas, reputa te perdidisse. Et, sicut nullum tempus est in quo homo diuinis beneficiis non vtatur; ita nullum debet esse quo ab eius laudibus & gratiarū actione vacet. Item illud: Non toties homines respirare, quoties Dei sui meminisse debent. His igitur sententiis perfectionis cultor admonetur, vt quātum per humanæ vitæ necessitates licuerit, se totum orationis studio diuinarumq. rerum contemperationi addicat. Quia verò nos ab hoc studio, corporis cura, & humanæ vitæ negotia abducunt; proximum est, vt quemadmodū D. Thomas ait: mundana omnia relinquentes, his tantū contenti simus, sine quibus corporis vita sustentari nullo modo potest, cæteris omnibus quæ ad hoc min⁹ pertinent, valere iussis.

1. 2. q. 61. artic. 3.

D. Tho.

Hanc autem philosophiam, quæ meritō Sanctorum scientia nūcupatur, paruulus noster Franciscus plenissimè atsecutus est, qui omnem vitam & Ordinis sui institutum ad hæc duo munera potissimū destinauit. Quid enim aliud eius vita, quàm perpetua quadam oratio, diuinarumq. rerum contemplanatio extitit? Quod aliud eius institutum, quàm omnia terrena bona contem.



contemnere, & Euangelicam paupertatē amplecti, vt se totum sine vilo impedimento huic studio impenderet? Cū igitur in hoc diuinarum rerum studio atq. contemplatione humana vitæ felicitas sita sit; consequens est, vt de hac Euangelica paupertate, quæ nos ad hunc finem dirigit, breuiter disseramus.

Meminisse autem debemus, quòd initio illa Salomonis verba, Stultissimus sum virorum; beato Francisco accommodauimus: nunc ego paupertatis laudes prædicaturus, ea mihi accommodare volo, meque stultissimum profiteri, qui hanc provinciam susceperim, vt vos ad huius virtutis amorem excitare velim. Scio enim verum esse quòd ab insigni Poëta dictum est, Homines per mare pauperiem fugere, per saxa, per ignes. Quomodo ergo ad paupertatis amorem vos excitare poterò, quam omni ratione homines remis velisque fugiunt? Quid enim aliud omnium ordinum homines querunt? quid captant? quid adorant, nisi argentum & aurum? Quas pealgi oras non attingunt, quæ littora intentata relinquunt vt aurum quærant? qui ad inferos etiam descendere non metuerent, si ibidem aurum se inuenturos sperarent. Non enim mentitur ille, qui per Prophetam dixit: A minimo vsque ad maximum omnes auaritiæ student; à Propheta vsque ad Sacerdotem cuncti faciunt dolum. Hoc enim animo sunt seculi sapientes, hoc literati, hoc magni, hoc parui, hoc inopes, hoc etiam pecuniosi. Rex namque ille Babylonis capitis, pernam indixit, si quis statuam suam auream adorare nolit. Instar mortis enim homines esse putant, auro carere. An non ergo stultitiæ condemnandus sum, qui hunc tantum ignem oratione mea restringere tentem? Et tamen si me patiēter audiat, fortassis multiplices virtutis huius fructus audientes, in eius saltem amorem & admirationem rapiemini.

## III.

Vt autem, de quo paupertatis genere dicere instituiam, intelligatis, triplicem esse paupertatem constat. Alia enim paupertas corporis, alia spiritus, alia corporis & spiritus simul est. Corporis paupertas est, quam non voluntas, sed necessitas parit. Paupertas verò spiritus est, quæ in magna etiam opum affluentia illud implet quod est à Propheta dictum: Diuitia si affluant, nolite cor apponere. Tertia verò corporis simul & spiritus paupertas est, quæ nihil possidet, & nihil concupiscit; quæ nec mundi possessiones habet, nec oblatas accipit. Huiusmodi autem paupertas exigit, vt sit vilis domus, vilis tunica, vilis mensa, vile stratū & curia omnis supellex, ac postremo omnia, quæ non modo ad corporis vsum, sed etiam ad altaris ornamenta pertinet, paupertatē spirēt, paupertatemq. redoleāt. Hoc igitur pauper-

paupertatis genus beatissimus Franciscus Ordinis à se instituti fundamentum esse voluit.

Quantopere autem vir sanctus hanc virtutem dilexerit, nulla vis orationis consequi poterit. Primum enim, cum Ecclesiam ingressus illud Domini consilium audiuisset, quo discipulos ad prædicationis officium sine pera, sine zona, sine pecunia, sine virga, sine calceis, sine duplici tunica ire mandauit: Hoc est, inquit, quod ego votis omnibus amplector & exquiro: statimque calceos, virgam & zonam, atque pecuniam à se repulit, simplicique & vili tunica contentus, & pro zona, fune præcinctus, nihil aliud in vita possidere voluit. Quin & in morte hæc ipsa exuens, mundoque restituens, nudus vt ex vtero matris prodierat, in terram, communem omnium matrem, se proiecit: adeoque huius virtutis amore captus fuit, vt nemo inter avaros tanto amore pecuniam, quanto ille paupertatē dilexerit: nemo aliorum diuitiis tantum inuiderit, quantum ipse, si quem fortē mendicum viliori habitu indutum vidisset. Hanc virtutem reginam, hanc matrem, hanc sponsam, hanc dominam suam appellabat: quoniam eam indissolubili vinculo Regi eterno desponsatā fuisse dicebat. Nullus autē illi cibis gratus erat, nisi qui paupertatis dulcedine condiretur. Vnde à Cardinalibus & Episcopis aliquando inuitatus, prius ostiatim panis frustula mēdicabat, quæ cunctis Principum dapibus ipsi dulciora erant.

Quid verò illud, quod cum Cœnobij cuiusdam vicarius, allegans penuriam fratrum, petensque vt intrantiū nouitiorum aliquid reseruare liceret, quo inopiæ fratrum consuleretur: vir sanctus superni consilij non ignarus, Absit, inquit, à nobis, frater charissime, vt pro quouis homine impiè agamus in Regulam? Malo te altare Virginis gloriosæ nudare, cum necessitas id exigeret, quàm contra paupertatis votum, & obseruantiam Evangelij aliquid vel modicum attentare. Gratius enim beatissimæ Virgini erit, eius altaria nudari, quàm Euangelicam paupertatem, ab eius Filio nobis indictam, aliqua in re violare.

Denique fratribus in conclaui quæreatibus, quæ virtus hominem chariorem redderet Christo; quasi secretum sui cordis aperiens respondebat: Paupertatem noueritis, fratres, spiritua-lem viam esse salutis, tamquam humilitatis fomentum, perfectionisque radicem; cuius est fructus multiplex, sed occultus. Hæc enim est Evangelici agri thesaurus absconditus, pro quò emendo vendenda sunt omnia; & quæ vendi non possunt, il-

lius comparatione spernenda.

Nunc consequens est vt videamus quantum philosophiæ, quantum veræ prudentiæ atque sapientiæ in hac pauperis vitæ institutione lateat; vt ita demum perspicere valeatis, hunc, qui se

stultissimū virorum appellauit, summa sapientia præditū fuisse. Huius enim rei tractatione animaduertere licebit, paupertatem hanc & ad verā sapientiam, de qua differuimus, & ad omnia penē virtutum officia aditum aperire, & omnibus viriorum radicibus securim infligere. Atque vtiā idem Pater sanctissimus, qui multiplices virtutis huius fructus, licet occultos, esse dixit, nobis eos patefacere voluisset, non dubito quin multos ex vobis ad eius amorem pellexisset. Nos tamen pro ingenij nostri tenuitate duodecim eius fructus enumerando magis quā amplificando quā breuissimē recensebimus, eorum vim & dignitatē studiosi auditoris cogitationi relinquentes. Horum autem priores, quę animi bona hæc virtus pariat: posteriores verò, à quā tetrīs & pestilētibus malis nos ea vindicet, declarabunt.

## I I I I.

**D. Tho.** Principio igitur verę sapientię studium (vt paulò superius ex D. Thomę sententia definiuimus) in continua rerū diuinarum cogitatione positum esse diximus: vt videlicet homo in terra positus, cęlitum officium imitetur, qui oculos suos in diuinę pulchritudinis contemplatione defixos semper habent, vt pius homo esse iam incipiat, quod futurus est. Hoc autem studium mentem requirit vacuam, & ab omnibus terrenis curis & cupiditatibus liberam. Hinc illud ex Psalmo: Vacate & videte quoniam ego sum Deus. Prius ergo vacandū, deinde videndum est. **Plal. 45. Ecclē. 38.** **I.** Hoc autem Ecclesiast. exposuit, cum ait: Sapientiam scribe in tempore vacuitatis: & qui minoratur actū, sapientiā percipiet. Si igitur hæc proxima ad sapientiam via est; quid, quæso, magis homini ad eam consequendā, quā hæc rerum omnium nuditas atque paupertas conferet; quæ vilissimo habitu atque cibo contenta (qui sine vllo ferē labore comparatur) liberam homini ad hoc studium vacationē & otium præbet? Nec enim negotiorū multitudo tempus, neq. curarum sollicitudo mentem illi adimunt, quo minūs se totum huic studio addicere valeat. Hæc autem de causa constat, sanctos illos Anachoritas relictis omnibus deserta loca petiuisse, vt se totos sine vllo impedimēto diuinarum rerū contemplationi impenderent. Hoc ipsum autē vna paupertatis virtus præstat, quæ omnia curarum atque negotiorum, variorumq. desideriorum examina à se procul pellit.

**II.** Iam verò eximiam illam abstinentię virtutem, ab Aegypti Patribus tantopere celebratā (quā totius monasticę vitę fundamentū esse prædicabant) prudentissimus Pater Franciscus paupertatis virtute cōplexus est. Cum enim abstinentię sit, omnes à se carnis delicias & blandimenta repudiare; quid aliud, quæso, voluntarię paupertati, quā hoc ipsum propositum est? Itaque cum vir sanctus paupertatis inopiam tantopere commen-

dauit,



dauit, hunc etiam singularem abstinentię fructum sub ea comprehendendi Spiritu docente prauidit. Nullas enim vera paupertas ciborum cupidias, nullas huiusmodi agnoscit delicias.

Quid verò illud? quòd eadem paupertas memoriam Dei excitat, & Christi Domini labores & passionis recolere frequenter facit? Cùm enim vilis & aspera tunica latera mordet, cùm infuauis cibus, durumque stratum molestia corpus afficit, cùm frigus vrget, cùm spine atque offendicula nudos pedes pungunt atque cruentant; quid hoc tempore vir pius agat, nisi mentem ad Dominum suum in cruce pendentē attollere, eiusque exemplo se in perferendis laboribus confirmare & cōsolari? Magnum autem ad spiritualem ac religiosam vitam degendam adumentum est, tot passim intra se habere stimulos, qui nos ad refricandam Christi Domini in cruce pendentis memoriam excitent.

Hæc eadem virtus facit hominem pendere ex Deo, & per fidem (quod Christiani hominis maximè proprium est) viuere, & à Deo necessaria ad vitę vsum expectare. Quæ cùm per eius providentiam sæpe recipiat, in Dei laudes & gratiarum actionem viscera & ora sua relaxat. Hoc enim grati animi officio fideles pauperes initio nascentis Ecclesię fungebantur. Quare sic Apostolus: Ministerium huius officij non solum supplet ea quæ desunt sanctis, sed etiam abundat per multas gratiarum actiones in Domino, per probationem ministerij huius glorificantes Deum in obedientia confessionis vestræ.

Iam verò cùm sæpe Dominus pauperum pater & amator (vbi omnia humana præsidia desunt) præter omnē spem eorum necessitatibus cōsultat, dictu mirū est, quantum hæc eius paterna providentia eorum fidem, spem & charitatem augeat. Illo enim veluti miraculo cōfirmantur in fide: illa verò paterna eius providentia, & in eius dilectione mirabiliter accenduntur, & ad spem atq. fiduciam in similibus angustiis retinendam magnopere excitantur. Intelligunt enim nequaquam illis defuturum, qui sæpe alias eorundem necessitatibus consuluit. Ex præteritis enim beneficiis futura sperare discunt: quod sanctis omnibus de more fuit. Hoc autem eiusdem beatissimi Patris Francisci & sociorum eius exemplo comprobare licet. Cùm enim ij cōfirmata iam paupertatis regula, iter in vallem Spoletanam facerent, itinerisque labore fatigati quid ederent non haberent; statim affuit diuina providentia. Nam subito apparuit homo afferens panem in manū, quem pauperulis Christi dedit; subitoq; disparuit, incognitus vnde venerit, aut quò irer. Cognoscentes autē hoc indicio pauperes fratres, supernū sibi adesse præsidium, magis dono liberalitatis diuinæ, quàm cibo carnis sunt refectioni. Insuper diuina consolatione repleti, statuerunt firmiter nullius

356 IN FTESTO B. PATRIS FRANCISCI  
inediæ aut tribulationis impulsu à sanctæ paupertatis propo-  
sito resillire. V.

VI. His adde gratissimum quoddam sacrificium, quod voluntaria  
paupertas conditori suo semper offert. Non enim oves aut bo-  
ues, sed corpus suum hostiam offert viuente, sanctam. Deo pla-  
centem: quod nuditate, inedia, & asperitate vitæ, cæterisque la-  
boribus quotidie mactat, Deoque in sacrificiū omni acceptio-  
ne dignissimum offert. Quin & Aegyptiorum abominationes,  
hoc est, deos Gentium in sacrificium Deo vero offert. Qui sunt  
autē Gentium dii, nisi aurū & argentū, voluptas atque mundanus  
honor? Hos igitur deos Euāgelica paupertas vero Deo in sacri-  
ficiū offert; cum eos propter eius gloriā proterit atque conculeat.

VII. Hæc sunt, fratres, atque his similia, ad quæ nos Euangelica  
paupertas vehementer adiuuat. Quis autem verbis consequi  
possit, à quibus nos ea malis, à quibus eripiat incommotis? Vno  
enim veluti ictu omnium serè inimicorum nostrorum capita iu-  
gulat, malorumque omnium radices euellit. Primum enim auari-  
tiam & cupiditatem (quam Apostolus malorum omnium atque  
Tim. 6. hæresum radicem esse ait) penitus exscindit. Pugnant enim in-  
ter se cupiditas auaritia, & voluntaria paupertas. Quod enim  
illa cupit, ista contemnit; quod illa anxie desiderat, hæc constan-  
ter repudiat; quod illa supra Deum amat, hæc morte peius odit.  
Aurum enim tanquam incendiū fugit. Quid igitur oprabilius,  
quid salutaris, quàm ab hoc vniuersæ terræ malleo liberari?

VIII.  
Cicero.

Voluptatum verò amor quàm multa mala, quàm multa cri-  
mina pariat, Cicero in colibro quem de Senectute edidit, ex  
Archytæ Tarentini sententia longa oratione enumerat. Ab  
hoc igitur malorum seminario nos eadem paupertatis virtus  
eripit. Qui enim hanc virtutem tota mente colit, omnia aspera  
& vilia, & paupertatē atque asperitatem redolentia pro deliciis  
habet: delicias verò voluptuosas, delicatas, molles atque pre-  
tiosas, ut paupertati (quam vnicè charam habet) infesta, fugit &  
horret. Sed hæc, fratres, multis paradoxa & incredibilia vide-  
buntur. At sancti omnes hac mente fuerunt: de quibus scrip-  
tum est: Inundationem maris quasi lac fugeat. Christienim  
Deut. 35. amor amara omnia miro modo dulcia & suauia reddit.

IX.

Verum his duobus animæ hostibus amor sui longè potentior  
atque immanior est. Nullum enim facinus, nullum crimen adeo  
terrum est, quod non ab hoc proprii amoris fonte dimanet. Ut  
enim amor Dei omnium virtutum, ita contra immodicus amor  
sui, vitiorum omnium origo est: ut ille spiritualem Hierusalem, ita  
hic Babylonem ædificat. Is enim velut originalis peccati pri-  
mogenita soboles, totam penè eius malitiam atque prauitatem  
refert. Hic est enim velut alter Goliath, quem nemo nisi magno  
Dei

Dei munere atq. beneficio prosternere valet. Caterum aduersus hūc adeo potentē hostem paupertatis virtus acrior pugnat. Ille enim mollia, dulcia, blanda delicata, pretiosa semper appetit: hęc contrā (vt antē diximus) ista horret ac fugit, & his contraria libenter amplectitur. Vt autē hic amor his blanditiis fouetur, & maiora indes incrementa capit: ita contrā paupertate, vilitate atq. asperitate vitæ (quæ paupertati coniuncta est) minuitur atq. dissipatur. Atq. vt deliciis carnis amor sui, ita cōtrā vitæ austeritate sanctum sui odium generatur, quod aduersus amorem sui continenter bellū gerit. Vtriusq. autē commoda & incommoda Saluator expressit, cum ait: Qui amat animā suā, perdet Ioan. 12. eam; & qui odit animā suā in hoc mundo, in vitam æternam custodit eam. Adde, quod cum præcipuū amoris proprii instrumentum pecunia sit, (cui omnia obedire Salomon ait) sublata Eccle. 10. pecunia (quæ cupiditatibus cunctis fomenta ministrat) ipsæ quoq. cupiditates paulatim deficiunt, atq. languescunt. Vt enim Simile. puer purgē vbera exsiccantur cum lactis fluxus impeditur; ita cupiditates minuuntur, quoties à concupitis rebus diu arcētur.

Quid? quod caro quoq. nostra, domesticus hostis, tanto ceteris perniciosior, quanto nobis familiarior atque coniunctior, X. Euangelicę paupertati cedit. Tunc enim caro præcipuē spiritui nocet, cum deliciis, epulis, molli stratu atque cultu fouetur, cum vino madet, pinguique pabulo insolescit atq. superbit. At cum Euangelica paupertas omnia cupidiarum atque deliciarum genera (quæ sunt irritamenta luxuriæ) procul à se repellat, non habet caro vnde ferociat, & vires contra spiritum colligat.

Quid verò mundus? an & ipse etiam paupertati cedit? Cedit XI. planē. Nam & is aliquando blanditiis, aliquando litibus & iurgiis pacem mentis turbat & inquietat. Vtrique autem agmini Euangelica paupertas obstitit, dum blandicias pariter & lites à se procul abiicit. Omnes quippe ferē hominū lites & contentiones, omnia iurgia, odia atq. dissidia ex his duobus verbis, Meum & Tuum, ortum habere sapientes homines aiunt. At hæc virtus altius animo infixæ, Meum atq. Tuum nescit. Neq. enim pretiosum aliquid sibi vindicat, neque in alienas opes inuadit, cum suas etiam à se repudiet. Hinc Assisij Episcopo annuos redditus ad Ordinis stabilimentū necessarios esse dictitanti, vir sanctus respondit, Si opes, Pater, habuerimus, armis etiam indigebimus, quibus eas ab inuasoribus & litigantibus defendamus.

Neque verò illud in postremis habendū est, quod hęc eadem XII. virtus hominē à fœdissimo adulationis vitio (quod seruilis ingenij est) magna ex parte liberat. Adulatores enim spe alicuius commodi inducti, diuitibus adulari solent: qua spe sublata, non est cur virilis animus turpiter se alicui submittere & blandiri cupiat,



piat. Vnde inter Philosophorum apophthegmata refertur, quòd cùm Philosophus quidã, qui paulo licentiũs vitã agebat, Philosophum alium, parsimonĩe atq; sobrietatis cultorem, legumina quẽdã in cibum sibi pręparantem cerneret, atq; ad illũ diceret: Si Dionysio adulari velles, ista non ederes: illi cõtrã prudentissimẽ respõdit: Imò si ista edere velles, Dionysio adulari nolles. Quo exẽplo videmus, eos qui modico & parabili cibo, pauperũ more, contenti sint, nihil habere cur diuitibus adulari velint, cùm eorum opes adeò non desiderent, vt etiam contemnant.

Cernitis iam, fratres, quã multi ac magni sint paupertatis Euangelicę fructus? cernitis quãta fuerit beatissimi Patris huius sapiẽtia, quãq; meritò is gloriari possit, se Sanctoꝝ scientiam assecutũ? Quid autẽ hæc sciẽtia sit, Salomõ explicuit, cùm dixit: Scientia sanctoꝝ, prudentia. At prudentiã est, agenda atq; vitanda cognoscere. Quã quidẽ virtutẽ plenissimẽ paruulus huius assecutus est, qui & diuitias, & diuitiarũ cupiditatẽ summo studio vitanda, & Euangelicã paupertatẽ flagrantissima charitate sibi esse amplectendã persuasit. Quid igitur vos ad hæc fratres? An tot virtutis huius perspectis fructibus, eius vos vel amor, vel saltẽ admiratio non capit? An frustra hæc omnia à me in huius virtutis commendationẽ dicta erũt? Minimẽ verò. Nã & diuites, & pauperes hand vulgare ex hac doctrina fructu percipere, si modò velint, poterunt. Diuites quidẽ, vt sorte sua contẽti, cupiditati sinẽ imponant, cùm ea sit huius morbi vis, vt nulla rerũ copia minuatur. Deinde illud etiã maxima cura prouideat, quod paulo superius Prophete verbis admonuimus: Diuitię si affluat, nolite cor apponere. Hac enim ratione fiet, vt si minus corpore, at spiritu saltem pauperes sint; quemadmodũ Abraham, David, Ezechias, ceteriq; sancti Patriarchę pauperes existerũt. Ceterũ qui vera corporis paupertate premũtur, dent operam, vt id libẽter esse velint quod sunt; & necessariã rerũ indigentia grato animo ferentes, eam in virtutẽ vertant. Tales namq; tanto sunt diuitibus huius seculi feliciores, quantò Euangelicę sunt paupertati propiores. Solã enim volũtatis accessione, quod erat necessitatis, in naturam transit altissima paupertatis. Ex qua quidẽ virtute & hæc omnia quę enumerauimus cõmoda percipiet, & ipsum etiã paupertatis onus voluntatis adiectione leuius facient. Volũtatis enim propensio omnia grauiã & onerosã, grata facit & leuiã. Nihil enim difficile, quod voluntariũ. Hic est igitur fructus, quem ex hac tam longa paupertatis commendatione colligere licet, fratres: quem qui fuerit assecutus, thesaurum in agro absconditũ, pretiosissimã margaritã, virtutũ omnium seminarium, & cælorum regnũ, paupertatis Euangelicę sectatoribus promissum, intelligat se esse eius merito assecutum.

## IN EODEM FESTO BEATISSIMI

P. FRANCISCI, CONCIO SECUNDA: IN qua de vera sapiētia, quę in beatissimi Patris Francisci vita præcipuē eluxit, deq; flagrantissima eiusdē charitate, vnde hęc sapiētia manauit, differitur.

**THEMA.** *Stultissimus sum virorum, & sapientia hominum non est mecum. Non didici sapientiam, & noui scientiam Sanctorum.* Prouerb. 30.



**H**ÆC sententia, fratres charissimi, quæ à Salomone magno verborū apparatu proposita est, quamuis ad omnes Sanctos in commune pertineat (qui humanæ sapientiæ expertes, diuina sapientia, quæ seculi hominibus incognita est, pleni fuerunt) tamen ad beatissimum Patrem Franciscum ita spectat, vt de ipso singulari quadam ratione dicta esse videatur. Tanta enim in eo simplicitas cum tanta sapientia coniuncta fuit, vt eum verissima sapientia plenus esset, stultus sæpē ab hominibus, atque adeo à patre suo iudicatus, & in vincula ab eo tanquam insanus coniectus fuerit. De hac igitur eius clarissima sapientia (quæ à singulari eius charitate manauit) hodie dicturi, cælestem opem, sacratissimæ Virginis interuentu, suppliciter imploremus.

## A V E M A R I A.

*Stultissimus sum virorum, &c.* Vehementer hęc Salamonis verba cum hodierna sancti Euangelij lectione cohærent: in qua Dei Filius superno Patri gratias agit, quod sapientiæ suæ arcana (per quæ iter nobis ad sempiternæ felicitatis gloriam aperitur) nequaquam sapientibus & prudentibus, sed paruulis, hoc est, humilibus aperire dignatus fuerit; qui quamuis mundi iudicio viles & abiecti atque interdum etiam stulti iudicarentur, veræ tamen sapientiæ compotes erant.

Ad cuius rei intelligentiam sciendū est, duplicem à D. Iacobi 3. bo assignari prudentiā; alteram, carnalē atq; terrenam; alteram, spiritualemente atque cælestem. Terrena sapientia est, quæ omnes lucrandi artes, & omnia quæ ad corporis cultum & voluptatem pertinet, & plenissimē caller, & auidissimē cōsectatur, omniaq; vitę cōsilia ad hoc vnum studiū dirigit, de qua Saluator in Euangelio: Filij huius seculi prudētiores filiis lucis in generatione sua sunt. Spiritualis verō sapiētia est, quę omnia spiritualis vitæ documēta probē tener; quibus pius homo & mentē suam excolere, Lucæ 16.

& Deo gratificari valeas, in hisque plenius perdiscendis omne studium & operâ ponit. De hac autē sapientia Apostolus dissere-  
 Ephes. 5. rens, Nolite, ait, fieri imprudentes, sed intelligentes quæ sit vo-  
 luntas Dei bona, & beneplacēs, & perfecta. Hæc est autē altissi-  
 ma philosophia, cui Dei cognitio, & vita æterna proposita est,  
 Hier. 9. quam Dominus per Hieroniam commendat his verbis: Non  
 gloriatur sapiens in sapientia sua, nec fortis in fortitudine sua,  
 nec diues in diuitiis suis, sed in hoc gloriatur qui gloriatur, scire  
 & nosse me: hoc est. scire qua ratione mihi placere, præceptisq;  
 meis obtemperare atque obsequi debeat. Hanc porro duplicem  
 sapientiam Dominus designauit, cum Petro se à crucis supplicio  
 Marc. 8. reuocare volenti dixit: Vade post me retrò Satana, scandalu-  
 lum mihi es, quia non sapis quæ Dei sunt, sed quæ hominum.

Inter has autē sapientias hoc discrimen est, quòd qui diuina  
 sapiunt, mundi sapientiam esse apud Deum stultitiâ iudicant;  
 contrà verò seculi sapientes non rarò Christi seruos, qui ecclesia  
 sapiunt, stultos esse arbitrantur. Vnde ipsum Dei filiû, verâ sa-  
 pientia auctorem mundus stultû aliquando reputauit: sic enim  
 Ioan. 10. de illo populus, Daemonium, inquit, habet, & insanit: quid eum  
 auditis? Quid verò illud, quàm mirabile quod apud Marcû legi-  
 mus? Sui, inquit, voluerunt eû tenere, dicentes, quia in furorem  
 Marc. 3. versus est. Quòd si patrē familias stultû vocauerunt, quid mirû  
 Hieron. hoc eodē nomine domesticos eius appellasse? Hinc D. Hieron.  
 in epiraphio Paulæ refert, quòd cû hæc femina sanctissima fa-  
 cultates suas omnes pauperibus erogaret, non defuisse qui dice-  
 rent, cerebrû illius esse confouendu. Quod illa audiens, respon-  
 dit: Spectaculû facti sumus mudo, Angelis & hominibus. Hanc  
 ergo sapientem stultitiâ sancti Dei omnes coluerunt. Memine-  
 rant enim ab Apostolo dictû fuisse: Si quis vult inter vos sapiēs  
 I. Cor. 5. esse, stultus fiat, vt sit sapiēs. Quæ res in beatissimo Frâcisco po-  
 tissimum eluxit: in quo cû vera sapientia (de qua mox dicemus)  
 multa inuenimus quæ stultitiæ speciē præ se ferre videatur, quæ  
 ramē à Spiritu Dei profecta, lōgissime à stultitia abstunt. Subii-  
 ciamus aliquot huius rei exempla. Præcepit aliquando B. Pater  
 Rufino discipulo, litterarû imperito, vt Assisij, hoc est, in patria  
 sua ad populû concionaretur: cumq; discipulus impetitiâ suam  
 allegans, hoc officium humiliter detrectaret; vir sanctus eius in-  
 obedienciâ accusans, gratiusq; illi præceptû imponens, iussit vt  
 habitu nudatus solisq; femoralibus reclus, pulpitu ascendens  
 astanti populo prædicaret. Quod quidem verus obedienciæ filius  
 ita vt erat iussus impleuit. Hoc, qui tum aderat populus, stultum  
 esse iudicans, asserbat eos monachos abstinentiæ distictione de  
 mente deduci, & ea facere quæ insani solent. Quid verò beatus  
 Pater? Sic ipse secum: Ita ne decet vt Rufino virò nobili præci-  
 pias,



pias, quod tu Bernardonis filius non facis? Non decet te alijs imperare, quod ipse non prestes. Itaque vir sanctus simili modo nudatus ad urbem veniens, Rufinumq; predicantem inueniens, eundem conscendens locum, populo prædicare cœpit. Quid hic seculi sapientes? An non hoc factū stultitię condemnarent? Adiciam aliud huic non dissimile exemplū. Alio tempore cū vir sanctus propter graues quos patiebat morbos, cibis delicatioribus vesceretur, molestęque ferret se à populo virū sanctum, & abstinentiæ deditum reputari, se similiter nudū sūne ad collum ligato à fratribus asportari, & in platea, quo in loco facinorosi homines plecti solent, reponi iussit; ibiq; positus astanti populo ait: Ecce monachus, quem vt sanctum, & abstinentiæ cultorem venerabimini, se modò carnibus ingurgitauit. Quid hic sapientia mundi? quis non hoc stultissimum iudicaret? Quid verò illud quod graui carnis tentatione infestatus fecisse memoratur? Nocte enim intēpesta cū plurima niue terra conspersa esset, posteaquam agrum corpusculū grauiter verberasset, se nudum in niuem glacięque coniecit: nec hoc contentus, addidit aliud mirabilis. Globum enim paulò grandiore ex ea niue, deinde sex alios minores cōfecit, & sic secum sermocinari cœpit; Si vxorem desiderabas, Franciscę, habes hic vxorem, quam te amplecti par est; habes hic etiam quam alere debeas familiam; hoc est, duos filios, totidemq; filias, itemq; famulum, & ancillam, qui ad seruitium domus necessarij sunt. Quocirca oportet te assidue laborare, vt hanc familiā curę tuę commissā alere possis. Hac enim ratione vir sanctus frigore constrictus, carnis incendiū non modò refrigerauit, sed penitus exstinxit. Hoc etiam, sicut & superiora, mundi sapientes stultitiā accusarent, quod vir sanctus periculo vitę propulsare veller, quod multis alijs rationibus curare potuisset. At supernus ille iudex hunc fidei & castitatis amorem tali præmio affecit, vt nullum deinceps carnis stimulum in vita sentiret. Quid verò illud, quod cū eius pater ab eo quidquid haberet pecuniarum sibi reddi acriter postularet, ille coram Episcopo se ad femoraha vsque denudans, patrisque auaritię restituens, tanto ludibrio habitus fuit, vt pueri illum tanquam insanum luro & lapidibus sequerentur.

In his ergo quæ stultitię speciem præ se ferre videntur, Dei virtus & sapientia latet. Quod enim stultum est Dei, sapientius est omnibus hominibus. Voluit enim Dñs, vt quemadmodum

1. Cor. 1.

1. Cor. 17.  
1. Zech. 13  
Esa. 10.

362 IN FESTO B. PATRIS FRANCISCI  
nes incedebat) ita vir sanctus non verbis modò, sed his etiam  
nouis & insolitis rationibus obediendi leges, imperandi præce-  
pta, & castitatis amorem secuturis discipulis declararet.

I.

Hæc de stultitia: nūc verā beatissimi Patris sapientiā expēda-  
mus. Qui enim dixerat, se stultissimū esse virorū, & hominū sa-  
pientiā nō attigisse, protinus ait, se habere scientiā Sanctorū. Ad  
hoc igitur sciendum est, cū sapientia sit altissima Dei, diuina-  
rumq; rerū cognitio, duplici nos ratione Deum in hac vita cog-  
noscere posse: aut enim perfectiones ac virtutes eius legendo &  
audiēdo, aut eas in nobis ipsis quodāmodo experiēdo cognosci-  
mus, hoc est, cū ipse diuinæ bonitatis, charitatis, suauitatis,  
aliarūq; eius virtutū & perfectionū dignitatē & suauitatē inter-  
no quodā mentis experimento degustamus. Hæc autē cognitio  
lōgē dignior atq; præstantior ea est, quæ vel sola lectiōe, vel do-  
ctrina colligitur. Vt enim melius sapore illius māna quod Deus

Simile.

Patribus pluit in deserto, populus agnouit, qui quadraginta an-  
nis eo vsus est; quā Theologus, qui hoc ipsum sanctarū literarū  
lectiōe cognoscit: ita longē clarius Dei suauitatē agnoscit, qui  
eam non tā legendo, quā (vt ita dixerim) experiēdo gustauit.  
Quo fit, vt aliter Theologus diuinas perfectiones & virtutes ag-  
noscat (si nihil aliud nouit, quā quod in Theologorū libris repe-  
rit) aliter verò humilis & pura mēs, quæ à curis & cupiditatibus  
terrenis expedita, se totā Deo tradit, totaq; ad illū dies nocteq;  
suspirat. In hanc enim puritatis amator Dñs velut in suum cen-  
trū descendit, omnesq; ad ipsum affectionū suarū sinus expan-  
sos, bonitatis & gratiæ suæ diuitiis implet, lucis suæ radiis illu-  
strat, charitatis brachiis amplectitur, diuinæ dulcedinis suauita-  
te lactat, ad cor eius loquitur, atq; in illā postremò quasi fluuiū  
pacis declinat, & torrente voluptatis suæ potat. Hac ergo tanta  
suauitate illecta mens tota in Deum rapitur, ac subinde miratur  
tantā in tanta maiestate erga tantillā creaturam dignationē &  
benignitatē, quā non solū auditu percepit, sed etiam odoratur,  
degustat, & hac ipsa cognitione erudit & perficit intellectum.

Qua ex re liquet, duplicē esse Theologiam, quemadmodū du-  
plicem esse Dei cognitionē dicimus. Est enim Theologia scien-  
tia quæ diuinitatis cognitionē tradit. Cū verò duobus his mo-  
dis Deū agnoscamus; consequens est, vt duplex etiā Theologia  
sit: altera, quæ speculando; altera, quæ experiendo Deum agno-  
scit. Et illa quidē speculatiua, siue scholastica; hæc verò (vt ita di-  
xerim) affectiua, siue mystica nūcupatur, quod, videlicet occulta  
sit, & à paucis cognita. Cū autem præcipuus huius Theologiæ  
magister Spiritus sanctus sit, is primū quidē pij hominis in-  
tellectū sapientiæ dono collustrat, deinde charitatis virtute vo-  
luntatē.

luntatem vehementer incendit, quæ sic incensa, ineffabilem diuinæ bonitatis & suauitatis dulcedinem odoratur, & quodammodo degustat: cuius gustu atque suauitate intellectus percipit quàm suavis sit Dominus, quàm dulcis, quàm pius, quàm benignus: atque hoc modo intellectus ab ipsa voluntate quodammodo erudiri atque instrui dicitur.

Est autem magnum inter vtramque Theologiam discrimen. Illa enim ad intellectum; hæc magis pertinet ad voluntatē: illa cognoscit Deum; ista diligit: illa speculatur diuina; hæc amplectitur: illa tamquam ex auditu cognoscit Deum; hæc quodammodo odoratur atque degustat: illam docet lectio; istam vnctio: illa discitur in scholis; hæc in secreto diuinæ contemplationis.

Qua ex re duos in hac duplici Theologia processus intelligimus. In priori namque illa Theologia (quam speculatiuam nuncupamus) præcedit quidem intellectus actio, & sequitur in piis hominibus motus voluntatis: in posteriori autem (quam mysticam appellauimus) post hanc priorē intellectus operationem antecedit quidē voluntatis actio, & sequitur in intellectu noua quædam diuinæ suauitatis cognitio. In illa enim intellectus dirigit voluntatē; in hac voluntas erudit ac dirigit intellectū, qui quodammodo foris stans, ipso voluntatis gustu & experimento diuinæ bonitatis suauitatem agnoscit: hoc enim illa Prophetæ verba innuunt: Gustate, & videte, quoniā suauis est Dñs. Prius enim gustare, deinde videre iubet; vt intelligamus, ex voluntatis gustu intellectum erudiri, & immensas diuinæ bonitatis & suauitatis opes addiscere. Vt enim degustato nouo aliquo cibo, gustus ipse saporem eius ostendit intellectui: sic posteaquā voluntas diuinæ bonitatis dulcedinem nusquam antea perceptam degustauit, intellectus hoc experimento doctus, qualis ea, quantaque sit agnoscit. Quo fit, vt dum duo animæ nostræ pedes sint, quibus in Deum imus; intellectus videlicet ac voluntas; in priori illa Theologia pes intellectus præcedit, quem sequitur voluntas; in posteriori verò voluntas ipsa eo modo quo diximus, præcedit, quam deinde noua illa cognitio sequitur intellectus.

Hæc est igitur, fratres, mystica Theologia, quæ Spiritus sancti magisterio addiscitur, quæ inter omnes scientias principem locū tenet, in qua rudis omnium litterarū Franciscus tantū excelluit, quantū flagrantissimo charitatis ardore incensus fuit; per quā non tam legendo quā amando diuinisq; beneficiis atque deliciis fruendo, immensas diuinæ bonitatis, charitatis & suauitatis opes agnouit. Vnde propositis aliquādo ei à quodā insigni Theologiæ Doctore difficultimis questionib⁹, tantę doctrinę claritate vir sanctus diuinę sapientię patefecit arcana, vt vehemēter Doctor ille supereret, atq; admirabundus diceret: Verē Theologia sancti Patris huius

Psal. 33.

simile.



huius puritate & cōtemplatione tanquam alis subuecta est velut aquila volans: nostra verò scientia ventre graditur super terram. Hac est igitur, fratres, vera illa sapiētia, quæ in sacra huius diei lectione non huius seculi prudentibus & sapientibus, sed paruulis à Domino reuelari dicitur: quorum de numero beatissimus hic paruulus exstitit.

## II.

Quia igitur charitas huius diuinæ sapientiæ vita & forma, atque (vt ita dixerim) magistra est; ideo de flagrantissima sancti huius Patris charitate in reliqua concionis parte dicendum est; quo vos ad virtutis huius amorem (in qua diuinæ legis summa consistit) accendere valeam.

Dionys.

Charitatem autē viri sancti quis enarrare sufficiat? Vsq; adeo enim purissima eius volūtas per excellentissimū charitatis habitum (quē Spiritus sanctus in eius corde effuderat) in Dei amorē propensa atque incensa erat, vt ad solā dilecti vocē miro modo excitaretur, afficeretur & inflāmaretur, quasi plectro vocis eternæ chorda mentis interior tāgeretur. Cum autē (vt D. Dionys. ait) amoris proprium sit, amantem cum re amata indissolubili vinculo copulare; ideo viri sancti anima sic cū dilecto suo colligata erat, vt vix vnquam ab eius conspectu, atq; suauissima præsētia mētis oculos deflecteret, & interdū etiā non posset. Itaq; illud Spōsē vsūpare meritō poterat: Fasciculus myrrhæ dilectus meus mihi, inter vbera mea commemorabitur. Quia verò vt ignis lignorum appositione, ita charitas piis cogitationibus augetur; ideo vir sanctus ex mundi huius visibilis, & omniū creaturarum cōtemplatione in dilecti amorem incendebatur, & ex omnibus scalā sibi quodammodo crexerat, qua in Deum ascenderet.

Cant. 2.  
Simile.

Quis autem huius ignis scintillas, hoc est, charitatis huius effectus enarrare valeat? Huius enim charitatis erat flagrantissimum illud Deum laudandi desiderium, quo Davidis exemplo animantia ipsa, atque adeo creaturas omnes ad diuinas laudes inuitabat; vt videlicet communem Dñm communi omnium creaturarum voce magnificaret. Charitatis erat, erga oves & agnos mira mentis dulcedo, hoc solo nomine, quod dilecti sui similitudinem quandam & nomen præsferrent. Itaque redemit frequentert agnos qui ducebantur ad mortem, micissimi illius Agni memor, qui pro peccatoribus redimendis ad occisionem duci voluit. Vt enim pantheram aiunt tanto hominum odio incensam esse, vt in simulachrum etiam hominis insiliat, atque illud discepat: ita contrā vir beatus tanto Christi amore æstuebat, vt vel tenuem illam eius imaginem, quæ in hisce animantibus elucebat, hac amoris dulcedine prosequeretur.

Simile.

Charitatis etiam erat ardentissima illa erga sacram Eucharistiā deuotio (in qua dilecti sui corpus esse sciebat) in cuius con-

templa-

templatione mens eius deficiebat, incredibili quodam omnium medullarum affectu, mentisque stupore summā illam Dñi sui bonitatem, charitatem & dignationem admirans, qua se hominibus hoc modo tradere, & cum illis in hoc exilio habitare dignatus est. Porro autem in sacra communione (quam sæpius frequentabat) tanta suauitatis dulcedine complebatur, vt quasi Spiritu ebrius in mentis plerumque raperetur excessum. Quo iudicio intelligere licet, quanta esset illa diuinæ suauitatis dulcedo, quæ omnes ad se animæ vires sic attraheret, vt nullam prorsus sentiendi vim corporis sensibus relinqueret.

Charitatis item erat, quod creaturas, etiam rationis expertes (quod ab eo quæ summè diligebat, conditæ essent) sancta quādam simplicitate fratres & sōres appellabat. Qui autem hoc affectu erga rationis expertes creaturas erat, quo animo erga eas quæ sunt eius imagine insignitæ, & pretioso sanguine redēptæ, fuisse putādus est? Hoc planè nulla vis orationis explicare poterit. Hac autē de causa beatissimū Michælem Archægelum singulari deuotionis affectu venerabatur, cuiusq. diē festum quadraginta dierum ieiunio præueniebat, quod videlicet eius cura: salus animarum credita esset. Cæterum si quis prauis consiliis aut exemplis scandalo aut offendiçulo infirmis esset, bone Deus, quo doloris aculeo sauciabatur? quos æstus animi sustinebat? Eundem enim cum Paulo Spiritum nactus verè dicere poterat: *Quis infirmatur, & ego nō infirmor: quis scandalizatur, & ego non vror?* Doloris ira q. impatiens ad Dñm clamabat: *A te, Dñe, sanctissimo, & à tota crelesti curia, & a me paruulo tuo sint maledicti; qui prauis exemplis atque consiliis bonos aliorum mores corrumpunt.* Itaq. tanta sæpe ob pusillorum scandalum afficiebatur molestia, vt deficere sibi præ cordis amaritudi-  
ne videretur, nisi fuisset diuinæ consolationis virtute roboratus.

2. Cor. 11

Iam verò Euangelica illa paupertas, quam vir sanctus tantopere adamauit, quamq. rebus omnibus antetulit; vnde, quæso, nisi ab hac ardētissima in Christum charitate manauit? Charitatis enim est, vehementer ab eo velle redamari, quæ vehementer amet. Cū autem similitudo sit amoris conciliatrix, hinc amans amato quā simillimus fieri optat. Cum igitur vir sanctus Christum Dominum (quem tam ardentè amabat) adeo pauperē & in vita & in morte cerneret, tota animi contentione ad eiusdem paupertatis communionem aspirabat, beatissimum se fore ratus, si cum paupere Christo pauper esset, si cum nudo nudus, si cum esuriēte esuriret, & cum algente atgeret. Deniq. vt omnibus in rebus Christo pauperi conformis esset, moriturus se nudum ē strato in terram proiecit: quodq. mirabilius est, præcepit fratribus, vt posteaquā animam efflasset, aliquan-  
to spa-

to spatio nudus & inhumatus relinqueretur, vt hac ratione pen-  
 dentis in cruce Dñi nuditatem imitaretur, qui & ante mortem,  
 & post mortē nudus in cruce pependerit. Ad mentem verò sēpē  
 piissimo cordis affectu illa Dñi verba reuocabat : Vulpes foueas  
 habent vbi caput suum reclinēt: & illud item Apostoli : Scitis  
 gratiam Dñi nostri Iesu Christi, qui cum diues esset, pro nobis  
 egenus factus est, vt illius inopia vos ditaremini. Nulla autem  
 ratione vir sanctus ferre poterat se in deliciis vitam agere, cum  
 dilectissimum Dñm ipsius gratia paupertatis molestias & in-  
 comoda perferentē cerneret. Quis autem castissimæ spon-  
 sę persuadere valeat, vt in deliciis vitam agat, si dilectissimus eius  
 sponsus dira captiuitate atque inopia inter barbaros & imma-  
 nes hostes prematur? Cum igitur B. Pater Franciscus dilectissi-  
 mum Dñm in stabulo nascentem, & pręsepi cubantem, & in  
 cruce nudū morientem, & in vita eleemosynis piarum femina-  
 rum victitantem, sanctissimamq; eius matrē eadem inopia la-  
 borantem (vt pote quę agnum non haberet quem in purificatio-  
 ne sua offerret) cum hęc, inquam, omnia tenerrimo cordis affe-  
 ctu contēplaretur, nihil prius habuit, quā vt hanc eandē pau-  
 pertatem, tamquā Regis æterni sponfam, ac totius vitę sociam,  
 toto animi studio amplecteretur, seq; tanto feliciorem crederet,  
 quanto se illis similiorem videret. Quamuis autem vir sanctus  
 multiplices virtutis huius fructus agnosceret (quibus in eius  
 amorem rapiebatur) hac tamen Christi similitudo sancti viri  
 mentem ad huius virtutis amorem multo magis inflammabat.

Deniq; tanto huius virtutis amore flagrauit, vt nouū in Eccle-  
 sia Ordinem instituere decreuerit, cuius præcipuū fundamen-  
 tum, paupertatis humilitas esset. Quę res adeo per id tēporis à  
 seculi sapientibus, tanquā impossibilis, improbata est, vt cū bea-  
 tus Pater Innocentiū Pontificē maximū adiisset, vt ab eo huius  
 noui instituti confirmationē impetraret, ab eo nō sine indigna-  
 tione fuerit repulsus, quod rem peteret, quę stare diu atq; durare  
 minimē posset. At vir sanctus fiducia in Deum plenus, alio die  
 Pontificem diuino iam oraculo præmonitū adiit, idemq; quod  
 antea postulauit, adiiciens, nequaquam Euangelicę paupertatis  
 professoribus victum aliquando defuturum. Quam rem, à Deo  
 doctus, elegantissima hac parabola confirmauit: Rex, ait, qui-  
 dam potentissimus pauperculā atq; formosam feminā sibi de-  
 sponsauit: ex qua liberos suscepit. Cumq; ij patris imaginē præ  
 se ferrent, iussit eos Rex ē mensa sua regio cibo tamquam legi-  
 timam sobolem sustentari. Sic ergo cum cælorum Rex pauper-  
 tatem sibi, quā diu in hoc mundo vixit, indissolubili amoris  
 vinculo desponsauerit, paupertatis autē huius filij atq; cultores  
 Regis huius imaginem præ se ferant, non dubiū quin eos Rex

tan-



tamquam legitimā sobolem, sibiq; similem agnoscens, ē diuice ipsius mensa, quæ latissima est, cibum illis ministrari præcipiat. Non est igitur formidandum ne fame pereant Regis æterni filij, qui ad imaginem Regis Christi per Spiritus sancti virtutē de paupere matre nati, per spiritum paupertatis sunt in religione paupercula generandi. Quæ quidem parabola proposita, vehementer Pontifex in pauperculo & illiterato homine tantam sapientiam demiratus, simulq; diuino iam oraculo permotus, paupertatis regulā, quam pius Pater postulauerat, approbavit.

Nec sanctum virum spes sua fefellit. Tantum enim abfuit ut à se institutus Ordo inopia cogente defecerit, ut ob hoc ipsum supra omnes alios Ordines auctus ac dilatatus fuerit. Exiguus namq; expensis monasterium humile exstruitur: quo exstructo, facile monachi sine ullis redditibus quæ sunt ad pauperem ac tenuem vitam necessaria sibi comparant. Hinc factum est, ut vnicus beatissimi Patris Ordo plura fortasse intra se cœnobia, quā reliqui omnes omnium aliorum Ordinum contineat. In quo etiam opere Dei providentia mirabiliter elucet, qui cum precipuus huius instituti auctor fuerit, eam mentem cunctis mortalibus immisit, ut audito nomine Frāncisci, nauicularores, piscatores, stabularij, publicani, atq; omne postremū genus hominum stipē cunctis eius sectatoribus porrigāt, nullumq; ab eis vestigalis aut tributi genus exigāt. Quodq; mirabilis est, illa etiam immanis Turcarū natio non modo nihil ab illis (quemadmodū ab aliis fidelibus) tributorū exigit, sed stipē etiam & elemosynam petentibus præbet. Quod ego planē quoddam miraculi genus à diuinæ providentiæ cura profectum esse non dubito.

Nec minus miror, eundem paupertatis spiritum & amorem, qui in beato Patre præfuit, ad eius quoque filios permanasse. Cum enim omnes omnium ordinum homines, qui in toto orbe versantur, omni studio aurum quærant, aurum sitiant, ac penē adorent, paupertatēque per saxa, per ignes fugiant, plurimos in hoc sanctissimo Ordine viros ac feminas reperire licet, qui contra omnium mortalium vota ac desideria maiori studio paupertatem quā illi diuitias quærant. Quis igitur non apertē videat, hunc spiritum atque animū non à carnis natura (quæ sua ubique commoda captat) sed à cœlesti gratia proficisci?

## III.

Video me, fratres, paulo diutius in paupertatis cōmendatione fuisse immoratu, quā ab eximia sanctissimi Patris in Christum charitate profectā fuisse diximus. Nūc maiora adhuc charitatis eius indicia proferamus. Cōstat multos esse in charitate gradus, qui à sanctis Patribus numerantur: inter quo postremus, Deoq; gratissimus est, cum vir pius tanto Dei amore flagrat, ut nihil

magis

Ioan. 15.

magis in votis habeat, quàm varia, propter eius amorē calamitates & labores alacri animo perpeti. Quod ut excellētissimum charitatis opus, ita maximū eius indicium est. Hoc enim desiderium non à carnis natura (quæ omni semper molestia vacare cupit) sed à cælesti Spiritu proficisci, maximum indicium & argumentum est. Quocirca, fratres, quicumque toto studio ad diuinam gratiam aspiratis, nunquam opera vestra conquiescant, donec aliquā intra vos huius desiderij scintillā sentiatis. Ceterum cum inter omnia quæ nobis in vita chara sint, vita ipsa sit longè charissima; summum charitatis opus est, hanc ipsam propter maiorem in Deum charitatem velle profunderē: cum præsertim Saluator dicat, Maiorem hac dilectionem nemo habet, quàm ut animam suā ponat quis pro amicis suis. Hoc autē desiderium adeo in B. Francisco flagrauit, ut semel & iterū, & tertio ad infidelium terras proficisci tentauerit, ut hac desiderata martyrij corona frueretur. Nec enim eius animus illo modo conquiescere poterat, nisi vitam & sanguinem pro eius amore funderet, qui pro se prius vitam & sanguinem fudit. Sexto namque conuersionis suæ anno in Syriam Saracenis prædicaturus nauigauit. Ventis autem resstantibus in Sclauoniæ portum appellere compulsus est. Hoc igitur desiderio eo tempore fraudatus, & siti hac vehemēter eius animū exstimulante, ad Marrochium, Mauritanix urbem iter arripuit, ut Miramolino, & genti eius Christi Euangelium prædicaret: si qua fieri posset, ut ad desideratam martyrij palmā perueniret. Tanto namque eius desiderio æstuabat, ut quamuis imbecillo esset corpore, peregrinationis suæ præcurreret comitē, & velut Spiritu ebrius, in eo itinere festinaret. Sed cum iam in Hispaniam venisset, diuina dispensatione, quæ ipsum ad alia reseruauerat, grauissimo morbo correptus, quod optabat, implere non poterat. Verum charitatis ardore eius mentem ad martyrium acerrimè perurgente, iterum ad infideles ire destinauit. Tertio decimo namque conuersionis suæ anno in Syriam profectus, multis se periculis constantissimè exposuit, ut Christi Euangelium Soldano, Babylonis Regi, ac populo eius annūciaret. Quo tempore adeo implacabile bellum inter fideles & Babylonios intercedebat, ut Soldanus Christianos omnes, vbicumque reperti essent, interfici iuberet, & pro oblato occisi Christiani capite aureum nummum polliceretur. Cum igitur beatus Pater & socius in satellitum Regis manus incidissent, multis ab eis, tanquā agni à lupis, verberibus & iniuriis crudelissimè affecti, ac postremo vinculis astricti ad Soldanū (quod S. Pater cupiebat) adducuntur. Cum is igitur ab illis quæreret, à quo in regnū suū missi essent, & quid in eo moriri vellent, intrepidus Dēi seruus respondit, se non ab homine, sed

sed à Deo missum fuisse, vt ei, & eius populo viâ salutis ostēderet, & veritatis Euangeliiū predicaret. Tanta verò animi cōstantia, tantoq; spiritus seruiore corā eo de vera pietate, deq; Dominicę incarnationis mysterio disseruit, vt apertē constaret verum esse quod Saluator dixit; Ego dabo vobis os & sapientiā, cui nō poterunt resistere & contradicere omnes aduersarij vestri. Nam & Soldanus admirandum in viro Dei spiritus seruiorē & virtutē animaduertēs, libenter ipsum audiebat, & ad morā contrahendam cum eo instātus inuitabat. Christi verò seruus superno illustratus miraculo, Si vis, inquit, ad Christū cū populo tuo conuertere, libēter tecū ob illius anorem cōmorabor: si verò de Christianæ fidei veritate dubitas, legemq; tuā veriorē arbitaris, præcipe ignē quā maximum accēdi, & ego cum sacerdotibus tuis ignem ingrediar, & quibus ignis ardor pepercerit, horū fidē sinceram & immaculatā esse fatearis. At ille, Non, inquit, arbitror ex sacerdotibus meis quemquam periculum hoc esse facturum. Ad quem vir sanctus: Si promiseris te ac populū tuum ad Christū Dñi mei cultum traducturum, si ignem illasus intrauero, & exiero, ego solus ingrediar; quòd si combustus fuero, peccatis meis imputetur: si autem illasus exiero, Christianorum fidem veram esse cognosce. Soldanus autē hanc se optionē accipere nō audere respondit, quòd populi seditionē formidaret. Obtulit tamen multa munera, magnaq; vi precū instabat, si vt nō sibi, aliis saltē ea præbiturus acciperet: quę tamen omnia vir sanctus non terrenarum rerum, sed salutis animarum auidus, quasi lutum spreuit. Sic igitur Dei dispēsañte clementia factum est, vt Christi amator mortem pro ipso totis viribus exquireret, nec tamen inueniret; vt & merito non careret optati martyrij, & pro eo in posterum seruaretur sacrorum stigmatum singulari priuilegio decorandus. O verē beatum virum, cuius etsi caro tyranni ferro non ceditur, occisi tamen agni similitudine non priuatur! ō, inquam, verē ac planē beatum, cuius animam etsi gladius persecutoris non abtulit, palmam tamen martyrij non amisit!

His argumentis, fratres, quanta beatissimi huius Patris erga Christū charitas fuerit, satis apertē colligitur. Reliquū est, vt videamus, quantū à Christo dilectus fuerit, qui rātopere Christū dilexit. Hoc planē ex bonoru omnium communione conlicere licet: cū veræ amicitie propriū sit, & se, & sua omnia cū amico cōmunicare. Hoc autē primū illi quidē Dñs præstitit, cū omnis generis morbos, & omnia item animātia illius imperio subiecit: qua de re suo loco dicemus. Hoc autē quid aliud erat, quā viro sancto, quod diuinitatis propriū erat, tribuere? Creatoris enim est, vt creature omnes ipsi ad nutū obediant, quod videmus huic viro sancto fuisse concessum. Cæterū cū amicorum omnia



sint communia (nec enim perfectę amicitię lex patitur, vt amicus ab amico quidquam velit habere seiunctum) ea inter Christum & virum sanctũ amicitę fides exstitit, vt post hoc singulare imperium, nouam aliam gloriam & honorem, hoc est, pretiosa illa vulnerum suorum stigmata, quibus mundum redemit, quibus de huius mundi principe triumphauit, quibus cęlestis regni oclusas fores aperuit, quę ad sempiterni huius triumph memoriam non in sericis tapetibus, sed in suo corpore reliquit, in amici sui corpore imprimere dignatus est. Quid hoc beneficio maius? quid hoc priuilegio sublimius? quid hoc opere mirabilius? Filius Petri Bernardonis, à patre olim in vincula cęstus coniectus, propter immaculatę vitę puritatem eò celsitudinis à puritatis amatore euectus est, vt solus ipse cum Christo post resurrectionis gloriam his humanę salutis insignibus inter Sanctorum omnium choros effulgeat. Nec enim quam eius corpori gloriam contulit, in resurrectione auferet. Quantum ergo diuinę erga sanctum virum dilectionis hoc indicium & argumentum fuerit, Ionathę Saulis filij exemplo intelligere licet, qui Dauidem à cęde Goliath reduentem, eiusque caput in manu gestantem, tanto amore profecurus est, vt quemadmodum animam suam, ita illum dilexisse feratur. In cuius rei argumentum exspoliavit se Ionathas tunica sua, deditque Dauidi; nec non & reliqua vestimenta, vsque ad gladium, & arcum, & balteum. Itaque magnus ille amicus, qui se totum atque animam suam amico tradidisset, si potuisset, cum hoc non posset, vestibus suis & armis illum insigniuit atque decorauit. Si igitur vestium & armorum donatio pro maximo amicitę argumento in sanctis litteris memoratur; quale, quęso, fuit non vestem, aut arcum, aut gladium (quę extra corpus sunt) sed ipsa sanctorum vulnerum stigmata, quę Christus Dominus in corpore suo gestabat, in amici sui corpore transferre? Ea igitur huius amicitę magnitudo exstitit, vt posteaquam alia omnia tradidisset, nullo modo conquiesceret, nisi hoc etiam, quod vni sibi Dominus reseruauerat, quodque nemini hactenus concesserat, in vnum Franciscum contulerit. Quis igitur hęc non exclamet? quis hanc tantam Dei nostri fidem, bonitatem, suauitatem & charitatem erga fideles seruos suos non miretur, non adoret, non obstupefeat? Hunc igitur, fratres, Dominum toto cordis affectu diligamus, hunc imis visceribus condere studeamus, illum dies noctesque cogitemus, sanctissimas illius leges semper ante oculos habeamus, ob eius amorem, si ita opus fuerit, mori parati simus prius quàm eius leges infringamus; vt sic tandem, aspirante eius gratia, per obedientiam mandatorum peruenire mereamur ad regnum cęlorum.

I. Reg. 18

371

IN EODEM FESTO BEATISSIMI  
PATRIARCHÆ FRANCISCI, CONCIO  
tertia; in qua post Euangelicæ lectionis explana-  
tionem, de singularibus sanctissimi Patris huius  
virtutibus & meritis agitur.

THEMA. *Quasi vas auri solidum ornatum omni lapide  
pretioso.* Eccl. 50.



Agna nobis hodie, dilectissimi, provincia ad dicen-  
dum proposita est, ad quā nulla dicendi facultas par  
esse queat. Vt enim inter aues nonnullæ sunt quæ  
adeo pernicioso volatu in supera loca ferantur, vt penè  
visum effugiāt: ita inter sanctos nonnulli reperiuntur  
quorum altissimas virtutes mens humana cōprehendere, ac multo  
minùs verbis explicare valeat. Quod de beatissimo Patre Fran-  
cisco intelliget, quisquis eius vitam, & clarissimas virtutes atque  
innumera propè miracula studiosè perlegerit. Non tamen arbi-  
tror sacratissimæ Virginis opè in beati serui sui Francisci laudi-  
bus prædicandis desuturā, quando is eam toto vitæ suæ tēpore  
singulari quadam religione ac pietate coluerit: causamq; huius  
tantæ erga illā dilectionis & religionis aiebat esse, quòd ea Dñm  
maiestatis, fratrem nostrum effecerit. Non potuit paucioribus  
verbis hoc tam ingēs debitū amplificari. Quid enim maius, quid  
sublimius, quam vilem homuncionē atq; vermiculū habere vni-  
genitū Dei filiū (qui omnia potestate infinita complectitur) nō  
modò patrē, sed fratrem etiam, os nostrū & carnē nostrā? *Quam*  
rem nō solū immēse Christi bonitati, sed magna etiā ex parte  
eius gloriosæ genitrici debemus. Quin & illud piissimum sancti  
Patris affectum erga Virgine augebat, quòd nonnè vitæ suæ ini-  
tium & finē in quadam Virginis Ecclesia (quæ sancta Maria de  
Portiuncula vocatur) habuisset. In ea enim euangelicæ vitæ in-  
stitutū cōpit, ad eamq; moti iam proximus se deportari man-  
dauit, vt ibidē viuendi finē faceret, vbi eiusdē Virginis ope adiu-  
tus, nouæ vitæ initium sumpserat; eundemq; locum in magno  
honore atq; reuerentia à fratribus suis haberi præcepit. De huius  
igitur viri sanctissimi virtutibus hodie dictū, celestē opē, eius-  
dem sacratissimæ Virginis interuentu, suppliciter imploremus.

Simile.

A V E M A R I A.

Priusquam id quod proposuimus, expedire incipiamus, Euan-  
gelicæ lectio, quæ maximè cum beatissimi Frāscisci instituto co-  
heret, paucis explicāda est. In ea igitur amator hominū Dñs se-  
sus celesti Patri gratias agit, quòd euāgelicæ doctrinæ mysteria

(quæ aditum nobis ad sempiternâ felicitatem patefaciunt) prætermisissis prudētibz & sapientibus seculi, paruulis, hoc est, rudibus piscatoribz voluerit manifestare: vt ipsi alios doctrina sibi diuinitus tradita imbuētes, eiusdem felicitatis cōsortes efficerent. Cur autē huiusmodi operarios ad hoc tantū opus cēlestis Pater elegerit, nō aliam causam Filius, quā eius rectissimā voluntatem assignat: quæ certissima totius æquitatis & iustitiæ regula & norma est. Ferunt Pythagoræ discipulos tantā fidē præceptoris sui placitis habuisse, tantāq; illū religionē coluisse, vt quauis argumētatione firmior apud illos eius auctoritas esset. Itaq; vñtātū apud illos argumētū erat: Ipse dixit. Quāta verō fuerit apud homines Catonis Vticēsis auctoritas, declarat in signis Poëta, qui de ciuili inter Cæsare & Pompeium bello scribēs, sic de illo ait:

Lucanus.

*Quis iustus induat arma*

*Scire nefus: magno se iudice quisque tuctur.*

*Victrix causa Dñs placuit, sed victa Catoni.*

Si ergo tanta hominibus auctoritas tribuitur; quanta, quæso, immensâ illi sapientiæ & aequitati tribuenda est? Valeat ergo apud nos, fratres, in omni humanarum rerum inæqualitate hæc sola oratio: *Ita Pater, quoniam sic fuit placitum ante te* Hæc enim sola oratione inter tot calamitatum procellas se sanctus Iob consolabatur, cum diceret; Dominus dedit, Dñs abstulit: sicut Dño placuit, ira factum est: sit nomen Domini benedictum.

Iob 1.

Subdit deinde Dominus: *Omnia mihi tradita sunt à Patre meo. Et nemo nouit Filium nisi Pater, nec Patrē quis nouit nisi Filius, & cui voluerit Filius reuelare.* Sunt inter fideles multi, qui afflictiari solent, cum salutem suam non tam in se quā in diuina dispensatione sitam esse audiunt: perinde atq; tutius ea in suis manibus, quā in diuinis posita esset. Vt igitur vanæ horū sollicitudini Saluator occurreret, eam in suis manibus à Patre positā esse declarat: qui nullo modo (quod ad se attinet) ouem eam perire patietur, quam is multo labore quæsitā super humeros suos baiulauit: & pro cuius salute innocentes in cruce manus clauis terrebrari atque transfigi passus est. Quod intelligens Vates regius, his manibus spiritus sui salutē firma fiducia committebat, cum diceret:

Psal. 30.

In manus tuas, Dñe, commendo spiritū meum. Cur hoc? Subdit huius fiducia causam: Redemisti me Dñe Deus veritatis. Cuius enim manibus fidentiis spiritum meum commendare poterō, quā iis quæ pro me redimendo ligno crucis affixæ sunt?

Vt autem hanc salutis nostræ curam ac desiderium Saluator infirmis mentibus ostenderet; omnes ad se homines his amātissimis verbis aduocat: *Venite ad me omnes qui laboratis, & onerati estis, & ego reficiam vos. Tollite iugū meum super vos, &c. Iugum enim meum suauē est, & onus meū leue.* Hoc est quod seculi homines credere



dere nullo modo possunt. Iugum enim Diaboli atq; mundi suavisissimum esse credunt, quòd largā voluptatibus licentiam præbeat: tuum verò iugum Dñe, importabile esse prædicant, quòd eas frenare & cohibere, carnemque spiritui seruire iubeat. Iubet planè: quòd quidē rerum diuinarum imperitis difficile esse apparet, non iis qui diuinę charitatıs vim experti sunt. Cum enim incensa in Deum charitas ipsi super omnia placere desideret, intelligatque labores propter eius amorem alacriter susceptos, gratissimos illi esse: nihil magis cupit, quàm variis propter eum laboribus conficiari. In cuius rei fidem cunctorum Martyrum alacritatem, & patiendi sitim afferre possem: sed his omnibus prætermisiss, vnus D. Gregorij exemplum in medium afferam. Cum is igitur grauissimo quodā morbo laboraret, cuius erat remedium, per singula penè momenta cibo refici; idque instante Dominicę Resurrectionis vigilia pateretur; maiori se tristitia affectum fuisse scribit, quòd eum diem ieiunio præuenire, & sanctificare non posset, quā quòd lethifero illo morbo premeretur. Quocirca sanctissimum quendam virum, signis atq; miraculis celebrem, obnixè rogauit, vt facultatem sibi eo die ieiunandi à Domino impetraret: quod & factum est. Videtis ergo, fratres, quid præstet in Deum incensa charitas? Tanrum enim abest vt labores religionis gratia susceptos horreat, vt illis carere, mortis instar esse ducat. Hinc D. Bernardus: In eo, inquit, quod amatur, aut non laboratur, aut etiam labor amatur. Indicio nobis erit mater quę filiolum nutrit, quę tamen nutritionis diurnum pariter & nocturnum laborem alacriter & libenter propter sobolis amorem perfert. Hunc igitur erga Deum amorem, fratres, continuis precibus & gemitibus à Domino flagitemus, ab eoque cõtendamus, vt charitas Dei per Spiritum sanctum diffundatur in cordibus nostris: hac enim charitate incensi atque adiuti, facile fiet omne difficile. Hactenus de Euangelica lectione: nunc ad beatissimi Francisci laudes recurram oratio.

## TRACTATIO THEMATIS. I.

Iam primum constat, fratres dilectissimi, primam omnium diuinorum operum causam esse diuinam bonitatē: omnia verò Dei opera, quę penè sunt infinita, ad duo potissimum capita referri. Sunt enim nature, sunt gratię opera: quę omnia ab illo inexhausto diuinę bonitatis fonte dimanāt. Non enim vlla necessitate; sed sola bonitate inductus, omnia quę in cælo, terra, marique continentur, cōdidit. Eadem bonitas illum impulit, vt hominum mentes gratiæ suę opibus sanctificaret, easque sibi similes redderet. Eademq; bonitas fecit, vt post oblatum in cruce sacratissimi corporis sui sacrificiū, & Spiritum sanctum in cęlis in Apostolorum pectora, & Apostolos ipsos in mundū mitteret; qui

Gregor.  
Dialog.  
li. 3. cap.  
33.

Bernard.

ad gratiæ & gloriæ suę opes mortales cunctos sine vlla generis aut sanguinis discretionē inuitarent. In cælū igitur, vnde ad nos venerat, regressurus, hæc ad discipulos nouissima verba, iuxta Mat.  
 Mat. 26. baptizantes eos in nomine Patris, & Filij, & Spiritus sancti, docētes eos seruare omnia quęcunq; mādau vobis. Cūq; ad hoc omnium operū maximū ac difficillimū, Apostoli imperitiā & infirmitatem suā causari possent; hunc eis timorē adimit, cū paulo ante hæc verba dixit; Data est mihi omnis potestas in cælo & in terra. Et mox: Ecce, inquit, ego vobiscum sum omnibus diebus vsq; ad cōsumptionē seculi. Quod perinde est ac si diceret: Ego qui cæli ac terrę imperiū nactus sum, sub cuius potestate omnia supra atq; infera cōtinētur, vobis pręsens adero, vsq; in hoc tāto opere dirigam atq; defendā. Hoc autē celesti auxilio freti discipuli, nihil erat cur legationis huius officiū formidarent, cū prępotentē cæli ac terrę Dñm cęptis suis fauentē haberēt, quē nō ad horā solū, sed perpetuō sibi assistentē sperarent. Quā ex re colligere licet, fratres, quā salutare mudo Christi regnū & potētia exultare debeamus, qui potētiā omnē, omnesq; opes suas in salute nostra promouēda collocauerit. Quā rē is alibi non obscure declarauit, cū ad Patrē dixit: Dediti ei, (videlicet filio tuo) potestātē omnis carnis, vt omne quod dedisti ei, det eis vitā aternā.

Quia verō saluarem hanc opem atq; pręsentiam suā nequam breui illo temporis spatio definiuit, sed omnibus diebus vsq; ad consumptionē seculi duraturā promisit (vt quos pretioso sanguinis sui cruore à peccati seruitute redemerat, eosdem iā à peccatis purgatos, ad celestes sedes euocaret (ideō quē illum bonitas impulit, vt iturus in cælum discipulos suos ad hoc opus destinaret, eadem etiam quandiu mundus superstes fuerit, ad eandem curam, idemq; misericordiæ officiū impellit. A postolis igitur & vira & officio suo defunctis, alios deinde operarios ad Ecclesię suę vineam excolendam conduxit, hoc est, tñctos Ecclesię Doctores & Pontifices, qui ab eodem Domino missi, & eodem Spiritu acti, in eadem vineę cultura strenuē laborarunt. Prętereo hic sanctorum Monachorum & Anachoritarū examina, & eorum præcipuē, qui monastica vitæ fundamenta iecerunt (qualis Magnus ille Antonius Aegyptius, Basilus, Benedictus atq; Bernardus exstitēre) venio ad vicina tēporibus nostris secula, quæ nouissima esse putantur. Hæc igitur hora, penē vndecima, duos eodē tempore Apostolicos & Euāgelicos viros sollicitus paterfamilias ineffabili pietatis suę providentia destinauit, qui duorum clarissimorum in Ecclesia ordinū fundatores & auctores existerent, vt non ipsi tantū, sed eorū etiam sectatores

in toto terrarum orbe, in omnibus oris & gentibus ad finem usque mundi hanc vineam excolerent, hoc est, animarum salutem operam darent. Estque res planè admiratione dignissima, cum tanta sanctissimorum virorum inopia in mundo sit, vno atque eodem tempore hæc duo maxima luminaria in mundo orta fuisse, quæ non modò Apostolica vitæ clarissimum specimen ederent, sed etiam Apostolica signa, & ingentia miracula, eadem fide & potestate, patrarent. Morbos enim omnis generis sanabant, mortuos ad vitam reuocabant, demonibus imperabant, & omnia naturæ iura veluti dii quidam terrestres, & omnium rerum domini pro voto suo immutabant.

Si quis autem hæc ipsa quæ diximus, paulò attentius considerauerit; intelliget planè, horum sanctissimorum Patrum singulares, vereque mirabiles virtutes exstitisse; nec tamen incredibiles, quamuis esse videantur. Cuius rei causam paucis explicare tentabo. Est igitur intelligendum, auctorem naturæ & conditorem Deum sic res à se cõditas instituisse, vt easdem veluti per classes & ordines distribuerit, atque vnicuique ordini rem aliquã, eiusdem ordinis maximè insignem veluti, regem quendam præficerent; quæ & omnibus illis perfectionis causam asferret, tantoque illis esse perfectior, quanto Rex ciuibus suis præstantior est. Sic igitur in classe corporum calidorum, ignis principatû obtinet, qui cunctis corporibus, calidus ipse, caloris sui causam asfert, eaque omnia calefaciendi virtute longè superat. Sic etiã in ordine lucidorum corporum, sol principè locum tenet, & sideribus cunctis ita lucem præbet, vt nullum eorum solis splendorem equare possit. Cum igitur rerum omnium Dñs, & naturæ & gratiæ auctor sit; nihil mirum, si quem ordinem in naturæ operibus posuit, eundem in operibus gratiæ retineat. Quem quidè ordinem & in se ipso, qui sanctorum omnium sanctificator est, & in Apostolis declarauit, quos Ecclesiæ suæ principes, atque salutis & iustitiæ ministros, & omnium virtutum exemplar constituit. Hinc vnus eorum ceteros fideles ad sui imitationem his verbis prouocat: Imitatores mei estote, sicut & ego Christi. Ad hunc ergo modum hos duos sanctissimos viros Dñs destinauit, vt Euangelicæ vitæ doctores atque ductores existeret: vnde consequens erat, vt qui aliis in religionis & sanctitatis ministros, atque virtutis exemplum dati essent, longissimo interuallo sanctitatè eorum superarent, qui sub eorum institutis & regula militarent. Quod intelliges beatissimus Pater Franciscus, supra vires, & supra modum corpus suum variis morbis penè confectum, ieiuniis, vigiliis, itineribus, nouisque laboribus atterebat. Cumque huius rei gratia à fratribus obiurgaretur, quòd qui carnem iam haberet plenissimè spiritui obsequentem, tot illa modis affligeret: ille respondebat,



bat, se aliis in virtutis exemplum datum esse. ideoque quod frequentanda carni minus necessarium erat, ad aliorum virtutem excitandam esse necessarium. Sic enim Dñi sui exemplo iustitiam omnem vir sanctus implere curabat. Constat igitur ex his, verum esse quod initio diximus, beatissimum hunc Patrem, quem Dñs celeberrimi ordinis Patriarcham, principem, & columnam, & clarissimum virtutum omnium exemplar esse volebat, omnium virtutū ornamentis supra omnes eius sectatores, velut quendam inter sidera solem, donatum ab eo fuisse. Cuius rei fidem facit commissi muneris dignitas. Quis enim impossibile aut incredibile esse credat, quod immentia illa bonitas atque potentia facere constituit, quamvis id communem hominum fidem superare videatur? Omnia enim quaecumque voluit Dominus fecit in caelo & in terra, in mari & in omnibus abyssis. De potentia igitur dubitare nemo potest, ac multo minus in voluntate; cum ad eius sapientiam pertineat, quæ in summo ecclesiæ cardine collocare decreuerit, summis virtutibus exornare.

## I.

De eximia igitur hodie beatissimi Francisci sanctitate virtutibusque dicturi, appositissime hanc illi sententiam accommodauimus; *Quasi vas auri solidum ornatum omni lapide pretioso.* Auri enim nomine charitatem, quæ virtutum omnium princeps est; lapillorum autem appellatione virtutes accipimus; quæ ut charitati deseruiunt, ita charitatem ipsam exornant. Sic tamen virtutum eius narrationem instituemus, ut quem viuendi ordinem retinere debeat quisquis ad perfectioris vitæ studium aspirat, in sermone nostro explicemus.

## simile.

Quicumque igitur in hoc virtutis curriculo exerceri cupit, veram humilitatis ante omnia solida fundamenta iaciat. Ut enim ædificaturi domum, rudera prius omnia fodiendo egerunt, ut ad firmum solum perueniant, supra quod domum ædificent; ita vir pius viribus suis industriaque; (quæ solidæ firmitatis nihil habent) diffusus, firmæ petrae, hoc est, diuinæ gratiæ præsidio innitatur; hic enim prior veræ humilitatis gradus existit. Alter verò est, ut homo & naturæ suæ imbecillitatem, & præteritæ vitæ maculas agnoscat, seque ob eas, quantum fieri possit, internis exteriusque submisso atque humili animo gerat, nullique se præferens, omnibus se inferiorem, diuinamque gratia indigniorem iudicet. Hanc igitur virtutem (quæ aliarum omnium & decor, & custos, & fundamentum est) tamquam veram paupertatis Euangelicæ germanam, & à Christo Dño ad imitandum nobis propositam, maximo studio Pater sanctissimus coluit; quæ tanto in eo existit mirabilior, quanto eius vita exstitit sanctior. Iudicio quidem & æstimatione sua nihil erat nisi peccator, cum reuera totius probi-

probitatis exemplar effer. Super hanc igitur studuit edificare se ipsum, atque ut sapiens architectus hanc vitæ morumq; suorum fundamentum esse voluit. Aiebat præterea, virtutis huius stabilien-  
 di gratia maiestatis Dominû ad infima nostra descendisse, ut non modò verbis, sed totius vitæ atque mortis suæ exemplis humilitatem doceret, humilitatem prædicaret, atque ingentes humilitatis opes hominibus commendaret. Admonebat mundi laudibus atq; vocibus, sermônû Dei aures esse occludendas, nec se quenquam hominum iudicio, sed diuino metiri debere. Tantus enim, aiebat, quisq; est, quantus est in illius oculis, qui spirituum ponderator est, quiq; renes scrutatur & corda. Sæpe enim quod hominibus altû est, abominatio est ante Deum. Vnde cu beatus Pater ab aliis laudaretur, dicere solitus erat; Adhuc filios & filias habere possum: adhuc in freto, non in portu nauigo: nolite ergo me laudare ut securum. Nemo enim laudandus, cuius incertus est exitus. Deniq; adeò virtutis huius amator existit, ut quem admodû Reges à nobilissima regni sui ciuitate nomenclaturam titulumq; accipiunt; sic ipse, què instituebat ordinè, ab hac nobilissima virtute nomè sortiri voluit, ut is videlicet Minorû ordo appellaretur (quod est humilitatis insigne) & qui cæteris in eo præficeretur, nò præfectorû, sed ministrorû nomè haberet: ut utroq; ipsum professionis & officij nomen humilitatis admone-  
 ret. Quid autè Minoris nomen ab huius instituti professoribus exigeret, vir sanctus his verbis cuidâ socio declarauit: Nequaquã Minoris nomè iure mihi tribuere potero, nisi ea mète fuero, quã tibi modò describã. Si hoc ipso tempore cum huic ordini præfatus sum, comitia celebrêtur, & ego in eis officij mei auctoritate fungar, fratres autè omnes vno consensu mihi dicant; Nolumus te præfecturâ hanc administrare quòd illiteratus, elinguis, simplex & rudis sis, tandemq; ab illis multis affectus opprobriis ab officio & congregatione expulsus fuero: si hæc, inquã, omnia nò eodem vultu, eademq; latitia pertulero. Minoris nomine indignus sum. Quid igitur hac humilitate altius? quid sublimius?

Verim hæc omnia humilitatis argumēta illud maximè superare videtur, quòd vir sanctissimus, qui tantum perfectionis culmen attigerat, ad sacerdotij munus promoueri ausus non fuit: tanta in eo humilitas, tâta erga diuinissimû altaris Sacramentû reuerentia existit. Quo exemplo liquet, quàm sit illorû temeritas & audacia accusanda, qui ad sacros ordines illotis (quod aut) manibus irrumpunt: qui non vocati à Deo, tamquam Aaron, sed sponte sua summam illâ sacerdotij dignitatem (qua nulla est in terris maior) inuadunt, qui sacerdotis officio non ad animæ salutem, sed ad terrena commoda augenda, sine vlla animi præparatione, aut diuinæ maiestatis reuerētia abutuntur. Quia verò obe-

Prou 16.  
 Apoc. 6.  
 Lucæ 16.

Simile.

Hebr. 5.

dientia humilitatis legitima soboles est, qui verè humilis erat, nō poruit nō esse magnus obedientię cultor: idq; ad eō vt (quod nemini hactenus contigit) Ordinis à se instituti præfecturā repudiaret, & qui maior erat inter omnes, se minoribus subdere non erubesceret. Vt igitur humilitatis conseruandę gratia sacerdotij dignitatē nō admisit: ita obedientię amore inductus, præfecturę officiū recusauit. Quam quidē virtutē tāto perē adamauit, vt ad socios aliquando dixerit: Hanc de Dñi misericordia gratiā consecutus sum, vt tam libenti & placido animo recenti nouitio (si is mihi in præfectu daretur) obedirē, quā veterano cuilibet Ordinis Patri. Subditus quippe præpositū sibi Patrē non vt hominē aspicere debet, sed vt illū, pro cuius se amore illi subiecit: qui quanto fuerit vihor, tanto virtus obedientię erit apud Deum gratior. Cū verò ab ipso quęreretur, quis esset verus obediens; mortui hominis exemplo id declarauit: Tolle, inquit, corpus exanime, & quo in loco volueris, repone: videbis illud nec repugnare mortū, nec reclamare dimissum, nec vlla ratione aduersus motorē indignari. Hic igitur verus obedientię cultor est, qui cur moueatur non diiudicat, vbi locetur nō curat, vt alibi reponatur non instat, euectus ad officiū solitam seruat humilitatem, & quō magis honoratur, hoc se magis honoribus iudicat indignū.

Cæterū vt ab humilitate & obedientia virtutū fundamenta iacentes, ad alias cōscendamus; tertio loco abstinentia & carnis maceratio sequitur, quę carnis superbiam comprimit, eandemq; spiritui subicit, quę pro cōmissis sceleribus Deo satisfacit, quę ad sacras vigilias, & orationis studia corpus & mentem aptat, cęterisq; virtutibus miro modo deservit. Quę quidem virtus in hoc beatissimo Patre tanto fuit mirabilior, quāto is grauioribus stomachi, splenis, epatis, & vclorum morbis tota penē vita laborauit. Nam præter consueta Ecclesię ieiunia, & consecratam Christi Domini exemplo Quadragesimam, alias ipse sibi quadragesimas simili ieiunio obseruādas proposuerat. Ab Epiphaniā namque festo (eo videlicet tempore quo Christus Dominus in deserto latuit) solitudinis loca petebat, ibiq; in cellula reclusus, quadraginta dierū spatio ieiuniis, vigiliis, orationibus, atq; diuinis laudibus vacabat. Ad honorem vero beatissimę Virginis (quam inexplicabili cōplectebatur affectu; à festo Apostolorū Petri & Pauli, vsq; ad gloriosam eiusdem Virginis Assumptionem deuotissimē ieiunabat. Ad honorem verò beatorū Spirituum (qui electorum animas mirifico Dei amore inflammāt) indissolubili erat amoris vinculo copulatus. Ideoq; ab Assumptione Virginis gloriosę toridem quadraginta diebus, ieiuniis & orationibus incumbibat; Apostolos verò omnes, præcipueq; Petrum & Paulum, propterea quod flagrantissimo Christum amore



amore prosequerentur, eximia charitate diligebat: in quorū gratiam aliā ipsis quadragesiā dedicauerat. Sic igitur verus Christi pauper, qui nihil aliud nisi duo æra minuta, corpus scilicet & animā habebat, hæc ipsa propter Dñi sui amorem sic offerebat, vt omni ferè tēpore per abstinentiam ieiunij corpus, & per ardorem desiderij spiritum immolaret; exterius in atrio corpus sacrificans, interiūs verò suauissimū adolēs thymia. Quin & illud eius abstinentiā mirè cōmendat, quod frequenter appositos cibos, ne palatū allicerēt, neve inimicā carnē oblectarent, permutare solebat, vt nihil ei in vita nisi solus sponsus dulcis esset; qui eō castis mentibus dulcior est, quo magis ipsi dulcia cuncta ob eius amorē repudiant. Quid hoc in loco dicent, qui omnes opes suas, & omnia vitæ studia in hoc vnū conferūt, vt inimicā carnē omni voluptatū genere foueant? quod cū faciunt, atrocissimū & familiarē cōtra se hostē armāt: qui tāto difficilius vincitur, quāto maiores aduersus spiritū vires hac molli indulgentia colligit.

Caterū abstinentiæ germana & cōiuncta virtus est oratio. Illa enim ad spirituale melodiam corporis & animæ instrumentū per ieiuniū aptat: oratio verò suauissimè Deo canit. Quæ quidē virtus adeo familiaris beato viro fuit, vt tota eius vita perpetua quædam esset oratio. Ea autem erat contemplanti solatium, per quā in terra positus, cogitatione & auiditate inter Angelorum choros versabatur. Erat & operanti præsidium, dum in omnibus quæ agebat, sibi diffidens, orationis suffragio se à Deo dingi postulabat. Itaq; fratres suos omni ratione ad huius virtutis studiū excitabat; asseueranter affirmans, neminē in Dei obsequio, & virtutum acquisitione prosperos successus, nisi virtutis huius præsidio, habiturum. Ipse verò ambulās & sedens, laborans & à labore vacans, domi ac foris adeo erat precationi intentus, vt illi videretur non solū quidquid erat in eo cordis & corporis, verū etiam operis & tēporis dedicasse. Cū verò aliqua spiritali dulcedine à Dño reficeretur, nulla interposita mora mentem suam illi percipiendæ atq; fruendæ aptabat. Quod si hoc illi in itinere forè cōtingisset, socios præcedere volebat, ipse verò gradū in eodem loco figebat, ne in vacuum eam Dei gratiā reciperet. Illud verò singulare, maximeq; imitandū, quod quāta poterat diligentia, quidquid à donorū Deo recepiisset neq; verbis, neq; vllis externis signis, aut vocibus, aut corporis motibus foris propalabat, secretū suū sibi seruās. Qui secus aut faceret, leui aiebat mercedem inestimabilem amittere, donatūq; manū ad donandū cōtrahere. Si verò aliquādo tanta vis diuinæ visitationis & cōsolationis esset, vt nullo modo posset interni hominis claustris ita cōtineri, vt nō se aliquo externo indicio proderet; fingeat aliquid, ne vllam astātibus perceptorum donorum significationē daret.

His quatuor virtutibus, fratres, quas hactenus commemorauimus, pius homo sibi ipsi, suoq; profectui præcipuè vacat, sibiq; magis quàm aliis consulit. Quod quidem initio vitæ religiosæ primo loco curandum est, vt videlicet ordinata charitas à se primum incipiēs, in alios deinde, cum adu'tior fuerit, excurrat. Sic enim videmus naturę auctorem Deum in omnibus siue plantis siue animantibus hunc ordinem seruare, vt prius quidē ea ad iustam maturitatem præueniant, deinde aut fructus aut fetus pariant, priori quidem loco sibi, deinde aliis operam dantes. Cum ergo vir pius in his se virtutibus, quas commemorauimus, exercuerit, ad alios & in corpore & in anima iuuādos, per misericordię & benignitatis opera procedat. Quod beatissimus Pater Franciscus cumulatissimè præstitit. Quamuis enim & spiritu & corpore pauper esset, numquam tamen illi defuit quod pauperibus daret. Vestes enim exuebat, easq; indigentibus, Christū in pauperibus contemplās, largiebatur. Vnde cum Apostolorum limina visitaret, cernēs inter pauperes, qui ibi assidebant, vnum laceris vestibus rectum, seipsum nudauit, quo illum indueret; ipseq; semine in cunctis obuolutus, inter eosdē pauperes tota die cum incredibili quadam spiritus suauitate, & paupertatis amore sedit. Accidit etiam vt ipsi Senis redenati, pauper occurreret. Cumq; sanctus Pater propter morbum quo per id tēporis laborabat, pallio quodā esset obuolutus, ad focū ait: Oportet vt alienū domino suo reddamus: hoc enim palliolū mutuo accepimus, tantisper eo vsuri, dum pauperior occurreret. Cumq; socius Patris necessitatē considerans pertinaciter obssisteret, quod alij consuleret se neglecto, qui magis indigeret; ille contrā: Pro furto, ait, mihi à pauperū parente Christo imputandum esse credo, si huic egenti non subuenero. Cum autem misericordię affectus in piis hominibus tāto perē vigeat, vt Ecclesiasticus dicat, Nouit iustus animas iumentorum suorum; hic ipse affectus vsq; adeo in sancti Patris visceribus dominabatur, vt ad ipsa etiam animantia protenderetur; atq; ad illa præcipuè, quę Christi Dñi mansuetudinē figurabāt. Cuius rei exstat exemplum dignissimum planē quod hoc in loco referatur. Cum vir sanctus in monasterio sancti Vercundi hospitaretur, euenit vt ea nocte ouicula quadā agnellum pareret. Aderat ibi fortē sus ferocissima, quę innocēris fetus vitę non parcēs, diro eū morsu necauit. Cum hoc autē pius Pater audiuisset, tenerrimo cōpassionis affectu permotus, & immaculati Agni mortem ad mentē reuocans, agniculi casum his verbis lamentabatur: Heu me, frater agnicule, innocens animal, Christumq; hominibus repræsētās; maledicta sit crudelis illa bestia quę te occidit, nulliq; siue homini, siue ferę in alimentum cedat.

dat. Res profectò admiratione dignissima: sic enim diuina pietas hoc ferui sui affectu delectata est, sic eius voris obtemperauit, vt protinus fera illa ægrotare inciperet, vlticemq; tandem post triduum sentiret necem. Proiecta autem in monasterij vallum, ibiq; diutius iacens, nulli neque homini, neq; fera esca fuit.

Cæterum pius hic sancti viri affectus in leprosorū curatione maximè declaratus fuit. Cuius rei idem in testamento suo meminit, gratias bonorū omnium largitori agens, quòd ea res quæ antea illi horrorerat, voluptati esse cœpisset. Ad hoc autem singulæ misericordiæ officium illum Dominus, cum adhuc in seculo degeret, quodā insigni miraculo instituit. Cum enim is iam melioris vitæ propositum concepisset, & equo vectus leprosum quendam in itinere obuium nō sine horrore aspexisset, sibimet iratus, ab equo desiliens, atq; ad leprosum accedens, manū, quā ille vt elemosinā acciperet, protendebat, deuotissimè osculatus est; statimque leprosus ab oculis eius euauit. Quo miraculo & in proposito suo cōfirmatus, & diuini amoris igne incensus, piissimum quendā erga leprosos affectum ex eo tempore concepit. Quæ de re extat aliud nō minoris charitatis atq; humilitatis eius opus, quod pater misericordiarum Dñs miro salutaris beneficio honorauit. Obuium namque vir sanctus in itinere Spoletanum quendā ciuem habuit, cuius os atq; maxillā lepra, horribili plaga corroserat, ac de formauerat. Cūq; miser homo viri sancti pedes osculari veller, vir humilis hoc non ferēs, osculari volenti pedes, osculū oris dedit. Dum autem leprosorū seruus Franciscus mirabili pietate illam horribilem plagam ore sacro contingeret (mira planè res) eger ille plenissimam sanitatem recepit. Nescio quid horum magis sit mirandum, an misericordiæ affectus in osculo tam benigno, an virtutis claritas in miraculo tā stupēdo.

Cæterum quoniā misericordiæ opera, quibus spirituales animarum morbi curantur, tanto sunt præstantiora, quanto anima corpore præstantior est: idē vir sanctus, quamuis cōtemplatiuæ vitæ studio porissimum addictus esset, in eoq; dies & noctes cum ineffabili quadam dulcedine versaretur; diuina tamen oraculo admonitus, & exemplo illius inductus, qui noctē orationi, diem verò commodis impendebat animarū; cœpit & ipse ciuitates & castella circumire, & regnū Dei non in doctis humane sapientie verbis, sed in doctrina spiritus & virtutis annuntiare. Quem homines, non vt huius seculi hominē, sed vt celestem quendā virum, maiusq; aliquid quā quod præ se fert humana natura in eo contemplantes, deuotissimo quodam affectu audiebant. Mente enim ac ipso etiam vultu in calum semper intētus, omnes sursum trahere nitebatur. Cœpit igitur Christi vinea suauissimum odoris gerinen proferre, productisq; floribus suauitatis, honoris,

& ho-



& honestatis, vberes fructus germinare. Prædicationis quippe eius feruore succēsi plurimi, iuxta formā à viro Dei traditā, nouis se pœnitentię legibus vinciebāt. Sic vir diuinus, velut ambidexter, in vtriusq; vitę, actiuę scilicet & contemplatiuę curriculo, Christi Domini sui exemplū secutus, diligentissimē se exercuit.

Cū autē sancti viri virtutes eum perfectionis gradum attigerint, vt vnaquęq; earū summū sibi locū inter cętera vindicare videatur: tamen inter eas deuotissimus atque tenerrimus erga pendentē in cruce Dñm affectus summum in eo locum habuisse videtur. Hunc enim affectum pius Dñs, antē etiam quā is seculo renunciasset, menti eius impressit. Dum enim quadā die in solitudine positus oraret, & prę feruoris magnitudine totus esset in Deum absorptus; Christus Dñs, velut cruci affixus, ei apparuit. Cuius conspectu liquefacta est anima eius, passionisq; ipsius memoria vsque adeo visceribus eius medullitis impressa fuit, vt ab ea hora, cū Christus cruci affixus illi veniret in mentē, vix posset à lachrymis & gemitibus cōtineri; quēadmodū morti ipse iā proximus familiariter amicis retulit. Huius igitur piissimi affectus, clarissimarumq; virtutū meritis altissimā illā & incomparabilē promeruit gratiam, vt sacris stigmatibus, quę semper gestabat in mente, in corpore etiam insigniretur. Itaq; dum instante festo Exaltationis sanctę Crucis attētiūs in latere montis oraret, quendā ex Seraphicis spiritibus, sex ignitis atq; splendidissimis alis fulgentem ē cęlis descendere vidit. Cumq; is celerimo volatu viro Dei appropinquasset, inter ipsas alas crucifixi hominis speciē præferebat. Ex quibus alis duę supra ipsius caput attollebantur; duę ad volandum extendebantur; duę verò totum tegebant corpus. Quo spectaculo vehementer obstupuit, & mens eius ingenti quodam gaudio simul & mœrore ætuare cœpit. Gaudebat enim in dilecti Dñi sui aspectu; sed crucifixi compassio eius animā doloris gladio fauciabat. Intellexit tandem ex hac visione, Domino reuelante, se non per martyrium carnis, sed per incendium mentis in Christi crucifixi similitudinem transformandum. Discedens ergo beatus ille Spiritus, mirabilē in corde eius reliquit ardorē, nec minūs mirabilē in carne signorum impressit effigiem. Statim namque in manibus eius & pedibus apparuerunt signa clauorum: quorū capita in interiori parte manuum, & superiori pedum apparebant. Erantq; clauorum capita rotunda & nigra: eorum verò acumina oblonga, re-torta, & quasi reperiussa; quę ab ipsa carne surgentia, carnem reliquam excedebant. Dextrum quoq; latus; quasi hasta transfixum, rubra cicatrice obductum erat: quod sæpe sanguinē fundens tunicam ipsam aspergebat. Quis igitur hic non exclamet! Quis ad hanc tantam Dñi gratiam & charitatem erga suos non

obstupescat? Quid illis negare poterit, qui quod erat sibi singulare ac proprium, in amicum adeo liberaliter contulit?

Heller &amp;

Cuius autem dignitatis & gloriæ fuerit his Dominici trophæi insignibus ornari, superbi Aman exemplo agnoscere licet. Cum enim is ab Assuero Rege interrogatus esset, qua ratione Rex cumulatissimum honorem alicui homini tribuere posset, isque neminem alium nisi se à Rege honorari velle crederet; quidquid in honoribus maximum concipere potuit, Regi exposuit. Id verò erat, ut homo ille regis vestibus insignitus, & phalerato eius equo vestus per plateas incederet, Principe aliquo regni eius ante ipsum clamante; Sic honorabitur quem Rex voluerit honorare. Nihil igitur hoc honore maius superba illa mens & honoris audissima concipere potuit. Si igitur tantus honor est regis insignibus & habitu decorari; quanta beatissima huius Patris gloria est, sic à cæli Rege & vniuersorum Domino honorari; vel (ut verius dicam) quanta diuinæ bonitatis gloria est, quæ tam magnificis mirandisque privilegiis hanc suam in bonos charitatem voluit declarare? Quid autem beatissimus Pater senserit, ubi primum hac singulari gloria decoratus fuit, quo charitatis igne mens eius flagrauerit, quibus laudibus hanc Domini sui bonitatem prædicauerit, qua suauitatis dulcedine eius anima liquefacta fuerit, quo charitatis ardore mille mortes propter huius Domini sui gloriam subire concupierit, qua mentis ecstasi raperetur, quoties hanc tantam gloriam animo agigaret, non est humanæ facundia explicare posse. Nouit ille qui hanc tantam gratiam in seruum suum contulit; nouit etiam ille qui recepit, nouit etiam Seraphicus ille spiritus, cuius ministerio hæc tanta gratia illi collata fuit. Ne autem hæc dignitas, adeo insolita & inaudita, incredibilis mundo esset, voluit idem Dominus ut in defuncto sancti viri corpore eadem sacra vestigia remanerent, ut ea omnes omnium ordinum homines, qui in eius funere inuenti sunt, aperte intuerentur, venerarentur, oscularentur, Deumque in sanctis suis non solum mirabilem, sed etiam amabilem prædicarent. Hæc enim sacra stigmata omnium aliorum miraculorum quæ vir sanctus edidit, fidem faciunt; quandoquidem incredibile non est, minora illa Dominum præstitisse, qui tanto maiora contulit.

Ut igitur finem principio iungamus; has vos, fratres, viri sanctissimi virtutes (quas commemorauimus) ante oculos ponere, & quatenus cuique liceat, altissimam eius humilitatem, plenissimam obedientiam, carnis macerationem, orationis studium, misericordie erga pauperes affectum, & iugem passionis Dñicæ memoriam (quæ in beato Patre potissimum eluxit) imitari studeatis. Quibus virtutum gradibus, si non expressam crucifixi Dñi similitudinem in pedibus

384. IN FESTO S. PATRIS FRANCISCI  
 pedibus manibusq; gestauerimus; at saltē eius mortificationem  
 in corpore nostro circumferentes, ad gloriosam eius similitudi-  
 nem, quæ in caelesti patria electis omnibus communicatur, ipso  
 donante, atq; iter nostrū bene fortunante, peruenire valeamus.

IN EODEM FESTO BEATISSIMI  
 PATRIS FRANCISCI, CONCIO QVARTA:  
 in qua clarissima eius & insolita miracula, singula-  
 riaque priuilegia, quibus eum Dominus ornare  
 dignatus est, explicantur.

THEMA. *Mirabilis Deus in Sanctis suis.* Psal. 67.

Psal. 112

Esai. 6.  
 Psal. 110.

Psal. 103.



A M primū cōstat, dilectissimi. Deum in cunctis  
 operibus suis esse mirabilē. Verissimē enim à Pro-  
 pheta dictum est, A Solis ortu vsq; ad occasum lau-  
 dabile nomen Dñi; & plenam esse terram omnem  
 gloria eius; atq; hoc sensu Propheta canit: Confes-  
 sio & magnificentia opus eius: quod videlicet omnia Dei opera  
 magnificentissima sint, & quæ nos ad eius gloriam confitendā &  
 predicandā inuitent. Eademq; de causa cum Deo loquens, con-  
 fessione atq; decore illum indurū esse ait; quod videlicet quæcun-  
 que eius opera spectaueris, ad confitendam & celebrandam eius  
 gloriam, decorē & pulchritudinem excitaberis. Quamuis autem  
 verē Dñs in cunctis operibus mirabilis sit; in Sanctis tamē suis  
 singulari quadam ratione mirabilior apparēt: quoniā in ceteris  
 quidē rebus eius præcipuē sapientia & patientia, in Sanctis verò  
 suis ornandis, & omni virtute cumulādis non ista solū, sed etiam  
 immensa eius bonitas & charitas elucet; quæ ipsum non modò  
 mirabilē, sed maximē etiam amabilē reddunt. Quā rem (vt alia  
 exempla prætereamus) in beatissimi Francisci vita, singularibus-  
 quæ priuilegiis cernere licet: quæ talia ac tanta sunt, vt ipsi quo-  
 que, quemadmodū Dño suo, Admirabilis nomen accommodari  
 meritò possit. De his igitur mirabilibus hodie dicturi, caelestem  
 opem, sacratissimæ Virginis interuētū, suppliciter imploremus.

A V E M A R I A.

Quamuis beatissimus Pater Franciscus omni genere virtutū  
 ita claruerit, vt si vnāquamque illarum sigillatim spectare ve-  
 lis, principatū inter omnes alias sibi vindicare videatur: certum  
 tamen est, charitatem in Deum inter eas omnes principem lo-  
 cum tenuisse; à qua ceteræ vim atque dignitatem suam sortitæ  
 sunt. Quocirca dignum profectò est, vt hoc ipso die (qui eius  
 laudibus consecratus est) vos omnes ad huius virtutis studium  
 eius



eius exemplo excitemus. Cum autem, sint multa atque innu-  
mera, quæ nos ad Dei nostræ dilectionem incitare possint (crea-  
tura quippe omnes ut se à Deo hominum gratia factas esse tes-  
tantur, ita homines ad eius laudem & amorem inuitant) eius  
tamen immensa bonitas à nobis hoc præcipue exigat: quæ quo  
maior est, hoc maiorem à nobis vim dilectionis requirit. Quia  
verò bonitatem hanc (quamdiu in hac vita degimus) nisi per  
magnifica eius opera agnoscere non valemus, aliqua nunc bo-  
nitatis eius opera vobis ante oculos ponam; quæ diligenter  
expensa, non mediocriter ad eius (ut puto) vos immensam bo-  
nitatem & agnoscendam & amandam inflammabunt.

Primum autem est opus creationis: in quo summus ille parens  
qui in seipso plenissime diues, & felix, & bonorum omnium  
compos est) nulla sua necessitate, sed sola bonitate hanc pulcher-  
rimum mundi machinam, & omnia quæ in ea sunt, tanta sapien-  
tia & providentia condidit, ut nullam mundo creatura adeo  
exigua sit (non formica, non musca, non araneus, non vermicu-  
lus) cui non omnia quæ vel ad vitam, vel ad vitæ iucunditatem  
pertinent, plenissime contulerit. Ea enim sapientia cunctarum  
animantium corpora & membra fabricatus est, eas omnibus  
propensiones & facultates ingeneravit, eas artes & vires contu-  
lit, quibus & suam, & filiorum suorum vitam tueri, & ab iniuria vin-  
dicare possent. Quanta ergo illa bonitas, quæ se per omnia dif-  
fundit; quæ omnia sempiterna providentia curat; quæ minima-  
rum etiam rerum vitam & salutem non negligit; sine cuius vo-  
luntate ne passerulus quidem in laqueum cadit: Quam multæ  
sunt igitur in cælo, terra, mari, atq; aëre creaturæ (sunt autē pe-  
nè infinitæ) tot sunt diuinæ bonitatis testes, tot voces, tot præ-  
cones, ac tot postremo ad eundem amandum stimuli & causæ.  
Hoc igitur primum diuinæ bonitatis opus & argumentum est.

Secundum verò, quod longè mirabilius diuinam bonitatem  
prædicat, altissimus finis est, cuius gratia hominē in hoc mundo  
condidit, nempe, ut suæ illum beatitudinis & felicitatis consor-  
tem efficeret. Quæ quidem dignitas etsi tanta sit, ut excepta di-  
uini Verbi cū humana natura mirabili coniunctione ne per di-  
uinam quidem sapientiam, aut potentiam, vlla maior aut con-  
stitui aut cogitari possit: solus enim Deus natura beatissimus est,  
ei soli sua conuenit beatitudo, qua seipso, hoc est infinito & vni-  
uersali bono (in quo sunt omnia bona) fruatur: ea tamē immentē  
eius bonitatis magnificentia fuit, ut noluerit solus his tantis opi-  
bus atque deliciis frui, sed socios sibi Angelos & homines adsci-  
verit, quibus quod sibi diuinitatis iure proprium erat, commu-  
nicaret. Hoc autem quid aliud fuit, quam homines Deos face-  
re, dum illis quod Dei proprium est, communicare voluit? Non

enim alia Dei, alia Angeli, alia hominis, sed vna eademque omnium beatitudo est, quæ in aperta immensa illius pulchritudinis contemplatione & amore consistit: quâuis plena eius pulchritudinis comprehensio soli Deo reservata sit. Hoc est autem quod

**Luc. 22.** Saluator noster significauit, cum Apostolis, eorumque sectatoribus mensæ suæ conuiuium pollicitus est. In eadē enim cum illo men-

**Dissimil.** sa, eademque alimonia cum illo reficiendi sunt. Et quidē in Regum mensis, in quibus multi conuina epulantur, singulare aliquod ferculum cæteris delicatius Regi exhibetur: at in hac celesti mensa commune superni Regis & conuiuarum omnium ferculum est. Omnes enim beatissimæ Trinitatis contemplatione pascuntur; omnes eadē pulchritudinis specie beantur. Quanta ergo illa bonitas, quæ vilissimos, humique repentes vermiculos ad altissimæ diuinitatis & felicitatis suæ consortium attollere dignata est! Hoc utcumque intelligi potest, verbis explicari non potest.

Tertium verò diuinæ bonitatis opus, Dominicæ incarnationis & passionis beneficium est: quod ideo Spiritui sancto tribuitur (cui bonitatis gloria adscribitur) quod videlicet hoc opus ab illo inexhausto diuinæ bonitatis fonte manarit. Diximus enim hominem à Deo ad suæ ipsius felicitatis consortium conditum fuisse. Ad hanc verò tantam gloriam idoneus mortalium nemo esse poterat, nisi qui diuinæ puritatis imaginem in vita & moribus referret; ut is videlicet per similitudinem bonitatis ad felicitatis similitudinem perueniret. Quia verò ad hanc similitudinem consequendā nihil nos magis quam incarnationis & passionis Dominicæ sacramentum iuuare poterat, ea propter vnigenitus Dei Filius carnem sumere, & crucis supplicium subire misericorditer voluit, ut hanc in nobis diuinæ bonitatis & similitudinis imaginem reformaret. Quantas autē bonitatis suæ opes in hoc beneficio ostenderit, ne omnes quidem hominum & Angelorum linguæ explicare possent. Quocirca quod inexplicabile atque ineffabile est, silentio magis, quam infimo sermone celebrandum est.

Veniamus ad quartū diuinæ bonitatis opus: quod quâuis hoc superiori sit inferius, plurimum tamē conuenit iustitio nostro. Id autem est, à Deo latæ legis sanctitas: quæ quoniam à diuino pectore processit, quid in eo lateret, ostendit. Ut enim aquæ saporem fontium, à quibus profuxere, referunt (vnde aliæ dulces, aliæ salæ, aliæ calidæ, aliæ frigidæ sunt) ita lex diuina, quæ à diuino pectore tamquā à fonte manauit, fontis sui naturā & ingenium (ut ita dixerim) representat. Eius verò legis pulchritudinē ac sanctitatē multis nominibus, multisque verbis regius Vates amplificat, cum ait: Lex Dñi immaculata conuertens animas: testimoniū Dñi fidele, sapientiam præstans paruulis, &c. quæ longum esset persequi. Hæc ergo tanta diuinæ legis equitas, sanctitas, pulchritudo,

**Simile.**

**Psal. 23.**

tudo, suauitas, in qua nihil non sanctū & iustum, nihil non humanæ saluti accommodatum, nihil non purum & integrū, nihil quod non diuinę bonitatis & charitatis odorē spiraret; non obscure quale pectus illud sit, à quo tanta puritas emanauit, ostendit.

Sed operæpretium erit videre, quemadmodum se legislator ipse cum his gerat, qui hanc eius legem vel studiosè seruant, vel nefariè violāt: hoc enim vel maximè nobis diuinę bonitatis naturam declarabit. Quo enim maioribus beneficiis legibus suis obsequentes, hoc est, bonos viros ornauerit, maioribusque suppliciis improbos affecerit, hoc maiora bonitatis suę documenta & exempla cōstituet. Ab eadem quippe bonitatis radice, & amorem erga bonos, & odiū erga malos proficisci certissimū est. Ad vtrumque autē explicandū, fateor me planè infantē & elinguem esse, neque verba inuenire, quibus vtrumque explicare valeam. Quamuis enim ex litteris sanctis constet, maiorē esse Dei magnificentiā in bonis viris præmiandis, quā seueritatē in malis puniendis (qui facit misericordiā in millia his qui ipsum diligunt, punit autem fontes ad tertiam & quartā vsque generationem) incredibile tamen dictū est, quomodo impios & impietates eorū execreretur, & qua seueritate in illos animaduerrat. Quod facile intelliget, quisquis sacras litteras ab ipso Genesim exordio (in quo primorū parentum trāsgressio & supplicium describitur) vsque ad Ioannis Apocalypsim, in qua nouissimæ impiorū plagę describuntur, attentius legerit. Quid hic Prophetarum scripta? quid legis maledicta in legis trāsgressores commemorem? in quibus tot terrores ac minæ, tot maledictiones & plagę proponuntur, vt ferreis etiam mentibus horrorem incutere possint. A quo autem fonte tot generis humani clades, tot fames & pestes, tot mortes & naufragia, tot prouinciārum & regnorum vastationes, tot parricidalia bella, & dirę hominum strages, nisi à diuini furoris ira & odio quo improbos prosequitur, emanarunt? Hęc igitur improborum supplicia quo magis diuinę iustitię seueritatē aduersus improbos declarāt, eo maiorē diuinę bonitatis significationē dant: quoniam (vt modò diximus) ab eadem bonitatis causa erga bonos amor, & odium erga malos nascitur. Vnde colligitur, eos qui in diuinorum iudiciorū contemplatione sapienter philosophari sciunt, non minùs ad diuinitatis amorem operibus iustitię erga improbos, quā misericordię beneficiis erga pios excitari, vt est à nobis alio in loco fusiùs declaratum.

I.

Sed quoniam diuinę bonitatis magnificentiā magis in bonorum præmiis, quā improborum suppliciis ostendi diximus, hanc in primis expendere incipiamus. Eius autem odorē quemdam percipiet, qui sanctorū vitas diligenter legerit, & in earum



lectione, non tam quid ipsi propter Deum fecerint, quam quid Deus in eorum gratiam & honorē patrauerit, studiosē animadu-uerterit. Sed quia ire per omnes Sanctorum vitas longissimum ac propē infinitū erit, vnum vobis Franciscum ante oculos ponam, & quibus eum Dñs priuilegijs & fauoribus ornauerit, aliqua saltem ex parte explicare contendam. Quisquis enim eius vitā (quam sanctissimus Bonauentura conscripsit) diligēter attenderit, inueniet planē pulcherrimum quoddā certamen inter Deum ipsumq; Franciscum intercessisse. Vir enim sanctus Dei voluntatē omnibus in rebus exequi nitebatur; Deus cōtrā sancti viri volūtati omnibus in rebus obsequebatur: ille abiectione sui, Dei gloriā fidelissimē querebat; Deus cōtrā serui sui honorē modis omnibus amplificabat: ille totus diuinæ voluntatis obedientiē traditus erat; cōtrā verò Deus creaturas omnes, atque adeo se ipsum obedientē illi exhibebat: ille omnia propter Deum reliquerat; at Deus omnia illi rursus centuplum aucta repēdebat. Hoc ita esse deprehendet quisquis (vt modò dixi) eius vitam & res ab eo gestas perlegerit: nihil enim in ea nō summū, nihil nō nouū & mirabile inueniet. Mirabilis eius paupertas, mirabilis humilitas, mirabilis abstinentia, mirabilis dolorū patientia, mirabilis obedientia, mirabilis simplicitas, mirabilis mundi contēptus, mirabile atq; indefessum orationis studiū. Quid verò eius charitatis ardor? quid martyrij sitis ex hac ipsa charitate progrediens? Quid Ordinis sui institutio? quid in solis splendore transfiguratio? quid Prophetiæ spiritus, quo absentium facta, & mentium secreta, & futura multa præuidit? quid prodigiorum atque signorum operatio? quid creaturarum obedientia? ac postremò (quod maximē mirabile est) quid gloriosa illa in eius corpore stigmatum Domini impressio? An non hæc omnia mirabilia, & supra communem hominum fidem posita sunt? Quocirca mirum non est, si Admirabilis nomen (vt initio diximus) illi quoque, quemadmodum Saluatori, suo modo conueniat.

Sed quoniam hæc omnia mirabilia exequi nimis longū esset, pauca quedam ex his vobis ante oculos ponā. Et quia pulcherrimum inter Deum atq; seruum suum certamen honoris & obedientiæ esse diximus; hoc quale fuerit, clarissima & insolita miracula, quæ in eius gratiam Dñs edidit, explicabunt. Sunt autem qui conciones de Sanctis in eorum festis habituri, prætermis-  
corum miraculis, sola virtutū exempla commemorarent, vt audito-  
res ad eorum imitationē accendāt. Est hoc quidem vehemen-  
ter vtile & salutare, nō tamen minor utilitas ex miraculorū nar-  
ratione percipitur. Vt enim virtutū exempla nos ad Sanctorum  
imitationē inducunt: ita miracula in eorū gratiam à Dño edita,  
ad eius nos amorē vehementer incendunt, si in illis diuinæ bo-  
nitatis,

nitatis, charitatis, & suauitatis erga Sanctos suos viscera inspicimus; quibus, quod sibi omnipotentiae & diuinitatis iure proprium est, non modo illis, sed (quod est mirabilius) eorum semicinctiis & sudariolis communicare dignatus est. Quod quid aliud fuit, quam homines quodammodo Deos facere? Hæc igitur miracula quo magis diuine bonitatis magnitudinem repræsentant, hoc maiores nobis ad eius amorem igniculos præbent. Verum ego in hoc sermone non solita & consueta miracula narrabo (hoc enim operis esset propemodum infiniti) sed ex illis quædam insolita, & verè miranda commemorabo, quæ magis diuinæ bonitatis & charitatis dulcedinem erga virum sanctum præferant, magisque vos ad eiusdem bonitatis amorem incendunt. Ab eius igitur in Demones imperio initium capiamus.

Aretina ciuitas intestino bello quassata, vicinum minabatur excidium, Dæmonibus ciues ad diram seditionem excitantibus. Tunc sanctus Pater fratrem Siluestrum, columbinæ simplicitatis virum, quasi præconem præmisit dicens, Vade ante portā ciuitatis, & in nomine Dei omnipotentis, Dæmonibus in virtute obedientiæ præcipe, vt exeant festinanter. Accelerat verus obediens, Patris iussū perfecturus, præoccupansq; in laudibus faciem Dñi, ante portasciuitatis cœpit magna voce clamare, In virtute Dei & serui eius Francisci procul hinc discedite Dæmones. Mira res! Redit ad pacem continuò ciuitas, & ciuilitatis in se iura ciues omnes cum magna tranquillitate reformarunt. Hac in re Dñm Saluatorem vir sanctus imitatus esse videtur, cuius virtutem & potestatem qua is in pellendis Dæmonibus utebatur, populus dimiratus ait; Quid nam est hoc? quænam doctrina hæc noua? quia in potestate spiritibus immundis imperat, & obediunt ei?

Marc. i.

Addam hic aliud non minus mirabile. Quemadmodum tota viri sancti vita continuum orationis studium erat, ita eius oculi continuo lachrymarum fluxu exuberantes grauem eorundem morbum atque adeò cæcitatem minabantur. Cumque medicus instaret ab eo peteret, vt parceret lachrymis, ne vidēdi facultatē amitteret: ille cōtrā, Non est, inquit, frater medice, ob amorē luminis quod habemus cōmune cum muscis, visitatio lucis æternæ vel ad modicū repellenda: quia non spiritus propter carnem, sed caro propter spiritum lucis beneficiū accepit. Cumq; & medici & fratres instarent, vt saltem adhibito ignis cauterio caligantibus oculis mederetur, libetèr annuit, quòd hoc carni molestū foret. Vocatus itaque venit chirurgus, & instrumentum ferreum igne candens admoventi corpori parat: at Christi seruus corpus iam horrore concussus confortans, sicut amicū cœpit ignē alloqui: Mi frater ignis, quem insigni decore atq; splendore ornauit Altissimus, esto mihi in hac hora benignus. Precor magnū Domi-

num qui te creauit, vt tuū mihi calorem tēperet, vt te vrentem suauiter valeam sustinere. Oratione finita, contra igne candens ferrum, signū crucis edidit, ac deinceps intrepidus perstitit. Infixum est altius in tenera carne crepitans ferrum, & ab aure vsq; ad supercilium protractū. Quantum verō irrogauerit ignis ille dolorē, vir sanctus expressit his verbis; Laudate (dicēs ad fratres) Altissimum, quia nec ignis ardorem sensi, nec carnis vllum dolorem. Quo autē affectu, qua deuotione vir sanctus Dñm suum pro hac paterna indulgentia laudauerit, quas illi gratias egerit, quis explicare valeat? Quòd si tres illi pueri in fornacem ignis coniecti, nec tamen læsi, vbi hanc tantā Dñi ergā se fidē & prouidentia experti fuēre, tanto eius amore, tantoq; laudandi eum ardore incēsi fuerūt, vt creaturas omnes, quotquot in cēlo, terra mariq; degunt, ad eius laudes celebrandascōuocarent: hoc enim affectu canere cōperūt: Benedicite omnia opera Domini Dño: laudate & superexaltate eum in secula, &c. quid, quāso, beatissimus pater Franciscus in animo suo versaret? quo igne dilectionis afluaret, cū idē beneficiū sibi impensum à Dño suo videret?

A. 12.

Fateor quidē, hæc mira fuisse diuinæ virtutis opera, sed tamen multis Sanctorum non insueta. Referam alia quæ in serui sui gratiam Dñs mirabili virtute operatus est. Quidam nactus sancti viri chordā, & eam aqua intingens, eandemq; aquam ægrotis bibendam porrigēs, omnis generis morbos sanabat: tantam Domino virtutem illi aque tribuente, quæ serui sui chordam tetigisset. Amplificat Lucas in Actis Apostolorum Pauli miracula his verbis: Virtutesq; non quassibet operabatur Deus per manus Pauli: ita vt super languidos deferrentur à corpore eius sudaria & semicinctia, & recedebant ab eis languores. Magnum hoc certē diuinæ bonitatis & charitatis erga fidelem seruum indicium; qui sic non ipsum modò, sed sudaria etiā quibus is narium sordes tergebat, hoc tanto honore afficeret. Verū hic ego aliquid video mirabilius. Non enim solam sancti viri chordam Dominus, sed aquam etiam quæ chordā tetigerat, hac tanta virtute donauit. Quanta ergo illa Dei bonitas & charitas? quantum illud Sanctos suos honorandi desiderium, quando illa etiam quæ eorum semicinctia tetigerunt, sic honorare dignatus est!

Adiungam his aliud mirabilius. In quadā Italiæ ciuitate pestis quædam grassabatur, quæ animantia cuncta deuastabat. Eius autē ciuitatis incolæ his malis afflicti ad Beatissimi Patris (cuius eximiam sanctitatem agnouerant) socios profecti, obnixē ab illis contenderunt, vt eis aquā qua vir sanctus manus atque pedes abluerat, sibi donarēt. Quod cū factū esset, animalia quæ vi morbi humi prostrata iacebant, huiusmodi aqua cōspersa, sana protinus surgebant, & ad pastum læta properabant. *Quis in hoc*



hoc opere non apertè videat, quanto honore summus ille puritatis amator sanctos suos glorificet, quando non modò semicinctiis eorum, sed aquæ etiam quæ pedum & manuum sordes exceperat, tantam vim conferre dignatus est, vt solo eius contactu salutem & incolumitatem animantibus præberet?

Referam aliud his etiã meo iudicio mirabilis Accidit vt sanctus Pater graui morbo laborans iumento veheretur: in eo verò oppido per quod is transierat, mulier quædã in partu ita periclitabatur, vt iam de vita eius desperaretur. Cùm autè iumentum illud eò reuocatum fuisset, ciues ex feno quo illud pascabatur, paululum assumentes, periclitantiq; femine apponentes, eam protinus ab instãti mortis periculo liberarunt. Quis miraculum huic simile vnquam audiuit, aut legit? quis non hic delicias Dñi, & plus quàm maternã erga suos indulgentiam & amorem non miretur? qui tantã vim rebus omnibus quæ ad sanctum virum quacunq; ratione pertinebãt, cõtulit, vt malis immedicabilibus mederentur? Et quidem fenum illud sancti viri corpus non attigerat; attigerat autè iumentum quo ille vehabatur; & hoc satis habuit naturæ conditor, vt supra omnes naturæ leges desperatã laboranti salutem redderet. Quis igitur hoc noui generis miraculo ad hanc tantam Dñi erga suos benignitatem & suauitatem non attonitus obstupescat? non illũ totis visceribus ardeat? non pro illo milles mori concupiscat? Quis præterea talibus exemplis fidem & veritatem promissionu Christi non agnoscat, qui relinquentibus omnia multo maiora donat? Quanto enim plus est quod Franciscus à Dño recepit, quàm quod propter ipsum reliquit? Reliquit hæreditatem paternam, pro qua accepit imperium & potestatem diuinam.

II.  
Sed iam ex hoc loco digressi, ad alia non minus equidè mirabilia, sed tamè multò magis suauia veniamus, quæq; non minus vobis diuinæ suauitatis atq; dulcedinis erga suos viscera pandãt. Neq; enim diuina pietas & indulgentia demones atque morbos omnes sancto viro obsequi voluit, sed mutas etiam animantes eiusdè imperio subiecit. Quamdiu primus generis humani parens in fide & obedientia Dei perstitit, cunctæ animantes eius voluntati obtemperabant. Quia igitur eò vir sanctus puritatis atque sanctitatis deuenerat, vt ad illũ prioris innocentie statum redditus esse quodammodo videretur, voluit etiã vt simili modo animantia cuncta ad nutum seruo suo obtemperarèt. Cuius rei nonnulla exempla, quæ grata vobis futura spero, referam; idq; eisdè ferè verbis, quibus ea sanctus Bonauentura, eiusdem vitæ scriptor, memorat: in quo non sermonis nitor, sed fides historię requirenda est. Ego verò dum singula hæc refero, nihil amplificabo; nihil sententiis & epiphonematis adiectis attollam,

392 IN FESTO B. PATRIS FRANCISCI  
ne si in his diutius fuero immoratus, sanctissimi Patris virtutibus referendis tempus desit.

Quodam tempore viro Dei fuit ouis oblata, quam propter innocentiam & simplicitatis amorem (quam ouis natura præfert) gratanter suscepit. Monebat pius vir ouiculam vt & laudibus diuinis intenderet, & ab omni fratrum offensione cauere. Ovis autem, quasi viri Dei pietatē aduerteret, eius institutionem sollicitē obseruabat. Nam audiens fratres in choro cantantes, & ipsa Ecclesiam ingrediens, vocemq; balatus emittens, flectebat genua ante altare Virginis matris Agni, ac si eam salutare gestiret. Insuper cum sacratissimum Christi corpus inter Missarum solennia eleuaretur, flexis curuabatur poplitibus, exemplo suo homines ad huius diuini Sacramenti reuerentiam inuitans.

Alio quoque tempore ambulans cum fratre quodam per paludes Venetiarum, inuenit maximā auium multitudinē, residentium & cantantium in virgultis. Quibus visis dixit ad socium: Sorores nostræ aues laudāt creatorem suum: nos itaque in medium ipsarum euntes, laudes & horas canonicas Dño decantemus. Cumq; in medium ipsarum ingressi essent, aues loco motæ non sunt. Et quia propter garritum ipsarum in dicendis horis se mutuò audire non poterant, conuersus ad eas vir sanctus dixit: Sorores aues, à cantu cessate, donec laudes Deo debitas persoluamus. At illæ continuò tacuerunt, tamdiu in silentio persistentes, quamdiu diuinæ laudes persolutæ sunt. Quo officio peracto, à viro Dei pristinam canendi facultatem receperunt.

Apud sanctam Mariam de Portiuncula iuxta cellam viri Dei super ficum cicada residens & decantans, cum seruum Dñi (qui etiam in paruis rebus creatoris magnificentiam admirari didicerat) ad diuinas laudes cantu suo frequentius excitaret, ab eodem quadam die vocata, velut edocta cælitus, super eius manum volauit. Cui cum dixisset, Canta soror mea cicada, & Dñm creatorem tuo iubilo lauda; sine mora obediēscanere cœpit, nec destitit, donec iussu Patris ad locū proprium reuolauit. Mansit autē diebus octo ibidē, singulis diebus veniens, canēs & recedēs, eiusq; iussa perficiens. Tandem vir Dei ait ad socios: Concedamus iā sorori nostræ cicadæ recedendi facultatē: satis enim nos cantu suo latificās ad laudes Dei octo diebus excitauit: statimq; recessit.

Accipiter præterea ibidem nidificans magno illi se amicitiaē fœdere copulauit. Nam semper horam in qua vir sanctus ad diuina officia noctu surgere solitus erat, cantu suo præueniebat. Quod Dei famulo gratissimum erat: eo quod tanta sollicitudo, quam circa eum auis illa gerebat, omnem ab ipso torporem desidia excuteret. Cum verò seruus Christi infirmitate plus solito grauaretur, parcebat accipiter, nec tam antelucanas indicebat vigilas.

vigilias. Siquidem velut instructus à Deo, circa diluculum voce sua virum sanctum excitabat.

Neque verò illud silentio prætereundū est; quòd cū ille vir sanctus in castro Aluiano astante populo concionari cœpisset, hirundines, quæ ibidē nidificabant, garritu suo loquentis vocem intercipiebant. Quibus vir Dei omnibus audientibus, silentium indixit his verbis: Sorores meæ hirundines, iam tempus est vt loquar & ego, quia vos hætenus locutę estis. Audite ergo verbū Dei, & silete. Mira res! Illæ protinus tamquam rationis compotes subito tacuerunt; nec fuerūt loco motę, donec sermo finitus est. Omnes igitur qui hoc viderunt, stupore repleti, glorificauerunt Deum. Huius autem miraculi fama vbique diffusa, multos ad sancti viri reuerentiā, & fidei deuotionē accendit. In ciuitate namque Parisiensi scholasticus quidam bonæ indolis, studio diligenter intentus, dum importuna garrulitate cuiusdam infestaretur hirundinis, dicere cœpit ad socios; Hæc hirundo vna ex illis est quæ virum Dei Franciscum prædicantem garritu suo impediēbat: & conuersus ad hirundinem, fiducia plenus ait; In nomine serui Dei Francisci præcipio tibi, vt ad me veniens continuo cōticescas. At illa, Francisci audito nomine, quasi viri disciplinis edocta & statim conticuit, & ipsius manibus tanquam tutæ custodiæ se commisit. Stupefactus adolescens ille, statim eam libertati restituit, eiusque garritum amplius non audiuit.

Hæc sanè auium obedientia fuit. Quid verò illud, quòd non modò animantia, sed quæ erant etiam inanima, voluntati serui Dei obtemperabant? Cū enim is Caietæ prædicaret in littore maris, turbis præ deuotione ruentibus vt eum contingerent, horrens Christi seruus tantum populorum applausum, in vnā hærentem littori nauculam profluiuit solus. Illa verò sine alię quo motore aut remige, cernentibus & mirantibus cunctis, se longius à terra protraxit: ibidemque stetit inter fluctus immobilis: finitaque concione, ac dimissa turba, ad eundem protinus locum sine vilo ductore rediit. Quis igitur tam obstinatæ mentis esset, vt prædicationem Francisci contemneret, cuius virtute fiebat, vt non solum carentia ratione disciplinam susceperent, verum etiam inanimata corpora tanquam animata prædicanti seruirent? Hætenus Bonauentura.

Quid igitur inter hæc omnia, fratres, non nouum, non insolitum, non mirabile, quodq; diuinæ pietatis & suauitatis erga suos viscera nō declarat? Omnia certè noua, omnia mirabilia; omnia diuinæ bonitatis & charitatis magnitudinem referentia. Miror volucres celi sancto viro obsequentes: miror cicadam ad diuinas laudes conuenientē: miror religiosam illā ouiculā, quæ cantantibus fratribus non modo balatu suo cōcinebat, sed genua etiam



ante sacratissimæ Virginis altare & sacrâ Eucharistiâ flectebat. Sed multò magis adhuc accipitis illius prudentiam miror, qui quo tēpore vir sanctus ægrotabat, non vt antea media nocte, sed in aurora illū ad diuinas laudes excitabat. Qualis ergo illa Dei pieras, quæ sic serui sui labori parcebat, quæ somni tempus intercipi hoc tam nouo miraculo non sinebat? Quid amplius, quæso, pia & officiosa mater filio graui morbo laboranti factura fuisset?

Vidistis igitur, fratres, omnium penè creaturarum, & rerum etiam anima carentium obedientiam; quæ obedienti Dei seruo ad nutum obtemperabant. Iam ergo sola Angelorum obsequia illi deesse videbantur, quæ tamen minimè defuerunt: vsque adeò obedientiæ amator Dominus hanc in seruo suo virtutem honorare voluit, vt sequenti exemplo intelligi poterit. Cum quodam tempore vir sanctus multis iisdemq; grauissimis morbis laboraret, oprabat aliqua suauis modulatione iacentis spiritus alacritatem excitare. Cumq; id humano ministerio fieri non posset (mirabilis planè & inaudita res) adfuit Angelorum obsequium, quod pio sancti viri voto satisfaceret. Noctē enim, vigilante ipso, atque diuina in sacro pectore versante, insonuit cithara quædam mirabilis harmoniæ. Nihil oculis cernebatur, sed auditus indicio citharædi transitus huc & illuc iens & rediens agnoscebat. Cuius dulcisono carmine tanta in viri sancti pectore suauitas excitata est, vt in aliud se seculum putaret transiisse. Quis hic non exclamet? quis hanc tantam diuinæ suauitatis & bonitatis dulcedinē non attonitus obstupescat? quis in hoc opere plenissima suauitatis Dei viscera erga suos non miretur? quis miraculi huius insolita nouitate, diuinæ bonitatis & charitatis magnitudinem non agnoscat, quæ bonos ac fideles seruos suos sic reficit, sic letificat, sic pii eorum votis obsequitur? Hac enim ratione Dominus non modò saluti, aut inopiæ, aut periculis seruorum suorum, sed etiam deliciis consultit. Iam verò quis sancti viri sensum, quis charitatis ardorem, quis cordis iubilum explicare valeat, cum hoc argumento ineffabilem Dei bonitatem, charitatem & suauitatem erga se intelligeret: qui sic eius votis ac desiderijs angelico ministerio satisfecerit? Quid ab eo non expectaret, qui hac etiam in re (quæ non tam necessitati quàm voluprati seruebat) sic providentem cerneret?

Quo etiam argumento sancti viri supereminentem excellentiam animaduertere licet. Alij enim Sancti inter magna Dei munera computabant, quòd quidquid ab eo petissent, facile impetrassent. At in hoc sancto viro sæpe Dñs nequaquam vt is aliquid ab eo postularet, expectabat, sed votis etiam atque desiderijs eius citra orationis officium annuebat. Itaque desiderium illius pro oratione erat, vt fidelis inueniretur qui dixit: Deside-

rium pauperum exaudivit Dominus. Et iterum; Et erit antequam clament ad me, ait Dominus, exaudiam eos.

Esai 65

## III.

Hæc sunt, fratres, quæ supra alia omnia magnâ mihi tum admirationis materiam, tum diuinæ bonitatis significationē præbent. Nam quod ignis vim suæ virtutis oblitus fuerit, ne vir sanctus acerbè cruciaretur, saluti & incolumitati serui sui Dñs clementi pietate providebat. At in his quæ modò retuli, miraculis, non saluti, sed iucunditati; nō incolumitati, sed suauitati; non necessitati, sed deliciis prouisum est: vt vir sanctus tot inspectis miraculis, mirabilè erga se Dñi indulgentiâ atq; suauitatē contemplan, totus in eius amorem exardesceret. Hoc autem quale sit, proposita hac similitudine explicare contendâ. Quemadmodum sponsus peregrè profectus, ad spōsam, quam habet charissimam, varia dona & xenia atq; monilia mittit, quo & suū erga illam amorem & illius erga se dilectionē incendat: ita summus ille innocentie & puritatis amator, qui hanc sancti viri animâ, quam is virtutū omnium ornamentis decorauerat, sibi in dilectissimam sponsam elegerat, non quidem aureis monilibus, sed clarissimis miraculis, quæ in illius gratiam & spiritualem iucunditatem edebat, & suas in illam charitatis delicias ostendebat, & illius erga se dilectionē vehemētissimè inflāmabat. Quam rem vel hoc vno exemplo demonstrabo. Cum viro sancto auis quēdā fluuiatilis oblata esset, isq;ue alacriter susceptâ passis manibus ad volandū inuitaret, eaq; ab eius sinu discedere nollet; hac paternæ Dei erga se indulgentia in tantę bonitatis amorē raptus, post longæ horæ spatiū velut aliunde rediens, dulci: eriterū auiculæ mandauit, vt Deū laudatura recederet. Quod illa protinus fecit. Quo igitur admirationis & amoris igne sancti viri anima in hoc opere affecta fuit, eodem utiq; in similibus miraculis incensam fuisse certissimū est. Qualis igitur ea charitas erat, quæ tot miraculis in gratiam sancti viri editis, tam magna passim incrementa capiebat! Nos sola externa miracula cernimus, & narramus: ceterū à quanta Dei erga seruū suum charitate proficisceretur, quantumq; rursus charitatis incendiū in anima viri sancti excitaret, neq; videmus, neque vllis verbis explicare possumus.

Simile.

Recensui, fratres, mirabiles huius sancti viri virtutes, in quibus omnibus verè mirabilis exstitit. Sed ergo iā mirari desino, quid quid esse mirabile dixi, cū primâ tot mirabilū causam cōsidero. Quis enim, queso, nostrū, si tot circa se diuina miracula, tot diuinę dilectionis argumēta, tot amoris incitāmēta, tot diuina beneficia, tot immēse illius bonitatis exēpla, ac postremò hæc tantā auīū, pecorū, demonū, ac deniq; omnū ferè creaturarū obedientiā cerneret, nō tot' præ amoris diuini magnitudine liqueficeret?

non

non attonitus tantæ bonitatis magnitudine obstupesceret? non totus præ lætitiæ magnitudine exiluet? non millies in ecclasiis raperetur? Quam rem ipsius beatissimi Patris sententia confirmare licet: qui quemuis etiam latronē, eadem, quæ ipse faciebat, facturum prædicabat, si eadem gratia, eisdemq; diuinis beneficiis atque fauoribus à Dño affectus fuisset. Itaque non ego iam Franciscum, sed Francisci Dominum in Sanctis suis mirabilem prædico. Miror immensam huius Domini bonitatē, miror charitatem, miror benignitatem, miror ineffabilem erga suos dulcedinem & suauitatem, miror plus quam maternam erga suos indulgentiam, & agnosco verum esse quod idem per Salomonem ait, delicias suas esse cum filiis hominum. Rectē ergo cælestis ille citharædus mirabilem Deum esse ait in Sanctis suis. Non tam igitureos esse mirabiles, quam ipsum in eis esse mirabilem prædicat: qui tanta dignatione & pietate & suam erga illos dilectionem ostendit, & eorum erga se excitat & incendit.

Prou. 3.

Nondum ramen hic omnium diuinorum beneficiorum atq; mirabilium finis. Superest aliud maximè mirabile: nēpe Ordinis institutio, qui à sancto viro initium duxit. Nostis enim quātam dignitatis & gloriæ beatissimi huius Patris Ordo in Ecclesia obtineat, in quo tot insignes viri floruerūt, tot Episcopi, tot Cardinales, & Pontifices maximi, tot clarissimi Doctores & Cōcionatores, & (quod est multò maius) tot inuicti Martyres, tot sanctissimi Cōfessores, tot purissimæ Virgines. Nec vobis etiā mira eiusdē Ordinis per vniuersum terrarū orbē dilatio incognita est, quæ monachorū, monasteriorum, & prouinciarū numero & multitudine lōgissimo interuallo omnes alios Ordines superat. Si igitur hunc Ordinē D. Aug. aut Hieron. aut magnus ille Basilii (qui nō modò sanctitatis opinione, sed clarissima etiam omniū disciplinarū doctrina celeberrimi habebantur) instituere voluissent, non perinde mirū esset; sed quod Petri Bernardonis filius, sine eruditione, sine litteris (qui totā adolescentiā in mercatura negotiis modò has modò illas nūdinas frequētās exercuerat, quiq; ad extremū ad tantā se inopiā redegerat, vt vilissima tunica indutus, ostiatim vulgariū mendicorū more frustra panis peteret, quibus vitā sustentaret) hanc tantā rem animo agitarit, vt noui ac celeberrimi Ordinis institutor & auctor, nouusq; Patriarcha existeret; & non Augustini, aut Basilij, aut Benedicti regulā, sub qua militaret, elegerit, sed ipse per se nouā viuēdi regulā condiderit, & à Pontifice maximo eius approbationē pauperculus & seminudus impetrarit, resq; adeò feliciter cesserit, vt breuissimo tēporis spatio eius Ordo sanctitatis opinione & fratrū numero sic dilatus fuerit, vt viuente etiam ipso quing. millia fratrū in primis eiusdē Ordinis comitiis conuenerint, quis non miretur?

quis



quis non obstupescat? quis non digitū Dei hic intercessisse cognoscat? Quis non mirabilē Deum in Sanctis suis clamet? Neque enim Franciscum eo tēpore sic aestimare debetis, vt modō facitis, quando eius gloria per vniuersum terrarum orbē celebratur, quādo tot immortalī Deo eius nomine tēpla cōsecrata sunt, totque altaria eius imagine sacrifq; stigmatibus fulgēt: sed qualem indicaretis, cū illā abiectissimi atq; vilissimi hominis speciē præserebat, quiq; atatem omnē in taberna patris positus, mercaturę operam dederat. Si quis igitur eo tēpore hunc eius animum atq; propositū noui in Ecclesia Ordinis instruedi intellexisset, an non is pleno cachinno hoc eius propositum excepisset? non irrisisset? & stultitię atq; amentię illum condemnasset? Quis igitur hic Deum in Sanctis suis mirabilem non agnoscat, quos ex infima mundi fece ad tantam dignitatis gloriam in Ecclesia sua extulit; suscitans à terra inopem, & de stercore erigens pauperem, vt sedeat cum principibus, & solum glorię teneat?

Psal. 113

Quis igitur, fratres, (vt finē principio iungamus) adeo obtusi cordis erit, qui tot exemplis & argumentis ineffabilē Dei nostri bonitatem clara luce non videat, quę tot modis viros bonos honorat, tot afficit beneficiis, tot miraculis illustrat, tot deliciis recreat, tantā erga illos indulgentiā, & amoris plus quā materni (vt ita dixerim) teneritudinē ostendit? Quis igitur est, qui dum hæc ipsa considerat, in tantę bonitatis & charitatis amorē non rapiatur? quomodo nō totus amoris erga illum igne incenditur? quomodo se ab huius flagrantissimi solis calore abscondit? quid amat, qui hanc tantā bonitatem nō amat? Cuius rei amore capitur, qui huius tantę pulchritudinis amore nō capitur? Quis non se iam felicem arbitretur, cui in promptu sit ad talis Dñi amicitia posse venire? quis seruire illi recuset, qui tā magnificis premiis nō solum in futura, sed in præsenti etiam vita obsequia sibi exhibita persoluit? quis non in ratione dati & accepti cum eo velit agere, à quo tam magna lucra reportare valeat? quis nō in ea terra sementē facere, velit, quę tam amplos ex se fundit proveniunt? Si igitur (vt initio diximus) nihil nos magis ad amorem Dei nostri, quā immēsa bonitatis eius pulchritudo in oculis & aspectu proposita excitare debet; hæc autē tot clarissimis argumentis & indicis declaratā cernimus: quid superest, nisi vt tātorum mirabiliū & gratiarū auctorē totis visceribus diligamus, totis præcordiis illi omnibus in rebus obsequi studeamus, illū semper ante oculos habeamus, illū dies noctesq; cogitemus, illius nos totos obsequio mancipemus, in illū semper intenti & suspensi simus, pro illo milles, si ita opus fuerit, mori cupiamus: vt cuius modō bonitatem per magnifica eius opera cōtemplamur in via, eandem tandē reuelata facie perpetuò videre mereamur in patria.

I N

## IN FESTO BB. APOSTOLORVM

SIMONIS ET IVDÆ, CONCIO PRIMA,  
in qua lectio Euangelica explanatur.THEMA. *Hec mando vobis, vt diligatis inuicem, sicut dilexi vos. Ioan. 15.*

- INTER omnes humanę vitę errorēs, fratres charissimi, non postremus ille mihi esse videtur, quod pleriq; hominū diuina ex humanis estimare solent, Deumq; ex se ipsis moribusq; suis metiri. Hunc autem errorem Dñs prophetica voce ab illorum mentibus eximendū curauit, cū dixit: Non enim cogitationes meę, cogitationes vestrę, nec vię meę vię vestrę, dicit Dñs. Quia sicut exaltantur cęli a terra, sic exaltatę sunt vię meę a viis vestris, & cogitationes meę a cogitationibus vestris. Subiiciamus huius rei aliquot exempla. Multi homines vbi iniurię affecti fuerint, difficiles sese admodum ad ignoscendū prębent: vnde videmus passim vetustissima atque penę aterna odia apud multos durare. Non desunt autę, qui Deum ex moribus & ingenio suo metientes, hoc eodem modo penę inexorabilē ipsū credant. Certę Nouatiani (qui secundā pœnitentiā negabāt) talem eū esse credebāt. Credebat & crudelis ille fratricida Cain, qui dicere ausus est, Maior est iniquitas mea, quā vt veniā merear. At hoc vsq; adeo a diuinis moribus abhorret, vt is per Prophetam dicat; In quacunq; hora impius conuersus fuerit ab impietate sua, amplius non recordabor scelerū eius. Desiste ergo tu verē & ex animo per lamenta pœnitentię a sceleribus tuis, desisteq; verē Dñs ab ira & vindicta furoris sui. Homines etiā moleste ferunt, si quis aliquid ab eis importunis precibus efflagitet: quę nobis causa esse solet, vt importunas mendicorū voces moleste feramus. Nō deerunt autę fortasse qui hoc ingenio Deum esse arbitrentur: ceterū tantū abest vt hac importunitate diuina pietas offendatur, vt hoc officium non ad tempus, non statis horis atque diebus, sed sine vlla intermissione a nobis fieri moueat, cū ait: Oporter semper orare, & non deficere. Et iterum:
- Lucę 18.** Vigilate itaq; omni tempore orantes. Homines pręterea benē instituti, noua beneficia petere recusant, a quibus multa iā antea perceperūt. At viri sancti hanc pręcipuę causam noua a Deo munera petēdi putāt, quod multa iam antē perceperint. Quem enim benignum & misericordem frequenter experti sunt, sui quoque similem perpetuō futurum sperant. Quod quia Asa rex Iuda facere noluit, grauitę a Dño, misso ad hoc Propheta, obiur-

obiurgatus est. Cum enim insignem illi Dñs victoriam aduersus innumerabiles Aethiopum legiones contulisset, vbi post aliquot dies à Rege Israël bello lacessitus fuit, non ad opem Dñi, sed ad Regis Syriae auxilia confugit. Quod eius consilium Dñs non modo Prophetæ verbis, sed grauissimo etiam pedum morbo castigauit. At longè aliter sanctus Patriarcha Iacob, qui cum ab Esau fratre liberari à Dño peteret, vetera beneficia commemorans ait: Domine, minor sum cunctis miserationibus tuis, & veritate tua, quam explesti seruo tuo. In baculo meo transiui Iordanem istum, & nunc cum duabus turmis tuo beneficio regredior. Erue me de manu fratris mei, quia valde eum timeo. Gen. 30.

Sed vt ad lectionem sancti Euangelij propius accedamus; homines qui familiaræ & seruorum obsequio indigent, seruitium ab illis quidem exigunt, sed seruitij mercedem eisdem pollicentur. Itaque beneficium dando accipiunt, dum ab illis famulatû percipientes, debitum pro eo stipendium reddūt. Non deerunt autem multi, qui (vt antè dixi) ex humanis diuina iudicantes, pietatis & religionis cultum humanæ seruituti similem faciant: vt videlicet Deus obsequio & seruitio nostro ad nominis sui gloriam indigens, æternæ vitæ mercedē pro impenso sibi famulatu largiatur. Quod qui putant, maximo sanè & perniciosissimo errore tenentur. Neq; enim is ad gloriæ suæ cumulum obsequio nostro indiget, qui ante omnia sæcula plenissimè in se ipse gloriosus & beatus fuit. Cur igitur tanta à nobis seueritate mandatorum suorum obedientiam exigit? Non ob id certè, quòd is humano more famulatu & obsequio nostro egeat, sed quòd hæc ipsa obedientia ad salutem & incolumitatem nostram maximè pertineat. Quod quidem ex mandatorum eius ratione cernere facile est: quorum maxima portio ad humanæ vitæ tutelam spectat. Sicut enim is nulla indigentia aut necessitate, sed sola bonitate inductus (vt Plato quoque sensit) mundû condidit, & hominem in mundo, cui seruiret mundus: ita sola bonitate leges hominibus dedit, quæ ad eorum ipsorum salutem, pacem, & incolumitatem pertinent, quibus latae sunt: hoc enim apertè illa eius verba indicant, quibus ad Moysen de filiis Israël ait: Simile. Plato. Quis det eos talem habere mentē, vt timeant me? Deut. 6. Quamobrem quæso, Domine, vt bene sit, inquit, eis, & filiis eoru post eos. Itaque sibi nihil de eorum obsequio sumit, totum laboris fructum in eos refundit. Addam hîc aliud mirabilius, quod quæ magis diuinæ bonitatis largitatem conspicuam nobis efficit. Quid illud est? Hoc certè, quòd ad hunc ipsum obedientiæ laborem ipse nos gratiæ suæ beneficio adiunat, & ita adiunat, vt maior pars operis nostri eius donû sit, adeò vt ipsa bona opera nostra, ipsius magis quam nostra dici debeant. Itaque electorû omnium illa vox est: Omnia



Omnia opera nostra operatus es in nobis Dñe. Quanta ergo illa bonitas, quæ pro labore atque studio, quod non sibi, sed tibi expedit, ad quod etiam ipse te Spiritus sui virtute adiuuat, æternæ vitæ præmium pollicetur? Quam rem si homines penitus cognitam & exploratâ haberent, partim ad amorem tantæ bonitatis excitarentur (quæ plus quàm paterna charitate, pro exhibitio legis beneficio, quasi pro impenso sibi obsequio, præmium promittit) partim etiam ad ipsarum legum custodiam vehementius incitarentur: quando in earum obseruatione non quidem rem alienâ, sed suam agerent, sibiq; tunc maximè diuina mandata exequendo prospicerent. Cum enim homines adeo commoditatum suarum auidi sint, vt per omnes sepè flammæ ad lucra sua captanda irrumpant, quid non facerent, si diuinarum legum obedientiam tam magna eis lucra, non ad animâ solum, sed ad corpus etiam; nec ad vitam modò futuram, sed ad præsentem quoq; adferre intelligerent? Hoc est igitur quod Saluator in hodierna sancti Euangelij lectione docere nos noluit, cum ait:

*Hoc mando vobis, vt diligatis inuicem.* Quid hac lege commodius

ad humanam vitam in pace degendâ proponi potuit? Hoc enim

vno dilectionis præcepto Dñs & omnem iniuriam prohibuit, &

omnia benignitatis officia complexus est. Amor namque donorum omnium & primum & maximum, & omnium aliorum

causa est. Vnde cum naturæ conditor Deus liberos à parentibus

educari, & beneficiis omnibus affici veller, mirâ erga illos charitatem mentibus eorum ingenerauit: hac enim vigente, cætera

omnia beneficia facillè consecutura intelligebat. Cum ergo toties Dñs hoc nobis charitatis præceptum commendat, omnia

simul benignitatis & misericordiæ officia in omnes homines

commendauit. Hac autem lege quid humanæ vitæ commodius?

quid salutaris? Sicut ergo leges ciuiles (quas Philosophi Deorum inuentum esse dixerunt) nihil aliud quàm hominû salutem,

pacem, & incolumitatem intuentur (vt videlicet homines sine iniuria in honesto otio & tranquillitate viuant) ita etiâ ac multo

magis diuinæ leges hoc ipsum omni ratione curât. Non enim manum solum, vt humanæ leges, sed animum quoq; ab iniuria

& voluntate nocendi prohibent. Sed illæ tamen leges hoc beneficio contentæ nihil amplius addunt. At summus ille legislator

Dñs, æternæ quoq; vitæ mercedem legum suarum cultoribus promittit, beneficio pro beneficio, & gratiam pro singulari gratia

rependens. Quæ bonitate & charitate quid, quæso, cogitari mirabilius potest? Neq; præmijs tantû magnificentissimis, sed acerbissimis etiâ pœnis infligendis ad huiusmodi legum custodiam humanas mentes inducit. Itaq; si damnatorum pœnas, & damnationis causas excutere velis (hoc est, cur tam acerbis in gehenna

sup-

Simile.

Simile.

suppliciiis improbi plectantur) deprehendens planè, aliū ibi torqueri, quia alienæ vxoris pudicitiam violauit; alium, quia honestæ virgini per vim stuprum intulit; alium, quia res alienas diripuit; alium, quia contra ius fasque iniquam tibi litem intendit; alium, quia iudex cū esset, iniustam contra te sententiam tulit; alium, quia falsum contra te testimonium commentus est; alium, quia contumeliis, iniuriis, fraudibus & insidiis salutem & honorem tuum petiuit; alium, quia pauperes & tennes homines per vim & potentiam oppressit. Horum enim scelerum auctoribus locum illum suppliciorum, refertissimum esse constat. Vtroque igitur modo Dominus & pœnarum acerbitate, & præmiorum magnitudine ad legum suarum obseruationem homines adducit. Legum autem eius compendium his verbis, quæ audistis, continetur: *Hæc mando vobis, vt diligatis inuicem*. Itaque cū ipsi nos ipsos illo iubente diligimus, illum vtique diligimus; & cū dilectionis officia in alios conferimus, tunc illum officiis prosequimur, & legem eius implemus. An non ipse hoc idem per Prophetam testatus est? quid enim aliud illa eius verba significant; In loquela enim labij, & in lingua loquetur populo huic cui dixit, *Hæc requies mea, reficite lassum, & hoc* Esaiæ 28.  
 meum refrigerium? Prænuntiat autem hoc in loco Dominus Apostolorum prædicationem, ad quam variæ illis linguæ donatæ sunt, qui tamen concordî sententiâ eandem hominibus doctrinam prædicabant. Eius verò doctrinæ summa erat; *Hæc requies mea, reficite lassum, & hoc meum refrigerium*: quæ quidem lege atque doctrinâ propensa Domini voluntas ad omnes homines omni ratione iuuandos apertè insinuat. Quo in loco vehementer illa Domini verba notanda sunt; *Hoc est meum refrigerium*. Perinde enim atque ipse nostris angustiis & miseriis premeretur, ita suum esse refrigerium ait, afflictos & inopes consolari; ideoque beneficium in se collatum reputat, quidquid in miseros homines fuerit impensum. Hoc præterea inter summa sacrificia, sibi quæ gratissima computat. Enumeratis enim pecudum omnium sacrificijs, eisdem quæ repudiatis, hoc tandem sibi velut omnium suauissimum offerri postulat; Inuoca me in die tribulationis, eruam te, & honorificabis me. Quid autem optabilius accidere homini poterat, quàm ab imminentibus periculis (quæ nos vndique circumstant) liberari? Hoc igitur quod nobis maximè salutare est, illi quoque sacrificium gratissimum est. Quam rem Dominus, Phariseorum calumniam retundens, euidenti scripturæ testimonio confirmauit. Psal. 49.  
 Cū enim illi Dominum accusarent, quod peccatores reciperet, & cum illis manducaret ac biberet, ille eos ad scripturæ auctoritatem remisit, dicens; *Ite, discite quid est, Misericordiam* Matth. 9.  
Osce 6.  
*Tom. 6. cc volo,*

Obiectio.

volo & non sacrificium. Quid ais Domine? an non præstantius est sacrificium quod Deo offertur, quam misericordia qua hominibus exhibetur: præsertim cum sacrificium religionis opus sit, quæ inter morales virtutes præstantissima habetur? Est ita planè; nec Dominus hoc in loco sacrificiorum maiestati derogat, sed nudum tamen sacrificium repellit, cum misericordia & benignitate destitutum est. Hoc enim non verum sacrificium, sed sacrificij simulachrum magis existimandum est. Verum namque sacrificium à Spiritu Domini profectum, eiusdem Spiritus gratiam in animo auget, à qua profectum est. Eiusdem autem Spiritus communio, eosdem affectus, idemque vitæ genus in animo habentis ingenerat. Talis autem affectus nec peccatores respicere volentes contemnit (quod Pharisei faciebant) & omnes homines officiis, charitate, misericordia, & omni ratione iuuare studet; quod diuinæ benignitatis proprium est. Hunc enim animum, hos mores ex diuina communione & familiaritate in se transfundit, quisquis familiariter cum Deo versatur. Quam rem Moyses exemplo comprobare licet. Quoties enim Israeliticus populus ab Aegypto egressus imperium Domini per summum scelus contempsit! quoties eius iram provocauit! quoties ab eo propter assidua & quotidiana scelera diuis

Plal. 94.

Num. 21.

Exod 31.

plagis attritus fuit! Quadraginta, inquit, annis proximus fui generationi huic, & dixi, Semper hi errant corde. Quorum sceleribus & flagitiis ipse quoque Moyses, qui eorum ductor erat, sic offensus fuit (præsertim cum ab eo carnes in illa solitudine penerunt) ut animi sui maiorem & consternationem his verbis apud Dominum testatus sit: Cur affixisti seruum tuum? cur non inuenio gratiam coram te? Et cur imposuisti pondus hoc vniuersi populi super me? Numquid ego concepi aut genui multitudinem hanc tantam, ut dicas mihi, Porta eos in sinu tuo, sicut portare solet nutrix in fantulū? Animaduertite quæso, fratres, quo affectu Dominus, quibus charitatis visceribus incredulum & rebellem populum tractari volebat, à quo toties violatus & offensus fuerat. Hic enim animus, hoc pectus, hoc ingenium illius beatissimæ mentis est. Quem etiam animum idem Moyses (qui tam familiari Dei contuetudine utebatur) se induisse multis in locis ostendit. Cum enim Dominus propter nefarium illud conflatum vituli scelus præuicatorum populum funditus perdere vellet, Moyse verò principatum longè maiorem & præstantiorē polliceretur; sanctus vir post quadraginta dierum ieiunium, totidem rursus dierum spatio prostratus coram Domino iacuit, suppliciter illum deprecās, ut vel populi sui peccato veniam daret, vel se de libro suo deleteret: se enim nullo modo pati posse ruente populo superfluum relinqui, nec illi iucundum aliquid in communi populi



populi vastitate accidere posse. Talia enim vir sanctus charitatis viscera ex consortio sermonis Domini induerat. Hinc D Chryso-  
 soft. sanctos illos Anachoritas; qui turbis vrbium, & humanā  
 consuetudine relicta, in solitudine vitam perducebant, non ideo  
 agrestes & inhumanos extitisse ait, quod ab hominum cœtu se-  
 creti viuerent; immo verò, quo magis diuina consuetudine fruc-  
 abantur, hoc magis diuinam benignitatem & charitatem in ho-  
 mines, quos ipse condidit, & summa charitate prosequitur, imi-  
 tabantur. De iisdem etiam Gregor. Theolog. ait, quod in media  
 hominum luce versantes, solitaria vitæ rationem seruarent, &  
 in solitudine agentes, charitatis humanitatisque officia studio-  
 sissimè tuerentur.

Chrysof.

Gregor.  
Theolog.

Ceterum vt ad diuinæ legis rationem redeamus; quemad-  
 modum ea diuinæ charitatis & benignitatis imaginem nobis  
 repræsentat; ita humanæ malitiæ præuitatem & cecitatem ocu-  
 lis nostris ingerit, qui nec talem legislatorem amore comple-  
 ctimur, qui nobis gratiam pro gratia largitur, dum pro latæ legis  
 beneficio, cælestis hæreditatis beneficium promittit: insuper &  
 legem eius, qua parte nostris commodis per dilectionis manda-  
 tum consulit, ceu grauem & difficilem ita accusamus, vt multi-  
 cum ad illam adiguntur ( præsertim qui cum pr- ximis inimici-  
 tias fouent ) ad illam tanquam ad tritremium seruitutem dam-  
 nari se credant. Imo erunt fortasse nonnulli, qui se magis ad in-  
 sulas ardore solis exustas in exilium relegari patiantur, quàm ad  
 huius legis custodiam obligari: *Hæc mando vobis, vt diligatis inui-*  
*cem.* Verum ex hoc loco digressi, ad sequentia veniamus.

## I.

Pergit deinde Dominus discipulos confirmare, ne sæuentis  
 contra eos mundi odia perimescant. Sequitur enim: *Si de mun-*  
*do fuissetis, mundus quod suum est diligeret; quia verò de mundo non*  
*estis, sed ego elegi vos de mûdo, propterea odit vos mundus.* Prius quàm  
 horum verborum explanationem attingam, quid his beatissi-  
 mis Apostolis in quadam Pertidis ciuitate sub Rege Xerxe ac-  
 ciderit (quod huic proposito maximè quadrat) commemorabo.  
 Erat in ea ciuitate templum Soli & Lunæ dicatum; in quod à  
 Pontificibus & furente populo sancti Apostoli adducti sunt, vt  
 commentitios, illos deos adorarent. Erat in ea templi parte,  
 quæ ad Orientem pertinebat, currus fusilis ex auro, in quo Sol  
 cum radiis fustilibus ex auro erat collocatus. Ex altera parte  
 stabat Luna fusilis item ex argento, cum curru bouum fusili ex  
 argento. Eos vt colerent Apostoli, Pontifices cum populo  
 cogebant. Ipsi verò indicto silentio, Solem & Lunam ser-  
 uos Dei esse scire se professi sunt; qui tamen in cælo essent  
 collocati. Itaque eos non sine iniuria in templo includi, quos

in cælo collucere ab orbe condito constaret. Atque vt intelligerent, non solem & lunam in simulachris inesse, sed dæmonia, ipsi imperaturos se dæmonibus professi sunt, vt à simulachris exirent, atque ea comminuerent. Hæc inter eos officia diuisa sunt, vt vno eodemque puncto temporis Simon dæmoni qui in Solis, Iudas ei qui in Lunæ simulachro inclusus erat, imperaret. Quod cum ab eis factum esset, statim duo Aethiopes nigri, nudi, horribilesque specie, vni sunt egredi, qui simulachris in frusta concisis, cum magno clamore abierunt. Hactenus de historia; nunc ex ea propositi mei rationem aperire volo. Christi igitur Apostoli deorum illorum deformitatem, horribili eorum specie ante spectantium oculos posita, ostendere voluerunt; ego verò alterius Dei commentitij nempe, mundi fœditatem, ex his Domini verbis volo vobis exponere. Ait enim: *Si de mundo fuissetis, mundus quod suum esset diligeret, &c.* Hoc est, si mundano more vitam institueretis; id est, si fastum & superbiam, si opes, si voluptates, si ingentia palatia, copiosam familiam, longum seruatorum agmen, & varias vitæ delicias (quæ omnia mundani homines per tela perignes inquirunt) vos etiam simili ardore quæreretur, mundus vtrique nullo modo in vobis improbareret quod ipse moribus suis probat; alioqui se ipsum accusaret, damnationisque; sententiam contra se ferret. *Quia verò de mundo non estis;* hoc est, quia celsiores mundo effecti, quæ mundus probat, improbatis: quæ ille amplectitur, repudiatis; quæ in summo pretio habet, contemnit; quæ tantum ille non adorat, pedibus conculcat; propterea odit vos mundus. Sed hæc obscurius diximus, apertius eadem dicamus. Si vitam pessimis ac turpissimis rationibus institueretis, vos quidem mundus diligeret; quia verò candido pectore estis, & innocentiam, pietatem, & iustitiam colitis, propterea odit vos mundus. Hos esse mundi mores, hoc ingenium, testatur sapientia Patris. Quæso vos, fratres, qui alij mores, quod aliud est dæmonis ingenium? An non ille virtutis hostis, & vitiorum amator, & auctor, & incentor est? Quo ergo ille ingenio & mente est, eadem & membra eius, in quibus ipse operatur, esse necesse est. Animaduertite ergo, quem Deum mundani homines colant, quem vitæ ducem sequantur, cuius leges & placita vniuersis Dei legibus & consilijs anteponant. An non igitur hoc ad mundi deformitatem agnoscendam satis est, quod eadem mente, eodem ingenio atque dæmon ipse sit, eademque tætra & nefaria facinora molitur?

Quod si alios eius mores agnoscere vultis, obseruare quid deinde Dominus addat: *Si me persecuti sunt, & vos persequentur. si sermonem meum seruauerunt, & vestrum seruabunt;* hoc est, obseruabunt; varias tendentes insidias, vt verba vestra calumnientur, & vos, sicut

sicut & me, capere in sermone possint. Porro autem de mundi huius principe hoc Dominus testimonium tulit, quòd is homicida esset ab initio. Idem etiam elogium conuenit mundo, qui & Dominum occidit & Martyres, & Prophetas: & Apostolos, quibus Dominus cum eos ad prædicandum destinasset, ait: Ire, Iean. 3. ecce ego mitto vos tanquam agnos inter lupos. Ad Ezechielem verò ait: Fili hominis, increduli & subuersores sunt tecum, & cum scorpionibus habitas. En, fratres, aliud mundi, hoc est, munda- Lucæ 10. Ezech. 2. norum hominum præclarum facinus; quòd auctorem vitæ, & ministros eius variis suppliciis interemerunt. Aequum ne igitur vobis esse videretur, talis Dei legibus obsequi, & secundum eius præscriptiones & iudicia vitam instituere? At respondebitis forsitan: Iste quidem mundus Sanctorum sanguine cruentus iam dudum è medio sublatus est; alius nunc pro illo nouus surrexit, longè ab istis sceleribus abhorrens. Confiteor planè, non est modò mundus iste sanguinarius; quia non ad piorum sanguinem fundendum mucronem exacuit: sed quid si in omnibus aliis præcipienti mundo magis quàm Deo paretis? An non ille magis Deus exist mari debet, cuius legibus obtemperatis, quàm cuius leges contemnitis? Sed ne amplificandi gratia hæc à me dicta esse existimetis, huius rei periculum faciamus. Quàm multos, quæso in Christiano populo reperire licebit, qui vbi obstinato animo scelestum aliquod facinus suscipere decreuerunt, si illis omnia Dei præcepta & consilia, si terrores & minas ab eo propositas, si summum crucis & redemptionis beneficium, si mortem, si iudicium, si gehennam, si cælestem gloriam, cate- psal. 97. raque fidei Christianæ mysteria proponas, vt ab eo facinore deterreas, nihilo magis agas, quàm si surdo caneres fabulam. Obturauit enim ad hæc omnia velut aspis aures suas; quæ non audit vocem incantantis sapienter. Qui tamen si diuinis rationibus omissis, humanis apud illos agere velis, & id facinus quod animo conceperunt, existimationi eorum vel apud populares honores, vel apud principem officere probaueris, vinctas post tergum manus dabunt, & in tuam protinus sententiam pedibus disceder. Quod omnia igitur fidei Sacramenta, & Christi crucis memoria efficere nullo modo potuerunt, quibus popularis auræ metus plenissimè præstitit. Apud hos igitur homines, cuius auctoritas & imperium magis valet, Dei, an mundi? An non hic apertissimè posthabito Deo mundus antefertur, mūdus maiori in pretio habetur, mundo magis quàm Deo obtemperatur, mundi leges mundi quàm metus diuinis legibus ac timori diuino anteponi- tur? Quid mea refert, quòd tu verbis & appellatione Deū hono- res, si quod Deo debetur, mundo tribuis; hoc est, si obedientiam & honorem Deo debitum, spreto Deo, ad mundū desers? Rectè



August.

D. Aug. O, inquit, homo, viluit tibi Deus? Viluit planè, cui vilissima mundi commoda & rumusculi anteferuntur. Hæccine sunt obsequia, hi honores, hic cultus est, qui tibi, Domine, creationis, redemptionis, cæterorumque beneficiorum iure debetur? Hiccinè est incarnationis, passionis, & omnium laborum tuorum fructus, quos, vt nos à mundi seruitute eriperes, pertulisti?

Ican. 12.

Vbi est illa promissio? Nunc iudicium est mundi, nunc princeps huius mundi eiicietur foras, & ego si exaltatus fuero à terra, omnia traham ad meipsum? Et quidem quòd homines antelata legem mundi legibus parerent, & sese omni genere flagitiorum inquinarent, minus planè mirum esset; peccatum enim eo tempore non ita imputabatur, cum lex non esset; & qui lata

2. Cor. 3.

iam per Moysen lege deliquerunt, minus etiam accusandi sunt, quòd litteram tantum perceperint occidentem, non spiritum viuificantem: at, nos, qui non sub lege, sed sub gratia constituti sumus, quibus tot virtutum exempla exhibita, tot beneficia impensa, tot Sacramenta in humanæ infirmitatis remedium instituta, tot diuini amoris & timoris incitamenta, tot denique diuinæ bonitatis mysteria ante oculos posita sunt, totque Ecclesiæ voces aures quotidie nostras feriunt; quo modo tot ad pietatem & iustitiam stimulis agitati, totque adiumentis instructi, adeò nihil proficimus, vt dicere nos quoque cum Propheta possimus:

Esaïa 63.

Facti sumus velut à principio, cum non dominaberis nostri, nec inuocaretur nomen tuum super nos? Quid quæso, insinquare nobis,

Rom. 6.

Paule, voluisti, cum diceres; Peccatum vobis non dominabitur, non enim estis sub lege, sed sub gratia? Ecce nunc sub gratia constituti, non minus modò delinquimus, quàm homines sub lege, immo & ante legem, delinquebant.

I I,

Hoc est igitur, fratres, quod vehementer causam nostram premit, ac planè inexcusabile facit. Subdit namq. Dñs: *Si non venissem, & locutus eis non fuisset, peccatum non haberent; nunc autem excusationem non habent de peccato suo.* Hæc non Iudeis modò, sed nobis etiam dicta putemus. Nec enim minora nobis ad pietatē adiumenta, quàm illis ad fidē argumenta data sunt. Quocirca si illorum perfidia excusationem non recipit; vehementer timendum est, ne fortè obstinata multorum prauitas non admittat. Quod quo apertius intelligatis, expendamus quid sibi Dominus velit, cum ait: *Si non venissem, &c. peccatum non haberent.* Cur enim peccatū non haberēt? Hoc in loco D. Thomas, peccati nomine, non omnia peccata, sed infidelitatis peccatum intelligit; quod tamen instar peccatorum omnium est; quandoquidem sublata fide, cætera omnia peccata manent, quæ nisi per mediatoris Christi fidem remitti nequeunt. Ab hoc autē peccato Iudeos immunes futuros

D. Tho.

futuros fuisse ait, si eos ipse Dominus ad fidē & signis & verbis erudiendos minimē suscepisset. Sic etiā barbaræ nationes (quibus nōdum Euangeliū annuntiātū est) ab hoc infidelitatis peccato immunes sunt. Nihilominus tamen hi omnes aeterno supplicio multabuntur; nō quidē ob infidelitatis peccatum (à quo illos inuincibilis, vt vocant, ignorantia excusat) sed propter alia multa flagitia, quæ ipsi non cōtra fidei lumē (quo caruerunt) sed contra naturale lumen, quod mentibus nostris cū ipsa simul naturā impressum à conditore fuit, admiserunt. Sicut enim is cū Angelos creauit, species etiam & rerū scientiam simul in eorum mentibus creauit; ita cū rationalem animam condidit, lumen quoq. illi, quo à bonis mala discerneret, indidit; & naturālē quandā auersionē à malo, & ad boni propensionē ingenerauit. Quia igitur aduersus hoc inditum rationis lumen deliquerunt, non dubium quin aeterno supplicio apud inferos cruciādi sint. Sicut enim extra arcem Noë, domumq. Raab in Iericho, nulli salus contingere potuit: ita nec extra Christi fidem & Ecclesiam.

Simila.

Gen. 7.  
Iosue 6.

Nunc quæso, fratres diligenter expendite, cuiusmodi nos periculum maneat. Si enim barbaræ istę nationes ob violatam naturæ legem, quæ animis nostris impressa est, sine fine cruciandæ sunt; quo nos timore concuti par est, qui tam multa alia ad pietatem & iustitiam adiumenta percepimus? Nos enim ipsū naturæ lumē, nos Catholica fides, nos Euangelica doctrina, nos innumera Prophetarum, Apostolorum, & Ecclesiæ doctorū volumina, nos quotidianæ Ecclesiæ voces ad pietatem erudiunt & hortantur. Adde his tot clarissima non modò Sanctorum omnium, sed ipsius etiam conditoris nostri exempla, tot in humanæ infirmitatis remedium instituta Sacramenta, tot internos Spiritus sancti motus, qui semper stat ad ostium & pulsant. Quid referam ipsius Domini Saluatoris aduentum, & acerbissimam mortem nostri gratia susceptam: qua & summum à nobis erga se amorem, & summū peccati odium (propter quod delendum tam multa passus est) meritiſſimo iure exigit? Multi solam de peccatis rationem in diuino iudicio exigendam timent; ego verò non minùs creditorum talentorum, hoc est, diuinorum beneficiorum, ac præcipuè summi & maximi redemptionis & salutis nostræ beneficij rationem exigendam pertimesco. Quam quidem rem non obscurè Saluator declarauit, cū ait: Hoc est autem iudicium, quia lux venit in mundum, & dilexerunt homines magis tenebras quàm lucem: quod perinde est ac si diceret: Damnationis & iudicij hæc præcipua causa futura est, quòd lux cælestis, quòd malorū omniū medicina, quòd promissa salus & vita, quòd sapientia & iustitia, quòd sanctificatio & redemptio venerit in mūdū, quā tamē gratis oblata à se improbi repulerūt.

Apoc. 3.

Ioan. 3.

- Quocirca nullo modo naturæ infirmitatem prætexere iam possunt, cum ipsi oblatam medelam repudiauierint, nec se caelesti medico sanandas præbere voluerint. Magnum ergo nobis, fratres, ob admissa flagitia periculum impendet; nec minus tamen ob accepta beneficia, & salutis adiumenta neglecta. Hinc idem
- Mat. 22.** Dominus (vt Matthæus Euangelista refert) cœpit exprobrare ciuitatibus in quibus factæ fuerant plurimæ ipsius virtutes: quæ tamen ne his quidem diuinæ virtutis argumentis ad pœnitentiam excitatæ fuerint. Potuerat quidem Dominus multa illarum ciuitatum scelera per censere; sed his tamen silentio pressis, hoc vnum commemorat, quod eorum causam maximè premebat. Hoc est etiam in causa, fratres, cur sanctissimi quoque viri hoc iudicium reformident; quia quamuis nullius sibi lethalis criminis conscij sint, huius tamen beneficii rationem sibi à Deo
- D. Tho.** exigendam pertimescunt. Quæ ratio diuum Thomam impulit, vt dicat, leuiori apud inferos pœna propter scelera sua infideles quàm fideles esse puniendos; quòd videlicet vtrique pro qualitate percepti luminis, & beneficiorum diuinorum, atque adiutorum quæ vtrisque ad rectè viuendum donata fuerint, plectendi sint. Quocirca oro obtestorq; vos, fratres, vt hæc ipsa quæ diximus, diu multumq; cum animo vestro cogitantes, auresq; vestras mundi vocibus obturantes, easq; diuinis oraculis reserantes, secundum eorum præscripta vitam & mores vestros instituatis. Nemo nostrum sibi vilescat, nemo parui salutem suam æstimare velit. Pretium enim animarum nostrarum sanguis Christi est. Quin & Martyrum etiam & Apostolorum sanguine hæc tanta salus ad nos vsq; perlata est. Vt enim nobis fidem, fideiq; doctrinam & Sacramenta traderent, immensos labores pertulerunt; omnes orbis regiones peragrarunt; acerbissima cunctorum penè mortalium odia præceptoris sui exemplo sustinuerunt; ac postremo, quod terribilium omnium extremum esse dicitur, acerbissimis suppliciis vitam profuderunt. Suo enim & cæterorum Apostolorum nomine Paulus admiranda illa certamina, & labores propagandæ fidei gratia susceptos, describit his verbis: Puto enim quòd Deus nos Apostolos nouissimos ostendit, tamquàm morti destinatos; quia spectaculum facti sumus mundo, Angelis & hominibus: hoc est, tam multis ac magnis persecutionum procellis nos mundus exagitauit, vt quemadmodum in spectaculis publicis homines feris dilacerandi obiciuntur, ita nos laboribus nostris, non hominibus solum, sed Angelis etiam admirandū spectaculum facti sumus. Enumeratq; deinde suos atque coapostolorum multiplices labores his verbis: Vsque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus
- 1. Cor. 4.**
- Simile.**
- Ibidem.**



boramus operantes manibus nostris. Maledicimur, & benedicimus; persecutionem patimur, & sustinemus; blasphemamur, & obsecramus; tamquam purgamenta huius mundi facti sumus, omnium peripsa usque adhuc. Hactenus verba Pauli, quæ is non de se modo (vt antè diximus) sed de cæteris quoque Apostolis prædicat: de quorum numero gloriosi Apostoli Simon & Iudas (quorum hodie festum diem celebramus) existere; de quibus illud certum est, quod simili cum cæteris Apostolis studio fidem Christi propagarunt, similemque martyrij coronam adepti sunt. Quo autem in loco, aut quomodo res gesta sit, quoniam Ecclesiastici Scriptores variant, nihil in præsentia dicimus. Nos autem, fratres, eorum fidem, charitatem, patientiam, constantiam, diuinæ gloriæ studium, & vitæ puritatem imitari studeamus; vt eorum vestigiis insistentes, ad eorum tandem societatem peruenire mereamur: præstante Domino nostro Iesu Christo, qui cum Patre & Spiritu sancto viuunt & regnat in secula seculorum. Amen.

## IN EODEM FESTO BB. APOST.

SIMONIS ET IUDÆ, CONCIO SECUNDA:

in qua post breuem Euangelicæ lectionis explanationem, de laborum patientia, & perfecta in Deum charitate agitur.

**THEMA.** *Si mundus vos odit, scitote quia me priorem vobis odio habuit. Ioan. 15.*



**H**ODIERNA sancti Euangelij lectio, fratres charissimi, pars quædam est excellentissimi illius sermonis quem Dominus in nouissima cana ad discipulos habuisse memoratur: in quo illos partim ad mutuam dilectionem adhortatur; partim de suo abseſſu mœrentes consolatur; partim verò labores & certamina quæ illos in Euangelij prædicatione manerent (ne ipsos imparatos, & falsa securitate torpentes inuenirent) prænuntiat. In præſenti verò sancti Euangelij lectione hæc eadem ferè attingit, & nouis ea rationibus confirmat; quæ nos modo breuiter perstringemus. Quam rem vt piè & vtiliter præſtare possimus; celestem opem, sacratissimæ Virginis interuentu, suppliciter imploremus.

- Hec mando vobis, ut diligatis invicem.* Exposuerat paulo ante Dominus ingentia præmia, quæ mandatorum & legum suarum cultoribus constituta erant. Dixerat enim primò: Si quis diligit me, sermonem meum servabit, & Pater meus diligit eum, & ad eum veniemus, & mansionem apud eum faciemus. Hoc autem præmio quid optari maius potuit atque præstantius? Ad eum, inquit, veniemus; nec veniemus modò, sed etiam mansionem apud eum faciemus; in eo videlicet tanquam in angustissimo templo nostro commorantes; quòd non ex dolatis lapidibus, sed ex pretiosis virtutum margaritis constructum est. Quid autem ibidè habitans Dominus faciat, non est difficile diuinare. Cùm enim effectrices causæ similes sibi effectus, quatenus licet, efficere contentur; quid in mente hominis Deus habitans, nisi sibi similem hominem facere contender? Itaque cùm ipse sit lux (ut Ioannes Evangelista testatur) illuminabit oculos nostros, & splendidissimam pulchritudinis suæ notitiam mentibus nostris infunder. Cum idem etiam ignis consumens sit, excoquet utiq; omnem impuritatem nostram, & quidquid dissimile sibi in nobis deprehenderit, exuret, nosq; sui amore inflammabit. Cùm Eccl. 15. verò panis angelorum sit, cibabit utique nos pane vitæ & intellectu. Cùm idem etiam fons sit, sitim animæ nostræ sedabit, & arentem cordis nostri terram, ut fructus vitæ proferat, irrigabit, & cupiditatum nostrarum ardorem salutare gratiæ suæ vnda refrigerabit. Denique cùm idem immensa bonitas, summa puritas, & insuperabilis fortitudo sit; harum nos virtutum participes efficiet, si nos illi religiosè & humiliter tractandos atque regendos committamus: ut iam cum Propheta dicere possimus; Quis Deus præter Dñm, aut quis Deus præter Deum nostrum? Psal. 27. Deus, qui præcinxit me virtute, & posuit immaculatam viam meam; qui docet manus meas ad prælium, & posuit ut arcum arcum brachia mea. Hæc igitur omnia mandatorum suorum cultoribus Dominus pollicetur, cùm ait: Ad eum veniemus, & mansionem apud eum faciemus. Quid verò præmium illud, quàm magnificum & admirandum! Si manseritis, inquit, in me, & verba mea in vobis manserint; quodcumque volueritis, petetis, & fiet vobis. Ioan. 13. Estne aliud in vita maius quod hominibus proponi possit? Quid opes, quid regna, quid imperia, huic felicitati comparata, nisi pulvis & umbra sunt? Quàm multa Reges, quàm multa Imperatores sitienter appetunt, quæ vel propter inopiam, vel propter imbecillitatē & impotentiam cōsequi non possunt? Quid autem illi deesse potest, cui à sempiterna & ineluctabili veritate dictū est: Quodcumq; volueritis, petetis, & fiet vobis? Reliquū est igitur, ut quantum velis, exoptes, quantum optave-

optaueris, poscass quantum poposceris, te impetraturum confidas; & cum magnum aliquē iustitiæ gradum adeptus fueris, ad altiorē repente contendas; neque vllis bonis contentus, ad maiora & altiora nitare, & semper immensa & infinita concupiscas. Explebit enim cupiditatem tuam clementissimus ille Dominus, & quò ardentius sitieris, eò bibes affluentius. Dilata (inquit ille) os tuum, & implebo illud. Vnde Dauid mentem suam excitat ad tantæ magnificentiæ atq. liberalitatis laudes egregiè concinendas, illumq. optimum parentem perpetuò celebrandum, qui desiderium nostrum, quantumuis magnum & infinitum, replet. Quamuis igitur aliquid amplum & magnificū consequare, cum semper aliquid in rebus diuinis amplius occurrat (neque enim fieri potest, vt in rebus infinitis finem aliquando reperiās) semper aliquid erit noui quod optes, quod obsecres, quod adipiscare. Quòd si aliquando volueris vt sol in cælo sistat, aut qua venerat, reflectatur; id etiam petes, & impetrabis. Et si volueris vt arbor euulsis radicibus se in mare præcipitet, aut monti præceperis vt aliò secedat; mons etiam ille obtemperabit. Quam rem sanctissimum atque doctissimum Gregorium. Pontifici Episcopum, Eucherius in epistola ad Valerianum fecisse memorat, vt locum exædificandæ Ecclesiæ ad fidelium commoditatem præberet, qui sequente persecutionis procella in montibus latitabant. De beato quoque Hilarione D. Hieron. scribit, quòd cum immanis quidam draco regionem vastaret, vir sanctus pyram ingentem accendi iussit, draconiq. ad se vocato præcepit, vt pyram ingrederetur; cui teterrima bellua obtemperans, flammis absorpta est. Quid hac potestate mirabilius? Cum verò (vt idem D. Hieron. refert) per idem tempus mare suos fines egressum, altissimos etiam montes operiret, & periculum esset ne finitima loca omnia aquis obrueret; idem sanctus crucis signo in sabulo facto, furenti pelago præcepit, ne quos ipse illi fines eo signo præfixerat, transgrederetur; quod præceptum mare fremens & intumescens, & sese in maximam altitudinem attollens (quasi violentiam à sancto viro pateretur) tamen prætergredi non est ausum. Hoc autem, fratres, quid aliud est, quàm hominem quadam diuinitatis participatione omnipotentem quodam modo fieri? Quæ res non in conditoris iniuriam, sed in summam gloriam cedit, quemadmodum diuus Bernardus ait: Nihil est quod omnipotentiam Verbi clariorem reddat, quàm quòd omnipotentes efficit sperantes in se.

Psal. 80.  
Psal. 102.

Isaie 10.  
Esaie 58.  
Lucæ 17.  
Marc 14.

Eucher.

Hieron.

Idem.

Bernard.

# I.

Cum hæc igitur tam præclara munera legis suæ cultoribus Dominus promississet, poterant discipuli quærere: Quæ sunt ista mandata tua, Domine, quibus tam ingentia præmia polliceris?

Huic



Huic igitur tacitæ quæstioni in præsentī lectione Saluator respondet, dicens: *Hæc mando vobis, ut diligatis inuicem.* Hoc enim vno dilectionis præcepto omnia mandata mea continentur. Si enim Deum & homines sincera dilectione persecuti fueritis, legem meam impleuistis. Quid verò si homines ipsi sic à vobis dilecti, parum huic amori respōdeant? immò verò (quæ est multorum prauitas) si pro amore odium, pro beneficiis maleficia rependerint? Nec hoc vobis mirum videri debet, quando me quoque mundus priorem vobis odio habuit. *Si enim de mundo fuissetis, mundus quod suum erat diligeret: quia verò de mundo non estis, &c.*

Cyrrillus.  
Sim. i.

Pro. 29.

Seneca.

Gregor.  
Mat. 118.

Philip. 3.  
Idem.

August.  
Ioan. 1.

Rectè hoc in loco diuus Cyrrillus, Vt corporum, inquit, ita morum cognatio quædam est, quorum similitudo longè sanguinis vincit cognationem. Omne namque animal diligit sibi simile. Sanctus cum sancto, & peruersus cum peruerso iucundè conuersantur. Hinc illa Salomonis sententia: Abominantur iusti virum impium, & abominantur impij eos qui in recta sunt via. His autem verbis Dominus discipulos suos ad futura certamina atque pericula, quæ illis in Euangelij prædicatione subeunda erant, opportunè admodum instruit ac præmunit, ne illos videlicet repentina & improvisa mala (vt paulo antè diximus) nihil tale suspicantes aut expectantes adorirentur. Serò enim animus (vt ait Seneca) ad periculorum patientiam post pericula instruitur. Est autem commodissima ad hoc præmunitio, & mala omnia, prius quàm ea nos aggrediantur, animo præsumere, & salutis nostræ auctorem ac vitæ ducem Christum Dominum ante oculos ponere. Hoc enim sensu D. Greg. illum Dauidis versiculum interpretatur, In mandatis tuis exercebor, & considerabo vias tuas: sic enim ait; Quicumque proficere in virtute cupit, Redemptoris vias oculis subiiciat; atque vt mens ad aduersa præparetur, mœrorem gaudium putet, & præsentis vitæ gaudia, damna mœroris esse credat. Hoc ipsum autem Apostolus se fecisse ostendit, cum ait: Quæ mihi fuerunt lucra, hæc arbitratus sum propter Christum detrimenta, &c. Et mox, Vt cognoscam, inquit, Christum, & societatem passionum eius, configuratus morti eius, si quo modo perueniam ad resurrectionem quæ est ex mortuis. Omnia igitur Apostolus sibi ante oculos proponebat, & futuras passionem, & Christi ducis sui exemplum, & magnificum resurrectionis præmium, atque his armis præmunitus, lucra mundi, damna computabat, & mortem lucrum.

Sed quid est quod Dominus ait: *Scitote quia me priorem vobis odio habuit?* Hæc (vt ita dicam) prioritas, non temporis antecessionem, sed personæ dignitatem insinuat. Sic enim hanc vocem D. Augustinus interpretatur, enarrans locum illū Ioannis: Qui post me venturus est, ante me factus est, quia prior me erat.

Prior,

Prior, inquit, me, id est, me dignior atque præstantior. Eadem igitur significatione, prioris nomen hoc in loco sumendum est, ut sit sensus; Si mundus vos odit, Scitote quia me vobis multo præstantiorem, utpote vnigenitum Dei Filium, odio habuit. Voluit enim Dominus huic argumēto ex personæ circumstantia pondus addere; quemadmodum cum post ablutionem pedum discipulorum dixit: Vos vocatis me, Magister & Domine, Ioan. 13. & bene dicitis, sum etenim. Si ergo ego laui pedes vestros, Dominus & magister, & vos debetis alter alterius lauare pedes. Sic igitur hoc in loco argumentatur: Ne vobis indignum videatur ea perpeti quæ rerum omnium Dominus vestri causa perpeffus est; immò verò summæ laudis & gloriæ loco ducere, illum quavis in re, atque adeò in ipsa etiam laborum perpeffione imitari. Verissimè enim ab Ecclesiastico dictum est; Magna gloria est sequi Dominum. Hac ratione legimus Phocionem integritatis opinione apud Athenienses celebrem, sed maleuolorum iniustitia ad mortem damnatum, quendam hominem in eodem carcere morte adiudicatum, & acerbè fortunam suam lamentantem, consolatum fuisse, quòd cum Phocione moreretur; sic enim ait, Non tibi satis est Thudippe (hoc enim illi nomen erat) cum Phocione mori? Si ergo vir ille Græciæ iustissimus gloriosum dicebat aliquem secum mori; quanto erit, queso, gloriosius cum innocentissimo Dei filio persecutiones & labores perpeti, dolorumque eius socium atque participem fieri? Summa enim imaginis alicuius perfectio est, si quàm maximè exemplari suo similis existat. Cum ergo Christus Dominus nobis in exemplum totius virtutis & sanctitatis propositus sit, nihil prius aut honorificentius ducere debemus, quàm illi omnibus in rebus similes fieri. Vnde quidam ex Patribus ait, nullum pingendi artificem tanto studio contendere, ut effigiem in qua laborat, exemplari suo similem faciat, atque diuinus ille Spiritus ut nos Christo Domino in cruce pendenti (in qua præclarissimum virtutū omnium specimen edidit) similes in hac vita efficiat. Hæc enim summa rationalis creaturæ perfectio est, auctori suo, quoad licet, similem fieri. Ad cuius nos imitationem Paulus inuitat, cum ait; Recogitate eum, qui talem sustinuit aduersum semetipsum a peccatoribus contradictionem, ut non fangemini animis vestris deficientes. Et Apostolus Petrus, Christus, inquit, passus est pro nobis, vobis relinquens exemplum, ut sequamini vestigia eius. Quemadmodum enim camentarii in signum aliquam siue domum siue basilicam extructuri, prius vel in charta aliqua, vel in materia lignea totam futuri ædificij fabricam summo artificio depingunt, quam semper, dum opus moluntur, propositam ante oculos habent, ut iuxta illius descriptionem omnia faciant

Eccl. 25.  
Plutarch.  
in apoph.

Simile.

Simile.

Hebr. 12.

1. Pet. 2.

Simile.

ciant; ita planè celestis Pater spirituale in mundo templū, nempe Ecclesiam suam, ex viuis lapidibus ædificare cupiens, absolutissimū totius virtutis & probitatis in Vnigenito suo nobis exhibuit exemplar, & ad eius imitationem vnumquemq; fidelium hortatus est, cum Moyse dixit; Omnia fac secundum exemplar quod tibi in monte monstratum est. Et Paulus, Aspicientes, inquit, in auctorem fidei, & consummatorem Iesum, qui proposito sibi gaudio sustinuit crucē, confusione contempta. Porro autem si tota ducis nostri vita ab initio ad finem vsque velut crux quædam externi hominis exstitit; quid quæso aliud perfecti viri vita, si ad hoc exemplar effingēda est, nisi crux esse debebit? Cur enim Dominus tot suppliciorum & opprobriorum genera perpeti voluit, cum vna pretiosi sanguinis eius gutta, propter infinitam illius diuini suppositi dignitatem, satis superq; ad totius mundi redemptionē esset; nisi quia non solum nos passionis suæ meritis à peccato redimere, sed etiam virtutum suarum exemplis ad laborum patientiam & virtutum studium voluerit incitare? Hinc Leo Papa, Ab omnipotenti, inquit, medico duplex nobis remedium preparatum est; cuius aliud est in Sacramento, aliud in exemplo; vt per vnum conferantur diuina, per aliud erigantur humana: quia sicut Dens iustificationis est auctor, ita homo deuotionis est debitor. Idemq; rursus: Filius Dei vniuersis in se credentibus & Sacramentum condidit, & exemplum; vt vnum apprehenderent renascendo, alterū sequerentur imitando. Hæc ille. Si igitur hæc Saluatori nostro causa fuit tam multa patiendi, vt nos eius exemplo leuiores saltem pateremur; quicunque indulgentiorem vitam, & laborum atq; molestiarū omnium expertem sibi sectandam proposuerunt, quantū in ipsis est, hoc Domini propositum atq; consilium euertere atque frustrare conantur; vt ille (quod ad istos attinet) dicere meritò possit: O frustra suscepti mei labores, quando ne iis quidē tam multorū hominum mentes ab amore deliciarū ad seuerioris vitæ propositum promoueri voluerunt. Quonam modo isti de Christo capite gloriantur, cuius membra esse nolunt? Vt enim D. Aug. ait, Recusat esse in corpore, qui odiū non vult sustinere cum capite.

Quod si nos Regis nostri exemplū & pudor minūs mouent, moueat saltem præmij magnitudo, quod illum sequētibus constitutum est. Vt enim Apostolus ait: Si cōpatimur, & conregnabimus; si mortui fuerimus cū Christo, credimus quia simul etiā viuemus cum eo. Quod idem Dñs apertē testatur cū ait: Qui mihi ministrat, me sequatur. Quid deinde? Et vbi sum ego, illic & minister meus erit: hoc est, ad eandē celestis patrimonij hereditatē perueniet; vt quæ ad me pertinent iure naturæ, ad illum quoq; deferātur adoptionis gratia. Quod cū ita sit, non absur-

dè Cle-

Exod. 25.

Heb. 12.

Leo Papa

Idem.

August.

1. Tim. 2.

Rom. 6.

Ioan. 12.



dē Clemens Alex. ait, ad hoc Dei filium in hunc mundum descendisse, vt nos velut pennata quædam animalia efficeret, & pennis vndique amicaret, vt eò humilitatem nostrā prouheret, vnde sublimitas eius ad nos descenderat: & natura illa cui dictum est, Terra es, & in terram ibis, conformis Christo effecta, Clem. Alex.  
 & spiritu eius in formata, super omnes cælos ascenderet. Quisquis igitur ad hanc celsitudinis & gloriæ dignitatem peruenire cupit, viam qua ad illam itur detrectare non debet. Via autem Christus est: quem oportuit quidem pati, & ita intrare in gloriam suam. Duobus verò discipulis eandem gloriam ambientibus, hanc eandē viam ostendit, cum ab eis requirit: Potestis bibere calicē quem ego bibiturus sum? quasi diceret, Hoc primum cogitate, hoc ante omnia curate, si gloriam & dignitatē queritis. hæc regia via est qua ad illam peruenitur. Nemo verò indignē secum agi putet, si ab eo pretium exigitur, quod cælestis Pater a Filio, Filius ab amicissimis Apostolis, atque adeo à fratribus suis requisivit. Quis enim empturus à mercatore pallum, de pretij caritate queratur, si mercator iuret se non alio pretio & fratribus suis & filiis etiam vèdidisset? Nemo igitur, fratres, de pretio queratur; verè enim non sunt condigna: passionis huius seculi ad superuenturam gloriam, quæ reuelabitur in nobis. Luc. 24. Mat. 26.  
 Momentaneum quippe & leue tribulationis nostræ supra modum in sublimitate æternum gloriæ pondus operatur in nobis. Simila Rom. 8. 1. Cor. 4.

## I I.

Verum hæc infirmioribus dicta sunt, qui his stimulis ad laborum patientiā egent: ceterum perfectos, & eximio Christi amore flagrantēs non necesse est his illecebris ad labores & pericula propter dilecti gloriam incitare. Ipsa enim Domini sui dignitas, immensa bonitas, & ardentissima charitas (vt nulla essent præmia laboribus constituta) illos satis superque ad hoc acuerent. Vt enim D. Bernardus ait, Verus amor (hoc est, perfectus amor) de spe vires non sumit; & tamen differentia damna non sentit. Hunc autem dilectionis gradum ostendit regius Propheta se habuisse, cum ait: Voluntariè sacrificabo tibi, & confitebor nomini tuo Dñe; quoniam bonu est: quod perinde est ac si diceret: Immensa bonitatis tuæ cōsideratio Domine, quam in meis sæpe periculis expertus sum, me ad amorem & obsequium tuum mouet; & ita mouet, vt si nulla etiam ex hac pietate erga te mea sequeretur utilitas, non minùs voluntariè tibi sacrificarem. Et quidem inter magna sinceræ & perfectæ charitatis signa, hoc in primis est, si nullum laborum suorum præmium requirat. Sicut enim odium in Deum tunc summum esse ex præsentī lectione discimus, cum quis illum gratis odit, & sine vilo emolumento eius leges & mandata perfringit; ita contrā tunc summus Bernard. Psal. 53. Simila  
 in illum

- in illum amor existit, cum quis gratuito illum diligit, hoc est, perpetuo dilecturus est, etiam si nullum dilectionis sue fructum præter ipsam dilectionem reportaret. In cuius rei argumentum
- Chrys.** D. Chrys. ait, permisisse Dominum ut innocentissimus Iob tot modis a dæmone vexaretur, quo perspicuum omnibus fieret, virum sanctum non mercedis intuitu, sed pura ac sincera charitate Dominum dilexisse; quando rebus omnibus amissis, extinctis liberis, & corpore gravissimis ulceribus fauciato, semper innocentiam, fidem in Deum, & charitatem retinuerit. Quod quidem (ut idem sanctus Pater ait) non obscure illa Domini verba indicant; Numquid considerasti seruum meum Iob, quod non sit ei similis in terra, vir simplex & rectus, & adhuc retinens innocentiam? Itaque satis hac mira patientia declaravit, se non ob ea quæ à me perceperat beneficia, sed sincerissima bonitatis meæ dilectione inductum, innocentiam coluisse. Quo quidem virtutis genere non video quid esse possit laudabilius. Hoc autem modo
- Act. 9.** Apostoli post Spiritus sancti aduentum Christum Dominum dilexerunt. Ideoque ibant gaudentes à conspectu concilij. Quamobrem? Num quia sciebant quæ verberibus illis esset merces in cælo reposita? Non ob hoc solum (quamvis hoc debita laude non careat) sed quod digni habiti sunt pro dulcissimo Iesu nomine contumeliam pati. Hinc Divus Chrysostomus de vinculis
- Chrysos.** Pauli disserens, Si quis, inquit, Christum diligit, si quis pro amore eius, ut ita dicam, insanit, is scit quæ sit vinculorum virtus, is nouit hanc dignitatem, is agnoscit quid sit pro dulcissimo Iesu nomine contumeliam pati. Agnoscebat autem magnus ille
- Dionys.** Dionysius hanc summam dignitatem & gloriam qui ad Ioannem Euangelistam, exilio in Pathmos insulam relegatum, scribens, inter cætera sic ait: Te quidem, numquam ita amens sim, ut aliquid pati arbitrer; sed corporis mala, hoc tantum quod ea diiudices, sentire credo: hoc est, iudicio quidem intelligis ea esse corporis mala; affectu autem adeo illa non sentis, ut ea etiam tanquam rem optatissimam amplectaris. Quomodo enim quicquam mali pateretur, cui nihil magis erat in votis, quam propter dilectissimum magistrum mille etiam mortes perperi? Sed quid mirum si hoc animo Ioannes Euangelista, ceterique Apostoli essent, qui primitias Spiritus acceperunt; cum cæteris quoque fidelibus initio nascentis Ecclesiæ eadem mens, idem ardor, idemque propositum esset? Sic enim de illis Tertullianus ait: Christiani magis damnati quam absoluti gaudentes: cum omni sæuitia vestra concertamus, vltro erumpentes. Crudelitas vestra, nostra est gloria. Secta nostra tunc magis edificatur, cum creditur. Quid his verbis animosius? quid mirabilius? Nec enim hoc tam verbis quam rebus ipsis testatur est. Nascentis

enim Ecclesiæ tempore tot fidelium turbæ passim trucidabantur, ut Plinius Secundus, qui tunc prouinciam quandam administrabat, multitudine interemptorum permotus, referret ad Traianum Imperatorem, quod innumera hominū millia quotidie obtruncarentur, in quibus nihil omnino sceleris deprehenderetur admissum, aut aliquid contrarium Romanis legibus gestum; nisi hoc solum, quod antelucanos hymnos Christo cui-dam canerent Deo. Adulteria verò, vel cætera huiusmodi crimina apud eos & illicita haberi, & penitus arceri; cætera verò secundum leges eos agere communes. Hoc ipso autem Traiani Imperatoris tempore sanctus Simon (cuius hodie festum celebramus, ut Hegesippus, Eusebio referente, memorat, immanissimè cruciatus est. Non enim cita morte, sed multis diebus (ut idem refert) quò eius animi constantiam Tyranni labefactarent, variis tormentorum generibus affectus est. Itaque mentis patibulo affixus est, cum centum & viginti esset annorum, cunctis admirantibus in corpore senili tam alacrem & robustum animum ad ferenda supplicia.

Plinius  
Secundus.

Hegesip.

Cant. 3.

Ibidem.

Psal. 92.

Hæc est igitur, fratres, vera, perfecta, & Apostolica charitas, gratuita diligens, & dolorum patiens, de qua meritò in Cant. dicitur; Fortis est ut mors dilectio; immo verò morte fortior, quæ mortem, & omnia mortis arma & instrumenta superauit. Cui illud etiam verissimè conuenit quod ibidem dicitur; Aquæ multæ non poterunt extinguere charitatē, & flumina non operient eam. Lampades enim eius lampades ignis atque flammarum, quas tamen flammæ nec inundationes fluminum, nec fluctus maris, hoc est, persecutionum procellæ extinguere potuerunt. Verè enim eleuauerunt flumina Domine, eleuauerunt flumina vocem suam. Eleuauerunt flumina fluctus suos à vocibus aquarum multarum. Mirabiles elationes maris, sed mirabilior in altis Dominus, qui Tyrannorum omnium, atque totius huius magni maris procellam, aduersus Ecclesiam sauentem, inuicta Apostolorum & Martyrum charitate compefcuit. Quorum exemplo, Christe sancte, quàm ingens se nobis hoc in loco lamentandi materia offerebat! Totius mundi tempestas, & omnium tormentorum genera fidelium charitatē labefactare olim minimè potuerunt; ac nostrorum temporum charitatem, quæ leuis aura, quæ vel exigua commoditas, aut cupiditas, aut voluptas de gradu suo non depellit? Illorum constantiam nulla suppliciorum genera, nulli terrores & minæ deicere poterant; nos verò propter res penè pueriles & ludicras pietatem & iustitiam passim prodimus. Quid tu ais in sacra huius diei Epistola, Paule? Quis nos, inquit, separabit à charitate Christi? Tribula-

Rom. 1.

Tom. 6.

d d

tio,



tio, an angustia, an nuditas, an periculum, an gladius? Nihil certe horum, nec sexcenta alia quæ deinde commemorat. Hæc enim erat illius seculi & illorū fidelium firmitas atq. constantia. At nostro infelicissimo & nunquam satis deplorato seculo sic omnia inuersa sunt, vt longè alia ratione interrogare possimus, Quid nos non separabit à charitate Christi? Quæ res erit tam leuis & minuta, quæ hoc apud multorū pectora efficere non valeat? Quæ vel leuissima iactura, quis popularis auræ metus, quis inanis rumusculus existimationi nostræ vel leuiter efficiens, quæ cupiditas, quis affectus paulo impotentior, quæ voluptatis titillatio nos à Christi charitate penè millies in die non abducit? O miserandam temporū conditionem! ô infelix seculum! ô Christianæ religionis dedecus, perpetuis lacrymis deplorandum! Verissimè certè à Salomone dictum est; Aversio parvulorum interficiet eos: quandoquidem rerum inanium atque penè puerilium vel vana formido, vel puerilis & cæcus amor, charitatis vitam nobis adimit, & à Christo separat. Hoc ego tantum malum quoniam verbis explicare non valeo, vobis, quicumque Dei sensum & mentem haberis, cogitandum & deplorandum relinquo.

## III.

Sed vt ad intermissam lectionis Euangelicæ seriem redeamus, causam deinde Dominus affert, cur discipulos suos, atque adeo pios omnes oderit & infectetur mundus. Subdit enim; Si de mundo fuissetis, mūdus quod suum erat, diligeret; quia verò de mundo non estis, sed ego elegi vos de mundo, propterea odit vos mundus. Quid hac ratione euidentius? Constat enim similitudinem, amicitia & coniunctionis; dissimilitudinem verò, inimicitia atque dissensionis causam existere. Sic videmus inter elementa quæ contrariis qualitatibus constant (qualia sunt ignis & aqua) irrecōciliabile bellū esse; cum tamen ignis & aër, cæteraq. elementa, quæ symbola nuncupantur, hoc est, quæ in altera qualitate consentiunt, vix vllum inter se dissidium patiantur. Cum ergo tanta inter pios & improbos dissensio sit; cum illi charitate, isti cupiditate; illi spiritu Dei, isti spiritu dæmonis agantur; illi Dei leges, isti mundi leges attendant; illi corporibus suis pro mancipis suam crucifigere cum virtutibus & concupiscentiis semper studeant, isti omnibus eam deliciis fouere & saginare contendant: quæ pax, quæ amicitia consensus inter tam diuersa studia & vora esse queat? Hinc Salomon, Ambulans, inquit, recto itinere, & timens Dñm, despicietur ab eo qui infami graditur via. Et alibi idem; Qui derelinquunt legē, laudant impium; qui custodiunt, succenduntur contra illum. Quæ quidem dissensionis & pugnae causa, omnes alias, quæ inter homines reperiuntur, antiquitate superat,

Prou. 1.

Simile.

Philip. 3.

Prou. 14.

Prou. 28.

superat, adeo, vt cum ipso penè mundi exordio nata sit. Quid enim fratricidam Cain in tam exitiale aduersus innocentissimū fratrem odium impulit, nisi quòd ( vt Ioannes ait ) opera eius praua erant, fratris autem iusta? Quid verò Iacob & Esau fratres germinos referam, quorum alter electorum, alter reproborum typum tenet; qui nondum in lucem editi, in matris etiam vtero decertabāt, hanc videlicet rixam, atq. vetustissimum dissidium inter probos & improbos adumbrantes? In hanc autē sententiam Apostolus duorum quoq. filiorum Abrahæ exemplum adducit: Sicut enim, inquit, is qui secundū carnem natus erat, persequebatur eum qui secundū spiritum; ita & nunc: hoc est, ita nunc carnales homines spiritualibus infensi & inimici sunt. Huius autem vetustissimi odij causa est, partim quidem ( vt antè diximus ) vtriusque vitæ dissimilitudo, partim etiam tacita quadam improbæ vitæ, ex piorum comparatione, damnatio. Scitum enim est illud D. Augustini, Nihil ita condemnare vitam malorum, quā vitam bonorum. Vt enim pulcherrima quædā imago iuxta deformem posita, eius deformitatem magis conspiciam reddit; ita virtutis & honestatis splendor, qui in piorum moribus elucet, flagitiosorum hominum dedecus & turpitudinem apertius detegit & ostendit. Quæ ideo à me dicta sunt fratres: partim vt quicumque piè & reuerenter Deum colitis, patienter aliorum detractiones & irrisiones perferatis, intelligentes, Christiani hominis vitam esse ( vt Bernard. ait ) bona facere, & mala pati; & beatos à Domino prædicari, qui persecutionem propter iustitiam patiuntur: partim vt quicumq. iustorum simplicitatem deridetis, ipsosq. diſtictis, illusionibus, detractionibus, confictisque nominibus ignominiosis perstringitis, cælestem vindictam formideris, illamq. Domini vocem extimescatis; Nolite tangere christos meos, & in prophetis meis nolite malignari: & illam item; Qui vos tangit, tangit pupillam oculi mei. Vnde enenit, vt sæpè Dominus multo seuerius suorum iniurias, quā suas ultus sit. Quamobrem opportunè sapiens huius rei nos admonet, cum ait: Ne quaras impietatem in domo iusti, neq. vastes requiē eius. Septies enim in die cadet iustus, & resurget; impij autē corruent in malū: hoc est, ita corruēt, vt in eo.ſē semper luto infixi iaceant. Hoc autē in eos quædrat, qui si in hominibus, qui vel paulo frequētius sacrā Eucharistiā sumūt, aut studio sanctæ orationis incubunt, leuē aliquem lapsum viderint, miras ob hoc tragedias excitāt; quasi homines illi iam esse desierint, aut quasi iam omnes naturæ affectus, & cupiditates exuerint, vbi primū se Dei obsequio tradiderunt. Illos ergo qui sic ab improbis hominibus lacerantur, his verbis, quæ modò audistis, Dominus consolatur; Si de mundo fuissetis,

1. Ioan. 3.

Gen. 25.

Galat. 4.

August.  
Simile.

Bernard.

Psal 104.  
Zach. 2.

Prou. 24.

*mundus quod suum erat, diligeret, &c.* Hoc est, si mundano more vitam institueritis, nequaquam mundus damnare posset quod ipse moribus suis probat: quia verò longè alia ratione vitam agitis, necesse est vt auerfetur mundus quod ipse viuendo non probat. Vnde consequens esse videtur, vt à mundo, hoc est, à flagitiosis hominibus reprobari, id verè probari sit. Cerrè Seneca hominem virtutis studiosum hoc sibi nomine gratulari debere ait, quòd à perditis hominibus improbaretur: Mihi iam, inquit, quod argumentum est recti, contigit malis displicere.

Pergit deinde Dominus exemplo iterum suo discipulos ad futuros labores & persecutiones prae munire, dicens: *Mementote sermonis mei quem ego dixi vobis: Si me persecuti sunt, & vos persequentur, &c.* Quod perinde est ac si diceret: Nemo putet maiori se dexteritate clauum vitae moderari posse quàm ego moderatus sum. Quòd si nec mihi quidem mundus pepercit, qui sic vixi, qui tot mundum beneficiis affeci, tot signis ad fidem inducere conatus sum; quæ vobis spes reliqua salutis & incolumitatis esse poterit? Sic planè discipulis euenit, vt hoc in loco Dominus prae nuntiauit. Omnes enim illos mundus variis tormentorum generibus è medio sustulit, omnesque (vno excepto Ioanne) praeceptoris sui exemplum secuti, morte sua Deum glorificauerunt, aeternamque martyrij palmam adepti sunt. Quod idem beatissimis Apostolis Simoni & Iudæ (quorum hodie festum celebramus) contigit, qui similes martyrij coronas à Domino percipere meruerunt. De quorum glorioso agone, quoniam scriptores Ecclesiastici variant, nihil aliud dicam, nisi quòd Christi Domini Apostoli, & Ecclesiae columnæ fuerint, fidemque qua nunc omnes meritò gloriamur, ad nos ipsi, capitis sui dispendio, quasi hereditario iure transmiserint. Ad quorum laudem accedit, quòd consobrini Domini Saluatoris simul cum Iacobo minore fuerint. Hos enim tres habet felicissimos filios Maria Cleophe, beatissimæ Virginis Mariæ soror, quæ etiam iuxta crucem cum eadem sacra Virgine, & Maria Magdalena, & Ioanne Euangelista adstitit; vbi piam matrem, & discipulis eam deferentibus, non deseruit, sed calicis & mæroris sui & restis, & particeps, & consolatrix exstitit. Nos ergo, fratres, siue felicitum filiorum agones, siue pias matris eorum lacrymas imitari studeamus, aduersus cupiditates nostras perpetuò decertemus; quòd seminales in lacrymis, in exultatione metamus; vt sic tandem ad eorum quorum festa recolimus, societatem, eodem Domino aspirante, peruenire mereamur.

Seneca.

Ioan. 19.

Psal. 115.



## IN FESTO OMNIUM SANCTORUM,

CONCIO PRIMA: IN QUA DE HOMINIS  
beatitudine, deque itineribus quibus ad eam per-  
uenimus, differitur.

THEMA. *Gaudete & exultate, quoniam merces vestra  
copiosa est in celis.* Matth. 5.



INTER festos dies quos Ecclesia quotannis so-  
lenni religione celebrandos suscepit, hic dies vel  
summum vel maximum certè locum obtinere vi-  
detur. Cetera namq. festa, aut singulorum Sancto-  
rum, aut singularium mysteriorum sunt; hoc autem  
sub vnius diei solennitate Sanctorum omnium festa cõplecti-  
tur. Magno autem Spiritus sancti consilio Ecclesia hoc insti-  
tuisse videtur. Primum quidem, vt quæ per socordiam & iniu-  
riam in ceteris Sanctorum festis deliquimus, aut minus plenè  
præstitimus, huius saltem diei ampliori deuotione pensare-  
mus; & vnus dies vitè celebratus, aliorum omnium negligentias  
refarciret. Deinde, vt hoc vno die Sanctorum plurimis, quibus  
singulares dies festos decernere non vacat, debitam eorum me-  
ritis laudem & honorem hac saltem ratione impenderemus,  
quando aliter non possumus; cùm omnes anni dies intra angu-  
sta spatia contineantur, Sanctorum autem numerus vix com-  
prehendi possit. Quam rem oculatissimus testis Ioannes Evan-  
gelista in Apocalypsi confirmat; qui vbi centum octoginta  
quatuor millia Sanctorum enumerasset, quos ex singulis tribu-  
bus Israël Dominus ad æternam vitam cooptarat, subdit protin-  
us: Post hæc vidi turbam magnam, quam dinumerare nemo  
poterat, ex omnibus gentibus, & tribubus, & populis, & linguis,  
stantes ante thronum, & in conspectu Agni, amicti stolis albis,  
& palmæ in manibus eorum, & clamabant voce magna, dicen-  
tes; Salus Deo nostro, qui sedet super thronum, & Agno. Ex quo  
planè loco illud colligere licet, quòd quamuis incomparabiliter  
multo plures sint, qui pereunt; comparatione eorum qui sal-  
uantur; est enim (vt Saluator ait) arcta via quæ ducit ad vitam;  
lata autem & spatiosa quæ ducit ad perditionem: nihilomi-  
nus tamen electorum turbam adeò esse magnam, vt à nemi-  
ne numerari possit, Ioannes hoc in loco asserat. Quin ex folis  
tantum Martyribus tam ingens multitudo in cælis coronata  
triumphat, vt si Ecclesia omnibus illos festos dies instituere de-  
dd 3 creuisset,

Apoc. 7.

Matth. 7.

Hieron.

creuisset, supra quinque millia Martyrum (vt D. Hieronymus testatur) ad vnumquemque diem assignare potuisset. Horum igitur laudibus, quibus dies singulos Ecclesia destinare non potuit, hunc vnum diem voluit esse dicatum. Est & alia non inferior huius solennitatis causa, nempe, quod hac ratione multos nobis aduocatos in cælo comparare voluit, cum ab illis pro impensis precibus & laudibus opem & patrocinium suppliciter implorat. Sunt quidem illi ad hoc officium præstandum propensi; qui (vt D. August. ait) de sua salute securi, de nostra solliciti sunt. Eos namque & germana charitas, qua nos conciuēs suos futuros prosequuntur, & huius vitæ pericula, quæ illi euaserunt, ad nos omni ratione iuandos sollicitat; nostris tamē precibus & laudibus propensiores ad hoc officium redduntur. Et quidē appropinquante hora mortis, quādo post extremum illū halitum de tota æternitate nostra ferenda sententia est, vltimum nobis Ecclesia præcipit adhiberi remedium, nempe Vñctionis Sacramentum, quod iam migraturis exhibetur. Quo etiam tempore Sanctorum omnium auxilium implorat, omnesque illos velut ante superni Iudicis conspectum aduocatos mittit, quò perichranti filio, & in summum discrimen adducto opem ferant. Quod quidem illi patrocinium eo libentius suscipiunt, quo frequentius homines citra mortis etiam & extremæ necessitatis periculum illos hoc religionis officio venerati sunt. Nota enim illa Publij sententia est: *Habet in aduersis auxilia, qui in secundis commodat.* Vnde colligimus, obsequia illa esse gratissima, non quæ necessitas violenter extorsit, sed quæ spontanea pietas libenter impendit. Hac ergo de causa non hoc die solum, sed in omni vita præcipua deuotione Sanctos colere & venerari debemus, vt eos dum extrema illa necessitas incubuerit, propitios ac fideles patronos habere mereamur. Ex multis Sanctorum historiis discimus, fuisse nonnullos, qui ad extremam horam venientes, ac de salute sua, propter malè actæ vitæ conscientiam desperantes, sanctorum hominum, qui præsentés aderant, pijs lacrymis & precibus vel spacium pœnitentiæ, vel erratorum veniam consecuti sunt. In vita quoque B. Catharinæ Senensis legimus, quod cum in sua ciuitate duo homines maleficiis insignes ad mortem ducerentur, & in ipso itinere ferreis forcipibus igne candentibus immanissimè lacerarentur, illique doloris magnitudine vieti rabiosis aduersum Deum vocibus insanirēt; sanctissima virgo tota charitatis visceribus & misericordiæ affectu inflammata, ardentissimas pro illis ad Dominum preces & lacrymas fudit; quo factum est, vt misericordiæ parens pijs eius precibus ad misericordiam flexus, facinorosis hominibus in cruce pendens appareret, eosque ad mirabilem pœnitentiam, & compunctionis gratiam

Publius  
Minus.

gratiam hac imagine prouocans, æterna tandem salute donarit. Quod si hoc animo viri sancti in alios homines existerit cum in hoc corpore degerent; multo magis cum charitate viæ in patriæ charitatem commutata, eundem erga nos benignitatis & misericordiæ affectum gerent. Vt illos igitur dignis hodie honoribus & sermone celebremus; cælestem opem, sacratissimæ Virginis interuentu, suppliciter inasporemus.

## A V E M A R I A.

Præsens sancti Euangelij lectio, octo insignes virtutes celestis magistri voce singulari quadam ratione nobis commendat. Has verò cōmuni nomine Beatitudines appellamus: propterea quod ex inter ceteras virtutes viam nobis ad beatitudinem muniunt; siue ad perfectam, quam in altera vita expectamus; siue ad inchoatam, quam in hac viri sancti consequuntur. Quocirca de ipsa beatitudine, de quæ itineribus quibus ad illam peruenitur (de quibus præsens sancti Euangelij lectio differit) hodie mihi dicendum est.

Rem igitur à prima origine repetentes, scire oportet, duas esse in homine naturales appetitiones, quæ non à deprauatis vel moribus vel ingentis, sed ab ipso naturæ auctore & conditore nobis inditæ atque ingenerate sunt. Altera est immortalitatis appetitio, quam omnes homines habent, qui mortem horrent, & vitam naturæ impulsu diligunt. Ex hac autem appetitione quicumque rectè philosophantur, euidenter animæ nostræ immortalitatem colligunt. Aliàs enim pessimè instituta esset natura, quæ homini impossibilis rei naturale desiderium indidisset; & frustra etiam contulisset, quod in nullum prorsus vsum deferuaret; quod in perfectissimum illum opificem, & ipsius naturæ conditorem, cadere nullo modo potest.

Alterà verò appetitio est, qua omnes naturali propensione beatitudinem supra omnia quæ mens humana adipisci potest, desideramus. Est autem beatitudo (vt Boëthius ait) status omnium bonorum aggregatione perfectus: eademque summum hominis bonum. Ideoque vltimus humanæ vitæ finis esse dicitur, quia cum huc peruenerit homo, non habet vel quò ulterius ascendere, vel quod amplius desiderare queat. Itaque sicut is qui magna siti laborabat, ubi ad satietatem vsq; ebibit, non amplius sitit, neque iuxta fontem positus, aquæ desiderio mouebitur: ita qui ad hunc statum peruenerit, nullius rei desiderio laborat. Hoc autem quid aliud quam quædam diuinitatis participatio est? Dei enim hæc tanta felicitas est. Quo quidē nomine dignitatis suæ amplitudinem intelligere homines possunt, quando quidē ad hunc felicissimum ac planè diuinum statum ab auctore naturæ conditi sunt.

Deinde illud etiam intelligere oportet, inter omnia quæ



Arist. in  
lib. Eth.  
Simile.

ab humano ingenio sciri & comprehendendi possunt, nihil esse ad vitam nostram rectè constituendam magis necessarium, quàm hunc summum & vltimum vitæ finem cognitum & exploratum habere; quandoquidem nemo vitæ actiones, nisi vitæ fine prius cognito (ad quem omnia referenda sunt) dirigere & instituere rectè potest. Vnde Aristoteles, benè viuendi rationem in libris Ethicorum traditurus, primo loco de vltimo humanæ vitæ fine differit. Vt enim, inquit ille, sagittarum signum primò intueri debent, quò rectè sagittas ad illud iaciant; atque vt nauta, quem portum petat, prius debet agnoscere, vt ad illum navigationis cursum dirigat (quod idem in omnibus quoque aliis rebus quæ arte & consilio administrantur, necessum est:) ita planè, quisquis rectè omnes vitæ suæ actiones, non vagas & temerarias, sed rectas esse cupit, vitæ finem ante oculos sibi proponere, & eò cursum dirigere debet. Ethicæ autem, ad quam spectat de hoc fine, & gradibus quibus ad eum peruenitur, dissere, inter præstantissimas disciplinas esse collocandam, idem auctor definit; quoniam id quod est in hominum vita præstantissimum, considerat.

## I.

August.

Sed cum Philosophi omnes hoc naturale beatitudinis desiderium homini tribuant, quibus tamen in rebus ea beatitudo sita sit (quamvis se in huius rei inquisitione vehementer torserint) adeò non sunt assecuti, vt nulla in re magis cecutierint, & in varias, ac penè repugnantes opiniones distracti fuerint. Quis enim credere potuisset, quod D. August. de ciuitate Dei lib. 19. refert, nempe, ducentas supra octoginta fuisse inter philosophos de summo hominis bono opiniones, nisi idè Augustinus Marcum Varronem, disertissimum inter Romanos scriptorè, huius rei testem citasset? Alij enim in diuitiis, alij in honoribus, alij in voluptatibus, alij in potentia, alij in indolentia, hoc est in doloris vacuitate, alij in varia litteratura & maximarum rerum scientia, alij denique aliis in rebus, pro suo quisque ingenio & cupiditate posuerunt. Nec Philosophi modò, sed ipsi etiam homines illiterati, pro rerum suarum conditione, beatitudinem metiuntur. Mendicus enim summum bonum putat esse diuitias; idemque cum ager est, sanitatem; ambitiosus, honores; impudicus, carnis voluptates; aulicus, regis gratiam & amicitiam; imperator, militarem gloriam atque victoriam. Omnes namque hi summum bonum in hisce rebus quas sitienter appetunt, constitutum esse putant, & se beatos futuros, si eas adepti fuerint, arbitrantur. Inter has autem tam vanas hominum sententias, tres quidem ad veritatem aliquanto propius accessisse videntur. Prima Stoicorum, qui in vna virtute summum hominis bonum collo-

collocauerunt; neque enim maius aliud bonum quod homini contingere posset, inuenerunt. Laudandi illi quidem sunt, qui tanti virtutem fecerunt; sed in hoc tamen decepti fuere, quod beatitudinis instrumenta, beatitudinem esse putauerunt; quod non minus inepte dicitur, quam si quis agricola finem in excolendis agris constitueret; est enim hoc agricolæ officium, non finis; quo officio ad vberem & plenam segetem peruenitur, quæ agricolæ finis est. Sic igitur virtus non felicitas, sed ad felicitatem certissima via est. Alia fuit Aristotelis sententia, qui in altissimarum rerum contemplatione, quæ per scientias humanas haberi potest, felicitatem posuit; accedente tamen & bona corporis valetudine, & honesto patrimonio. Neque enim aut ægrum aut mendicum plenè beatū esse censet; cum beatus omni debeat molestia & angore carere. Quia in re, disertissimus alioqui vir, cum naturali rationis lumine aliud nihil haberet quod diceret, duplici tamen nomine deceptus est; altero, quod felicitatē fortunæ dominatui subiecit; cum opes & bonam valetudinem, quæ extra hominis facultatem posita sunt, ad beatitudinem requiri sensit; altero, quod eam felicitatem statuit, quæ in hac vita hominibus contingere minime potest. Cuius enim nisi Dei est, in hac vita omni angore & molestia carere, & bonis omnibus circumfluere? Tertia fuit Solonis opinio, quæ propius ad veritatem accessit; quāvis ab Aristotele reprehendatur. Qui à Cræso opulentissimo, qui se beatum existimabat, interrogatus, quem nam beatissimum inter homines existimaret, tres insignes homines vita functos, qui & honestè vixissent, & cum laude occubuis-  
sent, protulit, quos beatos esse censuit. Nemini verò qui in vita maneret, id concedi posse confirmavit. Longo enim tempore, inquit ille, multa quæ nolumus, aspicere & perpetui opus est, neque dies sequens idem omnino affert quod attulit antecessens. Omnis igitur homo, ô Cræse, est obnoxius calamitati. Tu mihi quidē opibus abundare, & multis nationibus imperare videris; illud tamen quod à me quæsieras, nunquā tibitribuendum putabo, nisi prius audiero te cum dignitate extremum spiritum edidisse. Nec enim ille qui plurimas diuitias cōgestas habet, illo qui indiem viuit, beatior esse potest, nisi eadem fortuna rem bonè gerentem ad mortem vsque sequatur. Hactenus Solon. Cuius verba si diligenter perpendamus; intelligemus planè, ne illos quidem tres fuisse illius sententia beatos. Sed cum vir insigni sapientia clarus, communes hominum miseras inspexisset; cum iis præclare actum esse existimauit, qui antequam grauiore clade aut ærumna premerentur, à vita discessissent. Nec temerè ista quidem Solon Regi dixit. Quæ enim humanarum rerum varietas & inconstantia est, idem Cræsus, qui se beatissimū ex-

### Similar

Aristot.

Solon.

dd s

stimu-

stimabat, amisso regno ab illa sua felicitate deiectus in potestatem venit Regis Persarum. Qui etiam cum ad mortem damnatus esset, Solonis sententiam in mentem reuocans, magna voce clamauit, O Solon, ô Solon. Qua voce & coniectoris sui veritatem, & variantis fortunæ inconstantiam parum sibi antè cognitam professus est.

Ex his ergo satis liquere puto, felicitatem in hac vita desperandam esse, quando ea tota vel tentatio vel militia esse dicatur; quòd ea infinitis propè contentionibus, curis, & laboribus plena sit. Quis enim est, cui data sit immunitas eorum malorum quibus hanc vitam oppressam & afflictâ videmus? Equis, inquam, est adeò liber & immunis, qui grauissimis interdum malis non vrgeatur: vel saltem non extimescat eas clades quibus vita beata, si modò illa beata appellanda est, corrumpi & amitti potest? omnes enim mortales ista conditione nascuntur, vt magnam vitæ partem exigant in lacrymis & mœrore, infinitis malis & calamitatibus implicati. Nec ex omni hominum memoria aliquis vnquam inuentus est, cui non multis partibus plura mala quàm bona contigerint.

Liquet igitur ex his, Philosophorum omnium conatus inanes irritosque fuisse; quandoquidem nemo eorum felicitatem hactenus, hoc est, humanæ vitæ finem inuenire potuerit. Errorum autem omnium causa exstitit, quòd altissimū finem in hac vita quærebant, qui in altera quærendus erat. Fine autem ignorato, aut perperam constituto, quid in vita sanctè & religiosè geri potuit? In illos namque cadere illud potest quod Thomas Apostolus ad Dominum dixit: Domine, nescimus quò vadis; & quomodo possumus viam scire? Ignorato enim fine, necesse erat totam humanam Philosophiam atque solertiam in Cimmeriis tenebris versari, & incertis motibus temerè fluctuare.

Quæ res firmissimo argumento Theologis fuit, vt non fide solū, sed ratione etiam colligerent, necessarium hominibus cæleste lumen, & reuelatam veritatis scientiam fuisse, vt naturæ conditor, qui nulla in re, quæ modò sit ad vitæ necessaria, deest; nobilissimæ creaturæ in re omnium maximè necessaria non deesset. Ad hoc igitur primū quidē Prophetas, à Spiritu sancto eruditos, quo nos erudirent, misit. Nec his contentus, ipse Prophetarum Dominus ad nos venire, & arcanum hoc per se docere dignatus est. Is igitur beatitudinem non in hac ærumnosa vita ( quæ mors potius est dicenda quàm vita ) sed in futura sperandam & quærendā esse, verbis & exemplis docuit; quod in futuræ huius lectionis fine ostendit, cum ait, *Gaudete & exultate: ecce cuius merces vestra copiosa est in celis.* In celis ergo felicissima beatitudinis nostræ merces, non in terra speranda est. Cuius rei cau-

sum



sam sancti Doctores infinitum animæ nostræ finem esse dicunt, qui nisi infiniti boni adeptione (quæ in aperta diuinæ pulchritudinis visione consistit) repleti non possent.

Quæret autem aliquis, quoniam modo intellectus nostri acies adeo habet, ut nec animæ quidem suæ substantiam intelligere possit, ad illius altissimæ & incomprehensibilis naturæ cognitionem assurgat, quæ lucem habitat inaccessibilem, quæque posuit tenebras latibulum suum; de qua in libro Iob scriptum legimus; Ecce Deus magnus vincens scientiam nostram? Huic igitur quæstioni respondemus, mentis nostræ aciem singulari quodam gloriæ lumine acuendam simul & eleuandâ, ut hanc splendidissimam lucem intueri valeat. Quod quidem lumen Theologi conspicillis simile esse dicunt, quibus imbecilles oculi à se longè diffusa, illisquæ inaccessa cernere possunt. Quod ergo oculis infirmis conspicilla, hoc lumen gloriæ menti nostræ dabit; ut recta facie immensam Dei pulchritudinem videat; quam tamen adeo non comprehendet, ut infinita in ea subsint, quæ nulla creata mens assequi possit. Idemque gloriæ lumen efficiet, ut

2. Tim. 6.

Psal. 17.

Iob 36.

quamuis altissima illa natura summa simplicitate prædita sit, inter Sanctos tamen alius alio pro varietate meritorum plura videat, quia maiore gloriæ lumine illustratur. Sic enim aquila & homo eundem solem vident; quem tamen aquila plenius videt, quia videndi sensum perspicaciorem habet. Sed quæretis rursum, an qui minus videt, plus videre aut etiam comprehendere cupiat? Ad hoc igitur respondemus, quod cum comprehendere solus diuinæ naturæ sit, in creaturarum desiderium cadere nullo modo potest; sicut nec in homine volandi cupiditas, quæ animi propria est. Quamuis autem (ut antè diximus) infinita sint in summa illa natura, ad quæ nulla beatarum mentium attingere queat; earum tamen voluntas propter eminentem gratiam tanta rectitudine à Deo donabitur, ut sua sorte contenta, nihil aliud concupiscere possit quàm quod habet. Hæc est igitur, fratres, beatitudo, hæc plena felicitas, hoc extremum expetendorum, hic vltimus humanæ vitæ finis, ad quem omnes qui Christiano nomine censetur, aspiramus.

simile.

simile.

## II.

Nunc, quoniam de fine, hoc est, de portu felicitatis nostræ diximus; cōsequens est, ut de itinere etiam quibus ad eam peruenitur, pauca dicamus. Quam quidem quæstionem breuiter & apertè satis ipse felicitatis auctor absoluit, qui iuueni felicitatis huius cupido ait, Si vis ad vitam ingredi, serua mandata. Exiguus sanè pretio æternam vitam nobis promittit, quam ipse sanguine suo comparauit. Verè, Dñe, pro nihilo saluos fecisti nos; quāuis non de nihilo redemeris. Quid enim magnū est, Deum

Mat. 19.

proxi-

proximumque diligere; in quibus mandatis vniuersa lex pendet & prophetæ?

Simile.

Cæterum quemadmodum ad munimentum ciuitatis quæ in hostili terra sita est, nō modò murorū præsidia, sed etiam antemuralia excogitata sunt; ita Dominus ad mandatorum, quasi ad murorum custodiam, euangelica quoque addit consilia, quæ velut antemuralia sunt, quibus mandatorum muri tuti & incolumes cōseruantur; de quibus præcipuè in hodierna sancti Euangelij lectione agitur. Quæ quidē consilia vsque adeò viam nobis ad beatitudinem muniunt, vt ea de causa beatitudines sint appellatæ. Hoc enim esse dicuntur, quod efficiunt, quodq; officio suo nobis conferunt. Has autē cælestis magister cum aliàs, tum præcipuè in præsentī lectione explicat; in qua ex omnium virtutum choro octo potissimū elegit, quæ quàm maximè nobis ad beatitudinē viam sternunt, per quam omnes Sancti eò perueniunt. Omnes enim pauperes spiritu, omnes mites, misericordes, mundi corde, & pacifici fuerunt; omnes, dum hīc agerēt, esurierunt & sitierunt iustitiam; omnes piis lacrymis & sua & aliorū delicta luxerunt; omnes varias mundi infestationes, propter tuendam pietatem & iustitiam, perpassi sunt; ideoq; plenissimam modò laborum suorum mercedem in cælo percipiunt.

Quamuis autem omnes in omni virtutum genere floruerint, in aliis tamen alij (Deo ita propter Ecclesiæ suæ decorem disponente) magis enituerūt; atque in hunc modum singularem sibi quisq; viam ad beatitudinem elegit. Quod propositis exemplis faciliè demonstrabo. Prima enim beatitudo, Paupertas spiritus est; quam D. Franciscus sic arripuit, vt dies noctesq; vix aliud cogitaret, quàm vt nullus inter homines se pauperior inueneretur. Nemo enim inter auaros tanto studio opes, quanto ille inopiam, & rerum omnium egestatem concupiuit; nullus inuidorum tantum splendidæ aliorum fortunæ inuidit, quantum is si quem fortè ex mendicis magis aut egentē aut nudum vidisset. Quot modis ille hanc virtutem commendauit! quot titulis insigniuit: illam nunc dominam suam, nunc sponsam, nunc reginam & Regis æterni sponsam appellans! Denique rogatus semel à fratribus, quæ res maximè homines Deo coniungeret; Paupertas, inquit, ac terrenarum opum contemptio. Harum enim amore superato, mēs nostra terrenis vinculis soluta, sponte sua in cælestia tanquam sibi cognata & naturæ suæ finitima perducitur. Vt enim magnes ferrum, propter occultam quandam vtriusque naturæ cognationem, ad se in aëra eleuat, & immobile atque suspensum tenet; ita mentem à terrenarum rerum amore purgatam, Deoque iam similem effectam, faciliè Deus ipse ad se rapit, & arctissimo charitatis nexu sibi deuincit.

Simile.

Post

Post hanc verò paupertatem sequitur germana illi & vicina, Mansuetudo, de qua Saluator ait: *Beati mitres. quoniam ipsi possidebunt terram.* Hæc quoque communis Sanctorum omnium virtus fuit. Vnde frequenter in sacris literis mansuetorum nomine appellantur. Hanc tamen virtutem sacræ litteræ Moysi præcipuè tribuunt; sic enim legimus: Erat autem Moyses vir mitissimus super omnes homines qui morabantur in terra. Summus namque ille mundi moderator, quem populo suo magistrum & rectorem præfecerat, furore & ira carere, & mitissimum super omnes homines esse voluit. Cuius rei (vt alia prætereamus) illud argumento est, quòd cum toties ab ingrato & rebeli populo lapidibus impetitus fuisset: tamen vbi Dominum aduersus illum iratum, propter vituli scelestissimum facinus, vidit; quadraginta diebus ieiunus ante illum perstitit, teterrimi illius criminis veniam deprecans, & se anathema pro illis fieri cupiens. Nec in hac laude inferior Dauid extitisse videtur; qui Saulem atrocissimum hostem cum opprimere sæpe potuisset, nulla in re violauerit; quin & eius interfectorem morte multauit, eiusq. mortem acerbissima planctu scissis vestibus profecutus est; eosq. qui eius corpus sepultura tradiderant, magnis se honoribus affecturum pollicitus est. Denique hanc vnâ ex virtutibus suis ante Deum proponit, cum ait; Memento Domine Dauid, & omnis mansuetudinis eius.

Num. 12.

Exod. 24.

1. Reg. 14.

2. Reg. 1.

2. Reg. 1.

Psal. 135.

Sequitur deinde tertia, Luctus & lacrymarum beatitudo, quæ virtus in prophetis potissimum eluxit; qui non modò peccata hominum zelo diuini honoris corripiebant, sed pio etiam compassionis affectu lamentabantur. Inter quos enituit præcipuè Ieremias, ab vtero matris sanctus, qui vitam omnem ab ipsa etiam pueritia in luctu & lacrymis consumpsit. Neque tanto lacrymarum imbre contentus, vberiores etiam fletus se exoptasse ostendit, cum ait, Quis dabit capiti meo aquam, & oculis meis fontem lacrymarum, & plorabo die ac nocte? Sunt autem duplices lacrymæ, vt duplex est etiam tristitia; altera, quæ secundum seculum; altera, quæ secundum Deum est. Illa est, cum aut temporalium rerum iacturas, aut nostrorum funera immoderato luctu prosequimur; quam in sancta Paula, filix mortem acerbò dolore plangente, D. Hieron. reprehendens ait; Mens ista quæ plangit, sericarum vestium est. Altera verò est, cum malè actæ vitæ scelera dessemus; quomodo sanctus ille Rex desiebat, cum diceret: Lauabo per singulas noctes lectulum meum; lacrymis meis stratum meum rigabo. Has porrò lacrymas D. Chrys. peccatorum tantum, non etiam aliarum rerum medicinam esse ait; quod non vulgari ratione cõfirmat. Si enim vel filium, vel virum, vel vxorem, vel opes amiseris, teq. lacrymis conficias, nullum his calamitatibus

1. Cor. 1.

Hieron.

Psal. 9.  
Chrysol.



mitatibus remedium inuenies; at verò si peccata lacrymis prosequare, eadem protinus sustulisti; vnde patet eas veram esse ac propriam peccatorum medicinâ. Quæ res meritò inter has beatitudines numeratur; quando (vt Apostolus ait) tristitia quæ secundum Deum est, pœnitentiam in salutem stabilem operatur.

2. Cor. 7.

Dan. 9.

Sequitur deinde quarta via teorum qui esuriunt & sitiunt iustitiam; inter quos sanctus Daniel ita emicuit, vt ab Angelo, vir desideriorum nuncuparetur. Sed cur Dominus, esuriendi & sitiendi, pro desiderandi verbo vsus est? Certè quia cum cibo aut potu vehementer indigeamus, sic harũ rerũ desiderio afficimur, vt cætera omnia, quamlibet sint pretiosa, pro his adipiscendis facillè vel deferamus vel commutemus. Si enim homini fame aut siti pereunti totius mundi aurum, aut etiam imperium, citra

Simile.

panis tamen aut aquæ copiam, obtuleris, pro nihilo ducet. Vt enim Philosophus quidam (Aristotele referente) de iumentis dixit, ea videlicet malle scœnum quàm aurũ; ita homines etiam, urgente fame, cunctis mundi opibus panem præferent. Hac de causa Esau lassus, & fame oppressus, vt cibum à fratre redimeret, primogeniti dignitatem vendidit, dicens, En morior, quid mihi conferet primogenita mea? Sic etiam Lyfimachus Thracie Rex ab hostibus obsessus, propter aquæ penuriam se & regnum hosti tradidit. Vbi verò allatam sibi aquam sitibundus bibisset,

Gen. 25.

O, inquit, quàm exigua res me ex Rege captiuũ fecit! Cum ergo Dominus his verbis, sitiendi & esuriendi, pro, desiderandi, vsus fuit, non quæuis iustitiæ desideria, sed ea intelligi voluit, quæ præ magnitudine sua (quemadmodum vera fames & sitis) cætera omnia mundi bona paruipenderent; hoc est, quibus ita homines cælestium rerũ cupiditate flagrent, vt propter ea consequenda pro nihilo cuncta ducant. Huiusmodi verò desideria sola mens pura, & ab omni immoderato terrenarũ rerũ amore

Simile.

libera habere potest. Quid enim causæ esse putatis, cur agrotantium multi, cum edendi fastidio laborant, morte peius cibum oderint, quem sani deperibant? Non alia certè est, quàm quòd stomachus, cum noxiis humoribus plenus sit, dum satis intra se habet hostium cum quibus pugnet, alios admittere recusât. Quo tempore si adhibita pharmaca noxios illos humores expulerint, protinus idem, qui antea fuerat, edendi appetitus redit. Eadem igitur causa est, fratres, cur res omnium maximas atque pulcherrimas, nempe virtutes, atque cælestia & diuina munera, fastidiamus, quòd noxiis vitiorum, variarumque cupiditarum humoribus mens nostra referta sit; quæ si à nobis pœnitentiæ & melioris vitæ medicamentis non excutimus, nunquam aut iustitiæ, aut cælestium rerum famem & sitim patiemur, atque ita nunquam salutarẽ illam mentis satietatem percipiemus,

cipiemus, quæ ingredientibus & egredientibus inæstimabilis  
suauitatis pascua præbet

Proxima est huic, Misericordiæ via; qua cum omnes Sancti  
(qui viri misericordiæ in litteris sanctis appellatur) ingressi, mi-  
sericordiam consecuti sunt; tum illi potissimum, qui actiuam  
vitam (quæ tota in aliorum miseriis subleuandis posita est) co-  
luerunt. Misericordiæ autem nomine hoc in loco non tam effe-  
ctum quàm affectum misericordiæ significari credo. Illud enim  
solis tantum diuitibus, hoc & diuitibus & pauperibus commu-  
ne est. Effectus enim misericordiæ in opere; affectus autem in  
voluntate est. In qua diues est, quisquis cum sanctissimo Iob di-  
cere potest, Flebam quondā super eo qui afflictus erat, & cōpa-  
tiebatur anima mea pauperi. De his autem qui hoc affectu præ-  
diti sunt, Dominus in præsentī lectione ait, *Beati misericordes, quo-  
niam ipsi misericordiam cōsequuntur.* Ex cuius verbis apparet, quàm  
sit hæc virtus illis omnibus necessaria, qui misericordia Domini  
eigent. Quis est autē inter mortales qui ea non indigeat? Recte  
enim D. August. Væ enim laudabili vitæ, si remota pietate iu-  
dicetur. Cum ergo omnes hac misericordia tantopere indigea-  
mus, regia planè via ad eam consequendam, misericordia est; vt  
videlicet talem te cæteris hominibus præbeas, qualem tibi Do-  
minum exhiberi velis. Quid autem in extremo illo iudicio vir-  
tus misericordiæ aduersus vindicantem iustitiam valeat, Iaco-  
bus Apostolus satis declarauit, cum ait; Super exaltat autem mi-  
sericordia iudicium: hoc est, superior est in hoc certamine mi-  
sericordia contra iudicium; vel (vt apertius loquar) triumphat mi-  
sericordia de iudicio; quia videlicet quos iudicii seueritas pre-  
mere potuisset, misericordia liberat & absoluit; dum apud mi-  
sericordiarum parentem allegat, dignum esse misericordia qui in  
alios benignus & misericors extiterit. Non igitur immerito  
Oecumenius misericordiam oleo simile esse ait, quo athleta, in  
palestra luctaturi nuda corpora ungere solebant, ne agonothetis  
vllam corripiendi ansam in lubricis oleo carnibus præberet. Hoc  
ipsum autem misericordiæ oleum iudicandis præstat, ne videli-  
cet vindex peccatorum iustitia habeat, vnde illos accusare aut  
damnare queat, quos ab accusatione misericordia defendit.

Sequitur deinde sexta ad beatitudinē via, eorum qui Mundo  
sunt corde, de quibus Dominus; *Beati mundo corde, quoniam ipsi  
Deum videbunt.* Sicut autem antecedentem misericordiæ viam,  
qui actiuam vitam exercuerunt; ita præsentem illi præcipuè se-  
ctati sunt, qui se totos contemplatiuæ vitæ studio dederunt.  
Horum enim præcipua cura fuit, mentis aciem ab omni labe,  
atque terrena fece purgare, quo splendidissimos solis iusti-  
tiæ radios in ea velut in purissimo speculo recipientes, ampliori  
diuinæ

Iob 30.

August.

Iacob. 2.

Oecum.

Simile.

August.

diuinæ bonitatis cognitione irradiarentur. Ideo appositè satis huius puritati, diuinæ lucis visio proponitur; quæ lusciosis & agris oculis odiosa, ita mundis & puris est amabilis. Vnde rectè D. Augustinus, Deum purgatæ mentis sapientiam significantissimo nomine appellauit. Illis namque solum Deus verè sapit, qui purgatæ mente sunt: cuius inæstimabilis suauitas atque dulcedo est.

Dissimil.

1. Cor. 13

2. Cor. 14

Esaiæ 9.

Septima ad beatitudinem via Pacificorum est; de quibus Saluator ait: *Beati pacifici: quoniam filij Dei vocabuntur.* Hi sunt, qui non modò ipsi intra se, & cum aliis pacati sunt, sed pacem quoque inter alios conciliare student. Vt enim filiorum Diaboli munus est, clanculariis delationibus seminare discordias inter fratres; ita contrà filiorum Dei est, cunctos homines mutua beneuolentia deuincire. Amator enim & conditor hominū Deus, pacis & dilectionis est conciliator. Quo nomine Apostolus ipsum pacis & dilectionis Deum appellat. Et alio in loco, Non est, inquit, Deus dissensionis, sed pacis. Esaias verò Christum Dominum Principem pacis appellauit. Si igitur hoc Dei nomen, hoc munus & officium est, meritò eius filij nuncupantur qui eius in hac parte imaginem referunt, qui totus in iuuandis & seruandis hominibus intentus est; quiq; adeò humanæ pacis studiosus fuit, vt filium suum in mundum miserit, qui reconciliaret ima summis, pacemq; denuntiaret his qui propè, & his qui longè erant. Tales igitur iure beati censentur, qui in hac vita filij Dei sunt, in futura verò hæredes regni eius erunt. Quæ beatitudine quid maius excogitari potest?

Rom. 5.

Esaiæ 53.

Cant. 1.

Sequitur postrema & perfectissima beatitudo, quam magister celestis in extrema sacrae huius lectionis parte collocauit, cum ait: *Beati qui persecutionem patiuntur propter iustitiam: quoniam ipsorum est regnum celorum.* Hæc enim vt extrema, ita summa huius vitæ felicitas est, ad quam cætera ordinantur. Neq; enim alius aut charitas, aut vlla præcedentium beatitudinū ire potest, quàm vt homo non modò iustus sit, sed etiam persecutionem propter iustitiam patiatur. Vnde in hac re potissimum Paulus gloriatur, cum se in tribulationibus gloriari dicit. Hanc autem viam, Dei filius tota vita sua non verbis solum, sed clarissimis etiã exemplis docuit; quem virum dolorū, & scientem infirmitatē Esaias appellauit. Ideoq; Sponsa in Canticis illum fasciculum myrrhæ vocat; quòd tota eius vita atque doctrina vix aliud quàm congeries quædam & fasciculus amaritudinum, dolorum, lacrymarum atque laborum fuerit. Quo fit, vt ille sit felicior atque beator, qui perfectissimo huic probitatis & sanctitatis speculo fuerit similior. Huic autē beatitudini Dominus non, vt in præcedentibus, futurum, sed præsens promittit præmium, cum ait:

Ipsorum



*ffortuna enim est regnum celorum.* Iam enim gustarunt bonum Dei verbum, virtutesque seculi venturi; qui non modò secundis fortunæ rebus, sed aduersis etiam superiores facti sunt, quas pro nihilo ducunt, dummodo interna quidem in præfenti, & æterna in futura vita felicitate potiuntur.

III.

Hæ sunt, fratres, certissimæ viæ, quibus ad hanc duplicem beatitudinem peruenitur. Sed quoniam altera solùm inchoata, altera verò plena & perfecta esse dicitur; quid hæc posterior sit (quò vos alacriores ad has vias ingrediendas efficiam) paucis indicabo. Hæc igitur siue beatitudo, siue diuina merces (vt quàm breuissimè definiam) infinitum, summum, plenissimum; & (vt ita dicam) vniuersale bonum est. In eo namq. omnes omnium rerum perfectiones & laudes, omnis dignitas, omnis honestas, omnis iucunditas, omnis decòr & pulchritudo, ac deniq. bonorum omnium summa continetur. Deus enim qui rebus omnibus suam cuique perfectionem & decorem dedit, expers eius perfectionis & laudis esse nullo modo potest, quàm aliis dedit. Hinc D. Bernardus, Bernard. Miraris, ait, in sole splendorem, in flore pulchritudinem, in pane saporem, in terra fecunditatem: à Deo hæc vniuersa donata sunt. Nec dubiù quin multo amplius seruauerit sibi quæ dedit creaturis. Quemadmodum enim stellarum omnium lumen à solis lumine deriuatur (quarum tamen omnium splendore vnus sol non modò continet, sed etiam multo auctiorem & ampliorem continet) ita creaturarum omnium siue terrestrium siue celestium, siue corporearum siue incorporearum decòr & pulchritudo à summo illo conditore profecta est, quarum tamen ipse pulchritudinem & perfectionem infinitis partibus ampliorem sibi seruauit. Quid ergo miramur creaturas à creatore longè superari, cum videamus creaturas à creatura, hoc est, sidera à sole splendoris magnitudine vinci? Quisquis igitur hoc summo & vniuersali bono in cælis fruatur, omnium simul bonorum amplificata suauitate, omni decore & pulchritudine, omni gloria & dignitate, omniq. iucunditate & deliciis plenissimè fruatur. Quod quidè adeò verum est, vt si vel perfidum modò Iudam omnipotens Dominus ab inferis euocaret, & vel vnus horum spatio huius tantæ felicitatis compotem faceret, nullo modo posset hoc temporis spatium non summa iucunditate perfrui, summoq. amore præsentem Dñm diligere. Sicut enim aperti oculi præsentem lucem, aut attentæ aures sonum vocis non possunt non sentire; ita voluntas oblata summi boni specie nõ potest toto nisu in illud non ferri. Quæ cum ita sit; vbi, quæso, stulta mortaliu auaritia est, quæ huius tæti boni desiderio non flagrat? Si enim videmus frequenter homines alicuius egregiæ pulchritudinis amore ita capi,

Simile.

Simile.

Simile.

ut insanire quodammodo videantur; quid isti facerent, si infinitam illam pulchritudinem oculis vsurparent, eaque non ad horam, sed sempiternis seculorum ætatibus se fruituros esse crederent? Si enim vel vna corporeæ pulchritudinis guttula sic eos inebriat; quid facerent, si immentum illud diuinæ pulchritudinis pelagus ingrederentur?

His etiam addendum est, huius boni fruitionē non ad vnum aliquem sensum, sed ad omnes corporis sensus, & animæ vires permanere. Quod huius vitæ bonis nullo modo conuenire potest. Horum enim quædam aures melodia, quædam oculos venustate, quædam nares odoris fragrantia, quædā gustandi sensum saporis suauitate, quædam verò mentē dignitatis suæ specie demulcent: at hoc summum bonum, ut omnigenam in se pulchritudinem & decorem continet, ita quamuis intellectu potissimum apprehendatur, sic tamen in omnes animi vires & sensus corporis exundat, ut nihil in tota hominis regione sit, quod non aliqua felicitatis huius communione potiatur. Ita fit, ut in homine ad hunc modum glorificato absorbeatur id quod mortale est à vita; & ipse homo, hausta tot sensibus diuinitatis gloria, in diuinam quodammodo naturam transeat.

Estne aliquid quod huic tantæ felicitati addi possit? Est planè. Diximus enim paulo antè, his tantis bonis omnes sensus ac vires nostras eodem temporis momento frui. Quod in hac vita, vel ipso Aristotele teste, minimè contingit; qui vehementem alicuius sensus voluptatem, aliorum sensuum voluptates, cum illa valde percipitur, impedire ait. Ut si quis, inquit, citharæ modulationi vehementer intentus, ea maximè delectetur, dicentem oratorem, quamuis facundum, aut non intelliget, aut minimam ex eius oratione capiet voluptatem. At summa illa & æterna felicitas sic omnes hominis vires afficit atque permulcet, ut nullius suauitas alterius suauitatem impediat, aut intercipiat, sed omnes simul suo quaque modo omnigena illa & multiplici iucunditate fruuntur.

Nunc iam, fratres, quasi è cælo descendentes ad nos ipsos redeamus. Num igitur hæc omnia quæ diximus, vera esse creditis? Nihil certè verius quàm quod Veritas ipsa testata est. Num dignum esse arbitramini, ut omni studio ad hanc tantam felicitatem properemus, & hanc omnium curarum nostrarum primam esse ducamus, & aliquid etiam (cum ita opus fuerit) propter hoc tam ingens bonum patiamur? Non dubium quin illud etiam concessuri sitis. Concessisset certè D. Augustinus, cuius hæc verba sunt: Tanta est pulchritudo iustitiæ, tanta iucunditas lucis æternæ, hoc est, incōmutabilis veritatis atque sapientiæ, ut etiam si non liceret in ea amplius viuere quàm vnius diei mora,

propter

Aristot.

August.

propter hoc solum innumerabiles anni huius vitæ pleni deliciis, & circumfluentia temporalium bonorum, rectè meritoq; contemnerentur. Quoniam melior est dies vna in atriis tuis super millia. Hactenus August. Ex cuius verbis ita licebit argumētari: Si innumerabiles anni opibus atque deliciis huius mundi referti, propter vnius diei gloriam meritò contemnendi essent; quid, quæso, propter sempiternam gloriam, nullo vnquam die terminandam, nos facere par est? Si hæc igitur ita se habent, fratres; an æquum erit vt cum Propheta quæramus: Domine, quis habitabit in tabernaculo tuo? aut quis requiescet in monte sancto tuo? aut illud: Quis ascendet in montem Domini? aut quis stabit in loco sancto eius? Quis, inquam, adeo felix & fortunatus erit, qui ex hac ærumnota lacrymarum valle in superas illas oras euadat, & beatarum mentium choris adiunctus, conditoris sui faciem lætus aspiciat?

Psalm. 83.

Psalm. 14.

Psalm. 23.

*Felix celi quæ presentem regem cernit anima,  
Et sub se despectat altam orbis vo.us machinam,  
Solem, Lunam, & globosa cum planetis sidera.*

Ex hym.  
no Petri  
Damian.

Si quis igitur huc peruenire desiderat, habet in sacra præsentis Euangelij lectione stratas ad cælum vias, quibus eò peruenire queat. Quarum prima quidem est paupertas, qua immoderatam terrenorum bonorum cupiditatem à nobis abdicamus. Alia est lenitatis & mansuetudinis, qua illatas siue iniurias siue contumelias patienter & leniter propter Deum ferimus. Alia est lacrymarum & luctus, quo & scelera nostra, & aliorum etiam pio affectu plangimus, & pro vtriusque misericordiam Domini deprecamur. Alia est sanctorum desideriorum, quibus ad virtutis & pietatis studium incitamur; suppliciter à Domino petentes, vt nos desideriorum nostrorum compotes efficiat. Alia est misericordiæ, qua, si nihil aliud præstare possumus, affectu tamē commiserationis, miserorum vicem dolemus. Alia est cordis puritas atque mundities, qua omnem impuram cogitationem à corde nostro summo studio & celeritate excutimus, ne cælestis sponsi lectulum labe vlla inficiamus. Alia est charitatis & pacis; quam, si fieri potest (quod in nobis saltem est) cum omnibus hominibus retinere debemus. Postrema verò est, vt si propter hæc iustitiæ & pietatis officia præstanda, aut rerum nostrarum iacturam, aut dedecus subire necesse sit; tunc seriò gaudeamus & exultemus, quòd merces nostra copiosa sit in cælis. Quò nos perducere dignetur, qui viam nobis ad gloriam salutaribus his monitis patefacere dignatus est. Cui est gloria & imperium per infinita secula seculorum, Amen.



IN EODEM FESTO OMNIUM  
SANCTORUM CONCIO SECUNDA: IN  
qua lectio Euangelica explanatur.

THEMA. *Beati pauperes spiritu, quoniam ipsorum est regnum celorum.*

simile.



Q UOD medici facere solent, cum æger magno ciborum fastidio laborat, hoc Ecclesia in hac sacratissima Sanctorum omnium solennitate agere videtur. Illi namque varia ciborum genera offerri languenti præcipiunt, fore videlicet sperantes, ut in tanta ciborum varietate aliquid tandem inueniat quod iacentem atque prostratum edendi appetitum excitare valeat. Ad hunc ergo modum Ecclesia agris multorum mentibus, & spiritualium rerum fastidio laborantibus, splendidissimum hodie conuiuium instruit, omnigena dapium celestium varietate apparatus, ut inter tam multa diuini Spiritus fercula aliquid tandem inueniri queat, cuius auiditate & desiderio mens nostra capiatur. Proponuntur enim nobis hodie sanctorum Patriarcharum, Prophetarum, Apostolorum, Martyrum, Confessorum & Virginum exempla: qui variis virtutum generibus ornaati, ad eundem sempiternæ felicitatis portum peruenierunt. Si igitur tota nobis hodie ante oculos celestis curia ponitur; æquis nostrum tanto diuinarum rerum fastidio laborabit, ut non in hoc solenni epulo aliquid inueniat, cuius aspectu delectetur? cuius pulchritudine capiatur? cuius gustu & suauitate pascatur? Neque verò à præsentī solennitate Euangelica lectio dissentit, quæ tam variis virtutum præceptis referta est, ut vix alia in tota Euangelicæ doctrinæ serie inueniatur, quæ tam breui verborum compendio tam multa ac varia Christianæ vitæ documenta contineat. Ea verò est exordium sermonis eius quem Saluator noster, cum primū cælestem doctrinā in mundo disseminare cepit, ad discipulos habuit. Cuius doctrinæ dignitatem sanctus Euangelista initio statim sacra: huius lectionis non obscuris indicis designauit. Ait enim primò Dominum turbis quæ illum sequebantur, in valle relictis, cum discipulis in montem ascendisse. Quo argumento facile ostendit, se nihil in præsentī sermone populare, nihil humile, & rudis vulgi auribus accommodatum, vel Phariseorum & scribarum doctrinæ simile voluisse docere. Locus enim editus, mons à terra eleuatus &

cælo propior, declarat, non terrena & humilia, sed cælestia dogmata esse quæ in eo loco tradenda erant. Iam verò quod sermonem nunc ad solos discipulos, quos in salutem & lucem mundi elegerat, habuerit; eius dignitatem, & doctrinæ altitudinem facile demonstrat. Quid verò illud quod sanctus Euangelista subdit; *Et aperiens os suum, docebat eos, dicens: Beati pauperes, &c.* Quorsum ait, *Aperiens os suum*? An quisquam nisi aperto ore loquitur? an verò diuinæ historiæ scriptor verbis non necessariis luxuriari voluit? Nullo modo. Sed his tamen verbis docuit, alium esse qui videbatur, alium qui loquebatur: videbatur quidem homo, loquebatur latens in humanitate Deus. Homo quidem aperiebat os, sed illud tamen implebat Deus; homo linguam in verba formabat, sed plenitudo diuinitatis, & increata sapientia Patris arcana cælestia humanis auribus inspirabat. Hoc est autem quod Apostolus in iro statim eius Epistolæ quam ad Hebræos scripsit, magnificis verbis amplificat, cum ait: Multi- Hebr. 2. farie multisque modis olim Deus loquens Patribus in Prophetis, nouissimè diebus istis locutus est nobis in Filio, quem constituit hæredem vniuersorum, per quem fecit & secula. Opportunè autem hæc sacra lectio nobis hodie ab Ecclesia proponitur, vt varias virtutum formas, variasque in cælum eundi vias, quibus Sancti omnes, quorum hodie memoriam colimus, ingressi sunt, agnosceremus; quò per eas nobis aditum in cælum pararemus. Alioqui vehementer absurdum esset, eos nos nolle sequi, quorum gloriam & felicitatem consequi desideramus. Vt igitur hanc sacram lectionem pio studio interpretari & audire valeamus; cælestem opem, beatissimæ Virginis interuentu, suppliciter imploremus.

## A V E M A R I A.

Quia non sufficit vni concioni destinatum tempus, vt has omnes beatitudines longa oratione explanare possimus; idè breuiter pro ratione temporis earum vim & naturam explicare cutabimus. Ad hoc tamen illud primo loco obseruandum est, omnes has beatitudines, atque adeo omnes diuinas leges huc præcipuè tendere, huc spectare, vt non modò externa virtutum opera, sed multò magis internam animi puritatem & charitatem constituent; quòd in ea præcipuè omnis mentis nostræ ornatus positus sit; quemadmodum regius Propheta de Ecclesia sub filie regis nomine testatur, cum ait: Omnis gloria eius filie regis ab Psal. 44. intus, in fimbriis aureis, circumamicta varietatibus: hoc est, omnis hæc filie cælestis regis & gloria & ornatus quem predicamus, non in bonis externis, quæ carnis oculos oblectant; sed intus in animo, qui diuinis oculis conspicuus est, consistit: in quo pij hominis mens splendenti charitatis auro, variisque virtutum

- Ephes. 3.** gemmis, atque diuinis opibus mirificè fulget. Hanc autem internā animæ pulchritudinē magno affectu Apostolus ad Ephes. scribens postulabat, cum diceret: Flecto genua mea ad Patrem Dñi nostri Iesu Christi, à quo omnis paternitas in cælo & in terra nominatur (hoc est, ex quo & beatæ mentes quæ in cælo sunt, & homines qui in terra degunt, originē trahunt) vt det vobis secundū diuitias gloriæ suæ (id est, gratiæ suæ, quæ eius maximè gloriā declarat) virtutem, corroborari per Spiritum eius in interiori homine, Christum habitare per fidem in cordibus vestris, in charitate radicati & fundati. Videris hic omnia Pauli verba ad interni hominis puritatem & charitatem potissimum dirigî? Quo fit, vt omnes sacræ ceremoniæ, cæteraq; externa virtutum opera (quæ non minima pars Christianæ perfectionis sunt) hoc præcipuè nomine commendentur, quod nos ad hunc internum animæ decorem & elegantiam, hoc est, ad pleniorē diuinitatis cognitionem, ad spem, ad amorem, ad timorē & venerationem diuinæ maiestatis plurimum adiuuent. Sic olim Dñs cum Paschalis agni sacrificium instituit, nō hoc ea mente fecit, quod animalium cruore delectaretur; sed vt eo sacrificij genere populum suū ad veterum beneficiorum memoriam excitaret; quæ in eorum mentibus & diuinæ legis studium & diuini amoris ignem accenderet. Quod apertè idem Dominus significauit, cum post huius sacrificij institutionem subdit: Et erit quasi signum in manu tua, & quasi monumentum ante oculos tuos, vt lex Domini sit semper in ore tuo. In manu enim forti eduxit te Dominus ab Aegypto. Iam verò quid sibi vult, quod tanta cura cauit, ne altare sibi ex lapidibus perpolitis atque dolatis, sed
- Exod. 20.** vel ex terra, vel rudibus lapidibus ædificaretur? Si enim, inquit, leuaueris cultum super eo, polluetur. Quid hoc ad cultum Dei, & religionis sanctitatem? Quid enim pollutionis, aut indignitatis in lapidibus quadratis & perpolitis est? Sarpè, fateor, hanc Domini legem demiratus sum; cum ea verò nequaquā temerè lata sit, quid aliud in ea philosophari possumus, nisi quod hac ratione Dominus animi simplicitatem ab omni calliditate & artificio alienam, & internum animi cultum voluerit commendare? Perinde enim est, ac si diceret, Nollem vos, qui rudi & heberi ingenio estis, existimare, me solo externarum rerum cultu & nitore oblectari; ideoque nullum à vobis apparatus & splendorem in altari meo requiro: non quod templi mei ornatum non probem, sed quò facilius intelligatis, vestrę mentis puritatem, pietatem, nitorem simplicitatem & cultum me à vobis potissimum exigere; vt cum nihil in altari meo magnificum, & maiestate mea dignum perspiciatis, interiori cultu & religione suppleatis, quod minus foris splendet ac fulget. Liquet igitur
- ex his,



ex his, præcipuum Christi hominis studium in hoc interioris hominis cultu ponendum esse. Vnde consequens est, vt omnes curas & cogitationes nostras huc præcipue dirigere debeamus, vt omnes noxios animæ affectus & cupiditates ab anima nostra euellamus, quæ nos ad terrena deprimunt, quæ intellectus aciem ad cælestia contuenda obrundunt; quæ tanto nos magis à diuino amore auocant, quanto terrenorum bonorum amore incendunt. His enim, quantum fieri poterit, velut sentibus & tribulis à terra cordis nostri repurgatis, protinus vera charitas, humilitas, timor Domini, cæteraque virtutum semina (in quibus vera animæ puritas & sanctitas constituta est) germinabunt. Hic igitur Christianæ vitæ scopus est, hoc illa præcipue intuetur, hoc omnes scripturarum paginae semper inculcant, huc denique ipsa Domini lex tendit, quæ vnico dilectionis præcepto cõtinetur. Ex hoc autem fonte externa opera nostra manare debent; quæ tanto erunt diuinæ menti gratiora, quanto magis & ad hunc charitatis finem tendunt, & ab eodem proficiuntur, vt idem videlicet earum & finis & initium sit. Hoc ipsum autem hodierna sancti Euangelij lectio maxime confirmat, cuius omnis ferè doctrina ad hunc internum animi cultum & ornatum præcipue refertur.

Habet autem & aliam non vulgarem commoditatem hæc sacra lectio; quod metum ac trepidationem illis adimit, qui virtutis viam, vt asperam atque difficilem, ingredi detrectant. Hanc enim trepidationem, propositum vnicuique virtuti præmium, suæque beatitudo magna ex parte adimit. Hac enim ratione fit, vt quod est difficultatis ac laboris in virtute propositum, adiuncti præmij solatio leniatur. Diuina enim sapientia, quæ quibusdam voluptatis illecebris animantia cuncta, ad ea quæ naturæ suæ conueniunt, trahit & inuitat, suas quoque virtutibus cunctis delicias & iucunditates apposuit; vt earum dulcedine homines inefecti, ad earundem amorem accendantur. Hoc autem facile erit in præsentī lectione perspicere, si harum beatitudinum naturam, & adiuncta singulis præmia excutiamus. Tunc enim intelligemus, nequaquam illas temerè beatitudines esse appellatas, sed præter perfectam plenissimam illam beatitudinem quæ illis in futura vita constituta est, aliam quoque, licet imperfectam & inchoatam, in hac esse propositam; quod iam nunc explicare incipimus.

## I.

Earum igitur prima est, paupertas spiritus, hoc est, voluntaria terrenarum rerum contemptio, quæ in summa etiam rerum copia esse potest: vt in Abraham, Dauide, & beato Gregorio Pontifice, qui in maxima terrenarum opum abundantia constitutus,

minus eas diligebat, quàm sanctus quidam cremata catellâ quam apud se nutrierat. Quod si roges, quanam sit huius paupertatis beatitudo? Primum illa est, quod ab immoderato diuitiarum amore & cupiditate liberat. Ab hac autem cupiditate liberari, id verò est omnium ferè peccatorum, quæ ab ea deriuantur, radicem abscindere; Apostolo testante, qui ait: Radix omnium malorum, cupiditas; quam quidam appetentes, errauerunt à fide, & inseruerunt se doloribus multis. Hinc Ecclesiastic. Nihil est, inquit, iniquius quàm amare pecuniam: idemq. alibi: Avaro nihil est scelestius. An parua igitur vobis hæc beatitudo esse videtur, vno ictu peccatorum omnium radicem (in quibus vera animæ miseria est) amputasse? Sed non modò peccatorum, sed curarum etiã innumerabilium & molestiarum radicem abscindit, cum immodicum diuitiarum amorem ab anima pellit. Vbi enim vehemens alicuius rei amor est, ibi & amittendi metus, & partuendi cura, & plus habendi sitis, & ira atq. tristitia; cum id quod ita diligimus, vel ab aliis impetitur, vel è manibus extorquetur, vel casu aliquo intercidit, & periclitatur. Sed vt nihil horum esset, omnis immoderata cuiusque rei cupiditas tantum in se pernarum & cruciatuum habet, vt multi, quod ea consequi non potuerint quæ ardentissimè desiderabant, sibi ipsis necem intulerint. Hoc autem quotidianis ferè exemplis animaduertimus, Pontanus adolescentem quendam memorat, quod speciosa quidam virgine, quam perditè amabat, potiri desperasset, in fenestra, quæ contra virginis domum posita erat, laqueo sibi vitam eripuisse. Idemque refert, adolescentulam quandam se in puteum coniecisse, quod ab adolescente, cuius amiciebat coniugium, despecta fuisset. Quæ ideò retuli, vt his exemplis intelligatis, quantus sit eorum hominum cruciatus, qui multa sitienter appetunt, quibus potiri nequeunt. Quo etiã argumento intelligere licebit, eam esse felicitatem illius qui sua sorte contentus nihil extra se quarit, vt Seneca dicere non dubitauerit: Qui desiderium clausit, cum ipso Ioue de felicitate cõtendat. Itaque huius tanti Philosophi iudicio ille felix habendus est, qui nihil cupit; hoc est, qui sua sorte cõtentus, nihil aliud desiderat, quàm quod habet. Cum enim vir sapiens intelligeret, beatitudinem esse desiderij quietem; nihil mirum si eum felicem appellauerit, qui eò peruenit, vt desiderijs suis finem imposuerit. Hinc idem argutissimè veras diuitias desideriorum paupertatem esse definiuit; illumq. verè diuitè & beatum pronuntiauit, non qui plurimū haberet, sed qui minimū cuperet. Quod hoc argumento perspicere facile potest. Si quis ager inexplebili fame laboraret, & multis dapibus absumptis, eadē adhuc fame vrgeretur; alius verò qui sano esset corpore, vno tantū ferculo cõtentus famē sedasset; an non

1. Tim. 6.

Eccli. 10.

Ibidem.

Pōtanus  
libro de  
Fortitud.

Idem.

Seneca  
in epist.

Idem.

Simile.

hic meliori cōditione esset, minimo cibo cōtēntus, quā ille qui tot absumptis ferculis eadem fame cruciatur? Non ergo ingens opum multitudo, sed cupiditatis abdicatio quietem animis affert. Vnde idem Philosophus sapienter & eleganter ait, nihil in- Seneca zereffe an habeas, an non concupiscas. Cū enim (vt antē diximus) beatitudo sit quies desiderij; multo sanē felicior est, qui cū nihil habeat, nihil cupit, quā qui cū plura habeat, plurima cupiat. Merito ergo inter has beatitudines paupertas voluntaria numeratur, quæ nos à tot corporis & animæ malis eripit, & in felicissimæ quietis & tranquillitatis portu constituit. Hoc autem mihi Dominus inuuisse videtur, cū primæ huius beatitudinis præmium præsentis temporis verbo significauit; cū in cæteris (postrema tantū excepta) futuri temporis verba subiiciat, quod videlicet in hac vita incipiat esse beatus, qui ad hunc terrenarum rerum contemptum potuit peruenire. Verē enim felicitatis æternæ, cælestisque status velut prælibatio quædā est hæc mentis tranquillitas, & desideriorum quies. Ad hanc autem beatitudinem vos ego hodie inuito, fratres; immo regius Pro- Psal. 66. pheta inuitat, cū ait: Diuitiæ si affluant, nolite cor apponere. Non putauit se facile à nobis impetrare posse, vt cū diuitiarum cupiditate diuitias simul abijceremus; ideoque quod facilius infirmis esse videbatur, suadet ne diuitiis amore immodico iungeremur; hæc enim ratione fieri posse vt hanc spiritus paupertatem consequi possemus, quæ non rerum abdicatione, sed cupiditatis amputatione constat. Hoc autem quod ego à vobis, fratres, Christianus à Christianis exigo, gentilis Seneca se præstitisse fatetur, qui ad Lucilium scribens, Romanorum alacritatem commemorat, qua ad naues ab Alexandria venientes properabant, quo rerum suarum statum & rationem agnoscerent. In qua tanta omnium festinatione de negligentia sua sibi Se- Seneca neca gratulatur, quamuis ad ipsum quoque ea res plurimum pertineret; quoniam perinde atque Prophetæ nostri vocem audiisset, in magna diuitiarum affluentia cor ipse diuitiis non admouebat. Itaque ait, magnam se ex hac negligentia sua lætitiā percepisse, quod ea res animum suum à diuitiarum seruitute & cupiditate liberum esse declarabat. Quod ergo gentili homini ratio & philosophia præstitit, cur nobis Euangelium, fides, & futurorum bonorum expectatio, & Seruatoris nostri imitatio, doctrina & promissa non præstabunt?

Secunda verò beatitudo Mansuetudinis est, de qua Dominus, *Beati, inquit, mites, quoniam ipsi possidebunt terram.* Sicut autem paupertas spiritus nos primum ab ingenti cupiditatis tyranno eripit; ita lenitas & mansuetudo ab alio quoque truculentiori, nempe furore & iracundia liberat. Quæ enim inter omnes



animi perturbationes efferatior, truculētiō & immanior quā  
 iracundia est, quæ tot in mundo contentiones, tot rixas, tot dis-  
 sidia, tot homicidia, tot sanguinolenta bella, tot denique strages  
 passim edit? Quæ perturbatio vehementius excacat animum,  
 & à rectitudinis suæ statu deturbat atque deducit? Quid verò  
 eius deformitatem referam? Ea namq; irati hominis perturba-  
 tio & furor est, vt in ipso etiam corpore non obscura eius signa  
 patefiant. Micant enim oculi, pallet vultus, concurrūt labra, tre-  
 mant genua, dentes quatiantur, terra pedibus calcatur, & anhe-  
 lus & concitatus spiritus internam animi tempestatē declarat.  
 Ab hoc igitur immani tyranno mansuetudo hominem liberat.  
 Quid tum postea? Primum quidem hominem Deo mira chari-  
 tate conglutinat. Scitis enim similitudinē inter præcipuas amo-  
 ris causas numerari; vir autem mitis Deo quā simillimus est.  
 Hanc enim illi virtutem potissimum tribuit Propheta, cum ait;  
 Quoniam tu Domine suavis & mitis, & multæ misericordiæ  
 omnibus inuocātibus te. Iam verò quid aliud illa Domini Sal-  
 uatoris verba prædicāt: Discite à me, quia mitis sum, & humilis  
 corde? Quæ de causa idem Dñs frequentissimē in litteris sanctis  
 Agnus appellatur. Vnde cōsequēs est, vt agnus agnos, mitis mi-  
 tes, & mansuetus mansuetos, tanquā sui similes, per amorē sibi  
 applicet, atq; coniungat. Nec solū Deo sed hominibus etiā miro  
 modo grata & amabilis mansuetudo est. Quod quidē Ecclesie  
 statur his verbis: Fili, in mansuetudine opera tua perfice, & su-  
 per gloriam hominū diligēris. Contrā verò de iracundo homine  
 air, Spiritū verò ad irascendū facilē quis poterit sustinere? Cuius  
 rei vel illud argumento esse potest, quod Plutarchus ait, nempe  
 seruos venditioni expositos, de dominis, quorum seruitio man-  
 cipandi sunt, quærere solitos, nō quidē an supersticiosi, superbi,  
 vinolenti; sed an iracundi, morosi & intractabiles sint. Hoc est  
 enim quod omnes homines, ac præcipuē serui, maximē horrent  
 atq; formidant. Sunt igitur mansueti, Deo atq; hominibus ama-  
 biles atque iucundi; sed multo magis erga se ipsos benefici, grati  
 atq; iucundi sunt. Vt enim idē Plutarchus rectissimē ait: Quam-  
 uis cæteris hominibus, suavis & grata mansuetudinis virtus sit,  
 nulli tamen quā eam possidenti gratior atque iucundior est.

Sed quid sibi vult, quod beatitudinis huius præmiū Dñs esse  
 statuit, possidere terrā? Certē constat Dñm nequaquam de hac  
 terra quam pedibus calcamus (quam mites non possident) sed de  
 terra viuētiū fuisse locutum; quam antea communi & pro-  
 prio nomine regnū celorum appellauerat. Cur ergo modō noua  
 hac voce utitur? Hoc planē mihi innuisse videtur, quod cum ne-  
 mo lenitatis & mansuetudinis virtutem diu retinere possit, nisi  
 qui omnibus in rebus quæ in controuersiam contentionēque  
 vertuntur,

vertuntur, iuri suo cedat; magisque vel honoris, vel rerum suarum, quam virtutis huius iacturam facere paratus sit; iustum profectò est, ut ab aequissimo iudice rerum omnium dominum ac possessionem accipiat, qui propter eius gloriam extorquenti tunicam dimittit & pallium, & percutienti vnam maxillam, præbet alteram, ne lenitatis & mansuetudinis virtutem amittat. Sicut ergo Dominus relinquenti propter se omnia centuplum simul cum vita aeterna promisit; ita amittenti propter illum sua, rerum omnium possessionem tribuit: ut multo videlicet maiora recipiat, qui propter illum parua contempsit.

Matth. 7.

Mat. 19.

## I I.

Sequitur deinde: *Beati qui lugent, quoniam ipsi consolabuntur.* Hic dicit aliquis: Quis fieri potest, ut qui lugent, beati sint? Duplex est luctus, sicut duplex etiam tristitia est, quemadmodum in superiori concione diximus. Hoc autem in loco non de luctu siue tristitia seculi, sed pio de luctu lacrymisque sermo est. Est autem multiplex huiusmodi luctus, qui nunquam lætitiæ & beatitudinis cuiusdam profus expers est. Sunt enim lacrymæ, quas peccati dolor; sunt quas exprimit Christi amor; & utraque sanè dulces sunt. Lugent enim verè penitentes, dum recogitant omnes annos suos in amaritudine animæ suæ. Hi autem lugent & dolent; sed tamen, ut D. August. ait, de ipso suo dolore gaudent. Sicut enim sanitatis signum est vulnere dolor; ita spiritalis salutis & gratiæ, vehemens peccatorum dolor existit. Lugent etiam qui Dei amore ardent, ad patriam suam peruenire cupientes, & videndi cælestis Sponsi desiderio flagrant, quo modo lugebat ille qui dicebat; Fuerunt mihi lacrymæ meæ panes die ac nocte, dum dicitur mihi per singulos dies: Vbi est Deus tuus? Et in his quoque lacrymis mira suauitas est: ideoque panes suos appellat eas Propheta; quod quemadmodum corpus panibus, ita pia mens huiusmodi lacrymis reficitur, pascitur, & mirificè delectatur. Vtrasque autem has lacrymas D. Aug. à Domino postulabat, cum ab eo irriguum superius, & irriguum inferius peteret. Vtrisque enim mens eius reficiebatur, siue cum peccata desleret, siue cum patrie cælestis desiderio esuaret. Sunt etiam suauissimæ illæ lacrymæ, quæ ex diuinarum rerum contemplatione oriuntur, quales eiusdem beati viri erant, de quibus Ecclesia canit: Flebat autem vberimè in hymnis & canticis, suauè sonantis Ecclesiæ vocibus vehementer affectus. Voces enim ille infuebant auribus eius, & eliquebatur; veritas in corde eius, & fluebant lacrymæ, & bene illi erat cum eis. Postremo sunt & aliæ compassionis lacrymæ, quibus secundas ad Corinrh. litteras Apostolus lacrymis interlitas se mittere ait: subdit enim: Vt lugeam multos ex his qui peccauerunt, & non

Esaïæ 38.

August. simile.

Psal. 41.

August. in mediæ

1. Cor. 12

egc-

**Ezech. 8.**  
**& 9.** egerunt poenitentiam super iniquitate & immunditia quā gesserunt. Quæ sit autem huiusmodi lachrymarum beatitudo, qui scire volet, octauum & nonum Ezechielis caput legat; in quo Dominus sex armatis viris Ierosolymorū vastationē committit; & ne senibus quidem, aut infantibus, aut mulieribus, aut vlli sexui, & etati parcant, edicit. Inter hos autem armatos homines aderat vnus, non armis, sed lineis vestibus indutus; cū Dominus præcepit, vt transiens per mediam ciuitatem signaret Tau super caput virorum gementium & dolentium super cunctis abominationibus quæ fiebant in medio eorum. Hæc igitur à communi clade & vastatione liberatio, an non pars quædā beatitudinis & felicitatis est, vt aliis pereuntibus tu incolumis maneat; aliis turbida tempestate iactatis, tu in portu nauiges? abscondatque te Dominus in tabernaculo suo, in die malorum? Hoc est enim quod regius Propheta designauit, cū ait: Dedisti metuentibus te significationem, vt fugiant à facie arcus, vt liberentur electi tui. Videtis ergo, fratres, quā multiplex sit eorum qui lugent, beatitudo & consolatio. Sequitur deinde:

*Beati qui esuriunt & sitiunt iustitiam, quoniam ipsi saturabuntur,*  
**Aug. 29.**  
**de Ciuit.** Iustitiæ proprium munus est, vnicuique quod debitum est, fideliter reddere. Quid autem ( vt D. Aug. ait ) magis debitum & iustum est, quā vt benignissimo conditori nostro pareamus? clementissimum redemptorem diligamus? rectissimæque voluntati eius voluntatem nostram subiciamus? Ex quo satis liquet, totius iustitiæ summam obedientia & charitate in Deum contineri. Vnde D. Aug. de charitate agens, Charitas, inquit, inchoata, inchoata iustitia est; charitas prouecta, prouecta iustitia est; charitas magna, magna iustitia est; charitas perfecta, perfecta iustitia. De obedientia verò Saluator ipse ad Patrem ait; Sacrificium & oblationem noluit, aures autē perfecisti mihi: hoc est, eas promptas atque perfectas ad obediendum tibi reddidisti. Quem etiam sensum illa Apostóli interpretatio facit: Corpus autem aprasti mihi; hoc est, aptum ad tibi in rebus omnibus obtemperandum effecisti. Itaque cæteris veteris legis sacrificiis & cerimoniis antiquatis, hanc vnā obedientiam, quæ diuinorum præceptorum obseruatione continetur, à nobis tanquam perfectam iustitiam requirit. Huius autem spiritualis famis & sitis, qua hanc iustitiam desideramus, præmium Dominus subicit, cū ait: Quoniam ipsi saturabuntur. Huiusmodi enim desideria implere solet ille de quo scriptum est: Non affliget Dominus fame animam iusti. Et, Desiderium pauperum exaudiuit Dominus: nec enim pius Dominus sancta desideria in suorum cordibus accendit, vt eos miserè desiderando torqueat, sed vt ea misericorditer impleat. Quæ in re ingēs inter  
spiritualia

**Prou 10.**  
**Psal. 10.**



spiritualia & carnalia desideria discrimen annotare licet. Spiritualia namque desideria suauitatem; carnalia verò sitim atque cruciatum afferunt. Illis enim omnipotens Deus animi quietem promittit; hæc verò (cū vacua & inania bona appetant) præbere nequeunt quod non habent. Quomodo enim quod breue & momentaneum, quod egenum, fallax, & lubricum est, mentem hominis, Dei capacem, implere poterit? Vnde eleganter Greg. Nyss. tot carnalibus desideriis æstuans pertuso vasculo superficies eius madescit, à se protinus effundit. Si enim non effunderet, impleteretur; si verò impleteretur, nihil amplius cuperet; cupit autem: vnde consequens est, nequaquam eum impletum fuisse quod perciperit. Quæ ex re liquet, è terrenis bonis nihil improbos amplius quàm spem inanem, ac desiderium habere; desiderium, quo crucientur; & spem inanem, qua frustrentur. Quo argumento Henricus Susonius colligit, carnales homines hisce desideriis æstuantes, damnatis in gehenna hominibus esse per similes. Improbi namque homines, nec spiritualibus deliciis, ob vitia sua, fruuntur, neque item carnalibus; quoniam protinus velut è vase pertuso elabuntur & effluunt. Qui quamuis modò tenebris obæcati, dementiam suam non agnoscant; vbi tamen reddendæ rationis tempus aduenerit, apertè cernent quanta dementia fuesit, oblata à Deo bona repudiare, vt iis bonis potirentur quæ illis mundus concedere noluit. Vtroque enim nomine se miseros esse intelligent; & quod vera & solida bona contempserint; & quod falsa & inania affectui non fuerint. Ceterum spiritualia bona, cū vera & perfecta bona sint, & auctorem Deum secum afferant: miris modis mentes hominum replent, sanant atque reficiunt.

Sitientibus iustitiam additur quinta beatitudo, præstantium misericordiam. Beati, inquit, *miseri cordes, quoniam ipsi misericordiam consequentur*. Hos Greg. Nyss. ait verè beatos appellari, quod Dei munus & officium inter homines exerceant; cuius est miseri-  
 ri semper & parcere. Quo nomine non tam beati quàm dii quodammodo, vel filij Dei appellandi sunt; quando sic ad viuum eius imaginem miserando referunt. Qui (vt D. Basilius eius frater ait) hoc nomine misericordiam suam vel maximè declarat, quod eam præcipuè misericordibus impendit, Iacobo Apostolo testante, qui ait; Iudicium sine misericordia ei qui non fecerit misericordiam. Contrà verò Dominus, Beati, inquit, *miseri cordes; quoniam ipsi misericordiam consequentur*. Talem enim erga se Deum inuenient, quales ipsi se hominibus exhibuerunt. Vnde eleganter idem Gregor. Deum purissimo euidam speculo comparat; quod perfecte eam imaginem refert, quam ante illud

pro-

proponis, siue letam, siue tristē, siue formosam, siue deformem. Quæ quidē varietas non ab ipso speculo, sed ab imaginū varietate, quæ illi obiciuntur, emanat. Pro comperto igitur habeatis, fratres, hoc eodem modo, cum extremus ille dies aderit, iudicis faciem aut placibilem aut implacabilem, aut hilarem aut tristē vos esse visuros, qualem vos fratribus in hac vita exhibuistis.

Psal. 17.

Quam rem Propheta significauit, cum Deum cum sancto sanctum, cum electo electū, cum innocente innocentē, & cum peruerso peruersum, hoc est, seuerissimum vindicem fore prædixit.

Bernard.

Quam sit verò rara & præpostera multorum hominū misericordia, vel hoc argumento perspicitur; quòd cum misericordia, iuxta D. Bernardi sententiā, duas præcipuè partes cōplectatur; quarū altera in sceleribus hominū prohibendis; altera in eorum miseriis subleuandis versatur; adeo præposterè se multi in hac parte gerunt, ut proximorū flagitia non solum non prohibeant, verum se etiam socios ad ea perpetranda adiungāt, laborantium verò miseriis ne obolo quidē impenso subleuare velint; vipote qui animarū suarum prodigi, pecuniarū verò audissimi dispensatores sint. Hos autē idem D. Bern. legitimos Adæ filius, cuius mores ad viuū exprimentes, esse ait; Qui facili se uxori peccanti sociū præbuit, peccati verò poenā sustinere noluit, sed in sceleris consortē retulit. Ad hunc ergo modū illi facili peccatis aliorum patrocinium præstant, nullum tamen siue laborem, siue rerum suarum damnum propter illos perpeti volunt. Tales igitur futuræ vindictæ consortes habebunt, quibus se crudeli misericordia criminum socios exhibuerunt.

Idem.

## III.

Sequitur deinde; *Beati mundo corde, quoniam ipsi Deum videbunt.* Magna certē beatitudo, cui tam ingens præmium proponitur. Quid enim maius, quàm diuinam speciem & pulchritudinem puris oculis intueri? Qui igitur ad hanc felicitatē peruenire desiderat, puritati cordis studeat, eamque (ut Ioannes Cassianus docet) vitæ suæ scopum statuatur. Ceterum quia puritas hæc non solum à peccatis, sed ab ipsis etiam terrenarum rerum desideriis, earundemque imaginibus mentem puram illibatamque conseruat; rerum autem imagines aditum sibi in animam nostram per corporis sensus patefaciunt; ideo qui huic puritati studet, sensus etiam suos, quantum fieri potest, studet ne per res varias disfluente, variis tum cupiditatibus, tum imaginibus puritatē mentis inficiant. Qua in re venatorum sollicitiam imitari videntur, qui accipitrum, quos in manu gestant, oculos iniecto tegumento operiunt, ne facili circumvolantium auium, aut aliarum rerum specie exagitentur. Hac enim arte omnes eorum inanes volatus impetibus coercēt, & quietis illis mansuetiisque vtuntur. Quod quo commodius multi san-

Cassian.

Simile.

tissimo-

Optimorum virorum facerent, turbis urbium derelictis inuias  
 solitudines petiuerunt, ne quid esset quod oculis & auribus  
 usurpare possent, quò eorum mentes à iugi diuinorum rerum  
 commentatione auocarent. Sed quis hac in re eorum curam &  
 prouidentiam pro dignitate explicare queat? Rem dicturus sum  
 incredibilem, sed non minus certè veram. Sanctus Antonius, Athanaf.  
 Athanasio referente, viginti continuis annis in quadam do-  
 mumcula siue specu reclusus, sic ab omni rerum humanarum  
 commercio semotus vixit, vt cum semel in anno familiaris qui-  
 dam ei panes afferret, quibus solis vesceretur, ne vnum quidem  
 verbum cum comineatus illius delatore loqueretur. Quid hoc  
 silentio mirabilis? Theodoretus verò in historia religiosa aliud Theod.  
 non minus mirabile refert, nempe sanctum quendam ex priscis  
 illis Anachoritis, in cuiusdam montis latere habitantem, quo-  
 niam incautè aliquando oculos in subiectam vallem demississet,  
 vt arantes agricolas cerneret, catena ferrea collum ita ligauisse  
 atque depressisse, vt numquam postea quicquam aliud nisi  
 subiectam pedibus terram videre posset. Abbas verò Siluanus  
 cum hortulum foderet, sic cuculla oculos tegebat, vt nihil aliud  
 nisi terram, quam subigebat, cerneret. Quam multa erant hoc  
 loco dicenda, quam multa miranda, quantoque plura vobiscum  
 expositulanda! Sed hæc tamen omnia, fratres, quoniam ad si-  
 nem properat oratio vobis expendenda, & cum ætatis nostræ  
 moribus conferenda relinquo.

Sequitur deinde septima beatitudo: *Beati pacifici, quoniam  
 filij Dei vocabuntur.* Triplicem quidem pacem sancti Patres esse  
 statuunt; aliam, qua pacem cum Deo; aliam, qua cum homini-  
 bus; tertiam, quam nos ipsi intra nos habemus, quando vide-  
 licet affectus nostri, & inferiores animæ vires aduersus ratio-  
 nis imperium minimè reluctantur, sed eius præceptis & mo-  
 derationi obtemperant. Quia verò triplicis huius pacis beati-  
 tudinem atque delicias, quibus in hac etiam vita pij fruuntur,  
 brevis oratio complecti non potest, postremam beatitudinem  
 subiciamus.

*Beati qui persecutionem patiuntur propter iustitiam, quoniam ipso-  
 rum est regnum celorum.* Hic forsàn dicet aliquis: Fateor, beati  
 isti erunt, quibus caelestis regni præmium constitutum est;  
 quomodo autem in præsentī vita beati appellandi sunt, qui per-  
 secutionibus & maledictis hominum conscinduntur? Osten-  
 dam qua ratione hi quoque modò beati sint. An vlla maior  
 beatitudo, quàm Dei amicū esse, & gratiam apud illum inue-  
 nisse? Certè nulla. At constat planè ex communi sanctorum Pa-  
 trum sententia, nullum esse diuinæ gratiæ signum certius, quàm  
 libenter & æquo animo varias propter Deum persecutiones  
 perpeti;



Rom. 5.

perpeti; vel ipso Apostolo testante, qui hoc nomine se in tribulationibus gloriari ait quod tribulatio patientiam operetur, patientia verò probationem: hoc est, quod tamquam aurum igne exploratum, ita hominem Deo tribulationis igne excoctum & probatum reddat. Quis autem hoc tantæ salutis signo non etiam in mediis persecutionibus gaudeat? Si enim avarus ille diues apud Poëtam populi conuicia irridebat, dicens;

Horat. 1.  
Sermon.  
Sat. 1.

*Populus me sibilat: at mihi plaudo*

*Ipse domi, simul ac nummos contempler in arca:*

1. Cor. 1.

quomodo non persecutiones & maledicta hominum contentinet, qui intra conscientiam suam hoc tam magnificum gestat testimonium, quod omnipotentem Deum amicum & parentem habeat, quod illi gratus & dilectus filius, regniq; eius hæres institutus sit? Quis enim hac tam magna veræ felicitatis coniectura non in hac etiam vita incipiat esse beatus? Gloria enim ( inquit Apostolus ) nostra, est testimonium conscientia nostra.

Gen. 13.

Mat. 15.

Hæc sunt, fratres, itinera quibus ad sempiternæ salutis portum peruenitur; hæc virtutes quibus ingens ea merces proposita est, de qua Saluator in præsentī lectione ait: *Gaudete & exultate, quia merces vestra copiosa est in celis.* Sed quis tamen pro dignitate mercedis huius magnitudinem explicare queat? Vt enim D. August. ait: Quod Deus præparauit diligentibus se, fide non capitur, spe non attingitur, charitate non comprehenditur, desideria & vota transgreditur; acquiri potest, æstimari non potest. Hac autem tanta mercede proposita, quid arduum ac difficile homini Christiano offerri potest, quod non libenter & alacriter amplectatur? Cum D. Catharina martyr Maxentij tyranni iussu in carcere custodiretur, & Porphyrius militis princeps clam noctu ad eam veniens, quæ sibi à Christo merces esset proposita, si in illum crederet, interrogasset; illaque celestis ei præmij magnitudinem exposuisset: sic illum in fide & pietate confirmauit, vt martyrium pro ea libenter subierit. Ego verò vos, fratres, non ad martyrium hodie, sed diuinorum mandatorum leuissimam sarcinam ferendam eodem proposito præmio hortor & inuito. Quod si mercedis dignitatem scire cupitis; merces ipsa Deus est: quemadmodum ipse olim Abraham significauit, dicens: Noli timere Abraham, ego protector tuus, & merces tua magna nimis. In Euangelio quoque idem Dominus fideli seruo ait: Euge serue bone & fidelis, &c. intra in gaudium Domini tui. Videris ergo idem gaudium & Domino & seruo commune esse.

Sed ipsius Domini gaudium & felicitatem expendamus. Felicitas eius est, immensam atque infinitam pulchritudinē suam plenissime

plenissime videre, illamq. infinito amore complecti, eademque sine intermissione frui, qua quidem is in seipso perpetuo fruatur. Quæ felicitas tâta est, vt nec huius mûdi pulcherrimo opere, nec si innumerabiles ab eo rursum conderentur (quod is plane vnico momento faceret) vlla ei accessio fieri posset; non magis quàm si Oceano mari vnus aquæ guttam adieceris. Hæc igitur plena & summa Dei felicitas est, seipsum videre, & immensa imaginis suæ, hoc est, Verbi sui pulchritudine frui; in qua nihil est quod non videat, nihil quod non intelligat, nullumque bonum est quo non fruatur. Quæ quidem felicitas tanta est, vt ea sola vastissimus ille atq. immensus diuinæ mentis sinus perfecte impleatur, nullaque ei prorsus accessio fieri possit.

Cum igitur à me quærebatis, quæ nam esset futura hominis merces & beatitudo? Hanc eandem esse denuntio, quam vnus Dei propriam esse dixi. Sicut enim is reuelata facie infinitam pulchritudinem & decorem suum videt, & infinito amore diligit: ita nos quoq. illum videbimus, amabimus, eoq. fruemur: quamuis illius infinitæ pulchritudinis immensitatem comprehendere minimè valeamus. Hinc Ioan. ait, Filii, nûc filij Dei sumus: sed nondum apparuit quid erimus. Scimus autem quoniam cum apparuerit, similes ei erimus. **Quo** nam modo? Nimium, quia videbimus eum sicuti est. Hæc enim est eius gloria & felicitas. Quid ergo maius omnia mortalium vota in vnum collata optare potuisset? Quis enim in nubibus æquabitur Domino? similis erit Deo in filiis Dei? Si ergo neminè Propheta inter filios Dei, hoc est, inter Angelos (si eorum tantum naturâ spectes) similem Deo esse ait: quale, quæso, erit, homuncionem ex limo terræ cõcretum, non ad Angelorû modò, sed ad Dei similitudinem eleuari, & eius gloriæ consortem fieri? Non igitur ita se Dñs maiestatis cum electis suis, atque Reges terræ cum famulis gerunt. Alio enim serui cultu, alia mensa, aliis dapibus & apparatu vti solent. At summus ille cælitum Imperator & Dominus eadem nos tunica immortalitatis vestiet, eadem nos mensa, eodemque cibo alet, quando eiusdem nos felicitatis participes efficiet. Sic enim vnigenitus eius Filius ait: Ego dispono vobis, sicut disposuit mihi Pater meus regnû, vt edatis & bibatis super mensam meam in regno meo. Idem autem ipse qui hoc promittit, sanguinis sui pretio nobis hoc tâtum munus mercatus est. Per illum enim cælestis Pater (vt Petrus Apostolus ait) maxima & pretiosa nobis promissa donauit: vt videlicet diuinæ efficiamur consortes naturæ. Quamuis autem hæc tanta felicitas omnem humanæ intelligentiæ vim longè superet; idem tamen qui eam nobis promeruit, credibile etiâ fecit. Verè enim maius est, Deum humanitatis nostræ assumptione hominem

1. Ioan. 3.

Psal. 83.

D. simil.

Luc. 22.

2. Pet. 4.

heri, quàm hominē diuinitatis participatione diuinā imaginem induere. Si ergo immensa diuinę bonitatis largitas, quod maius est, cōtulit: quod minus est, utiq. donabit. Hac ergo tā felici spe atq. mercede proposita, fratres, omnem torporē & somnum ab oculis excutere studeamus, per has beatitudinis semitas, quas vobis hodie Saluator exposuit gradiamur, vigilemus, oremus, Sanctorum omniū, quorū solēnia celebramus, opem imploremus, illos nobis patronos, illos vitę duces, illos virtutum nobis exempla proponamus: vt ipsorum precibus, & clarissimis exemplis adiuti, ad eorum tandem societatem peruenire mereamur.

IN EODEM FESTO OMNIVM  
SANCTORVM, CONCIO TERTIA: IN  
qua de vera beatitudine, de quę itineribus quibus  
ad eam peruenitur, ac de multiplici Sanctorum  
varietate (quę miram diuinę gratiæ & sapientię  
vim declarat) paulo fusiùs disseritur.

THEMA. *Beati qui persecutionem patiuntur propter iustitiam: quoniam ipsorum est regnum celorum. Matth. 5.*



Hebr. 13.

Vo sunt in primis, fratres charissimi, scitu necessaria iis, qui aliquò proficisci parāt: alterum, locus ipse quò tendunt: alterum, via qua ad illum tendere debeat. Nos autem, fratres, quàm diu in hoc mortali corpore degimus, in itinere cōstituti sumus. Non enim habemus hīc manētem ciuitatem, sed futuram inquirimus. Aduenę siquidem in hac regione & peregrini sumus; sicut omnes Patres nostri, qui ex ea tanquā peregrini, aliò commigrarunt, velut & nos quoq. suo tēpore commigrabimus. Quocirca necesse est, vt quò tendimus, & qua via tendendum nobis sit, ante omnia cognoscamus. Vtrumque autem sine vllō errore nos pręfens sancti Euangelij lectio docet. Cū enim in fine Dominus ait, *Gaudete & exultate, quia merces vestra copiosa est in celis*: apertē quò tendamus, declarat: nempe, ad celeste regnū, in quo hac merces copiosa percipienda est. Cū verò oīō clarissimarum virtutum genera (quas beatitudines appellat) enumerat, itinera ostendit, quibus ad hoc beatitudinis regnum peruenitur. His namq. itineribus Sancti omnes (quorum hodie festum solemni deuotione recolimus) ingressi sunt. Omnes enim per varios labores atq. certamina has virtutes coluerunt, & per eas tanquam per gradus quosdā aditū sibi ad hoc regnum para-



parauerunt: vt in presenti concione latius demonstrabimus. Hac enim ratione, his exemplis vos ad eorū imitationē incitare tentabimus; vt, qui desideratis patriā, viā qua ad illā itur, minimē refugiat. Vt autem ad hoc nos pia mater Ecclesia (quæ in nostras semper utilitates intenta est) acrius incitaret, omniū hodie Sanctorū festū solemnī deuotione celebrandum instituit; non solum vt infirmitatē nostrā multiplicatis eorum suffragiis adiuuaret, sed etiam vt torporē atq. desidiam nostrā tot propositis exemplis ad eorum imitationē accēderet. Vt enim rerū conditor Deus post vniuersam huius mundi fabricā hominem cōdidit, qui rerum omniū instar est (ideoq. minor mundus appellatur) ita nūc Ecclesia, quæ sigillatim cæteris voluentis anni diebus Sanctorum festa celebrat, hoc vno die, in fine propē labētis anni, vnū hunc diē sacrauit, in quo omnia simul eorū festa meritis laudibus celebraret: vt hoc argumento intelligatis, fratres, qualis esse debeat nostra deuotio, si huic tantę solēnitati respōdere debeat. Vt hoc autē prestare cōmodē valeamus; cælestem opē, sacratissimæ Virginis interuentu, suppliciter imploremus.

Genes. 2.

## A V E . M A R I A .

Quoniā beatitudinis nomē tories in lectione sancti Euangelij hodie inculcatur; quid ea sit, primo loco explicandū nobis est. Ea verō est (vt quā breuissimē dicā) status optimus atq. perfectissimus, vltimaq. perfectio, ad quam humana natura partim diuina gratia, partim indutria & labore suo adiuta peruenire potest. Vt autem hoc apertius intelligatis, statuendum est, quōd quāuis omnia quæ Deus in hac tanta rerū vniuersitate condidit, in suo quæq. genere perfecta sint: (Vidit enim Deus cuncta quæ fecerat, & erant valde bona) nihil tamen in prima illa sua conditione (cælos & sidera omitto) adeo numeris omnibus absolute & perfectum fuit, vt nō vel arte, vel natura, vel gratia perfectiūs reddi posset, atq. ita ad perfectissimū naturæ suæ statum peruenire. Vtque ab infimo rerum omnium incipiam; metallā, gemmā, atq. lapilli, quæ rudia & inculta ē terræ visceribus eruuntur, arte purgantur, & expoliuntur, & nouum quendam nitorem capiunt. Arbores cultu nutriuntur, & à paruis initiis ad iustam magnitudinem excrescunt. Quod etiam cunctis animantibus contingit. Supernæ verō illæ mentes, quæ perfectissimæ à Deo conditæ sunt, in quibus nobilissima natura variis gratiarum muneribus exulta & ornata fuit; posteaquam se in Deum erexerunt, & præclaris donorū gratiarumq. muneribus in laudem Conditoris reuererūt, non solum in gratia confirmatæ, sed æterna etiā felicitate donatæ sunt. Quid verō inter hæc naturam humanam commemorem? quæ inter corporeas & incorporeas creaturās, veluti quidam mundi nodus, media consti-

simile.

tura est. Quæ enim inter creaturas omnes aut altius ascendere, aut inferius deprimi potest? Cum enim homo inter Angelos & animantia cætera mediū quendam locum obineat; consequens est, vt intellectu, & mentis acumine quandoq. Angelicæ naturæ sit propior, quandoque verò tarditate ingenij vix vno gradu distet à brutis. Vnde videre est quosdam homines pecudibus similes, quosdā verò paulò Angelis inferiores. Quid enim Aethiopum quorundam stupiditate rudius? Quid vero Aristotelis & Platonis mentis acumine sublimius? Et vtriq. tamen eiusdem humanæ naturæ consortes existunt. Quòd si ad supernaturalia dona trāseas, videbis homines diuinæ gratiæ muneribus sic ornatos & excultos, vt (quemadmodū Dionysius Carthus. ait) nō solum inter infimos, sed inter supremos etiam Angelorum ordines meritò collocandi sint. Quid nī? Si enim Angeli nullo suo labore, sed simplici quadam in Deum conuersione ad tantum gloriæ culmē euecti sunt; cur homines, qui quamuis fragili natura & carne circumdati sunt, cælestem tamē vitam in terris tot annos meditati sunt, nō eiusdem gloriæ dignitatem adipiscantur? Quam enim coronā B. Hilarion abbas post incredibilem carnis macerationem non promereatur, qui morti iam proximus, auctore Hieronymo, qui eius vitam conscripsit, animosam illam vocem protulit: Egredere anima, quid times? septuaginta annis Christo seruisti, & adhuc mortē times? Quid Paulum memorē? de quo idē auctor ait, quòd cum post solitam vitam tot annos in eremo actā cum B. Antonio ad refectiōnem confedisset, & coruus integrum panem in medium proiecisset, Septuaginta, inquit, anni sunt, quibus à Christo dimidiatum panem accipio, nunc ad aduentum tuum militibus suis Christus duplicauit annonā. Iam verò quid hīc Ignatium, Laurentium atque Vincentium commemorem, qui tam multa & immania propter Christi gloriā pertulerunt tormenta? An non hī inter supremos etiam Angelorum ordines sedē accipient, quam tam horrendis cruciatibus meruerunt? Nec viri modò, sed insignes etiam feminae sedes easdē promeritæ sunt. Vt enim aliarum feminarum agones & stupenda certamina prætereamus; tres matres legimus, vnā quidem in veteri, duas verò in nouo Testamento, quarum quæque septē filios vnus diei spatio ante oculos suos propter Dei gloriā excarnificari, & atrocissimis tormētis mactari passa est. Hoc enim in veteri Testamento septem fratrum Machabæorum mater; hoc in nouo Symphorosa & Felicitas cum septem quæq. filiis pertulerunt: quarum Felicitatem D. Gregor. meritò octies martyrem appellat. Passa est enim septies in corporibus filiorum, ac demum in corpore proprio. An non igitur hæc dignæ sunt vt à Domino inter Principes

Ange-

Dionys.  
Carthus.

Hieron.

Idem.

2. Mac. 7.

Gregor.

Angelorum numerentur? Quid verò beatissima Virgo? An non ipsa cum & femina, & naturæ nostræ cōsors esset, super omnes Angelorū choros exaltata est? Videtis ergo quò humana natura, quæ in rationalium creaturarū ordine infima, ac veluti materia prima esse dicitur, ascendere possit? Constat igitur ex his, creaturas omnes, quamvis à perfectissimo Creatore perfectæ in suo quæque genere conditæ sint, superesse tamen adhuc perfectissimum quendam naturæ suæ statum, quò cultu & labore peruenire possint. Inter has tamen homo præcipuè numeratur: qui ea conditione est, vt vel imis, si seipsum deiciat, vel summis, si diligentius se gesserit, annumerari possit.

Hunc autem perfectissimum naturæ statū, beatitudinem, & felicitatem appellamus: qua adeptæ, appetitui & cupiditati nostræ requies datur, & inextinguibilis illa cupiditatis nostræ sitis extinguitur, ac perennis illa desideriorum nostrorum rota conquiescit, cum eò tandem peruenit, vbi nihil amplius desiderare queat, quàm quod habet. Quæretis autem, quid fieri possit, vt adeo fragilis natura hominis, totque tum corporis tum animæ morbis obnoxia, ad eum statum peruenire valeat, in quo bonorum omnium cōpos effecta, nihil habeat quod in præsens tempus cupiat, nihil quod in futurū pertimescat? Certè in hac vita, quæ tot vndique curis & angoribus assidue vexatur, ad hunc felicissimum statū prouehi, nemini concessum est. Quod quidem firmissima ratione cōprobatur. Felicitatem enim hic hominis, non pecudis quærimus. Hominis autem, intellectus & voluntas, propriæ & peculiare vires sunt, quibus à cæteris animantibus distat. Quocirca tunc is verè felix & beatus erit, cum hæ duæ rationalis animæ vires ad perfectionis suæ apicem perueniant; intellectus quidem perfectio in sapientia constituta est; voluntatis autem in summi boni fruitione consistit. Quomodo autē intellectus eò in hac vita perueniet, vt omnia sciat, nihilque amplius scire desideret? quomodo verò voluntas tot bonis fruatur, vt nihil amplius cupiat? Si enim aut scienda aut fruenda supererint, illa utique & intellectus cognoscere, & voluntas naturali cupiditate eisdē frui concupiscet. Non igitur quiescet, cum hoc nouo sciendi & fruendi desiderio extimulabitur. Quomodo ergo hæc vtræque vis animæ nostræ plenè conquiescet? Res ipsa se prodit. Nimirum cum ad illud summum & infinitum bonum peruenierit, in quo vno omnis veritas & bonitas, omnisque perfectio reperitur; quo vno sitis animæ nostræ plenissimè sedabitur; extra quod semper anxia & sitibunda erit. His etiā adde, quòd cum scire sit rerum causas cognoscere; prima autem & summa omnium causa, & aliarum origo, Deus sit; hanc semper intellectus noster naturali auiditate cognoscere desiderabit,

Aristot.  
I. Met.

ff 3. & quo



& quò magis illum cognouerit, eo magis ad pleniorẽ & clariorem eius cognitionem, mira ipsius pulchritudine incitatus, aspirabit. Naturalis enim motus eo velocior est, quo fini suo propinquior existit. Tunc ergo naturalis hæc cupiditas perfectè sedabitur, cum resecta facie immèsam illà diuinæ pulchritudinis speciem contèplabitur; nec aliud vltra scire cõcupiscet, cum in vno illo pulcherrimo diuinitatis speculo omnia videat, omnia sciat, & bonis omnib<sup>9</sup> pro suæ felicitatis modo perfruatur. Hoc autè elegãtissima metaphora breuiter D. August. expressit, qui cum Deo loquens, vbi variis illum nominibus collaudasset, hoc etiam addidit: Virtus maritans mētem meam, & replens sinum cogitationū eius. Sic enim mens humana Deum desiderat, quòd is planè tanquam vir animæ nostræ sit, qui eam perficit, implet, summis deliciis afficit, & sinus eius omnes, qui ad vnum Deum fruendū conditi sunt, bonorū omnium abundantia oblectat, & replet. Vt enim vxor viro, & vir vxori; ita Deus animæ, & anima nostra Deo destinata est. Quocirca meritò D. August. Deū appellat virtutem, quæ hominis mentē maritet, & omnes sinus eius repleat: quoniam solo eo plenissimè satiatur. Ex qua quidē supputatione apertè colligitur, neminem in hac vita esse posse beatū; cum in ea nemo hæc desideriorū quietem assequi possit.

Adstipulatur autem huic rationi ipsa rerū humanarum conditio. Si enim res gestas omnium temporum & seculorū euoluamus, nullum neq. inter Reges, qui rerum omnium potiebantur, inueniemus, qui non plura cuperet, plura etiam scire desideraret. Vastissimus quippe humana mētis sinus hac in re Dei imaginem (ad quam cõdita est) refert, quandoquidē nisi immenso & summo bono satiari non potest. Cuius rei locupletissimum extat vel vnius Salomonis exemplum, qui inter omnes Reges opulentissimus, inter sapientes excellentissimus exstitit; qui vbi tam multis ac variis opibus & deliciis abundasset, tam multaq. ingenio & sapientia diuinitus infusa cognouisset, illam tamen, post omnem hanc felicitatem, veritatis indicem vocem protulit: Vanitas vanitatum, dixit Ecclesiastes, vanitas vanitatum, & omnia vanitas. Quid enim amplius habet homo de labore suo quo laborat sub Sole? Addam etiam hoc in loco Xerxis potentissimi Persarum regis exemplum, de quo ita scribit Herodotus: Xerxi incescit cupido omnem exercitū oculis subiiciendi. Nam prominens quædam exedra in hoc ei prius ex candido lapide in loco edito exstructa erat. Et cum inde intueretur omnem Hellespontum nauibus obductum, omnia littora & Abydenorum plana hominibus referta, ibi se beatum iactauit: & post hæc lachrymas fudit. Quod Artabanus, eius patruus, animaduertens, qui libere dissuaserat bellum Græciæ inferendum; ita ex eo percunctari

Ecclef. 1.

Herodot.

cunctari cœpit: Quàm diuersa, Rex, inter se nunc facis ac dudū dixisti! qui enim antè beatū te esse dixeras, nūc lachrymas fundis. Et ille, Reputantem me, inquit, quàm breuis est omnis humana vita, subiit horum miseratio, quorum cū tot sint, nemo ad centesimum annum supererit. Excipiens Artabanus, Atqui, inquit, est & aliud non minūs descendum, quod viuendo miserabiliora patimur. In tam breui enim vita nullus hominū adeo felix exstitit, neque horum, neque aliorum, cui non crebrò, ne dum semel, subeat animo moriendi voluntas potiūs quàm viuendi. Nam incidentes calamitates & morbi vitam perturbant, efficiuntque, vt cū breuis sit, tamen per longa videatur. Quid igitur superest? Nempe quòd tūc solū homo felix, & omniū bonorum compos erit, cū ad summum illud & infinitum bonum peruenerit, in quo vno omnia reperiet. Hæc igitur vera & plena felicitas est, quam Ioannes in Apocalypsi describit, cū de beatis Martyribus loquens, ait: Non esuriunt, neque sitient amplius, neque cadet super illos Sol, aut ullus æstus: quoniam Agnus, qui in medio throni est reget illos, & deducet eos ad vitæ fontes aquarum, & absterget omnem lachrymam ab oculis eorum. In quibus verbis, quod maximè proprium felicitatis huius est, describit, cū ait: Non esuriunt, neque sitient amplius: quia videlicet naturalis hæc cordis nostri sitis & esuries plenissimè satiabitur: haustoque poculo ex illo fonte vitæ, & pabulo felicitatis æternæ, non vltà esuriet, aut sitiet, sed ingrediens & egrediens pascua vbique latissima inueniet.

Apoc. 7.

Quod si deinde quaratis, fratres, quibus gradibus ad hanc tantam beatitudinem perueniatur: hoc Dñs breuiter in hodierna sancti Euāgelij lectione declarat, cū ait: *Beati pauperes spiritu: quoniam ipsorum est regnum celorum. Beati miseres: quoniam ipsi possidebunt terram. Beati qui lugent: quoniam ipsi cōsolabuntur. Beati qui esuriunt & sitiunt iustitiam: quoniam ipsi saturabuntur, &c.* quæ sequuntur. Videtis, fratres, quàm diuersa sit hæc via ab ea qua seculi homines gradiuntur, vt felicitatem inueniant? Hi namque opes exquirunt, honores ambiunt, delicias concupiscunt, magistratibus & dignitatibus inhiant, labores, lachrymas, persecutiones, & omnes corporis molestias velis remisque fugiunt, nihilque aliud quàm terrena sapiunt. At nos contra Dominus ad voluntariam spiritus paupertatem, ad labores, ad lachrymas, ad sit denique imitationē inuitat. Ipse enim ante alios hausit calicē passionis, cuius reliquias discipulis nobisq. omnibus tradidit exhaustas, dicens: Accipite, & dividite inter vos. Inter quos Paulus partem

Lucæ 22.  
Colos. 1.

2.Tim. 2.

1. Cor. 1.

mur, & conregnabimus: si commortui fuerimus, & conuiuemus: si fuerimus socij passionum, erimus & consolationum.

Hac ergo de causa hodierna nobis sancti huius Euangelij lectio proponitur, vt Sanctorum varias virtutes, & varia item eorum certamina agnoscamus: per quæ in cælestem patriam conenderunt, & viam nobis, qua illos sequeremur, ostenderunt.

Hieron.

Genes. 4.

Genes. 12.

Hæc enim via regia est, hac itur ad cælum. Quis (inquit ad Eustochium Hieronymus) sine certamine coronatus est? Abel iustus occiditur: Abraham vxorem periclitatur amittere: & ne in immensum volumen extendam, quære, & inuenies singulos aduersa esse perpeffos. Solus Salomon in deliciis fuit, & ideo fortasse corruit. Hactenus ille.

## SECUNDA PARS.

Prou. 16.

Quæret autem fortasse aliquis: Cur amator omnium Deus tot laboribus beatitudinem parari voluerit? Si enim omnia propter semetipsum, hoc est ad declarandam gloriam suam operatus est Dominus, maior bonitatis gloria in gratuitis, quam in labore partis beneficiis esse videbatur. Aliud enim liberalissimi Principis, aliud mercimonium exorcentis propriū esse videtur. Quod si dixeris, laboris huius causam non Dei voluntatem, sed volūtariam hominis culpam exstitisse, qui se peccato nō modò maculauit, sed gratuitis etiā Dei donis spoliauit, quibus ad beatitudinem peruenire sine labore potuisset. Contra hoc rursus instare aliquis poterit: Cur ipse Dominus, qui ruinam hominis impedire potuisset, hoc facere distulit? Si id enim fecisset, o quam multorum malorum, quam multarum lacrymarum & calamitatum materiam sustulisset! Quis igitur cognoscere sensum Domini, & iudicia illius atque consilia penetrare valeat? Si

Rom. 12.

2. Cor. 12.

Rom. 12.

Apostolus Paulus post secreta cælestia & arcana illa verba, quæ non licet homini loqui, elinguis factus est, nec aliud dicere potuit, quam, O altitudo diuitiarum sapientiæ & scientiæ Dei, &c. quid, quæso, nos facere par est, qui humi repimus, & vix ante oculos & in prospectu posita cognoscimus? Sed quoniam communis Sanctorum sententiā est, nunquam à summo illo mundi moderatore permitti mala, nisi vt ex iis eliciat bona (quod non ex natura mali, sed ex diuinæ bonitatis abūdantia prouenit) inquirere eodē Domino iuuante studeamus, quænam bona ex hoc tanto malo consecuta sint. Ac primum quidem statuendum est, electorum numerum, qui ab æterno fuerat à Deo præfinitus & prædestinatus, integrum illibatūque permanisse. Siue enim cadente homine, siue stante, non minor fortasse prædestinatorū numerus fuisset; quem solus ille nouit, qui numerat multitudinem stellarum, & omnibus eis nomina vocat.

Psal 146

Hoc ita constituto, expendere incipiamus, non quidem bona  
omnia



omnia (hoc enim esset operis infiniti, & ab hodiernæ solennitatis instituto alienum) sed aliqua tamen, quibus hæc humani generis ruina occasionem præbuit. Primum igitur (vt à præstantissimo diuinæ bonitatis opere initium capiamus) hinc Dominicæ incarnationis & passionis mysteriū occasionē sumpsit. Si enim homo nō peccasset, filius Dei (vt plerique sanctorum Patrum tenent) minimè humanam naturam inexplicabili ratione sibi copulasset; certè nullo modo crucis supplicium pertulisset. Tolle, inquit, August. morbos, tolle vulnera, nulla erit medico veniendi causa. Hoc autem opus, siue Dominicæ passionis, siue incarnationis, tale ac tātum exstitit, vt nec per diuinam quidem potētiam maius aliquod effici potuerit. Denique si mille mundos, imò si infinitos mundos ad hanc sacratissimam Christi humanitatem conferas, nihil erunt: nec omnes isti (quamuis multi ac mirabiles essent) tantum immensam Dei bonitatem, misericordiam, iustitiam, & providentiam declararent, quantum hoc opere perfectum est. quin etiam mundus ipse per incarnationem Christi tantam dignitatem obtinuit, vt conditor ipse, adiuncta sibi natura humana, hac ex parte mundi pars esse voluerit. Præterea, si homo non peccasset, sicut neque humanitas Christi, ita neque beata Virgo (quamuis fortasse exstitisset) Christi mater futura fuisset: atque ita defuisset mundo hæc summa dignitas & margarita pretiosa, quæ cunctas illustrat Ecclesias, quæ supernorū ciuium gaudia cumulat, quæque diuinæ bonitatis, & omnipotentis gratiæ virtutem; puritatis & innocentiae suæ nitore maxime declarat. Quid enim mirabilius ea puritate ac sanctitate, quam in sexu adeo fragili diuina gratia operata est? Hæc igitur duo clarissima mundi luminaria, lumine videlicet maius ac minus; hoc est, Christi humanitas, & eius mater sanctissima in cælo defuissent, si humanum genus minimè corruisset. Qua de causa Ecclesia & felicem culpam, & necessarium prædicat Adæ peccatum; quod tantis mysteriis occasionem dederit.

August.

Genes. 2.

Adde etiam mirabilem Sanctorum varietatem, quæ nō modo præsentem, sed futuram etiam Ecclesiam maxima donorum gratiarumq. varietate honestat & ornat. Perfectum enim corpus ex diuersis membris constituitur; perfecta que Resp. ex dissimilibus partibus constat: melodia verò ex dissimili vocum varietate resultat. Quæ enim in corpore species esset, si membrorum varietate careret? Quæ Reip. facies, si vnus ciuium ordo in ea existeret? Qualis verò esset vocum concentus, si eundem voces omnes tenorem retinerent, nullaque varietatis gratia aures mulceret? Si igitur homo lapsus non fuisset, vnus tantum coniugatorum religiosè Deum colentium, filiosque sine libidi-

nis furore generantiū in mūdo ordo esset? At lapsus ille, quamuis & dolendus & miserandus, diuinæ tamen providentiæ beneficio variis in Ecclesia Sanctorum ordinibus occasionem dedit. Si nullum enim peccatum exstitisset, vbi tūc Prophetae? vbi Patriarchae? vbi Apostoli & Euangelistae? vbi triumphalis innumerabilium Martyrum victor exercitus? vbi gloriosus Confessorum numerus? vbi sancti Pontifices? vbi diuinæ legis Doctores? vbi monachi & eremita? vbi virginum & continentium chorus exstitisset? Desuisset igitur hæc tam miranda Ecclesiæ varietas, quæ eius maximè pulchritudinem illustrat, diuinæque gratiæ virtutem misericordè declarat. Hinc Vates regius: Astutit, inquit, regina à dextris tuis in vestitu deaurato, circumdata varietate. Quæ, inquā, varietate? Certè ex multiplici Sanctorum ordine, & omnis generis gratiarum atque virtutum abundantia. Quæ quidem varietatem vestis illa Ioseph (qui figuram Domini Saluatoris gessit) expressisse videtur, quæ polymita, hoc est, diversorum colorum fuisse dicitur quibus mirabilem hanc Ecclesiæ varietatem repræsentabat. Hæc autem sanctorum diversitas dictu mirum est quantopere diuinam sapientiam, providentiam, bonitatem, atque cælestis gratiæ potentiam declararet. Ex qua quidē gratia, tam stupenda Sanctorum opera, labores, certamina, virtutesque promanarunt, ut ipsos etiam beatitudinem ordinem in admirationem inducere potuerint: sicut Apostolus de laborum magnitudine, quos in Evangelij prædicatione sustinebāt, ait: Spectaculum facti sumus mundo, Angelis & hominibus. Quæ quidem res & diuinæ gratiæ virtutem maximè conspicuam facit, & piis ad virtutis studium tot præclarissimis exemplis ante oculos positis, stimulos addit, & improbis omnem negligentiam excusationē admittit. Quis enim carnis fragilitatem, & naturæ imbecillitatem in excusationis suæ velamen obtendere poterit, qui videat tam multa Sanctorum milia, qui eadem carnis fragilitate pressi, eadem communis peccati labe infecti, in eodemq. mundo degentes, & ab eisdem hostibus impugnati, tamen diuinæ gratiæ ope (quæ omnibus in promptu posita est) adiuti, tam mira opera designarunt, tam immanes labores & cruciatus pertulerunt, tam acerbū & dūm bellum corpori suo & cupiditatibus eius intulerunt? Quæ fronte ego diuinæ legis onus & obedientiæ laborem cunctis, cum tot videam naturæ meæ consortes præter diuinorum præceptorum obedientiam tam ingentes labores sponte subtile?

Quæ vis autem orationis singulorum ordinum virtutes, labores, contentiones, & singularem cælestium donorum pulchritudinem, cum summa varietate coniunctam explicare valeat? Quid hæc Prophetas memorē Apostolorum Paulus, qui terrenum

num nihil in hoc mundo quærentes, tanto diuinæ gloriæ studio incensi fuerunt, vt nuda corpora gladiis & lapidibus furentis populi obijcientes pro gloria Dñi, contra eius peccata dimicarent? Omnium enim illa vox erat: Zelo zelatus sum pro Domino exercituum: quia dereliquerunt pactum tuum filij Israël. Denique hi sunt de quibus Apostolus ait: Alibi ludibria & verbera experti, insuper & vincula & carceres: lapidati sunt, secti sunt, tentati sunt, in occisione gladij mortui sunt, circueverunt in melotis, & in pellibus caprinis, egentes, angustiiati, afflictii, quibus dignus non erat mundus.

3. Reg. 29

Hebr. 12.

Apostolorum verò sanctitatem, charitatem, diuinæ gloriæ studium, abundantiam gratiæ, ingentem illam ad patranda miracula facultatem, quis pro dignitate queat explicare? quorum nō modò sudarijs & semicinctijs, sed etiam vmbri inuolabiles naturæ leges cedebāt. Horū verò propter fidei dilatandæ, & Ecclesiæ cōstituendæ amorem, quales fuere labores! De ipsis namque omnibus Paulus ait: Vsq. ad hanc horam esurimus, & sitiimus, & nudi sumus, & colaphis cedimur, & instabiles sumus (siue, vt alij verterūt, incertis vagamur sedibus) & laboramus operantes manibus nostris; maledicimur, & benedicimus: persecutionem patimur, & sustinemus: blasphemamur, & obsecramus: tanquam purgamenta huius mundi facti sumus, omnium perisphema vsque, adhuc. Sed hæc summam in priori ad Corinth. Epistola. At in posteriori, dum suos numerat labores, coapostolorum etiam suorum agones commemorat, qui simili studio in simili causa aduersus mundum decertantes, similes labores pertulerunt, quos statim enumerat his verbis: in laboribus plurimis, in carceribus abundantius, in plagis supra modū, in moribus frequenter, &c. quæ sequuntur. Videte, quæso, quā multis incommodis Apostolica professio exercita fuerit atque probata.

A Cor. 19

A Cor. 5.

1. Cor. 4.

2. Cor. 13

Quibus verò vos prædicæ laudibus (vt verbis utar Cypriani martyris) fortissimi milites Christi? robur pectoris vestri, & perseverantiam fidei, quo præconio vocis exornem? Tolerastis vsq. ad consummationē gloriæ durissimam quæstionem, nec cessistis suppliciis, sed vobis potius supplicia cesserūt. Insuperabilem fidem superare non potuit, frequens plaga diu repetita; quamvis rupta compage viscerum, torquerentur in seruis Dei non iam membra, sed vulnera. Denique ait: Finem doloribus quem tormenta non dabant, coronæ dederunt. Et quidem in hoc exercitu glorioso multa sunt admiratione dignissima. Primum enim tam est exercitus hic numerosus, vt astra celi superare videatur: cum aliquando sex mille martyres interfecti, aliquando decem mille patibulis affixi, aliquando vndecim mille simul virgines truci-

Cyprian.



trucidatæ; quandoque verò integræ ciuitates ferro & flammis absumptæ fuerint. Cum enim Romanorum Imperatores, qui nascentē Christi Ecclesiam funditus euertere nitebantur, totius penè orbis ditionem tenerent, atq. eorū iussu persecutionis procella crudeliter vbique sæuiret, nulla erat mundi regio, nulla ciuitas, nulla insula, nullus penè angulus qui non Martyrum sanguine tingeretur. Itaque totus Oriens & Occidens, Asia, Africa & Europa (quæ tres orbis præcipuæ partes numerantur) glorioso Martyrum cruore consecrata sunt; nullaque mundi regio est, quæ suos non extollat Martyres, eorumque triumphis gloriatur. Nec minor personarū quàm locorū varietas existit. Nō solum enim viri, sed etiā feminæ; non modò senes, sed & iuniores ac teneræ virgines; nec solum ignobiles, & infimæ conditionis homines; sed nobiles etiā: qualis Catharina fuit, Costi Principis filia, quæ rotarū tormenta superauit. Nec tantum illiterati & rudes homines, sed viri sapientes, & in omni genere doctrinarum excellentes. Denique omnis ætas, omnis sexus, & omnis ordo ad necem & supplicia quærebatur. Nec minùs mirabilis tormentorum numerus & varietas, Quot enim martyres, tot ferè tormentorum genera excogitabantur, & (vt D. Cyprianus ait) ad hominis corpus vnum supplicia plura quàm membra erant. Quæ cum ita sint; qualis, quæso, cælestis illa curia erit, tot Sanctorum meritis, totq. innumerabilium Martyrum illustrata triumphis? Verè non tam cælum sideribus, quàm superna illa ciuitas tot Martyrum coronis redimita splendet.

Cyprian.

Quid verò sanctissima Cōfessorum agmina commemorem? quorū alij Ecclesiæ doctores & magistri fuerunt, qui sanctarum scripturarum studiis addicti, atque in lege Domini meditantes die ac nocte, fauos nobis diuinorum eloquiorum propinarunt; alij verò Ecclesiæ duces, defensores fidei, morum doctores, fideique aduersus hæreticos acerrimi propugnatores existere, Quos verò labores non pertulerunt, dum inuiolatam Ecclesiæ fidem, castumq. ipsius pudorem conseruare niterentur? Quod odium, quam inuidiam, quas infestationes Basilius, Chrysostomus, Ambrosius, Hilarius, cæteri que Patres propter fidei atque iustitiæ defensionem non sustinuerunt? Quas non mundi oras peragravit Athanasius, cum ab Imperatore Ariano ad necem quæreretur? Denique sex annos continuos in cisterna sicca sine solis aspectu latuit, amico quodam clam ei necessaria ministrante. Quod, quæso, martyrij genus cum his tenebris & hoc carcere valeat comparari? Alia verò exorta tēpestare, compulsus est quatuor menses in paterno sepulchro inter mortuorum cadauera latitare. Quis tale vnquam martyrij genus aut vidit aut legit?

Psal. 7.

Itam verò Anachoritas illos in vasta solitudine commorantes, solisque herbarum radicibus victitantes, diuinarumque rerum contemplationi perpetuò vacantes, quantum puritatis, & innocentiae suae candore supernam illam ciuitatem exornant! Quis Paulum eremitam, Arsenium, Hilarionē, Macharium, Simeonem Stilitem pro meritis commendare queat? E quibus sanctus Hilarion (auctore Hieronymo) quindecim annos natus eremū Hierons. petiit, cellaq. paulo plus quam pro magnitudine corpusculi exstructa, super nudam humum iuncis dumtaxat stratum tota vita decubuit; quindecim tantum carycis post solis occasum victitans, tempus omne in rerum diuinarum contemplatione infumebat. Quid hic ad vitam Angelicam desideres amplius? Tolle hinc corporis commercium, tolle quindecim carycarum alimentum, & penè Angelum in homine videbis, qui diuina semper atq. caelestia in corpore versans, Angelorum officium exercebat in terris. Quibus ergo virtutum gemmis illam caelestem aulam tot sanctorum Anachoritarum & Monachorum turma illustrabunt, qui coetus hominum deferentes, Angelorum in terris vitam meditati sunt!

Quis autem Virginum gloriam silentio praeterire possit, quae in carne, non secundum carnem viuentes, virginē puritatem ad extremum vsq. vitae diem intemerato pudore conseruauit? Iactent quantum volent Gentiles Lucretiam suam, quae honoris magis quam pudoris rationem habuit: quae adulteri atque pollutionis suae vindex effecta, duorum se criminum ream fecit. Nos pro vna Lucretia innumerabiles virginum choros, quae porius ferrum & ignem, atque omnia poenarum genera perpeti, quam integritatis suae iacturam facere maluerunt. Quarum multae oblata Principum & Regum connubia respuentes, mundi gloria & opes eius omnes aspernantes, candidissimum Agnum in caelo sequuntur quocunque ierit, dicentes: Regnum mundi, & omnē ornatum seculi contempni propter amorem Domini mei Iesu Christi, &c. Hoc igitur tam multiplici ornatu (vt ad propositam quaestionem redeamus) hac tam mirabili & consona varietate, caeleste regnum caruisset, si primum illud peccatum defuisset.

Adde etiam mirabilem aliam Dei atque hominum iustorum laudem: cui antiquus ille generis humani lapsus occasione praebuit. Quis enim non videt, quāto sit mirabilior hominum sanctitas atque iustitia in hoc naturae lapsae statu, quam in illo fuisse? In illo enim, cum natura hominis originalis iustitiae dono incorrupta & integra esset, & sponte sua sine villo impedimento ferretur in bonum, nihil erat negotij virtutem amplecti, & in ea persistere, nō magis quam aut piscibus natāre, aut auihus volare:

re: ceterum ubi per peccatum, originalis iustitiæ donum amissimus, & humana natura peccati veneno infecta ad peccatum procliuvis effecta est, ad virtutem pristinam conari, & sanctitatem illam (natura lapsa reluctante) retinere, & lasciuietes atque effrenatos animi impetus & motus, rationis imperio cohibere, adeo mirabile est, ut (quamuis audacter hoc dictum esse videatur) mirabilior mihi in hoc statu vnius Martyris, aut Confessoris sanctitas appareat, quam omnium simul electorum in illo existisset. Quomodo enim mirabilius est, vnius fluminis aqua, natura obliuente, in fontem recurrere (quemadmodum de Iordane legimus) quam si omnia flumina prono alueo deorsum ferantur: ita mirabilior hoc tempore vnius viri sancti, quam tunc omnium hominum sanctitas apparet: cum illud perinde esset, ac si aqua naturæ suæ impetu deorsum fluere: hoc verò perinde sit, ac si sursum versus natura refragante reflecteretur. Ut enim quis ad finem usque vitæ virtutem & pietatem inter tot tam varios huius mundi turbines ac procellas retineat, quot labores, quot pericula, quot certamina subire necesse est? Quot precibus, quot vigiliis, quot ieiuniis, quot lachrymis à Dño saepe auxilium aduersus imminenti pericula efflagitandum est? Quam verò speciosa est (ut Ecclesiastici verbis utar) misericordia & providentia Dei in tempore calamitoso! Tota autem hæc tam multiplex & varia humanarum mentium pulchritudo in admirationem & commendationem cedit diuinæ virtutis & gratiæ: quæ ex lapidibus efficit Abraham filios, & eos qui de immundo semine concepti sunt, Angelorum facit in terris vitam meditari. Quæ enim maior diuinæ virtutis & bonitatis gloria, quam quod per eius gratiam ex morte vita, ex carne spiritus, ex terra cælum, ac demum ex homine quodammodo surgat Angelus? Quo enim operis materia vilior; eo artificis gloria præstantior; dum id facit ex sordido luto, quod nisi ex auro fieri non potuisset.

## P E R O R A T I O.

Sed iam tempus appetit, fratres, ut receptui canamus, & quid ex tam longa disputatione ad vitæ nostræ institutionem elicere possimus, vobis ante oculos ponamus. Primum igitur vidistis quam multa & præclara bona diuina sapientia & providentia, communis illius peccati occasione, in mundum importauerit: quibus & militantem & triumphantem Ecclesiam in ira virtutis & pulchritudinis specie decorauit. Vidistis, quæ nam sit piis hominibus beatitudo & felicitas in cælis proposita: quæ non alia est, quam sempiterna summi & infiniti boni fruitio atque possessio: quæ nihil, nec per diuinam quidem potentiam maius aut esse aut cogitari potest; cum eadē sit hominis, & ipsius summi Dei obiectiua (ut appellatur) beatitudo. Vidistis, quibus itineribus

Simile.  
Ios. 3.

Ecl. 33.

Luc. 3.



bus ad hanc tãtam felicitatem perueniunt: quã Dñs in hodierna sancti Euangelij lectiõne percenset. Vidistis etiam quibus stimulis ac veluti calcaribus corda nostra ad hæc itinera percurrenda excitentur. Excitat enim primũ nos proposita mercedis amplitudo, quam audistis: quã quidem status felicissimus est, omnium bonorum aggregatione perfectus. Excitat nos innumera Sanctorum omnis generis exempla, virorum, mulierum, virginum, senum & iuniorum; quibus nec sexus infirmior; nec tenera ætas, nec carnis fragilitas, nec mũdi vanitas, nec dæmonum fraudes, nec cõmunis peccati labes impedimento fuit, quo minus gloriosum de peccato, mundo & principe mundi triumphum duxerint. Postremò excitat nos etiam diuinæ gratiæ admiranda vis: quã facili in præclarissimis Sanctorum gestis atque virtutibus elucet, & quã nulli mortalium, piè atque suppliciter illam quærenti, interclusa est. His igitur stimulis vos ego, fratres, nõ ad carceres & vincula, non ad vngulas & equuleos, non ad verbera & craticulas (quã sancti Martyres propter eandem quam nos petimus coronam, perpeffi sũnt) sed ad charitatem, ad pacem, ad iustitiam, ad pietatem & religionem, ad castum Domini timorem, ad vitiorum fugam, ad sollicitam cordis orisq̃ue custodiam, ad cupiditatum vestrarum intemperantiam rationis imperio comprimendam. Ad quã omnia vos pium legendi orandiq̃ue studium, & frequentior sacramentorum vsus miro modo iuuabunt. His igitur planissimis itineribus gradiendo, ad sempiternam tandem Sanctorum (quorum hodie solemniam celebramus) societatem & gloriam, aspirante diuina gratia, peruenire licebit.

## IN FESTO ALICVIVS SANCTI

MARTYRIS, CONCIO PRIMA: IN QVA  
per varios labores ad cæleste regnum, sanctorum  
Martyrum exemplo, perueniendum esse docetur:  
deinde laborum causâ explicantur: tertio verò lo-  
co, quibus rebus ad hos labores superandos in-  
strui & armari possimus, declaratur.

THEMA. *Si quis vult venire post me, abneget semetipsum,  
& tollat crucem suam, & sequatur me. Matth. 16.*



INTER omnia quæ humani ingenij vis studiosè  
& laudabiliter quærere & indagare potest, nihil  
est quod vel honestius vel vilius quæramus;  
quàm quænam via sit per quam ad æternæ felici-  
tatis gloriam peruenire valeamus. Si enim crea-  
turæ omnes nihil aliud agunt, nihil moluntur, quàm vt ad fines  
sibi à conditore constitutos perueniant, in eoq. maximè omnè  
laborem & operâ ponunt; quid, quæso, nobis aliud quærendum;  
quid faciendum est, qui ad hunc finem à Deo facti & informati  
sumus? Si hoc vnum præstamus, plenissimè officio nostro fûcti  
sumus: si verò sine hac vna re cætera omnia adipiscamur, etiam  
si totius orbis imperium nacti erimus, frustra nos conditos, fru-  
stra in lucem editos, frustra deniq. vixisse sciamus. Frustra enim  
est (vt Philosophi distant) quod ad finem sibi præstitutum  
non peruenit. Si quis igitur ab hoc tanto malo immunis esse, si  
quis ad finem suum peruenire cupit (hoc est, vnum illud & sum-  
mum bonum, ad quod fruendum à Deo conditus est, adipisci)  
habet in paucis his Domini verbis regiam viam ab eo ipso qui  
via, veritas & vita est, plenissimè simul & breuissimè descrip-  
tâ: *Si quis, ait, vult venire post me, abneget semetipsum, & tollat crucem suam,  
& sequatur me.* In quibus verbis primo loco particula annotâda  
est, *Si quis*; hac enim voce nemini quidem vim infert, sed quàm  
sint pauci, qui hoc salutari desiderio flagrent, innuit. Verè enim  
(vt idem Dominus ait) arcta est via quæ ducit ad vitam, & pau-  
ci ambulant per eam: ideoque non omnes in commune vocat;  
sed, *Si quis*, inquit, *vult venire post me, abneget semetipsum, & tollat  
crucem suam.* quod perinde est, ac si diceret: Neminem cogo, nulli  
vim infero, appono vobis aquam & ignem; ad quod quisque vo-  
luerit, porrigat manum suam. Hinc idem Dominus in Apocal.  
*Qui nocet, noceat adhuc; & qui iustus est, iustificetur adhuc; &*  
qui

qui sanctus est, sanctificetur adhuc. Caterum: *Si quis vult venire post me*: hoc est, si quis quò ego venturus sum, venire cupit; si felicitatis meae particeps esse desiderat; si mecum in cælesti gloria regnare cupit: *abneget semetipsum, & tollat crucem suam, & sequatur me*. Si quis, inquit, vult. Primo quidem loco ardens à nobis proficiendi desiderium requirit. Aliter enim fideles serui, aliter inertes & languidi Christum sequi volunt. Illi enim quo ardore ad finem suum peruenire cupiunt, eo quoque ista amplectuntur quæ ipsos eò ducant: isti verò eo modo volunt, quem Salomon describit his verbis: Desideria occidit pigrum: noluerunt enim quidquam manus eius operari. Et alio in loco: Vult & nō vult piger: hoc est, vult quidem ille, cūm sibi ante oculos proponit præmium; non vult autē, cūm considerat operis laborem: promissis quidem inuitatur vt velit; præceptis tamen deterretur vt nolit. Huiusmodi autem desideriis plenus est mundus; imò verò pleni sunt inferi. Caterum quā pauci sint qui verē & ex animo Christum sequi cupiant, idē Dominus hac loquendi figura designare voluit: *Si quis vult venire post me, abneget semetipsum, &c.* Hæc est igitur, fratres, regia in cælum via, qua & omnes Sancti, & Sanctorum omnium Dñs ingressus est. Omnium enim est illa vox: Transiuimus per ignem & aquam, & eduxisti nos in refrigeriū. Ecclesiæ quoq. vox est: Nigra sum, sed formosa, filia Hierusalem, sicut tabernacula Cedar, & sicut pelles Salomonis. Hæ namque pelles extrā quidem viles apparebāt (vt pote Solis æstu ac puluere fuscatae) quæ tamen intus miro decore & ornatu nitebant. Hoc autem sanctissimis viris maximē conuenit, qui frequenter in oculis hominū despecti & viles apparent, quorū tamen decor & pulchritudo intus latet, vbi mira virtutum atq. donorum cælestium varietate & ornatu micant. Causam verò huius externi coloris atq. habitus, Solem esse dicit: Quia Sol, inquit, me decolorauit: hoc est, Sponsi mei, qui est verus sanctitatis & iustitiæ Sol, charitas, qui me ad mortem vsque dilexit, me quoque impulit, vt ob eius amorem nullum laborem, nullas ærumnas, nullas prauorum hominum persecutiones, nullum deniq. supplicium recusarem; vt sic tādē, quatenus fieri posset, amoris eius amorem, & passionibus vicem redderem. Vehementer enim indignū putaui, cūm ille tam multa pro salute mea, ego nihil pro illius gloria perferre; cūm præsertim ob hoc ille passus sit, vt clarissimum nobis patientiæ exemplum relinqueret. Quisquis igitur Christo nomen dedit, quisquis sub hoc capite & imperatore militat, hoc sibi laborum & patientiæ singulare exemplum propositum esse ad imitandum sciat. Hinc Apostolus, Nemo, inquit, in tribulatione moueatur: ipsi enim scimus, quod in hoc positi simus: quod perinde est ac

Prou. 21  
Ibid. 13.

Psal. 65.

Cant. 1.

Ibidem.

1. The. 3



- si diceret: Hæc professio nostra, hoc mun<sup>9</sup> nostrū est, hæc officij nostri ratio, vt quemadmodū scopuli in medio mari prominentes, ita nos procellis & fluctibus, hoc est, variis tum demonum, tum prauorum hominum tentationibus quatiamur. Hinc in
- Cant. 3. Cant. Sponsa, cum lectulum Salomonis auro & argento ornatum esse dixisset, ascensum in illum tradit esse purpureum. Quo genere coloris, Martyrum sanguinem, cæterosque Sanctorum labores designasse videtur, per quos illis ad sempiternæ felicitatis requiem ascensus patuit. Quo exemplo monemur, fratres, eadem via nobis esse ingrediendum; vt eos videlicet sequamur, quorum gloriam consequi desideramus. Hoc enim in Apoc.
- Apoc. 6. Apoc. lpsi responsum sanctis Martyribus vindictam hostium suorum flagitantibus datum est, vt expectarent modicum, donec impleretur numerus conseruorum suorum, qui similiter occidendi erant sicut & illi. Quod quidem supplicij genus Aposto-
- Gal. 1. Gal. 1. lus exposuit, cum ait: Qui Christi sunt, carnem suam crucifixerunt cum vitiis & concupiscentiis. Hoc enim spiritualis cuiusdam martyrij genus est.

## I.

- Cæterum quoniam (vt Philosophi tradunt) scire, est rem ex causis cognoscere; si præter sanctarum scripturarum testimonia (quæ plenissimam huius veritatis fidem faciunt) causam scire cupitis, cur variis laboribus æterna felicitas paranda sit: causa est, virtutis ratio atq. natura, quæ vnica ad beatitudinē via est: sic enim D. August. illum Davidis versiculum, Beati immaculati in via, enarrat: O homo, scio quid quæris. Quæris beatitudinē. Si ergo vis esse beatus, esto immaculatus. Vita ergo immaculata, quæ virtutum officiis constat, vnica ad beatitudinem via est. Virtutem autem circa difficilia & ardua opera versari, nemo est qui ambigar. Vbi enim labor nullus, nullaque operis difficultas intercedit, nullus etiam virtuti locus est. Hinc Philosophi ad ea quæ sola per se natura præstare potest, nō ita multum virtutes esse necessarias crediderūt. Vt enim homines ad vsum vitæ necessaria quærant, vt parentes liberos suos diligant, vt seipso, vitam corpusque tueantur, nulla virtus necessaria est, cum ad hoc natura sufficiat. Hinc Seneca: Nulla, inquit, lex amare parētes, indulgere liberis iubet: supernacum est enim in quod natura imus, impelli. Nemo in amorem sui cohortandus est, quem cum nascitur, trahit. Vbi verò natura deficit, hoc est, vbi ad aliquod bonum opus natura, cōmunis peccati morbo infecta, imbecillis & infirma est, atq. interdum etiam virtuti obstitit atque repugnat, ibi cura & arte aduersantis naturæ vis superanda est. Quæ quidem virtus tū diuinæ gratiæ auxilio, tū labore, studio, atque assiduitate nostra paratur. Strenuos igitur operarios vir-

ius querit: segnes autem & dormitantes procul a se abiecit. Nō enim sine causa Ecclesiasticus ait: Vigilia honestatis tabefacit *Eccle. 37.* carnes, & cogitatus illius aufert somnū. Hoc enim perpeti solent, qui se totos ad virtutis studium omni mente atque animo contulerunt. Hinc illa à Philosophis laudata sententia: Virtus odit inertes: & Nunquam virtutis molle documentū est. Quo- *Bernard.* circa meritū D. Bernard. sponsam ridet in lectulo suo, hoc est, in *Cant. 3.* deliciis & otio sponsum quērentē, ideoq. de illa subditur: Quā- *Iob 28.* siui illum, & non inueni. Neque enim (vt in lib. Iob scriptum est) inuenitur in terra suauiter viuentium. At, vbi sponsa multo illum labore per plateas quāssisset, & multa in hac pia inquisitione perpeffa fuisset, illum tandem inuenit. Non igitur segnes & inertes, sed strenuē laborantes Christiū Dominum inueniūt. Hinc Salomon, Manus, inquit, fortium, dominabitur: quā autem remissa est, tributis seruiet. Seruiet enim affectibus, variis- *Prou. 12.* que cupiditatibus. quā nisi in manu forti non superantur: seruiet impuræ carni suæ, quam nemo nisi virili & constanti animo subiecit: seruiet postremò seculo, cuius vim & imperiū multorum viribus incitatum infirma mens superare non poterit. Non seruiet autem virtuti; quam nemo nisi per laborum tolerantiam atque patientiam adeptus est.

Sed instabit aliquis: Cū virtus sit animi habitus, rationi cō-  
sentaneus, qui fieri potest, vt ea homini, rationis compoti, grata  
& iucunda non sit; cū cognatio & similitudo rerum non pugnam  
& litem, sed suauissimam coniunctionem & amorem pariat? Ad hoc autē respondemus, hanc pugnam & contentionem non ex rationalis animæ natura, sed ex carnis conditione, cui mens heret, proficisci. Cū enim (vt Philosophi tradunt) vnū-  
quodque recipiatur ad modum recipientis, consequens est, vt  
res ipsæ, quæ alicubi recipiuntur, naturam quodammodo suam  
exuant, & illam induant in qua recipiuntur. Sic igitur quamuis  
rationalis anima spiritalis substantia sit, infirmæ tamen carni  
adiuncta hanc ab ea infirmitatē trahit. Quo fit, vt suæ quodā-  
modo nobilitatis oblita, & carnis suæ amore incēsa, illa sitienter  
appetat, quæ eius amica caro concupiscit. Qualis autem carnis  
natura peccati labe infecta sit, Apostolus expressit cū ait: Scio *Rom. 7.*  
quod non habitat in me, hoc est, in carne mea, bonū. Cui affine *Genes. 8.*  
est & illud ex Genesi: Sēsus enim & cogitatio humani cordis in  
malum prona sunt ab adolescētia sua. Quanta ergo vi aduersus  
hos lapsa naturæ motus atque impetus pugnandum est? Aliud  
enim est cymbam prono flumine, ventisq. secundis ferri; aliud  
verò contra impetum fluminis, & ventorū aduersantium fla-  
tus remorum impulsu conari: hīc enim validis incumbere re-  
mis, magnoq. nisu aduersus hæc impedimēta pugnare oportet.

Si enim vel ad momentum cesses, aut segniter agas, protinus te vis ventorum & aquarum impetus ad inferiora tendentium secum trahet & impellet. O si nunc, fratres, spirituales oculos haberemus, quàm liquidò deprehēderemus, simile nobis certamē simileq. nauigationis discrimen esse propositum! Si enim adeò difficile est contra vim ventorum & fluctus maris nauigationis cursum dirigere; quāto, quāso, difficilius erit aduersus torrentē mundi, & immundorū status spirituū, & aduersus carnem peccati labe infectam, imò aduersus naturam ipsam pertinaci contentione dimicare! O quanto nobis studio, quanto labore, quā industria, quibus vigiliis & precibus opus est, vt tricipitem hunc Cerberum expugnare valeamus! Nam & omnibus his verbis aduersus illum D. Hieron. decertauit, qui tamē in deserto agēs, scorpionum socius & ferarum, saepe, vt ipse ait, choris intererat puellarum. Quis hostiū conflictus adeò pertinax & contentiosus fuit, vt non saltem occidente Sole diremptus fuerit? At hic idem vir sanctus ait: Memini me clamantem diem crebrò iunxisse cum nocte, nec prius à pectoris cessasse verberibus, quàm rediret, Domino imperante, tranquillitas.

Hieron.

Adde his etiam, quòd Spiritus noster, qui à cælis originē ducit, in hoc mundo velut aduena & peregrinus est: caro verò in ipso tanquā in patria & genitāli solo instar ciuis est. Quo fit, vt eius cupiditas à cognata patria, in qua vitam ducit, non parum acuatur. Quod sapientissimi viri olim significare volentes; Antequam quandam terrā filium esse sinxerunt, qui aduersus Herculem congressus, vbi victus in terrā corruisset, ab amica & parente Terra adiutus, fortior surgebat quàm cecidisset. Quæ res carni nostræ maximè conuenit, quæ ab hoc mundo, in quo degit, nouas ad expugnandum spiritum (qui aliunde ad nos venit) vires capit. Terrena quippe bona eius oculis obiecta, quorū quædam voluptati, quædā vtilitati, quædā necessitati, quædam indulgentiæ seruiūt; eius ad se cupiditatē partim præsentia sua, partim vtilitatis ratione vehemēter incendunt: cum tamē animi bona, quamuis sint longè præstantiora, nec oculis vsurpant, nec manibus contrectari valeant. Quo fit, vt quod minùs videtur, minùs etiam diligatur. Huc accedit, quòd suos etiam caro satellites habet, qui simili modo terrenis bonis capiuntur. Oculi enim pulchra videre, aures iucunda audire, nares suauia odorari, gustatus dulcia & palato grata degustare, corpus mollibus tegi concupiscit. Quæ omnia aduersus spiritum, qui solis spiritualibus rebus pascitur, acriter pugnant. Quo nomine, spiritus idē ab ipsa carne & satellitibus eius obsessus, cælestē opē aduersus hostem tot copiis armatū postulat his verbis: Miserere mei Deus, quoniam conculcauit me homo tota die, impugnans tribulauit



bulauit me. Conculcauerunt me inimici mei tota die; quoniam multi bellantes aduersum me. His igitur rationibus caro germanum spiritum impugnatur.

Cum autem verum sit quod ab Apostolo dictum est; Nemo vnquam carnē suam odio habuit, sed nutrit ac fouet eam; quid difficilius quam aduersus carnem suā, hoc est, aduersus amicam & naturę fœdere sibi coniunctissimā decertare? molestia, quam diligat, afficere? cupiditates eius elidere? rebelles motus comprimere? impetus frenare; eiusque lasciuia & insolentiam asperitate vitę coercere?

Ephes. 7.

Liquet igitur, non modò sanctarum scripturarum testimonio: sed aperta etiam ratione, per varios labores atq. certamina nobis ad sempiternę felicitatis portum esse veniendum. Vnde quisquis omnem laborum molestiam detestat: se ipsum in sempiternam miseriam atque mortem præcipitat.

Quod si à me queratis, quibus in rebus nobis elaborandū sit; facile quidē hoc ex his quę hacten° de virtutis natura (quę circa difficilia & ardua opera versatur) dicta sunt, intelligere poteritis. Sed quoniam hoc vniuersē dictū est, idem etiam singillatim explicare tentabo. Olim Rebecca vterum gestanti, & Dominum de futuro partu consulenti, dictum est: Duę gētes sunt in vtero tuo, & duo populi ex ventre tuo diuidētur. Idem igitur sibi quisque fidelium quadam similitudine dictum putet. Duos enim quisq. nostrū variarū cupiditatum exercitus in pectore suo gestat, qui aduersus virtutis & rationis imperium cōtenter bellum gerūt. Alię enim opes, honores, & carnis delicias sitienter appetunt; alię verò, si quis nobis impedimento sit, quo minus hæc ipsa quę ardentur cupimus, assequamur, ira, odio, vindictę cupiditate atq. liuore, variisque perturbationibus nos à virtute, & tranquillo mentis statu deicere conantur. In his igitur vtrisque affectibus, ceterisque turbidis animi motibus frenandis, tota vita laborandum est: ne videlicet huiusmodi affectionum impetus nos transuersos agant, & à virtutis tramite abducant. Hoc est igitur stadium in quo pietatis cultoribus tota vita decertandū est, si cum triumphali palma cælos penetrare desiderant. Sunt etiam varia improborum hominum maledicta & malefacta, quę charitatis virtutem acriter impugnant: quę etiā forti & generoso animo superāda sunt, ne ab hac virtute (in qua Christiana iustitię summa constituta est) excidamus. Ita enim fiet, vt virtutis huius tuēda gratia spiritualis martyrij coronam percipere mereamur. Alij enim propter tuēdam fidem, alij propter charitatem conseruandam Martyres sunt. Quisquis enim persecutionem patitur propter iustitiam, si non in litera, certē in Spiritu Martyr est. Habetis igitur in his re-

Vis cōuen-  
piscibilis.  
Vis ita-  
scibilis.

Simile.

Sed insurget hîc fortasse aliquis. Quid, inquit, pater agis? Officij tui est nos ad virtutis studium & amorem traducere, ad quod eius magis delicias, quàm labores ob oculos ponere debuisses, quo nos hac suauitatis illecebra inesceres: tu contrâ diuersa ratione eius nobis labores & asperitatem obijcis. Non temerè hoc facio, fratres, necesse enim est, vt quemadmodum aduersus hostes dimicaturi, eorum vires nosse diligenter student; quo similes copias, & parem animi magnitudinem aduersus illorum impetus comparent: ita in virtutis stadio certaturi, qui sunt ipsi labores exantlâdi, quæ certamina subeunda, priùs animo cõprehendere debent: ne si languidi & imparati in hoc certamen descenderint, in primo congressu, improvisi laboris magnitudine deterriti frangantur. Ne quis tamè hac occasione animum despondeat, is primum animaduertere debet, plurima esse in vita multis laboribus & sudoribus implicita, quæ tamen homines, cum aliqua subest aut necessitatis, aut vtilitatis ratio, adeò non refugiunt, vt libenter etiâ amplectântur. Quid enim aliud agunt omnes qui labore manuum suarû die ac nocte victum sibi suisque cõparant? Quid faber ferrarius; qui noctem tanquam diem transigit? Vt enim Ecclesiasticus ait: Vapor ignis exurit carnes eius, & in calore fornacis concertatur. Quid verò prolis avidæ matres? Num hæ aut intolerandos partus dolores, aut educationis filiorum diurnos nocturnosq; labores & molestias pertimescunt? Non ergo in labores solùm, sed in laborum fructum, & alia multa quæ laborum acerbiteriam leniunt, oculos conijcere debemus, ne prima virtutis specie territi ab ea resiliamus.

Eccle. 38

Sapient. 3

Seneca.

Et quidè si in scelerata vitâ minus esset difficultatis ac laboris, nõ mirû esset ad illâ à virtutis & honestatis tramite deficere: sed longè tamè secus evenit. Quid enim improborum hominû vita laboriosius? quid acerbius? An non ipsi in lib. Sapietia hoc ipsum confitentur? Lassati, inquit, sumus in via iniquitatis & perditionis: ambulauimus vias difficiles, viam autem Domini ignorauimus. Fateor in vtraque vita labores non deesse. At lōgè improborum quàm piorû vita laboriosior est. Senecam audiamus: Sanabilibus, inquit, ægrotamus malis, ipsaq; nos in rectû genitos natura, si emendari velimus, iuuat. Nec vt quibusdam visum est, arduum in virtutes & asperum iter est; plano adeuntur. Non vanæ vobis auctor rei venio. Facilis est ad beatâ vitâ via, inite modò bonis auspiciis, ipsiq; diis bene iuantibus. Multò difficilior est facere ista quæ facitis. Quid enim quiete animi otiosus? quid ira laboriosus? quid clementia remissus? quid crudelitate negotiosus? Vacat pudicitia, libido occupatissi-

ma est. Omnium deniq. virtutū tutela faciliior est: vitia magno colūtur. Hactenus ille. Si hoc igitur Philosophus sentiebat, qui gratiē virtutē ignorabat; quid nos sentire par est, qui eius prepotentē ac singularē vim confitemur? Sed afferā tamen huius rei locupletissimū testimoniū ab ipsa voluptatis officina profectū, quod nulli homines, quamlibet voluptatū amātes, reijcere possint. Epicurus enim voluptatis assertor, in qua humanę vitę felicitatē collocabat; eodē Seneca referēte, virtutē idē sequendā esse dicebat, quod magnā sectatoribus suis voluptatē afferret: vitia verō fugienda, quod innumeras secum molestias ex metu & malorum conscientia, & cupiditatum intemperatiā mēti ingenerarēt. Qua in re nō admodū à dogmatibus nostris abhorret etiam Epicurus, cum alibi quidē de viro iusto scriptum sit; Gaudiū est iusto, facere iustitiā; alibi verō de via impiorū Pro-  
Psal. 133  
 pheta dicat: Contritio & infelicitas in vis eorū, & viā pacis non cognouerunt. Verissimē enim à D. Augustino dictū est: Iussisti  
August.  
 Dñe, & verē sic est, vt pœna sibi ipsi sit animus inordinatus.

Sed quibus virtus condimentis, quā habet amaritudinē, vel tēperet, vel prorsus adimat, expēdamus. Primū certē (vt ita dixerim) condimentū eius est, meriti magnitudo. Laboris enim cumulus, qui ex ipso virtutis opere nascitur (dummodo charitas adsit) meriti etiam cumulū ita augeat, vt vbi maior fuerit laboris molestia, maius sit etiā boni operis meritum. Diligēter quidē illa Raphaēlis Angeli verba ad Tobīā annotanda, & imo pectore condenda sunt: Quando, inquit, orabas cum lachrymis, & sepeliebas mortuos, & relinquebas prandium tuum, ego obtuli orationem tuā Dño. Præclarum quidem opus erat, & orare, & mortuos tradere sepulturæ; sed lachrymas precibus adiungere, & prandium relinquere, & cum mortis etiam periculo mortuos humare, hoc ita gratum Deo fuit, vt tam noua & insolita ratione afflictis Tobīæ rebus Dñs consuluerit; cum Raphaēlem Angelum, humanam speciem referētem, è cælo demiserit, qui tot diebus iuniorem Tobiam comitaretur, vnā cū illo iter ageret, vnā cibum & potum cum illo capere simularer, atq. tam multis & patrem & filium beneficiis afficeret. Vnde hoc? Certē ex lachrymis, & vitę periculis atq. laboribus, quos vir sanctus propter Dei gloriam suscipiebat. Vnde Dominus Paulum Apostolum laudaturus, prætermisiss aliis eius virtutibus, singularibusq. priuilegiis, hanc in eo laborum tolerantiā præcipuē commendat. Sic enim ad Ananiam discipulum ait: Vade Anania: quoniam  
Act. 9.  
 vas electionis est mihi iste, vt portet nomen meum, &c. Ego enim ostendam ei, quanta oporteat eum pro nomine meo pati.

His etiam adde mirabiles paraclēti Spiritus cōsolationes, & spiritualia gaudia, quibus pios homines visitare, cōsolari, atque



- reficere solet, & occulto illo manna pascere; cuius suauitatem  
 Psal. 30. nemo scit, nisi qui accipit. Hinc Vates regius: *Quam magna,*  
 inquit, multitudo dulcedinis tuæ, Domine, quam abscondisti  
 timentibus te! *Quæ* quidem dulcedo tanta est, vt ipsæ etiam  
 celestes virtutes in admirationē rapiat, quæ in Canticis dicunt:  
 Cant. 8. *Quæ* est ista quæ ascēdit de deserto, deliciis affluēs? *Quomodo,*  
 quæ so, in vnum coeunt, è deserto ascendere, & deliciis affluere;  
 cum in deserto nihil nisi squalor, solitudo, atque sterilitas om-  
 nium deliciarum sit? Imò verò hæc inter se maximè coherent.  
 Eos namque qui in hac terrenarum deliciarum sterilitate tan-  
 quam in deserto viuunt, spiritualibus gaudiis atq. deliciis oble-  
 ctare Dominus solet, vt veris gaudiis vana gaudia; solidis bonis  
 inania bona, spiritualibusque deliciis carnales delicias repudia-  
 re facile queant. Hæc ergo spiritualis iucunditatis illecebra fide-  
 lium mentes miro modo ad se Dominus trahit. Quod quidem  
 Psal. 21. Propheta significasse videtur, cum ait; Manducauerunt, & ado-  
 rauerunt eū omnes pingues terræ, in conspectu eius cadēt om-  
 nes qui descendunt in terrā. Quem locum interpres quidam sic  
 explanat: Manducauerunt, & cum gustassent spiritualia Domi-  
 ni dona, supplices facti sunt potentissimi quique eorum qui ter-  
 ram inhabitant, & in venerationem illius gentia flectēt. Gusta-  
 ta enim spirituali suauitate, facile est omnia alia mūdi oblecta-  
 mēta fastidire, & Christi crucem amplecti, & supplicē illi fieri.

- Adde his etiam mercedem, quæ strenuè laborantibus in cælo  
 repozita est. Hæc enim Apostolus Corinthios ad strenuè labo-  
 rādum hortatur, cum exposita resurrectionis & immortalitatis  
 gloria tandem ait: Itaque fratres mei, stabiles estote, abundātes  
 1. Cor. 15. in omni opere Domini, scientes quòd labor vester non est in-  
 anis in Domino, Dei enim ineffabilis & immensa bonitas, quæ  
 suauiter omnia disponit, in hoc breuis æui curriculo certamina  
 & labores esse voluit: in altero verò, quod sempiternum est, præ-  
 mia sunt & coronæ meritorū. Hic militamus, illic coronamur:  
 hic per labores præparemur ad regnum, illic verò defuncti labo-  
 ribus vocamur ad requiem. Cuius rei imaginem structura tem-  
 pli Salomonis commodissimam exhibet. In eius namq. fabrica  
 1. Reg. 6. (quemadmodum in Regum libris legimus) malleus, & securis,  
 & omne ferramentū non sunt audita cum ea domus ædificare-  
 tur. Adeo enim perfectè lapides & ligna in mōte Libano dola-  
 ta erāt, vt in suo quodq. loco sine securis aut mallei officio aptis-  
 simè collocaretur. Quod igitur in illius terreni tēpli fabrica cō-  
 tigit, idem etiā in cælestis templi structura eueniet; quæ ab ori-  
 gine mundi cœpta, in fine tandem, non ex mortuis, sed ex viuis  
 lapidibus consummanda est. Hic enim lapides viui dolantur, il-  
 lic verò sine vilius ferramenti ministerio in suis sedibus collo-  
 cantur.

cantur. Sed quonam modo dolatur? Ecclesia appositissime id in hymno declarat his verbis: *Tu* ntionibus, pressuris expoliti lapides suis coaptantur locis per manum artificis disponuntur permanturi sacris ædificiis. Hac ergo spe se pij homines consolantur, cum variis in vita laboribus premuntur; quod intelligant, se tunc non premi, sed poliri; nō à Deo deferi, sed dolari; non lacerari, sed ornari; quo in illa cælesti fabrica tanto præstantiorem locū obtineant, quanto maioribus hic laboribus pressi & attriti fuerint. Nisi enim hac bona spe sustentarentur, quomodo inter tot mundi turbines atq. procellas subsistere possent? Hinc pro eo, quod nos legimus: Credo videre bona Domini in terra viuentium; alij verterunt: Nisi credidissent me visurū bona Domini in terra viuientium. Est autem oratio Hebrææ linguæ more præcisa, quæ hunc sensum proposito nostro accommodatum reddit. Cum aduersum me tot iniqui testes insurrexissent, in eas angustias coniectus sum, vt nisi firmissimè credidissem, & velut persuasum habuissem, visurum me aliquando insignem Domini benignitatem & clementiam in terra, in qua semper viuunt qui nunquam sunt morituri, tunc animum despondissem. Hæc igitur piorum firmissima spes miro modo ipsorum animos ad ferendos labores munit & roborat.

psal. 16.

## III.

Tam verò Sanctorum omnium varij labores atque certamina pro iustitia & pietate suscepta, quantum nos ad laborum tolerantiam excitare debent! Facta, inquit D. Gregor. præcedētium pensemus, & grauiam non sunt quæ toleramus. Sed intra hos tamen, sanctorum martyrum agones singulariter eminent. Hoc enim rabida Tyrānorum feritas, Satanæ furiis exagitata captabat, vt aliquid morte atrocius inueniret, si qua fieri posset, vt Dei famulos de gradu virtutis & cōstantiæ depelleret, & inuictā eorū fidē labefaceret. Vnde alij bestiis immanibus laniandi obijcebantur; alij per saxa & tribulos ad caudas indomitōrū equorum alligati raptabantur; alij membratim dissecabātur; alij frequentibus sagittis confgebantur; alij nouo genere supplicij brumali tempore borealiq. regione vinctis pedibus frigore enecandi reponabantur. Quid verò illos memorem qui in sartagine feruētī oleo atque adipe frigeabantur? Quid, qui in craticula prunis suppositis, furcisq. ferreis cōpressi torrebantur? Quid, qui in equuleo suspensi, ferreis pectinibus altè impressis excarnificabātur, atq. ita sulcatis visceribus super acutas testulas & tribulos lacerandi iactabantur? Quid, qui diuersis flagellorum generibus, virgis, scorpionibus & plumbatis cædebantur? Quid, qui fame, & squalore, ac tenebris carceris longo supplicij genere conficiebantur? Quamuis autem mirum sit, tam varia & immania tor-

Gregor.

menta vnum corpus adeò fragile sustinere potuisse, lōgè tamen mirabilius est, videre, qua animi constātia & alacritate ad hac supplicia fideles proficiscebātur: adeò, vt multi etiam non quāsi, vltro se ad exoptatissimā mortem offerret; magna voce clamātes, Christianus sum, Christianus sum. In his igitur qui se ad mortem vltro offerebant, martyrij ardor: in aliis, qui deprehēsi ad mortē ducebantur, deuotio, & animi promptitudo præcipuè commendatur. Quod cū in aliis, tum in beatissimo Martyre Cypriano animaduertere licet: qui cū ad Galerium Præsidentem adductus esset, Galeriusq. dixisset: Tu es Cyprianus? Vir sanctus incunctanter respondit: Ego. Tum Galerius: Tu es ille quem Christiani Papam suum nomināt? Sanctus Dei respondit: Ego, Proconsul dixit: Iusserunt tibi Principes adorare deos: Sanctus Dei respondit: Non faciam. Proconsul dixit: Melius faceres si saluti tuæ consuleres. Sanctus respondit. Salus mea Christus est. Denique contra illum Deos negantem & blasphemantem, sententia ex tabella recitata est: Statius Cæcilius Cyprianus gladio feriat. Sanctus Dei respondit, Amen. O amen! ô dulce verbum! ô felix vitæ clausula! O ingens mortis desiderium hac vna voce declaratum, quo Sanctus Dei vitam conditori suo atque redemptori impendere cupiebat! Atque hac nouissima voce prolata, ceruicem obtulit gladio, proq. tanto beneficio carnifici viginti aureos dari iussit; & cū vitam alij redimant auro, ille mortem mercatus est auro.

Denique non rarò infideles ipsi, qui tormentis aderant, insuperabilem hanc animi magnitudinem & cōstanciam demirati, aliquid ibi supra humanæ naturæ cōditionem sublimius intelligebant. Quæ de re sic idem Cyprianus in epistola ad quosdam sanctos Martyres: Vidit, inquit, admirata præsentium multitudo cæleste certamen, certamē Dei, prælium Christi, steterisse seruos eius voce libera, mente incorrupta, virtute diuina, telis quidem secularibus nudos, sed armis fidei credentis armatos. Steterunt torti torquentibus fortiores, & pulsantes ac laniantes ungulas pulsata ac laniata mēbra vicerunt. Inexpugnabilem fidem superare non potuit sæuens plaga diu repetita, quāuis rupta cōpage viscerum torqueretur in ieruis Dei non iam mēbra, sed vulnera. Horum autem exemplorum quāta sit in Ecclesia multitudo, declarat sponsa in Cantic. cū ait: Sicut turris Dauid, quæ ædificata est cum propugnaculis, mille clypei pendent ex illa, omnis armatura fortium. Inter quæ spiritualis vitæ munita non postremum locum sanctorum Martyrum exempla tenent. Quid? quod nō solum Martyres, sed sancti etiam Confessores tam multos labores, & perditorū hominum infestationes passi sunt? Sanctissimo Papæ Gregorio, præter barbarorum incur-

Cant. 4.  
Gregor.



incurfiones, & grauiſſimos corporis morbos quos in vita pertulit, ne mortuo quidē mundus pepercit. Poſt eius namq. mortem quedam eius clariffima ſcripta à perditis hominibus, eius gloriæ inuidentibus, igni tradita ſunt. Alter verò Gregorius Nazianzenus, Conſtantinopolitanus Antiſtes, cathedrā ſuā ob amulorum inuidiam deferere coactus eſt. D. Baſilius grauiſſimas ab Imperatore Valente Ariano perſecutiones paſſus eſt. D. Chryſoſtomus innocēs & ſanctus exilio mulctatus, atq. in eo magnis exantlatis laboribus propter Eccleſiam & morū correptionem, vitam finiuit. D. Hieronymus ob maleuolorum inuidiam Romanam deſeruit, & in Palæſtinam profeſtus, adeo graues canum ſuorū morſus pertulit, vt nonnulli eum hæreſeos inſi mularent. Ambroſius item acerbiffimum odium à Iuſtina Ariana, Valentiniani Imperatoris matre, ſuſtinuit. Quid verò Athanaſius? cui vix vllus in toto terrarum orbe tutus locus ad latēdum fuit: qui (quod penē incredibile eſſe videtur) ſex annos continuos in ſicca ciſterna ſine Solis aſpectu latuit.

Greg. Naz.

Baſilius.  
Chryſoſ.

Hieron.

Ambroſ.

Athan.

Nunc ad vos, fratres. Si ea diuinæ gratiæ & charitatis virtus eſt, vt nō modò diuinæ legis onera, ſed immania etiam Tyrannorum tormēta alacri & inuiſto animo perferre valeat: quam, quaſo, nos ante ſuperni iudicis tribunal excuſationem obrederē poterimus, cū apertē videamus eiſdem naturæ conſortes tanto maiora onera diuinæ gratiæ ope adiutos pertuliſſe, quā quæ à nobis exiguntur? Hæc igitur à nobis hodie in beato N. virtutis & conſtantiæ exempla proponuntur; quæ vt improbis omnem excuſationis anſam adimunt, ita piis acres ad virtutem & pietatem ſtimulos addunt. Itaque, fratres, non ſolam diuinæ legis aſperitatem animaduertere debetis, ſed vlteriùs progreſſi, conſiderate, perſecutorum hominum vitam lōgè maioribus curis & moleſtis eſſe implicitam: piorum autem, præterquā quod minus moleſta eſt, hæc etiam adiuumenta, quæ ſunt à nobis propoſita, habere. Adiuuat enim nos primū meriti magnitudo: quod ſtrenuē laborantibus propoſitum eſt. Adiuuat corona cæleſtis quæ iuſtitia & integritati in cælo propoſita eſt. Adiuuat paracletus Spiritus, qui fidelium corda, ne laboribus fracti deficiant in via, miris reficit gaudiis atque deliciis. Adiuuat poſtremo inſuperabilis diuinæ gratiæ virtus, quæ ita Apoſtolorum & Martyrum mentes muniuit, vt eorū omnium ſit illa vox: Quis nos ſeparabit à charitate Chriſti? Tribulatio, an anguſtia, an fames, an nuditas, an periculum, an perſecutio, an gladius? His igitur adiumentis confirmati, fratres, animum reſumamus, & ad diuinorum præceptorum obedientiā alacriter accingamur. Nulla nos mundi aduerſitas, nulla carnis voluptas, nulla terreni lucri cupiditas, nulla popularis auræ vanitas, nulla prauorum

Rom. 8.

rum

476 **IN FESTO ALICVIVS S. MARTYRIS**  
 rum hominum exempla, nulla consilia, nulla ipsorum siue iniuriarum, siue contumeliarum, nihil denique in vita sit quod nos à contento pietatis & iustitiarum cursu retardare possit: sed his omnibus impedimentis atque hostibus superatis, per semitas iustitiarum gradiamur; ut sic tandem sempiternarum iustitiarum coronam cum eisdem Martyribus ab Imperatore nostro promissam, percipere mereamur: qui cum Patre, & Spiritu sancto vivit & regnat in secula seculorum, Amen.

**IN FESTO ALICVIVS SANCTI MARTYRIS, CONCIO SECUNDA: DE FIDEI**  
 veritate: in qua duo clarissima eius testimonia & firmamenta tractantur: alterum mundi conuersio, quæ sine miraculis esse non potuit: alterum diuinæ gratiæ virtus, quæ internæ pacis & tranquillitatis beneficio miro modo eiusdem fidei veritatē cōfirmat.

**T H E M A.** *Hæc est victoria quæ vincit mundum, fides nostra.* I. Ioan. I.



Lactant.

**I**N T E R ea quæ ad vitam hominum optimis institutis moderandam adiuuant, tantum recte viuendi exempla conferunt, ut sempiterni Patris Filii sub imaginis humanæ specie terras lustrare, & inter homines versari dignatus fuerit; non solum ut eos redimeret, sed etiam ut se ipsum absolutissimum virtutum omnium exemplar exhiberet. Ut enim Lactantius ait, Homines maluit exempla quam verba; quia loqui facile, præstare difficile. Hac igitur de causa Ecclesia de communi semper omnium salute sollicita; quæ nullum non mouet lapidem, quo nos ad virtutis & pietatis studium impellat; tam multa & varia Sanctorum festa singulis penè diebus celebranda proponit, non solum ut eorum precibus & intercessione infirmitas nostra iuuetur; sed etiam ut clarissimis virtutum eorum exemplis languor & tepiditas nostra accendatur. Quamuis autem Spiritus ille cælestis (qui totius sanctitatis & iustitiarum architectus & magister est) Sanctos omnes; quasi vas auri solidum, cunctis virtutum gemmis ornauerit; in aliis tamen alias atque alias virtutum laudes magis extulit, & amplificauit. Sic commendamus in sanctis Patriarchis obedientiam, in Prophetis rerum diuinarum scientiam, in Apostolis charitatem, in Martyribus fidem, in Confessoribus deuotionem,

tionem, in sanctis Monachis & Anachoritis mirabile abstinentiam, & diuinarum rerū cōtemplationem, in Virginibus illibatum virginei pudoris florem, & in sanctis Viduis sobrietatem & continentiam. Cū his igitur diuinis coloribus summus ille artifex polymitam Ecclesiæ vestē distinxerit, prudētissimē nobiscum eadem agit Ecclesia, quæ tot Sanctorum festis propositis, vestē suam deauratam, mira virtutū varietate contextam, nobis quotidie spectādā proponit: quō inter tot pretiosa virtutum monilia aliquid vitæ nostræ instituendæ commodum & salutare inueniamus. Cū igitur hodie beatissimi N. Martyris festum diem celebremus; in sanctis autem Martyribus inconcussam fidei firmitatem præcipuē commendemus: de hac hodie dicturi, cælestem opem, sacratissimæ Virginis intercessione, suppliciter imploremus.

## AVE MARIA.

Erunt fortasse qui hoc argumēti genus, quo de fidei veritate tractare decernimus, minimē necessarium firmiter iam credētibus dicant. At cū multos passim, pro dolor, reperire liceat, qui ita credunt, quasi non crederent; qui videlicet ita viuunt, ac si nullam prouidentiam, nullumq. apud Deum bonorum malorumq. discrimen esse arbitrentur; de fidei veritate atq. dignitate apud hos sæpe dicere necesse est, his præsertim infelicissimis temporibus, in quibus tam multa fidei naufragia lamentamur. Hos igitur tanquam infirmos in fide, necesse est vt iuxta Apostoli præceptum assumamus, & non modō ipsius fidei auctoritate, sed etiam apertissimis diuinorum operum argumentis conuincamus: si fortē apud quos fidei auctoritas minus valet, rationis vis & efficacia valere possit. Nec ad hos modō, sed ad eos etiam qui piē in Christo viuunt, huius argumenti tractatio perquam utilis est. Cū enim fides (vt Apostolus docet) totius spiritualis vitæ radix & fundamentum sit, ea utique nobis assidua cura, & vigilantī studio colenda & roboranda est. Sic enim videmus hortorum cultores omnem operam suam in excolēda arborum radice ponere: hanc enim frequentibus aquis irrigant, fimo iniecto fouent, terrā, cui innixa est, molliunt, quō ad imas radices peruius sit solis, pluuiæ, aëris & calorum influxus. Hoc enim diligenter prouiso, beneficiū in vnam radicem collatum, in omnes arboris ramos fructusq. redūdat. Cū ergo fides non modō iustificacionis nostræ, sed totius quoque spiritualis vitæ, cæterarumq. virtutum radix & fundamentum sit, omnem operam nostram in hac virtute excolenda, fouenda, roboranda, & diuinorum operum miraculis cōfirmanda collocare debemus; quo radice solida, maximos in cæteris virtutibus, velut in ramis ab hac radice prodeuntibus, processus faciamus. Hac enim

simile.

ratione



ratione Apostolus Christiani hominis profectum atq. iustitiam ex fide in fidem esse testatur: quia videlicet ad profectum vigentis & inflammatae fidei, cetera quoque virtutes assidua capiunt incrementa.

Quamuis autē fidei nostrae veritas à diuini Spiritus lumine magis quàm ab humanae rationis argumentis pendeat; sunt tamen adeò multa & magna argumenta quae illam cōfirmant, ut merito Propheta dixerit: Testimonia tua credibilia facta sunt nimis. Non enim solum fidei lumen, sed humanae quoq. rationis lumen miro modo huic veritati adstipulatur. Vnde non immerito illa Richardi sententia commendatur: vtinam attendere vellent Iudaei & Gentiles: Verè enim tam multa & magna sunt quae nos ad credendum impellunt, ut dicere Domino possimus: Domine, si decepti sumus, à te decepti sumus.

Richard.

Sed cum tam multa sint quae fidei nostrae veritatem confirmant: duo tamē sunt eius praecipua testimonia; quorum altero exteriùs, altero interiùs eius veritatem hominibus Dominus in mundum inuexit. Exteriùs enim per clarissima miracula; interiùs verò per magnificentissima diuinæ gratiae opera, quae in piorum mentibus operatus est, eius veritatem confirmauit. De his igitur duobus fidei nostrae testimoniis mihi hodie, aspirante diuina gratia, differendum est.

#### PARS PRIOR. I.

Et quidē miracula (ut D. Thom. ait) Catholicae fidei veritate plenissimè confirmant; utpote diuinæ potentiae opera in testimonium catholicae veritatis edita, quae nec fallere quenquā nec ipsa falli potest. Non defuisse autem miracula in fidei praedicatione, praeter sacrarum literarū testimonia, ex eo sancti Patres colligūt; quòd nullo modo homines induci potuissent, ut verū hominem, humili & paupere matre natum, ignominiosoque cum facinorosis hominibus supplicio crucis affectum, verum Deum esse crederent, nisi clarissimis miraculorum operibus ad hoc credendum impellerentur. Adde non solum matris, sed etiā patris, cuius illi filium esse putabant, humilitatem. Ait enim Lucas, ipsum communi hominum iudicio Iosephi, hoc est, fabri filium creditum vulgo fuisse. Quid enim aliud crederent, qui Dominicæ incarnationis sacramentum, ipsis etiam caelestibus virtutibus admirandum, prorsus ignorabant? Qua ergo ratione (nisi apertissima miraculorū testimonia intercessissent) fabri filium, qui securi & serra victum sibi parabat, Deum omnipotentem, & rerum omnium caelestium atq. terrestrium conditorem & moderatorem esse homines crederēt? Hac enim ratione (ut Nicephorus scribit) Varanes Persarum Rex atrocissimè Christianos insectabatur, insanire illos asserens, quòd fabri filium

Nicēh.  
lib. 14.  
cap. 30.

filium omnipotentem Deum esse crederent. Inter alios verò nobilissimum quendam virum, Achemenidem nomine, damnavit; quem opibus atque omni dignitate priuatum, nudum, & subligari tantum præcinctum, aulici comitatus camelos ducere iussit. Per pauci intercessere dies, cum Rex ex superiore porticu prospectans, præclarum illum virum, astu solis adustum, & puluere oblitum vidit: & patris eius gloriam in mentem reuocans, eum reduxit & linea tunica vestiuit. Et cum labore & ærumna illum cōfectum, faciliore iam & propensorem ad gratiam à se incundam fore putaret: Vel nunc tandem, inquit, errore priore repulso, fabri filium ex animo tuo eijce. Atque ille exardescens, tunicam illam conscissam abiecit, & voce magna, Si huius, inquit, gratia religionem longè optimam mutaturum putas, munus tuum tibi vnà cum impietate habe. Quæ cum ita sint; quid, quæso, mirabilius, quam verum hominem, mortalitatis & naturæ nostræ consortem, fabri creditum filium, & cum facinorosis hominibus ad crucem damnatum, verum Deum, mundi opificem, & rerum omnium Dominum atq. gubernatorem esse credere? Qui ergo fieri potuit, vt rem tantam homines sine miraculorum attestatone crederent? & (quod est mirabilis) tanta firmitate & constantia crederent, vt non vincula, non carceres, non exilia, non rotæ, non proscriptiones bonorum, nō scorpionum verbera, non discerptiones membrorum, nō dentes bestiarum, non vngula fodiens, non ignis vrens, non lebetes, adipe atque oleo feruentes, nō deniq. omnia tormentorum genera, quæ vel immanitas hominum, vel furor daemonum excogitare potuit; postremò non omnis aduersus eos orbis dimicans, ab hac fidei firmitate & confessione dimouere potuerint? Astiterunt enim Reges terræ, & Principes cōuenerunt in vnum, aduersus Dominum & aduersus Christum eius. Omnes enim Reges terræ, omnes mundi Imperatores, omnia regna terrarum, omnes omnium ordinum homines, Iudæi & Gentes, Philosophi & seculi potentes, ac postremò vniversus orbis ad hanc fidem expugnandam omnibus machinis atque tormentorum generibus vnà mente vnoque consilio conuenerunt. Quorum rabiem atque furorem idem Vates, fremitus nomine designauit, cum ait: Quare fremuerunt Gentes, &c. Nihil tamē horum sanctorum Martyrum fidem vlla in re aut labefactare, aut imminuere potuit.

Addam hīc aliud impugnationis genus, quod sanctos Martyres multo magis (vt ego quidē sentio) quā omnia tormentorū genera (nisi illis diuina virtus affuisset), conturbare potuisset. Quod vt intelligatis, sciendū est, hunc esse eorū hominum qui terrenorum bonorum spe Deum colunt, sensum atq. iudicium,

vt

vt successu rerum religionis & fidei veritatem mentiantur. Hoc apertè liquet exemplo eorū qui in lib. Machab. seipsos his verbis cohortati sunt: Eamus & disponamus testamētum cū Gentibus; quia ex quo recessimus ab eis, inuenerūt nos mala multa. Et bonus visus est sermo in cōspectu eorum, &c. Sic etiam mulieres Ieremiæ, ipsas ab idolorum cultu reuocanti, respōderunt: Sermonem quem es locutus ad nos in nomine Dñi, non audimus ex te: sed facientes faciemus omne verbum quod egredietur de ore nostro, vt sacrificemus reginæ cæli, & libemus ei libamina, sicut fecimus nos, & patres nostri, & saturati sumus panibus, & benè nobis erat, malumq. nō vidimus: ex eo autē tempore quo cessauimus sacrificare reginæ cæli, & libare ei libamina, indigni sumus omnibus, & gladio & fame cōsumpti sumus. Similiq. ratione Gentiles, cū res Romanorum variis calamitatibus propter Barbarorum incurSIONES premerentur, hoc argumento fidei Christianæ veritatem impugnabant, quòd florentissimum aliàs Romanorum Imperiū, vbi religio nostra prædicari cœpta est, tot malis vrgeretur. Aduersus quem perfidorum hominum errorem D. Cyprianus contra Demetrianum, Saluianus contra Gentes, & D. Augustinus in libris de ciuitate Dei diligentissimè scripserunt.

Vt autem perditī homines ob res aduersas & incommodas religioni detrahunt; ita contrā prosperis successibus eam amplectuntur, & probāt. Quam rem apertè in libro Esther cernere licet. Gentiles quippe admirādā illam rerum commutationem animaduertentes, qua Iudæi ad mortē, ob Aman crudelitatem, destinati, ad tantam gloriam sub Mardochæi principatu subitò euecti fuissent; relicto Idolorum cultu, ad Iudæorum religionē transibant, præstantiam videlicet ac dignitatem religionis hoc tam felici successu metientes. Qua de re extat in historia Tripartita memorabile exemplum, dignissimum planè quod hoc in loco referatur. Ait enim in eo lib. Socrates: Quædam gens yltra Rhenum fluuium est Burgundiorum: isti vitam quietam agunt, & penè omnes fabri lignorum sunt; ex qua mercede pascuntur; quorū regionem Hunni crebra inuasiōe vastabant, & plurimos occidebant. At illi, licet anxietate constricti, ad nullū se tamen hominem contulerunt, sed alicui Deo se committere cogitabant. Tum audientes quòd Romanorum Deus fortiter adiuuaret se timentes, omnes communi consilio ad credulitatem Christi confugiunt. Qui sumpta fiducia contra Tyrannos alacriter festinabāt, & spe sua frustrati non sunt. Hactenus Socrates. Cū igitur hæc fuerit ferè semper vulgariū hominum, ac præcipuè Gentilium sententia; dicere vtique illi eo tempore nostris poterāt; Si Christus, quē vos confitemini, verus Deus, &

cæli



cæli ac terræ Dñs est, si in eius manu sunt omnium potestates, & omnium iura regnorum; vos autem tanta illum fide, obedientia & religione colitis, vt pridis omnia tormentorum genera perpeti, quàm ab illius fide & cultu discedere malitis; quomodo is pro eo ac vestra fides meretur, non magnificientissimis vos premiis afficit; contraque, quomodo non atrocissimos nominis sui hostes, ac religionis suæ eueriores exquisitis supplicijs mactat & perdit? Tantum verò abest vt hoc faciat, vt iuratissimi eius hostes, opibus, imperio, & rerum omnium abundantia floreat; vos verò innumeris laboribus & ærûmnis confecti, acerbissimam vitam in luctu & squalore semper agatis, & omnibus hominibus inuisi, nullû satis tutum ad latendum locum inuenire valeatis; ac postremo atrocissimis & inauditis ex hominum memoria supplicijs miserimâ vitam finiatis; sic vt calamitosa vita morte multò acerbior finiat. Quis enim terrenû Regû homines fidei suæ commissos, & ob eius fidē variis calamitatibus à finitimis hostibus oppressos deferat, ac non potius arma moueat, & ferro ac flamma seruatorum ciuiumq. suorum iniurias vlciscatur? Quomodo igitur Deus vester neq. vobis spem aliquam salutis ostendit, & religionis suæ eueriores non modò impunitos relinquit, sed omnium rerum abundantia cumulat? Et quidem si hæc Dei vestri obliuio & negligentia per decem solum, aut viginti, aut etiam triginta annorum spatium protenderetur, non adeò mirum esset; vicinæ enim salutis spe sustentaremini; sed cum iam trecenti penè anni exacti fuerint, in quibus hæc tam dira clades perseverat, quæ & vitas, & fortunas vestras sine vlla intermissione deuastat; quid aliud consequentibus annis sperare poteritis, quàm quod tam longo spatio hætenus experti estis? Hæc planè Gentiles dicere poterant, quibus fidem nostram labefactari posse credebant. Quomodo igitur hi duo potentissimi arietes, quibus humanum peccus quatiebatur (cum ex altera parte tam immania tormentorum genera Sanctorum vitâ peteret; ex altera hæc Gentilium ratiocinatio, & tã longa tot annorum persecutio eorum fidem atque constantiam laceraret) quomodo, inquam, hæc ipsa Sanctorum fidem nō euerterent, nisi innumera quotidie miracula cernerent, quibus nō modò aliàs, sed in ipsis etiã suis agonibus & certaminibus ab Imperatore suo Christo mirificè confirmarentur? Quoties enim feras aduersus illos incitatas mansuefecit! quoties ignis vim atque violentiam extinxit! quoties tormentorum manus & brachia stupefecit! quoties feruentem adipem atque oleum in frigidum rorem cōmutauit! Denique pulcherrimum ac verè mirandum certamen inter sanctos Martyres & Martyrum Dominum video intercessisse. Illi enim, ne Domini

Euseb.  
Cæsar.

sui fidem violarent, vitæ suæ non parcebant; fidelis autem Dñs miris eos auxiliis atque fauoribus tum internis tum externis in ipsis suis agonibus confirmabat. Cuius rei cū innumera penè in Ecclesiasticis historiis exempla essent, vnum ex tam multis, quod Eusebius Cæsariensis octauo Ecclesiasticæ historiæ lib. cap. 3. se non ab aliis accepisse, sed vidisse ait, pius concionator referre poterit; in quo apertè & Martyrum fidem erga Dominum, & Domini rursus erga illos fidem & paternam prouidentiam cernere licebit.

Ex his ergo quæ hæcenus diximus cū alia multa, tum illud animaduerrere poteritis, fratres, quanta aduersus Dei seruos mundi tempestas excitata fuerit; quantaq. diuinæ protectionis gratia erga illos effulserit, quæ Ecclesiæ fidē stabiluit. Vtrumq. autem regius Propheta in spiritu præuidisse se ostēdit, cū ait: Eleuauerunt flumina Domine, eleuauerunt flumina vocem suam: eleuauerunt flumina fluctus suos à vocibus aquarum multarum: mirabiles elationes maris, mirabilis in altis Dominus. His porrò metaphoris Vates sanctus horribilem mūdi procellam aduersus Ecclesiam concitatam describit. de hac enim se loqui ostendit, cū protinus subdit: testimonia tua credibilia facta sunt nimis. Quamuis enim mundus infidelitatis spiritu ebrius, omnibus machinis Christi nomen extinguere, & fidem in eum funditus euertere conaretur; nihilominus tamen idem mundus, Dei virtute, & Martyrum constātia superatus, sic eius fidem amplexus est, vt qui antea propter idola Christum perlequebantur, idola deinde propter Christum euertèrent & cōcularent. Caterū quanta fuerit illa quæ præcessit tempestas, aquarum & fluctuum appellatione designauit. Aquarum enim nomine varias calamitates significari, ex illo eiusdem Prophetæ versiculo colligimus: Saluum me fac Deus, quoniā intrauerunt aquæ vsq. ad animam meam. Cū ergo vir sanctus & flumina, & fluctus, & voces aquarum multarum, & mirabiles maris elationes commemorat, atrocissimam mūdi persecutionem aduersus Ecclesiam excitatam designat. Sed quamuis mirabiles magni maris huius elationes atq. fluctus exstiterint, mirabilior tamen fuit in altis Dominus, qui statuit procellam eius in auram, & siluerunt fluctus eius, & ita factum est, vt eius testimonia nimis credibilia facta fuerint. Ipse enim imperauit ventis & mari, & facta est tranquillitas magnā.

## PARS POSTERIOR.

## II.

Hoc igitur primū argumentum est, fratres, quo fidei nostræ veritas confirmatur. Quod enim Dominus hanc tām mundi rabiem

tabiem atq. tempestatem sedauerit, quod mundus paternā aui-  
tamq. religionem à toto penè terrarum orbe receptam atq. de-  
fensam repudiauērit, & pro ea verum hominem, fabri filiū exi-  
stimatum, & crucis supplicio affectum, verum atq. omnipoten-  
tem Deum, cæli ac terræ conditorem & moderatorem esse credi-  
derit, hoc planè nullo modo sine clarissimis miraculorum ope-  
ribus fieri potuit. Verum non solum hoc firmissimo argumēto,  
sed alio etiam, huic non admodum dissimili, quod intra se pij  
homines passim experiuntur, eadem veritas confirmatur, nem-  
pe alterius intestinæ tempestatis mirabili sedatione. Est enim  
duplex in hoc seculo mare; alterū quidem externum, quod hac-  
tenus descripsimus; alterum internum, quod intra nos ipsos ge-  
stamus. In vtroq. autem grauissimæ sepe tempestates & procel-  
le excitantur; quæ nisi diuinæ virtutis auxilio sedari nō possunt.  
Quo fit, vt vtriusq. tēpestatis sedatio, clarissima fidei nostræ cō-  
firmatio sit. Est enim inter nos (vt dixi) aliud quoq. mare, angu-  
stius quidē illud, sed nō minis procellosum; vtpote à quo supe-  
rior illa aduersus Christi fidē tempestas orta est. Ille namq. mū-  
di furor & rabies, quæ & Dñi Saluatoris, & cultorum eius vitā  
petebat, ab humani cordis procella deriuata est. Vt enim Isaias  
ait: Cor impij quasi mare feruens, quod quiescere non potest. Isaiæ 57.  
Quod enim mare, quod fretum, quem Euripum tot motus, tan-  
tas, tam varias habere creditis agitationes, quot habent corda  
malorum? Tument enim superbia, furunt iracundia, æstuant  
auaritia, spumant libidine, fremunt inuidia, agitantur variis cu-  
piditatibus, mutantur assidue; modò pusillanimitatis spiritū  
contra dī, modò ambitionis fluctibus elati, ac demum tot per-  
turbationum motibus exagitati, quot incommoda rebus iis ac-  
cidunt, quibus per amorem adglutinati sunt. In hoc autem in-  
felici statu degunt, quicūq. Deo, hoc est, turissimo pacis & tran-  
quillitatis portu relicto, variis mundi curis & cupiditatibus im-  
plicantur. Vt enim D. Hieron. ait: Quicumque à Domino rece-  
dunt, statim seculi fluctibus quatiantur. Hinc D. Gregor. Qui,  
inquit, relicto Deo se sibi sufficere credit, nihil in se nisi tumul-  
tum perturbationum inuenit; inuentumq. se fugere querit, &  
auctore contempto, quo seipsum fugere valeat, non habet.

Porro autem fluctus & status quibus hoc mare exagitatū,  
affectus nostri, & varia desideria sunt; quæ cum vehementiora  
fuerint, transuersos homines in varios perturbationum scopu-  
los agunt, & sursum atq. deorsum miscunt. Quot enim mundi  
naufragia, quot generis humani clades ac mortes Alexandri Ma-  
gni, Iulij Cæsaris, cæterorūq. mūdi Principū auaritia, ambitio,  
& dominandi libido pepererunt? Quot quotidie in corde avari,  
libidinosi, cupidi, elati, & irati æstus & procellæ excitantur? Itaq.



484 IN FESTO ALICUIVS S. MARTYRIS  
tempestates omnes atque turbines mundi, & omnia deniq. maioris mundi naufragia ex hoc interno mari deriuantur. Si enim cor nostrum in pace & quiete ageret, totus vtique orbis placidam in tranquillitate & otio vitam duceret.

Cæterum si per aditum vera penitentia, & piarum orationum studium Dñs intret in hoc mare, ibiq. requiescat, & mansionem faciat, hoc est, nos ipsos in se, qui omniū bonorum summa est, requiescere atque dormire faciat, dum eo solo contenti, nihil aliud quærimus; tunc mens nostra, sublati terrenarum rerum cupiditatibus, adeo summo illo bono satiatur, vt eo resecta, nihil vltra quærat, nihil sitiat, nihil sit cuius cura & solitudine nimium tangatur: atq. ita sit, vt in maxima pace & tranquillitate felicissimam vitam ducat. Quid enim vltra quærat, quæ iam in suo velut centro requiescit? quid vltra desideret, quæ ad finem suum iam peruenit? quid vltra cupiat, quæ in hoc summo bono, bonorum omnium plenitudinem complexa est?

Psal. 33.

Cassiod.  
super  
Psal.

August.

1. Cor. 15.

Mat. 25.

Neq. enim falso aut prauo affectu dictum est: Timere Dñm omnes Sancti eius; quoniã nihil deest timentibus eum. Diuites egerunt & esurierunt, inquirentes autem Dominum non deficient omni bono. Quem locum sic Cassiodorus interpretatur: Cum diligimus Deum, omnia in ipso reperimus. Vnus est qui quæritur, sed in quo omnia continentur. O lucrum mirabile! ô compendium singulare! cur nos per diuersa fatigamus? Ad ipsum vnanimiter festinemus, post quem cuncta bona vltra non quærimus, sed tenemus. Hactenus ille. Cui non dissimile est illud Aug. qui illa Domini verba explanans: Ego ero illorum Deus, & ipsi erunt populus meus; sic ait: Ego ero vnde fatientur; ego ero quæcunque ab hominibus honestè desiderantur, & vita, & salus, & victus, & copia, & gloria, & honor, & pax, & omnia bona. Sic enim & illud rectè intelligitur quod Apostolus ait: Vt sit Deus omnia in omnibus. Hactenus ille. Si ergo in hac etiam mortali vita amicis suis Deus omnia est; quid extra illum desiderare queat, qui intra illum est? Vbi autem nihil est quod desideres, nihil est quod vel speres, vel timeas, vel cuius gratia anxius atque sollicitus esse debeas. Vbi enim noxia cupiditas sopita est, cæteri quoque affectus, qui velut satellites eius, existunt, non habent cur te commouere aut exagitare possint. Quia enim vis animæ irascibilis, læsa concupiscentia, vindex esse dicitur, sublata concupiscentia, non habet illa cur fremere & turbare velit. Ad hunc ergo modum vbi prudens mercator pretiosissimam illam Euangelij margaritam diu & multum quæssitam, per ardentem charitatem inuenit, hoc vno cõtentus, cætera omnia distrabit, atque diuendit; hoc est, cætera omnia tanquam ludicra & inania bona contemnit, atque ita terrenarum rerum

rerum amore sublato, non habet (vt diximus) pars illa animæ irascentis, cur scire, atque miscere omnia debeat. Hac igitur ratione in hoc interno cordis mari sit ope Dei tranquillitas magna. Qua de re sic D. Gregorius: Quisquis in solo desiderio æternitatis figitur, nec prosperitate attollitur, nec aduersitate quassatur: quia dum nihil habet in mundo quod appetat, nihil est in mundo quod pertimescat. Gregor.

Hæc autem noua pax atque tranquillitas magnam & iucundam in corde pij hominis diuinæ virtutis & potestatis admirationem excitat. Cum enim his priora vanitatis & cæcitatibus tempora ad memoriam reuocat, & fluctus atque procellas cupiditatum, irarum, curarum, atque libidinum veterum recollit, tescque modo in tanta animi pace & tranquillitate agere videt, nō potest non vehementer admirari, & cum Propheta aduersus se stitens clamare: Quid est tibi mare quod fugisti; & tu Iordanis, quia conuersus es retrorsum? Quod perinde est ac si diceret: O cor meum, quod quasi mare fremebas; o vos affectus & cupiditates meæ, quæ ingentes fluctus in hoc mari excitabatis, quō abiistis? quō fugistis? quomodo me in pace tam diu esse finitis, qui profus viam pacis ignorabam? Verè à facie Domini mota est terra, à facie Dei Iacob; cuius numen & potentiam in hoc opere adoro, veneror, & agnosco; quamuis ne his quidem argumentis ad eius gratiam & amicitiam me peruenisse affirmare audeam. Psal. 113.

Auger autem admirationis magnitudinem breuitas temporis, quo hæc tanta mutatio singulari diuini Spiritus beneficio aliquanto fit. Aiebat enim Plato, Felices eos esse, quibus vel in senectute sapientiam assequi datū esset: quæ nulli, nisi in quiete & animi tranquillitate contingit. Anima enim quiescendo sapiens fieri dicitur. Videte quātuin temporis humana philosophia exigebat, quo sapientiam, & sapientiæ comitem, tranquillitatem, homines assequerentur; quam certè ne hoc ipso tam longo spatio (cū Dei gratia destituti essent) assequi poterant. At frequenter in hoc interno mari vnico Dñi verbo fit tranquillitas magna. Aliter enim operatur Deus, aliter homo; aliter gratia, aliter natura, etiam si cura iuuetur. Non enim frustra Dñi Saluatoris nomen esse dicitur, Velociter spolia detrahare, citò prædari; nisi quia velocissimè in quibusdam virtus gratiæ, dum diuini amoris dulcedine illos præuenit, omnia quæ in mundo dulcia sunt, contemnere facit; atque ita sedata concupiscentia, fit protinus in mari cordis tranquillitas magna. Sic D. Augustino contingit, qui vbi primū ad Dominum conuersus in benedictionibus dulcedinis præuentus est, protinus spem omnem quam habebat in seculo, dereliquit, & hanc in corde suo pa-

cem & tranquillitatem reperit. Idem multis aliis quotidie in Ecclesia euenit, qui tota animi contentione ad Dominum conuertuntur, quorum ipse corda intra breue temporis spatium mirabiliter immutat.

Simile.

Est etiam aliud in hoc opere mirabilius; Sicut enim mare tunc potissimum furit, cum immitioribus ventis fuerit agitata: ita etiam hoc internum mare, cum variis hominum iniuriis & offensionibus tanquam immitioribus ventis infestatur, tunc rabies irarum & odiorum, & flagrans vindictæ cupiditas acrius fauiunt, & turbulentas excitant procellas. Cum autem sancti ne hac quidē occasione à statu & tranquillitate mentis suæ depellantur (quin potius sæpè in ipsa calamitate lætètur, & ipsam maris inundationem quasi lac sugāt) dici nō potest, quāta hac in re diuinæ virtutis admiratione, quantaque animi lætitia afficiantur. Sic enim illis contigit, quos Apostolus ait rapinam bonorum suorum cum gaudio suscepisse; & iis etiam de quibus

Heb. 10.

1. Cor. 2.

ad Corinth. scribit: Notam vobis facio, fratres, gratiam Dei quæ data est in Ecclesiis Macedoniæ; quoniā in multo experimento tribulationis, abundantiæ gaudij ipsorum fuit. Hoc est autem

Psal. 106.

quod Propheta iure miratur, cum ait: Et statuit procellam eius in auram, & siluerunt fluctus eius. Et lætati sunt, quia siluerūt; & deduxit eos in portum voluntatis eorū. Non contentus enim Dominus procellam sedasse, quod magnum planè beneficium est, quiddā adhuc maius & mirabilius addidit, quod procellam ipsam in secūdā auram commutauit. Quod planè facit, cum ipsam calamitatis amaritudinem in dulcedinem vertit. Quam rem hoc in loco Apostolus significauit, cum magnā illam Macedonum tribulationem ingentis gaudij materiam illis præstitisse ait. Hoc autē quōnam modo fiat, seculi homines ne suspicari quidem possunt. Quis autem nō videat, quantū hoc diuinæ virtutis & gratiæ hominis mentem corroborātis argumentum sit. Quam rem Philosophos etiam aliqua ratione præsensisse ostendit Seneca his memorabilibus verbis: Si hominem videris interritum periculis, intactum cupiditatibus, inter aduersa felicem, in mediis tempestatibus placidum, ex superiori loco homines videntem, ex a quo deos: non subiit te veneratio eius? nō dices, ista res maior est altiorque quā vt credi similis huic, in quo est corpusculo, possit? Vis isthuc diuina descendit. Animum excellentem, moderatum, omnia tanquam minora transeuntem, quidquid timemus optamusque ridentem, celestis potentia agitat. Hastenus ille.

### III.

Hæc igitur quæ intra se pij homines quotidie experiuntur, sic ipsorum fidem confirmant, illuminant, & accendunt, vt illis instar



instar miraculorum, fidem confirmantium, imò supra miracula sint. Multi enim plurimis inspectis miraculis in perfidia sua obcæcato animo perstiterunt; at quisquis hanc Dei virtutem in se expertus est, miro modo in fidei veritate solidatur. Hac autem admiranda opera & beneficia Dei non oscitanter & segnitè spectari Propheta volebat, cum mortales omnes ad hoc spectaculum conuocans diceret: Venite, & videre opera Dei; terribilis in cõciliis super filios hominũ. Qui conuertit mare in aridam; in flumine pertransibunt pede; ibi lætabimur in ipso. An non ergo meritò latentur in Deo, quibus in aquis validis tribulationũ terra apparuit arida, & in mari rubro via sine impedimento; quando videlicet ipsi eis fluctus tribulationum materiam præbent gaudiorum. Mirabile quidem fuit maris fluctus Deum compressisse, sed non minùs mirabile est, humani cordis rabiem & impetum sedasse, & inter calamitatum & persecutionum turbines placida & tranquilla mente cõstitisse. Quod quidem regius Propheta beneficio Dñi sibi contigisse testatur his verbis: In terra deserta, inuia & inaquosa sicut in sancto apparui tibi, vt viderem virtutem tuam, & gloriam tuam. Quem locum interpretes quidam sic explanat: Cũ à facie Saul profugus & exul patria domo, in hac vasta & inculta solitudine inopem & vagam vitam prosequor; nihilominus tamen ira te Dñe corã intueor, ac si in sanctuario tuo essem, atque præsentì numine tuo hoc in loco testus & adiutus cõtèmplor admirabilem potentiam & misericordiam tuã, quam quotidie in me, ab impendentibus malis eripiendo, meumq; animum confirmando, quotidie experior. Itaque cũ vir sanctus ait, se perinde quasi in templo esset, contemplari gloriam Dei, & vim eius salutarem; hoc intelligit in primis; quanquam longè absit à solempni cœtu priorũ, pulsus ab iniquo Rege in desertas & incultas solitudines, nò tamen eam rem impedire quo minus suauissima voluptate potiatur, & pietatẽ suã alat in potẽtia & misericordia Dei cõtèmplãda. Quæ duæ res in maximis calamitatibus potissimũ elucet, dum vir pius vndiq; premitur, sed non opprimitur; cadens robustior surgit; in luctu & mœrore, gaudio triumphat; egẽtissimus est, & omnia possidet; quotidie in media morte versatur, & tamẽ viget ac floret. Quæ cũ geruntur, ille bonitatẽ Dei & vim eius præpotentem non cogitatione modò completitur, sed (vt ira dicã) manibus atrectat, atq; ex ea re admirabilis quædã in animo ipsius exardescit amoris magnitudo erga clementissimum numen, vt nò malè sentire videatur qui affirmant, Deum in rebus aduersis amabiliorem existere, quàm in prosperis. Quod ira esse, Dauid quoq; in maximis periculis versans, suo testimonio cõprobat; cũ subiungit, misericordiã Dei

Psal. 45.

Psal. 62.

vita ipsa optabiliorem esse. Quae verba ex animo dicere non potest, nisi expertus; experiendum autem est potissimum in ipsa calamitate.

## IIII.

His igitur multisque aliis similibus argumentis, fratres, quibus fidei lumen à Deo profectum, rationis quoque lumine, quod ab eodem fonte dimanat, Deo cooperante illustratur & confirmatur, pii homines in fide Catholica roborantur; cuius nos dogmata miro modo ad pietatis & iustitiae cultum inducunt. Sic enim illi philosophantur: Si fides nostra tantum habet firmitudinis & veritatis, verissima ergo & firmissima ea sunt, quibus nos ad timorem Domini, & veram religionem prouocat. Verissimum est, Deum rerum humanarum curam gerere, & bonorum atque malorum habere delectum. Verissimum est, nihil nos agere, nihil moliri, nihil cum animo nostro cogitare, quod non sit diuinæ sapientiae oculis subiectum, qui intimos etiam animi recessus penetrat. Verissimum est, futurum extremum iudicii diem, in quo totius vitae nostrae, omniumque actionum, ad verbum usque otiosum, reddenda sit ratio. Verissimum est, piis inestimabiles in caelo opes atque delicias esse paratas, horrendaque & in aeternum duratura supplicia reprobis in gehenna constituta. Verissimum est, animas non interire cum corporibus, sed ubi primum à corpore solute fuerint (nisi aliquid purgandum super sit) operum suorum mercedem à iusto iudice Deo, qui reddet unicuique iuxta opera sua, esse percepturas. Harum enim rerum fides quo magis viuida & incensa est, magisque roborata, eo fecundiora virtutum germina profert. Sicut enim stomacho refecto (à quo alimentum ad totum corpus derivatur) cetera quoque membra per illum refecta vigent; ita fide aucta, & nouis splendoribus illustrata, cetera quoque virtutes, quarum ipsa fundamentum est, maiora capiunt incrementa. Ab hoc enim fonte omnia illa virtutum opera, quae Apostolus ad Hebraeos longa oratione enumerat, prodierunt. Abraham enim patriam & genitalem solum iussus à Deo reliquit, ut iret quod nesciebat. Expectabat enim fundamenta habentem civitatem, hoc est, immobilem & aeternam in caelis, cuius artifex & conditor est Deus. Et Moyses luxum atque opes Pharaonis contempsit, maiores aestimans diuitias, improprium Christi, thesauro Aegyptiorum; fide enim aspiciebat in remunerationem. Fides itaque promissionum Dei, cor ad labores, & ardua quaeque virtutum opera vehementer acuebat. Quae de causa eandem nos Apostolus omnibus in rebus tanquam impenetrabile scutum arripere praecipit; in quo possimus omnia tela nequissimi ignea extinguere. Cum enim ille statu suo (quo prunas ardere facit) cupiditates nostras

Simile.

Hebr. 12.

1 phev. 5.

nostras per se ad malum accensas vehementius inflammat, & voluptatis huius ardore ad inconcessa rapere nititur, prastō sit fides, quæ inextinguibilis gehennæ flammæ, sceleratis hominibus paratas, & ineffabiles cælestis regni delicias, victoribus constitutas, & rosea Christi vulnera sanguine manantia, cæteraq. eius beneficia ob oculos ponat, quo harum rerum contemplatione voluptatem repudiemus momentaneam, ne felicitatem amittamus æternam.

Qua in re salutare consilium omnibus piè in Christo vivere volentibus in medium afferam, quo omnes diaboli fraudes & machinas superare valeatis. Id verò est, ut quemadmodū prudentis iudicis est, nunquam aliquid in cauta pronuntiare, nisi utrumq. litigantem audierit; ita nunquam homo aliquid in cordis sui tribunali definiat, nisi utraq. deliberationis parte diligenter examinata. Si quis enim alteram libræ lancē leui etiam pondere oneret, in altera verò nihil apponat; an nō certum est, eam quæ onerata sit, deiciendam; alterā verò in sublime tollendam? Vtraq. ergo suis ponderibus libranda est, si iustitiæ mensuram retinere velis. Hac porro similitudine aduersus omnes diaboli tentationes uti cōmodissimè poteris. Subijciamus aliquot huius rei exempla. Si tibi dæmon carnis delicias & voluptates amplificat, tu in altera libræ lance voluptatibus istis constituta supplicia appende, quæ Dominus in Apocalypsi definit, cum ait: Quantum glorificauit se, & in deliciis fuit, tantum date illi tormentum & luctum. & illud item: Momentaneum est quod delectat; æternum quod cruciat. Adde his etiam celebrem illam Philosophorum non immeritò à multis laudatam sententiam: Si quid feceris honestum cum labore, laborabit & honestas manet; si quid turpe cum voluptate, voluptas abit, turpitudo manet. Rursum, si tibi dæmon, terrena lucra exaggerans ad fraudes & rapinas trahere nititur, illam Apostoli comminationem tibi ante oculos pone: Hoc autem scitote intelligentes quod omnis fornicator, aut immundus, aut auarus (quod est idololorum seruitus) nō habet hereditatem in regno Christi & Dei. Nemo vos seducat inanibus verbis; propter hoc enim venit ira Dei in filios dissidentiar, Hanc item fraudem D. Gregorius in Epistola quadam detegit; in qua nobilem quendā virum à direptione alienæ facultatis liberare nititur; prudenter illum admonens, pecuniam quidem se in hoc mundo relicturum, crimen verò alienæ rei ablatae secum in alium mundum delaturum.

Ad hæc, si te dæmon, virtutis & pœnitentiæ labores exaggerans, ab eius studio deterrere, & ad voluptates & carnis delicias adducere tēter; tu cōtrā hanc illi eiusdē Salomonis sententiam obijce: Propter frigus piger arare noluit: medicabit ergo estate,

h h 5

&amp; non

Simile,

Simile.

Apoc. 18.

Ephef. 5.

Gregor.



& non dabitur ei. Rursum, si te ad perditorum hominū vitam tanquam placidam & iucundam traducere velit, tu eius mēdaciū illa Eccles. sententia coargue: Via peccantium complantata est lapidibus, & posthæc inferi, & tenebræ, & pœna. Considera etiā ingentes eius vitæ curas & molestias, hoc est, iracundiæ furem, invidiæ rabiem, odij acerbiteriam, comestationum temulentiam, ambitionis contentionem, cupiditatum inexplebilem sitim, auaritiæ mendicitatem, variosque gulæ & luxuriæ morbos, infamiam, dedecus, ceterasque improborū hominum curas & cruciatus expende. Verissimè enim à Propheta dictum est: Contritio & infelicitas in viis eorum, & viam pacis nō cognouerunt. Præterea si te ad fastum & superbiam, & immodicos sumptus inducere velit, tu contrā illud Ieremiæ respondebis: Audiuimus superbiam Moab: superbus est valde; superbia eius, & arrogātia eius plus quā fortitudo eius. Et illud eiusdem: Quia plus fecit quā potuit, idcirco perierunt. Quod quidem vitium hac nostra ætate cunctorum ferè nobilium commune est; quo non seipso modò, sed hæredes etiam suos magno are alieno oppressos in gehennam præcipitant. His ergo rationibus, fratres, fidei clypeum arripientes, omnia tela inimici ignea illidere poterimus; atque ita demum fidei præsidio muniti, dignos fidei, quā profitemur, fructus proferemus. Qui autem secus faciunt, nequam illum seruum imitantur, qui domini sui pecuniam in terra defodiens, frustra illam sine vllō emolumento retinuit; qui verò fidei dogmatibus, diuinisq; oraculis hoc modo vtuntur, hi planè talentum sibi creditum, Domino suo duplicatum referunt, æternam pro illo mercedem percipuri, & à Domino audituri: Euge serue bone & fidelis, quia super pauca fuisti fidelis, super multa te constituam; intra in gaudium Domini tui.

## AD LECTOREM.

**H**O C in loco pium Concionatorem admonitum volui, vtramq; concionis huius partem, ac præcipuè posteriorem, in eo quoque Euangelio tractari commodè posse, in quo ascendente Domino in nauiculam, & dormiente, magna illa tempestas excitata est, quam ipse, ventis atque mari imperans, diuina virtute sedauit. Maris quippe tempestas, Ecclesia persecutionem; tempestatis verò sedatio, mirabilem Christi Dogmæ virtutem atque triumphum designat.

491

IN FESTO ALICVIUS SANCTI  
CONFESSORIS CONCIO PRIMA: IN  
qua lectio Euangelica explanatur.

THEMA. *Sint lumbi vestri præcincti, & lucerna ardentes  
in manibus vestris, & vos similes hominibus expectanti-  
bus dominum suum. Lucæ. 12.*



INTER sacra Euangelia quæ in festis factorum  
Confessorum Ecclesia legi instituit, Euangelium  
hoc, unde quæ audistis verba desumpsi, præcipue  
commendatur; quod totius penè Christianæ  
philosophiæ summam paucis comprehendat; vt  
paulo post indicabimus. Vt igitur hanc cælestem doctrinam piè  
& utiliter tradere valeamus, diuinam opem, sacratissimæ Virgi-  
nis interuentu suppliciter imploremus.

AVE MARIA.

Principio sciendum est, moralem philosophiam, atque adeo  
omnes disciplinas, quæ ad finem aliquem destinantur, duabus  
præcipue partibus constare; nempe, expositione finis, & eorum  
quæ ad finem consequendum ordinantur; quæ philosophi Me-  
dia appellare solent. Sic Aristot. in lib. Ethicorum; vbi vitam ho-  
minum & mores formare docet; primo lib. de vltimo humanæ  
vitæ fine, hoc est, de summa hominis perfectione, & optimo atq.  
felicissimo eius statu disserit, deinde de omnis generis virtutib;  
latè disputat, per quas ad eum finem peruenitur. Hoc autè quod  
ille multis libris vix absoluit, breuissimo cõpendio Saluator his  
pauculis verbis, quæ à me commemorata sunt, cõprehendit. Fi-  
nem quippe humanæ vitæ longè certius quàm Arist. cõstituit,  
cùm de obsequio domini erga fideles ac vigilantes seruos lo-  
quens ait: *Amen dico vobis quod præcincti se, & faciet illos discumbere,  
& transiens ministrabit illis.* Instrumenta autem, siue (vt appellat)  
media quibus ad hunc finem peruenitur, tria solum præmisit; ad  
quæ omnia alia referuntur; nempe, lumbos præcingere, ardentes  
lucernas in manibus gestare, & vigilanter domini aduentum præ-  
stolari. De his igitur instrumentis in præsentī concione dicere  
instituita fiet, vt totam penè Christianæ philosophiæ sum-  
mam vobis ante oculos ponam. Ait igitur Dominus:

Aristot.  
in lib. Eth.

*Sint lumbi vestri præcincti.* Quid est lumbos præcingere? Nimirum  
(vt D. Gregor. hoc in loco ait) omnē carnis lasciuia & intēper-  
antiā pudicitia atq. timoris Dñi cingulo stringere. Qua loquē-  
di figura ex præcipua generis parte vniuersum genus Saluator  
intelligi

Gregor.

intelligi vult. Non enim impudicia sola, sed omnia letalia crimina simul profliganda sunt, si aduentū Domini secura mente expectare volumus. Sed quoniam (vt sancti Patres aiunt) impudiciæ crimen maximè acre & importunum est (nusquam enim originalis concupiscentia vehementius quàm in libidinis affectu defecit) ideò huius potissimum mentionem facit: qui enim hunc potentissimum hostem, corruptæ naturæ viribus armatum, domuerit, facilè de cæteris vitiis victoriam reportabit. Quoniam qui maiora vincit, consentaneum est posse illū quoque minora superare. Si Iacobus Apostolus eum qui linguam frenaret, cæteros quoque rebelles animi sensus & motus coercere posse confirmat; multò certè magis qui ita timore Domini septus atque munitus est, vt hunc intimum & familiarem hostem opprimere possit, cæteros quoque animæ hostes prosternere, & sub iugum mittere poterit.

Iacob. 3.

Verùm cupiditatis huius tyrannidē atque potentiam vtinam Salomon tam diligenter cauisset, quàm sapienter explicauit! sic enim ait: Lustraui vniuersā animo meo, & inueni amariorem morte mulierem; quæ laqueus venatorū est, & sagena cor eius; vincula sunt manus illius. Qui placet Deo, effugiet illā; qui autē peccator est, capietur ab illa. Quibus verbis apertius periculi huius magnitudo potuit explicari? Sed hoc in loco tamen perditis hominibus periculum hoc imminere ait. Alibi verò iustissimis etiā viris, qualis tum ipse, tum Dauid pater eius exstiterē, idem periculum denunciat. De eadem enim muliere loquens,

Prou. 7.

Multos, inquit, vulneratos deiecit; & fortissimi quiq. interfecti sunt ab illa. Possem hoc multis fortissimorum virorum ruinis, quas ætate nostra vidi, facilè comprobare; sed pro his omnibus

August.

fatīs erit mihi D. Augustini testimonium, timoris & admirationis plenissimum, in medium attulisse; sic enim ait: Crede mihi, cedros Libani, & ductores gregis sub hac specie corruisse vidi; de quorum casu non magis dubitabam, quàm Ambrosij aut Hieronymi. Quid his verbis formidabilius? Quamobrem fidelis quisque D. Hieronymi (cuius modò mentio facta est) consiliū sibi ante oculos ponat; qui ad Nepotianum scribens, Omnes, inquit, puellas & virgines Christi aut æqualiter ignora, aut æqualiter dilige. Ne sub eodem tecto māsites, nec in præterita castitate cōsidas. Nec sanctior Dauid, nec Salomone potes esse sapiētiōr. Memento semper quòd paradisi colonū de possessione sua mulier eiecerit. Hæc ille. Diuus verò Isidorus, Iuxta serpentem, inquit, positus, non eris diu illæsus: & prope ignē consistens, ferreus licet sis, comburēris. Scio esse in quibusdam insigne quoddam castitatis donum, singulari Dei priuilegio concessum. Sit ita sanè. Sed neminem tamen, quamdiu in hoc cor-

Hieron.  
ad Nepo-  
tianum.

Isidor.

pore



pote militat, securum iudico; nisi qui omnem labendi occasionem fugerit. Itaq. magnopere probo cuiusdam ex beati Francisci sociis consilium; qui cum mirabile castitatis donum à Deo percepisset, adeo tamen sollicitè omnia castitatis pericula vitabat, ac si iuuenili ardore cor eius vreretur. A quo cum confessorius, qui castitatis eius conscius erat, quæreretur, cur tanto studio omnia castitatis pericula vitaret, cum tam præclaro castitatis dono præditus esset; Quoniam, inquit, hoc mihi donum à Deo contigit, quia ego maxima cura omnia pudicitiae pericula vito: quod si non facerem, fortasse non ita mihi Dominus præsentì numine suo adesset.

Hæc ideo à me dicta sūt, fratres, quò apertè cupiditatis huius vim vobis indicarem, planumque facerem, cur huius potissimum vitij Dominus meminerit, cum in præsentì lectione ait: *Sint lumbi vestri præcincti.* Quod videlicet intelligeret, hac hydra superata, facile ad aliarum victoriam viâ muniri. Ceterum qui hoc caeleste castitatis donum adeptus est; qui corporis sui vas in honore, non in passione desiderij castum integrumq. conseruauit, is ab occultissimo & insidioso huius virtutis hoste (nempe superbia) sibi cauendum curet. Quæ cum omnibus bonis operibus insidietur, vt pereant; tum maxime ex castitatis splendore superbiendi occasionem subministrat. Quo tentandi genere dum ex virtutibus elationis materiâ suggerit, salutis medicamenta in venena conuertit. Hinc diuus Fulgentius in epistola quadam ait: Spirituales Dei famulos atque famulas à dæmone ita expugnari, vt si eos rebus noxiis mortiferisq. non vincat, vitalibus remediis occidat. Et paulo post: Publico, ait, certamine dæmon carnales deiicit; spirituales verò, si quos cautos inuenerit, occultiore conflictu prostermit. Verum cum nihil sit virginitate illustrius, nihil continentia magis admirandum: quippe quæ (vt Athanasius inquit) Angelorum magis quàm hominum esse videatur; illius splendore potissimum humani generis hostis vitur, vt mortales, humilitate deserta, sui ipsorum efficiat admiratores.

Ceterum non satis est lumbos carnis præcingere, nisi mentis etiam lumbos (vt Petrus Apost. monet) præcingamus. Quod quidem tunc facimus, cum sollicita & vigilanti cura cor nostrum (in quo sibi diuina Sapientia domicilium collocauit) ab omni impura cogitatione purum integrumque seruamus. Hoc autem præstamus, quando prauam cogitationem, cum primum serpente incipit, tanta celeritate à nobis excutimus, quanta ignem fortè in manus incidentem excuteremus. Quam rem designant septuaginta illi fortes, Salomonis lectulum custodientes, vt omnes ita gladiis armati erant, vt vniuersusq. ensis supra femur

Fulgent.

Idem.

Athanas.

1. Pet. 1.

Simile.  
Cant. 5.

- inur suum positus esset propter timores nocturnos. Hic autem lectulus, in quo verus Salomon requiescit, iusti viri anima est, quæ quavis impura cogitatione polluitur, & sic à vero Salomone deseritur. Viri autem iusti ne in hoc tantum malum incident, non contenti gladiis spiritus armari, supra femur etiam gladios gestant, ut nulla mora in illis euaginandis, & prauis cogitationibus abscindendis interueniat. ille quoque Cherubin qui aditum & ostia tetrenæ paradisi seruat, gladium flammeum atque versatilem in manu habet, ad custodiendam viam ligni vitæ. Paradisus autem deliciarum, anima quoque iusti est, in qua diuina sapientia deliciis suis fruitur cum filiis hominum. Ad hanc autem paradisum custodiendam vir iustus flammeum atque versatilem gladium in manu gestat. Versatilem quidem, ut quam celerrime impuros affectus & cogitationes in animo surgentes abscindat: flammeum vero, ut diuini amoris igne eos consumat. Ut enim Climac.
- Climacus ait: Pudicus est, qui amorē amore excludit, ignemque igne spiritus extinguit. Aliter autem hæc paradisi pura & integra conservari minimè poterit. Quemadmodum enim pudica & fidelis vxor non modo adulterum non admittit, sed ad primum eius conspectum terga vertit (adulterij genus exitimans impudicis verbis aures præbere) ita casta Christi sponsa non modo ab omni impuro opere, sed ab omni etiam praua cogitatione mentem suam diligentissime custodit. Qui autem negligenter se in hoc officio gerunt, facile hostis antiqui ludibrio patent. Cuius rei imaginem expressit illa puella, quæ triticum purgabat, & Isboseth regis dormientis ostium custodiebat: qua dormiente, duo latrones ingressi, regis caput amputarunt. Hæc enim puella quæ triticum purgabat, discretionis ac prudentiæ imaginem gerit: cuius est, paleas à tritico, hoc est, vanas à sanctis cogitationibus discernere. Hac igitur dormiente, hoc est, officium suum oscitanter exequente, prauæ cogitationes tanquam latrones in mentis nostræ domicilium irruentes, Regi, hoc est, spiritui nostro necem inferunt. Quicumque igitur hanc à se negligentiam & dormitantiam excludunt, hi planè mentis suæ lumbos præcinctos habent. Atque hæc prima piorum hominum cura esse debet: qua, corde diligenter custodito, malis omnibus adiutur præcludunt.

## I.

- Verum quia non satis est à malis abstinere, nisi bonum facias, subdit deinde Dominus, ut lucernas ardenes in manibus gestemus. Lucernæ autem nomine, & fidei lumen, & Deilegem significari, omnis scriptura testatur. Mandatum enim (ait Salomon) lucerna est, & Lex lux. Et regius Vates, Lucerna, inquit, pedibus meis verbum tuum, & lumen semitis meis. Cum ergo Domi-

Pro. 6.

Psal. 112.

Dominus ardentes lucernas in manibus gestare præcepit, fidem & legem suam non solum corde & ore, sed operibus etiam, quæ per manus intelliguntur, nos profiteri atque testari vult. Sunt enim qui fidem & legem Dei in solo corde gerunt; sunt qui in solo ore, non in manibus gestant, qui vocem quidem habent Iacob, manus autem Esau; de quibus Saluator ait: Vt quid vocatis me Domine, & non facitis quæ dico? Et iterum: Non omnis qui dicit mihi Domine, Domine, intrabit in regnum celorum; sed qui facit voluntatem Patris mei qui in celis est. Vult ergo Dominus, ut in manibus magis quam in ore eius legem circumferamus. Itaque si is pauperes spiritu, lugentes, iustitiam sitientes, misericordes, pacificos, & mundos corde pronuntiat beatos esse; dâda nobis opera est, ut tales simus, quod beatitudinis huius participes efficiamur. Rursum cum idem ait: Si vis ad vitam ingredi, serua mandata, demus operam, ut mandata seruemus; quo sempiternam vitam percipere mereamur. Cum verò præcipit ut inimicos diligamus, ut eos beneficiis prosequamur, ut pro persequentibus & calumniantibus nos preces Domino offeramus: hæc eius præcepta non in ore solum, sed in manibus gestanda curemus; opere exhibentes quod verbis profiteamur. Sic igitur ardentes lucernas in manibus habemus; atque ita homines videntes opera nostra bona glorificant Patrem nostrum qui in celis est. Nusquam enim magis cælestis Patris gloria clucet, quam in his, qui iustitiæ & sanctitatis cultu, bonitatis eius imaginem referunt.

Genes. 17.

Lucæ 6.

Mat. 7.

Mat. 5.

Mat. 19.

Mat. 5.

Mat. 5.

Sequitur deinde tertio loco quod Dominus ait: *Et vos similes hominibus expectantibus Dominum suum, quando revertatur à nuptiis; ut cum venerit, & pulsauerit, confestim aperiat ei.* Venit autem Dominus (ut Greg. ait) cum ad iudiciū properat, pulsât verò, cum per aggritudinis molestiam esse mortem vicinam designat. Cui confestim aperimus, si eum cum amore suscipimus. Aperire autem iudici pulsanti non vult, qui exire de corpore trepidat, & videre eum, quem contempsisse se meminit, iudicem formidat. Hæc autem Domini admonitio huc præcipuè tendit, ut tota fidelis hominis vita, quæ per tres vigilas designatur, velut expectatio & præparatio quædam sit, quæ singulis momentis venientem Iudicem expectemus, ut confestim aditum ei liberum præbeamus. Ad hoc autem scire oportet, hominem à Deo in hunc finem conditum esse, ut ad æternæ felicitatis gloriam, hoc brevis æui curriculo præpararetur. Hic enim est finis ad quem is à summo illo opifice conditus est. Quod cum ita sit, efficitur sanè, ut is nihil prius curare, nihil moliri, nihil in vita diligentius agere debeat, quam ut ad hæc horam sollicitè se præparet; atque ita demum vita eius (ut sapientes viri docuerunt)

Gregor.

continua



Simile.

continua mortis meditatio, & ad illā preparatio sit. Vt enim fideles serui, qui ad curias Principū alicuius grauis negotij causā mittuntur, id præcipue agunt, id curant, id noctes dieſque cogitāt, quā videlicet ratione fideliter id expediāt, cuius gratia missi sunt: ita cum fidelis Dei seruus intelligat, se ad hoc in mūdum à Deo missum, vt in bonis operibus ad finem vsq. strenue persistens, caelestem hereditatem promereatur; dat operam sedulo, vt in hoc pietatis officio mors illum deprehendat. Scit enim extremum hunc diem de tota vita, atque adeo de tota æternitate sententiam ferre: ex eo quippe momento tota æternitas pender. Hinc sapientissimus quidam vir pios admonere solitus erat, vt vnusquisque eorum in edito domus suæ loco hanc sententiam scriberet: **MOMENTVM VNDE Pendet AETERNITAS.**

Psal. 81.

Exod. 12.

Hanc eandem curam Dominus sub alia non dissimili metaphora commendauit, cum nos in hoc mundo non tanquā cines & indigenas, sed tanquam aduenas & peregrinos versari voluit; vt omnes propheticum illud dicere possemus: Aduena ego sum in terra, & peregrinus, sicut omnes patres mei. Peregrini enim & viatoris est, aliō tendere, nec stabilem in via sedē habere, sed alibi domicilium, alibi genitale solum & patriam habere, & ad eam properare. Id quod in lege olim Dominus miro modo adumbravit, cum inter tam varias ceremonias, quibus paschalem agnum manducare præcepit, hanc etiam adiecit, vt homines illic stātes, & lumbis accinctis, & manibus baculos tenētes, festinanter comederent. Quid enim horum non ad viatores pertinet? Nam stare, ac festinanter manducare, & accinctis lūbis esse, baculosq. manibus tenere, viatorum propria sunt; qui cum aliō tendāt, ibique mente defixi sint quō properant, vix sibi sedere, & lētē comedere permittūt, vt quā ocyssimē ad optatum locum perueniāt. Quid autem hoc solemnī ritu Dñs designare voluit, nisi vt quicumque veri Agni immaculati, & incontaminati, hoc est Christi, participes, & regni eius heredes esse volumus, quā diu in hoc corpore degimus, viatoris & peregrini mentem atq. animum assumamus? Viator enim toto animo in terminum viæ intentus est, & ad illum indefesso studio & labore contendit. Quōd verò ad hospitium declinat, non id agit vt in eo tanquā in domo, sed tanquā in hospitio vires cibo somnoq. reficiat, quo celerius ad patriam solum peruenire queat. Sic igitur qui intelligit se in hoc mundo hospitem & peregrinum esse, & ad cælestem patriam bonorum operum gressibus tendere, in qua se & parentes, & amicos, & opes, & bonorum omnium copiam habiturum sperat, & in qua, breui huius vite curriculo consummato, se perpetuō mansurum credit: eō curas

curas & cogitationes suas, omniaque vitæ studia dirigit, illam cogitat, in sola eius cogitatione acquiescit, de illa dies noctesq. disserit, cum Propheta clamans: Si oblitus fuero tui Ierusalem, Psal. 136 obliuioni detur dextera mea. Adhæreat lingua mea faucibus meis, si non meminero tui. Denique si aliquando ad rem familiarem curandam digreditur, non id agit, vt opes immensas congerat, vt alias in hoc seculo radices iaciat; sed vt itineris necessitati, non infinite cupiditati prouideat. At quantū ab hoc proposito & affectu distant, qui omnes curas & cogitationes suas sic in terra defixas habent, ac si ad hanc vitam solum fruendā, non ad aliam conditi essent! Sic enim terrenis bonis inhiant, sic se totos congerendis opibus in extrema etiam senectute addicunt, quasi perpetuū in ea mansuri essent. Quod certe non leue iudicium est, nequaquam illos ad eam sortem pertinere, quæ nunquam illis venit in mentem, nec quicquam eius amore induci faciunt.

## II.

Hæc tria sunt, fratres, quæ à nobis Dominus exigit. Nunc secundo loco videamus, quid hæc ipsi præstantibus vicissim promittat. Hoc autem explicat, cum protinus subdit: *Beati serui illi, quos, cum venerit Dominus, inuenerit vigilantes. Amen dico vobis, quod præcurret se. & faciet illos discumbere, & transiens ministrabit illis.* His pauculis verbis eximiam sanctarum animarum gloriam Dominus ostendit. Quæ enim excogitari maior gloria potuit, quam vt rerum omnium conditor & Dominus se in earum obsequium præcingere & ministrare dicatur? Nunquam enim Aman ille ad tam excelsū honoris gradū aspirare ausus fuit, vt ab Assuero Rege hunc sibi honorē exhiberi postulare. Hoc autem orationis genere, fratres, nihil humile aut terrenum cogitare debemus. Nec enim in cælo corporeæ mensæ, aut mensarum recubitus, & earum ministeria sunt. Quid igitur hoc loquendi genere indicare Dominus voluit? Certe summū quendam honoris & dignitatis gradum, multoq. maiorem quam humana mens cōcipere possit. Sicut enim summus honor esset, si Rex aliquis maximus seruo suo ad mensam accumbenti seruiret; ita hac loquendi figura summum quendam & ineffabilem honorem, quo vigilantes seruos Dominus in regno suo ornaturus est, voluit designare; de quo quidem honore alibi dixerat: Si quis mihi ministrauerit, honorificabit eum Pater meus. D. verò Gregorius hoc in loco, transitus huius nomine, duplicem illam beatorum gloriam, de qua ipse alibi dixerat; ingredientur, & egrediatur, & pascua inueniet; significari ait. Ingrediuntur enim electi omnes in vastam illam atq. immensam diuitiarum abyssum; ac deinde ad pulcherrimam sacræ humanitatis speciem cō-

Hester 6.

Simile.

Ioan. 12.

Gregor.

Ioan 14

templandam egrediuntur; & utrobique ineffabilis suauitatis pascua quibus plenissime satiantur, inueniunt. In immensa quippe illa diuinitatis abyſſo non vno aliquo bono, sed bonis omnibus fruuntur, & satiantur, quemadmodum Propheta testatur cum ait: Satiabor cum apparuerit gloria tua. & alibi: Adimplebis me lætitia cum vultu tuo; delectationes in dextera tua vsque in finem, siue (vt alij verterunt) satietas lætitarum est cum vultu tuo. Quo verbo non vnā aliquam lætitiæ rationem, sed omnia lætitarum, delectationum, & gaudiorum genera cõplexus est; quibus fruitur quisquis Dei faciem conuuetur. Cuius rei typum gerebat manna, quod saporem omnium suauitatem continebat. Sed in hoc tamen discrimen erat; quod non simul omnes rerum sapes vscenti referebat, sed modò hũc, modò illum, pro voro videlicet edentis: at cibus hic cælestis omnes sapes atq. suauitates simul exhibet beatis. Qua ex re perfectissima animæ tranquillitas, & desideriorum quies manat. Quo quidem argumento lætitiæ huius magnitudo colligi aliqua ratione potest. Tanto enim vnaquæque voluptas maior est, quanto plures ea sensus oblectat. Vt enim si quis ignes ignibus, & lumina luminibus addat, ignem & lucem efficit pleniorē; ita si quis gaudia gaudiis, delicias deliciis cumulet, lætitiā & iucunditatem efficit vehementiorem. Vnde qui solemne aliquod epulum instituit, omnia quæ voluptate aliqua sensus titillare possunt, diligenter quæſita in conuiuio exhibet; nempe cibos lautissimos, qui palatum alliciant, frondentium arborum amœnitates, quæ oculos pascant, aromata & vnguenta pretiosa, quæ odore suo nares reficiant; cantus & tibicines, qui aures mulcēant; dicaces homines, & parasitos, qui risum moueant; eloquentes & eruditos homines, qui dictis & sententiis intellectum instruant; & amicos etiam, qui conspectu & conuictu suo animum recreent & oblectent. Quibus rebus fit, vt nullus penè sensus, nullaque vis animæ sit, quæ sua voluptate non fruatur. Hac igitur ratione cælestis gloriæ magnitudinem vtenusque coniectare licebit. In qua nullus in corpore sensus, nullaque in anima nostra vis erit, quæ non suam, & quidem summam, non ad horam (vt illa conuiuantium) sed in omni æternitate percipiat voluptatem. Est enim illud vniuersale bonum, quod vniuersas animæ nostræ vires & sensus plenè sariat, implet, & miro modo reficit. Vnde ipse Dominus Moyti ait, Ego ostendam tibi omnem bonum.

Psal. 16.

Psal. 15.

Sap. 16.

Simile.

Simile.

Exod. 23.

Hac igitur gloria beatorum animæ fruuntur, cum illud immensum & impermeabile diuinitatis pelagus ingrediuntur. Alia verò fruuntur, cum ad pulcherrimam sacræ humanitatis Christi speciem contemplandam prodeunt. Quam ex parte discipuli



puli in transfiguratione Domini videntes, tanta lætitiâ cōpleti  
 fuere, vt Petrus Apostolus tria tabernacula, nesciens quid dice- Mat. 12.  
 ret, ibidem fabricari postulauerit. Quemadmodū enim nimius Simile.  
 vini potus sic in homine dominatur, vt omnem illi mētem eri-  
 piat; sic eius lætitiæ magnitudo Petri mentem inebriauerat, vt  
 vix vllus in eo sensus, qui officio suo fungeretur, remaneret, læ-  
 titiæ magnitudine totam animæ eius regionem peruadente. Si  
 igitur illa gloriæ (vt ita dicam) guttula sic discipulorum animos  
 adhuc in carne degētes affecit; quid faciet abundantissimus il-  
 le supernæ voluptatis torrēs, quo fidelis anima ab vbertate do-  
 mus Dei inebriabitur? Hoc vt quāq. dici potest, sed mēte tamen  
 comprehendī non potest. In hac autem sacra humanitate cū  
 multa sint quæ Sanctorū mentes ineffabili iucūditate permul-  
 ceant; tum illud eos mirabiliter afficit, quōd illius meritis sciunt  
 se ad eam gloriæ magnitudinem peruenisse. Tunc enim plenē  
 Dominicæ redemptionis beneficium agnoscunt, cū quid per  
 illud consecuti sunt, experiuntur. O quas tum laudes, quas gra-  
 tiarum actiones pro tanto beneficio agent? quæ amoris oscula  
 sacris illis stigmatibus, per quæ tantam salutem adepi sunt, ore  
 cordis affigent! quo affectu voces illas, grati animi indices ex  
 Apocalypsi Ioannis intonabunt: Dignus est agnus qui occisus Apoc. 5.  
 est, accipere virtutē, & diuinitatem, & sapientiam, & fortitudi-  
 nem, & honorē, & gloriā, & benedictionem. Quamobrē? Paulō  
 antē rationem reddiderant, dicentes: Quoniam occisus es, & Ibidem.  
 redemisti nos Deo in sanguine tuo ex omni tribu, & lingua, &  
 populo, & natione; & fecisti nos Deo nostro regnū, & sacerdo-  
 tes; & regnabimus super terram. Hoc igitur modo, Sanctorum  
 animæ ingrediuntur, & egrediuntur, & vberissima diuinitatis, &  
 sacre humanitatis in excelsis mōtibz Israël pascua inueniunt:  
 quibus tanta plenitudine satiantur, vt nihil amplius quærant,  
 nihil sitiant. Quamuis autem dispar sit gloria singulorum, sua  
 tamen quisque plenē & perfectē beatus est; quemadmodum simile.  
 minora vasa cum liquore aliquo plena sunt, non minūs quā  
 maiora plena sunt.

## III.

Hoc est igitur præmium, fratres, quod vigilātibz seruis Do-  
 minus promittit: hic vltimus humanæ vitæ finis, & perfectissi-  
 mus status, ad quem vota omnia atq. desideria nostra aspirant;  
 quō cū venerint, plenissimē conquietent. Ideoq. non mirum  
 si beati ab ipsa veritate prædicantur, qui ad hanc tantam felici-  
 tatē peruenturi sunt. Beati, inquit, serui illi quos cū venerit Domi-  
 nus, inuenerit vigilantes. Et si venerit in secunda vigilia, & si in tertia  
 vigilia venerit, & ita inuenerit, beati sunt serui illi. D. Gregor. huma- Gregor.  
 nam vitā tribus noctis vigiliis cōparat. Pueritiam enim, primā  
 esse vigiliam ait; iuuentutem, secundam; senectutem, tertiam.

Idem.

Eos verò Dominus pronunciat beatos, qui sic in his omnibus vigiliis parati sunt, vt in quacunque earum Dominus venerit, vigilantes inueniat. Vigilat autem (vt idem Gregor. ait) qui ad aspectum veri luminis mentis oculos apertos tenet. Vigilat, qui seruat operando quod credit. Vigilat, qui à se torporis & negligentia tenebras excurit. Ac postremò vigilat, qui in continua Domini aduentus expectatione est; datq. sedulò operam, ne vllam pulsanti Domino moram faciat, & ne quid intra pectoris sui domum sit, quod oculos intrantis offendant. In quo quidem opere sic intentus est, vt nusquam aliò declinet, & nunquam ita rebus ad huius vitæ vltimū pertinentibus prospiciat, vt hanc à se curam abijciat. Quem quidem animum D. Hieronymus se habere testabatur, cum diceret: Siue comedam, siue bibā, semper auribus meis vox illa insonare videtur: Surgite mortui, venite ad iudicium. Neque enim quotidiana mors minis quàm extremū illud iudicium pertimescenda est; quando quod de vnoquoq. nostrū in morte definitum fuerit, stabile & immotum in extremo illo iudicio erit. Ideoque tanta cura Dominus paratos nos ad hunc primum eius aduentum inueniri vult. Quia verò eius hora incerta est (nec enim satis constat, an prima, an secunda, an tertia vigilia venturus sit) ideò quisquis paratus inueniri vult, in omnibus vigiliis expeditus esse debet; alioqui si in aliqua dormierit, periculum est, ne in illa veniens Dominus dormientem atque imparatum deprehendat, quod periculorum omnium maximum est.

Hieron.

Hoc autem appositissima deinde similitudine Dominus declarat atque cōfirmat: Si enim, ait, sciret pater familias qua hora fur veniret, vigileret utique, & non sineret perfodi domum suam: hoc est, illa quidē hora sollicitē vigileret, cæteris verò citra periculū dormire & requiescere posset. Quia verò de hora aduentus eius incertus est, & periculum timeatur, tota illi nocte vigilandum est, si domum suam ab hoc periculo indemnem seruare velit. Hoc est autem quod in sacræ huius lectionis fine Saluator indicat, cum tandem concludit: Ideo & vos estote parati; quia qua hora non putatis, Filius hominis venturus est: hoc est, quia horam ignoratis, omni hora vigilare debetis. Idcirco autem (vt D. Gregorius hoc in loco ait) horam vltimam voluit nobis esse incognitam, vt eam semper haberemus suspectam; vt dum illa præuidere non possumus, ad illam sine intermissione præparemur. Sic enim mors ipsa, cum venerit, vincetur, si prius quàm veniat, semper timeatur.

Gregor.

Quantum autem nostra intersit perpetuò vigilare, non obscure Saluator ostendit; qui toties nos in Euangelio hortatur, vt attentè vigilemus, & de salute nostra solliciti simus, utque omnem

omnem à nobis inertiam atque segnitiam diligenter excutiamus. Hinc apud Matthæum, Vigilate, inquit, quia nescitis quā hora Dominus vester venturus sit. & apud Lucam; Vigilate itaque omni tempore orantes, ut digni habeamini fugere omnia ista quæ ventura sunt, & stare ante Filiū hominis. & apud Marcum adhuc instantius; Videte, vigilate, & orate. & Quod vobis dico, omnibus dico, vigilate. Causam autē huius toties repetitæ admonitionis subiungit, cum subdit; Quia nescitis quando tēpus erit; hoc est (ut alibi explicat) quia nescitis quā hora Dominus vester vterus sit. *Mat. 24. Lucæ 12. Ibidem. Marc. 24. Ibidem. Mat. 24.*

Quid igitur deinde? Nimirum quia tota salus vestrā in hoc præcipue posita est, ut hora illa vos expeditos atque paratos inueniat. Quod aperte illa decem Virginum parabola indicat; quarū quinque paratæ, quinque verò imparatæ erant, & quæ paratæ erant, intrauerunt cum sponso ad nuptias, & clausa est ianua: quæ verò tum primū parari cœperūt, occlusam ianuam inuenientes, foris perpetuò remāserunt. Magister ergo cælestis, qui ut iudex hominum, ita mediator & amator est huius tanti periculi præsciens, opportunè nos huius vigiliæ admonet, ut qui probè nōrat, salutis nostræ negotium in hac prætempestiua præparatione situm esse.

Quid igitur, an non satis est, cum iudex ad ianuam pulsauerit, tunc primū vigilare ac parari? An nō videmus multos qui improbè vixerūt, cum aliquo morbo grauiter vexantur, magnæ veræ contritionis atque compunctionis signa edere? & magno gehennæ atque diuini numinis metu concuti? & mundi gloriam, atque terrenas opes, ut fragiles & caducas, pro nihilo ducere? & liberaliter eas testamēto aliis legare? Omnia autem hæc non vulgaria veræ poenitentia signa sunt. Videmus hæc planè. Verum hæc omnia in his qui tota vita improbè vixerunt, dubiū est an à sola morbi angustia, an à diuina gratia proficiantur. Afflictio namque vrgentis morbi futurarū poenarum acerbitatē (quæ ipsa mortē sunt aciores) ante oculos ponit. Mortis verò impendentis metus, & anteaetæ vitæ ratio reddenda, timorem diuinæ seueritatis incutit. Terrenas autem opes contemnere relicturum, difficile non est. Morbi autem cruciatus, quem solus ille cælestis Medicus curare, & hominē ab illa graui vexatione liberare potest, ipsum Deo subijciat atque prosternit: qui solus potest in tantis malis remedio occurrere. Omnes igitur hos affectus graues & incurabiles morbi (nisi homo mente captus sit) in Christiano pectore solent excitare. Sed si cælestis gratiæ virtus desit, quæ hos pios affectus conseruet, abeunte morbo, ipsi quoque simul cum morbo abeunt. Sicut enim extincta lucerna, quæ domū illuminabat, lumē etiā cum illa deficiente sublata illa causa quæ hos animi motus excitabat, motus quoque



Prou. 16.  
Heb. 4.

quoque ipsi cum illa euanescent & pereunt. Quam rem quotidie in huiusmodi pœnitentibus cernimus, & quasi manibus cōtrectamus. Recepta enim sanitate, ilico ad assueta redeunt; & quæ vel fieri, vel restitui, atque resarciri præceperant, reuocant. Quocirca sapientissimus ille arbiter, cui omne cor patet, & omnis cogitatio loquitur, qui spirituum ponderator, qui discretore est cogitationum & intentionum cordis; huius extremæ pœnitentiæ periculum agnoscens (in quo non res pecuaria aut pecuniaria, sed æterna vita in discrimen vocatur) nolens nos in re tanti momenti negligenter agere, tories nos ad vigiliam & sollicitudinem, ac animi præparationem inuitat. Hoc igitur agamus, fratres, in hoc vnum totis viribus incubamus, hoc dies noctesque meditemur; hæc sit prima curarum, primum omnium studiorum atque negotiorum; cui cetera omnia seruire debent. Ad hoc enim à summo illo & sapientissimo opifice Deo conditi, ad hoc pretioso eius sanguine redempti, ad hoc tot beneficiis aucti atque seruati, ad hoc denique tam diu patienter & misericorditer expectati sumus; frustra victuri si omnia alia agentes, hoc vnum negligamus; felicissimè autem victuri, si ceteris neglectis, vel postremo loco habitis, hoc vnum diligenter curemus, vnde beatitudo atque felicitas nostra, vnde vera salus, & sempiterna vita pendet; quæ vigilantibus seruis parata est. Ad quam nos clementer perducere dignetur Dominus noster Iesus Christus, qui cum Patre & Spiritu sancto viuunt & regnant in secula seculorum, Amen.

## IN FESTO ALICVIVS SANCTI

CONFESSORIS CONCIO SECUNDA: IN qua, post Euangelicæ lectionis explanationē, octo simplicitatis Christianæ gradus describuntur.

**THEMA.** *Si oculus tuus fuerit simplex, totum corpus tuum lucidum erit.* Lucae I I.



**N** sacra huius diei lectione, fratres, duplicē nobis cælestis Magister lucernæ similitudinē proponit; quarum altera cōmunis ad totius mūdi salutem, altera priuata ad cuiusque nostrū salutē pertinet. Prior illa lucerna Christus Dominus est supra Ecclesię candelabrū posita, quæ illuminat omnem hominē venientem in hunc mundū. Quamuis enim is in hoc præcipuè è  
cælis

cælis ad terras delapsus fuerit, vt peccata nostra in ara crucis expiaret, nosq. passionis suæ merito Patri suo, à quo dissidebamus, reconciliaret; tamen hoc beneficio non contentus, modis omnibus salutem nostram promouendam curauit. Inter ea verò beneficia, doctōris & magistri officiū præcipuè numeratur: de quo Esaias olim vaticinatus est; Erunt, inquit, oculi tui vidētes præceptorem tuum, & aures tuæ audient vocem post tergum momentis: Hæc est via, ambulate in ea, & non declinetis ad dexterā aut ad sinistrā. Sic enim Ioël Propheta. Et filij, inquit, Sion latramini in Dño Deo vestro; quia dedit vobis doctorem iustitiæ. Apostolus item, Multifariam, inquit, multisq. modis olim Deus loquēs Patribus in Prophetis; nouissimè diebus istis locutus est nobis in Filio, vt diuina eius auctoritate freti, nulla nos mundi auctoritas, nulla terrenæ prudentiæ philosophia, nulla dæmonum astutia à veritate semel eius auctoritate concepta dimoueret. Itaque cū aduersus pietatis opera, quæ aliquando molimur, terrena prudentia insurgere atq. inclamare cœperit, nos fortissimum hunc diuinæ auctoritatis murum illi constanter opponamus. Hinc D. August. Vt homines, inquit, fidentius ambulant ad veritatē, ipsa veritas in assumpto homine stabiluit atque fundauit fidem. Hac igitur de causa Saluator noster frequentissimè in litteris sanctis, luminis & splendoris nomine designatur. Hinc Esaias: Populus, inquit, qui ambulabat in tenebris, vidit lucē magnā, habitantibus in regione vmbre mortis lux orta est eis. Idemq. Propter Sion, inquit, nō tacebo, & propter Ierusalem non quiescam, donec egrediatur vt splendor iustus eius, & Saluator eius vt lampas accendatur.

Caterū Iudæi sibi tantū hoc cæleste lumen præluce debere existimabāt; ideoq. cū viderēt Spiritus sancti gratiam Gentilibus opera Petri communicatam, obstupuerūt (vt Lucas ait) ex circumcisione fideles qui venerant cum Petro: quod in Nationes gratia Spiritus sancti effusa esset. Verū tamen Dominus lucernam hanc nequāquam sub modio, hoc est, Iudææ tantū finibus continendam esse prædixit, sed supra Ecclesiæ candelabrum ponendam; vt non Iudæi modò, sed Gentes etiā, quæ Ecclesiæ domum ingressuræ erant, lumen viderent, ne cæcæ in tenebris ambularent. Quod quidem cælestis Pater de filio suo vaticinatus fuerat his verbis: Parū est vt sis mihi seruus ad suscitandas tribus Iacob, & saces Israël cōuertendas. Dedi te in lucem Gentiu, vt sis salus mea vsq. ad extremū terræ. Rectè enim Apollolus: An Iudeorum Deus tantū? vōnne & Gentiu? imò & Gentium. Nec enim clarissima illa toties promissa, tam diu expectata salus Iudææ angulo cōcludenda, sed ad omnes Gentiu oras quā latissimè propagāda erat. Hoc est igitur quod in

Esaiæ 34.

Ioëlis 2.

Hebr. 2.

August.

Esaiæ 9.

Idem 62.

Act. 13.

Esaiæ 49

Rom. 7.

facta huius diei lectione Saluator ait: *Nemo accendit lucernam, & in abscondito ponit, neque sub modio, sed supra candelabrum, ut qui ingrediuntur, lumen videant*: quò videlicet homines intelligant, & à quo conditi, & in quem finem conditi, & quò gressus suos dirigere debeant, hoc lumine collustrati videant.

Quamuis autem hoc lucernæ officium ad Christum Dominum præcipuè spectet; Ecclesia tamen illis etiam accommodat, qui eius spiritu ducti, ipsius in Ecclesia officium exercent; de quorum numero sanctus hic existit N. cuius hodie solennia celebramus; qui supra Ecclesiæ candelabrum à Domino positus, lucis suæ radios circumquaque diffudit; quibus illuminauit eos qui in tenebris & in umbra mortis sedebant.

Occasione verò lucernæ (cui se Dominus comparauerat) de alia priuata & singulari lucerna, quæ in vnoquoque nostrum est, disserere incipit; vnde ait: *Lucerna corporis tui est oculus tuus*: siue (vt alij verterunt) Lucerna corporis est oculus. Sicut enim corporea lucerna degentibus in tenebris lucē præfert, qua videant quid agant, qua via tendant; ita etiam corporeus oculus lucerna quoque est cæterorum eiusdem corporis membrorum. Hac enim luce manus quid agant, & pedes quò gressus dirigant, aperte vident. Hinc fit, vt qui perspicuè vident, cæteris quoque membris lucem præferant, totumque corpus huius lucis communione lucidum ac penè oculatum sit. Cum autem oculi aut lippitudine laborant, aut planè cæcutiunt, cætera quoque membra in tenebris degunt; atque ita totum corpus redditur tenebrosum. Hac igitur similitudine de corporis oculo constituta, ad mentis oculum (quò præcipuè Dominus tendebat; transitum facit. Vt enim oculus lucerna corporis est; ita vitæ operumque nostrorum velut lucerna quadam mens est, fide, doctrina, rerumque gerendarum cognitione illuminata. Quæ quidem cognitio si recta & sincera fuerit, omnibus actionibus nostris lucem præbet, qua, quid sit agendum, quid fugiendum intelligimus; atque ita demum cum huius lucis ductum sequimur, totum vitæ nostræ corpus purum, lucidum, & veluti oculatum efficitur. Si verò mens nostra prauis vulgi opinionibus, aut terrena prudentia, falsaque rerum æstimatione corrupta atque deprauata fuerit, aut etiam si ea cognitione quam habet, ad sui ostentationem, ad lucrum, ad laudem, aut aliquam vitæ commoditatem, non ad vitæ regimen intemperanter abutatur; tunc deprauata atque obscurata mentis lucerna, totum vitæ corpus redditur obscurum & tenebrosum. Extincta enim lucerna, in tenebris homo degit, atque ita passim labitur & corrumpitur, & in multiplices peccatorum foueas cadit. Vt enim ex puro fonte puri riuuli deriuantur, ex turbato autem & cœnulento turbidi & cœnulentissimi; ita cum mentis nostræ

simile.

stræ



stra lumen cunctorum operum, nostrorum veluti fons & initium sit, efficitur planè, vt fontis puritas aut impuritas in riuulos ab eo deductos transeat. Quocirca magno studio curandum est, vt hic fons purus, atque hæc lucerna fulgida sit. Quam rem Dominus diligenter vnumquemque nostrum providere admonet, cum subdit: *Vide ergo ne lumen quod in te est, tenebre sint.* Quo verbo inter alia hoc etiam monemur, vt rectas atque sincerias de rebus opiniones ac sententias habeamus, ne ex illorum numero unus, qui dicunt malum bonum, & bonum malum; qui ponunt lucem tenebras, & tenebras lucem; qui dicunt dulce amarum, & amarum dulce. Ex hac enim peruersa de rebus opinione, innumera mala oriuntur. Hac enim de causa videmus perditos homines terrena cōmoda Deo anteferre, cum propter ea captanda, eius leges & præcepta nefarie contemnunt. Hac itē de causa multi corpus animæ, & corporis commoda animæ commodis atque salutis præferunt; cum tamen immortalis animæ commoda infinitis prope partibus perituri corporis cōmodis anteferenda sint. Hac item de causa iidem studiosissimè quarunt quæ ad hanc vitam (quæ momento temporis effluit) splendide degendam requiruntur; quæ verò ad illam, quæ felicissima, immortalis & sempiterna est, pertinent, perinde atq. ad illam conditi non essent prorsus negligunt. Hac item de causa summo studio & contētionē omnes corporis dolores & cruciatus fugiunt; acerbissima autem gehennæ tormenta, quæ improbis constituta esse fides Catholica profitetur, prorsus negligunt atque contemnunt. Vnde ergo hac tanta voluntatū peruersitas? Certè ab humanæ mentis ignorantia atque deprauatione, quæ præposterè de rebus iudicans; cæcam post se voluntatem in hæc foveas præcipitat. Rectè ergo atq. opportunè cælestis magister: *Vide, inquit, ne lumen quod in te est, tenebre sint.* Quid enim ex his mentis tenebris, nisi tenebrosa vita consequi poterit?

Esaia 6.

Contrà verò si mens ab his tenebris libera, rectas de rebus opiniones habeat, earumq. iudicium in vita sequatur, erit vtique vita principio suo cōsentanea; & ex recto iudicio recta quoque vita consequetur. Quid deinde? subdit Saluator: *Si ergo corpus tuū totum lucidum fuerit, non habens aliquā partem tenebrarū, erit lucidum totū, & sicut lucerna fulgoris illuminabit te.* Viderur hoc in loco idē inferri in seipso; quare alij verterunt sic: *Erit lucidum totū, vt cum lucerna fulgore illuminat te.* Quibus verbis modū infert, quo vitæ atq. actionū nostrarū corpus, lucidū effectum, nos illuminet; eo videlicet modo, quo corporea lucerna gressus atq. opera nostra fulgore suo illuminat. Harum igitur duarū sententiarū hic ordo est: Ex puro mentis oculo pura quoq. vita sequitur; eademq. vitæ puritas mentis oculum, à quo profecta est, magis purgat atque

Hier. 11.  
Simile.

illuminat. Causæ enim (vt Philosophi tradūt) sunt sibi inuicem causæ. Itaq. mater filium, & filia matrem perficit & illum nat. Pura enim vita hominem Spiritus sancti rēplum efficit, in quo ille residens ipsam erudit, dum legis suæ decreta in eius visceribus & corde, iuxta Hieremix vaticinium, describit. Pura quoq. vita velut purum speculum à sordibus terrenarum cupiditatum defæcatum est; quod Solis iustitiæ radiis obiectum, tantò efficitur lucidius, quantò fuerit ab omni peccati fæce purius. Quæ cum ita sint, meritò Dominus fulgore ac puritate vitæ, fulgorem mentis perfici, & augeri, & velut quadam spiritali lucerna nos præire & illuminare in omni vita ait.

Ex hac igitur diuinæ lucis participatione (quā puritate vitæ consequuntur) quanta sit piorum hominum prudentia intelligere licet. Quomodo enim ij affectiones suas regere, & rerum naturæ atq. dignitati accommodare possent, nisi earū prius naturam & dignitatem agnoscerent? Quomodo volūtas nostra flagrantissimo Deum amore supra omnia diliger, nisi tantum de eximia eius bonitate & pulchritudine agnoscat, quantū diligit? Quomodo terrena bona pro nihilo ducet atque cōtemnet, nisi quia eorum vanitatem, Spiritu docente, cognouit? Proferam etiam tibi duos eodē fidei lumine instructos homines, quorum alter mille passim lethifera crimina sine vllō pungētis cōscientiæ aculeo cōmitteret; alter verò prius omnia tormentorū genera subibit, quā vnum aliquod mortiferū crimen admittat. Vnde igitur hoc tantum inter eiusdem fidei & religionis professores discrimen? Certè quia hic puritate vitæ, cælestisq. Spiritus magisterio doctus funestissimā peccati faciem, horribilemq. deformitatem agnoscit. Hoc enim tantum odium ex illo diuini Spiritus magisterio profectum est; quo qui carent, in mille passim lethalia crimina sine vllō doloris sensu miserrimè præcipitātur. Cum ergo recta vitæ institutio in hoc posita sit, vt pij homines experenda amplectantur, & fugienda omni ratione vitent; efficitur sanè, vt illorum quidem dignitatem, horum autem deformitatem prænoscere debeant, cum ad illorum amorem, & hominum odium atq. derestationem excitentur. Quo nomine Ioannes ait, Spiritus vnctionem pios docere de omnibus.

1. Ioan. 2.

Nemo tamen ob hoc sibi ita hanc scientiam arroget, vt non intelligat, pluribus in rebus nos ministrorū Ecclesiæ magisterio atque doctrina indigere, cum multa sint à communi hominum intelligentia remota, ab aliis tradenda. Hoc enim modo etiam Spiritus sanctus erudit nos; cuius est gubernare infima per media; hoc est, maiorum doctrina (qui in Ecclesia velut lucerna supra candelabrum positi sunt) alios instruere atque dirigere. Hactenus de Euangelica lectione; nunc sententiam,   
thema.

thematicis verbis comprehensam, excutere incipiamus.

## I.

*Si oculus tuus fuerit simplex, &c.* Quamuis hoc in loco simplicitatis virtus ad singulare quandā virtutis rationem cōtracta sit: ego tamē in præsenti cōcione de ipsa, quatenus latissimē patet, Domino aspirāte, dicere institui: quam rem non ingratā vobis futurā spero. Video enim virtutem hanc in literis sanctis & sæpe & multū cōmendari. Dñs enim eximiam B. Iob sanctitatem hoc simplicitatis nomine prædicauit. Cū enim Satan dixisset, se terram circuisse & perambulasse; respōdet Dñs: Nunquid considerasti seruum meum Iob, quod nō sit ei similis in terra; homo simplex, & rectus, ac timens Deum, & recedens à malo? Sic enim sanctum illum Patriarcham Iacob hoc nomine cōmēdari legimus; Iacob autem vir simplex habitabat in tabernaculis. Sapiens verò eos qui Dñm quærent, hac virtute instructos esse debere admonet his verbis: Sentite de Dño in bonitate, & in simplicitate cordis quærite illum. Intelligebat enim quā libenter Dñs simplicium mentes inhabitat; de quibus apud Salomonem quoque legimus: Abominatio est Domino omnis illusor, & cum simplicibus sermocinatio eius. Quid verò illud Davidis Regis; Scio, Deus meus, quod corda probes, & simplicitatem diligas? Videtis ergo, fratres, quā multis modis hæc simplicitatis virtus commendetur? Quæ res impulit me, vt paulo diligentius virtutis huius rationem & naturam indagarem, per quam Deum quærere, & inuenire poterimus.

Et quidem vulgus hominum, simplicitatis nomine, ignorantiam intelligit. Eos enim qui parum prospiciunt, simplices appellare solet. Longè tamen aliter hoc nomē in literis sanctis accipitur. Et quidem aliam esse video simplicitatem erga Deum, quā erga homines. De illa paulo pōst, de hac modò disseramus. Quam non video quæ ratione melius vobis patefacere valeam, quā si vitia huic virtuti aduersantia enumerauero. Sunt autem multa quæ simplicitati opponuntur. Simplicitas enim aduersatur primò quidem malitiæ, secundò versutiæ, tertio duplicitati, quartò curiositati, quinto (vt ita dixerim) multiplicitati. De his igitur suo ordine disseramus.

Principio igitur malitia opponitur simplicitati. Quo morbo laborabat Nabal Carmeli; quem literæ sanctæ ferūt tuissē pessimum & malitiosum. Malitiosus autem est, qui sub omni lapide scorpionē dormire putat; qui ea quæ candidè & rectè sunt, sinistra interpretatione damnare, de omnibus malè sentire, ac de se ipso aliorum facta dicta quæ æstimare solet. Cū enim is flagitiosus sit, ceteros quoq. flagitiosam vitam degere arbitrat. Hinc illud Salomonis; In vita stultus ambulans, cū ipse insipiens

Iob 2.

Gen. 25.

Sapient. 2.

Prou. 5.

1. Par. 16.

I.

1. Reg. 25.

Eccle. 10.



insipiens sit, omnes stultos aestimat. Vnde Nerónem imperatorem dixisse ferunt, mortales omnes nō minora quā se peccaturos, si simili potestate atque imperio potirentur. Potestatem enim, non voluntatem, ad facinora perpetranda cunctis hominibus deesse aiebat. Hoc autem modo delinquant, qui homines piē ac religiosē viuentes, & sacra loca, & Sacramenta, ceteraq. pietatis opera frequentantes, hypocrisis & inanis gloriæ accusare solēt; & cū externa opera nequeant, internam tamen intentionem damnant. Quā in re Dei officium & sedem impiē atque nefariē sibi arrogant; qui solus est cogitationum & intētionum scrutator atque discretor. Vnde extat illud Zepherini Papae memorabile decretum: De occultis alieni cordis temerē indicare, peccatum est; & eum cuius non videntur opera nisi bona, iniquum est ex suspitione velle reprehēdere, cū eorum quae occulta sunt, solus Deus arbiter sit. Ab hac igitur nos peste simplicitas liberat, quae solam externam operum faciem videt; quae candidē omnia iudicat; quae columbina simplicitate omnia metitur; quae in meliorem partem omnia accipit; quae cū probare opera apertē mala non possit, aut intentionis rectitudine, aut ignorantia, aut humana infirmitate, aut tentationis violentia (vt D. Bernar. admonet) eadem excusare nititur. Nemo tamen ita hanc simplicitatis virtutem colat, vt non meminerit à Domino Salvatore dictum esse: Estote prudentes sicut serpentes, & simplices sicut columbae. Hae enim prudētia facit, ne simus humiles in sapientia nostra, ne circumferamur omni vērto doctrinae, ne credamus omni spiritui; sed probemus spiritus qui ex Deo sunt; meminerimusque scriptum esse, eos qui citō credunt, leues corde esse. Quae cautio praecipuē tenenda est, vbi cū subdolis hominibus aut haereticis versamur. Hinc Saluator, Attendite, inquit, ab his qui veniunt ad vos in vestimentis ouium; intrinsecus autem sunt lupi rapaces. sic Apostolus, Videte, ait, canes; videte malos operarios, videte concisionem; hoc est, eos qui circuncisionem defendunt, ne persecutionem crucis Christi patiantur. Extat autem in Ecclesiastica historia locupletissimum huius rei exemplum. Cū enim sanctissimus quidam eremita in episcopum consecrandus esset, isque nequaquam à Lucio Ariano, sed à Catholico Antistite consecrari peteret, Luciusque blandis & fallacibus verbis se eandem fidem profiteri testaretur, sanctus Anachorita prudenter atque constanter, Nequaquam, inquit, o Luci, te de verbis tuis, sed de operibus aestimare debeo: qui tot Christi sacerdotes & Episcopos afflixisti, & in exilium misisti, ideoque manus me tuae contingere nullo modo debent.

Simplicitati etiam non solum malitia, sed etiam versutia atque

Zepherinus.

Bernard.

Mat. 10.

Eccle. 19.

Mat. 7.

Philip. 3.

atque astutia opponitur. Versutus autem homo est, qui dolis ac fraudibus circumvenire nititur innocentes; qui tanquam auceps pedicas & laqueos necit, quibus alios fallat; qui nihil recte, nihil simpliciter facit, sed miris omnia cuniculis atq. mæandris persequitur. Quæ in re se veluti Proteum quendam exhibet, varios vultus atque facies ad fallendum subinde commutans. Quod quidem Phariseorum discipuli atque Herodiani fecerunt, qui his verbis Dominum illaqueare conati sunt: Magister, scimus quia verax es, & viam Dei in veritate doces, & non est tibi cura de aliquo. &c. Sciens autem Iesus (vt Marcus ait) Mat. 22. versutiam eorum, ait: Quid me tentatis hypocritæ? &c. Vix autem in Euangelica historia tanta Dominum acrimonia respondisse aduersariis suis legimus. Vnde liquet quàm sit hoc vitium Deo inuisum; nec Deo solum, sed hominibus etiam. Vnde est illud Salomonis: Impatiens operabitur stultitiam, & vir versutus odiosus est. Hi autem inter cætera animatia vulpi præcipuè comparantur; quæ multiplici astu atq. insidiis prædam caprat. Hinc Dñs Herodem hac ratione vulpẽ appellauit: Ire, inquit, & dicite vulpi isti, &c. Nec minus hoc nomen Catilinæ, atrocissimo populi Romani hosti, cõuenit, qui (vt Sallustius ait) cuiuslibet rei simulator ac dissimulator erat; quod versuti atque dolosi hominis propriũ est. In quo etiam ordine & timine iure Davidis filium Absalonem numerare possumus; qui eisdem artibus ac dolis sanctissimo atq. piissimo patri exitiũ inferre nitēbatur. Quibus exemplis apparet, quàm sit hoc scelus detestabile, quod in homines adeo sceleratos & perditos cadit. Quorũ discipuli atque sectatores sunt, qui eodem morbo laborant.

Huic autem terribili vicio, simplicitatis virtus cõtraria est, quæ nihil astu, nihil dolis, nihil fraudibus agit, seu simplici & aperta via graditur: cuius virtutis amulos, apertos, & veritatis atq. recti cultores appellare solemus.

## YI.

Simplicitas etiã duplicitati adueriatur, de qua in Ecclesiastico legimus: Vx duplici corde, & labiis scelestis, & peccatori terram ingredienti duabus viis. Duplices autem corde, bifrontes Latini appellare solent, qui videlicet aliud corde, aliud in fronte gestant. Quod vitium velut species quadam sub astutia (de qua modò diximus) comprehenditur. Inter alios enim versutiæ astus hæc duplicitas numeratur; cum homines fallendi causa aliud corde regunt, aliud ore profitentur. Quos regius Propheta notauit, cum de illis ait: Ore suo benedicebāt, & corde suo maledicebant, & iterum: Vana locuti sunt unusquisque ad proximum suum; labia dolosa in corde & corde locuti sunt; aliud videlicet corde, aliud ore gestantes, de quibus idem alibi, Moliri, inquit, sunt sermones eius super oleum, & ipsi sunt iacula

Mat. 22.

Marc. 12.

Prou. 24.

Mat. 13.

Sallust.

I I I.

Psal. 61.

Psal. 11.

Psal. 56.

cula

cula; siue (vt alius vertit) lanceæ. Huius autem criminis multatiam & grauitatem Hieremias declarat his verbis; Sagitta vulnerans lingua eorum, dolum locuta est. In ore suo pacem cum amico suo loquitur, & occultè ponit ei insidias. Nunquid super his non uisitato, dicit Dominus? aut in gente huiuscemodi non ulciscetur anima mea? Super montes assumam stetit & lamentum, & super speciosa deserti plāctum; quoniam incensa sunt, eo quod non sit vir pertransiens, & non audierunt vocem possidentis. A volucre cæli vsque ad pecora transmigrauerunt & recesserunt, & dabo Hierusalem in acervos arenæ, & cubilia draconum, & ciuitates Iuda dabo in desolationem, eo quod non sit habitator. Hactenus verba Prophetæ; cuius terrores & minæ satis indicant quantum Conditori nostro hoc scelus inuisum sit, qui cum sit natura maximè simplex, vehementer hoc duplicitatis & malitiæ crimen detestatur. A quo malo nos Ecclesiasticus reuocare nititur, cum ait: Ne accipias faciē aduersus faciem tuam: hoc est, ne aliud corde, aliud verbis & frōte præ te feras. Sub hoc etiam crimine adulatōres collocantur, qui blandis verbis venenum incautis propinant, & hac fraude alienas opes sæpe diripiunt. Sic ferunt fabulatores vulpem in coruum incidisse, qui caseum gestabat in ore; cuius vocem subdola vulpes collaudans, ad canendum inuitauit. At coruus amens hac laude delinitus, & canere incipiens, caseum ab ore demisit: quem vulpecula arripens, delusum cantorem relinquens, cum caseo aufugit. Qua fabella sapientes viri adulatorum venena melle lita significare, & incautis prospicere voluerunt. A quo nos malo columbina simplicitas liberat; quæ, vt ipsum quoque nomen sonat, ab hac duplicitate aliena, simplici & recto corde cum hominibus versatur, nihil regens, nihil simulans, nihil subdole occultans, nisi quod serpentis prudentia (quæ tacenda dicendaque discernit) tacendum atque dissimulandum esse diiudicat.

- IIII. Est etiam simplicitas, quæ curiositati aduersatur. Quæ quidē curiositas multiplex ac varia est. Est enim curiositas, qua sapiētiæ studiosi præscriptos sibi à sobrietate fines transcendere nitentes, curiosa magis quam salutaria indagare contendunt. A quo nos malo Apostolus auocare cupit, cum ait: Non plus sapere, quam oportet sapere; sed sapere ad sobrietatem. Et Sapiens, Ecclē. 3. Altiora, inquit, te ne quesieris, & fortiora te ne scrutatus fueris; sed illa cogita quæ tibi præcepit Deus. & in pluribus operibus eius ne fueris curiosus. Plurima enim supra sensum hominis monstrata sunt tibi. Salomon quoque, Mel, inquit, inuenisti, comedē, quod sufficit tibi, ne fortē satiatus euomas illud. Quam sententiam idem alibi declarat his verbis: Sicut qui mel multū comedit,



comedit, non est ei bonum, sic qui scrutator est maiestatis, opprimeretur à gloria. Quibus verbis rerum diuinarum inquisitioni mensuram quandam nobis præfinit, vt tarditatis & ignorantiae nostrae cōscij, intra fines nobis præscriptos nos ipsos cōtineamus, neq. vltra progredi velimus. Quos sanè prætergrediuntur qui curiosè inquirunt, quid diuina mens agebat, antequam mundi fundamenta iaceret; cur alios prædestinauit, alios præsciuit; cur hos ad se trahat, illos non trahat; cur tam diu generis humani redemptionem distulit; aut cur tot infidelium nationes in tenebris agere patiatur, atq. his similia. Hæc igitur sunt humanis mentibus inaccessa, quæ scrutari non licet, sed suppliciter cum Apostolo clamare: O altitudo diuitiarum sapientiæ & scientiæ Dei! quam incomprehensibilia sunt iudicia eius, & inuestigabiles viæ eius! Fortasse autem prima illa parentis nostræ inobedientia huiusmodi curiositatis affectatione non caruit; quæ vt vidit lignum aspectu pulchrum, & ad vescendum suaue, curiositate femina, an id quod serpens pollicitus illi fuerat, verum esset, experiri voluit.

Rom. 11.

Est alia item curiositas, qua homo sui negligens, quæ aliena sunt, sollicitè inquirat. Itaque aliorum dicta, facta, mores, ingenia, simultates, lites, genus, avos atq. atavos sic inquirat, quasi de omnium vita & moribus historiam texere deberet; qui tamen neque se ipsum, neque mores, neque ingenium, neque rectè an secus viuat, indagare curat; atque ita demum intra seipsum velut peregrinus in aliena regione vagatur. Quod curiositatis genus latissimè patet, cum videamus passim homines in aliorum vita perferenda esse diligentissimos, in sua verò perquirenda negligentissimos. Qua in re apparet, quàm sit præposterum hominum ingenium, qui id maximè curant, quod negligendum esset; id verò negligunt, quod esset magnopere curandum. Quod perinde est, ac si quis aliorum vultuibus diligenter medicinam abhiberet, sua verò, quæ lethalia essent, minimè curaret.

Est alia etiam curiositas eorum, qui omnia quæ ad vsum vite requiruntur; nempe domum, stratum, vestem, cibos, pocula magna arte elaborata, in pretio habenda esse contendunt. In quo crimine diues ille epulo erat, qui induebatur purpura & bysso, & epulabatur quotidie splendide, cui apud intercos agenti, & guttam aquæ petenti, Abraham dixit, Fili, recordare quia recepisti bona in vita tua, & Lazarus similiter mala; nunc autem hic consolatur, tu verò cruciâris.

Lucæ 16.

Ibidem.

Huic autem triplici curiositati, triplex item aduersatur simplicitas. Prima est eorum, qui simplici & recta diuinorum mysteriorum fide contenti, quæ supra inquisitionis & sacularis humanæ

humanæ captum posita sunt, deferentes, maiorum, & Ecclesiæ traditionibus contenti, intellectum suum pia credulitate in obsequium fidei captiuant. Alia verò simplicitas est eorum, qui vt se ipsos plenius inspiciant, ab omnibus aliis oculos auertunt. Itaque aliena, quæ ad se minimè pertinent, missa facientes, totum studium suum in vita, moribusque suis indagandis, atque ad normam diuinæ legis componendis, impendunt. Tertia verò simplicitas est eorum, qui simplici victu, cultu & habitu, hoc est, naturæ diuitiis contenti, quidquid humana ambitio, quidquid fastus, superbia, libido, & curiositas hominum excogitauit, tamquam luxuriæ, gulæ auaritiæ & superbiæ irritamenta à naturæ simplicitate abhorrentia, procul à se repellunt. Quam vitæ formam multi hominum, ac præcipuè Stoici, sectati sunt, quibus propositum erat, secundum naturam viuere, necessitatiq̃ue, non voluptati seruire. Longè tamen perfectius philosophia nostra hoc docet; quæ tota in terrenarum rerum contempatione & cælestium amore posita est.

v. Est & alia simplicitas, quæ multiplicitati (vt ita dixerim) contraria est. Quæ quidem virtus ad seos maximè spectat, qui se totos cælestium rerum contemplationi, studioq̃ue sapientiæ ad-dixerunt; qui ab omnibus aliis curis negotiisque seriatim, illud vnum quærunt quod olim Dominus Martha significauit, cum dixit: Martha, Martha, sollicita es, & turbaris erga plurima; porro vnum est necessarium. Quæ quidem de re alibi paulo fusiùs differuimus. Nunc de ea simplicitate, quæ erga Deum seruanda est: paucis agamus.

Lucæ 10.

III.

De hac igitur Saluator in sacra huius diei lectione, *Si oculus,* inquit, *tuns fuerit simplex, totum corpus tuum lucidum erit.* Quo in loco, oculi nomine, non modò fidei atq. doctrinæ lumen (vt initio diximus) sed intètionis quoque puritas meritò designatur. Verè enim bonorum operum meritum & rectitudo ab intentionis puritate & rectitudine maximè pender. Cum enim ad operis bonitatem omnium circumstantiarum rectitudo ita necessaria sit, vt vel vna deficiente, operis quoque rectitudo deficiat; recti tamen finis circumstantia adeò necessaria est, vt ab ipsa opus nostrum & speciem, & nomen & bonitatem sortiatur.

Gregor.

Quocirca sollicitus virtutum amator & cultor totum studium suum erga huius intentionis puritatem conuertere debet. Hinc D. Gregorius: Sicut domus fabrica columnis, columnæ autem basibus inniuntur; ita bona opera nostra virtutibus, virtutes autem mentis intima intentione innixæ subsistunt.

Ad hoc autem illud præcipuè curandum est, vt in omni opere nostro, Dei nobis gloriam & beneplacitum proponamus. Quod etiam in operibus ad vsum vitæ necessariis facere monet

Apo-

CONCIO SECUNDA.

113

Apostolus cum ait: Siue comeditis, siue bibitis, siue quid aliud facitis, omnia in gloriam Dei facite. Quo autē purius hāc eius gloriam & beneplacitum spectauerimus, hoc illi gratius obsequium præstabimus, maiusque nobis meritum comparabimus. Licet quidem & pœnarum metu ad bona opera excitari, quod D. Hieronymus faciebat, qui se gehennæ metu ad horridum illum deserti carcerem damnassee testatur. Licet & cælestis præmij intuitu ad idē induci: quod se regius Propheta facere testabatur, cum diceret: Inclinaui cor meum ad faciendas iustificationes tuas in æternū, propter retributionē, siue (vt D. Hieron. ex Hebr. vertit) propter æternam retributionem. Nemo tamen in hoc tantū sistere debet, nisi hāc ipsa ad Deū referatur. Rectē enim D. Augustin. Minus, inquit, te Dñe amat, qui tecum aliquid amat, quod non propter te amat. Caterū, vt perfecta charitas, auctore Ioanne, pœnarū timorem adimit; ita eadem à mercedis intuitu, oculos auertit, Deumq. puro mentis oculo intuetur: quem citra mercedis spē sola immēsa bonitatis & pulchritudinis eius causa flagrantissima dilectione amplectitur: & quo magis à mercedis intuitu oculos auertit, hoc maiore operis sui mercedem refert. Charitas enim (vt D. Bern. ait) mercenaria non est, & tamen sine mercede non est. Ad hūc autem charitatis gradum nec sanctissimū quidem Iob peruenisse dāmon falsō quidem arbitrabatur: Deo enim illi dicēte, Nunquid considerasti seruum meum Iob, quod non sit ei similis in terra, homo simplex & rectus, & recedens à malo? dāmon respondit: Nunquid Iob frustra timet Deū? nōne tu vallasti eum ac domū eius, vniuersamq. substantiam eius per circuitum? Operibus manū eius benedixisti, & possessio eius creuit in terra. Sed extēde paululū manū tuā, & tūge cūcta quæ possidet, nisi in faciē benedixerit tibi. Hactenus ille. Ex cuius verbis intelligere licet, quanta dignitas in hac intētionis puritate, quam descripsimus, sita sit; quando eam callidissimus ille hostis sanctissimo illi viro tribuere nolebat. Quo magis enitendū nobis est, fratres, vt huc perueniamus, quō viri huius laudatissimi imitatores simus.

Si quis autem difficile atq. arduū putat, vt homo, vtilitatis sue anidissimus, hanc intētionis puritatem & simplicitatem adipiscatur, audiat Ethnicū hominem nos ad hoc ipsum adhortantē; sic enim Seneca: Propositum est nobis secundū rerum naturā viuere, & deorum exemplum sequi. Dij autem quodcumque faciunt, in eo nihil præter ipsam faciēdi rationem sequuntur: nisi fortē existimas, illos fructum operum suorum ex fumo extorū, & thuris odore percipere. Vide quanta quotidie moliantur, quanta distribuunt, quantis terras fructibus impleant, quā oportunis & in omnes oras ferentibus ventis, maria per

1. Cor. 10.

Hieron.  
ad Eusto-  
chium.

Psal. 118.

August.

1 Ioan. 4.

Bernard.

Sen. lib.  
de benef.



moveat: quantis imbris repente deiectis solum molliant, venalque fontium arentes redintegrent, & infuso per occulta nutrimento renouent. Omnia ista sine mercede, sine vlllo ad ipsos perueniente commodò faciunt. Hęc quoq. nostra ratio, si ab exemplari suo non aberrat, seruet: non ad res honestas conducta veniat. Pudeat vnum venale esse beneficium. Gratuitos habemus deos: si deos quidem imitaris, da & ingratas beneficia. Nam & sceleratis Sol oritur, & piratis patent maria. Hactenus Seneca: cuius verba magnum fidelibus incutere pudorem debent, si fidei luce collustrati nondum eò perueniant quò Philosophus hic vel peruenit, vel perueniendum esse monstrauit.

Si quis autem nondum tantos in charitate processus fecit, vt ad hanc intentionis puritatem ac simplicitatem peruenerit; illud tamē curare debet, vt si in precibus ac pietatis operibus quæ molitur, aliquā terrenam commoditatem intueatur, id sinistro (quod aiūt) oculo fiat, dextro tamē oculo Deum aspiciat, eandē illam commoditatem ad eius gloriam & obsequium referens. Sunt autem multi vsque adeò terrenis rebus affixi, vt non rarò & preces & vota faciant, & eleemosynas largiantur, & ieiuniis interdum atque vigiliis corpus affligant, vt terrena bona, quæ sitienter appetunt, à Domino impetrent; non vt illi obsequantur, sed vt votorum suorum compotes fiant. Sic enim multi vt prosperè nauigent; alij vt in lite quam intendunt, superiores euadant; alij vt optatas nuptias assequantur; alij vt ex sterili vxore sobolem suscipiant; nonnulli vt ad maiora in Republ. vel in Ecclesia munera & dignitates promoueantur, & preces, & vota, & eleemosynas faciunt: quæ vbi assecuti fuerint, omnia illa pietatis opera deserunt; vtpote qui his studiis nequaquam Domini gloriam, sed suam ipsorum commoditatem captabant. Apparet autem hos omnes sic pietatis operibus uti, quemadmodum tabulatis atque fornicibus ligneis cémentarij; quibus, opere iam absoluto, amplius non vtuntur. Illos autem hoc in loco indignos arbitror qui commemorari debeant, quorum tantus furor atque cæcitas est, vt eum ad furta, flagitia, adulteria, & vindictam de inimicis iniuste sumendam pergunt, simili modo se precibus & votis Deo commendant, vt quod nefariè concupiscunt, assequantur. Qui duplici nomine accusandi sunt; & quia scelerata opera moluntur; & quia sanctitatis & iustitiæ auctorem Deum scelerum suorum participem atque patrum faciunt.

Simile.

Hos igitur scopulos omnes, quos hactenus Christianæ simplicitati aduersari admonuimus, fratres, diligenter vitare stodeamus, omnemque malitiam, versutiam, dupliciteratem, curiositatem, & immodicam terrenarum rerum cupiditatem à moribus nostris

nostris studiosè repellamus, & columbina simplicitate illius mores imitari studeamus, cuius simplicitatem & innocentiam Spiritus sanctus in columbæ specie super illum veniens designauit. Quam is virtutem in Ecclesia sponsa sua sic adamauit, vt inter egregias eius virtutes hanc præcipuè commendauerit, cum dixit: Ecce tu pulchra es amica mea, ecce tu pulchra es: oculi tui columbarum. Sic enim fiet, vt eius virtutis imitatione Christo Domino similes effecti, & ab eo diligamur, & per similitudinem gratiæ ad eius gloriæ communionem & similitudinem perducere mereamur.

IN FESTO SANCTARVM VIRGINVM,  
CONCIO PRIMA: IN QVA LECTIO EVANGELICA  
explanatur: vbi etiam quid prudentium, quid fatuarum virginum nomine significetur, paulo fusiùs exponitur.

THE. *Simile est regnum celorum decem virginibus, quæ accipientes lampades suas exierunt obuiam sponso & sponse. Quinque autem ex his erant fatuæ, & quinque prudentes. Matth. 25.*



IN hodierna sancti Euangelij lectione insignis quadam parabola decem virginum, quarum quinque fatuæ, quinque prudentes erant, à Domino proponitur. Vt autem qua occasione illam proposuerit, quidque in ea nobis significare voluerit, intelligamus: quid illam antecesserit, paucis indicabo. Egrediente Domino ex augustissimo illo Ierosolymorum templo, discipuli, insignes lapides & structuras illi ostendentes dixerunt: Magister, vide quales lapides & structurae! quibus ipse respondit: Videtis hæc omnia? Amen dico vobis, non relinquetur hic lapis super lapidem, qui non destruat. Sedente autem eo super montem oliueti acceperunt ad eum discipuli secretò, dicentes: Dic nobis, quando hæc erunt? & quod signum aduentus tui, & consummationis sæculi? Dominus ergo discipulis morem gerere, & nos in illis erudiri volens, vtriusque rei quæ ab illo exigebatur, signa, longa oratione simul explicuit. Signa autem Ierosolymitanæ vastationis missa facientes, signa aliqua consummationis sæculi, extremique iudicii (quæ multa & varia, maximeque horribilia sunt) exponens, hæc etiam addidit: Erit tunc tribulatio magna, qualis non fuit ab initio mundi vsque modo, nec

Mat. 24.

fiet. Et nisi breuiati fuissent dies illi, nō salua esset omnis caro, sed propter electos breuiabuntur. Et mox: Statim autē post tribulationē dierum illorū Sol obscurabitur, & Luna nō dabit lumen suū; & stellæ cadent de cælis, & virtutes cælorum cōmouebūtur; & tunc parebit signū Iulij hominis in cælo; & tūc plangent omnes tribus terræ, & videbunt Filium hominis venientē in nubibus cæli cum virtute multa & maiestate. Hac & alia his non dissimilia Saluator cōmemorauit, quibus quā sit dies illa formidanda exposuit. Quocirca humanæ salutis amator Dñs variis similitudinibus nos ad hunc diē (in quo de tota æternitate sententia ferenda est) paratos esse admonet. Ad hoc enim parabolam inducit patris familias supra domus suæ custodiam vigilantis; itemq. fidelis serui domini sui aduentū præstolantis, & improbi etiam serui hanc ipsam curā negligētis. Ad hoc item parabolam adiecit domini peregrē proficiscentis; & talēta seruis suis, quibus negotiarentur, distribuentis. Quæ omnia ad hunc finem destinata sunt, vt perspecta tāti huius periculi magnitudine, nos ad hunc adeo formidabilem diem omni studio & solitudine præparemus: cū salutis nostræ summa in eo posita sit, ne nos hæc dies imparatos deprehēdat. Nec his parabolis contentus, adiecit hanc etiā decem virginum; quæ eandem curam & vigilantiam nobis iterum commendat. Nouerat enim is, qui simul & Pater & Iudex noster est, eius diē magnitudinem & periculum, ideoq. paterna charitate ductus, tot rationibus nobis id cōmendare voluit, vnde tota æternitatis nostræ salus & vita pendeat. Hanc igitur hodie parabolam (quæ magnis mysteriis repleta est) explanaturi, cælestem opem, sacratissimæ Virginis interuentu, suppliciter imploremus.

## A V E M A R I A.

Celebris D. Dionysij sentētia est, diuinæ lucis radios, corporum rerum velaminibus tectos ad nos permanere. Ea enim Dei, rerumq. diuinarum altitudo atque sublimitas est, eaque rursum intellectus nostri in hoc ergastulo carnis immerſi inbecillitas & obscuritas, vt nec Deum, nec diuinas res, nisi corporum rerum velaminibus tectas, percipere valeat. Hæc enim vt magis familiares, ita magis notæ nobis sunt: atque ita nos ad spiritualium rerum cognitionem velut porrecta manu ducunt & attollūt. Hac ergo de causa Saluator cælestis regni mysteria sub rerum corporum similitudinibus, turbis ad se confluentibus proponebat: quod in sacra huius diēi lectione facit. Sic enim ait:

*Simile est regnum cælorū decem virginibus: quæ accipientes lampades suas, exierunt oliuam sponso & sponse. Regni cælorū nomine cælestis Magister non modo regnum ipsum cælorum, in quod omnes*



nes tendimus, sed omnia etiam quæ ad hoc regnum consequendum pertinent, designare solet. Hoc autem in loco cælestis regni nomine id intelligit, quod ad hoc regnū promerendum atque consequendum maximè necessarium est. Quid autem illud sit, in huius parabolæ fine explicat, cum ait: *Vigilate ergo, quia nescitis diem neque horam.* Hæc enim vigiliat̃ia, hæc pia cura & sollicitudo ea omnia suggerit atque ministrat, quæ ad hoc regnum capeſſendum requiruntur. Quam sit verò hæc vigilantia necessaria, proposito decē virginum exemplo commodissimè declarat. Et quidem virginum nomine fideles omnes, siue probos, siue improbos intelligit. Virgines autem appellantur, propter incorruptam fidei sinceritatem, quam Christiani omnes profitentur. Infideles enim & hæretici in literis sanctis adulteri & meretrices appellantur. Ex his autē virginibus, quinque fatuæ, & quinque prudentes esse perhibentur. Quo significatur, inter eiusdem fidei professores, alios probos, alios improbos; alios lucis, alios tenebrarū filios esse; hoc est, alios qui iuxta fidei suæ præscripta, alios qui iuxta carnis & mundi leges vitam instituunt: è quibus illos quidem prudentes, hos verò Dominus fatuos appellat. Harum autem virginum prudentiam atque fatuitatem in eo positam esse docet, quod prudentes quidē virgines acceperunt oleū in vasis suis cum lampadibus; quod, tamē fatuæ facere neglexerunt. Lampadis autem nomine, quæ tenebras discutit, lucemq. hominibus præfert, fides intelligitur, quæ errorum tenebras dispellit, humanisq. mentibus lucem præbet, viamq. ostendit, qua homines rectā in cælum tendere possint. Vnde est illud ex Psal. Lucerna pedibus meis verbum tuum, & lumen semitis meis. & Salomon, Mandatum, inquit, lucerna est; & lex lux, & via vitæ increpatio disciplina. Olei verò nomine, quod his lampadibus infunditur; charitatis & misericordiæ, cæterarumq. virtutum opera designantur: ad quæ nos fides ipsa dogmatibus suis inducit, quæq. fidem ipsam perficiunt, roborant, & illustrant. Hoc est igitur oleum quod prudētes virgines sibi opportunè prouiderunt, ne cum sponsus adueniet, imparatæ inuenirentur. Quam quidem curam fatuæ virgines habere noluerunt, quæ fidei lampade contentæ, fidei opera sibi comparare neglexerunt.

*Moram autem faciente sponſo, dormit. iuerūt omnes virgines. Et dormierunt.* Hoc in loco, dormitionis nominē, mors; dormitationis verò nomine, morbus, qui mortem antecedit, intelligitur. Quamuis enim tota hæc parabola, & quæ illam antecesserunt & consequentur, ad extremum iudicij diem referantur: tamen extremus cuiusque vitæ dies, iudicij dies illi est. Nec enim in extremo iudicio, quæ in hoc fuerit sententia lata, reuocabitur.

*Media autem nocte clamor factus est, Ecce sponsus venit, exite obviam ei.*

Quod ait, media nocte, hoc est, intempesta nocte, significare voluit, hunc diem sæpe inſperatum atque improviſum plerique hominum contingere. Qui enim nimio huius vitæ amore flagrant, omnem mortis memoriam & commentationem ab animo ſuo repellunt. Non enim ad mentē id reuocare volūt quod ſibi acerbum atq. moleſtum futurum intelligunt. Huius autem

2. Theſ. 5.

Eccleſ. 9.

rei gratia Apoſtolus diem Domini ſuri comparat, qui eo tempore irrepere in alienas ardes ſolet, quo domini vel dormiūt, vel nihil tale ſuſpiciantur. Hinc Salomon ait, Neſcit homo finem ſuū, ſed ſicut piſces hamo, & aues laqueo, ita homines capiuntur tempore malo. Frequentiſſimē enim eo tempore mors irripit, quo minūſ ventura cogitabatur. Pueri enim adoleſcentiam, adoleſcentes iuuentutē, iuuenes ſenectutem, ſenes decrepitam etiam ætatem ſibi pollicentur. A qua tamē ſpe depellere homines natura Conditor voluit: ideoq. in omnibus ætatibus morti aditum præbuit. Paſſim enim videre licet & infantes, & pueros, & adoleſcentes, & iuuenes, & ſenes in omnibus hiſ ætatibus è vita decedere, ne quiſquam ætati ſuæ tutō fidere audeat. Ea tamen hominum ſtultitia eſt, vt cum pauci admodum ſint qui ad canos extremamq. ſenectutem perueniant, ipſi tamen tãcita quadam perſuaſione ſe ad illam peruenturos pollicentur: quos tamen longē aliud cogitantes in medio curſu immatura mors abripit. Hinc de improbis in libro Iob ſcriptum eſt, quōd ſubito moriantur: quia videlicet eo tempore moriuntur, quo ij nihil

Iob 27.

Gregor.

minus quàm mortē cogitabant. Hinc D. Gregorius, Neſciunt, inquit, mali mortalia mortaliter cogitare. Vita deficit, & deſiderium creſcit; res habita corrumpitur, & habendi anxietas non finitur. Hos autem meritō D. Auguſt. in Sermon. arguit hiſ verbis: Nōne caſus noſtros nobiſcum in hac carne portamus? Nōne fragiliores ſumus, quàm ſi vitrei eſſemus? Virū enim etſi fragile eſt, tamen ſeruatum diu durat: quod tamen homini non contingit. Denique (vt D. Hieron. ait) quotidie morimur, quotidie commutamur: & tamē immortales nos eſſe credimus.

Hieron.  
in Epist.

Hæc igitur fallax perſuaſio facit vt ſæpiſſimē nos improviſa mors adoriatur. Quam rem ſignificare Dominus voluit, cum media, hoc eſt intempeſta nocte ſponſum aduentare dicit. Sequitur deinde:

*Tunc surrexerūt omnes virginē illæ, & ornaverūt lâpades ſuās: hoc eſt, fideles omnes, ſive probi, ſive improbi, imminente mortis atq. rationis reddēdæ periculo, præparari incipiunt, vt venienti ſponſo decenter occurrant. Tunc lâpades ſuās ornare incipiunt, hoc eſt fidei quam habent, bonorū operum oleum adiungere. Cum enim fides illos extremi huius periculi admonet,*

cum

cum videant se protinus æquissimo iudicio examinandos, cum eadē fides doceat, eos qui bona egerūt, ituros in vitā æternam, qui verò mala, in ignē æternum; hæc firma fides improbos etiā & profligatos homines eo tēpore vehementer vrget, dum quatuor illa nouissima eis ob oculos ponit, hoc est, mortē, iudiciū, gehennam, atq. cælestem gloriā. Quid autem (vt D. Bernard. ait) horribilius morte? quid terribilius iudicio? quid intolerabilius gehenna? quid iucundius gloria? Hæc igitur quatuor sese fluctuanti menti offerūt, quorum nouissimum timet ne amittat; illa verò, ne in ea impcñitēs incurrat. Quæ autem sese miseris eo tempore offerant, qualesq. in eorū animis versentur cogitationes, Eusebius Emis. declarat his verbis: Cogitemus qui luctus erit negligenti animæ ex hoc corpore decedēti; quæ angustia, quæ caligo, quæ tenebræ, cum ex illo aduersariorum numero prima occurrere cœperit cōscientia, diuersis circumiecta criminibus. Ipsa enim remotis omnibus probationibus, ipsa ingerenda est oculis nostris, vt nos & conuincat probatio, & confundat agnitio. Nō vlli licebit vel celare aliquid, vel negare, vbi non de longē & aliunde, sed de intus processurus est accusator & testis. Idemq. paulo antē hæc verba: Ecce, inquit, transierunt illa omnia tanquā vmbra, abierūt oblectamenta, & sola in perpetuū opprobria & crimina remanserunt. Quid ergo erit, cum rebus humanis vale vltimum dicens, mortem ante se habens, & vitam post se relinquens, in illud horrendū pertrahetur profundum? Quia enim ibi nulla erit iam parandi victus aut vestitus sollicitudo, nulla laborandi, militandi, agendīve occupatio, nulla facultatis aut honoris ambitio; solus mentem omnibus aliis curis vacuam intolerandus reddendæ rationis terror implebit: solum atque totum iudicij pondus capitiuis sensibus imminebit. Hactenus Emissenus. Hic autem timor (vt D. Gregorius ait) tanto in morte fit acrior, quāto retributio viciniū formidatur. Inueniet enim homo post pusillum, quod in æternum vitare nō poterit. Hoc igitur metu correpti homines, præteritæ vitæ maculas pœnitentia diluere, & pristinos mores corrigere parant; & à Domino tum commissorum veniā, tum diuturnioris vitæ spatia postulant. Vnde in Vitis Sanctōrum legimus, quendam in agone mortis constitutum, metuq. diuini iudicij perterritum, magna voce clamare cœpisse: Inducias vsque manē, inducias vsque manē.

Deinde etiam ad piorum hominum suffragia se conuertunt, eorum se precibus, meritis & sacrificiis commendātes, vt pro se apud supernum Iudicem intercedāt, & has ab illo inducias postulent. Hoc est enim quod significat illa fatuarū virginum ad prudentes deprecatio: *Date nobis de oleo vestro, quia lampades nostræ*

Ioan. 8.

Bernard.

Eusebius  
Emis.?  
homi ad  
Monach.

Gregor.



*extinguuntur*: hoc est, meritis & precibus vestris inopiæ nostræ consulite, & has nobis à Domino inducias lōgioris vitæ postulate. Hinc legimus monachum quendam iuniorem post admissum crimen acerbè lamentantem, ad quosdā monachos, qui ad magnum illum Antonium proficiscebātur, dixisse: Orate senē vt saltem decem dierum inducias mihi ad pœnitendum impetret. Qui tamē quinto post die vita functus est.

Ceterū ad hæc prudentes virgines: *Ne forte*, inquit, *non sufficiat nobis & vobis, ite potius ad vendētes & emite vobis*. Quæ quidem verba nequaquā singillatim excutienda sunt. Est enim illa Hieron. D. Hieronymi regula ad scripturarum intelligētiā diligenter annotanda: Pendentem, inquit, semper admonéo lectorem, vt non supersticiosus acquiescat interpretationibus, & quæ cōmaticè pro singētiū dicūtur arbitrio: sed cōsideret priora, & media, & sequētia, & nesciat sibi vnīuersa quæ scripta sunt. Hactenus verba Hieronymi. His igitur verbis, quid prudētes virgines fatuis consulant, designatur: nempe vt ad vendentes, id est, ad Ecclesiæ ministros confugiant: quibus dispensandi olei diuinæ gratiæ cura commissā est, quibus cælestis regni clauē traditæ sunt, qui Sacramentorum medicamenta ministrāt, qui cōmissorum veniam verè pœnitentibus tribuunt. Ad hos ergo pergit, & verā pœnitentiæ atq. charitatis (vt ita dixerim) pretio hoc vobis oleum cōparate, *Dum autem irent emere, venit sponsus: & quæ paratæ erant, intrauerunt cum eo ad nuptias: & clausa est ianua*. Clausa ianua, periculum designat extremæ pœnitentiæ. Vt enim diuus Augustinus ait, Hac animaduersione percutitur peccator, vt moriens obliuiscatur sui, qui dum viueret, oblitus est Creatoris sui. Cui quidem sententiæ illa quoque eiusdem Augustini coheret: Cum vult, inquit, improbus homo, non potest, quia quando potuit, noluit: ideo per malum velle, perdidit bonum posse. Hoc ipsum autem confirmat quod protinus subditur: *Novissimè verò veniūt & reliquæ virgines, dicētes, Domine, Domine, aperi nobis*. Quibus tamen responsum est: *Amen dico vobis, nescio vos*. Quæ quidem responsione non obscurè huius pœnitentiæ periculum declaratur. Hinc D. Hieron. illa Hieremīę verba explanans: In tempore afflictionis suę dicent: Surge, & libera nos; sic ait: Impudens postulatio, tempore necessitatis & angustię ab eo quērere auxilium, quem in prosperitate contempseris. Hinc etiam August. D. August. Rogare morientes, nō delicti pœnitentia, sed mortis vrgentis admonitio compellit: nec dignus est in morte accipere solatia, qui se non cogitauit moriturum. Vnde idem: Non facile, inquit, inueniuntur in aduersitate præsidia, quę non fuerunt in pace quesita. Merito ergo Dominus totius huius parabole scopum hac vnā sententia claudit: *Vigilate ergo, quia nescitis diem*  
*neque*

CONCIO PRIMA. 321  
neque horam. Quam etiam in huius concionis fine breuiter ex-  
planabimus.

I.

Diximus, si meministis, fratres, Dominum in hac sacra le-  
ctione prudentium ac fatuarum virginum nomine, probos &  
improbos homines (qui fidem tamen rectam habeant) signifi-  
care voluisse. Quarendum autem modò est, cur his eos nomini-  
bus appellare voluerit. Neque enim summa illa Patris Sapien-  
tia frustra his nominibus vsa est. Hoc est igitur quod in reliqua  
concionis huius parte sollicitè à nobis indagandum est. Cùm  
autem huius parabolæ scopum in fine Dominus proposuerit,  
cùm dixit: *Vigilate ergo, quia nescitis diem neque horam*: ex hac vel  
cura, vel negligentia vigilandi, prudentia & fatuitas ista diiudi-  
canda est. Executiamus igitur quæ sint prudentis, quæ fatui ho-  
minis officia.

Primum igitur prudentis hominis officium est, in finem sibi  
propositum oculos conijcere, & ea quæ ad finem consequendum  
commodissima & aptissima sunt, eligere. Quemadmodum enim simile.  
nauigaturi primum quidem quem debeant portum petere, vi-  
dent, deinde eò nauigationis cursum dirigunt: ita vir prudens  
in quem finem fuerit à Deo conditus, prudenter attrahit; deinde  
cætera omnia prouidet: Constat autem in hunc finem homi-  
nem à Deo cõditum esse, vt suæ illum felicitatis & beatitudinis  
consortem efficeret. Quo fine nihil excogitari potest magnifi-  
centius, nihil sublimius. Non enim alia Dei, alia conditi homi-  
nis, sed eadem felicitas est, quæ in aperta diuinæ pulchritudinis  
contemplatione consistit: quamuis se ille plenissimè compre-  
hendat, nos autem illum apertè quidem videamus, minimè ta-  
men comprehendere possimus. Qua sit autem via ad hanc glo-  
riam perueniendum, Saluator exposuit, cùm pio cuidam adole-  
scenti dixit: Si vis ad vitam ingredi, serua mandata. Hic igitur Mat. 16.  
finis est, fratres, ad quem à summo rerum omnium Dño fiæti &  
informati sumus; vt nobis quidem hæc amplissima celi ac ter-  
ræ palatia, non verò Conditoris nostri mandatis obtemperâtes,  
immortalis vitæ, atque sempiternæ felicitatis compotes effice-  
remur. Non enim ad ludum aut iocum; non ad epulas, & fœdas  
carnis voluptates; non ad fluxas & interituras opes congeren-  
das optimus ille ac sapientissimus opifex pulcherrimam hanc  
mundi fabricâ condidit. Indignissimum enim tanta illa sapien-  
tia & bonitate erat, hanc tantam rerum molitionem ad res adeò  
futiles & inanes condidisse, & continua prouidentia tot seculis  
moderari, nisi aliquid maius atque sublimius animo destinasset.  
Huius autem rei vel ignoratio, vel obliuio, malorum om-  
nium, quæ in mundo geruntur, causa est: cùm homines finis  
k k s sui

sui obliui, per deuios saltus, variolq; anfractus viarum errabundi miserrimè vagentur. Sic enim multi viuunt, quasi ad sola huius mundi bona fruenda nati essent; quasi in hoc seculo non vt peregrini, sed vt ciues vitam agerent; quasi hic non vt in exilio, sed velut in patria & genitili solo degerēt. Hæc igitur malorum omnium quibus mundus scater, causa & origo est. Quam rem sanctus ille Propheta lamentabatur, cum diceret: Sordes eius in pedibus eius, nec recordata est finis sui. Quia igitur hæc obliuio tot malorum causa est, meritò quidam vir sapiens his verbis Domini precabatur:

Hier. 2.

*Largire ergo mihi Rex ô dignissime regum,  
Vt te cognoscam & placeam tibi: deinde sciam me,  
Quid sim, quæ in terris causa productus, & unde  
Huc veni, aut quò tandem vita sanctus abibo,  
Quid mihi dum uiuo sit agendum, sitq; cauendum.*

Hoc ipsum igitur nos assiduis precibus à Domino cõtendere debemus, fratres, vt veram solidamq; prudentiam assequamur, & quid nobis dum viuimus facto opus sit, intelligamus. Hoc est enim fidei lampadi oleum infundere, dum ea opera molimur, quæ nos ad eum finem consequendum adiuuant, quem nobis fidei lampas præscribit.

Est & aliud viri prudentis officium, magnam videlicet tēporum habere rationem, & quid vnumquodq; illorum exigit, studiosè providere. Tres enim prudentiæ partes Philosophi statuunt; memoriã, quæ præteritum tēpus recolit, perspicientiam, quæ præsentem se tempori accommodat; & prouidentiam, quæ futura, priusquam eueniant, vel ex causis antecedentibus, vel ex præteritarum rerum collatione prospicit, & anteuenit. Sic enim prudentes Duces & Imperatores aduersus hostium exercitum dimicaturi, in pace ea sibi præsidia atque arma comparant, quibus in armorum certamine vsuri sunt. Cum ergo inter omnia quæ futuro tempore speramus, nihil morte certius, nihil sit periculosius (quandoquidem extrenus ille dies de tota æternitate sententiam feret) prudenter viri boni tota se vita ad hunc finem præparant, neque vllum negotium huic anteferendum censent. Vnde quemadmodum prudentes nauis tranquillo mari naui arma præparant, ne eos exorta subito tempestas imparatos inueniat: ita vir probus atq; prudens tranquillo vitæ tempore futurum mortis, reddendæque rationis periculum cogitatione præuenit, & quibus se ad illud rationibus parare possit, tota mente prouidet. Sera enim ad pericula in ipsis periculis præparatio est. Ad hoc autem nos cælestis Magister in sacra huius diei lectione hortatur, cum & hac ipsa virginum parabola, & aliis quæ præcedunt atque sequuntur, ad vigilandum exci-

Simile.

Simile.

exci-



excitat. Quid enim aliud vigilare est, quam somnium atq. dormitantiam à mentis nostræ oculis excutere, & semper in prociñctu esse, semperq. in excubiis aduentantis Domini præsentiam expectare? His igitur de causis viri probi atq. innocentes prudentium virginum appellatione à Domino designantur. Virginitate enim incorrupta eorum fides; vt antè diximus; prudentia verò hæc omnia viri prudentis officia significantur.

## II.

Cæterum improbi homines diuersa ratione fatui appellantur; quòd hæc omnia viri prudentis officia prorsus negligunt: vt pote qui non consilio, aut ratione, aut fide, aut diuinis oraculis; sed temeritate, cupiditate, affectibus, & cæco multitudinis iudicio vitam & actiones suas dirigunt. Primum enim, nullà prorsus finis ad quem à Deo cõditi sunt, rationem habent. Quo fit, vt ignorato aut perperâ constituto fine, neque seiplos agnoscant, & itineris per quod tendere deberent, obliuiscantur. Itaque miseri & amentes intra seiplos quasi peregrini in aliena regione errant; alia sciunt, seiplos nesciunt; aliena indagare cupiunt, sua negligunt; aliorum & genus, & parentes, & fortunas, & felicitatem inquirunt, nunquam autem vnde primum orti, vnde in hunc mundum missi, quis eorum parens, quis opifex, quis condiderit, ad quem finem condiderit, ad mentem reuocant. Quò quid est dementius, quid à rationali creatura magis alienum? Huiusmodi namque hominem Prophetica voce Dominus corripit, cum ait; Qui vides multa, nonne custodies? qui apertas *Esaiæ 42.* habes aures, nonne audies?

Venio nunc ad aliam non minus miserandam perditorum hominum fatuitatem atque insaniam: in qua non modò pueris infantibus, sed belluis etiã quàm simillimi sunt; ait enim Cicero: Inter hominem & belluam hoc maximè interest; quòd hæc tantum quantum sensu mouetur, ad id quod adest, quodq. præsens est, se accommodat, paulum admodum sentiens præteritum & futurum. Homo autem, qui rationis est particeps; per quam consequentia cernit, causas rerum videt, earumq. progressus & quasi antecessiones non ignorat, similitudinibus comparat, rebutq. præsentibus adiungit atque annectit futuras; facile totius vitæ cursum videt, ad eamq. degendam præparat res necessarias. Hactenus Cicero. Si igitur hac in re homo à belluis distat, quòd non solum præsentia, sed etiam præterita ac præcipuè futura ex causis antecedentibus prospicit ac prouidet; inter ea autem quæ futuro tempore seruantur, mors omnium certissima maximeq. omnium formidabilis sit: an non belluis similis erit, qui sola præsentia curat, hoc verò certissimum, maximeq. formidandum periculum prorsus negligit atq. contemnit?

Cicero x.  
Offic.

Cum

Cum enim mors nobis omnibus ex æquo impendat, ac penè in foribus cuique & in insidiis posita sit; & in ea decerni diuino iudicio debeat, vtra nobis fors in tota seculorum æternitate cōtingere debeat: hoc est, vt vel in cēlo omnibus deliciis cum Deo & beatis illis mentibus perpetuò fruamur, vel in gehenna cum principe tenebrarum æternis ignibus torquendi simus; tota quæ huius tanti negotij summa in eo posita sit, vt paratos nos hæc hora deprehendat (quemadmodum celestis Magister nos in sacra huius diei lectione docet) cum hæc ita sit; quid, quæso, demerentius, quàm quòd nos sic vitam nostrā instituamus, sic terrenis rebus incumbamus, vt nulla huius tantæ rei cura, nullo metu & sollicitudine tangamur; sed in maxima pace & tranquillitate in vtramque aurem dormiamus, perinde atque omnia quæ hæc de re nobis diuinitus nuntiantur, mera somnia atque fabulæ essent.

Augēt autem stultitiæ & socordiæ huius admirationē, quòd vbi de terreno aliquo lucro, aut hereditate quæ post mortem expectatur, agimus, mors & incertus vitæ exitus sollicitos nos efficit, & crebrò illius memoriā reficimus: cum verò de præparatione ad ea vnde salus & æterna vita pender, differimus, nō magis illius recordamur, quàm si immortales & æterni essemus. Itaque si quod vel Principis vel Ecclesiæ beneficium cum vita simul finiatur; dictu mirum est, quæ cura & sollicitudine mortis memores, damus operā, vt illud ad hæredes nostros post mortem transferatur. Tunc enim anxij sumus, tunc de incerta mortis hora solliciti trepidamus, ne illa intercepti, beneficium cum vita simul amittamus; qui tamen an cum ipsa corporis vita æterna mors nobis subeunda sit, nihil omnino curamus. Nec in his solum rebus, sed in omnibus etiā aliis, in quibus aliqua vtilitatis ratio habetur, incerta mortis conditio cogitatur. *Qua* de re sic D. Chrysost. Sape vir quando vxorem ducere vult, mortis meminit in desponsatione, & scribit in dote. Nondum introducta est, & mors statim describitur: nondum conuixerunt, neque nuptiæ habitæ, & mortem statim definit. Nondum nuptam vidit, & mortis aduersus illam calculos proponit: scribit enim in hunc modum: Si mortuus fuerit vir ante mulierem, si mulier ante virum, hoc & hoc disponatur Sic formata sunt patriæ leges. Vbiq; omnibus naturæ sunt monumenta: & non solum eorum qui sunt & viuunt, mortis feruntur sententiæ, sed & eorum qui nondum nati. *Quid* enim vltra dicit? *Quòd* si natus fuerit filius, & mortuus fuerit, &c. nondum natus, & sententia lata est. hætenus ille. Ex cuius verbis colligere aperte licet, quàm sit lamentanda perditorum hominum fatuitas atque dementia, qui cum tantam incertæ mortis rationem habeant, vbi

Chryl. 3.  
Tom. Ho  
mil. de s.  
de & spi-  
ritu S.

vbi aliqua terrenæ utilitatis iactura aut commoditas intercedit, nullam profus eiusdem memoriam retinent, cum res omnium maxima in discrimen vocatur. Quis igitur hos verè fatuos & amentes non iudicet, qui cum tantam præsentis vitæ curam habeant, tamen neque futuri temporis, neque reddendæ rationis vlla cura tanguntur.

Hoc est igitur, fratres, quod me tanta admiratione afficit, ut frequenter etiam in stuporem adducat. Quis enim nō stupeat, cum videat homines, qui rerum etiam minimarum, quibus fluxæ opes, aut popularis aura periclitantur, tantā curam habeant, rei omnium quæ cogitatione fingi possunt maximæ, nulla cura moveantur. Si in Academia Salmanticensi primaria iuris ciuilis cathedra discipulorum suffragiis alicui candidatorū tribuenda est; vbi scedulis suffragia in vñā cōiiciuntur, tota q̃ Academia, atq̃ adeo tota ciuitas suspensa huius rei exitum præstolatur; quæ solitudine, quo æstu & angore candidatorum pectora agitantur, quæ sibi fors obuentura sit expectantes! Si ergo huius incertæ fortis expectatio adeo mētes hominū sollicitas reddit, (in qua de rebus crastina die perituris agitur) quoniam modo extremæ illius fortis atq̃ sententiæ expectatio, qua vel in cælis omnium deliciarum copia frui debemus, vel in gehenna tam horrendis pœnis torquēdi simus, agitur, mētes nostras nō stupefacit, & cōcitat? Monstri simile esset, si oculorum acies, pūcta minima aperta cernens, ingentē molem ac montem minimè cerneret: at quanto monstrosius est minimarum rerum cura distumpi, maximarum verò, & rerum naturam omnem superantium nulla sollicitudine commoueri!

Simile.

Aristoteles vltimū terribiliū esse mortem asseruit: at longè aliud iudiciū habebit, qui Dñm audit in Evangelio dicentem: Nolite timere eos qui occidunt corpus, & post hoc non habent vltra quid faciant: ostendam vobis quem timeatis: timete eum, qui postquam occiderit corpus, habet potestatem mittere animam in gehennam: ita dico vobis, hūc timete. Quales sint autem gehennæ cruciatus, quot pœnarum genera, quanta eorum acerbitas, etiam Gentiles Philosophi atq̃ Poëtæ aliquo modo præseferunt. Sic enim quendam eorum, post varia eius loci tormenta enumerata, dicentem legimus:

Arist.

Mat. 10.

*Non mihi si linguae centum sint, oraq̃; centum,  
Ferreæ vox, omnes scelerum comprehendere formas,  
Omnia pœnarum percurrere nomina possem.*

Nullus enim sensus, nulla vis animæ ibi est quæ nō peculiari aliquo cruciatu commissorum pœnas luat: Vt hoc autem aliqua saltem imaginē intelligatis, fingite hominem adeo vehementer podagra morbo laborantem, ut nullū sit in toto eius corpo-

re,



re membrum, nullus in manibus pedibusque articulus, nullæ in cruribus, brachiis, humerisque iuncturæ, in quibus nõ acerbissimo dolore crucietur; atq. hoc modo is in lecto decumbat, tot veluti spiculis vndique afficiatus, voces & clamores miserandos in celum tollens. Hac igitur imagine (si præsentia mala futuris assimilari licet) pœnarum illarum acerbitatē poteritis vtrumque animo contemplari. His etiam adiungite atras illas tenebras, & profundam noctem, cui nulla succedit aurora; horrendas dæmonum larvas, edacæ conscientiæ vermem, scorpiones atq. serpentes; de quibus Ecclesiasticus meminit: & ardentes flammarum globos, inter quos velut pisces in mari infelices animæ volutantur; quodque mala omnia superat, salutis desperationē, æternamq. diuinæ pulchritudinis videndæ priuationem, (quæ à Theologis damni pœna nuncupatur) quam adeo atrocem esse sancti Patres definiunt, ut damnatorum animæ, si illis optio daretur, quævis alia gehennæ tormēta, quàm huius priuationis cruciatum perpeti mallēt. Quævis enim ad pœnā sensus illa referantur quæ Propheta dicit, Ignis, sulfur, & spiritus procellarum, pars calicis eorum; hæc tamen posterior pœna omnibus aliis multo est acerbior. Quæ cum ita sint, an non verissimè Saluator ait, non esse timēdos qui corpori vitam adimunt, sed qui animam detrudere potest in gehennam?

Psal. 10.

Sed ad institutum redeamus. Cum ergo statim à morte decernendum sit, an in hunc locum perpetuo deturbandi, an in superis illis beatarum mentium sedibus collocandi simus, quomodo huius tam disparis sortis consideratio non totā post se mentem nostram ebibit ac rapit? Quomodo aliud animo agitare, alia cura magis sollicitari possumus? Cyrillus post D. Hieronymi mortem Augustino scribit (si verè tamen hæc illius Epistola est) duos homines, vita sanctos, ante sancti viri tumulum fuisse ad vitam reuocatos: qui quàm diu in hac vita superstites fuerunt, in continuis lachrymis & gemitibus luctuosissimam vitam agebant: demirarique se vehementer aiebant, qui fieri posset, ut qui in fine vitæ rationem Deo reddituri, & de tota æternitate sententiam audituri essent, ridere aliquando, ac non semper lugere possent. At nos qui hæc scimus, & firma fide credimus, non modò ridemus & otiamur, sed multis etiam sceleribus iudicem nostrum (ante cuius tribunal sistendi sumus) offendimus. An non igitur fatuitas atq. adeo cæcitas hæc omnem superat admirationem?

Cyrl.

Sed quæret aliquis forsan, quibus se solatiis isti miseri consolentur, cum hoc tam ingens rationis reddendæ periculum fides illis vel renitentibus etiam, ante oculos frequēter ponat. Multi quidem fatuarum virginum exemplo ad finem vitæ pœnitentiæ propositum differunt. In quanto autem salutis discrimine isti

ver-

versentur, vix vlla oratione exprimi potest. Certè tota huius Euangelij parabola in hoc præcipuè à Domino destinata est, vt nos huius tanti periculi admoneat. Cum enim doceat, eas virgines quæ paratæ erant, intrasse cum spõso ad nuptias; eas verò quæ tunc primùm parari, & oleum quærere cœperunt, exclusas fuisse; apertè docet, cuius periculi sit ad extremum vitæ tempus pœnitentiæ propositum differre. Ideoq; opportunè nos admonet cum subdit: *Vigilate ergo, quia nescitis diem neque horam.* Hoc est: quoniã tota salutis vestræ ratio in hoc posita est, vt vos adueniens sponsus paratos inueniat (quod prudentium virginum exemplo liquet) consequens est, vt omni tẽpore vigilare debeatis; hoc est, vt omni tempore parati & bonorũ operũ oleo refertis sitis. Si enim quo is tempore venturus esset, intelligeretur, potuissetis quidem opportuno vos tempore ad illum excipiendum præparare: quia verò hoc prorsus ignoratur, totiusq; salutis vestræ summa in hac præparatione posita est; semper vtrique vigilare debetis. Quod qui non faciunt, sed ad extremum tempus pœnitentiæ propositum differunt, quid aliud quàm miserandam satuarum virginum sortem expectare possunt? Pœnitentia enim sera, rarò vera, rarius aut nunquam perfecta, semper autem incerta. Nemini certè, quamdiu in hac vita degit, spes salutis deneganda est (in via enim adhuc, non in termino viæ sumus) sed hanc tamen nouissimam pœnitentiam, in iis præcipuè qui obstinatis animis tota vita in sceleribus perdurant, periculosissimam esse, omnes sancti Patres definiunt. In cuius rei fidem, Adrianus Pontifex in quarto Sentent. vbi eam quæstionem tractat, Sit ne aliqua certa periodus peccatis hominum constituta? horribilem in hac re diui Hieronymi sententiam (si ea tamen diui Hieronymi est) citat, sic enim ait: Vix è centum mille hominum quorum mala fuit vita, in morte diuinam indulgentiam obtinebit vnus. Hanc sententiã insignis ille Doctor & Pontifex allegat: de cuius veritate disputare ad me non spectat: quam fortasse exaggerandi causa prolatam existimo: ea tamen non minimam timoris causam nobis exhibet.

Quæ cum ita sint, fratres, quid aliud superest, nisi vt cælestis magistri consiliũ amplectamur; qui maximam nostrĩ curam gerens (vtpote quos pretioso suo sanguine redemit) opportunè nos his nouissimis verbis admonet: *Vigilate ergo, quia nescitis diem neque horam.* Cuius rei cum multi sint fructus, non possemus ille est, quòd mortem non trepidi & anxij, sed læti atque gaudentes excipiemus; intelligentes, piorum hominum mortem, non tam moriem esse, quàm natalem diem, quàm finem laborum, & coronarum initium. Constat enim piorum

mor.

mortem aditum esse ad immortalitatem, vitæ ostium, scalam cæli, pontem quo ad regnum trāseunt, triumphalem diem, imò & natalem: in quo terræ corpus commissum seminatur in corruptione, surget in incorruptione: seminatur in ignobilitate, surget in gloria: seminatur in infirmitate, surget in virtute: seminatur corpus animale, surget corpus spirituale. Ideoque iusti in morte non morerere, sed respicere & levare capita iubentur. Hanc igitur tantam lætitiā (eo præsertim tempore, quo alij magno metu quatiuntur) quid aliud quā firma futura salutis spes ex diuina miseratione, & bona conscientia proveniens, parere potest? Quemadmodū enim qui ex humili casa palatium

*Simile.*

2. Cor. 3. ingens exstruere volunt, libenter quidem vetera diruunt: quod ea melius instauranda sperant: ita viri iusti libenter patiuntur huius habitationis domum dissolui: quod eam in resurrectione perfectissimè reformandam esse fide credunt, & spe quodammodo attingunt, cum Apostolo dicentes: Scimus enim quod si terrestris domus nostra huius habitationis dissoluatur, quod ædificationem ex Deo habemus, domum non manu factam æternam in cælis. Hæc autem domus, fratres, iis parata est, qui splendide fidei lampadi bonorum operum oleum adiungere student: hoc est, qui pietate, iustitia, patientia, vera cordis humilitate, fraterna charitate, obedientia, corporis & animi castimonia, ac præcipuè misericordiar operibus illam sibi, dum hic viverent, compararunt: quibus in fine Dominus dicturus est:
- Mat. 25. Venite benedicti Patris mei, percipite regnum quod vobis paratum est ab origine mundi.



## IN FESTO SANCTARVM VIRGINVM

CONCIO SECVNDA: IN QVA LECTIO  
Euangelica explanatur.

**T H E M A.** *Simile est regnum calorum homini negotiatori; quarenti bonas margaritas. Inuenta autem vna pretiosa margarita, abiit, & vendidit omnia quæ habuit, & emit eam.* Matth. 13.



**R I S T O T E L E S** initio naturalis philosophiæ (de qua scribere instituebat) primo loco declarat, quo ordine & ratione sibi sit in eo opere philosophandum. Innata est, inquit, via nobis, vt à notioribus ad minùs nota procedamus. Notiora verò ea esse ait, quæ sensu percipiuntur, quàm quæ solo intellectu. Quo fit, vt manifestiora sint nobis quæ videntur, quàm quæ non videntur; & quæ corpore constant, quàm quæ spiritu solum. Illa enim viciniora nobis sunt; hæc verò procul posita, & ideò à cognitione nostra remotiora. Adde his etiam, quòd omnis nostra cognitio sic ortum habet à sensu, vt nihil sit in intellectu, quin id priùs fuerit in sensu. Quo fit, vt sensibilia quidem per se cognoscamus; intelligibilia verò non per se, sed veluti per manus aliorum. Et hæc quidem inter homines & Angelos nō minima differentia est; quòd hi, cum simplicis & spiritualis nature sint, simpliciter & immediatè spiritualia (quæ illis similia & cognata sunt) intelligunt; nos verò non ita, nisi corporearū rerum vtamur ministerio. Hoc animaduertens humanæ salutis amator Dominus (qui de se ipso ait, Ego Dominus Deus tuus docens te vtilia) cum homines erudiendos susciperet, ea potissimum ratione docendos curauit, quæ ipsis esset maximè consentanea. Sic enim diuina Sapientia tanquam prouida & pia mater infantie nostræ se accommodat; non quidem suo, sed nostro nobiscum more agens. Vnde non solum in veteri Testamento, crasso illi ac rudi populo per corporearum rerum species loquebatur; sed in nouo etiam per parabolas ad populum sæpe concionatus est; in quibus per notas nobis rerum corporearum naturas, regni cælestis detegit Sacramenta. In sacra autè huius diei lectione quatuor nobis vtilissimas parabolas proponit: videlicet thesauri absconditi in agro, margaritæ pretiosæ, sagenæ missæ in mare, & diuitis patris familias conuiuium instruunt; de quibus nobis hodie, aspirante diuina gratia, differendum est.

Esaia 48.

Ut autem mysteria quæ in his parabolis recondita sunt, piè & utiliter enodare, & in lucem proferre valeamus, celestem operam sacratissimæ Virginis interuentu, suppliciter imploremus.

AVE MARIA.

*Simile est regnum celorum thesauro abscondito in agro.* Scitis iam, fratres, regni celorum nomine nō modò regnū ipsum, sed omnia etiam quæ ad hoc regnū aliqua ratione spectāt, significari. Hoc autem in loco, in quo regnū celorum thesauro abscondito comparatur, huius thesauri nomine quidam virginitatis virtutē intelligunt, quæ in humano corpore velut in agro quodam abscondita est, ideoque hæc sacra lectio in festo sanctarum Virginum ab Ecclesia recitari solet. Quātus autem hic thesaurus sit, declarat sanè corona illa aureola, quæ virginibus in cælo reposita est; & celestis item vita eorum qui, verè virgines sunt: vtpote quæ ab innumeris curis & solitudinibus libera est, quibus cōiugatorum vitæ est referta. Hoc ipso autem thesauri nomine virtutem hanc D. Bernardus appellauit, qui cū adolescentem noctu ab improba quadam femina impetitus esset, & ipse magna voce clamasset, Latrones, Latrones; & hoc ipsum semel atque iterum contigisset, excitatūque famuli domum collustrātes nihil inuenissent, eumque frustra clamasse dicerēt; sanctus adolescens respondit; Verè latro affuit, qui irreparabilem castitatis thesaurum furari volebat. Eadem quoque virtus simili ratione non modò thesauro, sed etiam pretiosissimæ margaritæ comparatur. Quæ enim margarita pretiosior, quàm pura mens in corpore puro? Pro hac igitur margarita comparanda sanctæ virgines omnia vendiderunt; quæ verè dicere potuerunt; Regnum mundi, & omnem ornatum seculi contempsit propter amorem Domini mei Iesu Christi, quem vidi, quem amavi, in quem credidi, quem dilexi.

Bernard.

Quia verò natura sic cōparatum est, ut quæ sunt valde pretiosa, sint etiam ad seruandum difficilia: idem etiam in hac virtute locum habet. Hæc enim virtus supra humanæ naturæ conditionem hominem attollens, Angelis similē facit, dum eorum puritatem imitatur; nisi quòd mirabilior est hominum quàm Angelorum puritas: quod enim in Angelis facit natura, in hominibus facit gratia; & Angeli quidem sine corpore viuunt; virgines autem in carne triumphant.

Cū sint autem multæ virtutes, quibus hæc virtus sepientia atque munienda est; (est enim caro ieiuniis & vigiliis, & asperitate vitæ maceranda; est oratio, qua diuinū auxilium imploratur, frequentāda; est diligens custodia externis & internis sensibus adhibenda) tamen inter hæc ipsa omnis peccādi occasio, omnia lapsus pericula, omnia seu virorum seu feminarum suspe-

suspecta contubernia summa cura & studio viranda sunt. Huic  
 autem cautioni retinenda (vt cetera pretermittamus) satis no-  
 bis esse debet vel vnus Salomonis exemplum; qui, quoniā hęc  
 pericula neglexit, in tantū nefas prolapsus est, vt idolorum aras  
 & templa alienigenis vxoribus suis crexerit atque dicauerit.  
 Qua ex reliquidō apparet, virum iustum pari propemodū stu-  
 dio peccandi occasiones atq. ipsa eadem peccata vitare debere;  
 quas videmus tantum sapientissimo Regi periculum peperisse.  
 Cauerat autem lata lege Dominus, ne filij Israël alienigenas  
 vxores ducerent; certissimum fore asserens, earum contubernio  
 atque blanditijs, ipsorum animos emolliendos, & ad deorum  
 alienorum cultū euocandos. Hanc autem cautionem Salomon  
 (nimium fortasse sapientiæ & religioni suæ fidēs) neglexit; at-  
 que ita demum in tantum præcipitium miserabiliter corruit.  
 Quocirca rectē Sapiens, Qui inquit, timer Deum, nihil negli-  
 git; quia videlicet imbecillitatis suæ conscius, sibi prorsus diffi-  
 dit, ideoque nulli se periculo exponere audeat. Atq. vtinam idem  
 Salomon consilij sui memor fuisset, cū dixit: Sapiens timer,  
 & declinat à malo; stultus transiit, & cōfidit. Itaque vir sapien-  
 tissimus in modico feminarum amore excæcatus, nō sapientis  
 timorem & prudentiam, sed stulti cōfidentiam sectatus, in tan-  
 tam foueam præcipitatus est. Quisquis igitur hunc adeo for-  
 midabilem casum attentē considerauerit, nō poterit altissimam  
 in eo diuinorum iudiciorum abyssum non admirari, & ne quid  
 sibi simile accidat nō vereri; cum nemo securitatem sibi in hac  
 vita (quæ tota tentatio esse dicitur) polliceri debeat. Idemque  
 cū Dominicam orationem proferet, flagrantiori affectu ex-  
 tremam illam petitionem pronuntiabit: Et ne nos inducas in  
 tentationem; sed libera nos à malo. Quocirca prudēter & cau-  
 tē admodum D. Hieronymus amicum Nepotianum, & nos  
 omnes in illo admonet his verbis: Omnes puellas & virgines  
 Christi aut equaliter ignora, aut equaliter dilige; nec in præteri-  
 ta castitate confidas. Nec enim sanctior Dauide, neq. Salomo-  
 ne potes esse sapientior. Memento semper quod paradisi colo-  
 num de possessione sua eiecit mulier. Eandem nos habere cau-  
 tionem diuus Augustinus his memorabilibus verbis admonet:  
 Grauem inimicum sortita est castitas; cui non solum resisten-  
 dum, sed deinde sibi freno longius fugiendum. Nec eò minus  
 illa fugienda sunt quæ religiosa videntur; quia quanto reli-  
 giosiores, tanto citius alliciunt; & sub prætextu pietatis latet  
 vitæ libidinis. Experto crede, expertus loquor, coram Deo  
 non mentior. Cedros libani, duces gregum sub hac peste ce-  
 cidisse reperis; de quorum casu non magis suspicabar, quàm de  
 Ambrosij vel Hieronymi impudica turpitudine. Hactenus

Exod 34.

Eccli. 7.

Prou. 14.

Hieron.

Aug. de  
conu-  
satione  
clericorū  
& mulie-  
rum,



August. Quisquis igitur his talium virorum exemplis atq. ruinis non commouetur, non metu concutitur, non de casu & ruina sua sollicitus est, aut superbia & presumptionis spiritu vexatur, aut certe de mente deductus est. Hæc paucis de castitatis custodia dicta sunt. Quæ omnia N. sanctissima hæc virgo prudenter attendens, illibatum virginæ castitatis florem perpetuo cōseruauit, & in carne non carnis vitam agens, cum Angelis hodie (quorum amauit puritatem) in cælis coronata triumphat.

Cæterum plerique huius Euangelicæ lectionis interpretes, thesauri absconditi, & pretiosa margarita nomine, perfectam charitatem, & clarissimū sapientiæ donū (ad quod cætera Spiritus sancti dona ordinantur) commodissimè intelligunt. Quisquis enim hoc cæleste donum percepit, facillè omnia quæcūq. in mundo magna & pretiosa habentur, vt eo plenius fiat, distrahit, & præ illius amore contemnit.

Ne quis verò erret, sciat tenui admodum limite à se charitatem, & hoc sapientiæ donum distare: vnde neq. charitas sine sapientia, neq. sapientia sine charitate esse potest. Verū sapientia actionem nominat intellectus, in quo ipsa velut in subiecto est, quum charitas perficit & informat: charitas verò voluntatis opus est, in qua ipsa sibi sedem constituit: quæ tamen charitas sine Dei cognitione atque sapientia non est.

Verū hoc in loco grauis insurgit quæstio, eademq. dignissima quæ à nobis hodie tractetur. Apparet enim has Domini parabolas, quarum altera de abscondito thesauro: altera de pretiosa margarita est, nomine tenus differre. Vterque enim homo, siue is qui thesaurum, siue qui margaritam inuenit, simili cupiditate inductus, omnia sua distraxit, vt thesaurum illum, vel margaritam sibi compararet. Nullum igitur in his discrimen esse videtur, nisi quod in priori parabola thesauri, in posteriori, margaritæ nomen ponitur. Sed magnum in vtraque similitudine discrimen est, magnumq. diuinæ bonitatis argumentum, & magnum item infirmitatis & spei nostræ solatium. Et quidem thesauri, & margaritæ nomine, eandem charitatis perfectionem, idemq. sapientiæ donum intelligo; sed discrimen tamen vtriusque parabolæ inter illa duo inueniendi & quærendi, esse puto. In priori enim parabola, is qui dum agrum foderet, thesaurum inuenit, nihil tum de thesauro inueniendo cogitabat, sed casu illum inuenit; at mercator, qui in posteriori parabola margaritam inuenit, non vtrique casu illam, sed magna diligentia quæsitam inuenit. Qua quidem distinctione duas Dominus parandæ diuinæ gratiæ vias explicare voluit. Alij enim gratiam, quam non quæruunt, gratuita Domini misericordia inueniunt: alij verò magna cura & studio quæsitam, eodem

Domino

Domino aspirante inueniunt. Itaque alij gratiam quærun-  
 t: alios verò ipsa quodammodo gratia præuenit & quærit: vel (vt  
 rectius dicam) alios quærit ipse Dominus, alij Dominum quæ-  
 runt: illi quidem feliciores, isti diligentiores; vtrique tamen Do-  
 mino debitores. In illis quidem commendatur gratia, in istis  
 studium ac diligentia; sed in vtriusque diuina misericordia. Duæ  
 nobis peccatrices feminae commodissimum huius differentia  
 exemplum præbēt, Samaritana & Chanaanæ. Samaritana enim  
 cum ad puteum venit vt hauriret aquam, nihil minus quàm de  
 inuenta gratia cogitabat. Hæc igitur Dñm non quærebat, sed à  
 Domino quæsita est, & gratia eius beneficio præuēta. At Cha-  
 naanæ quoad ardore & contentione misericordiam Domini pe-  
 tebat: quæ toties ab eo repulsâ, nunquam à flagitando destitit,  
 donec ab ipso audire meruit. O mulier, magna est fides tua: fiat  
 tibi sicut vis. In illa igitur euentius elucet gratia; in hac verò  
 studium ac diligentia; sed in vtraque tamen magnâ Domini mise-  
 ricordia. Magna enim misericordia fuit, non quærentē quære-  
 re, & magna item, mulieris mentem ad studiosè quærendum  
 excitare. Si enim fides (vt Apostolus ait) Dei donum est, magna  
 ergo fides erit vtiq. magnum donum Dei. Idem ergo Dominus  
 qui se obtulit Chanaanæ quæsitus, eandem quoque magna illa  
 fide concessa impulit ad quærendū. Si alia prioris gratia exem-  
 pla quæris, Paulum cogita cum in paradisu raptus est; & Mar-  
 theum, Publicanum, & Petrum atq. Andream mittentes rete  
 in mare; & Iacobum atque Ioannem retia sua rescientes, cum  
 à Domino ad Apostolatus dignitatem vocati sunt. Isti igitur,  
 alijq. similes, quibus Dominus ait: Non vos me elegistis, sed  
 ego elegi vos; aliud planè agebant, cum thesaurum, quem non  
 quærebant, inuenerunt.

Mat. 15.

Philip. 2.

Ioan. 15.

Dixi autem paulo antè, magnum hoc esse infirmitatis & spei  
 nostræ firmamentum atq. solatium. Cum enim salus & felici-  
 tas nostra ex eius præcipuè voluntate pendeat qui ait: Misere-  
 bor cui voluero, & clemens ero in quem mihi placuerit. & Non  
 est volentis, nec currentis, sed miserētis Dei: angī, atq. animum  
 deponere infirmus homo potuisset, ac dicere: Quis scit an ego  
 ex eorum numero sim, quibus hæc felicissima sois contingere  
 debeat; quos videlicet gratuita beneficentia sua Dominus præ-  
 uenire velit? Ne igitur hac cogitatione homo frangatur, sciat  
 duplicem nobis aditum ad diuinam gratiam consequendam  
 patere; in quorum altero gratia, in altero verò gratia simul cum  
 humana commendatur industria. Quod si tu ex eorum nume-  
 ro non sis, quos sine labore gratia quærit non quærentes; alte-  
 ra tibi salutis via patet, vt videlicet studiosè quæras, & inuenias.  
 Quod si hoc diligenter effeceris, magnam ex hoc coniectu-  
 ram

Exod. 10.

ram habes, quod aliqua iam ex parte inueneris. Neque enim studiosè quæreres, nisi iam rei quam quæris odorem aliquem percepisses, & nisi te idem ipse quem quæris, ad quærendum incitasset.

Hac igitur duplici ratione Dominus inestimabiles gratiæ suæ opes mortalibus distribuit, quâdo alios gratuita beneficentia præuenit, seq. illis gratuito offert; alios ipse excitat ad quærendum, seq. illis duplici beneficio offert quæsitus. Hanc porro Dei nostri magnificentiam commendant duæ eius insignes laudes atque virtutes; misericordia scilicet & veritas; quæ toties in hymnis Dauidicis reperuntur; quas idem Vates ait faciem Domini præcedere: Misericordia, inquit, & veritas præcedent faciem tuam. Quo loquendi genere significare voluit has duas virtutes esse quasi vexilliferos & antesignanos, qui sæpterni Regis faciem præcedunt, qui illum vbique comitatur, neque ab eo vnquam diuelluntur. Vnde alibi idem Vates sanctus, Vniuersa, inquit, viæ Domini misericordia & veritas. Et quidem veritate Dominus implet fideliter promissa; misericordia autem præbet benignè gratuita. Veritate soluit debita; misericordia donat etiã non debita. Veritatis suæ iustitia nemini facit iniuriã; misericordia autem multis non debita impendit gratiam. Veritate exequitur iustitiam; misericordia donat gratiam. Veritas ad æquissimum Iudicem; misericordia ad benignissimum Patrem magis spectat. Nihil est igitur quod amplius in Deo nostro desiderare infirmitas atq. inopia nostra debeat, quando is hæc duo nobis ostia ad gratiæ suæ opes comparandas aperuit. Si iustus es, habes iustissimum operum tuorum præmiatorem: porro si peccator, si pauper & inops es, habes misericordiarum parentem, ad cuius opem confugere possis, si tamen ex ea non peccandi ansam, sed impetrandi fiduciam sumas.

## I.

Sed iam quid vterque fecerit, siue is qui thesaurum inuenit, siue qui margaritam; studiosius inquiremus. Vterq. igitur vendidit omnia sua, vt margaritam & agrum illum cõpararet. Hic enim præ gaudio illius abiit, & vendidit omnia quæ habuit, & emit agrum illum; feliciorem se thesauro illo, quàm omnium rerum suarum possessione futurum ratus. Vt autem huius thesauri dignitatem & opulentiam intelligatis, paulo alius huius dignitatis causã à nobis repetendã sunt.

Est igitur sciendum, quod quemadmodum fides, quæ diuinarum rerum cognitionem tradit, bonorum omnium initium & fundamentum est; ita contrã diuinarum rerum ignorantia, malorum omnium radix est. Inter omnes autẽ huiusmodi ignorantias periculosissima ea est; quæ diuinarum rerum amplexu-

dinem,



dinem, dignitatem, suauitatem, & pretium ignorat. Cum enim  
 omnia quæ Dei sunt, diuinitatis eius naturam suo quæq. modo  
 referant, diuina autem amplitudo & opulencia, immensa & in-  
 finita sit; consequens est, vt quæ diuina sunt, immensam quan-  
 dam dignitatem & amplitudinē præ se ferāt. Hinc Esaias, Ocu- Esaiæ 64.  
 lus, inquit non videt Deus absque te, quæ præparasti expectan-  
 tibus te. Quæ verba nō ad bona gloriæ modō, sed ad dona etiā Galat. 5.  
 gratiæ referenda esse Apostolus docuit. Per dona autem gratiæ,  
 omnia Spiritus sancti charismata, & fructus Spiritus quos idem  
 Apostolus enumerat, ac præcipuē charitatem, sapientiam, gau-  
 dium in Spiritu sancto, & pacem illam quæ exuperat omnem  
 sensum, intelligimus. Quæ dona talia ac tanta sunt, vt quisquis  
 ea plenius degustauerit, faciliē omnia quæ in mundo magnifi-  
 centissima existimantur, præ illarum amore contemnat. Quam  
 rem apertē Sponsa de charitatis excellētia testatur, cum ait: Si Cant. 2.  
 dederit homo omnem substantiam domus suæ pro dilectione,  
 quasi nihil despiciet eam. De sapientiæ verō dono Salomon ait:  
 Melior est sapiētia cunctis pretiosissimis, & omnia quæ deside- Prou. 8.  
 rantur, ei non valent comparari. Charitas verō & sapientiæ do-  
 num, gaudiū Spiritus pariunt. Sapientia enim sapore quendam  
 & spirituales suauitatem secum affert: vnde & sapientiæ do-  
 num deductū est. Hoc etiam gaudium omnibus mūdi gaudiis,  
 cæterisq. bonis eius esse antefereūdum D. Bernard. apertē docet, Bernard.  
 cum ait: Gustata spirituali suauitate, desipit omnis caro. Cuius  
 quanta sit vis, quantaq. suauitas, nemo, nisi qui fuerit expertus,  
 cogitatione attingere poterit. Quisquis igitur hāc diuini Spi-  
 ritus suauitatē & gaudiū (quod à charitate & sapiētiæ dono profi-  
 ciscitur) degustauerit: faciliē omnia mundi gaudia, & cætera quæ  
 in mundo pretiosa & magnifica habentur præ huius margaritæ  
 splendore atq. dignitate contēnet, ac pro nihilo ducet. Vt enim Simile.  
 clerici tenues Ecclesiæ prouētus faciliē relinquūt, cum pinguio-  
 res atque vberiores pro illis recipiunt, ita qui hāc cælestia dona  
 percipiunt, protinus terrena omnia (quæ sunt his lōgē inferio-  
 ra) præ illorum amore parui pendunt. Quamuis autem quanta  
 sit dulcedinis atq. suauitatis huius vis & magnitudo nemo, nisi  
 qui eam plenius degustauerit (vt modō diximus) assequi possit:  
 ratio tamen & fides omnes alias mundi voluptates & gaudia  
 ab hac longē superari apertē demonstrant.

Primum enim satis liquet, hominem corpore & animo con- Prima ratio.  
 stare: quæ duæ partes tam lōgo à se intervallo distant, vt altera  
 nobis cum belluis, altera cum Angelis communis sit. Cum au-  
 tem sapientissimus ille mūdi Conditor sic naturas rerum insti-  
 tuerit, vt vbi maior esset dignitas atque præstantia, maior esset  
 in operibus suauitas atq. iucunditas; cōsequens est, vt quantum

Aristot.

mens nostra corpori praeſtat, tantum ſint eius deliciæ omnibus corporis deliciis non ſolum puriores atque diuturniores, ſed multo etiã maiores. Quam rem Ariſtoteles quoque aperte docet, qui in altiffimarum rerum vel exigua & obſcura cognitione maximam ſuauiſſimam in eſſe teſtatur. Quòd ſi in hac naturali cognitione tantum eſſe delectationis Philoſophi crediderunt; quid erit ſi huic cogitationi charitatem & ſapientiæ donum adiungamus, quæ mentem noſtram arctiſſimo dilectionis vinculo, Deo, hoc eſt, ſummo & infinito bono coniungunt? Quo enim gratia nobilior atque præſtantior eſt quàm natura, hoc utique delectationes, quæ ab hac cæleſti forma proficiſcuntur, omnibus aliis mundi oblectamentis nobiliores atque maiores ſunt. Quocirca nihil mirum, ſi qui has delicias plenius deguſtaverunt, omnes alias mundi delicias tanquam res ludicras & inanes reſpuant atque faſtidiant.

Secunda  
ratio.

Adijciam his aliam quoque rationem, ad cuius intelligentiam ſciendum eſt, ſic naturæ Conditor ſpecies rerum ordinaviſſe, ut nunquam inferior ſpecies, quamlibet perfectæ eſſet, ſuperioris perfectionem attingere poſſet. Videmus enim ſub animali genere & hominem & varias animantium ſpecies contineri; inter quas elephantiũ accipiunt propius ad rationalem hominis naturam accedere: qui tamẽ quantumcumque in hac parte excellat, nunquam ad hominis acumen & intelligentiam ullo modo pertingere poterit. Cum ergo gaudium ſpiritus, & gaudiũ carnis plus quàm genere inter ſe differant, (aliud enim cæleſte, aliud terreſtre; aliud à ſpiritu ſancto, aliud verò à carne proficiſcitur) conſequens eſt, ut nullo modo hæc infima carnis gaudia cum altiffimis illis divini ſpiritus gaudiis ullo modo comparanda ſint.

Tertia  
ratio.  
Cõſione  
I. de Eu  
chariſt.

Adiungam his aliam quoque rationem, quæ ſpiritalis huius gaudiij ſuauiſſimam maximè declarat. Ad hoc autem cõmodius intelligendum, meminiffe oportet (quod eſt à nobis alio in loco dictum) nempe omnia quæ vitam habent, cibum quoque habere naturæ ſuæ cõſentaneum, quo vitam alant. Cum autem omnia quæ viuunt, aut corporea aut ſpiritalia ſint; corporearum quidem rerum corporeus cibus; ſpiritalium verò, ſpiritalis eſt. Hinc Raphaël Angelus ad Tobiam: Cum eſſem, inquit, vobiſcum, per voluntatem Dei eram. Videbar quidem vobiſcum manducare, & bibere; ſed ego cibo inuiſibili, & potu qui ab hominibus videri non poteſt, utor. Hunc autem cibum eſſe rerum omnium Conditorẽ Deum, apertiſſimũ eſt. Hic eſt enim Angelorum panis, hic cibus & potus, quo beatæ illæ mentes in illa æterna patria reſcuntur, paſcuntur, oblectantur, & inebriantur; cuius hauſtu & potu feliciffima illa & beatiffima vita, quæ vivit, ſuſtentatur, & alitur. Ut enim animantium vita corporeo cibo, ita

Tob. 12.

ita felicissima illarum mētium vita spiritali atque diuino illo cibo sustēatur. Cæterum cum homo, qua parte spiritus & mētis cōpos est, supernarum mentium naturā referat; consequens est, vt eodē quoq. ipse spiritali ac diuino cibo alatur. Quo sanē aluntur, qui purgatum animæ palatum habent. Hinc D. August. August. Deum appellat purgatæ mentis sapientiam. Talis enim mens ineffabili suauitate atq. sapore reficitur, cum immensam diuinæ bonitatis & pulchritudinis speciem contemplatur. Cæterum cum proprium ciborum omniū sit, nō solum vitam alere, sed etiam edentis palatum allicere atque oblectare; & quō cibis pretiosior atq. delicatior est, eo dulcius palatum alliciat atq. oblectet; quid, quæso, de cælesti illo cibo, hoc est, de illo pane Angelorum iudicandum est? Quid, quæso, aliud, nisi vt cuius est infinita & immensa dignitas, sit etiam infinita & immēsa suauitas? Cuius vel minima (vt ita dixerim) mica tantæ dulcedinis & suauitatis est, vt omnia mundi regna atq. imperia, ac postremo omnia quæ sub cælo condita sunt, illi comparata, mera amaritudo esse videantur. Quid enim illis sapiat, quid dulce sit, cui sapit ipse Deus? Quis enim sapor huic saporī cōparari possit? Huic D. August. Illud, inquit, est verum gaudium, quod non August. de creatura, sed de Creatore concipitur; cui comparata omnis suauitas, inæror est; omnis lætitia, tristitia est; omnis copia, egestas est. Ideoq. nihil mirum, si quicumq. hanc pretiosam margaritam inuenerunt, omnia sua distrahant; hoc est, omnia terrena bona contemnant, quo ea plenius frui mereantur. Hinc diuus Gregor. in hom. Gregorius, Qui, inquit, cælestis vitæ dulcedinem, in quantum possibilitas admittit, perfectē cognouerit, ea quæ in terris amauerat, libenter cuncta derelinquit. In comparatione eius vilescunt omnia, deserit habita, congregata dispergit, inardescit in cælestibus animus, nihil in terrenis libet; de forme conspicitur quidquid de terrenæ rei placebat specie; quia sola pretiosa huius margaritæ claritas fulget in mente. Hactenus Gregorius.

## II.

Hęc igitur diuinæ suauitatis dulcedo, quam à charitate & sapientiæ dono proficisci diximus, velut instrumentum quoddam est, quo Spiritus ille cælestis hæc admiranda virtutum officia operatur. Quo fit, vt quemadmodum ij qui in auibz cæli simile. ludunt, exigua illis diciturq. esca ostensa, eas & ad sidera penē mittunt, & ad manus iterum reuolare, eorumq. vocibus parere faciunt; ita sanctus ille Paracletus hac suauissima diuinæ cōsolationis esca sic piorum mentes afficit & oblectat, vt nihil illis durum, nihil asperum, nihil difficile appareat, dummodo hoc suauissimo pabulo reficiantur; pro cuius amore omnia mundi gaudia, omniaq. terrena bona facili contemunt. Vt enim qui



Simile.

ab infima fortuna ad regię dignitatis solum euecti fuere (quod Davidi regi obtrigit) contemnunt illa omnia quę in ea fortuna pretiosa & chara ipsis erant (maiorum enim comparatione illa omnia ipsis viluerunt) ita qui ad has caelestes opes fruendas beneficio Domini perducti sunt, facillē prę illarum amore omnia quę in mūdo pretiosa & magnifica putātur, velut stercora reijciunt atq. contemnunt. Ad hunc etiam modum, qui ad virilem ætatem peruenerunt, rident ludicra illa, quę pueruli magni faciebant, & pro quibus etiam cū coætaneis digladiabantur; ita qui ad hanc maturam spiritus ætatem peruenerunt, facillē contemnunt omnia quę olim pueri non annis, sed sensu magnificiebant. Tales enim illud Apostoli dicere possunt: Cū essem paruulus, loquebar vt paruulus, sapiebam vt paruulus; quando autem factus sum vir, euacuaui quę erant paruuli.

2. Cor. 13

Hoc autem studium non vnius aut alterius sancti, sed innumerabilium, ac præcipuē Anachoritarum exemplo confirmare possumus: quorum multi non solum ingētia patrimonialia, & spes maiores maiori animo contempserunt, sed etiam solitudinem, & crucis Christi mortificationem, atque asperrimum vitę genus amplexati sunt, vbi hanc margaritam inuenerunt; hoc est, vbi charitatis, & sapientię, diuinęq. dulcedinis suauitatem degustarunt. Ex quibus vnum dumtaxat Bonosum (qui sanctiorū Anachoritarum institutum & vitam refert) pro illis omnibus in medium proferam: de quo sic D. Hieron. (qui cum eo bonam ætatis partem egit) in epist. ad Rufinum scribit: Bonosus tuus, imō meus, & (vt verius dicam) noster, scalam præfagatā Iacob somniāte iam scandit, portat crucem suam, nec de crastino cogitat, nec post tergum respicit. Seminat in lachrymis, vt in gaudio metat; & sacramēto Moyse serpentem in eremo suspendit. Cedant huic veritati tam Græco quā Romano stylo mendacis ficta miracula. Ecce puer honestis sæculi nobiscum artibus institutus; cui opes affatim, dignitas apprimē inter equales erat, contempta matre, sororibus, & charissimo sibi germano, insulam pelago circumsonante naufragam, cui asperę cautes, & nuda saxa, & solitudo terrori est, quasi quidam nouus paradisi colonus insedit. Nullus ibi agricolarum, nullus monachorum, ne paruulus quidem, quem nosti, Onesimus, quo velut fratre fruebatur, in tanta vastitate adheret lateri comes. Solus ibi imō iam Christo comitante non solus: videt gloriā Dei, quā etiam Apostoli nisi in deserto non viderant. Non quidem conspicit turritas vrbes, sed in noua ciuitatis censu dedit nomen suum. Horrent sacco membra deformi, sed sic melius obuiam Christo rapietur in nubibus. Nulla Euriporū amœnitate perfruitur, sed de latere Domini aquā vitę bibit. Proponatur tibi ante oculos amice

Hiera. ad  
Ruffin.

amice dulcissime, & in presentia rei totus animo ac mente conuertere. Tunc poteris laudare victoriā, cum laborē preliantis agnoueris. Totam circa insulā fremit insanū mare, & sinuosis montium illisum scopulis equor reclamat. Nullo terra gramine viret, nullis vernans campus densatur umbraculis. Abruptæ rupes, quasi quendam horrore carcerem claudunt. Ille securus, intrepidus, & totus de Apostolo armatus, nunc Deum audit dum diuina relegit; nunc cum Deo loquitur cum Dominum rogat. Hactenus Hieronymus.

Sed hæc fortasse minus miranda: illa verò maiorem mētibus admirationem incutiunt, quod non solum inferioris fortunæ homines, sed Principes etiā viri, sed Reges ac Regina, ubi gustauerunt bonum Dei verbum, virtutesq. seculi venturi, regna ipsa & principatus proptissimo animo relinquētes, Christi crucē flagratissimo studio amplexati sunt. Hinc Theodosij iunioris, Principum omnium fortunatissimi atq. sanctissimi, sorores, Pulcheria, Arcadia, Archemarina, quæ Principibus eiusdem imperij viris atq. adeo Imperij contortibus in matrimonio collocari, & Imperij opibus atque magnificentia frui potuissent, his omnibus speris atq. contemptis, communi mente atq. consilio virginitatem suam Domino consecrauerunt. Quod neutiquam fecissent, nisi celestis Sponsi amor atq. suauitas maiori eas vi ad se, quā tōta huius mundi gloria rapuisset.

Niceph.  
lib. 14.

Sed hæc vetera sunt. Nostro quoque seculo non defuerunt Principes viri, qui & amplam domum, & dignitatē qua potiebantur, in ætate iam matura reliquerunt, eamq. Christi paupertate, & humilis obedientiæ professione commutarunt. Inter quos nobilis quidam adolescens magnificæ domus atq. dignitatis hæres, cuius patrimonium maiores eius, laboribus plus quā Herculeis terra mariq. toleratis promeriti fuerant, summa animi alacritate propter Christum reliquit, & asperissimum monachorum institutum (qui nudis pedibus in arctissima paupertate & asperitate vitam agunt) amplexus est. Neque verò hoc iuuenili ardore atque impetu fecit, sed triennio ante ordinis ingressum, id mēte, cogitatione, & vitæ austeritate sic tractauit, ut parentes huic proposito, paterno amore repugnantes, constantia sua vicerit, eorumq. consensum ad illud vitæ genus impetrauerit. Quanta ergo eorū hominū dementia est, qui harum rerum gratia (quas isti tanta alacritate calcarunt) nullos labores, nulla pericula, nullos bellorum motus, nulla turbulenti maris naufragia formidant, quod sibi posterisq. suis amplū patrimonium parent! Iā verò quoties regnandi libido filios armauit in patres, quodq. maius est, patres armauit in filios, quo sibi regni sedem vsurparent! Quæ tamē omnia isti, inuēta illa pretiola margarita, velut purga-

purgamenta quædam & relectamenta, mira facilitate calcarūt, quæ quidē ex reliquet, quā miserē seculi homines decipiantur, qui ne voluptatibus suis careant, ab hoc cælestis vitæ proposito se subducunt, cum in eo tamen tot sint diuini Spiritus solatia, quæ omnes mundi opes atq. delicias longissimo intervallo superent: quemadmodum est à nobis tum firmissimis rationibus, tum etiam clarissimis exemplis comprobatum.

Quod si quis à me requirat, cur tam pauci sint qui hoc cælestis vitæ institutum amplectantur? Huius tanti mali causam initio esse diximus, rerum diuinarum ignoracionem: quæ facit, vt has tâtas diuinæ gratiæ opes, quas hætenus exposuimus, non agnoscentes, voluptates quibus in hac vita oblectantur, cælestibus illis commutare nolint. A quo errore absunt, qui eas diuini Spiritus beneficio degustarunt. Quæ in re simile quiddam euenire videtur, quod filius Isiaël in secundi templi dedicacione contigit. Iuniores enim, qui prius illud magnificentissimum Salomonis templum non viderant, opere illo absoluto lætabantur; contrā vero senes, qui illud in gloria sua viderāt, lachrymas continere non poterant. Ad hunc ergo modum qui nulla nisi huius mundi gaudia norunt, nihil his esse suauius atque iucundius arbitrantur, at qui diuina illa Spiritus solatia degustarunt, miserandam horū sortem & cæcitatem lamentantur, qui quoniam vera illa, solida, & diuina gaudia nesciunt, sordidis & ludicris mundi gaudiis oblectantur.

Huius autē ignoratiæ causa partim quidem socordia nostra, partim sublimitas & altitudo horum donorum cælestiū existit; quæ ab humana cognitione lōgè remota sunt. Hinc de sapientia ipsa in libro Iob scriptum est: Abscondita est ab oculis omnium viuentiū; etiā volucres cæli (hoc est, sapientes mūdi) later, Quam etiam Saluator in sacra huius diei lectione thesauro abscondito similem esse ait. Verus enim ea thesaurus est, qui veris opibus hominem ditat, sed ab illis tamen neglectus, quoniam absconditus est. De spiritali verò dulcedine & suauitate, quam sapientiæ comitem esse diximus, sic diuinus Vates ait: Quam magna multitudo dulcedinis tuæ, Domine, quam abscondisti timentibus te! Magna quidē ea dulcedo est; quia tamen abscondita est, ab amatoribus voluptatum minimè quæritur, quia ignoratur. Idem etiam illa Domini verba ex Apocal. innuūt, quibus se vincenti suauissimum manna daturum pollicetur; Quod nemo, inquit, scit, nisi qui accipit. Non igitur huius thesauri vilitas, sed socordia & ignorantia nostra in causa est, vt hoc tanto bono homines minimè fruuntur. Verūm de his iam satis.

## III.

Adiungit deinde Dominus tertiam parabolam; qua regnum  
calo-



et aliorum sagenæ missa in mare comparati; quæ bonos & malos pisces intra se recipit: quorum quidem boni in vasis piscatorum reconduntur: mali verò in sterquilinum proijciuntur. Sic erit, ait Dominus, in consummatione seculi. Exibunt Angeli, & separabunt malos de medio iustorum, & mittent eos in caminum ignis: ibi erit fletus & stridor dentium. Ex hac parabola apparet, quanta salutis nostræ cura Saluator teneatur, qui nullum non mouet lapidem, quò nos ad veram salutem & pietatem traducat. In superioribus enim parabolis, thesauri, & pretiosæ margaritæ (quæ duo magnopere ab hominibus desiderantur) nos ad mundi ac terrenarum rerum contemptum inducere voluit, quò his tantis opibus frueremur. Quia verò multi magis pœnarum metu, quàm vilitatis amore commouentur, adiungit protinus horrendas gehennæ pœnas, & fletum, & stridorem dentium, & caminum ignis, in quo perditii homines perpetuò torquendi sunt: vt videlicet pœnæ terreat, quos præmia non inuitant. Nemo enim est (vt D. August. ait) qui non magis laborem fugiat, quàm affligeret voluptatem: quandoquidem videmus immanissimas bestias à maximis exterrei voluptatibus dolorum merui.

August.

Cùm sint autem multa ac varia gehennæ tormenta, hoc in loco de camino ignis præcipuè fit mentio qui humanæ naturæ maximè formidabilis est: quamuis hæc pœnarum maxima non sit (maior enim est diuinæ pulchritudinis beatifica visione perpetuò abdicari) acerbissima tamen ignis, præcipuè sempiterni, pœna est. Cuius consideratione Euseb. Emiss. nos ad timorem Domini, & peccati odium adhortatur his verbis: Illud autem quònam modo trepidus sermo poterit explicare, cùm cõperit inexprimibilem & infectam peccatis medullam sãuis gehennæ aestibus penetrari, & de pascentibus si nimis corpora atq. animæ ex parte consumi, ex parte nutrir; vt inter medios ignium globos damnata natura det pabulum, & accipiat incrementum? vt opus atque figmentum corporis nostri in antiquis sceleribus mortuum, & ad sola tormenta rediuiuum, finem in ipso interitus confinio non inueniat. Illa enim non casualis, sed rationalis & pœnalis exustio, quia culpam iubetur inquirere, substantiam necit absorbere. Hactenus Eusebius. In hunc igitur caminum ignis improbos à felici bonorum cœtu discretos esse detur: bandos Saluator ait; in quo æternum fletum, & stridorem dentium futurum vaticinatur.

Eusebius  
Emiss.  
hom. 1. ad  
Monach.

Hæc ubi dixisset, ad discipulos continuò ait; Intellexistis hæc omnia? Dicunt ei, Etiam. Ait illis: Ideo omnis scriba doctus in regno cælorum similis est homini patrifamilias qui profert de thesauro suo noua & cetera. Cùm nullus apex in litteris sanctis significatione vacet, quæri merito potest; quid hac illationis nota: Ideo, significare Dominus

Mat. 23.

Dominus voluerit. Quomodo enim similitudo consequens, de scriba docto in regno cælorū, cū superioribus, ac præcipue cū ea quæ de sigena in mare missa ponitur, coheret, vt ex altera consequatur? Magna certè & grauissima ratione. Si enim tam magna bona piis proposita sunt (quæ cælestis Magister thesauri ac margarite nomine designauit) cōtrā verò si tam ingens impropis supplicium constitutum est; si illos caminus ignis manet, si flamma: vitrices, si mors immortalis, si pœna sempiterna, si fletus & stridor dentium, si separatio à cœtu & conuentu sanctorū, & relegatio ad tartareas damnatorū regiones; si deniq. hæc res tanta est, vt nullus huius vitæ cruciatus adeò magnus sit, qui cū hoc gehennæ supplicio collatus, non leuissimus, ac penè ludicrus sit: ideo scriba doctus in regno cælorū: cuius munus & officium est, salutaribus monitis atq. doctrinis homines ab hoc tanto periculo eiipere, & ad regnum cælorum dirigere; similis vtq. diuiti patrifamilias esse debet, qui cū penū habeat omni genere escarum refertum, vbi solemne conuiuium instruit, dapēs & pocula omnis generis partim recentia, partim vetera in mensa profert. Ad hunc ergo modum Ecclesiæ doctor pectus habere debet omni sententiarum genere instructum (quas assiduo diuinæ legis studio sibi comparare tenetur) paresq. rei magnitudini, quam tractat spiritus sumens, omnibus rationum machinis hoc negotium vrgcat, nihilq. intentatum relinquat, nullu non moueat lapidem, & quidquid in thesauris diuinarum literarum reconditum est, ad hunc vsum proferat; modò veteris Testamenti terroribus ac minis homines perterrefaciēs, modò noui Testamenti promissis & beneficiis alliciens, atq. omni deniq. ratione illos à scelere ad pietatem, ab interitu ad vitā, à gehennæ incendiis, & camino ignis ad cæleste regnum traducere contendat.


Hæc igitur partes nostræ sunt, fratres, qui ministerium hoc verbi accepimus à Domino Iesu: vestrę verò sunt, vt hæc ipsa quę diximus, dies noctesq. cum animo vestro cogitantes, ante iudicium paretis iustitiam: illud vnum supra omnia curantes, vt ante tribunal illud formidandum, non iudicandi, sed à vobis iudicati appareatis. Quod quidem præstabitis, si præteritæ vitæ maculas pœnitentię lachrymis diluentes, ea tanto studio atque ardore vitare studeatis, vt prius mortem, & extrema omnia pati, quàm mortiferum aliquod crimen admittere parati sitis. Sic enim fiet, vt cū Angeli à iudice missi, malos à bonis seceretere incipiant, illos in caminum ignis præcipitantes, hos autem ad cælestes mansiones deducentes, vos cum felicibus istis ab hoc formidabili ignis camino liberati, ad cælestis glorię felicitatem & requiem perducere mereamini.


*Posterioris de præcipiis Sanctorum festis Tomi finis.*


*Tam bene qui mores SANCTORVM scribit & acta,  
Non hunc SANCTORVM SPIRITVS intus agit?*  
G.G.G.

ANTVERPIAE,  
EX OFFICINA PLANTINIANA,  
APVD VIDVAM ET FILIOS  
IOANNIS MORETI.  
M. DC. XIV.
























Biblioteka Jagiellońska



stdr0030528







DE SAISON